

四庫全書存目叢書編纂委員會編

齊魯書社


四庫全書存目叢書

集部
第三一七冊



責任編輯：孫言誠 賀 偉

ISBN 7-5333-0615-5



9 787533 306151 >

EB29/02

四庫全書存目叢書·集部三一七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

87×1092 毫米 16 開本 48.125 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第三一七冊目次

集部·總集類

唐詩類苑二百卷(二)

〔明〕張之象編
北京大學圖書館藏明萬曆二十九年曹仁孫刻本

.....

唐詩類苑二百卷(二)

〔明〕張之象編

北京大學圖書館藏明萬曆二十九年曹仁

孫刻本

唐詩類苑卷第五十一

明雲間張之象玄超甫纂輯

梁谿安希范小范甫編次

雲間王微叔朗甫補訂

梁谿曹仁孫伯安甫校正

職官部

主簿

送崔主簿赴滄州

李嶠

紫陌追隨日青門相見時宦遊從此去離別幾年期
芳桂中罇酒幽蘭下調悲他鄉有明月千里照相思

唐詩類苑

卷之五十一

一

送蘇主簿赴偃師

張九齡

我與文雄別胡然邑吏歸賢人安下位鷺鳥欲卑飛
激節輕華冕移官徇綵衣美君行樂者從此拜庭闈

送崔主簿赴夏陽

岑參

常愛夏陽縣往年曾再過縣中饒白鳥郭外是黃河
地近行程少家貧酒債多知君新稱意好得奈春何

送諸暨王主簿之任

李益

別愁已萬緒離曲方三奏遠宦一辭鄉南天異風候
秦城歲芳老越國春山秀落日望寒濤公門閉清晝
何用慰相思裁書寄關右

李五席送李主簿歸西臺 韋應物

請告嚴程盡西歸道路寒欲陪鷹隼集猶戀鵠鷄單
洛邑人全少嵩高雪尚殘滿臺誰不故報我在微官

謝李續主簿 王建

館舍幸相近因風及病身一官雖隔水四韻一作是

同人衰卧朦朧曉貧居冷落春少年無不好莫恨滿
頭塵

送汾城王主簿 韋應物

少年初帶印汾上又經過芳草歸時偏情人故郡多
禁鐘春雨細宮樹野烟和相望東橋別微風起夕波

唐詩類苑 卷之五十一 二

送澠池崔主簿 韋應物

邑帶洛陽道年年應此行當時匹馬客今日縣人迎
暮雨投關郡春風別帝城東西殊不遠朝夕待佳聲

夏日題武功姚主簿 朱慶餘

亭午無公事垂簾樹色間僧來茶竈動吏去印牀閑
傍竹行巷當門立看山吟詩老不倦未省話官班

寄孫冲主簿公 張籍

低折滄洲簿無書整兩春馬從同事借妻怕罷官貧
道僻收閑藥詩高笑古人仍聞長吏奏表乞鎖廳頻

江南廻逢趙曜因送任十一赴交城主簿

崔峒

江上長相憶因高北望看不知攜老幼何處度艱難
屈指同人盡傷心故里殘遙憐驅匹馬白首到微官

贈李主簿 周賀

稅時兼主印每日得閑稀對酒妨科吏爲官亦典衣
案遲吟坐待宅近步行歸見說偏論道應愁判是非

送洛陽李主簿 溫庭筠

想君秦塞外因見楚山青樹葉曉迷路枳花春滿庭
祿優仍侍膳官散得專經子敬懷愚谷歸心在翠屏

贈南陵李主簿 曹松

唐詩類苑 卷之五十一 三

外邑官同隱寧勞短吏趨看雲情自足愛酒逸應無
簞席彈碁子衣裳惹印朱仍聞陂水近亦擬棹菰蒲

贈長洲何主簿 韓翃

掛席逐歸流依依望虎丘殘春過楚縣夜雨宿吳州
野寺吟詩入溪橋折筍游到官無一事清靜有諸侯

同郭八題楊主簿新廳 高適

華館曙沉沉惟良正在今用材兼柱石開物象高深
更得芝蘭地兼榮枳棘林向風爲戟戶當署近棠陰

勿改安卑節聊閑理劇心多君有知己一和郢中吟

寄武功姚主簿 賈島

居枕江沱北情懸渭曲西數宵曾夢見幾處得書披
驛路穿荒坂公田帶淤泥靜恭功與妙閑作韻清凄
鋤草畱叢藥尋山上石梯客迴河水漲風起夕陽低
空地苔連井孤村火隔溪捲簾黃葉落鎖印子規啼
隴色澄秋月邊聲入戰聲會須過縣去況是屢招攜

贈別上元主簿張著

韓翃

上書一見平津侯劍劒斜齊秣陵尉朝垂綬帶迎遠
客暮歸時愛呼上吏長樂花深萬井時同官無事有
歸期回鵬對酒三生渚繫馬焚香五願祠日日澄江
帶山翠綠芳都在經過地行人看射領軍堂遊女題
詩光宅寺風流才調愛君偏此別相逢定幾年惆悵
浮雲迷遠道張侯樓上月娟娟

送修縣劉主簿楚

韓翃

起家得事平原侯晚出都門辭舊游草色連綿幾千
里青驪躑躅路傍子花深近縣宿河陽竹映春舟渡
淇水鄴下淹留佳賞新羣公舊日心相親金盤曉餽
朱衣鮒玉簫宵迎翠羽人王程書使前期促他日應
知舉鞭速寒水浮瓜五月時把君香袖長河曲

贈咸陽王主簿

鄭谷

可愛咸陽王主簿窮經盡到昔賢心登科未足酬多

聖執卷猶聞惜寸陰自與山妻春斗粟祗憑隣叟與
孤琴我來賒酒相留宿聽我披衣看雪吟

尉

送人尉閩中

李頎

可嘆芳菲日分爲萬里情閩門折垂柳御苑聽殘鶯
海戎通閩邑江航過楚城客心君莫問春早是王程

送李十一尉臨溪

常建

冷冷花下琴君唱渡江吟天際一帆影預懸離別心
以言神仙慰因致瑤華音回軫撫商調越溪澄碧林

送李郎尉武康

岑參

潘郎腰綬新雪上縣花春山色低官舍湖光映吏人
不須嫌邑小莫卽耻家貧更作東征賦知君有老親

送張子尉南海

岑參

不擇南州尉高堂有老親樓臺重屋氣邑里雜鮫人
海暗三山雨花明五嶺春此鄉多寶玉慎莫厭清貧

送張卿郎君赴硤石尉

岑參

卿家送愛子愁見灞頭春草美青袍色花隨黃綬新
縣西函谷路城北大陽津日暮征鞍去東郊一片塵

送友人尉蜀中

徐晶

故友漢中尉請爲西蜀吟人家多種橘風土愛彈琴

水向昆明濶山連大夏深理閑無別事時寄一詩隨

送袁大祝尉豫章

孟浩然

何幸遇休明觀光來上京將逢武陵客獨送豫章行
隨蹀躞牽黃綬離羣會墨卿江南佳麗地山水舊難名

送裴二虬作尉永嘉

杜甫

孤嶼亭何處天涯水氣中故人官就此絕境與誰同
隱吏逢梅福遊山憶謝公扁舟吾已就把釣待秋風

送陸三出尉

錢起

春草晚來色東門愁送君盛才仍下位明代負奇文
且樂神仙道終隨鷺鷥羣梅生寄黃綬不日在青雲

唐詩類苑

卷之五十一

六

送嚴維尉諸暨

嚴即越州人

劉長卿

愛爾文章遠還家印綬榮退公兼色養臨下帶鄉情
喬木映官舍春山宜縣城應憐釣臺石閑却爲浮名

送龐百篇之任青陽縣尉

張喬

都堂公試日詞翰獨超羣品秩台庭與篇章聖主聞
鄉連三楚樹縣對九華雲多少青門客臨岐共羨君

送縉雲尉

張嶺

釋褐從仙尉之官興若何去程唯水石公署在雲蘿
野飯樓中迥晴山案上多三年罷趨府應更賦高村

送黎燧尉陽翟

盧綸

玉貌承嚴訓金聲稱上才列筵青草偃驟馬綠楊開
潯縣花添發梅家鶴暫來誰知望恩者空逐路人迴

送姨弟裴均尉諸暨

此子先君元和相舊判官

盧綸

相悲得成長同是外家恩舊業廢三畝弱年承一門
城開山口早吏散渚禽喧東園謬容止予心君冀言

送元昇尉義興

盧綸

欲成雲海別一夜夢天涯白浪緣江雨青山繞縣花
風標當劇步冠帶稱儒家去矣謝親愛知予髮已華

寄陸渾縣尉李景先

姚合

唐詩類苑

卷之五十一

七

微俸應一作還同請唯君獨自閑地偏無驛路藥賤管
仙山月色生松裏泉聲在石間吟時復飲酒何事共
相關

送韋整尉長沙

張祐

遠遠長沙去憐君利一官風帆彭蠡疾雲水洞庭寬
木提蔬東江烏接飯九莫言早濕地未必乏新歡

送沈下賢謫尉南康

張祐

秋風江上草先是客心摧萬里故人去一行新鴈來
山高雲緒斷浦迴日波頽莫怪南康遠相思不可裁

春日長安送從弟尉吳縣

李嘉祐

春愁能浩蕩送別又如何人向吳臺遠驚飛漢苑多
見花羞白髮因爾憶滄波好是神仙尉前賢亦未過

送豐都李尉

李商隱

萬古商於地憑君泣路岐固難尋綺季可得信張儀
雨氣燕先覺葉陰蟬遽知望鄉尤忌晚山晚更參差

送趙給事姪尉升陽

李端

太傅憐羣從門人亦賤回入官先愛子賜酒許同杯
淮海春多雨蒹葭夜有雷遙知拜慶後梅尉稱仙才

題宋崇西平王宅太尉愬院六韻

杜牧

唐詩類苑 卷之五十一

八

天下無雙將關西第一雄授符黃石老學劍白猿翁

矯矯雲長勇恂恂郗縠風家呼小太尉國號大梁公

太尉季弟司徒德亦封梁國公半夜龍驤去中原虎穴空隴山兵十

萬嗣子掘瑯弓今鳳翔李尚書太尉長子

王夫子

白居易

王夫子送君爲一尉東南三千五百里道途雖遠位

匪卑月俸猶堪活妻子男兒口讀古人書束帶飲手

來從事近將徇祿給一家遠則行道佐時理行道佐

時須待命委身下位無爲耻命苟未來且求食官無

高卑及遠邇男兒上旣未能濟天下下又不至饑寒

死吾觀九品至一品其間氣味都相似紫綬朱紱青
布衫顏色不同而已矣王夫子別有一事欲勸君遇
酒逢春且歡喜

仁和里雜敘皇甫湜

湜新尉陸渾

李賀

大人乞馬癯廼寒宗人貧宅荒厥垣橫庭鼠逕空土

漚出籬大棗垂珠殘安定美人截黃綬脫落纓裾暝

朝酒還家白筆未上頭使我清聲落人後枉辱稱知

犯君眼排引纔陞強絙斷洛風送馬入長關闔扇未

開逢僕大那知堅都相草草客枕幽單看春老歸來

骨薄面無膏疫氣衝頭鬢莖少欲雕小說干天官宗

唐詩類苑 卷之五十一

九

孫不調爲誰憐明朝下元復西道崆峒斜別長如天

別汜水縣尉

韓翃

未央宮殿金開鑰詔引賢良捲珠箔花門賜食近丹

墀煙裏揮毫對青閣萬年枝影轉斜光三道先成君

激昂谷未直言身不顧却詵高地轉名香綠槐陰陰

出關道上有蟬聲下秋草奴子平頭駿馬肥少年白

皙登王畿五侯客舍偏留宿一縣人家爭看歸南向

千峯北臨水佳期賞地應窮此賦詩或送鄭行人舉

酒常陪魏公子自憐寂寞會君稀猶着前時博士衣

我欲低眉問知己若將無用廢東歸

送孫十尉溫縣

錢起

飛花落絮滿河橋，千里傷心送客遙。
不惜芸香染黃綬，惟憐鴻羽下青霄。
雲衢有志終驤首，吏道無媒且折腰。
急管繁絃催一醉，頽陽不駐引征鑣。

送嚴維尉河南

錢起

蕙葉青青花亂開，少年趨府下蓬萊。
甘泉未厭楊雄賦，吏道何勞賈誼才。
征陌獨愁飛蓋遠，離筵只惜暎鐘催。
欲知別後相思處，願植瓊枝向柏臺。

孟少府新除江南尉問風俗

郎士元

唐詩類苑

卷之五十一

十一

聞君作尉向江潭，吳越風煙到自諳。
客路尋常隨竹影，人家大底傍山嵐。
綠溪花木偏宜遠，避地衣冠盡向南。
惟有夜猿啼海樹，思鄉望國意難堪。

開成中執政惡溫庭筠擾場屈黜隨州縣尉

送之以詩

紀唐夫

何事明時泣玉頻，長安不見杏園春。
鳳皇詔下雖霑命，鸚鵡才高却累身。
且飲綠醪消積恨，莫辭黃綬拂行塵。
方城若比長沙路，猶隔千山與萬津。

押衙

送崔押衙相州

項仕內黃令

韋應物

禮樂儒家子，英豪燕趙風。
驅鷄管理邑，走馬却從戎。
白刃千夫闢，黃金四海同。
嫖姚恩顧下，諸將指揮中。
別路怜芳草，歸心伴塞鴻。
鄴城新騎滿，魏帝舊臺空。
望闕應懷戀，遭時貴立功。
萬方如已靜，何處欲輸忠。

贈河東虞押衙二首

宋廣公孫

許渾

長劍高歌換素衣，君恩未報不言歸。
舊精一作鳥篆諸書體，新授龍韜識戰機。
萬里往來流馬瘦，十年離別故人稀。
平生志氣何人見，空上危樓望落暉。

吳門風水落萍流，月滿花開懶獨游。
萬里山川分曉夢，四鄰歌管送春愁。
昔年顧我長青眼，今日逢君盡白頭。
莫向樽前更惆悵，古來投筆總封侯。

唐詩類苑

卷之五十一

十一

錄事

送崔錄事赴宣城

高適

大國非不理，小官皆用才。
欲行宣城印，住飲洛陽杯。
晚景為人別，長天無鳥迴。
舉帆風波渺，倚棹江山來。
羨爾兼乘興，蕪湖千里開。

送王錄事卻歸華陰王錄事自華陰尉授號

州錄事參軍旬日却復舊官

岑參

相送欲狂歌其如此別何攀轅人共惜解印日無多
仙掌雲重見關門路再過雙魚莫不寄縣外是黃河

送馮著受李廣州署為錄事

韋應物

靜憐楊柳枝蕭蕭征馬悲送君灞陵岸糾郡南海湄
名在翰墨場羣公正追隨如何從此去千里萬里期
大海吞東南橫嶺隔地維建邦臨日域溫燠御四時
百國共臻奏珍奇獻京師富豪虞興戎繩墨不易持
州伯荷天寵還當羽丹墀子為門下生終始豈
見遺所顧酌貪泉心不為磷緇上將玩國士下以報
唐詩類苑 卷之五十一 十一

渴饑

送柳錄事赴梁州

岑參

英掾柳家郎離亭酒甕香折腰思漢北隨傳過巴陽
江樹連官舍山雲到卧牀知君歸夢積來去劍川長

送王七錄事赴虢州

岑參

早歲即相知嗟君最後時青雲仍未達白髮欲成絲
小店關門樹長河華岳祠弘農人吏待莫使馬行遲

送虢州王錄事之任

獨孤及

謂子文章達當年羽翼高一經俄白首三命尚青袍
未遇須臾藏器安卑莫告勞盤根儻相值試用發劖刀

題元錄事開元所居

劉長卿

幽居羅薛情高卧紀綱行鳥散秋鷹下人閑春草生
冒嵐歸野寺收印出山城今日新安郡因君水更清

送宣城路錄事

韋應物

江上宣城郡孤舟遠到時雲林謝家宅山水敬亭祠
綱紀多閑日觀遊得賦詩都門且盡醉此別數年期

送壽州陳錄事

韓翃

壽陽南渡口欽笏見諸侯五雨楚雲暮千家淮水秋
開廉對芳草送客上春洲請問山中桂王孫幾度遊

送宣州周錄事

韋應物

清時重儒士糾郡屬伊人薄遊長安中始得一交親
英豪若雲集餞別塞城闌高駕臨長路日夕起風塵

方念清宵宴已度芳林春從茲一分手緬邈吳與秦
但覩年運駛安知後會因唯當存令德可以解悵勤

送李錄事赴饒州

皇甫冉

北人南去雪紛紛鴈叫汀沙不可聞積水長天隨遠
道荒城極浦足寒雲山從建業千峯遠江至潯陽九

派分借問督郵纔弱冠府中年少不如君

送濮陽錄事赴忠州

李端

成名莫嘆雙旌遠主印還為一郡雄赤葉黃花隨野

岸青山白水映江楓
巴人夜話孤舟裏
越鳥春啼翠壑中
聞說古書多未校
肯令才子久西東

送婺州許錄事

方干

之官便是還鄉路
白日堂堂著錦衣
八詠遺風資逸興
二毛寒色助清威
曙星沒盡提綱去
與角吹殘鎖印歸
笑我中年更愚僻
醉醒多在釣魚磯

從事

寄狄一作

拾遺時魏從事

姚合

少在兵馬間
長還擊戎職
鷄飛不得遠
豈要羽生翼
三年城中遊
與君最相識
應知我裏腸
不苟念衣食

唐詩類苑

卷之五十一

西

主人樹勳名
欲滅天下賊
愚雖乏智謀
願陳一夫力
人生須氣健
饑凍縛不得
睡當一席寬
覺乃千里窄
古人不懼死
懼死無一息
至交不可合
一合難離折
君嘗想勸勉
苦語毒胸臆
百年心知聞
誰恨河南北

南康郡牧陸肱郎中辟許棠先輩為郡從事

因有寄贈

鄭谷

末路思前難
猶為戀故巢
江山多勝境
賓主是貧交
飲舫閑依葦
琴堂雅結茅
夜清僧伴宿
水月在松梢

送左協律京西從事

曹松

辟書來幾日
遂喜就嘉招
猶向風沙淺
非干甸服遙

時平無探騎
秋靜見盤鵬
若遣關中使
煩君問寂寥

送魏校書赴夏口從事

鄭巢

西風吹遠蟬
驛路在雲邊
獨夢諸山外
高談大旆前
夜燈分楚塞
秋角滿湘船
郡邑多巖竇
何妨更學仙

送衡州薛從事

鄭巢

吟去望雙旌
滄洲晚氣清
遙分高岳色
出遠蟬聲
楚霽雲連寺
湘寒浪浸城
孤猿不可聽
一聽白髭生

送皇甫協律淮南從事

馬戴

辟書丞相草
招作廣陵行
隋柳疎淮岸
汀洲接海城
楚檣經雨泊
煙月隔潮生
誰與同樽俎
鷄鸞集虎營

唐詩類苑

卷之五十一

五

送李侍御福建從事

馬戴

晉安來越國
蔓草故宮迷
釣渚龍應在
琴臺鶴亂栖
泛濤明月廣
邊海衆山齊
賓府通蘭棹
蠻僧接石梯

片雲和瘴濕
孤嶼映帆低
上客多詩興
與秋猿足夜啼

送從叔重赴海南從事

馬戴

又從連帥請
還作嶺南行
窮海何時到
孤帆累月程
亂蟬吟暮色
哀狄落秋聲
晚路潮波起
寒葭霧雨生

沙埋銅柱沒
山簇瘴雲平
念此別離苦
其如宗從情

送韓校書江西從事

馬戴

出關寒色盡
雲夢草生新
鴈背岳陽雨
客行江上春

遙程隨水閣枉路倒帆頻夕照臨孤館朝霞發
湖山潮半隔郡壁岸斜隣自此鍾陵道裁書一作有
故人

所知從事近藩偶有懷寄 鄭谷

官舍種莎僧對榻生涯如在舊山貧酒醒草檄聞殘
漏花落移厨送晚春水墨畫松清睡眼雲霞仙髻掛
吟身霜臺伏首思歸切莫把漁竿逐逸人

寄台州孫從事 方干

聖世科名酬志業仙川秀絕助神機梅真入仕提雄
筆阮瑀從軍著綵衣晝寢不知山雪積春遊應趣夜
唐詩類苑 卷之五十一 去一

潮歸相思莫訝音書晚鳥去猶須疊石飛

宋從事 方干

出衆仙才是謫仙裁霞曳繡一篇篇雖將潔白酬知
已自有風流助少年欹枕卧吟荷葉雨持杯坐醉菊
花天冥搜太苦神應乏心在虛無更那邊

吳門送振武李從事 許渾

晚促離筵醉玉缸伊州一曲淚雙雙欲攜刀筆從新
幕更宿煙霞別舊牕胡馬近秋侵紫塞吳帆乘月下
清江嫖姚若許傳書檄坐築三城看受降

魯中送從事歸滎陽 韓翃

故園衰草帶榮波歲晚知如君思何輕索歸時魯編
蒲寒衣縫處鄭綿多萬人都督鳴驕送百里邦君枉
騎過累路盡逢知已在曾無對酒不高歌

寄黔中王從事 羅隱

故人刀筆是軍書南轉黔江半月餘別後鄉閭情幾
許近來詩酒興何如貪將醉袖矜鷺谷不把瑤絨附
鯉魚今日舉觴親莫問生涯牢落鬢蕭疎

大梁從事居汜水 羅隱

前年帝里從行塵記得仙家第四人泉暖舊諳龍偃
息露寒初見鶴精神歌聲上塢梁園晚夢遠殘鐘汜
唐詩類苑 卷之五十一 去一

水春知有篋中編拾在只應從此是經綸

寄渭北徐從事 羅隱

暖雲慵墮柳垂條驄馬徐郎過渭橋官秩舊參荀秘
監罇壘今伴霍嫖姚料隨鵠箭頻曾中禮向侯弓以
重昭黃恨東風促行李不多時節却歸朝

送秦州從事 羅隱

一枝何足解人愁拋却還隨定遠侯紫陌紅塵今別
恨九衢雙闕夜同遊芳時易失勞行止良會唯期且
駐留若到邊庭有來使試批書尾話梁州

寄邊上從事 黃滔

斜日下孤城長吟出點兵羽書和客卷邊思雜詩情
朔雪定鴻翼西風嚴角聲吟餘多獨坐沙月對樓生
掾

貽王侍御出臺掾丹陽

儲光義

高高琅琊臺臺下生菌簾照車十二乘光彩不足數
既當少微星復隱南山霧金丘華陽下仙伯養晦處
茅茨對三峯梧桐開一路神溪繞臯陸樵牧自成趣
時登青冥遊若從天江度墟里獻薇蕨羣公環衣縷
深沉復清淨偃仰視太素猛獸識賓僕頽然知早暮
峨峨雲龍開忽有方伯遇達人無不可壯志且馳驚

唐詩類苑

卷之五十一

八

融泄長鷄鳴續紛大鵬翮赤墀高前另一見如三顧
禮服正邦祀刑冠肅王度三辰明昭代光啓玄元祚
章臺收杞梓太液滿鸛鷺豐澤耀純仁八方晏黔庶
沉沉閭闔起殷殷蓬萊曙旌戟儼成行鷄人傳發煦
翔翼一如鶚百辟莫不懼清廟奉蒸嘗靈山扈鸞輅
天街時蹴踘直指讌桂桓四月純陽初雷雨始奮豫
逆星孛皇極鐵鎖靜天步鄴鎬舒曜靈于戈藏武庫
折檠增廣運直道有好惡迴跡清憲臺傳騎東南去
列城異疇昔近餞寡徒御纏綿西關道婉孌新豐樹
伊洛不敢息淮河任汭汭鄉亭茱萸津先後非疏附

炎時方怵惕有若踐霜露惆悵長岑長寂寞梁王傳

紛吾家延州結友在童孺岑陽沐天德邦邑持民務

躑躅望朝陰如何復論誤牙曠三千里擊轅非所慕

秋濤聯滄溟舟楫湊北固江汜日綿眇朝夕空寐寤

中洞松栝新東臯阡陌故餘輝方焜耀可以歡邑聚

南華在濠上誰辨魏王瓠登陟芙蓉樓爲我詩一賦

送蜀郡李掾

岑參

飲酒俱未醉一言聊贈君功曹善爲政明主還應聞
夜宿劍門月朝行巴水雲江城橘花發滿道香氣氤

贈陝掾梁寵

賈至

唐詩類苑

卷之五十一

九

見人部贈

唐詩類苑卷第五十二

明雲間張之象玄超甫纂輯

梁谿安希范小范甫編次

雲間王 徹叔朗甫補訂

梁谿曹仁孫伯安甫校正

治政部

寵錫

賜諸州刺史以題座右 玄宗

開元十六年帝自擇廷臣爲諸州刺史吏部侍郎許景先治號州大理卿源光裕鄭州兵部侍郎冠

唐詩類苑 卷之五十二

、泚宋州禮部侍郎鄭溫琦邠州大理少卿袁仁恭

杭州鴻臚少卿崔志廉襄州衛尉少卿李昇期邢

州大僕少卿鄭放定州國子司業蔣挺湖州左衛

將軍裴觀滄州衛率崔誠遂州凡十一人治行詔

宰相諸王御史以上祖道洛濱盛供具奏太常樂

帛舫水嬉命高力士賜詩令題座右帝親書且給

紙筆令自賦資絹三千遺之

眷言思共理鑑古想維良猗歟此推擇評績著周行
賢能既俟進黎獻實佇康視人當如子愛人亦如傷
講學試誦論阡陌勤耕桑虛譽不可飾清知不可忘

求名迹易見安貞德自彰訟獄必以情教民貴有常
恤憚且存老撫弱復綏強勉哉各祗命知予眷萬方
奉和聖製賜諸州刺史以題座右

張說

文明遍禹迹鰥寡達堯心正在親人守能令王澤深
朝廷多秀士鎔鍊比精金犀節同分命熊軒各外臨
聖主賦新詩令君聽薰琴先言教爲本次言則是欽
三時農不奪午夜犬無侵願使天宇內品物遂浮沈
寄情群飛鶴千里一揚音共躡華胥夢冀黃安足尋
奉和聖製賜諸州刺史以題座右

唐詩類苑 卷之五十二

張九齡

聖人合天德洪覆在元元每勞蒼生念不以黃屋尊
興化俟群辟擇賢守列藩得人此爲盛咨嶽今復存
降鑒引若道慙慙啓政門容光無不照有象必爲言
成憲知所奉政理歸其根肅肅稟玄猷煌煌戒朱軒
豈徒任遇重兼爾宴錫繁載聞勵臣節持荅明主恩

賜蕭瑀詩

太宗

貞觀九年四月以光祿大夫蕭瑀爲特進復令修
預政事太宗曰武德六年以後高祖有廢立之心
而未定我不爲兄弟所容實有功高不賞之懼斯

人也不可以利誘不可以死脅真社稷臣也因賜是詩又謂瑀曰卿之忠直古人不過然善惡太明亦有時而失瑀再拜謝魏徵曰瑀違衆孤立唯陛下知其忠勁彞不遇聖明求免難矣

疾風知勁草昏日辨誠臣勇夫安識義智者必懷仁

賜房玄齡

太宗

太液仙舟迴西園隱上才未曉征車度鷄鳴關早開

同望幸新亭賜錢公宴

李愷

感夢通玄化覃恩降紫宸賜錢開漢府分帛醉堯人

地隔朝宗慶亭臨卜洛新行看廣雲雨二月次東巡

唐詩類苑

卷之五十一

三

賜王公千秋鏡

玄宗

鑄得千秋鏡光生百鍊金分將賜群后遇象見清心

臺上冰華澈窻中月影臨更銜長綬帶留意感人深

奉和聖製賜王公千秋鏡應制

張說

寶鏡頒神節凝規寫聖情千秋題作字長壽帶爲名

月向天邊下花從日裏生不知懸象意誰辨照心明

奉和敕賜公主鏡

席豫

令節頒龍鏡仙輝下鳳臺含靈萬象入寫照百花開

色與皇明散光隨聖澤來妍媸冰鑑裏從此愧非才

左丞相張說右丞相宋璟太子少傅源乾曜

同日上官命宴都堂賜詩

玄宗

赤帝收三傑黃軒舉二臣由來丞相重分掌國之均

我有握中璧雙飛席上珍子房推道要仲子訝風神

復轍台衡老將爲調護人鷄鸞同拜日車騎擁行塵

樂聚南宮宴觴連北斗醇俾予成百揆垂拱問晏倫

奉和御製說與宋璟源乾曜同日上官命宴

都堂賜詩

張說

大塊鎔群品輕生偶聖時猥承三仕命虛忝百僚師

唐詩類苑

卷之五十二

四

右揆謀華碩前星傳重資連蹇求舊禮濫點樂賢詩

賜釜同榮拜揆金宴宰司菊花吹御酒蘭葉捧天詞

寶曆休明盛頌年晷漏衰少留青史筆未敢赤松期

奉和御製璟與張說源乾曜同日上官命宴

都堂賜詩

宋璟

丞相邦之重非賢諒不居老臣庸且憊何德以當諸

厚秩先爲忝崇班復此除太常陳禮樂中掖降簪裾

聖酒江河潤仙文象緯舒冒恩懷寵錫陳力省空虛

郭隗慙無駿馮驩愧有魚不知周勃者榮幸定何如

奉和御製乾曜與張說宋璟同日上官命宴

都堂賜詩

源乾曜

睿作超千古湛恩育萬人遞遷俱荷澤同拜忽爲鄰
道合徽音暢芳馳景命新鼓鐘崇享禮鵷鷺集朝倫
竊位思官謫雕容謝木春慙多無以叙拙備實難陳
進綬懷三少承光盡百身自當歸第日何幸列宮臣

奉和御製左丞相張說右丞相宋璟太子少

傅源乾曜同日上官命宴都堂賜詩

宇文融

中甫生周日宣慈舉舜年何如偶昌運比德邁前賢
寵護元良密榮瞻端揆遷職優三事老位極百僚先

唐詩類苑

卷之五十二

五

北極迴宸渥南宮飾御筵飛文瑤札降賜酒玉杯傳
謬列台衡重俱承雨露偏誓將同竭力相與効塵涓

奉和御製左丞相張說右丞相宋璟太子少

傅源乾曜同日上官命宴都堂賜詩

蕭嵩

審官思共理多士屬惟唐歷選台庭舊來熙帝業昌
入朝師百辟論道協三光垂拱資元老親賢輔少陽
登庸崇禮送寵德耀宸章御酒飛觴洽仙闈雅樂長
荷恩思有報陳力愧無良願罄公忠節同心奉我皇
奉和御製左丞相張說右丞相宋璟太子少

傅源乾曜同日上官命宴都堂賜詩

裴光庭

樂賢聞往誥褒德偶茲辰端揆升元老師謀擇累仁
紫庭崇讓畢粉署禮容陳旣荷恩榮舊俱承寵命新
天文懸瑞色聖酒汎華茵維陳蕭鼓歡娛洽縉紳
掖垣招近侍虛薄廁清塵共保堅貞節當期雨露均

奉和陽城郡王太夫人恩命加鄧國太夫人

杜甫

衛幕銜恩重潘輿送喜頻濟時瞻上將錫號戴慈親
富貴當如此尊榮邁等倫郡依封土舊國與太名新

唐詩類苑

卷之五十二

六

紫詰鸞回紙清朝燕賀人遠傳冬笋味更覺彩衣春
奕葉班姑史芬芳孟母鄰義方兼有訓詞翰兩如神
委曲承顏體鸞飛報主身可憐忠與孝雙美畫麒麟

恩賜耆老布帛

崔樞

殊私及耆老聖德振黎元布帛忻天賜生涯作主恩
情均皆挾續禮異賁丘園慶洽時方泰仁沾月告存
翼知酬雨露空識荷乾坤擊壤將何幸徘徊望九門

恩賜耆老布帛

李絳

渙汗中天發殊私海外存衰顏逢聖代華髮受皇恩
濁物明堯日垂衣闢禹門惜時悲落景賜帛慰餘魂

厚澤沾翔泳微生保子孫盛明今尚齒歎奉九衢躋

奉和翁文堯十九員外中謝日蒙恩賜金紫

之什

黃滔

面蒙君賜自龍墀誰是還鄉一襲衣三品易懸鱗鬣

赫八絳展起絳章飛象爲勝事垂千古題作新詩啓

七微嚴助買臣精魄在定應羞着昔年歸

謝賜珍珠

梅妃

梅妃善屬文最爲明皇所幸嘗作簫蘭梨園梅花

鳳笛剪刀綺窻八賦時傳誦馬會太真楊氏入侍

寵愛日奪後遷於上陽東宮妃益怨慕作樓東賦

唐詩類苑

卷之五十二

七

以寄意帝每念之時在花萼樓有夷仗貢珍珠者

至命封一斛密賜妃妃不受以詩付使者曰爲我

進御前也上覽詩悵然不樂令樂府以新聲度之

號一斛珠曲名蓋始于此

桂葉雙眉久不橫殘妝和淚濕紅綃長門盡日無梳

洗何必珍珠慰寂寥

敕賜百官櫻桃

王維

芙蓉闕下會千官紫禁朱櫻出上闌總是寢園春薦

後非關御苑鳥銜殘歸鞍競帶青絲籠中使頻傾赤

玉盤飽食不須愁內熱大官還有蔗漿寒

敕賜百官櫻桃

崔與宗

未央朝謁正逶迤天上櫻桃錫此時朱實初傳九華

殿繁花舊雜萬年枝未勝晏子江南橘莫比潘家大

谷梨聞道令人好顏色神農本草自應知

貢獻

越裳貢白雉

丁仙芝

見祥異部白雉

惜別行送向卿進奉端午御衣之上都

杜甫

肅宗昔在靈武城指揮猛將收咸京向公泣血灑行

唐詩類苑

卷之五十三

八

殿佐佑卿相乾坤平逆胡冥冥隨煙燼卿家兄弟功

名震麒麟閣盡鴻鴈行紫極出入黃金印尚書勳業

超千古雄鎮荊州繼吾祖裁縫雲霧成御衣拜跪顯

封賀端午向卿將命寸心赤青山落日江潮白卿到

朝廷說老翁漂零已是滄浪客

杜侍御送貢物戲贈

張謂

銅柱朱崖道路難伏波橫海舊登壇越人自貢珊瑚

樹漢使何勞獬豸冠疲馬山中愁日晚孤舟江上畏

春寒由來此貨稱難得多恐君王不忍看

送內使周大夫自杭州朝貢

羅隱

八都上將近平戎便附輶軒奏聖聰三變御前朝
禮一函江表戰征功雲間闕何時見水底瑤池觸
處通知有殿庭餘力在莫辭消息寄西風

除授

酬周判官巡至始興會改秘書少監見貽之

作兼呈耿廣州

張九齡

惟昔遷樂土迨今已重世陰慶荷先德素風慙後裔
唯益梓桑恭豈慕山川麗于時初自勉揆已無兼濟
瘠土資勞力良書啓蒙蔽一探石室文再擢金門第

唐詩類苑

卷之五十二

九

既起南宮草復掌西掖制過舉及小人便蕃在中歲
亞河海秩轉牧江湖蒞勿謂符竹輕但覺涓塵細
一麾尚云忝十駕宜求稅心息已如灰跡牽且爲聲
忽捧天書委將革海隅弊朝聞循誠節夕飲蒙瘴屬
義疾耻無勇盜憎攻亦銳葵藿是傾心豺狼何反噬
履險甘所受勞賢恩相曳攬轡但荒服循垓便私第
嘉慶始獲中恩華復尤繼無庸我先舉同事君猶滯
當推奉使績且結拜親契更延懷安旨曾是慮危際
善謀雖若茲至理焉可替所伏有神道况承明主惠
奉和韋判官獻侍郎叔除河東採訪使

儲光義

天卿小冢宰道大名亦大醜正在權臣建旗千里外
楚山俯江漢汴水連譙沛兩持方伯珪再轉諸侯蓋
恬憺輕黜陟優游逸千載乾象變台衡群賢盡交泰
車來股肱郡河嶽即襟帶盛德滋冀方仁風清汾滄
四封盡高足相府輶車最超超青雲器婉婉竹林會
賤士敢知言成頌文明代燕雀依大厦期之保貞悔

再授賓客分司

白居易

優穩四皓官清崇三品列伊予再塵忝內愧非才哲
俸錢七八萬給受無虛月分命在東司又不勞朝謁

唐詩類苑

卷之五十三

十

既資閒養疾亦賴慵藏拙賓友得從容琴觴恣怡悅
乘籃城外去繫馬花前歇六遊金谷春五看龍門雪
吾若默無語安知吾快活吾欲更盡言復恐人豪奪
應爲時所笑古惜分司闕但問適意無豈論官冷熱
初授拾遺

白居易

奉詔登佐掖束帶參朝議何言初命卑且脫風塵吏
杜甫陳子昂才名括天地當時非不遇尚無過斯位
況予寒薄者寵至不自意驚近白日光慙非青雲器
天子方從諫朝廷無忌諱豈不思匪躬適遇時無事
受命已旬月飽食隨班次諫紙忽盈箱對之終自愧

初授戶曹喜而言志

白居易

詔授戶曹掾捧詔感君恩感恩非爲己祿養及吾親
弟兄俱簪笏新婦儼衣巾羅列高堂下拜慶正紛紛
俸錢四五萬月可奉晨昏廩祿二百石歲可盈倉囷
喧喧車馬來賀客滿我門不以我爲貪知我家內貧
置酒延賀客客容亦懽笑云今日後不復憂空罇
答云如君言願君少逡巡我有平生志醉後爲君陳
人生百歲期七十有幾人浮榮及虛位皆是身之賓
唯有衣與食此事粗關身苟免饑寒外餘物盡浮雲
和樂天初授戶曹喜而言志

唐詩類苑

卷之五十二

十一

元稹

王爵無細大得請卽爲恩君求戶曹掾貴以祿奉親
聞君得所請感我欲沾巾今人重軒冕所重華與紛
矜誇仕臺閣奔走無朝昏君衣不盈篋君食不滿囷
君言養既薄何以榮我門披誠再三請天子憐儉貧
詞曹直文苑捧詔榮且欣歸來高堂上兄弟羅酒罇
各稱千萬壽共飲三四巡我實知君者千里能具陳
感君求祿意求祿殊衆人上以奉顏色餘以及親賓
棄名不棄實謀養不謀身可憐白華士永願凌青雲
聞裴拙襄州司戶除豫州司戶因寄

孟浩然

故人荆河掾尚有栢臺威移職自樊衍芳聲聞帝畿
共子臥林巷載酒訪柴扉松菊無君賞鄉園懶欲飛
授太子賓客歸洛

白居易

南省去拂衣東都來掩扉病將老齊至心與身同歸
白首外緣少紅塵前事非懷哉紫芝叟千載心相依
喜錢左丞再除華州以詩伸賀

白居易

左轄輟中臺門東委上才彤襜經宿到絳帳及春開
民望懇難奪天心慈易迴那知不隔歲重借冠恂來

唐詩類苑

卷之五十二

十二

袁訓路五郎中新除工部員外見贈

李嘉祐

一門同秘省萬里作長城問絹蓮花府揚旌細柳營
詞鋒偏却敵草奏直論兵何幸新詩贈甘輪小謝名
劉補闕自九華山拜官因以寄獻

張喬

冥鴻久不群徵拜動天文地主迎過郡山僧送出雲
登車殘月在宿館亂流分若更思林下還須共致君
送吉中孚拜官歸業

李端

南入華陽洞無人古樹寒吟詩開舊訣帶綬上荒壇

病求歸易霑恩隱更難孟宗應獻鮓家近守漁官

初除拾遺酬丘二十二見寄

一作初拜命酬丘丹見贈

崔峒

江海久垂綸朝衣忽挂身丹墀初謁帝白髮免羞人
才愧文章士名當諫諍臣空餘薦賢力不敢負交親

暮春自南臺丞再除給事中仍是本廳几榻

杖履宛然如舊

薛存誠

再入青鎖闥忝官誠自非拂塵驚物在開戶似僧歸
積草漸無逕殘花猶灑衣禁垣偏日近行坐是恩輝

和元少尹新授官

白居易

唐詩類苑

卷之五十二

十三

官穩身應泰春風信馬行縱忙無苦事雖病有心情
厚祿飽孫飽前驅道路榮花時八十直無暇賀元兄

自考功員外授給事中

沈佺期

南省推丹地東曹貴瑣闥惠移雙管筆恩降五時衣

出入宜真選遭逢每濫飛器慚公理拙才謝子雲微

案牘遺常禮朋僚隔等威上台行揖讓中禁動光輝

旭日千門起春初入舍歸贈蘭聞宿昔譚樹隱芳菲

何幸鹽梅處惟憂對問機省躬知任重寧止冒榮非

覽栢中丞兼子姪數人除官制詞因述父子

兄弟四美載歌繚綸

杜甫

然喪亂際見此忠孝門蜀中寇亦甚栢氏功彌存

深誠補王室戮力見元昆三止錦江沸獨清玉壘昏

高名入竹帛新渥照乾坤子弟先卒伍芝蘭壘與璠

同心注師律灑血在戎軒絲綸實具載紱冕已殊恩

奉公衆骨肉誅叛經寒溫金甲雪猶凍朱旗塵不翻

每聞戰塲說歔激懦氣奔聖主國多盜賢臣官則尊

方當節鉞用必絕侵軼根吾病日迴首雲臺誰再論

作歌挹盛事推轂期孤騫

承沈八丈東美除膳部員外阻雨未遂馳賀

奉寄此詩

杜甫

唐詩類苑

卷之五十二

十四

今日西京掾多除南省郎通家惟沈氏謁帝似馮唐

詩律群公門儒門舊史長清秋便寓直列宿頓輝光

未暇申安慰含情空激揚司存何所比膳部默悽傷

貧賤人事略經過霖潦妨禮同諸父長恩豈布衣忘

天路牽騏驎雲臺引棟梁徒懷貢公喜颯颯鬢毛蒼

秦州見敕目薛三璩授司議郎畢四曜除監

察與二子有故遠喜遷官兼述索居三十

韻

杜甫

大雅何寥濶斯人尚典刑交期余潦倒材力爾精靈

二子陞同日諸生同一經文章開突奧遷擢潤朝廷

舊好何由展新詩更憶聽別來頭併白相見眼終青
伊昔貧甚同憂心不寧棲遑分半菽浩蕩逐流萍
俗態猶猜忌妖氛忽杳冥獨慙投漢閣俱議哭秦庭
還蜀祇無益囚梁亦固扁華夷相混合宇宙一羶腥
帝力收三統天威總四溟舊都俄望幸清廟肅惟馨
維種雖高壘長驅甚建瓴焚香淑景殿漲水望雲亭
法駕初還日群公若會星宮臣仍點染柱史正零丁
官忝趨棲鳳朝回歎聚螢喚人看驥裏不嫁惜娉婷
掘劍知埋獄提刀見發矜休儒應共飽漁父忌偏醒
旅泊窮清渭長吟望濁涇羽書還似急烽火未全停

唐詩類苑

卷之五十二

五

師老資殘寇戎生及近坳忠臣辭憤激烈士涕飄零
上將盈邊鄙元勳溢鼎銘仰思調玉燭詎定握青萍
隴俗輕鸚鵡原情類鵲鴿秋風動關塞高臥想儀形

六十拜河南尹

白居易

六十河南尹前途足可知老應無處避病不與人期
幸遇芳菲日猶當強健時萬金何假藉一盞莫推辭
流水光陰急浮雲富貴遲人間若無酒盡合鬢成絲

自江州司馬授忠州刺史仰荷聖澤聊書鄙

誠

白居易

炎瘴拋身遠泥塗索脚難網初鱗撥刺籠久翅摧殘

雷電頒時令陽和變歲寒遺簪仍舊念剖竹授新官
鄉覺前程近心隨外事寬生還應有分西笑問長安
行簡初授拾遺同早朝入閣因示十二韻

白居易

夜色尚蒼蒼槐陰夾路長聽鐘出長樂傳鼓到新昌
宿雨沙堤潤秋風樺燭香馬欺沙地軟人健得天涼
待漏排闥闔停珂擁建章爾隨黃閣老吾次紫微郎
並入連稱籍齊趨對折方闕班花接萼綽立鴈分行
近職誠爲美微才豈合當綸言難下筆諫紙易盈箱
老去何僥倖時來不料量唯求殺身地相誓答恩光

唐詩類苑

卷之五十三

十六

楊六尚書新授東川節度使代妻戲賀兄嫂

二絕

白居易

劉綱與婦共昇仙弄玉隨夫亦上天何似沙歌領崔
嫂碧油幢引向東川

金花銀碗饒君用羅盡羅衣儘嫂裁覓得黔婁爲妹
婿可能空寄蜀茶來

送吉中孚拜官歸楚州

李端

才子神骨清虛疎眉眼明貌白一作應同衛玠鬢且異
潘生初戴莓苔幘來過丞相宅滿堂歸道師衆口宗
詩伯須臾里巷傳天子亦知賢出詔升高士馳聲在

少可自爲才哲愛日與侯王會匡主一言中榮親千
里外更聞仙士友往往東廻首驅石不成羊指丹空
斃狗孤帆淮上歸商估夜相依海霧寒將盡天星曉
欲稀潮頭來始歇浦口喧爭發鄉樹尚和雲鄰船猶
帶月到洞必傷情巡房見舊名疎疎路澀汲少井
欄傾別我長安道前期共須老方隨水向山青惜花
辭島悵望執君衣今朝風景好

奉送李戶部侍郎自河南尹再除本官歸闕

劉禹錫

昔年內署振雄詞今日東都結去思宮女猶傳洞簫

唐詩類苑

卷之五十二

十七

賦國人先詠衮衣詩華星却復文昌位引鶴重歸太

乙池想到金閨待通籍一時驚喜見風儀

新除水曹郎答白舍人

張籍

年過五十到南宮章句無名荷至公黃紙開呈相府
後朱衣引入謝班中諸曹縱許爲仙侶群吏多嫌是
老翁最幸紫微郎見愛獨稱官與古人同

賀龐少尹除太常少卿

賈島

太白山前終日見十旬假滿擬秋尋中峰絕頂非無
路北闕除書阻入林朝謁此時閑野屐宿齋何處止
鳴砧省中石鐙陪隨步唯賞煙霞不厭深

裴庶子除太僕卿因賀 羅隱

楚珪班序未爲輕莫惜良途副聖君宮省舊權皇甫
謐寺曹今得夏侯嬰秩隨科第臨時貴官逐簪裾到
處清應笑馬安虛巧宦四廻遷轉始爲卿

初除主客郎中知制誥與王十一李七元九

三舍人中書同宿話舊感懷

白居易

閒宵靜話喜還悲聚散窮通不自知已分雲泥行異
路忽驚鷄鶴宿同枝紫垣曹署榮華地白髮郎官老
醜時莫怪不知君氣味此中來校十年遲

唐詩類苑

卷之五十二

十八

送敏中新授戶部員外郎西歸

白居易

千里歸程五伏天官新身健馬翩翩行衝赤日加餐
飯上到青雲穩著鞭長慶老郎唯我在客曹故事望
君傳前鴻後鴈行難續相去迢迢二十年

初授贊善大夫早朝寄李二十助教

白居易

病身初謁青宮日衰貌新垂白髮年寂寞曹司非熱
地蕭條風雪是寒天遠坊早起常侵鼓瘦馬行遲苦
費鞭一種共君官職冷不如猶得日高眠

聞李六景儉自河東今授唐鄧行軍司馬以

詩賀之

白居易

誰能淮上靜風波聞道河東應此科不獨文詞供奉
記定將譚笑解兵戈泥埋劍戟終難久水借蛟龍可
在多四十着緋軍司馬男兒官職未蹉跎

從同州刺史改授太子少傅分司

白居易

承華東署三分務履道西池七過春歌酒優游聊卒
歲園林瀟灑可終身留侯爵秩誠虛貴疎受生涯未
苦貧月俸百千官二品朝廷顧我作閒人

唐詩類苑

卷之五十二

十九

韋七自太子賓客再除秘書監以長句賀而
餞之往年嘗與予同爲秘監

白居易

離筵莫愴且同歡共賀新恩拜舊官屈就商山伴麋
鹿好歸芸閣狎鷓鴣落星石上蒼苔古畫鶴廳前白
露寒老監姓名應在壁相思試爲拂塵看

妻初授邑號誥身

白居易

弘農舊縣受新封鈿軸金泥誥一通我轉官階常自
愧君加邑號有何功花牋印了排窠濕錦幃裝來耀
手紅倚得身名便懽懽日高猶睡綠窻中

除忠州寄謝崔相公

白居易

提拔出泥知六竭吹噓生翅見情深劍鋒缺折難衡
斗桐尾燒焦豈望琴感舊兩行年老淚酬恩一寸歲
寒心忠州好惡何須問鳥得辭籠不擇林

喜張十八博士除水部員外郎

白居易

老何歿後吟聲絕雖有郎官不愛詩無復篇章傳道
路空留明月在曹司長嗟博士官猶屈亦恐騷人道
漸衰今日聞君除水部喜於身得省郎時

初除尚書郎脫刺史緋

白居易

唐詩類苑

卷之五十二

二十一

親賓相賀問何如服色恩光盡及初頭白喜拋黃草
映眼明驚拆紫泥書便留朱紱還鈴閣却着青袍侍
玉除無奈嬌癡三歲女繞腰啼哭覓銀魚

賀左省新除韋拾遺

鄭谷

初升諫署是真仙浪透桃花冷五年垂白郎官居座
末着緋人吏立階前百僚班列趨丹陛兩掖風清上
碧天從此追飛何處去金鑾殿與玉堂連

薦舉

薦士

韓愈

周詩三百篇雅麗理訓誥曾經聖人手議論安敢到

五言出漢時蘇李首更號東都漸瀰漫派別百川導
建安能者七卓犖變風操逶迤抵晉宋氣象日凋耗
中間數鮑謝比近最清奧齊梁及陳隋衆作等蟬噪
搜春摘花卉汨襲傷剽盜國朝盛文章子昂始高蹈
勃興得李杜萬類因凌暴後來相繼生亦各臻閭奧
有窮者孟郊受材實雄驚音驚冥觀洞古今象外逐幽
好橫空盤硬語安帖力排衆敷柔肆紆餘奮猛卷海
潦榮華肖天秀捷疾逾響報行身踐規矩甘辱耻媚
竈孟軻分邪正眸子看瞭眊杳然粹而清可以鎮浮
躁酸寒溧陽尉五十幾何耄孜孜營甘旨辛苦久所
唐詩類苑 卷之五十二 三

冒俗流知者誰指注競嘲傲聖皇索遺逸髦士日登
造廟堂有賢相愛遇均覆燾况承歸與張二公迭嗟
悼青冥送吹噓強箭射魯縞胡爲久無成使以歸期
告霜風破佳菊嘉節迫吹帽念將決焉去感物增戀
嫪處到彼微水中荷尚煩左右芼音魯魯侯國至小廟
鼎猶納郛幸當擇珉玉寧有棄珪瑁悠悠我之思擾
擾風中蠹音蠹上言愧無路日夜惟心擣鶴翎不天生
變化在咏袍薄報通波非難圖尺地易可漕善善不
汲汲後時徒悔懊救死具八珍不如一簞犒微詩公
勿謂愷悌神所勞

蒙恩轉儀曹郎依前充入賢學士舉韓湖州

自代因寄七言

劉禹錫

翔鸞闕下謝恩初通籍由來在石渠暫入南宮判祥
瑞還歸內殿閱圖書故人由在三江外同病凡經二
紀餘今日薦君嗟久滯不惟文體似相如

遷擢

喜李侍御拜郎官入省

錢起

粉署花廳入丹臺音臺紫綬垂直廬鸞漏近賜被覺霜移
漢主前瑤席穰侯許鳳池應憐後行鴈空羨上林枝
暮春於山谷寺上方遇恩命加官賜服訓皇

唐詩類苑

卷之五十二

三

甫侍御見賀之作

獨孤及

天書到法堂朽質被榮光自笑無功德殊恩謬激揚
還登建禮署猶忝會稽章佳句慚相及稱仁豈易常
喜皇甫郎中拜諭德兼集賢學士

李端

爲郎三載後寵命一朝新望苑遷詞客儒林拜丈人
鸞飛綺閣曙柳拂畫堂春幾日調金鼎諸君欲望塵
送烏城李明府得陟狀赴京

僧皎然

漢吏滿江城深仁見此情士林推玉振公府薦冰清

爲政移風久承恩就日行仲容綸綍貴南巷有光榮

與諸同年賀座主侍郎新拜太常同宴蕭尚

書亭子

白居易

寵新卿典禮會盛客徵文不失遷鶯侶因成賀燕群
池臺晴間雪冠蓋暮和雲共仰曾攀處年深桂尚薰

新轉南曹未叙朝散初秋暑退出守吳興書

此篇以自見志

杜牧

捧詔汀州去全家羽翼飛喜拋新錦帳榮借舊朱衣

且免材爲用妨拙有機宋株聊自守魯酒怕旁圍

清尚寧無素光陰亦未晞一盃江海志佩得左魚歸

唐詩類苑

卷之五十二

五十二

自賓客遷太子少傅分司 白居易

頭上漸無髮耳間新有毫形容逐日老官秩隨年高

優饒又加俸閒穩仍分曹飲食免藜藿居處非蓬蒿

何言家尚貧銀榼提綠醪勿謂身未貴金章照紫袍

誠合知止足豈宜更貪饕然心自問於國有何勞

李定言自殿院銜命歸闕拜外郎俄遷右史

因寄

許渾

白筆南征變二毛越山愁瘴海驚濤繞歸龍尾含鷄

舌更立螭頭運兔毫聞闔欲開宮漏盡冕旒初坐御

香高吳中舊侶君先貴曾憶王祥與佩刀

駕部鄭郎中三十八大尹貳河東聞榮加金

紫谷以未派之外恩舊事深因賀送

鄭谷

香浮玉陛曉辭天袍拂蒲茸稱少年郎署轉曹雖久
次京河亞尹是優賢縱游雲水無公事貴買琴書有

俸錢今日龍門看松雪探春明日向平泉

初加朝散大夫轉上柱國 白居易

紫微今日煙霄地赤嶺前年泥土身得水魚還動鱗

鬣乘軒鶴亦長精神且慚身忝官階貴未敢家嫌活

計貧柱國勲成私自問有何功德及生人

唐詩類苑

卷之五十三

五十三

夜宿江浦聞元八改官因寄此什

白居易

君遊丹陛已三遷我汎滄浪欲二年劍珮曉趨雙鳳

闕煙波夜宿一漁船交親盡在青雲上鄉國遙拋白

日邊若報生涯應笑殺結茅栽芋種畬田

訓元郎中同制加朝散大夫書懷見贈

白居易

命服雖同黃紙上官班不共紫垣前青衫脫早差三

日白髮生遲校九年曩者定交非勢利老來同病是

詩篇終身擬作臥雲伴逐月須收燒藥錢五品足爲

婚嫁主緋袍着了好歸田

述舊賀遷寄陝號孫常侍 劉禹錫

南宮華襲芝蘭俊左輔曾交紫綬來多病未離清樂苑新恩已歷望仙臺關頭古墓桃林靜城下長河竹箭回聞說隨車有零雨此時偏動子荆才

奉使

奉使築朔方六州城率爾而作

李嶠

奉詔受邊服總領朔方驅彼犬羊族正此戎夏疆子來多悅豫王事寧息遑三旬無愆期百雉辭相望

唐詩類苑

卷之五十三

三十五

雄視沙漠垂有截北海陽二廷已頻頽五嶺盡來王驅車登崇墉顧眄凌大荒千里何蕭條草木自悲涼憑軾訊古今慨焉感興亡漢障緣河遠秦城入海長顧無廟堂策貽此中夏殃遁隱前業衰運開今化昌制爲百王式舉合千載防馬牛被路隅鋒鏑銷戰場豈不懷殆勞所圖在永康王車何爲者稱代陳頌章

奉使嵩山途經緱嶺

宋之問

侵星發洛城城中歌吹聲畢景至緱嶺嶺上煙霞生草樹饒野意山川多古情大隱德所滿歸來可退耕

夏日奉使南海道中作

張九齡

經然萬里路赫曦三伏時飛走逃深林流爍恐生疵

行李豈無苦而我方自怡肅事誠在公拜慶遂及私展力慚淺效銜恩感深慈且欲湯火蹈沉無鬼神欺朝發高山阿夕濟長江湄秋瘴寧我毒夏水胡不夷信知道存者但問心所之呂梁有出入乃覺非虛詞

奉和左司員外自洛使入京中路先赴長安

逢立春日贈韋侍御等諸公

孫逖

拜郎登省闈泰使馳車乘曉曉使者星便是郎官應臺妙時放言皇華德彌稱二陝聽風謠三秦望形勝

唐詩類苑

卷之五十三

三十六

此中聯益友是日多詩興寒盡歲陰催春歸日華證

奉使登終南山

王灣

常愛南山遊因而盡原隰數朝至林嶺百仞登崑崙石壯馬徑窮苔色步緣入物奇春秋改氣遠天香集虛洞策杖鳴低雲拂衣濕倚巖見廬舍人戶欣拜揖問性矜勤勞示心教澄習玉英時共飲芝草爲餘拾境經人不行潭深鳥空立一乘從此受九轉兼是給辭處若輕飛翹來無吐吸閒襟超已勝迴路倏而及煙色松上深水流山下急漸平逢車騎向晚眺城邑峰在野趣繁塵飄宦情緝辛苦久爲吏勞生何妄執

日暮懷此山悠然賦斯什

送友人使河源

賈至

送君魯郊外下車上高丘蕭條千里暮日落黃雲
舉酒有遺恨論邊無遠謀河源望不見旌旆去悠悠
自蜀奉冊命往朔方途中呈韋左相文部房
尚書門下崔侍郎

賈至

胡羯亂中夏鑿與忽南巡衣冠陷戎寇狼狽隨風塵
幽公秉大節臨難不顧身激昂白刃前濺血下沾巾
尚書抱忠義歷險披荆榛扈從出劍門登翼岷江濱
時望挹侍郎公才標縉紳亭亭崑山玉皎皎無緇磷

唐詩苑

卷之五十一

三

顧惟乏經濟扞牧陪從臣永願雪會稽伏劍清咸秦
太皇時內禪神氣付嗣君新命集舊邦至德被遠人
捧冊自南服奉詔超北軍覲謁心載馳違離難重陳
策馬出蜀山畏途上緣雲飲啄叢箐間棲息虎豹群
崎嶇凌危棧惴慄驚心神峭壁上欽岑大江下云云
皇風扇八極異類懷深仁元兇誘黠虜肘腋生妖氛
明主信英武威聲赫殊一作隣誓師自朔方旗幟何
續紛鐵騎照白日旄頭拂秋旻將來盪滄溟寧止蹴
崑崙古來有屯難否泰嘗相因夏康續禹績代祖復
漢勳千役各勤王驅馳拱紫宸豈惟太公望往昔逢

周文誰謂三傑才功業復殊倫感此慰行邁無爲歌
苦辛

使交河郡

岑參

奉使按胡俗平明發輪臺暮投交河城火山出崔嵬
九月尚流汗炎風吹沙埃何事陰陽工不遣雨雪來
吾君方憂邊分閫資大才昨者新破胡安西兵馬回
鐵關控天崖萬里何遼哉煙塵不敢飛白草空皚皚
軍中日無事醉舞傾金壺漢代李將軍微功今可咍
奉使採箭幹竹谷中晨興赴嶺

錢起

唐詩苑

卷之五十二

三

孤客倦夜坐聞猿乘早發背溪已斜漢登樓尚殘月
重峰轉森爽幽步更超越雲木聳鶴巢風羅掃虎穴
人群徒自遠世沒終難歇入山非買山采竹異采厥
誰見子牟意悵勞書魏闕

使雲陽寄府曹

韋應物

風駕祗府命冒炎不遑息百里次雲陽閭閻問漂溺
上天屢憊氣胡不均寸澤仰瞻喬樹顛見此洪流跡
良苗免湮沒蔓草生宿昔頽墉滿故墟返喜將安宅
周旋涉塗潦側峭緣溝脉仁賢憂斯民賤子甘所役
公堂衆君子言笑思與覲

送韋中丞奉使新羅

權德輿

淳化洽聲明殊方均惠養計書重譯至錫命雙旌往
星辭北極遠水汎東溟廣斗柄辨宵程天琛宜晝賞
孤光洲島迴淨綠煙霞敞展禮盛賓徒交歡覲君長
經途勞視聽愴別索夢想延頸旬歲期新恩在歸鞅

奉同朝賢送新羅使

孟郊

淼淼望遠國一萍秋海中恩傳日月外夢在波濤東
浪興豁胸臆汎程舟虛空既吟使信亦以難私躬
寶怪賞不足異鮮悅多叢安危所繫重征役誰能窮
彼俗媚文史聖朝富才雄送行數百首各以鏗奇工

唐詩類苑

卷之五十一

三九

冗隸竊抽韻孤屬思將同

和吳侍御被使燕然

盧照隣

春歸龍塞北騎指鴈門垂胡笳折楊柳漢使采燕支
戍城聊一望花雪幾參差關山有新曲應向笛中吹

送魏兵曹使雋州

陳子昂

陽山淫霧雨之子慎攀登羌竿多珍寶人言有愛憎
思酬明主惠當盡使臣能勿以王陽歎叩道畏陵嶒

送高郎中北使

杜審言

北狄願和親東京發使臣馬銜邊地雪衣染異方塵
歲月催行旅恩榮變苦辛歌鐘期重錫拜手落花春

送陸侍御北使

沈佺期

古人貴將命之子出輶軒受委當不辱隨時敢贈言
朔途際遼海春思繞轅轅安得回白日留歡盡綠樽

送姚侍御出使江東

宋之問

帝憂河朔郡南發海陵倉坐歎青春別逶迤碧水長
飲水朝受命衣錦晝還鄉爲問山東桂無人何自芳

武威春暮聞宇文判官西使還已到晉昌

岑參

片雨過城頭黃鸝上戍樓塞花飄客淚邊柳挂鄉秋
白髮悲明鏡青春換弊裘君從萬里使聞已到瓜州

唐詩類苑

卷之五十二

三

送楊錄事充使

岑參

夫子方寸裏清秋澄霽江關西望第一郡內政無雙
狹室下珠箔連宵傾玉釭使乎仍未醉斜月隱吟窻

送何員外使湖南

獨孤及

夙昔皆黃綬差池復瑣闥上田無晚熟逸翮果先飛
前路舟休繫故山雲不歸王程倘未復莫遣鯉書稀

送韋贊善使嶺南

劉長卿

欲逐一作報樓船將方安卉服夷炎洲經瘴遠春水上
瀧遲歲貢隨重譯年芳徧四時番禺靜無事空詠飲

泉詩

送蕭常侍北使

錢起

絳節引雕戈，鳴騶動玉珂。戎城去日遠，漢使隔年多。
鴈宿常連雪，沙飛半渡河。明光朝即邇，秋社早成歌。

送裴二十端公使嶺南

劉長卿

蒼梧萬里路，空見白雲來。遠國知何在，憐君去未迴。
桂林無葉落，梅嶺自花開。陸賈千年後，誰看朝漢臺。

送歸中丞使新羅

權德輿

南憲銜恩去，東夷汎海行。天遙辭上國，水盡到孤城。
已變炎涼氣，仍愁浩淼程。雲濤不可極，來往見雙旌。

送金少卿副使歸新羅

張籍

唐詩類苑

卷之五十一

三十一

雲島茫茫天半微，向東萬里一帆飛。久爲侍子承恩重，
今佐使臣銜命歸。過海便應將國信，到鄉猶自着朝衣。
從前此去人無數，光彩如今定是希。

送元侍御充使湖南

權德輿

雲夢南行盡，三湘萬里流。山川重分首，徒御亦悲秋。
白簡勞王事，清援助客愁。離群復多病，歲晚憶滄洲。

送李評事使蜀

王建

勸酒不依巡，明朝萬里人。轉江雲棧細，近驛板橋新。
石冷啼猿影，松昏戲鹿塵。少年爲客好，況是益州春。

送韋侍御奉使江嶺諸道催青苗錢

包何

近遠從王事，南行處處經。手持霜簡白，心在夏苗青。
迴鴈書應報，愁猿客屢聽。因君使絕域，方物盡來庭。

奉送宋中丞使河源

李端

東周遣戍役，才子欲離群。部領河源去，悠悠隴水分。
笳聲悲塞草，馬首度關雲。辛苦逢炎熱，何時及漢軍。

送胡中丞使日東

曹松

辭天理玉簪，指日使鷄林。猶有中華戀，方同積浪深。
張帆度鯨口，銜命見臣心。渥澤遐宜後，歸期抵萬金。

送田中丞使西域

僧無可

唐詩類苑

卷之五十一

三十一

朝元下赤墀，玉節使西夷。關隴風迴首，河湟雪灑旗。
磧砂行幾月，戎帳到何時。應盡平生志，高全大國儀。

送于中丞入蕃冊立

朱慶餘

上馬生邊思，戎裝別衆僚。雙旌銜命重，空磧去程遙。
迢迢沙中樹，孤飛雪外鷗。蕃庭過冊禮，幾日却回朝。

送張司直入單于

于鵠

若過并州北，誰人不憶家。塞寒無伴侶，路盡有平沙。
磧冷唯逢鴈，天春不見花。莫隨征將意，垂老事輕車。

送李侍御入蕃

朱慶餘

遠使隨雙節，新官屬外臺。戎裝非好武，書記本多才。

移帳依泉宿迎人帶雪來心知玉關道稀見一花開

使者

羅隱

使者銜中旨崎嶇萬里行人心猶未革天意固難明
四海霍光第六龍張奉營陪臣無以報西望不勝情

送崔郎中往使西川行在 韋莊

拜書辭玉帳萬里劍關長新馬杏花色綠袍春草香
一身朝玉陛幾日過銅梁莫戀爐邊醉仙官待侍郎

送崔拾遺出使江東 方干

九門思諫近萬里采風謠關外逢新月天涯過晚潮
鴈飛雲杳杳木落浦蕭蕭空怨他鄉別迴舟暮寂寥

唐詩類苑

卷之五十二

三十三

送常曾侍御使西蕃寄題西川

李益

涼王宮殿盡蕪沒隴雲西今日聞君使雄心逐鼓聲
行當收漢壘直可取蒲泥舊國無由到煩君下馬題

送遠使

張籍

揚旌過隴頭隴水向西流塞路依山遠戍城逢笛秋
寒沙陰漫漫疲馬去悠悠爲問征行將誰封定遠侯

送賓貢金夷吾奉使歸本國

張喬

渡海登仙籍還家備漢儀孤舟無岸泊萬里有星隨

積水浮魂夢流年半別離東風未迴日音信杳難期

和李大夫嗣真奉使存撫河東

杜審言

六位乾坤動三微曆數遷謳歌移火德圖識在金天
子月開階統房星受命年禎符龍馬出寶錄鳳凰傳
地卽交風雨都仍卜澗瀝明堂唯御極清廟乃尊先
不宰神功運無爲大衆懸八荒平物土四海接人煙
已屬群生泰猶言至道偏璽書傍問俗旌節近推賢
秩比司空位官臨御史員推辭執刀筆直諫罷樓船
國有大臣器朝加小會筵將行備禮樂送別仰神仙

唐詩類苑

卷之五十三

三十四

城闕周京轉關河陝代連稍觀汾水曲俄指絳臺前
姑射聊長望平陽遂宛然舜耕餘草木禹鑿舊山川
昔出諸侯爭無何霸業全中軍歸戰敵外府絕兵權
隱隱帝鄉遠瞻瞻肅命虔西河偃風俗東壁挂星躔
井邑粉榆社陵園松柏田榮光晴掩代佳氣晚侵燕
雨霈鴻私滌風行睿旨宣惇嫠訪疾苦屠釣採貞賢
人樂逢刑措時康洽賞延踰秦氏級恩倍漢家錢
擁傳咸翹首稱觴競比肩拜迎彌道路詠舞溢郊廛
殺氣西衝白窮陰北暝玄飛霜遙渡海殘月迴臨邊
綏邈朝廷問周流朔塞旋興來探馬策駿發抱龍泉

學總八千卷文傾三百篇澄清得使者作頌有人焉
莫以崇班閔而云勝托捐偉材何磊落陋質幾翩翩
江海寧爲讓巴渝轉自牽一聞歌聖道助曲荷陶甄

奉使自藍田玉山南行 張九齡

征驂入雲壑情始步金門通籍微軀幸歸途明主恩
匪唯徇行役兼得慰晨昏是節暑云熾紛吾心所尊
海縣且悠緬山郵日駿奔徒知惡驚事未暇息陰論
曉武經陳迹衡湘指故園水聞南澗險煙望北林繁
遠靄千巖合幽聲百籟喧陰泉夏猶凍陽景晝方暉
懿此高深極徒令夢想存盛明期有報長往復奚言

唐詩類苑

卷之五十一

三十五

奉使巡檢兩京路果樹事畢入秦因詠歌

鄭審

聖德周天壤韶華滿帝畿九重承渙汗千里樹芳菲
陝塞餘陰薄關河舊色微發生和氣動封植衆心歸
春露條應弱秋霜果定肥影移行子蓋香撲使臣衣
入徑迷馳道分行接禁闈何當扈仙蹕攀桂奉恩輝

御命使本國

胡衡

御命將辭國非才忝侍臣天中戀明主海外憶慈親
伏奏違金闕飛驂去玉津蓬萊鄉路遠若木故園隣
西望懷恩日東歸感義辰平生一寶劍留贈結交人

送從兄奉使新羅

顧況

六氣銅渾轉三光玉律調河宮清奉費海岳晏來朝
地接提封入天平賜貢饒揚威輕破虜柔服耻征遼
曙色黃金闕寒聲白鷺潮樓船方習戰驄馬是嘉招
帝女飛銜石鮫人賣淚綃管寧雖不偶徐樺倘相邀
獨島懸空翠孤霞上沈寥蟾蜍同漢月蟬螭異秦橋
水豹橫吹浪花鷹迴拂霄晨裝凌渺漭夜泊記招搖
幾路通玄嶠何山是沃焦颶風晴自起陰火暝潛燒
鬢髮成新髻人參長舊苗扶桑迎日近折柳帶津遙
夢向愁中積寬當別處銷臨川思結網見彈欲求鵬

唐詩類苑

卷之五十一

三十六

共散義和曆誰差甲子朝滄波仗忠信譯語辨謳謠
疊鼓鯨鱗隱陰帆鷁首飄南溟垂大翼西海飲文鰲
指景尋靈草排雲聽洞簫封侯萬里外未肯後班超

送陸侍御使新羅二首

錢起

衣冠周柱史才學我鄉人受命辭雲陛傾城送使臣
去程滄海月歸思上林春始覺儒風遠殊方禮樂新

二

萬里三韓國行人滿目愁辭天使星遠臨水澗霜秋
雲佩迎仙島虹旌過蜃樓定知懷魏闕回首海西頭

送歸中丞使新羅

李端

東望扶桑日何年是到時片帆通雨露積水隔華夷
浩淼風來遠虛鳴鳥去遲長波靜雲月孤島宿旌旗
別業傳秋意迴潮動客思滄溟迷舊路何處問前期

送歸中丞使新羅

耿漳

遠國通王化儒林得使臣六君丕典冊萬里奉絲綸
雲水連孤棹恩私在一身悠悠龍節去渺渺蜃樓新
望裏行還暮波中歲又春昏明看日御靈怪問舟人
城邑分華夏衣裳擬縉紳他時禮命畢歸路勿迷津

送歸中丞使新羅

皇甫冉

詔使殊方遠朝儀舊典行浮天無盡處望日計前程

唐詩類苑

卷之五十二

三七

暫喜孤山出長愁積水平野風飄疊鼓海雨濕危旌
異俗知文教通儒有令名還將大唐禮方外授諸生

送人入新羅使

李昌符

鷄林君欲去立冊付星軺越海程難計征帆影自飄
望鄉當落日懷關美迴潮宿霧蒙青嶂驚波蕩碧霄
春生陽氣早天接祖州遙愁約三年外相迎上石橋

贈北使

潘微

業定三邊靜時和四海敦行人仍禮籍使者接輶軒
賓榮君享客閑踞我司存既美齊嬰學欣逢鄭產言
琴酒時懽會篇章極討論迴旌逗隴去返軸指河源

塞榆行隱路津柳稍垂門日沈山氣合潮落水花翻
離情欲寄鳥別淚不因猿所可緘懷袖方以代蘭萱

送梁卿王郎中使東蕃弔冊

崔湜

梁侯上卿秀王子中臺傑贈冊綬九夷旌旂下雙闕
西堂禮樂送南陌軒車別征路入海雲行舟沂江月
茲邦久欽化歷載歸朝謁皇心諒所嘉寄爾宣風烈

送和北虜使

馬戴

路始陰山北迢迢雨雪天長城人過少砂磧馬難前
日入流沙際陰生瀚海邊刀鐐向月動旌纛冒霜懸

唐詩類苑

卷之五十二

三八

逐獸孤圍合交兵一箭傳穹廬移斥候一作冒烽火絕
祁連漢將行持節胡兒坐控絃明妃的颺回南送使

君旋

送冊東夷王使

馬戴

越海傳金冊華夷禮命行片帆秋色動萬里信潮生
日映孤舟出沙連絕島明翳空翻大鳥飛雪灑一作噴
長鯨舊贖迴應收遐荒夢易驚何當理風楫天外問
來程

自桂林奉使江陵途中感懷寄獻尚書

李商隱

下客依蓮幕明公念竹林公與江陵相從甚密
何以奉徽音投刺雖傷晚酬恩豈在今迎來新
從到碧瑤琴水勢初知海天文始識參固慙非賈誼
唯恐後陳琳前席驚虛辱華樽許細斟尚憐素瘁苦
不遣楚醪沈既載從戎筆仍披選勝襟瀧通伏波柱
簾對有虞琴宅與嚴城接門藏別岫深閣涼松冉冉
堂靜桂森森社內容周續鄉中保展禽白衣居士訪
烏帽逸人尋伎佛將成傳耽書或類淫長懷五穀贖
終著九州箴良訊封鴛綺餘光借玳簪張衡愁浩浩
沈約瘦情情蘆白疑粘鬢楓丹欲照心歸期無鴈報

唐詩類苑

卷之五十二

三九

無乃費黃金

送工部張曹長大夫奉使西蕃

權德輿

珠隣覆露同奉使小司空西候車徒出南臺節印雄
弔祠將渥命導譯暢皇風故地山河在新恩玉帛通
旅抱有猿侵短日安能駐低雲只有陰亂鴉衝嫩網
寒女簇遙碣東道違寧久西園望不禁江生魂黯黯
泉客淚泫泫逸翰應藏法高辭肯浪吟數須傳便翼
莫獨與盧諶假寐憑書麗哀吟扣劍鐔未嘗貪偃息
那復議登臨彼美迴清鏡其誰受曲針人皆向燕路

塞雲凝廢壘關月照驚蓬青史書歸日翻輕五利功
送東川馬逢侍御使回十韻

元稹

風水荆門潤文章蜀地豪眼青賓禮重眉白衆情高
思勇曾吞筆投虛慣用刀詞鋒倚天劍學海駕雲濤
南郡傳紗帳東方讓錦袍旋吟新樂府便續古離騷
雪岸猶封草春江欲滿槽餞筵君置醴隨俗我餽糟
莫嘆巴三峽休驚鬢二毛流年等頭過人世各勞勞
送工部張侍郎入蕃弔祭

時張兼修史

劉禹錫

唐詩類苑

卷之五十三

四十

月窟賓諸夏雲官降九天節終降好重錫命禮容全
水咽猶登隴沙明稍極邊路因乘驛近志爲飲氷堅
毳帳差池見烏旗搖曳前歸來賜金石榮耀自編年
送日本國聘賀使晁巨卿東歸

包佶

上才生下國東海是西鄰九譯蕃君使千年聖主臣
野情偏得禮木性本含真錦帆乘風轉金裝照地新
孤城開蜃閣曉日上朱輪早識來朝歲塗山玉帛均
奉送賈侍御使江外

岑參

新騎驄馬復承恩使出金陵過海門荆南渭北難相

見莫惜衫襟着淚痕

送人使河源

張謂

故人行役向邊州
匹馬今朝不少留
長路關山何日
盡滿堂絲竹爲君愁

奉使鎮州行次承天行營奉訓裴司空

韓愈

竄逐三年海上歸
逢公復此着征衣
旋吟佳句還鞭
馬恨不身先去鳥飛

奉使淮南

李涉

漢使徵兵詔未休
南行旌旆接揚州
試上高樓望春
唐詩類苑 卷之五十二 甲二

色一年風景盡堪愁

同崔載華贈日本聘使

劉長卿

憐君異域朝周遠
積水連天何處通
遙指來從初日
外始知更有扶桑東

送高侍御使迴因寄楊八

白居易

明月峽邊逢制使
黃茅岸上見忠州
到城莫說忠州
惡無益虛教楊八愁

奉使鄂渚至烏江道中作

劉長卿

滄洲不復戀魚竿
白髮那堪戴鐵冠
客路向南何處
是蘆花千里雪漫漫

使往壽州寄劉長卿

皇甫冉

榛草荒涼村落空
驅馳卒歲亦何功
蒹葭曙色蒼蒼
遠蟋蟀秋聲處處同
鄉路遙知淮浦外
故人多在楚雲東
日夕煙霜那可道
壽陽西去水無窮

送源中丞充新羅冊立使

侍中之孫

劉禹錫

相門才子稱華簪
持節東行捧德音
身帶霜威辭鳳
闕口傳天語到鷄林
煙開鰲背千尋碧
日浴鯨波萬頃金
想見扶桑受恩愛
一時西拜盡傾心

送常侍御却使西蕃

韋應物

唐詩類苑

卷之五十二

甲二

歸奏聖朝行萬里
却銜天詔報蕃臣
本是諸生守文
墨今將匹馬靜煙塵
旅宿關河逢暮雨
春耕亭鄣識遺民
此去多應收故地
寧辭沙塞往來頻

送張閣老中丞持節冊回鵲

權德輿

旌旆翩翩擁漢官
君行當得遠人歡
分職南臺知禮
重綴書東觀見才難
金章玉節鳴騶遠
白草黃雲出塞寒
欲散別離唯有酒
暫煩賓從駐征鞍

奉使宛陵別二三從事

羅隱

梁王雪裏有深知
偶別家鄉隔路岐
官品共傳勝曩

日酒盃爭肯忍當時豫章地暖矜千尺越嶠天寒愧
一枝還有釣魚簑笠在不堪風雨失歸期

送于丞使迴紇冊立

賈島

君立天驕發使車冊文字著金書漸通青塚鄉山
盡欲達皇情譯語初調角寒城邊色動下霜秋磧鴈
行疎旌旂來往幾多日應向途中見歲除

送劉侍御重使江西

賈島

時當苦熱送行人石壁飛泉濺馬身又到鍾陵知務
大還浮湓浦屬秋新早程猿叫雲深極宿館禽驚葉
動頻前者已聞廉使薦兼言有畫靜邊塵

唐詩類苑

卷之五十一

四十三

送裴中丞出使

楊巨源

一清淮甸假朝綱金印初迎細柳黃辭闕天威和雨
露出關春色避風霜龍韜何必陳三畧虎旅由來肅
萬方宣諭生靈真重任回軒應問石渠郎

唐詩類苑卷第五十三

明雲間張之象玄超甫集

梁谿安希范小范甫編次

雲間王徹叔朗甫補訂

梁谿曹仁孫伯安甫校正

治政部

和蕃

送和西蕃使

杜審言

使出鳳凰池京師陽春晚聖朝尚邊策詔諭兵戈偃
拜手明光殿搖心上林苑種落踰青羌關山度赤坂

唐詩類苑

卷之五十三

十一

疆場及無事雅歌而餐飯寧獨錫和戎更當封定遠

送郭大夫再使吐蕃

張說

犬戎廢東獻漢使馳西極長策間酋渠猜阻自夷極
容髮徂邊歲旌裘弊海色五年一見家妻子不相識
武庫兵猶動金方事未息遠圖候才智苦節輪筋力
脫刀贈分手書帶加餐食知君萬里侯立功在異域
同洛陽李少府觀永樂公主入蕃

孫逖

邊地鶯花少年來未覺親美人天上落龍塞始應春

奉和送金城公主適西蕃應制

韋元旦

景龍四年正月吐蕃遣使者納貢祖母可敦又遣
宗俄請婚中宗皇帝以雍王守禮女爲金城主妻
之吐蕃遣尚贊咄悉明攏等逆公主帝念主幼賜
錦綉別數萬雜伎諸工悉從給樂二月一日公主
行命左衛大將軍楊矩御史大夫鄭惟忠及周利
用等持節護送入蕃帝送至馬嵬因幸始平帳飲
引羣臣及虜使者宴酒取命學士賦詩以餞徐彥
伯序之帝泣歔歔爲赦始平縣罪死皆免賜民
徭賦一年改縣爲金城鄉曰鳳池里曰愴別公主
唐詩類苑 卷之五十三 二

奉和送金城公主適西蕃應制

李嶠

漢帝撫戎臣絲言命錦輪還將弄機女遠嫁織皮人
曲怨關山月粧消道路塵所嗟穠李樹空對小榆春
奉和送金城公主適西蕃應制

徐堅

星漢下天孫車服際殊蕃匣中詞易切馬上曲虛寒
關塞移朱帳風塵照錦軒簫聲去日遠萬里望河源
奉和送金城公主適西蕃應制

李適

絳河從遠聘青海赴和親月作臨邊曉花爲度隴春
主歌悲顧鶴帝策重安人獨有瓊簫去悠悠思錦輪
奉和送金城公主適西蕃應制

趙彥昭

聖后經綸遠謀臣計畫多受降追漢策築館許戎和
俗化烏孫壘春生積石河六龍今出餞雙鶴願爲歌
唐詩類苑 卷之五十三 三

奉和送金城公主適西蕃應制

唐遠志

皇恩睠下人割愛遠和親少女風遊克嫦娥月去秦
龍笛迎金榜驪歌送錦輪那堪桃李色移向虜庭春
奉和送金城公主適西蕃應制

沈佺期

金榜扶丹掖銀河屬紫關那堪將鳳女還以嫁烏孫
玉就歌中怨珠辭掌上恩西戎非我匹明主至公存
奉和送金城公主適西蕃應制

閻朝隱

甥舅重親地君臣厚義鄉還將貴公主嫁與襁褓王
盧簿山川間一作琵琶道路長迴瞻父母國日出在
東方

奉和送金城公主適西蕃應制

鄭愔

下嫁戎庭遠和親漢禮優笳聲出虜塞簫曲背秦樓
貴主悲黃鶴征人怨紫騮皇情眷億兆割念俯懷柔
奉和送金城公主適西蕃應制

武平一

廣化三邊靜通姻四海安還將膝下愛持副域中歡

唐詩類苑

卷之五十三

四一

聖念飛玄藻仙儀下白蘭日斜征蓋沒歸騎動鳴鑾

奉和送金城公主適西蕃應制

徐彥伯

鳳戾憐簫曲鸞聞念掌珍羌庭遙築館廟策重和親
星轉銀河夕花移玉樹春聖心悽送遠留蹕望征塵
奉和送金城公主適西蕃應制

崔湜

懷戎前冊備降女舊姻脩簫鼓辭家怨旌旗出塞愁
尚孤中念切方遠御慈流顧乏謀臣用仍勞聖主憂

奉和送金城公主適西蕃應制

薛稷

天道能殊俗深仁乃戢兵懷荒寄赤子忍愛鞠蒼生
月下瓊娥去分星寶婺行關山馬上曲相送不勝情
奉和送金城公主適西蕃應制

馬懷素

帝子今何去重姻適異方離情愴宸掖別路遶關梁
望絕園中柳悲纏陌上桑空餘願黃鶴東顧憶迴翔
奉和送金城公主適西蕃應制

蘇頌

帝女出天津和戎轉綺輪川輕斷腸望地與析支隣

唐詩類苑

卷之五十三

五

奏曲風嘶馬銜悲月伴人旋知偃兵革長是漢家親

奉和送金城公主適西蕃應制

張說

青海和親日潢星出降時戎王子婿寵漢國舅家慈
春野開離讌雲天起別詞空彈馬上曲詎減鳳樓悲
奉和送金城公主適西蕃應制

劉憲

外館踰河右行營指路岐和親悲遠嫁忍淚泣將離
旌旄羌風引軒車漢月隨那堪馬上曲時向管中吹

送鄭大夫惟忠從金城公主入蕃

張說

鳳吹遙將斷龍旗送欲還傾都邀節使傳酌緩離顏
春磧沙連海秋城月對關和戎應賞魏定遠莫辭班

歸蕃

宜芬公主

公主本豆盧氏女有令色天寶四載奚霫無主東
平王安祿山請主其質子而以公主配之上遣中
使護送至虛池驛公主悲愁作詩題屏風至蕃而
其國已立君矣質子見殺公主亦遇害

出嫁辭鄉國由來此別難聖恩愁遠道行路泣相看
沙塞容顏盡邊隅粉黛殘妾心何處斷他日望長安

唐詩類苑

卷之五十三

六

送楊中丞和蕃

郎士元

錦車登隴日邊草正萋萋舊好尋君長新愁聽鼓聲
河源飛鳥外雪嶺大荒西漢壘今猶在遙知路不迷

和蕃

戎昱

漢家清史上計拙是和親社稷依明主安危託婦人
豈能將玉貌便擬靜胡塵地下千年骨誰爲輔佐臣

送人隨大夫和蕃

儲光義

西方有六國六國願來賓聖主今無外懷柔遣使臣
大夫開幕府才子作行人解劍聊相送邊城二月春

送崔夷甫員外和蕃

李嘉祐

送薛大夫和蕃

君過湟中去尋源未是賒經春逢白草盡日度黃沙
雙節行爲伴孤峰到似家和戎非用武不學李轻車
戎王歸漢命魏絳諭皇恩旌旆辭雙闕風沙上五原
往途遵塞道出祖耀都門策令天文盛宣威使者尊
澄波看四海入貢佇諸番秋杪迎廻駟無勞枉夢魂

送薛大夫和蕃

孫頤

亞相獨推賢乘輅向遠邊一心傾漢日萬里望胡天
忠信皇恩重要荒聖德傳戎人方屈膝塞月復嬋娟
別思流鶯晚歸朝候鴈先當書外垣傳廻奏赤墀前

唐詩類苑

卷之五十三

七

送湯中丞和蕃

權德輿

繼好中司出天心外國知已傳堯雨露更說漢威儀
隴上應迴首河源復載馳孤峯問徒御空磧見旌麾
春草鄉愁起邊城旅夢移莫嗟行地遠此去答恩私

送楊六判官使西蕃

杜甫

送遠秋風落西征海氣寒帝京氛祲滿人世別離難
絕域遙懷怒和親願結懽勅書憐贊普兵甲望長安
宣命前程急堆良待子寬子雲清自守今日起爲官
垂淚方收筆傷時即據鞍儒衣山鳥怪漢節野童看
邊酒排金盞夷歌捧玉盤草肥蕃馬健雪重拂廬乾

憤爾參籌盡今茲正羽翰歸來權可取九萬一朝搏

送和西蕃使

權德輿

白簡初分命黃金已在腰恩華通外國徒御發中朝
雨雪從邊起旌旗上隴遙暮天沙漠漠空礫馬蕭蕭
城路隨河水關城見柳條和戎先罷戰知勝霍嫖姚

送咸安公主

孫叔向

鹵簿遲遲出國門漢家公主嫁烏孫王顏使向穹廬
去衛霍空承明主恩

臨滹沱見蕃使列名

李益

漠南春色到滹沱碧柳青青塞馬多萬里江山今不

唐詩類苑

卷之三十三

八

閉漢家頻許到支和

和戎

蘇郁

關月夜懸青塚鏡寒雲秋薄漢宮羅君王莫信和親
策生得胡雛轉更多

送和蕃公主

張籍

塞上如今無戰塵漢家公主出和親邑司猶屬宗卿
寺冊號還同虜帳人九姓旗旛先引路一生衣服盡
隨身隨城南望無迴日空見沙蓬水柳春

蠻夷

蠻子歌

劉禹錫

鈎輅語音蠻身衣斑斕布熏程掘以■此時飼盤飢
忽逢乘馬客恍若驚麕顧腰斧上高山竟行無舊路

南越謠

于漬

迢迢東南天巨浸無津壩雄風見昏霧干戈滿樓船
此時尉佗心兒童待幽燕三寸陸賈舌萬里漢山川
苦令交趾貨盡生虞芮田天意苟如此遐人誰肯憐

蠻家

項斯

領得賣珠錢還歸桐柱邊看兒調小象打鼓試新船
醉後眠神樹耕時語瘴煙不逢寒便老相問莫知年

蠻中

張籍

唐詩類苑

卷之五十三

九

桐樹南邊毒草春行人幾日到金麟玉環穿耳誰家
女自抱琵琶迎海神

蠻州

張籍

瘴水蠻中入洞流人家多住竹棚頭一山海上無城
郭唯見松牌記象州

蕃中答退渾詞

呂溫

退渾種落盡在而為吐蕃所鞭撻有譯者訴情於
予故以此答之

退渾兒退渾兒朔風長在氣何衰萬群鐵馬從奴虜
強弱由人彼一時

退渾兒退渾兒冰消青海草如絲明堂天子朝萬國
神馬龍車將與誰

崑崙兒

張籍

崑崙家住海中州蠻客將來漢地遊言語解教秦吉
波濤初過鬱林洲金環欲落曾穿耳螺髻長卷不
裏頭自愛肌膚黑如漆行時半脫木綿裘

莫徭歌

劉禹錫

莫徭自生長名字無符籍市易雜鮫人婚姻通木客
星居占泉眼火種開山脊夜渡千仞谿含沙不能射

胡兒

唐詩類苑

卷之五十三

十一

登夏州城觀送行人賦得六州胡兒歌

李益

六州胡兒六蕃語十歲騎羊逐沙鼠沙頭牧馬孤鴈
飛漢君遊騎貂錦衣雲中征戍三千里今日征行何
歲歸無定河邊數枝柳共送行人一杯酒胡兒起作
和蕃歌齊唱鳴嗚盡垂手心知舊國西州遠西向胡
天望鄉久回頭忽作異方聲一聲回盡征人首蕃音
虜曲一難分似說邊情向塞雲故國關山無限路風
沙滿眼堪斷魂不見天邊青作塚古來愁殺漢昭君

招諭

招諭有懷贈同人

李義府

遠遊冒艱阻深入勞存諭春去醉國門秋還在邊戍
軒車行未返節序催難駐陌上悲轉蓬園中想芳樹
蜀中自紛糾岷水恒奔注臨泛多苦懷登攀寡歡趣
永夕飛滛雨崇朝蒸毒霧不求綏嶺桃寧美邛鄉蒟
白狼行欲靜驄馬何常馭願接輶旆塵聯翻東北驚

歸降

今皇帝陛下詔徵兵不日功集河湟諸郡

次第歸降臣獲覩聖功輒獻歌詠

杜牧

唐詩類苑

卷之五十三

十一

捷書皆應運謀期十萬曾無一鏃遺漢武漸誇朔方
地宣王休道太原師威加塞外寒來早恩入河源東
合遲聽取滿城歌舞曲涼州聲韻喜參差

卽叙

西戎卽叙

李子昂

懸首藁街中天兵破犬戎營收低隴月旗偃渡湟風
肅殺三邊勁蕭條萬里空元戎咸伏罪餘孽盡輸忠
聖理符軒化仁私契禹功降逾洞庭險梟擬到支窮
已散年容捷還資妙算通今朝觀卽叙非與獻葵同

風化

國學試風化下

薛能

霽闕露穹崇含生仰聖聰英明高北極聲教下如風
靜發宸居內低來品物中南薰歌自溥北極響皆通
蘋末看無狀人間覺有功因令委泥者長此忘途窮

掌選

送魏一十四司馬充嶺南掌選

杜甫

選曹分五嶺使者歷三湘才美應推薦君行佐紀綱
佳聲期共遠雅節在周防明白山濤鑒嫌疑陸賈裝
故人湖外少春日嶺南長憑報韶州牧新詩昨寄將

唐詩類苑

卷之五十三

十二

賦得人不見

鄭昉

如面誠非一深心豈易知入秦書十上拔楚歲三移
如玉翻爲泣齊竿或濫吹周行雖有寘殷鑒在前規
寅亮推多士清通固賞奇病諸方號哲敢相反成疵
冬日承餘愛霜雲喜暫披無令見瞻後迴照復云疲

賦得人不見

權衡諒匪易遇知信難移九德皆殊進三端豈易施

同稱昆岫寶共握桂林枝鄭鼠今奚別齊竿或濫吹
瑤臺有光鑑屢照不應疲片善當無掩先鳴貴在斯
龍門峻且極驥足庶來馳太息李元禮期君幸一知

監選

送張環攝御史監南選

孫逖

漢使得張綱威明懾遠方恩霑柱下史榮比選曹郎
江帶黔中闊山連峽水長莫愁炎暑地秋至有嚴霜

龍門送裴侍御監五嶺選李頎

萬里番禺地官人繼帝憂君爲柱下史將命出東周
歇馬傍川路張燈臨石樓稜稜靜疎木潭潭響寒流
椰葉四荒外梅花五嶺頭明珠尉佗國翠羽夜郎洲
夷俗富珍產土風資宦遊心情物不雜弊革事無留
舉善必稱最持姦當去尤何辭桂江遠今日用賢秋

唐詩類苑

卷之五十三

十三

放牒

喜王起侍郎放牒

張籍

東風節氣近清明車馬爭來滿禁城二十八人初上
牒百千萬里盡傳名誰家不借花園看處處多將酒
器行共賀春司能鑒識今年定合有公卿

選補

季冬送戶部郎中使黔府選補

盧僎

握鏡均荒服分衡得大同徵賢一臺上補史五溪中
雨露將天澤文章播國風漢庭睽直諫楚峽望清通

馬逐霜鴻漸帆泐曉月空還期鳳池拜照耀列星宮
赴選

送楊少府赴選

李白

大國置衡鏡準平天地心群賢無邪人朗鑒窮情深
吾君詠南風哀冕彈鳴琴時泰多美士京國富纓簪
山苗落澗底幽松出高岑夫子有盛才主司得球琳
流水非鄭曲前行遇知音衣工剪綺繡一悞傷千金
何惜刀尺餘不裁寒女衾我非彈冠者感別但開襟
空谷無白駒賢人豈悲吟大道安棄物時來或招尋
爾見山吏部當應無陸沈

唐詩類苑

卷之三十三

十四

洛陽主簿叔知和驛承恩赴選伏辭

劉長卿

仲父在佐材屈身仇香位一從理京劇萬事皆容易
則知無不可通變有餘地器宇溟渤寬文鋒鏌鄒利
憧憧洛陽道日夕皇華使二載出江亭一心奉王事
功成良可錄道在知無愧天府畱香名銓闈就明試
賦詩皆舊友攀轍多新吏綵服辭高堂青袍擁征騎
此行季春月時物正鮮媚官柳陰相連桃花色如醉
長安相在目前路遙髣髴落日看華山關門碧青翠
行瞻稍已隔結戀無能慰誰念樽酒間徘徊竹林意

送王明府上京參選

駱賓王

振衣遊紫府飛蓋背青田虛心恒驚露孤影上凌煙
離歌悽妙曲別引繞繁絃在陰如可和清響會聞天
陪使君早春西亭送王贊府赴選

岑參

西亭繫五馬爲送故人歸客舍草新出關門花欲飛
到來逢歲酒却去換春衣吏部應相待如君才調稀

送孟十二倉曹赴東京選

杜甫

君行別老親此去苦家貧藻鏡留連客江山憔悴人
秋風楚竹冷夜雪鞏梅春朝夕高堂念應宜綵服新

唐詩類苑

卷之三十三

十五

送田濟之楊州赴選

皇甫冉

家貧不自給求祿爲荒年調補無高位平棲屈此賢
江山欲霜雪吳楚接風烟相去誠非遠離心亦渺然

送賀蘭廣赴選

崔峒

而今用武爾攻文流輩干時獨臥雲白髮青袍趨會
府定應衡鏡却慙君

送李庚先輩赴選

劉禹錫

一家何啻十朱輪諸父雙飛秉大鈞曾脫素衣參幕
客却爲精舍讀書人離筵洛水侵杯色征路函關向
晚塵今日山居賓主話知君不負帝城春

求職

送苗七求職

項斯

相逢未得三回笑風送離情入剪刀客路最能銷日
月夢魂空自畏波濤獨眠秋夜翠窻急未拜軍城劍
色高去去緣多山與海鶴身寧肯爲飛勞

入京

崔五宅送劉跂入京

李頎

行人惜寸景繫馬暫留歡昨日辭小沛何時到長安
鄉中飲酒禮客裏行路難清洛雲鴻度故關風日寒
將道可樂不念身無官生事東山遠田園芳歲闌

唐詩類苑

卷之五十三

十六

東歸余謝病西去子加餐宗伯非徒爾明時正可干
躬耕守貧賤失計在林端宿昔奉顏色慙無雙玉盤
奉餞鄭中丞罷浙西節度還京

劉長卿

天上移將星元軍罷龍節三軍含怨慕橫吹聲斷絕
五馬嘶城隅萬人臥車轍滄洲浮雲幕杳杳去帆發
迴首不問家歸心遙向闕煙波限吳楚日夕事淮越
弔影失所依側身隨下列孤蓬飛不定長劍光未滅
綠綺爲誰彈綠芳堪自擷悵然江南春獨此湖上月
千里懷去思百憂變華髮頌聲滿江海今古流不竭

送友入京

孟浩然

君登青雲去余望青山歸雲山從此別淚濕薜蘿衣

秋日餞尹大往京

并序

駱賓王

尹大官三冬業暢指蘭臺而拾青薛六郎四海情
深飛桂樽而舉白于時兔華東上龍火西流劍彩
沈波碎楚蓮於秋水金輝照岸秀陶菊於寒堤旣
切送歸之情彌軫窮途之感重以清江帶地問吳
會於星津白雲在天望長安於日路入之情也能
不悲乎雖道術相忘叶神交於靈府而風煙懸隔
貴申心於翰林請振詞鋒用開筆海人爲四韻用

唐詩類苑

卷之五十三

十七

慰九秋

挂瓢余隱舜召鼎爾干湯竹葉離樽滿桃花別路長
低河耿秋色落日抱寒光素書如可嗣幽谷佇賓行

金鄉送韋八之西京

李白

客自長安來還歸長安去狂風吹我心西挂咸陽樹
此情不可道此別何時遇望望不見君連山起烟霧

送相里造入京

李頎

子月過秦正寒雲覆洛城嗟君未得志猶作苦辛行
暖酒燉衣薄瞻風候雨晴春官含笑待驅馬速前程

送錢子入京

李頎

夜夢還京北鄉心恨擣衣朝逢入秦使走馬喚君歸
驛路清霜下關門黃葉稀還家應信宿看子速如飛

送薛植入京

張說

青組言從史鴻都忽見求款言人向老飲別歲千秋
彷彿長安陌平生是舊遊何時復相遇宛在水中流
歲晚還京臺望城闕成口號先贈交親

盧僎

紫陌開行樹朱城出晚霞猶憐慣去國疑是夢還家
風弱知催柳林青覺待花交親望歸騎幾處擁年華

送劉高郵稅使入都

祖詠

唐詩類苑

卷之五十三

十九

常聞積歸思昨夜又兼秋鄉路京華遠王程江水流
吳歌喧兩岸楚客醉孤舟漸覺潮初上悽然多暮愁

送顏評事入京

岑參

顏子人歎屈宦遊今未遲佇聞明主用豈負青雲姿
江柳秋吐葉山花寒滿枝知君客愁處月落巴川時

夏日楊長寧宅送崔侍御常正字入京

杜甫

醉酒楊雄宅升堂子賤琴不堪垂老鬢還對欲分襟
天地西江遠星辰北斗深烏臺俯麟閣長夏白頭吟

涪江泛舟送韋班歸京

杜甫

追餞同舟日傷春一水間飄零爲客久衰老美君還
花遠重重樹雲輕處處山天涯故人少更益鬢毛斑

冬末送魏起居赴京

孫逖

大名將起魏良史更逢遷驛騎朝丹闕關亭望紫烟
西京春色近東觀物華偏早赴王正月揮毫記百年

送越州裴參軍充使入京

孫逖

日落川徑寒離心苦未安客愁西向盡鄉夢北歸難
霜果林中變秋花水上殘明朝渡江後雲物向南看

送杜侍御赴上都

孫逖

唐詩類苑

卷之五十三

十九

避馬臺中貴登連嶺外遙還因貢賤禮來謁大明朝
地入商山路鄉連渭水橋承恩反南越鐘酒重相邀

送許拾遺還京

劉長卿

萬里辭三殿金陵到舊居文星出西掖卿月在南徐
故里驚朝服高堂捧詔書暫容乘駟馬誰許戀鱸魚

送李補闕之上都

劉長卿

獨歸西掖去難接後塵遊向日三千里朝天十二樓
路看新柳夕家對舊山秋惆悵離心遠滄江空自流

送蔡侍御赴上都

劉長卿

遲遲立駟馬久客戀瀟湘明日誰同路新年獨到鄉
孤煙一作向驛遠積雪去關長秦地看春色南枝不

可忘

送王端公入奏赴上都

劉長卿

舊國無家訪臨岐亦美歸途經百戰後客過二陵
秋草通征騎寒城背落暉行當蒙顧問吳楚歲頻饑

送營田判官鄭侍御赴上都

劉長卿

上國三千里西還及歲芳故山經亂在春日送歸長
曉奏趨雙闕秋成報萬箱幸論開濟力已實海陵倉

淮上送梁二恩命追赴上都

劉長卿

唐詩類苑

卷之五十三

二十一

賈生年最少儒行漢庭聞拜手卷黃紙廻身謝白雲
故關無去客春草獨隨君森森長淮水東西自此分

送崔昇歸上都

劉長卿

舊寺尋遺緒歸心逐去塵早鶯何處客古木幾家人
白髮經多難滄洲欲暮春臨期數行淚爲爾一沾巾

送鄭司直歸上都

劉長卿

歲歲逢離別蹉跎江海濱宦遊成楚老鄉思逐秦人
馬首歸何日鶯啼又一春因君報情舊閑慢莫垂綸

奉送裴員外赴上都

劉長卿

形骸江上遠萬里詔書催獨過潯陽去空憐潮信迴

離心秋草綠揮手暮帆開想見秦城路人看五馬來

送竇叔向入京

皇甫冉

冰結楊柳津從吳去入秦徒云還上國誰爲作中人
驛樹同霜霰漁舟伴苦辛相如求一謁詞賦遠隨身

送盧郎中使君赴京

皇甫冉

三年期上國萬里自東溟曲蓋遵長道油幢憇短亭
楚雲山隱隱淮雨草青青康樂多新興題詩紀所經

隴右送韋三還京

錢起

春風起東道握手望京關柳色從鄉至鶯聲送客還
嘶驂顧近驛歸路出他山舉目情難盡羈離失志間

唐詩類苑

卷之五十三

二十一

東都送鄭處誨校書歸上都

杜牧

悠悠渠水清雨霽洛陽城槿墮初開艷蟬聞第一聲
故人容易去白髮等閑生此別無多語期君晦盛名

送客歸京

白居易

水陸四千里何時歸到秦舟辭三峽雨馬入九衢塵
有酒留行客無書寄貴人唯憑遠傳語好在曲江春

送夏侯校書歸上都

韓翃

後輩傳佳句高流愛美名青春事賀監黃卷問張生
暮雪重裘醉寒山足馬行此回將詣闕幾日諫書成

送獨孤拾遺先輩赴上都 李嘉祐

行春秋已晚桂檝逐寒烟轉曲遙峰出看濤極浦連
入京當獻歲封事更聞天日日趨黃閣應忘雲海邊

奉送杜侍御還京

權德輿

罷戰回龍節朝天識鳳池寒生五湖道春及萬年枝
郡花多遺愛官清已畏知懷恩偏感別墜淚向旌麾
秋晚送丹徒許明府赴上國因寄江南故人

崔峒

秋暮之彭澤離花遠近逢君書前日至別後此時重
寒夜江邊月晴天海上峰還知南北客招引住新豐

唐詩類苑

卷之五十三

主

送韋員外還京

崔峒

十年離亂後此去若爲情春晚香山綠入稀豫水清
野陂看獨樹關路逐殘鷺前殿朝明主應憐白髮生

送潘三入京

周瑒

故人從此別送子出煙堦柳色分官路荷香入水亭
離歌未盡曲酌酒共忘形把手河橋上孤山日暮青

奉送王信州峯北歸

杜甫

朝廷防盜賊供給愍誅求下詔選郎署傳聲曲信州
蒼生今日困天子嚮時憂井屋有烟起瘡痍無血流
壤歌唯海甸畫角自山樓白髮寐常早荒榛農復秋

解龜踰臥輒騎馬覓扁舟徐榻不知倦潁川何以酬

塵生彤管筆寒賦黑貂裘高義終焉在斯文去矣休

別離同雨散行止各雲浮林熱鳥開口江渾魚掉頭

尉佗雖北拜太史尚南留軍旅應多息寰區要盡收

九重思諫諍八極念懷柔徒倚瞻王室從容仰廟謀

故人持雅論絕塞豁窮愁復見陶唐理甘爲汗漫遊

送南卓歸京

賈島

殘春別鏡波罷郡未霜髭行李逢炎暑山泉滿路岐

雲藏巢樹鶴風觸轉鶯枝三省同虛位雙旌帶去思

入城宵夢後待漏月沈時長策并忠告從容寫玉墀

唐詩類苑

卷之五十三

主

送賈侍御克復後入京

一作江南送賈侍御入京

劉長卿

對酒心不樂見君動行舟回看暮帆隱獨向空江愁

晴雲淡初夜春塘深慢流溫顏風霜霽喜氣烟塵收

馳驅數千里朝天十二樓因云報親愛白髮生滄洲

送處州裴使君赴京

皇甫冉

使君朝北闕車騎別東方別喜天書召寧憂地脉長

山行朝復夕水宿露爲霜秋草連秦塞孤帆落漢陽

新衙趨建禮舊位識文昌唯有

隨南鴈翔

南陵別兒童入京

李白

白酒初熟山中歸黃鸝啄黍秋正肥呼童烹鷄酌白
酒兒童嬉笑牽人衣高歌取醉欲自慰起舞落日爭
光輝遊說萬乘苦不早著鞭跨馬涉遠道會稽愚婦
輕買臣余亦辭家西入秦仰天大笑出門去我輩豈
是蓬蒿人

送崔子還京

岑參

匹馬西從天外歸揚鞭只共鳥爭飛送君九月交河
北雪裏題詩淚滿衣

奉送五叔入京兼寄綦母三

李頎

唐詩類苑

卷之五十三

五

吏部明年拜官後西城必與故人期寄書春早年年
色莫道相逢玉女詞

送丘爲赴上都

劉長卿

帝鄉何處是岐路空垂泣楚思愁暮多川程帶潮急
潮歸人不歸獨向空塘立

送人歸上國

韋莊

送君江上日西斜泣向江邊滿樹華若見青雲舊相
識爲言流落在天涯

詔追赴都二月得至灞亭上

柳宗元

十一年前南渡客四千里外北歸人詔書許逐陽和
至驛路開花處處新

送崔十一弟歸北京

李嘉祐

潘郎美貌謝公詩銀印花驄年少時楚地江皋一爲
別晉山沙水獨相思

送魏萬之京

李頎

朝聞游子唱離歌昨夜微霜初渡河鴻鴈不堪愁裏
聽雲山況是客中過關城曙色催寒近御苑砧聲向
晚多莫見長安行樂處空令歲月易蹉跎

送裴侍御赴歲入京

岑參

唐詩類苑

卷之五十三

五

見職官部侍御

喜朱拾遺承恩拜命赴任上都

劉長卿

詔書徵拜脫荷裳身去東山閉草堂閭闔九天通楚
籍華亭一鶴在朝行滄洲離別風烟遠青瑣幽深漏
刻長今日却迴垂釣處海鷗相見已高翔

送耿拾遺歸上都

劉長卿

若爲天畔獨歸秦對水看山欲暮春窮海別離無限
路隔河征戰幾歸人長安萬里傳雙淚建德千峯寄
一身想到郵亭愁駐馬不堪西望見風塵

聞虞汴州有替將歸上都登漢都東城寄贈

劉長卿

淮南搖落客心悲，湏水悠悠怨別離。
早鴈初辭舊關塞，秋風先入古城池。
腰章建隼皇恩賜，露冕臨人白髮垂。
惆悵恨君先我去，漢陽耆老憶旌麾。

送皇甫曾赴上都

劉長卿

東遊久與故人違，西去荒涼舊路微。
秋草不生三徑處，行人獨向五陵歸。
離心日遠如流水，迴首川長共落暉。
楚客豈勞傷此別，滄江欲暮自沾衣。

猷川雪後送僧粲臨還京時避世臥疾

唐詩類苑

卷之五十三

錢起

連步青溪幾萬重，有時共立在孤峰。
齋到孟空餐麥雪，經傳金字坐雲松。
呻吟獨臥猷川水，振錫先聞長樂鐘。
回望羣山攜手處，離心一一涕無從。

送韋入少府判官歸東京

崔峒

玄成世業紫真官，文似相如貌勝安。
鴻鴈南飛人獨去，雲山一別歲將闌。
清淮水急桑林晚，古驛霜多柿葉寒。
瓊樹相思何日見，銀鈎數字莫爲難。

送房元直赴京

嚴維

猶道樓蘭千萬師，書生匹馬去何之。
臨岐未斷還家

目望月空吟出塞，詩常欲激昂。
論上策不應憊，悴老明時遙知到日逢。
寒食彩筆長裾會，晉祠

自宣城赴官上京

杜牧

蕭灑江湖十過秋，酒杯無日不遲留。
謝公城畔溪鶯夢，蘇小門前柳拂頭。
千里雲山何好處，幾人襟韻一聲休。
塵冠挂却知閑事，終把蹉跎訪舊遊。

入朝

鼓吹入朝曲

李白

金陵控海浦，綠水帶吳京。
鏡歌列騎吹颯沓，引公卿。鉦鐘速嚴粧，伐鼓啓重城。
天子憑玉几，劍履若雲行。

唐詩類苑

卷之五十三

王七

日出照萬戶，簪裾爛明星。
朝罷沐浴閑，遨遊閬風亭。濟濟雙闕下，歡娛樂恩榮。

入朝奉別張燕公

梁知微

華容佳山水，之子厭承明。
符竹紆小郡，江湖被德聲。三年計吏入路指，巴丘城。
鳬舟纔結攬，騁駕已相迎。別離他鄉酒，委曲故人情。
孤嶼早烟薄，長波晚氣清。辛勤方遠鶯，勝賞屢難并。
迴瞻洞庭浦，日暮愁雲生。

送魏端公入朝

孟郊

東洛尚淹翫，西京足芳妍。
大賓威儀肅，上客冠劍鮮。豈惟空戀闕，亦以將朝天。
局促塵末吏，幽老病中絃。

徒懷青雲價忽至白髮年何當補風教為薦三百篇

岳州別趙國公王十一珪入朝

張說

昔濫貂蟬長同承雨露霏今參魚鼈守望美洞庭歸
浦樹懸秋影江雲落曉輝離魂似征鴈恒往帝鄉飛
廣州蕭都督入朝過岳州宴餞

張說

孤城抱大江節使往朝宗果是臺中舊依然水上逢
京華遙比日疲老颯如冬竊美能言鳥銜恩向九重

奉別張燕公入朝

王珪

唐詩類苑

卷之五十三

王珪

五載朝天子三湘逢舊寮扁舟方輟棹清論逐終朝
遠樹烟間沒長江地際遙帝城馳夢想歸帆滿風颿

送何侍御歸朝

杜甫

舟楫諸侯餞車輿使者歸山花相映發水鳥自孤飛
春日垂霜鬢天隅把繡衣故人從此去寥落寸心違

送員外侍御入朝

錢起

別思亂無緒妖氛猶未清含香五夜客持賦十年兄
霜拂金波樹星回玉斗城自憐江上鶴垂翅美飛鳴

新安奉送穆諡德歸朝賦得行事

九重宣室召萬里建溪行事直皇天在歸遲白髮生

用材身復起親聖眼猶明離別寒江上潺湲若有情

送王員外歸朝

劉長卿

往來無盡日離別要逢春海內罹多事天涯見近臣
芳時萬里客鄉路獨歸人魏闕心常在隨君亦向秦

夏口送徐郎中歸朝

劉長卿

星象南宮遠風流上客稀九重思曉奏萬里見春歸
棹發空江響城孤落日暉離心與楊柳臨水更依依

早秋送臺院楊侍郎歸朝

兄弟四人通歷
諸科二人同省

劉禹錫

唐詩類苑

卷之五十三

王

僊署棣華春當時已絕倫今朝丹闕下更入白眉人
重振高陽族分居要路津一門科第足五府辟書頻

送崔侍御入朝

李嘉祐

十年猶執憲萬里獨歸春舊國無芳草青雲見故人
潘郎今髮白陶令未家貧相送臨京口停橈淚滿巾

送王端赴朝

李嘉祐

君承明主意日上丹墀東閣論兵後南宮草奏期
人稀傍河處槐暗入關時獨遣吳州客平陵結夢思

送侍御史四叔歸朝

李嘉祐

淮南頻送別臨水惜殘春攀折隋宮柳淹留秦地人

含情歸上國論舊見平津更接天津近餘花映綬新

送李補闕歸朝

徐凝

駟馬歸咸秦雙鳬去海門還從清切禁再沐聖明恩
禮樂中朝貴文章大雅存江湖多放逸獻替欲誰論

岳州別梁六入朝

張說

遠蒞長沙渚欣逢賈誼才江山疲應接風日復晴開
江樹雲間斷湘山水上來近洲朝鷺集古戍夜猿哀
岸杼含蒼口河蒲秀紫臺月餘過地賞心盡故人杯
自我違京洛嗟君此汴泗容華因別老交舊血年顏
夢見長安陌朝宗實盛哉

唐詩類苑 卷之五十五

三十一

奉送嚴公入朝十韻

杜甫

鼎湖瞻望遠象闕憲章新四海猶多難中原憶舊臣
與時安反側自昔有經綸感激張天步從容靜塞塵
南圖回羽翮北極捧星辰漏鼓還思晝宮闕罷轉春
空留玉帳術愁殺錦城人閣道通丹地江潭隱白蘋
此生那老蜀不死會歸秦公若登台輔臨危莫受身

季夏送鄉弟韶陪黃門從叔朝謁

杜甫

令弟尚爲蒼水使名家莫出杜陵人比來相國兼安
蜀歸赴朝廷已入秦捨舟策馬論兵地拖玉腰金報

主身莫度清秋吟蟋蟀早聞黃閣畫麒麟

送寶拾遺赴朝因寄中書十七弟

李嘉祐

自嘆未霜黃紙詔那堪遠送赤墀人老爲僑客偏相
戀素是詩家倍益親妻兒共載無羈思鴛鴦同行不
負身憑爾將書通令弟唯論華髮愧頭巾

令狐相公拜尚書後有喜從鎮歸朝之作劉

郎中先和因以繼之 白居易

車騎從新梁苑迴履聲珮響入中臺鳳池望在終重
去龍節功成且約來金勒最宜乘雪出玉觴何必待

唐詩類苑 卷之五十五

三十一

花開尚書首唱郎中和不計官資只計才

送浙東王侍郎入朝 方干

自將苦節酬清秩肯要龐眉一箇錢恩愛已蘇勾踐
國程途却上大羅天池魚菊島還公署沙鶴松栽入
畫船密奏無非經濟術從容幾刻在爐烟

田司空入朝

張籍

西來將相位兼雄不與諸君覲禮同早變山東知順
命新收濟上立殊功朝官叙謁趨門外恩使宣迎滿
路中閭闔曉來銅漏靜身當受冊大明宮

洛中監察病假滿送韋楚老拾遺歸朝

杜牧

洛橋風暖細翻衣春引仙官去玉墀獨鶴初冲太虛
日九牛新落一毛時行開教化期君是臥病神祇禱
我知十載丈夫堪耻處朱雲猶掉直言旗

送薛補闕入朝

鮑防

平原門下十餘人獨受恩多未殺身每嘆漢來兄弟
少更憐楊氏子孫貧柴門豈斷施行馬魯酒那堪醉
近臣賴有軍中遺今在猶將談笑對風塵

唐詩類苑

卷之五十三

三

唐詩類苑卷第五十四

明雲間張之象玄超甫纂輯

梁谿安希范小范甫編次

雲間王徹叔朗甫補訂

梁谿曹仁孫伯安甫校正

治政部

赴闕

除官赴闕至江州寄鄂岳李大夫

韓愈

益城去鄂渚風便一日耳不枉故人書無因汎江水

唐詩類苑

卷之五十四

一

故人辭禮闈旌節鎮江圻而我竄逐者龍鍾初得歸
別來已三歲望望遠迢遞咫尺不相聞平生那可計
我齒落且盡君鬢白幾年皆過半百來日苦無多
少年樂新知衰暮思故友譬如親骨肉寧免相可不
我昔實愚癡不能降色辭子犯亦有言臣猶自知之
公其務貫過我亦請改事桑榆儻可收願寄相思字

送崔拾遺赴闕

朱慶餘

清貌凌寒玉朝來拜拾遺行承天子詔去感主人知
劍佩分班日風霜獨立時名高住不得非與九雲期

送駱徵君

陳潤

人膺辟命溪上掩柴扉黃卷猶將去青山豈更歸
馬留苔蘚迹人脫薜蘿衣他日相思處天邊望少微

送劉三復郎中赴闕 杜牧

橫溪辭寂寞金馬去追遊好是鴛鴦侶正逢霄漢秋
玉珂聲瑣錦帳夢悠悠微笑知今是因風謝釣舟

河西縣樓送渾中允赴闕 盧綸

高樓吹玉簫車馬上河橋岐路自奔馳壺觴終寂寞
芳蘭生貴里片玉立清朝今日台庭望心遙非地遙
暮春江陵送馬大卿公恩命追赴闕下 杜甫

唐詩類苑

卷之五十四

二

自古求忠孝名家信有之吾賢富才術此道未磷緇
王府標孤映霜蹄去不疑激揚音韻徹精甚衆多推
潘陸應同調孫吳亦異時北宸徵事業南紀赴恩私
卿月昇金掌王春度玉墀薰風行應律湛露卽歌詩
天意高難問人情老易悲樽前江漢濶後會且深期

還闕首途寄精舍親友 韋應物

休沐日云滿冲然將罷觀嚴車候門側晨起正一作
朝冠山澤舍餘雨川澗注驚湍攬轡遵東路前一路登

迴首一長歎居人已不見高閣在林端

送雷監赴闕庭 韋應物

才大無不備出入爲時須雄藩精理行祕府擢文儒
詔書忽已至焉得久踟躕方舟赴朝謁觀者盈路衢
廣筵列衆賓送爵無停迂攀餞誠愴恨一作賀榮且
歡娛長陪栢梁宴日向丹墀趨時方重右職蹉跎獨
海隅

送千牛李將軍赴闕五十韻

李商隱

照席瓊枝秀當年紫綬榮班資古直閣勲伐舊西京
在昔王綱紊因誰國步清如無一戰霸安有大橫庚
內豎依憑切凶門責望輕中台終惡直上將更要盟

唐詩類苑

卷之五十四

三

丹陛祥煙滅皇闈煞氣橫喧闐衆狙怒容易入蠻驚
檣杙寬之久防風戮不行素來矜異類此去豈親征
捨魯真非策居邠未有名曾無力牧御寧待雨師迎
火箭侵乘石雲橋逼禁營何時絕刁斗不夜見攬槍
屢亦聞投鼠誰其敢射鯨世情休念亂物議笑輕生
大鹵思龍躍蒼梧失象耕靈衣沾媿汗儀馬困陰兵
別館蘭薰酷深宮蠟焰明黃山遮舞態黑水斷歌聲
縱未移周鼎何辭免趙坑空拳轉闕地數板不沉城
且欲憑神筭無因計力爭幽囚蘇武節棄市仲由纓
下殿言終驗增埤事早萌先時桑道茂請脩奉天城蒸鷄殊減膳

屑翅異和羹否極時還泰屯餘運果亨流離幾南度
倉卒得西平神鬼收昏黑姦兇首去聲滿盈官非督護
貴師以丈人真覆載還高下寒暄急改更馬前烹
卓壇上挹韓彭扈蹕三才正廻軍六合晴此時唯短
劍仍世盡雙旌顧我由羣從逢君嘆老成慶流歸嫡
長貽厥在名卿隼擊須當要鵬搏莫問程趨朝排玉
座出位泣金莖幸藉梁園賦叨蒙許氏評中郎推貴
壻定遠重時英政已標三尚人今佇一鳴長刀懸月
魄快馬駭星精披豁慙深眷睽離動素誠蕙留春腕
晚松待歲嶢嶢異縣期廻鴈登時已飢鱗去程風刺

唐詩類苑

卷之五十四

四

刺別後漏丁丁使信生多感楊朱死有情絃危中婦
瑟甲冷想夫箏會與秦樓鳳俱聽漢苑烏洛川迷曲
沼煙月兩心傾

闕下口號呈柳儀曹

劉禹錫

綵仗神旗獵曉風鷄人一唱鼓蓬蓬銅壺漏水何時
歇如此相催卽老翁

除官赴闕商山道中絕句

杜牧

水疊鳴珂樹如帳長楊春殿九門珂我來惆悵不自
決欲去欲住終如何

送考功崔郎中赴闕

白居易

稱意新官又少年秋涼身健好朝天青雲上了無
路却要徐驅穩著鞭

送舒著作重授省郎赴闕

白居易

三歲相依在洛都遊花宴月飽歡娛惜別笙歌多恁
咽願留軒蓋少踟躕劒磨光彩依前出鵬舉風雲逐
後駟從此求閑應不得更能重醉白家無

送光祿崔卿赴闕

羅隱

十年目斷望西轅此日慇懃聖主恩上國已留虞寄
命中朝應聽范汪言官從府幕歸卿寺路向干戈見
禁門鴉侶寂寥曹署冷更堪嗚咽問田園

唐詩類苑

卷之五十四

五

送蕭中丞赴闕

羅隱

八年刀筆別京華歸去青冥路未賒今日風流卿相
客舊時基業帝王家彤庭彩鳳雖添瑞望府紅蓮已
減花從此舊僚如有問海邊麋鹿斗邊槎

湖州裴郎中赴闕後投寄簡友生

羅隱

錦帳郎官塞詔年汀州曾駐木蘭船爾衡酒醒春瓶
小柳憚詩成海月圓歌聲遠山珠滴滴漏催香燭淚
漣漣使君入拜吾徒在宣室他時豈偶然

送睦州侯郎中赴闕

方干

昔著政聲聞國外今留儒術化江東青雲舊路歸仙
掖白鳳新詞入聖聰絃管未知銀燭曉旗旛已待錦
帆風郡人難議酬恩德偏在三年禮遇中

聞杜牧赴闕

伍喬

舊隱匡廬一草堂今聞攜策謁吾皇峽雲難捲從龍
勢古劍終騰出玉光開翅定期歸碧落濯纓寧肯問
滄浪他時得意交知仰莫忘裁詩寄釣鄉

入計

錢王司馬入計同用洲字 張九齡

元寮行上計舉餞出林丘忽望題輿遠空思解榻遊

唐詩類苑

卷之五十四

六

別筵鋪柳岸征棹倚蘆洲獨歎湘江水朝宗向北流

計會

送河中張胃曹往太原計會迴

耿漳

北風長至遠四牡向幽并衰木新田路寒蕪古絳城
遙聽邊上信遠計朔南程料變當臨事遙知外國情

赴任

冬宵家會餞李郎司兵赴同州

岑參

急管雜青絲玉瓶金屈卮寒天高堂夜撲地飛雪時

賀君關西掾新綬腰下垂白面皇家郎逸翮青雲姿
明旦之官去他辰良會稀惜別冬夜短務歡杯行遲
季女猶自小老夫未令歸且看匹馬行不得鳴鳳飛
昔歲到馮翊人煙接京師曾上月樓頭遙見西嶽祠
沙苑逼官舍蓮峯壓城池多暇或自公讀書復彈碁
州縣信徒勞雲霄亦可期應須力爲政聊慰此相思

送王大昌齡赴江寧

岑參

對酒寂不語悵然悲送君明時未得用白首徒攻文
澤國從一官滄波幾千里羣公滿天闕獨去過淮水
舊家富貴渚嘗憶卧江樓自聞君欲行頻望南徐州

唐詩類苑

卷之五十四

七

窮巷獨閉門寒燈靜深屋北風吹微雪抱被肯同宿

君行到京口正是桃花時舟中饒孤興湖上多新詩
潛虬且深蟠黃鶴飛來晚惜君青雲器努力加餐飯

送魏郡李太守赴任

王維

與君伯氏別又欲與君離君行無幾日當復隔山陂
蒼茫秦川盡日落桃林塞獨樹臨關門黃河向天外
前經洛陽陌宛洛故人稀故人離別盡淇上轉驂駟
企予悲送遠惆悵睢陽路古木官渡平秋城鄴宮故
想君行縣日其出從如雲遙思魏公子復憶李將軍

陪章留後惠義寺餞嘉州崔都督赴州

杜甫

中軍待上客令肅事有恒前驅入寶地祖帳飄金繩
南陌既留歡茲山亦深登清聞樹杪磬遠謁雲端僧
迴策匪新岸所攀仍舊藤耳激洞門颯目存寒谷水
出塵閼軌躅畢景遺炎蒸未願坐長夏將衰棲太乘
羈旅惜宴會艱難懷友朋勞生共幾何離恨兼相仍

送馬錄事赴永陽

李頎

子爲郡從事主印清淮邊談笑一州裏從容羣吏先
手持三尺令遣決如流泉太守既相許諸公誰不然
孤城連海樹萬室帶山煙春日溪湖淨芳洲葭莢連

唐詩類苑

卷之五十四

八

炊粳蟹螯熟下筍鱸魚鮮野鶴宿簷際楚雲飛面前
聽歌送離曲直駐木蘭船贈爾八行字當開家政傳

赴馮翊作

儲光義

本自江海人且無寥廓志大明耀天宇靄靄風雨被
迢遞別荆吳飄飄涉沂泗廣川俟舟楫峻坂傷騏驎
躑躅失歸道崎嶇從下位西出太華陰北走少梁地
葱隴墟落色泱泱關河氣耻從俠烈遊甘爲刀筆吏
寶劍茱萸匣豈忘知音貴大道且泛然沉浮未云異

送相里郎中赴江西

獨孤及

君把一尺詔南游齊滄浪受恩忘險艱不道岐路長

戎秋方構患休牛殊未遑三秦千倉空戰卒如餓狼

委輸資外府諏謀寄賢良有才當陳力安得遂翱翔
豈不慎井賦賦均人亦康遙知軒車到萬室安耕桑
火伏金氣騰昊天欲滄茫寒蟬慘巴鄧秋色愁沅湘
昨日攜手西於今芸再黃歡娛詎幾許復向天一方
躑躅話世故惆悵舉離觴共求數刻歡戲謔君此堂
今日把手笑少時各他鄉身名同風波聚散未易量
曷月還朝天及時開智囊前期儻猶濶加飯勉自強

送李大人赴廣州

錢起

一賢聞氣生麟趾鳳凰羽何意人之望未爲王者輔

唐詩類苑

卷之五十四

九

出鎮忽推才盛哉文且武南越寄維城雄權寄甲兵
鼓門通幕府天井入軍營厥俗多豪侈古來難致禮
唯君飲水心可酌貪泉水忠臣感聖君狗義不邀勳
龍鏡逃山魅霜風破嶂雲征途凡幾轉魏闕如在眼
向郡海潮迎指鄉關樹遠按節化甌閩下車佳政新
應令尉陀俗還作上皇人支離交俊哲弱冠至華髮
昔許霄漢期今嗟鵬鷖別圖南不可衙惆悵守薄劣

送李邕之任滑臺

玄宗

漢家重東郡宛彼白馬津黎庶旣蕃殖臨之勞近臣
遠別初首路今行方及春課成應第一良牧爾當仁

奉和聖製送李邕之任滑臺

張九齡

眷言感忠義何有間山川徇節今如此離情空復然
皇心在懃恤德澤委招宣暮月成功後明年或勞還

同賀八送交公赴荊州

張說

疇昔同聲友騫飛出鳳池風雲一蕩薄日月屢參差
此別黃葉下前期安可知唯隣楚南樹不為歲寒移

送崔二長史日知赴潞州

張說

東山懷卧理南省悵悲翁共見前途足何如後會同
莫輕一筵宴明日半成空况爾離庭闕思歸迷夢中

唐詩類苑

卷之五十四

十一

送鮮于萬州遷巴州

杜甫

京兆先時傑琳琅照一門朝廷偏注意接近與名藩
祖帳維舟數寒江觸石喧看君妙為政他日有殊恩

餞張七琚任宗城即環之季也同產八人俱

以才名知

儲光義

他日曾遊魏家家餘趾存可憐宮殿所但見桑榆繁
此去拜新職為榮近故園高陽八才子况復在君門

送從叔士準赴任潤州司士

盧綸

雲起山城暮沉沉江上天風吹建業雨浪入廣陵船

久是吳門客常聞謝守賢終悲去國遠淚盡竹村前

送史九赴任寧陵兼呈單父史八時監察

兄初入臺

劉長卿

趨府弟聯兄看君此去榮春隨千里道河帶萬家城
繡服棠花映青袍草色迎梁園脩竹在持贈結交情

送梁郎中赴吉州

劉長卿

遙想廬陵郡還聽叔度歌舊官移上象新令布中和
看竹經霜少聞猿帶雨多但愁微拜日無柰借留何

送袁明府之任

劉長卿

既有親人術還逢試吏年蓬蒿千里閑村樹幾家全

唐詩類苑

卷之五十四

十一

雪覆淮南道春生潁谷煙何時當位政相府待聞天

送殷侍御赴同州

賈島

馮翊蒲一作西郡沙岡擁地形中條全離岳清渭半

和涇夜暮眠明月秋深至洞庭猶來交辟士事別偃

林岫

送姚杭州

賈島

白雲峯下城日夕白雲生人老江波釣田侵海樹耕

吳山鍾如越蓮葉吹搖旌詩異石門思海來向越迎

送姚合員外赴金州

方干

受詔從華省開旌發帝州野煙新驛曙殘照古山秋

樹勢連巴沒江聲入楚流惟應行化後吟句上雲樓

送人任濟陰

張籍

黃綬在陰下知君非旅行將書報舊里留褐與諸生
贈別盡沽酒惜歡多出城春風濟水上侯吏聽車聲

送長孫將軍欽州之任

獨孤及

臨難敢橫行遭時取盛名五兵常典校四十又專城
浪逐樓船破風從虎竹生島夷今可料繫頸有長纓

送江陵全少卿府赴任

獨孤及

冢司方春選劇縣得英筆固是攀雲漸何嗟趨府勞
楚山迎驛路漢水漲秋濤騫翥方茲始看君六翮高

唐詩類苑

卷之五十四

十三

送陽翟張主簿之任

獨孤及

舊聞陽翟縣西接鳳高山作吏同山隱知君處劇閑
少年當効用遠道豈辭艱遲子揚名後方期綵服還

送蘇郎中綰出佐荊州

孫逖

神仙久留滯清切佇飛翻忽佐南方牧何時西掖垣
高車自蘭省便道出荆門不見河梁別空銷郢路魂

送楊八給事赴常州

白居易

無嗟別青瑣且喜擁朱輪五十得三品百千無一人
須勤念黎庶莫苦憶交親此外無過醉毗陵何限春

送戴端公赴容州

陳羽

分命諸侯重歲筵繡服香入蠻治險路千騎踏繁霜

山斷旌旗出天晴劍佩光還將小戴禮遠去化南方

送姚六崑客任會稽何大蹇任孟縣

儲光義

越城臨渤海晉國在河汾仙綬兩鄉意青郊一路分
野棠春未發田鶴暮成羣他日思吳會嘗因西北雲

送嚴大夫赴桂州

白居易

地壓坤方重官兼憲府雄桂林無瘴氣相暑有清風
山水衙門外旌旗艤艤中大夫應絕席詩酒與誰同

賈 邕

唐詩類苑

卷之五十四

十三

子欲適東周門人盈岐路高標信難仰薄宦非始務
綿邈重重途徘徊四郊暮征車日云遠撫已慙深顧

送董卿赴台州

張 嶺

九陌除書出尋僧問海城家從中路挈吏隔數州迎
夜蚌侵燈影春禽雜櫓聲開圖見異跡思上石橋行

送岳州司馬弟之任

李嘉祐

嶽陽天水外念爾一帆過野墅人煙迥山城鴈影多
有時巫峽色終日洞庭波丞相今爲郡應無勞者歌

送交州杜別駕之任

李嘉祐

停車邀別乘促軫奏胡笳若見楚山暮應愁浙水賒

河堤經淺草村徑歷繁花更有堪悲處梁城春日斜

贈衛南長官赴任

李嘉祐

吏曹難茂宰主意念疲人更事文犀節還過白馬津
雲間辭北闕樹裏出西秦爲報陶明府裁書莫厭貧

衡州送李十一兵曹赴浙東

呂溫

慷慨視別劍淒涼泛離琴前程楚塞斷此恨洞庭深
文字久已廢循良非所任期君碧雲上千里一揚音

送王郎中之官吉水

李建勳

南望廬陵郡山連五嶺長吾君憐遠俗從事輟名郎

唐詩類苑

卷之五十四

十四

移戶多無土春蠶不滿筐惟應勞贊畫溪峒况疆梁

送知己赴濮州

李洞

中路行僧謁郵亭話海濤劍搖林欲落旗閃岳禽高
苔長空州獄化開夢省曹濮陽流政化一半布風騷

賜崔日知往潞州

玄宗

潞國開新府壺關籠舊林妙旌循吏德特悅庶氓心
禮樂中朝貴神明列郡欽揚風非贈扇易俗是張琴
藩鎮謳謠滿行宮雨露深會書丞相策先賜潁川金

奉和聖製賜崔日知往潞州應制

張說

聖情留重鎮佳氣翊興王增戟雄都府高車轉太常

川橫八練澗山帶五龍長連帥初恩命天人舊紀綱
餞塗飛御藻闔境自生光明主徵循吏何年下鳳凰

送楊六望赴金水

宋之問

借問梁山道嶽岑幾萬重遙州刀作路絕筆劍爲峯

惜別路窮此留歡意不從憂來生白髮時晚愛青松
勿以西南遠夷歌寢盛容台階有高位寧復久臨邛

夏日梁王席送張岐州

沈佺期

秦鷄常下雍周鳳昔鳴岐此地推雄撫惟梁寄在期
家傳七貂貴人擅八龍奇高傳生光彩長林歎別離

唐詩類苑

卷之五十四

十五

天人開祖席朝采候征麾翠轡當郊敞彤幃向野披

九芄秋麥盛苒苒夏條垂奉計何時入台階望羽儀

送盧少府赴延陵

李頎

問君從官所何日府中趨遙指金陵縣青山天一隅

行人懷寸祿小吏獻新圖北固波濤險南天風俗殊

春江連橘柚晚景媚蒲菰漠漠花生渚亭亭雲過湖
灘沙映村火水霧欽橋鳥回首東門路鄉書不可無

送宋休遠之蜀任

張說

求友殊損益行道異窮申綴我平生氣吐贈薄遊人

結恩事明主忍愛遠辭親色麗成都俗膏腴蜀水濱

如何從宦子堅白共緇磷日月千齡旦河山萬族春
懷鉛書瑞府橫草事邊塵不及安人吏能令王化淳

送喬安邑備

張說

書閣移年歲文明難復辭歡言冬雪滿恨別夏雲滋
外尹方為政高明自不欺老人驂馭往童子押羣嬉
日茂西河俗寥寥東觀期遙懷秀水令京洛見新詩

送盧郎中除杭州赴任

岑參

罷起郎官草初分刺史符海雲迎過楚江月引歸吳
城底濤聲震樓端蜃氣孤千家窺驛舫五馬飲春湖
柳色供詩用鶯聲送酒須知君望鄉處枉道上姑蘇

唐詩類苑

卷之五十四

共

送熊九赴任安陽

王維

魏國應劉後寂寥文雅空漳河如舊日之子繼清風
阡陌同臺下間閭金虎中送車盈灞上輕騎出關東
相去千餘里西園明月同

送梓州李使君之任

杜甫

籍甚黃丞相能名自穎川近看除刺史還喜得吾賢
五馬何時到雙魚會早傳老思筇竹杖冬要錦衾眠
不作臨岐恨唯聽舉最先火雲揮汗日山澤醒心泉
遷害陳公頌于今蜀道憐君行射洪縣為我一潸然

送陵州路使君之任

杜甫

王室比多難高官皆武臣幽燕通使者岳牧用詞人
國待賢良急君當拔擢新佩刀成氣象行蓋出風塵
戰伐乾坤破瘡痍府庫貧衆寮宜潔白萬役但平均
霄漢瞻佳士泥塗任此身秋天正搖落回首大江濱

奉送蘇州李二十五長史丈之任

杜甫

星坼台衡地曾為人所憐公侯終必復紅術竟難傳
食德見從事克家何妙年一毛生鳳穴生尺獻龍泉
赤壁浮春暮姑蘇落海邊客間頭最白惆悵此離筵

秋日送杜虔州

王建

唐詩類苑

卷之五十四

十七

憶得宿新宅別來餘蕙香初聞守郡遠一日卧空牀
野驛煙火濕路人消息狂山樓添鼓角村柵立旗槍
晚渚露荷敗早衙風桂涼謝家章句出江月少輝光

送吳郎中赴忠州

王建

西臺復南省清白上天知家每因窮散官多為直移
遙邊過驛近買藥出城遲朝野憑人別親情伴酒悲
故園愁去後白髮想迴時何處忠州界山頭早望旗

送丁著作佐台郡

錢起

多年金馬客名遂動歸輪佐郡紫書下過門朱綬新
揚舲望海嶽入境背風塵水驛偏乘月海園別受春

帶經臨府吏。鱸鯉待鄉人。始見美高士。逍遙在縉紳。

送任先生任唐山丞

錢起

再命果良願。幾年勤說詩。上公頻握髮。才子共垂帷。
琢玉成良器。出門偏愴離。腰章佐墨綬。耀錦到茅茨。
老樹見家日。潮平歸縣時。衣催蓮女織。頌聽海人詞。
鴻鵠志應在。荃蘭香未衰。金門定回首。雲路有佳期。

送劉四赴夏縣

李頎

九霄獨立紅鸞姿。萬仞孤生玉樹枝。劉侯致身能若
此。天骨自然多歡美。聲名播揚二十年。足下長途幾
千里。舉世皆親丞相閣。我心獨愛伊川水。脫畧勢利

唐詩類苑

卷之五十四

十八

猶埃塵。嘯傲時人而已矣。新詩數歲即文雄。上書昔
召蓬萊宮。明主拜官麒麟閣。光車駿馬看玉童。高人
往來廬山遠。隱士往來張長公。扶南甘蔗甜如蜜。雜
以荔枝龍州楸。赤縣繁詞滿劇曹。白雲孤峯暉未日。
朝持手板望飛鳥。暮誦楞伽對空室。一朝出宰汾河
間。明府下車人吏閑。端坐訟庭更無事。開門咫尺巫
咸山。男耕女織蒙惠化。麥熟雉鳴長秋稼。明年九府
議功時。五辟三徵當在茲。聞道桐鄉有遺老。邑中還
欲置生祠。

餞唐永昌

馬懷素

聞君出宰洛陽隅。賓友稱觴餞路衢。別家相思在何
處。祇應闕下望仙鳧。

餞唐永昌

崔日用

洛陽桴鼓今不鳴。朝野咸推重太平。冬至冰霜俱怨
別。春來花鳥若爲情。

餞唐永昌

劉憲

始見郎官拜洛陽。旋聞近侍發雕章。緒言已最暮年
政。綺字當先滿路光。

送唐永昌

閻朝隱

洛陽難理若棼絲。錐破連環定不疑。鸚鵡鳥道長安

唐詩類苑

卷之五十四

十九

樂回首。一顧一相思。

餞唐永昌

薛稷

河洛風煙壯市朝。送君飛鳧去漸遙。更思明年桃李
月。花紅柳綠宴浮橋。

餞唐永昌

武平一

聞君墨綬出丹墀。雙鳧飛來佇有期。寄謝銅街攀柳
日。無忘粉署握蘭時。

餞唐永昌

徐堅

郎官出宰赴伊瀍。征傳駸駸灞水前。此時長望新豐
道。攜手相看共黯然。

錢唐未昌

徐彥伯

金谿碧水玉潭沙
鳬鳥翩翩弄日華
關鷄香陌行春倦
爲摘東園桃李花

錢唐未昌

李適

聞道飛鳬向洛陽
翩翩矯翮度文昌
因聲寄意三花樹
少室巖前幾過香

送崔鶯赴漢陽

李頎

中外相連弟與兄
新加小縣子男名
纔年三十佩銅印
知爾絃歌漢水清

送蘇州李使君赴郡二絕句

唐詩類苑

卷之五十四

辛

白居易

憶拋印綬辭吳郡
衰病當時已有餘
今日賀君兼自喜
八迴看換舊銅魚

館娃宮深春日長
烏鵲橋高秋夜涼
風月不知人世變
奉君直似奉吳王

龍門送別皇甫澤州赴任韋山人南遊

白居易

隼旗歸洛知何日
鶴駕還嵩莫過春
惆悵香山雲水冷
明朝便是獨遊人

送張員外出牧岳州

錢起

鳳凰銜詔與何人
善政多才寵冠脣
臺下鴛鴦爭送遠
岳陽雲樹待行春
自怜黃閣知音在
不願彤幃出守頻
應笑馮唐衰且拙
世情相見白頭新

送商州杜中丞赴任

皇甫曾

安康地理接商於
帝命專城總賦輿
夕拜忽辭青瑣闥
晨裝獨捧紫泥書
深山古驛分騶騎
芳草雲間逐隼旗
綺皓清風千古在
因君一爲謝巖居

送鄆州李郎中赴任

劉禹錫

楚門鄆水路非賒
東望雲山日夕佳
薤葉照人呈夏簞
松花滿盞試新茶
樓中飲興因明月
江上詩情爲晚霞
此地交親長引領
早將玄鬢到京華

唐詩類苑

卷之五十四

壬

晚霞此地交親長
引領早將玄鬢到京華

送李中丞之楚州

劉禹錫

緹騎朱旗入楚城
士林皆賀振家聲
兒童但喜迎賓守
故吏猶應記姓名
萬頃水田連郭秀
四時煙月應淮清
憶君初得崑山玉
同向揚州攜手行

送渾大夫赴豐州

劉禹錫

鳳銜新詔降恩華
又見旌旗出漢家
故吏來辭辛屬國
精兵願逐李轻車
瓊裘君長迎風馭
錦帶酋豪踏雪衙
其柰明年好春日
無人喚看牡丹花

送從弟濛赴饒州

張籍

京城南去鄱陽遠風月悠悠別思勞三領郡符新寄
重再登科第舊名高去程江上多看候迎吏船中亦
帶刀到日更行清靜化春天應不見蓬蒿

贈別王侍御赴任陝州司馬

張籍

京城在處閑人少唯共君行竝馬蹄更和詩篇名最
出時傾杯酒戶常齊同趨闕下聽鐘漏獨向軍前聞
鼓聲今日春明門外別更無因得到街西

送楊少尹赴鳳翔

張籍

詩名往日動長安首首人家卷裏看西學已行秦博

唐詩類苑

卷之五十四

三

士南宮新拜漢郎官得錢祇了還書鋪借宅常時事
藥欄今去岐州生計薄移居偏近隴頭寒

送人赴職任褒中

羅隱

物態時情難重陳夫君此去莫傷春男兒只要有知
已才子何堪更問津萬轉江山通蜀國兩行珠翠見
褒人海棠花謝東風老應念京都共苦辛

送姚安之赴任狄浦

羅隱

官罷春坊地象雷片帆高指貴池開五侯水暖魚鱗
去九子山晴鴈叙來江夏黃童徒逞辯廣都龐令恐
非才到頭稱意須年少贏得時光向酒杯

送河南尹馮學士赴任

白居易

石渠金谷中間路軒騎翩翩十日程清洛飲冰添苦
節碧嵩看雪助高情謾誇河北操旄鉞莫羨江西擁
旆旌何似府寮京洛水別教三十六峯迎

送劉吾司馬赴任陝州兼寄崔使君

白居易

位下才高多怨天劉兄道勝獨恬然貧於楊子兩三
倍老過榮公六七年筆硯莫拋留壓案簞瓢從陋也
銷錢郡丞自合當優禮何況夷陵太守賢

送東都留守令狐尚書赴任

唐詩類苑

卷之五十四

五

白居易

翠華黃屋未東巡碧落青嵩付大臣地稱高情多水
竹山宜閑望少風塵龍門卽擬爲遊客金谷先憑作
主人歌酒家家花處處莫空管領上陽春

送蘄春李十九使君赴郡

白居易

可憐官職好文詞五十專城未是遲曉日鏡前無白
髮春風門外有紅旗郡中何處堪攜酒席上誰人解
和詩唯共交親開口笑知君不及洛陽時

送陝州王司馬建赴任

白居易

陝州司馬去何如養靜資貧兩有餘公事閑忙同少

尹料錢多少敵尚書祗攜美酒為行伴唯作新詩赴下車自有鐵牛無詠者料君投刃必應虛

送姚杭州赴任因思舊遊二首

白居易

與君細話杭州事為我留心莫等閑閭里固宜勤撫恤樓臺亦要數躋攀笙歌縹緲虛空裏風月依稀夢想間且喜詩人重管領遙飛一盞賀江山
渺渺錢塘路幾千想君到後事依然靜逢竺寺猿偷極閑看蘇家女採蓮故妓幾人憑問訊新詩兩首倩留傳舍人雖健無多興老校當時八九年

唐詩類苑

卷之五十四

五

括圖書

送顏司議使蜀訪圖書

韋應物

軺駕一封急一作傳蜀門千嶺曠詎分江轉字但見路緣雲山館夜聽雨秋後獨叫羣無為久留滯聖主待遺文

送李嘉祐正字括圖書兼往揚州覲省

司空曙

不事蘭臺貴全多韋帶風儒官北劉向使者得陳農晚燒平蕪外朝陽疊浪東歸來喜調膳寒筍出林中
送耿拾遺緯克括圖書使往江淮

盧綸

侍令收遺籍諸儒喜餞君孔家唯有地禹穴但生雲
綸簡知還續蟲書亦自分如逢北山隱一為謝移文

送耿漳江外括圖書

李端

驅傳一作馳道草連天回風滿樹蟬將過夫子宅前問孝廉船漢史收三篋周詩採百篇別君終有淚不是怨流年

送集賢崔八叔承恩括圖書

錢起

雨露滿儒服天心知予虛還勞五經笥更訪百家書

唐詩類苑

卷之五十四

五

贈別傾文苑光華北使車晚雲隨客散寒樹出關疎
相見應朝夕歸期在玉除

送賈起居奉使入洛陽取圖書固便拜覲

蘇頌

舊國才因地當朝史命官遺文徵缺簡還思採芳蘭
傳發關門候觴稱邑里歡早持京副入旋竹洛書刊

巡行

巡按自離水南行

張九齡

理棹雖云遠飲水寧有惜况乃佳山川怡然傲潭石
奇峯岌前轉茂樹隈中積猿鳥聲自呼風泉氣相激

目因詭容逆心與清暉滌紛吾謬執簡行郡將移微
節事耶獨歡素懷豈兼適悠悠詠靡鹽庶以窮日夕

歲初巡屬縣登高安南樓言懷

張九齡

山城本孤峻憑高結層軒江氣偏宜早林英粲已繁
餘滋含宿霽衆妍在朝暉拂衣釋簿領伏檻遺紛喧
深俯東溪澳遠延南山樊歸雲納前嶺去鳥投遙村
日盡有餘意心惻不可緩竭來彭蠡澤載經敷淺原
春及但生思時哉無與言不才叨過舉唯力酬明恩
美化猶寂蔑迅節徒飛奔雖無立成效庶以去思論

唐詩類苑

卷之五十四

主

行復徇孤迹亦云吾道存

巡屬縣屬中作

張九齡

春令夙所奉駕言遵此行途中却郡掾林下招村民
至邑無紛列來人但歡迎豈伊念邦政爾實在時清
短才濫符竹弱歲起柴荆再入江村道求懷山數情
矧逢陽節獻默聽時禽鳴迹與素心別感從幽思盈
流芳日不待夙志蹇無成知命且何欲所圖唯退耕
華簪極身泰衰鬢歟木榮苟得不可遂吾其謝世嬰

送狄員外巡按西山軍

岑參

兵馬守西山中國非得計不知何代策空使蜀人弊

八州巖谷深千里雲雪閉泉澆閣道滑水凍繩橋脆
戰士常苦饑糗糧不相繼胡兵猶不歸空山積年歲
儒生識損益言事皆審諦狄子幕府郎有謀必康濟
胸中懸明鏡照耀無巨細莫辭冒險艱可以裨節制
相思江樓夕愁見月澄霽

送楊法曹按括州

孫遜

東海天台山南方縉雲驛溪澄問人隱巖險煩登陟
潭壑隨星使軒車繞春色儻尋琪樹人爲報長相憶
送魏騎曹克宇文侍御判官分按山南

孫遜

唐詩類苑

卷之五十四

三七

雲雨陽臺路光華驛騎巡勸農開夢土恤隱惠荆人
樓迴吟黃鶴江長望白蘋觀風布明詔更是漢南春

送梁侍御巡未州

劉長卿

蕭蕭江雨暮客散野亭空憂國天涯去思鄉歲暮同
到時猿未斷迴處水應窮莫望零陵路千峯萬木中

巡農

奉和張荊州巡農晚望

錢起

太清齊雲雷陽春陶物象明牧行春令仁風助昇長
時和俗勤業播植農厥壤陰陰桑陌連漠漠水田廣
郡中忽無事方外還獨往日暮駐歸軒湖山有佳賞

宣城傳逸韻千載誰此響

唐詩類苑

卷之五十四

天

唐詩類苑卷第五十五

明雲間張之象玄超甫纂輯

梁谿安希范小范甫編次

雲間王徹叔朗甫補訂

梁谿曹仁孫伯安甫校正

治政部

鎮守

送徐州張建封還鎮

德宗

牧守寄所重才賢生爲時宣風自淮甸授鉞膺藩維
入觀展遐戀臨軒慰來思忠誠在方寸感激陳情詞

唐詩類苑

卷之五十五

一

報國爾所尚恤人予是資歡宴不盡懷車馬當還期
穀雨將應候行春猶未遲勿以千里遙而云無已知
路逢青州王大夫赴鎮立馬贈別

白居易

大旆擁金羈書生得者稀何勞問官職豈不見光輝
赫赫人爭看翩翩馬欲飛不欺前歲尹駐節語依依
江西鄭常侍赴鎮之日有寄因酬和

白居易

來暮亦何愁金貂在鵷舟旆隨寒浪動帆帶夕陽收
布令滕王閣裁詩郢客樓卽應歸鳳沼中外替天休

送容川中丞赴鎮

杜牧

交趾同星座龍泉似斗文燒香翠羽帳看舞鬱金裙
鷄首衝瀧浪犀渠拂嶺雲莫教銅柱北空說馬將軍

送王使君移鎮淮南

錢起

共許徐方牧能臨河內人郡移棠轉茂車至鹿還馴
吏事嘉師旅駕行惜縉紳別心傾祖席愁望盡征輪
紫詰徵黃晚蒼生借冠頻願言青鎖拜早及上林春

送蔣尚書居守東都

錢起

鳳輦幸秦久周人侯帝情若非君敏德誰鎮洛陽城
前席命才彥舉朝推令名綸言動北斗職事守東京

唐詩類苑

卷之五十五

二

鄭履下天去蓬輪滿路聲出關秋樹直對闕遠山明
肅肅保登處水流宮苑清長安日西笑朝夕衣衣迎

送王諫議任東都居守

錢起

車徒鳳掖東去去洛陽宮暫以青蒲隔還看紫禁同
經過乘雨露瀟灑出鴛鴻官署名臺下雲山舊苑中
暮天雙闕靜秋月九重空且喜成周地詩人播國風

送令狐相公自僕射出鎮南梁

劉禹錫

夏木正陰成戎裝出帝京沾襟辭闕淚回首別鄉情
雲樹褒中路風塵漢上城前旌轉谷去後騎踏橋聲

又領駕行重無嫌虎綬經終提一麾去再入副蒼生

奉送裴司徒令公自東都留守再命太原

晉國公兩任相去十六年

劉禹錫

星使出關東兵符賜上公山河歸舊國籥管換離宮
行色旌旗動軍聲鼓角雄愛棠餘故吏騎竹見新童
漢壘三秋靜胡沙萬里空其如天下望旦夕詠清風
奉送蔣尚書兼御史大夫東都留守

耿漳

副相威名重春卿禮樂崇錫珪仍拜下分命遂居東
高旆翻秋日清饒引細風蟬稀金谷樹草遍德陽宮

唐詩類苑

卷之五十五

三

教用儒門儉兵依武庫雄誰云千載後周召獨爲公
洛陽送牛相公出鎮淮南白居易

北闕至東京風光十六程坐移丞相閣春入廣陵城
紅旆擁雙節白鬚無一莖萬人開路看百吏立班迎
閫外君彌重尊前我亦榮何須身自得將相是門生

送牛相出鎮襄州

杜牧

盛時常注意南雅暫分茅紫殿辭明主嚴廊別舊交
危幢侵碧露寒旆獵紅旂德業懸秦鏡威聲隱楚郊
拜塵先灑淚成廈昔容巢遙仰沉碑會鴛鴦玉佩敲
奉和門下相公送西川相公兼領相印出鎮

全蜀詩十八韻

杜牧

盛業冠伊唐，台階翊戴光。無私天雨露，有截舜衣裳。
蜀轍新衡鏡，池留舊鳳凰。同心真石友，寫恨蔑河梁。
虎騎搖風旆，貂冠韻水蒼。彤弓隨武庫，金印逐文房。
棧壓喜陵咽，峯橫劍閣長。前驅二星去，開險五丁忙。
迴首崢嶸盡，連天草樹芳。丹心懸魏闕，往事愴甘棠。
治化輕諸葛，威聲懾夜郎。君平教說卦，犬子召升堂。
塞接西山雲，橋維萬里檣。奪霞紅錦爛，撲地酒壚香。
忝逐三千客，曾依數仞牆。滯頑堪白屋，攀附亦周行。
笛管伶倫曲，簫韶清廟章。唱高知和寡，小子斐然狂。

唐詩類苑

卷之五十五

四

奉送中丞姊夫傳自大理卿出鎮江西敘事

書懷因成十二韻

杜牧

惟帝憂南紀，搜賢與大藩。梅仙調步驟，庾亮拂綦韃。
一室何勞掃，三章自不冤。精明如定國，孤峻似陳蕃。
灞岸秋猶嫩，藍橋水始喧。紅旂星石壁，黑稍斷雲根。
滕閣丹青倚，章江碧玉奔。一聲仙妓唱，千里暮江痕。
私好初童稚，官榮見子孫。流年休挂念，萬事至無言。
玉輦君頻過，馮唐將未論。儻書齋萬債，竹塢問樊村。
美溫尚書鎮定興元以詩寄賀

劉禹錫

旌旗入境犬無聲，戮盡鯨鯢漢水清。從此世人開口
目始知名將出書生

送李僕射赴鎮鳳翔

張籍

由來勳業屬英雄，兄弟連榮列位同。先入賊城擒首
惡，盡封官庫讓元公。旌幢獨繼家聲外，竹帛新添國
史中。天子欲收秦隴地，故教移鎮在扶風。

送令狐尚書赴東都留守

張籍

朝廷重寄在關東，共說來從選上公。勳業新成大梁
鎮，恩榮更守洛陽宮。行香暫出天橋上，巡禮常過禁
殿中。每領羣臣拜章慶，半開門仗日曛曛。

唐詩類苑

卷之五十五

五

聞韶州李相公移拜彬州因寄

許渾

詔移丞相木蘭舟，桂水潺湲嶺北流。青漢夢歸雙闕
曙，白雲吟過五湖秋。恩迴玉宸人先喜，道在金縢世
不憂。聞說公卿盡南望，甘棠花暖鳳池頭。

重送浙西李相公頃廉問江南已經七載後

歷清臺劍南兩鎮遂入相今復領舊地新

加旌旄

劉禹錫

江北萬人看玉節，江南千騎引金鐃。鳳從池上遊滄
海，鶴到遼東識舊巢。城下清波含百谷，窓中遠岫列

三崇碧雞白馬回翔久却憶朱方是樂郊

送浙江李僕射相公赴鎮 劉禹錫

建節東行是舊遊歡聲喜氣滿吳州郡人重得黃丞
相童子爭迎郭細侯詔下初辭溫室樹夢中先到景
陽樓自憐不識平津閣遙望旌旗汝水頭

送李尚書鎮滑州 自浙西觀察徵拜兵部侍郎月餘有此拜

劉禹錫

南徐報政入文昌東郡須才別建章視草名高同蜀
客擁旄年少勝周郎黃河一曲當城下緹騎千重照
路傍自古相門還出相如今人望在嚴廊

唐詩類苑 卷之五十五

木一

送唐舍人出鎮閩中 劉禹錫

暫辭鴛鴦鷺出蓬瀛忽擁貔貅鎮粵城閩嶺夏雲迎皂
蓋建溪秋樹映紅旌山川遠地由來好富貴當年別
有情了却人間婚嫁事復歸朝闕作公卿

送李司空赴鎮襄陽 張籍

中外兼權社稷臣千官齊出拜行塵再調公勳庸
盛三受兵符寵命新商路雪開旗旆展楚堤梅發驛
亭春襄陽風景由來好重與江山作主人

送令狐相公赴太原 白居易

六纛雙旌萬鐵衣并汾舊路滿光輝青衫書記何年

去紅旆將軍昨日歸詩作馬蹄隨筆走獵計鷹翅伴
飛飛北都莫作多時計再為蒼生入紫微

送陳許高僕射赴鎮 白居易

敦詩閣禮中軍帥重士輕財大丈夫常與師徒同苦
樂不教親故隔榮枯花鈿坐遶黃金印絲管行隨白
玉壺商皓老狂唯愛醉時時能寄酒錢無

送徐州高僕射赴鎮 白居易

大紅旆引碧幢旌新拜將軍指點行戰將易求何足
貴書生難得始堪榮離筵歌舞花叢散候騎刀槍雪
隊迎應笑踟躕白頭尹風塵唯管洛陽城

唐詩類苑 卷之五十五

七

鎮蜀南蠻時飛一木夾有借錦江飲馬之語

皇甫曾時為書記以檄破之兼有此詩

高駢

辭天出塞陣雲空霧捲霞開萬里通親受虎符安宇
宙誓將龍劍定英雄殘霜敢冒高懸日秋葉爭禁大
段風為報南蠻須屏跡不同蜀將武侯公

奉寄東都留守令狐相公 姚合

除書東守洛陽宮恩比藩方任更雄拜表出時傳七
刻排班衙日有三公旌旗嚴重臨關外侍府一作清
深接禁中三十六峯詩酒思朝朝閑望與誰同

罷都統守鎮滑州作 王鐸

君何事敢遷延恩重財輕分使然黜詔已聞來
下檄書猶未遍軍前腰間盡解蘇秦印波上虛迎范
蠡船正會星辰扶北極却驅戈甲鎮南燕三座上相
逢明主九合諸侯愧昔賢看却中興扶大業殺身無
路好歸田

轉運

送元中丞轉運江淮 王維

薄稅歸天府輕徭賴使臣歡沾賜帛老恩及卷綃人
去問殊官俗來經石劫春東南高亭上莫使有風塵

唐詩類苑

卷之五十五

八

奉送劉相公江淮催轉運 錢起

用國資戎事臣勞為主憂將徵任土貢更發濟川舟
擁傳星還去過池鳳下留唯高飲冰節稍淺別家愁
落葉淮邊雨孤山海上秋遙知謝公興微月在江樓
知貢舉

正元十一年知貢舉撓悶不能定去留寄詩

前主司 呂渭

獨坐貢闈裏愁多芳草生仙翁昨日事應見此時情
大初中知禮闈入貢院因題此詩

魏扶

梧桐葉落滿庭陰鎖閉朱門試院深曾是當年辛苦
地不將今日負前心

推事

送蔡少府赴登州推事 高適

膠東逕即墨萊水入滄溟國小常多事人訛屢抵刑
公才徵郡邑詔使出郊坰標格誰當犯風謠信可聽
崢嶸大峴口邈迤汶陽亭地迴雲偏白天秋山更青
祖筵方卜畫王事急侵星勸爾將爲德斯言蓋有聽

奉命齊州推事畢寄本府尚書

曹鄴

唐詩類苑

卷之五十五

九

越鳥栖不定孤飛入齊鄉日暮天欲雨那兼羽翎傷
州民言刺史靈物甚於蝗受命大執法草草是行裝
僕隸皆分散單車驛路長四顧無相識奔馳若投荒
重門下長鎖樹影空過墻驅囚遠廊屋舺舺如牛羊
獄吏相對語簿書堆滿牀敲枷打鎖聲終日在目旁
既捨三山侶來餘五斗糧忍學空城雀潛身入官倉
國中天子令頭上白日光曲木用處多不如直爲梁
恐孤食恩地晝夜心不遑仲夏天氣熱鬢髮忽成霜
社鼠不可灌城狐不易防偶於擒縱間盡得見否臧
截斷姦吏舌擘開冤人腸明朝向西望走馬歸汶陽

聽訟

縣內水亭晨興聽訟

錢起

晨光起宿露池上判黎昨借問秋泉色如何拙宦情
磨鉛辱利用策蹇愁前程昨夜明月滿中心如鵲驚
負恩時易失多病績難成坐惜寒塘晚霜風吹杜蘅
鞠獄

臺中鞠獄憶開元觀舊事呈損之兼贈周兄

四十韻

元稹

憶在開元觀食柏練玉顏疎慵日高臥自謂輕人寰
李生隔牆住隔牆如隔山怪我久不識先來問驕頑

唐詩類苑

卷之五十五

十一

十過乃一往遂成相往還以我文章卷文章甚編爛
因言辛庚輩亦願放羸羸既迴數子顧展轉相連攀
驅令選科目若在閭與闔學隨塵土墜漫數公卿關
唯恐壞情性安能懼謗訕還招辛庚李靜處杯巡環
進取果由命不由趨險難穿楊二三子弓矢次第彎
推我亦上道再聯朝士班二月除御史三月使巴蠻
蠻民詰反竹感誦訴嚙指明痛癢憐蠻不解語為發昏
師姦歸來五六月旱色天地殷分司別兄弟各各淚
潛潛哀哉劇部職唯數賊罪緩死款依稀取聞辭方
便刪道心常自愧柔髮難久顯折支望車乘支痛誰

置患奇哉乳臭兒緋紫襖被間漸大官漸貴漸富心

漸慳開裝轡頭觸靜拭腰帶斑鷁子繡線鞞尙兒金

油去聲銕香湯洗驄馬翠篾籠白鵝月請公主封冰受

天子頒開筵試歌舞別宅寵妖嬈坐臥摩綿褥捧擁

綵絲鬟旦夕不相離比翼若飛鸞而我亦何苦三十

身已鰥愁吟心骨顫寒臥支體瘠五開反又居處雖

幽靜尤悔少愉懽不如周道士鶴嶺臨鐘灣繞院聲

瑟瑟過畦水潺潺陽坡自尋族村沼看溫管窮通兩

未遂營營真老閒

邊上送楊侍御鞠獄回

馬戴

唐詩類苑

卷之五十五

十二

獄成冤雪晚雲開角威清塞鴈回飛將送迎遙避
馬離亭不敢勸金杯

問囚

慙問囚

蜀門夜行憶與願之在司馬鍊師壇上話出處時

元稹

司馬子微壇上頭與君深結白雲儔尚平村落擬連

賁王屋山泉為別游各待陸渾求一尉共資三逕便

同休那知今日蜀門路帶月夜行綠問囚

置倉

送許員外江外置常平倉 岑參

詔置海陵倉朝推畫省郎還家錦服貴出使繡衣香
水驛風催舫江樓月透牀仍懷陸氏橘歸獻老親嘗
覆糧

送工部蕭侍郎刑部李郎中並以本官兼中
丞分命充京西京北覆糧使

劉禹錫

霜簡映金章相輝同舍郎天威巡虎落星使出駕行
尊組成全策京坻閱見糧歸來虜塵滅畫地奏明光

賑濟

送任御史江南發糧以賑河北百姓

唐詩類苑

卷之五十五

十二

張說

河朔人無歲荆南義廩開將興泛舟役必佇濟川才
花月臨江浦春雲歷楚臺調飢坐相望繡服幾時迴
宣慰

送袁員外宣慰勸農畢赴洪州使院

李嘉祐

聖主臨前殿殷憂遣使臣氣迎天詔喜恩發土膏春
草色催歸棹鶯啼爲送人龍沙多道里流水自相親
送郴縣裴明府之任兼充宣慰

郎士元

白蘋楚水三湘遠芳草秦城二月初連鴈北飛看欲
盡孤舟南去意何如渡江野老思求瘼候館郴人意
下車別後天涯何所寄故交惟有袖中書

送崔侍御往容州宣慰 郎士元

秦源獨立望湘川擊隼南飛向楚天奉詔不言空慰
俗清時應得訪遺賢荆門曉色兼梅雨桂水春風過
客船疇昔常聞陸賈說故人今日豈徒然

採訪

奉和聖製送十道採訪使及朝集使

張九齡

唐詩類苑

卷之五十五

十三

三年一上計萬國趨河洛課最力已陳賞延恩復博
垂衣深共理改瑟共咸若首路迴竹符分鑣揚木鐸
戒程有攸往詔餞無淹泊昭晰動天文殷勤在人瘼
持久望茲念克終朝所託行矣當自強春耕庶秋穫
送丹陽採訪 徐安貞

郡縣分南國皇華出聖朝爲憐鄉棹近不道使車遙
舊俗吳三讓遺風漢六條願言徐疾苦天子聽謳謠

安輯

安輯嶺表事平罷歸 李嶠

雲端想京縣帝鄉如可見天涯望越臺海路幾悠哉

六月飛鵬去三年瑞雉來境遙銅柱出山險石門開
自我違瀝洛瞻途屢揮霍朝朝寒露多夜夜征衣薄
白簡承朝憲朱方撫夷落既弘天覆廣且諭皇恩博
皇恩溢外區殊俗詠來蘇聲朔臣天子壇場拜老夫
絳宮韜將畧黃石寢兵符返旆收龍虎空營集鳥烏
日落澄氛靄憑高視衿帶東甌抗於越南斗臨吳會
春色遶邊陲飛花出荒外卉服紛如積長川思遊客
風生丹桂晚雲起蒼梧夕去軸艤清江歸軒趨紫陌
衣裳會百蠻琛賫委重關不學金刀使空持寶劍還
奉和聖製送宇文融安輯戶口應制

唐詩類苑

卷之五十五

十四

張說

至德臨天下勞情遍九圍念茲人去遠蓬轉將何依
外避征戍數內傷親黨稀嗟不逢明盛胡能照隱微
柏臺簡行李蘭殿錫朝衣別曲動秋風恩令生春輝
使出四海安詔下萬心歸作無夔龍佐徒歌鴻鴈飛
安撫

送安撫從口夷偶中丞 李洞

奉詔向軍前朱袍映雪鮮河橋吹角凍岳月捲旗圓
僧救焚經火人修着釣船六州安撫後萬戶解衣眠
市馬

號州送天平何丞入京市馬

岑參

關樹晚蒼蒼長安近夕陽回風醒別酒細雨濕行裝
曾戰邊塵黑防秋塞草黃知君市駿馬不是學燕王
休假

和同府李祭酒休沐田居 李嶠

列位簪纓序隱居林野蠲徇物爽全直棲真昧均俗
若人兼吏隱率性夷榮辱地籍朱邱基家在青山足
斲珥西園蓋言事東臬菓室俯澗濱開扉面巖曲
庭幽引夕霧簷廻通晨旭迎秋谷草黃含露園葵綠
唐詩類苑 卷之五十五 五

勝情狎蘭杜雅韻鏘金玉伊我懷丘園願從心所欲

休假還舊業便使 王維

謝病始告歸依依入桑梓家人皆佇立相候衡門裏
時輩皆長年成人舊童子上堂嘉慶畢顧與姻親齒
論舊忽餘悲日存且相喜田園轉蕪沒但有寒泉水
衰柳日蕭條秋光清邑里入門乍如客休騎非便止
中飯顧王程離憂從此始

因假歸白閣西草堂 岑參

雷聲傍太白雨在八九峯東望白閣雲半入紫閣松
勝槩紛滿目衡門趣彌濃幸有數畝田得延二仲蹤

早聞達士語偶與心相通候狗一微官還山愧塵容
釣竿不復把野雉無人春惆悵飛鳥盡南溪聞夜鐘

張明府休沐還鄉宴海亭 孟浩然

自君理畿甸予亦經江淮萬里書信斷數年雲雨乖
歸來休澣日始得賞心諧朱紱恩雖重滄洲趣每懷
樹低新舞閣山對舊書齋何以發秋興陰蟲鳴夜堦

山莊休沐

盧照隣

蘭署來閒日蓬扉狎遁棲龍柯疎玉井鳳葉下金堤
川光搖水箭山氣上雲梯亭幽聞唳鶴窓曉聽鳴雞
玉軫臨風奏瓊漿映月携田家有樂誰肯謝青谿

唐詩類苑

卷之五十五

十六

藍溪休沐寄趙八給事

錢起

蟲鳴歸舊里田野秋農閒卽事敦風尚衡門方再關
夕陽入東籬爽氣高前山霜蕙後時老巢禽知暝還
侍臣黃樞寵鳴玉青雲間肯想觀魚處寒泉照髮斑

休沐東還胃貴里示端

韋應物

宦遊三十載田野久已疎休沐遂茲日一來還故墟
山明宿雨霽風暖百卉舒泓泓野泉潔熠熠林光初
竹木稍摧翳園場亦荒蕪俯驚鬢已衰周覽昔所娛
存沒惻私懷遷變傷里閭欲言少留心中復畏簡書
世道良自退榮名亦空虛與子終携手歲晏常來居

朝請後還邑寄諸友生

韋應物

宰邑分旬服鳳駕朝上京是時當暮春休沐集友生
抗志青雲表俱踐高世名樽酒且歡樂文翰亦縱橫
良遊昔所希累讎夜復明晨露含瑤琴夕風殞素英
一旦遵歸路伏軾出京城誰言再念別忽若千里行
閉閣寡誼訟端居結幽情况茲晝方永展轉何由平

任洛陽丞請告

韋應物

方鑿不受圓直木不爲輪揆材各有用反性生苦辛
折腰非吾事飲水非吾貧休告臥空館養病絕羈塵
遊魚自成族野鳥亦有羣家園杜陵下千歲心氛氲

唐詩類苑

卷之五十五

十七

天晴嵩山高雪後河洛春喬木猶未芳百草日已新
著書復何爲當去東臯耘

永寧用園亭休沐悵然成詠

羊士諤

雲景含初夏休歸曲陌深幽簾宜永日珍樹始清陰
遲客惟長簾忘言有匣琴晝披靈物態書見古人心
芳草多留步鮮飈自滿襟勞形非立事瀟洒愧頭簪

郡齋旬假命宴呈座客示郡寮

白居易

公門日兩衙公假月三旬衙用决簿領句以會親賓

公多及私少勞逸常不均况爲劇郡長安得閑宴頻
下車已二月開筵始今晨初黔軍厨突一拂郡榻塵
既備獻酬禮亦具水陸珍醑茗溪醑水鱸松江鱗
侑食樂懸動佐懽妓席陳風流吳中客佳麗江南人
歌節點隨袂舞香遺在茵清奏凝未闕醺顏氣已春
衆賓勿遽起郡寮且逡巡無輕一日醉用犒九日勤
微彼九日勤何以治吾民微此一日醉何以樂吾身

休假東齋

韋應物

由來束帶士請謁無朝暮公暇及私身何能獨閑步
摘葉愛芳在捫竹憐粉汚岸幘偃東齋夏天清曉露

唐詩類苑

卷之五十五

十八

懷仙閱真誥貽友題幽素榮達頗知疎恬然自成度
綠苔日已滿幽寂誰來顧

病假中南亭閑望

白居易

欹枕不視事兩日門掩關始知吏役身不病不得閑
閑意不在遠小亭方丈間西簷竹梢上坐見太白山
遙愧峯上雲對此塵中顏

奉酬天平馬十二僕射假日言懷見寄之作

韓愈

天平篇什外政事亦無雙威令加徐土儒風被魯邦
清爲公論重寬得士心降歲晏偏相憶長謠坐北窓

立春後休沐

包佶

心與青春背新年亦掩扉漸窮無相學惟避不材機
積病攻難愈銜恩報轉微定知書課日優詔許辭歸

假日

李商隱

素琴絃斷酒餅空倚坐欹眠日已中誰向劉伶幕
內更當陶令北窓風

任弘農尉獻州刺史乞假歸京

李商隱

黃昏封印點刑徒愧負荆山入座隅却羨下和雙荆
足一主無復沒階趨

唐詩類苑

卷之五十五

十九

百日假滿

白居易

心中久有歸田計身上都無濟世才長告初從百日
滿故鄉元約一年迴馬辭轅下頭高舉鶴出籠中翅
大開但拂衣行莫迴顧的無官職逼人來

歲假內命酒贈周判官蕭協律

白居易

共知欲老流年急且喜新正暇日頻聞健此時相勸
醉偷閑何處共尋春脚隨周叟行猶疾頭比蕭翁白
未勻歲酒先拈辭不得被君推作少年人

百日假滿自喜言懷

少傳官亭作

白居易

長告今朝滿十旬從茲瀟灑便終身老嫌手重撚
笏病喜頭輕換角巾疎傳不朝懸組綬尚平無累
婚姻人言世事何時了我是人間事了人

秩滿

送剡縣陳永秩滿歸越

方干

俸祿三年後程途一月間舟中非客路鏡裏是家山
密雪霑行袂叢盃變別顏古人唯賀滿今挈解由還

送胡校書秩滿歸河中

耿漳

古樹汾陰道悠悠東去長位卑仍解印身老又還鄉
河水平秋岸關門向夕陽音書須數附莫學晉嵇康

唐詩類苑

卷之五十五

二十一

道州弘道縣主簿知縣三年頗著廉慎秩滿

縣關申使請留將赴衡州題其廳事

呂溫

爲理賴同力陟明非所任廢田方舉草新柘未成陰
術淺功難就人疲感易深駐歸棹與慰不欺心

送章正字秩滿東歸

僧無可

朝衣登別席春色滿秦關芸閣吏誰替海門身又還
尋僧流水僻見月遠林閑雖是忘機者難齊去住間

送王司馬秩滿西歸

劉長卿

漢主何時放逐臣江邊幾度送歸人同官歲歲先辭

唯唯有青山伴老身

囚獄

幽繫二首

沈佺期

吾憐曾家子昔有投杼疑吾憐姬公旦非無鴟鴞詩
臣子竭忠孝君親惑讒欺萋斐離骨肉含愁與此辭

二

昔日公冶長非罪遇縲紲聖人降兄弟古來難獨絕
我無毫髮瑕苦心懷冰雪今世多秀士誰欲繁明輒

結定襄郡獄

崔顥

我在河東時使往定襄里定襄諸小兒諍訟紛城市

唐詩類苑

卷之五十五

三十一

長老莫敢言太守不能理謗書盈几案文墨相填委
牽引肆中翁追呼田家子我來折此獄五聽辨疑似

小大必以情未嘗施鞭箠是時三月暮遍野農桑起
里巷鳴春鳩田園引流水此鄉多雜俗戎夏殊音旨

顧問邊塞人勞情曷云已

獄中貽姚張薛李鄭柳諸公

儲光義

直道時莫親起羞見讒口與人是非怪西子言有咎
誣善不足悲失聽一何醜大來敢遐望小往且虛受
中夜囹圄深初秋縲紲久疎螢出暗草朔風鳴衰柳

河漢低在戶，蟪蛄垂向牖。鴈聲遠天末，涼氣生露後。
負戶愁讀書，劍光忿衝斗。衰衰害神理，惻惻傷慈母。
妻子垂涕泣，家童日奔走。書詞苦人吏，饋食勞交友。
寒服猶未成，繁霜漸將厚。吉凶問詹尹，倚伏信北叟。
鬼哭知已寃，鳥言誠所誘。諸公深惠愛，朝夕相左右。
束濕雖欲操，釣金庶無負。傷羅念搖颺，踈足思曠首。
瑾瑜頗匿瑕，邦國方含垢。眷言出深井，永日常攜手。
歎畢少府以持法無隱見繫

錢起

用法本禁邪，盡心翻自極。畢公在囹圄，世事何紕繆。

唐詩類苑

卷之五十五

五

翠鳳呈其瑞，虞羅寄殺翼。囚中千念時，窓外百花色。
落景閉圓扉，春蟲網叢棘。古人不念文，紛淚莫沾臆。

獄中上崔相渙

李白

胡馬渡洛水，血流征戰場。千門閉秋景，萬姓危朝霜。
賢相燮元氣，再欣海縣康。台庭有夔龍，列宿粲成行。
羽翼三元聖，發輝兩太陽。應念覆盆下，雪泣拜天光。

繫滸陽上崔相渙三首

李白

毛遂不墮井，曾參寧殺人。虛言誤公子，投杼感慈親。
白壁雙明月，方知一玉真。

虛傳一片雨，枉作陽臺神。縱爲夢裏相，隨去不是襄。

王傾國入

邯鄲四十萬，同日陷長平。能迴造化筆，或冀一人生。

在滸陽非所寄內

李白

聞難知慟哭，行啼入府中。多君同蔡琰，流淚請曹公。
知登吳章嶺，昔與死無分。崎嶇行十道，外折入青雲。
相見若悲歡，哀聲那得聞。

憲臺出繫寒夜有懷

駱賓王

獨坐懷明發，長謠苦未安。自應迷北叟，誰肯問南冠。
生死交情異，殷憂歲序闌。空餘朝夕鳥，相伴夜啼寒。

宴胡楚真禁所

陳子昂

唐詩類苑

卷之五十五

五

人生固有命，天道信無言。青蠅一相點，白璧遂成冤。
請室閑逾邃，幽庭草未暄。寄謝韓安國，何驚獄吏尊。

同獄者歎獄中無燕

沈佺期

何許乘春燕，多知辯夏臺。三時欲併盡，雙影未嘗來。
食藥嫌叢棘，銜泥怯死灰。不如黃雀語，能雪冶長猜。

罪所留繫寄張十四

劉長卿

不見君來久，寃深意未傳。冶長空得罪，夷甫豈言錢。
直道天何在，愁容鏡亦憐。因書欲自訴，無淚可潸然。

罪所送苗員外上都

盧綸

謀身當議罪，寧遣友朋聞。禍近防難及，愁長思未分。

驚遠語幽閉望歸雲親戚如相見唯應泣向君

幽繫書情通簡知已

駱賓王

昔歲逢陽曆觀光賁楚材穴疑丹鳳起場似白駒來
一命淪驕餌三緘慎禍胎不言勞倚伏忽此遭遭迴
驄馬刑章峻蒼鷹獄吏猜爭縑非易辨疑壁果難裁
際拙慙周姜端憂滯夏臺生涯一滅裂岐路幾徘徊
青陸芳春動黃沙旅思催圓扉長寂寂疎網尚恢恢
入弇先搖尾迷津正曝鰓覆盆徒望日蟄戶未驚雷
霜歇蘭猶敗風多木屢摧地幽蠶室閉門靜雀羅開
自憫秦冤痛誰憐楚奏哀漢陽窮鳥客梁甫臥龍才
唐詩類苑 卷之五十五 三十四

移禁司刑

沈佺期

疇昔參鄉賦中年奉吏途丹膺曾學史白首不成儒
天子開昌錄羣生遇大鑪散材仍葺夏弱羽遽搏扶
寵邁乘軒鶴榮過食稻鳬何功遊畫省何德理黃樞
弔影慙非據傾心事遠圖盜泉寧止渴惡水匪投軀
任直翻多毀安身遂少徒一朝逢紕繆三省竟無虞
白簡初心屈黃沙始望孤患平終不怒持劾每相驅
埋劍誰當辯偷金以自誣誘言雖委答流議亦真符
首夏方憂園高秋獨向隅嚴城看燿燿圓戶對蜘蛛

京餉唯妻子披寬是友于物情牽倚伏人事限榮枯

門客心誰在隣交迹黨無撫襟雙涕落危坐百憂趨

聖旨垂明德冤囚豈濫誅會希恩免理終望罪矜愚

司寇宜哀獄台庭幸恤辜漢星虛詔上容有報恩珠

獄中聞駕幸長安二首

沈佺期

傳聞聖旨向秦京誰念羈囚滯洛城扈從由來是方

朔爲伸冤氣在長平

無事今朝來下獄誰期十月是橫河君看鷹隼俱能

擊爲報蜘蛛收網羅

劉長卿

唐詩類苑

卷之五十五

三五

罪所上御史惟則

誤因微祿滯南昌幽繫圓扉晝夜長黃鶴翅垂同燕

雀青松心在任風霜斗間誰與看冤氣盆下無由見

赦宥

何處問蒼蒼

晚霽中園喜赦

儲光義

五月黃梅時陰氣救遠邇煙雲連晦朔蒹葭生隣里
落日晚霞明農夫知雨止幾悲衽席濕長歎垣墻毀
曠朗天宇開家族躍以喜渙汗發大號坤元更資始
散衣出中園小徑尚滑履池光搖萬象倏忽滅復起
嘉樹如我心欣欣豈云已

和張監觀赦

張說

日御臨雙闕，天街儼百神。雷方作解氣，歲復建寅春。
喜候開星驛，歡聲發市人。金環能作賦，來入管絃新。

新春聞赦

馬戴

道在猜譏息，仁深疾苦除。堯聰能下聽，湯網本來疎。

則天門赦改年

沈佺期

聖人有天下，幽鑰動園徃。六甲迎黃氣，三光降紫泥。
籠僮上西鼓，振迅廣陽雞。歌舞將金帛，汪洋被遠黎。

答寧愛州報赦

沈佺期

書報天中赦，人從海上聞。九泉開白日，六廟起青雲。

唐詩類苑

卷之五十五

二十六

命偶恩先貸，情孤枉未分。自憐涇渭別，誰與奏明君。

喜赦

沈佺期

去歲投荒客，今春肆青歸。律通幽谷暖，盆舉太陽輝。
喜氣迎冤氣，青衣報白衣。還將合浦月，俱向洛城飛。

赦到不得歸題江上石

沈佺期

見人部貶謫

會赦後酬主簿所問

劉長卿

江南海北長相憶，淺水深山獨掩扉。重見太平身已老，
桃源久住不能歸。

既蒙有罪旋復拜官，伏感聖恩竊書鄙意兼

奉簡新除使君等諸公

王維

忽聞漢詔還冠冕，始覺殷王解網羅。日比皇明猶自暗，
天齊聖壽未云多。花迎喜氣皆知笑，鳥識歡心亦解歌。
聞道百城新佩印，還來雙闕共鳴珂。

獄中聞收東京有赦

劉長卿

傳聞闕下降絲綸，爲報關東滅虜塵。壯志已憐成白首，
餘生猶待發青春。風霜何事偏傷物，天地無情亦受人。
持法不須張密網，恩波自解惜枯鱗。

酬張芬有赦後見贈

司空曙

紫鳳朝銜五色書，陽春忽布網羅除。已將心變寒灰

唐詩類苑

卷之五十五

二十七

後，豈料光生腐草餘。建水風煙收客淚，杜陵花竹夢郊居。
勞君故有詩相贈，欲報瓊瑤恨不如。

元旦含元殿下立仗丹鳳樓門下宣赦相公

稱賀二首

楊巨源

天垂台曜掃撿，壽獻香山雜詠作祝聖明丹鳳樓。

前歌九奏金雞竿，上鼓千聲衣冠南面薰香動文字。

東喜氣生從此登封，資廟畧兩河連海一時青。

臨軒啓扇似雲收，率土朝天劇水流。瑞色寒春當正

殿，香煙捧日在高樓。三朝氣早迎恩澤，萬歲聲長繞

旒。請問漢家功第一，麒麟閣上識鄼侯。

徐方平後聞赦因寄襲美 陸龜蒙

新春旒衆御輦軒海內初傳渙汗恩秦獄已收爲厲
氣瘴江初返未招鬼英才盡作龍蛇時停戰地多
成虎豹村除却數般傷痛外不知何事及王孫

奉和次韻徐方平後聞赦 皮日休

金雞煙外上臨軒紫詰新垂作解恩涿鹿未銷初敗
血新安頓雪已坑冤空林葉盡蝗來郡腐骨花生戰
後村未遣蒲車問幽隱共君應老抱桐孫

大禮畢 皇帝御丹鳳門改元建中大赦

李益

唐詩類苑 卷之五十五

三八

大明曠曠天氣分六龍負日升天門鳳凰飛來銜帝
錄言我萬代金皇孫靈雞鼓舞承天赦高翔百尺垂
朱幡宸居穆清受天曆建中甲子合上元昊穹景命
卽已至王事乃可酬乾坤中升告成答玄貺泥金檢
玉昭鴻恩雲亭之事畧可記七十二君寧獨尊小臣
有上封禪表久而未就歸陵園

按覆

按覆後歸睦州贈苗侍御 劉長卿

地遠心難達天高謗易成羊膺留覆轍虎口脫餘生
直氏偷金枉于家決獄明一言知已重片議殺身輕

日下人誰憶天涯客獨行年光銷蹇步秋氣入衰情
建德知何在長江問去程孤舟百口渡萬里一猿聲
落日開鄉路空山向郡城豈令冤氣積千古在長平

按獄

舒元興

中部接戎塞頑山四周遭風冷木長瘦石磽人亦勞
牧守苟懷仁瘠之時爲瘡其愛如赤子始得無啼號
奈何貪狼心潤屋沉肌骨攫搏如猛虎吞噬若狂獒
山秃逾高採水窮益深撈龜魚既絕跡鹿兔無遺毛
氓苦稅外縑吏虐 大明四目燭之洞秋毫

唐詩類苑 卷之五十五

三九

眷茲一州命慮齊隆波濤臨軒詔小臣汝往窮貪饕
分明舉公法爲我緩窮騷小臣誠小心奉命如煎熬
飲水不待夕驅馬凌晨早及此督簿書游詞出往牢
門牆見狼狽案牘問腥臊探情與之言變態如姦獠
真非既巧飾僞意乃深韜去惡猶農夫根莠須耘耨
恢恢布疎網罪者何由逃自顧孱鈍姿利器非能操
六旬始歸奏霜落秋原高寄謝守土臣努力清郡曹
須知聽甚卑勿謂天之高

刑罰

賦得慎罰

虞世南

帝圖光往册上德表鴻名道冠二儀始風高三代英
樂和知化洽訟息表刑清罰輕猶在念勿喜尚留情
明慎全無枉哀矜在好生五疵過亦察二辟理彌精
幪巾示廉耻喜石務詳平每削繁苛性常推一作深惻
隱誠政寬思濟猛疑罪必從輕于張懲不濫陳郭憲
無傾刑措諒斯在歡然傾頌聲

送韓十四被魯王推遷往濟南府

崔國輔

西候情何極南冠怨有餘梁王雖好士不察獄中書

唐詩類苑

卷之五十五

三十一

唐詩類苑

終

唐詩類苑卷第五十六

明雲間張之象玄超甫纂輯

梁谿安希范小范甫編次

雲間王微叔朗甫補訂

梁谿曹仁孫伯安甫校正

禮部

郊丘

郊天舊樂章

豫和

登銅禮著黍稷誠微音盈鳳管彩駐龍旂洪歆式就

唐詩類苑

卷之五十六

一

介福攸歸送樂有闕靈馭遄飛

武后享昊天樂章十二首

大陰疑至化真耀蘊軒儀德邁娥臺啟仁高似幄披

捫天遂啓極夢日乃昇曦

二

瞻紫極望玄穹翹至懇聲深衷聽雖遠誠必通垂厚

澤降雲宮

三

乾儀混成冲邃天道下濟高明闡陽晨披紫闕太一

曉降黃庭圓壇啟昭報方璧冀展虔情丹襟式敷

衷懇玄鑒庶察微誠

四

巍巍睿業廣赫赫聖基隆非德承先顧禎符萃眇躬
銘開武巖側圖薦洛川中微誠詎幽感景命忽昭融
有懷慙紫極無以謝玄穹

五

朝壇霧卷曙領煙沈爰設篚幣式表誠心筵輝麗璧
暢樂和音仰惟靈鑒俯察翹襟

六

昭昭上帝穆穆下臨禮崇備物樂奏銷金蘭羞委薦
唐詩類苑 卷之五十六 二

桂醑盈斟敢希靈德聿罄莊心

七

樽浮九醞禮備三周陳誠菲奠契福神猷

八

奠璧郊壇昭大禮銷金拊石表虔誠始奏承雲娛帝
賞復歌調露暢昭英

九

荷恩承顧託執契恭臨撫廟畧靜邊荒天兵曜神武
有截資先化無爲遵舊矩禎符降昊穹大業光寰宇

十

肅肅祀典邕邕禮秩三獻已周九成斯畢爰撤其俎
載遷其實或升或降唯誠唯質

十一

禮終肆類樂闋九成仰惟明德敢薦非馨顧慙菲奠
久駐雲輶瞻荷靈澤悚戀兼盈

十二

式乾路闢天扉迴日馭動雲衣登金闕入紫微望仙
駕迎恩徽

中宗祀昊天樂章十首

豫和

唐詩類苑 卷之五十六 三

天之曆數歸睿唐顧惟非德欽昊蒼異吉日兮表殷
薦冀神鑒兮降閭陽

大和

恭臨琬位肅奉瑤圖恒思解網每軫泣辜德慙巢燧
化劣唐虞期我良弼式贊嘉謨

告謝

得一流玄澤通三御紫宸遠叶千齡運遐銷九域塵
絕瑞駢闐集殊祥絡繹臻登年慶棲畝稔歲賀盈囷

肅和

悠哉廣覆方矣曲成九玄著象七曜甄明珪璧是奠

醴酌斯盈作樂崇德爰暢咸英

雍和

郊壇展敬嚴配因心孤竹簫鼓空桑瑟琴肅穆六禮
鏗鏘八音恭惟上帝希降靈歆

福和

九成爰奏三獻式陳欽成景福恭託明禋

中宮助祭升壇

坤元光至德業訓明皇風采苒芳聲遠螽斯美化隆
膺範超千載嘉祿備六宮肅宮陪盛典欽若薦禋宗

亞獻

唐詩類苑 卷之五十六

四

三靈降饗三后配神虔誠祭奠敬展郊禋

舒和

已陳粢盛敷嚴祀更奏笙鏞協雅聲璇圖寶曆欣寧
謐晏俗淳風樂太平

凱安

堂堂聖神興赫赫昌基泰戎車盟津偃玉帛塗山會
舜日啓祥暉堯雲卷征旆風猷被有截聲教覃無外

五郊樂章二十首

魏徵等作

黃帝宮音

黃中正位含章居貞既長六律和五聲畢陳萬舞

乃薦斯牲神其下降永作休平

肅和

眇眇方輿蒼蒼圓蓋至哉樞紐宅中圖大氣調四序
風和萬籟作我明德時雍道泰

雍和

金懸夕肆玉俎朝陳饗薦黃道芬流紫宸迺誠迺敬
載享載禋崇薦斯在惟皇是賓

舒和

御徵乘宮出郊甸安歌率舞遞將迎自有雲門符帝
賞猶持雷鼓蒼天成

唐詩類苑 卷之五十六

五

青帝角音

鶴雲旦起鳥星昏集律候新風陽開初蟄至德可饗
行潦斯挹錫以無疆蒸人乃粒

肅和

玄鳥司春蒼龍登歲節物變柳光風轉蕙瑤席降神
朱絃饗帝誠備祝嘏禮殫珪幣

雍和

大樂稀音至誠簡禮文物棣棣聲明濟濟六變有成
三登無體迺眷豐潔恩覃愷悌

舒和

笙歌簫舞屬年韶驚鼓鳧鐘展時豫調露初迎綺春
節承雲遽踐蒼霄馭

赤帝徵音

青陽告謝朱明戒序咸長是祈敬陳椒醕博碩斯薦
笙鏞備舉庶盡肅恭非馨稷黍

肅和

離位克明火中宵見峯雲暮起景風晨扇木槿初榮
含桃可薦芬馥百品鏗鏘三變

雍和

昭昭丹陸奕奕炎方禮陳牲幣樂備庭實瓊羞溢俎

唐詩類苑

卷之五十六

六

玉醑浮觴恭惟正直歆此馨香

舒和

千里溫風飄絳雨十枝炎景騰朱干陳觴薦俎歌三
獻拊石攬金會七盤

白帝商音

白藏應節天高氣清歲功既阜庶類收成萬方靜謐
九土和平馨香是薦受祚聰明

肅和

金行在節素靈居正氣肅霜嚴林彫草勁豺祭隼擊
潦收川鏡九穀已登萬箱流詠

雍和

律應西成氣躔南呂珪幣咸列笙竽備舉苾苾蘭羞
芬芬桂醑式資宴貺用調霜序

舒和

璿儀氣爽驚緹籥玉呂灰飛含素商鳴鞀奏管芳羞
薦會舞安歌葆眊揚

黑帝羽音

嚴冬季月星迴風厲享祀報功方祚來歲

肅和

律回玉琯星周金度次極楊烏紀窮陰兔火林霰雪

唐詩類苑

卷之五十六

七

陽泉凝沍八蜡已登三農息務

雍和

陽日始紀應鍾在候載潔牲牷爰登俎豆既高既遠
無聲無臭靜言格思惟神保祐

舒和

執籥持羽初終曲朱干玉鉞始分行七德九功咸已
暢明靈降福具穰穰

五郊舊樂章十首

黃郊迎神

朱明季序黃郊王辰厚以載物其以養人毓金爲體

稟火成身宮音式奏奏以迎神

送神

春末冬暮徂夏杪秋土王四月時季一周黍稷已享
籩豆宜收送神有樂神其賜休

青郊迎神

緹幕移候青郊啓發淑景遲遲和風習習璧工宵備
旌旄曙立張樂以迎帝神其入

送神

文物流彩聲明動色人竭其恭靈昭其飭歆薦無已
垂積不極送禮有章惟神還軾

唐詩類苑

卷之五十六

八

赤郊迎神

青陽節謝朱明候改靡草彫花含桃流彩虞列鐘磬
筵陳脯醢樂以迎神神其如在

送神

炎精式降蒼生攸仰羞列豆籩酒陳犧象昭祀有期
不爽送樂張音惟靈之往

白郊迎神

序移玉律應節金商天嚴殺氣吹警秋方瀟灑既積
稷莫並芳樂以迎泰降神光

送神

祀遵五禮時屬三秋人懷肅敬靈降禎休奠歆旨酒
薦享珍羞載張送樂神其上遊

黑郊迎神

玄英戒序黑郊臨候掌禮陳爨司筵執豆寒氛斂色
沍泉凝漏樂以迎神八音斯奏

送神

北郊時列南陸輝處奠本虔誠獻爾恭慮上延祉福
下承歡豫廣樂送神其整馭

冬至祀圜丘樂章八首

魏徵等作

豫和

唐詩類苑

卷之五十六

九

上靈睠命膺會昌盛德殷薦叶辰良景福降兮聖德
遠玄化穆今天曆長

太和

穆穆我后道應千齡登三處大得一居貞禮惟崇德
樂以和聲百神仰止天下文明

肅和

闐陽播氣甄曜垂明有赫玄宰深仁曲成日麗蒼璧
煙開紫營聿遵乾享式降鴻禎

雍和

欽惟大帝戴仰皇穹於命田燭爰啟郊宮雲門駭聽

霍鼓鳴空神其介祀景祚斯融

壽和

八音斯奏三獻畢陳寶祚惟永暉光日新

舒和

疊壁凝影皇壇路編珠流彩帝郊前已奏黃鐘歌大呂還符寶曆祚昌年

凱安

昔在炎運終中華亂無象鄴郊赤烏見邳山黑雲上大賚下周車禁暴開殷網幽明同叶贊鼎祚齊天壤

豫和

唐詩類苑

卷之五十六

十

歌奏畢兮禮獻終六龍馭兮神將昇明德感兮非泰稷降福簡兮祚休徵

玄宗祀圓丘樂章十一首

開元十一年

豫和

至矣丕構丞哉太平授犧膺籙復禹繼明草木仁化鳥驚頌聲祀宗陳德無愧斯誠

太和

郊壇齋帝禮樂祀天丹青寰宇宮徵山川神祇畢降行止重旋融融穆穆幼社洪延

肅和

止奏潛聆登儀宿禱大王躬奉參鍾首奠簠簋肅

雍和

爛雲晉洽律風無外千品其凝九賓斯會禋尊晉燭純犧滌太玄覆攸廣鴻休汪濊

壽和

六變爰闋八階載虔祐我皇祚於萬斯年

壽和

於赫聖祖龍飛晉陽底定萬國奄有四方功格上下道冠農黃郊天配享德合無疆

唐詩類苑

卷之五十六

十

壽和

崇崇泰時肅肅嚴禋盛既絜金石畢陳上帝來享介福爰臻受釐合祉寶祚維新

舒和

祝史正辭人神叶慶福以德招享以誠應六藝云備百禮斯浹祀事孔明福流萬葉

凱安

馨香惟后德明命光天保肅和崇皇靈陳信表皇道玉鉞初蹈厲金匏既靜好

豫和

太號成命思文配天神光彤靈龍駕言旋眇眇聞闕
昭昭上玄俾昌而大於斯萬年

太和

六成既闕三薦云終神心具醉聖敬愈崇受釐皇邸
迴蹕惟宮穰穰之福永永無窮

祭方丘樂章五首

褚亮

順利

萬物資以化文泰屬昇平易從業惟簡得一道斯寧
具儀光玉帛送舞變咸英黍稷良非貴明德信惟馨

肅和

唐詩類苑

卷之五十六

十一

至矣坤德皇矣地祇開元統組合大承規九宮肅列
六典相儀永言配命長保無虧

雍和

柔而能方直而能敬厚載以德大享以正有滌斯牲
有馨斯盛介茲景福祚我休慶

舒和

玉幣牲牷分薦享羽旄于鉞遞成容一德惟寧兩儀
泰三材保合四時邕

順和

陰祗協贊厚載方貞牲幣具舉簫管備成其豐惟肅

其德惟明神之聽矣式鑒虔誠

睿宗祭方丘樂章三首

太極元年

順和

坤厚載物德柔垂祉九域咸雍四溟爲紀敬因良節
虔修陰祀廣樂式張靈其降止

金奏

坤元至德品物資生神凝博厚道協高明列鎮五嶽
環流四瀛于何不載萬寶斯成

順和

樂備金石禮光尊祖大享爰終洪休是舉而零感節

唐詩類苑

卷之五十六

十一

雲飛應序纓紱載辭皇靈具舉

和李相公攝事南郊覽物興懷呈一二知舊

韓愈

燦燦辰角曙亭亭寒露朝川源共澄映雲日還浮飄
上宰嚴祀事清途振華鑣圓丘峻且坦前對南山標

村樹黃復綠中田稼何饒顧瞻想巖谷興歎倦塵囂
惟彼顛瞑者去公豈不遑爲仁朝自治用靜兵已銷

勿憚吐捉勤可歌風雨調聖賢相遇少功德今宜昭

觀南郊迴仗

傳警千門寂南郊綵仗迴但驚龍再見誰識日雙開

德澤施雲雨雲光變燼灰閱兵貔武振聽樂鳳凰來
候刻移宸輦遵時集觀臺多慙遠臣賤不得禮容陪
丞相孟夏祗薦南郊紀獻十韻

鄭谷

節應清和後郊官事潔羞至誠聞上帝明德祀圓丘
雅用陶匏器馨非黍稷流就陽陳盛禮匡國禱鴻休
漸曉蘭庭露微涼麥弄秋壽山橫紫閣瑞靄抱皇州
外肅通班序中嚴鈔慶儀奏歌三酒備表敬百神柔
池碧將還鳳源清再問牛萬方瞻輔翼共賀贊皇猷
朔旦冬至攝職南郊 權德輿

唐詩苑 卷之五十六

十四

大明南至應天正朔旦圓丘樂九成文軌盡同堯曆
象齋祠忝備漢公卿星辰列位祥光滿金石交音曉
奏清更有觀臺稱賀處黃雲捧日瑞昇平

三年冬大禮四首

曹唐

皇帝齊心潔素誠自朝真祖報昇平華山秋草多歸
馬滄海銀波絕洗兵銀箭水殘河勢斷玉爐煙盡日
華生千官整肅三天夜劒佩初聞入太清
海日西飛度禁林太清宮殿月沈沈不聞北斗傾堯
酒空覺南風入舜琴歌壓鈞天閑夢盡詔歸秋水道
情深雪風更起古杉葉時送步虛清聲音

太一天壇降紫君屬車龍鶴夜成群春浮玉藻寒初
落露拂金莖曙欲分三代樂迴風入律四溟歌駐水
成文千官不動旌旗下日照南山萬樹雲
山擁飛雲海水清天壇未夕伏先成千官不起金勝
議萬國空瞻玉藻聲禁火曙然煙焰裏宮衣寒拂雪
花輕側聞左右皆周召看取從容致太平

社稷

太宗祭神州樂三首

等作

肅和

大矣坤儀至哉神縣包含日域牢籠月窟露潔三清

唐詩苑 卷之五十六

五

風調六變皇祇届止式歆恭薦

雍和

泰折嚴享陰郊展敬禮以導神樂以和性黜牲在列
黃琮俯映九土既平萬邦遺慶

舒和

坤道降祥和庶品靈心載德厚群生水土既調三極
泰文武畢備九區平

祭神州舊樂章二首

迎神

黃輿厚載赤靈歸德含育九區保安萬國誠敬無怠

禋祀有則樂以迎神其儀不忒

送神

神州陰祀洪恩廣濟草樹霑和飛沈沐惠禮修鼎俎
奠歆瑤幣送樂有章靈軒其逝

太宗祭太社樂章三首

肅和

后土凝德神功協契九域底平兩儀交際戊期應序
陰墉展幣靈車少留俯歆樽桂

雍和

美報崇本嚴恭辰事受露疏壇永風啓地韶梁登俎
唐詩類苑卷之五十六

醇犧入饋介福遠流群生畢遂

舒和

神道發生敷九稼陰極乘仁暢八埏緯武經文隆景
化登祥薦祉啓豐年

祭太社舊樂章二首

迎神

烈山有子后土有臣播種百穀濟育兆人春官緝禮
宗伯司禋戊爲吉日迎亨茲辰

送神

吉祥式就酌功載畢親地尊天禮文經術貺徵令序

福流初日神馭爰歸祠官其出

享先農樂章四首

誠和

粒食伊始農之所先古今攸賴是日人天耕斯帝籍
播厥公田式崇明祀神其福焉

肅和

樽爰既列瑚簋方薦歌工載登幣禮斯奠肅肅享祀
顒顒綏弁神之聽之福流寰縣

雍和

前夕視牲質明奉俎沐芳整弁斯儀式序盛禮畢陳
唐詩類苑卷之五十六

嘉樂備舉歆我懿德非馨稷黍

舒和

羽籥低昂文綴已千戚蹈厲武行初望歲祈農神所
聽延祥介福豈云虛

享先農舊樂章

誠和

三推禮就萬庾祈凝寅賓志遠薦藁惟興降歆肅薦
垂祐祇膺送神有樂神其上昇

享先農樂章五首

永和

芳春開令序韶苑暢和風惟靈申廣祐利物表神功
綺會周天宇黼黻藻寰中庶幾承慶節歆奠下帷宮

肅和

明靈光至德深功掩百神祥源應節啓福緒逐年新
萬宇承恩覆七廟佇恭禋一茲申至懇方期遠慶臻

展敬

霞莊列寶位雲集動和聲金卮薦綺席玉幣委芳庭
因心罄丹款先已勵蒼生所冀延明福於茲享至誠

絜誠

桂筵開玉俎蘭圃薦瓊芳八音調鳳曆三獻奉鸞觴

唐詩類苑

卷之五十六

大

絜絜申大享庭實冀降祥神其覃有慶契福永無疆

昭慶

仙壇禮既畢神駕儼將昇佇屬深祥起方期庶績凝
虔誠資宇內務本最黎蒸靈心昭備享率土洽休徵

州城西園入齋祠社

陳叔達

升壇預絜祀詰早肅分司達氣風霜積登高日色遲

農教先八政陽和秩四時祈年服垂冕告幣動寒帷

瘞地尊餘奠人天庶有資淑蘭萃清酌簋簋徹香共

折俎分歸胙充庭降受釐方憑知禮節況奉化雍熙

古社

元稹

古社基址在人散社不神唯有空心樹妖狐藏魅人

狐惑意顛倒臊腥不復聞丘墳變城郭花草仍荆榛

良田千萬頃占作天荒田主人議斲怪見不敢前

那言空山燒夜隨風長奔壯聲鼓擊震高焰旗幟翻

逡巡荆棘盡狐兔無子孫狐死魅人醒煙消壇墠存

繞壇舊田地給授有等倫農收村社樹新團困

社公千萬歲永保村中民

和古社

白居易

廢村多年樹生在古社隈爲作妖狐窟心空身不摧

妖狐變美女社樹成樓臺黃昏行人過見者心徘徊

唐詩類苑

卷之五十六

九

饑鵬竟不捉老丈反爲媒歲媚少年客十去九不迴

昨夜雲雨合烈風驅迅雷風拔樹根出雷霹社壇開

飛電化爲火妖狐燒作灰天明至其所清曠無氛埃

舊地葺村落新田闢荒萊始知天降火不必常爲灾

勿謂神默默勿謂天皚皚勿喜犬不捕勿誇鵬不猜

寄言狐媚者天火有時來

祭社宵興燈前偶作

白居易

城頭傳鼓角燈下整衣冠夜鏡藏鬚白秋泉漱齒寒

欲將閑送老須著病辭官更待年終後支持歸計看

宗廟

太宗享太廟樂章十一首 貞觀十四年魏徵褚亮等作

永和

於穆烈祖弘此丕基永言配命子孫保之百神既洽萬國在茲是用孝享神其格思

肅和

大哉至德允茲明聖格于上下聿遵誠敬嘉樂斯登鳴球以詠神其降止式隆景命

雍和

崇茲享祀誠敬兼至樂以感靈禮以昭事案盛咸潔牲牷孔備永言孝思庶幾不匱

唐詩類苑 卷之五十六

長發舞

睿哲維唐長發其祥帝命斯祐王業克昌配天載德就日重光本枝百代申錫無疆

大基舞

猗與祖業皇矣帝先剪商德厚封唐慶延在姬猶稷方晉踰宣基我鼎運於萬斯年

大成舞

周穆王季晉美帝文明明盛德穆穆齊芬藏用四履屈道三分鏗鏘鍾石載紀鴻勳

大明舞

五紀更運三正遞升助華既沒禹湯勃興神武命代靈睴是膺望雲彰德察緯告徵

上紐天維下安地軸徵師涿野萬國咸服偃伯靈臺九宮允穆殊域委賁懷生介福

大禮既飾大樂已和黑章擾圉赤字浮河功宣載籍德被詠歌克昌厥後百祿是荷

壽和

八音斯奏三獻畢陳寶祚惟永暉光日新

舒和

聖敬通神光七廟靈心薦祚和萬方嚴禋克配鴻基

唐詩類苑 卷之五十六

雍和

於穆清廟聿修嚴祀四縣載陳三獻斯止籩豆撤薦人祇介祉神維格思錫祚不已

永和

肅肅清祀烝烝孝思薦享昭備虔恭在茲雍歌徹俎祝嘏陳辭用光武志永固鴻基

高宗享太廟樂章五首

崇德舞

五運改卜千齡啓聖彤雲曉聚黃星夜映葉闌珠囊

基開玉鏡下臨萬寓上齊七政霧開三象塵清服
海濂星暉遠安邇肅天地交泰華夷輯睦翔泳歸仁
中外禔福績踰黜夏動高剪商武陳七德刑設三章
祥禽巢閣仁獸遊梁卜年惟永景福無疆

鈞天舞

承天撫籙纂聖登皇遐清萬寓仰協三光功成日月
道濟時康璇圖載永寶曆斯昌日月揚暉煙雲爛色
河嶽修貢神祇郊職舜風攸偃堯曠先就睿感通宸
孝思浹宙奉揚先德虔遵曩狩展義天局飛英雲岫
化逸王表神凝帝先乘雲厭俗馭日登玄

唐詩類苑

卷之五十六

三

太和舞

廣樂既備嘉薦既新述先惟德孝饗惟親七獻具舉
五齊畢陳錫茲祚福於萬斯春

景雲舞

惟睿作聖惟聖登皇精靈耀魄時膺會昌舜慙大孝
堯推讓王能事斯極振古誰方文明履運車書同軌
巍巍赫赫盡善盡美衢室凝旒大庭端展釋負之寄
事光復子脫屣高天登遐上玄龍湖超忽象野羊綿
遊衣復道薦果初年新廟奕奕明德配天

光大舞

大業龍祉徽音駿尊潛居皇德赫嗣天昆展儀宗祖
重誠孝孫春秋無極享奏存存

享太廟舊樂章三首

迎神

七廟觀德百靈攸仰俗荷財成物資含養道光執契
化龍提象肅肅雍雍神其來饗

金奏

肅肅清廟巍巍盛唐配天立極累聖重光樂和管磬
禮備烝嘗永惟來格降福無疆

送神

唐詩類苑

卷之五十六

三

五聲備奏三獻終祠車移鳳輦旆轉紅旗禮周籩豆
誠效虔祇皇靈徙躡簪紳拜辭

中宗享太廟樂章十四首

嚴和

肅肅清廟赫赫玄猷功高萬古化奄十州中興丕業
上荷天休祇奉先構禮被懷柔

昇和

顧惟菲薄纂曆應期中外同軌夷狄來思樂用崇德
禮以陳詞夕惕若厲欽奉宏基

虔和

禮標薦鬯肅事祠庭敬申如在敢託非馨

歆和

崇禋已備粢盛聿修潔誠斯展鍾石方道

承光舞

金相載穆玉裕重輝養德青禁承光紫微乾宮候色
震象增威監國方永賓天不歸孝友自衷溫文性與
龍樓正啓鶴駕斯舉丹展流念鴻名式序中興考室
永陳彛俎

延和

巍巍累聖穆穆重光奄有區夏祚啓隆唐百蠻飲澤
唐詩類苑 卷之五十六 三

萬國來王本枝億載鼎祚逾長

同和

惟聖配天敷盛禮惟天爲大闡洪名恭禋展敬光先
德蘋藻申虔表志誠

寧和

炎馭失王綱土德承天命英猷被寰宇懿躅隆邦政
七德已綏邊九夷咸底定景化覃遐邇深仁洽翔泳

恭和

禮周三獻樂闋九成肅承靈福悚惕兼盈

通和

祠容既畢仙座爰興停停鳳舉霽霽雲昇長隆寶運
永錫休徵福覃貽厥恩被黎蒸

昭和

道洽二儀交泰時休四寓和平環佩肅於庭實鍾石
揚乎頌聲

誠敬

顧惟菲質忝位椒宮虔奉蘋藻肅事神宗敢申誠潔
庶罄深衷睟容有裕靈享無窮

肅和

月禮已周雲和將變爰獻其醑載遷其奠明德逾隆
唐詩類苑 卷之五十六 三

非馨是薦澤霑動植仁覃寓縣

昭感

鏗鐸韶護肅穆神容洪規赫赫祠典雍雍已周三獻
將乘六龍虔誠有託懇志無從

玄宗享太廟樂章二十五首

張說

永和三首

肅九室諧八音歌皇慕動神心禮宿設樂妙尋聲明
備裸莫臨

律迓氣音入玄依玉几御黼筵聆愾息優周旋九韶

通百福傳

信工祝永頌聲來祖考聽和平相百辟貢九瀛神休
委帝孝誠

太和

時文聖后清廟肅邕致誠勤薦在貌思恭玉節肆夏
金鏘五鐘繩繩雲步穆穆天容

肅和

天子享孝工歌溥將射裸鬱鬯乃焚膋薌臭以達旨
聲以求陽奉時丞嘗永代不忘

雍和二首

唐詩類苑

卷之五十六

五十六

在滌嘉泰麗碑敬牲角握之牝色純之駉火傳陽燧
水漑陰精太公胖俎傳說和羹

俎豆有馥齋盛潔豐亦有和羹既戒既平鼓鐘管磬
肅唱和鳴皇皇后祖來我思成

文舞

聖謩九德真言五千慶集昌胃符開帝先高文杖鉞
克配彼天三宗握鏡六合渙然帝其承祀率禮罔愆
圖書霧出日月清懸舞形德類詠諡功傳黃龍蜿蜒
彩雲蹁躑五行氣順八佾風宣介此百祥於皇萬年

光大舞

肅肅藝祖滔滔濬源有雄王劒作鎮金門玄王貽緒
后稷謀孫肇禋九廟四海來尊

長發舞

具禮崇德備樂承風魏推幢主周贈司空不行而至
無成有終神興王業天歸帝功

大政舞

於赫元命權輿帝文天齊八柱地半三分宗廟觀德
笙鏘樂勲封唐之兆成天下君

大成舞

帝舞季歷龍聖生昌后歌有蟠胎炎孕黃天地合德

唐詩類苑

卷之五十六

五十六

日月齊光肅雍孝享祚我萬方

大明舞

赤精亂德四海困窮黃旗舉義三靈會同早望春雨
雲披大風溥天來祭高祖之功

崇德舞

皇合一德朝宗百神削平天地大拯民人上帝配食
單于入臣戎歌陳舞曄曄震震

鈞天舞

高皇邁道端拱無爲化懷獯鬻兵賦勾驪禮尊封禪
樂聖來儀合位媧皇后稱伏羲

大和舞

退居江水鬱起丹陵禮物還舊朝章中興龍圖友及
駿命恭膺鳴球香瓊大禧是承

景雲舞

景雲菲爛告我帝符噫帝冲德與天爲徒笙鏞遙遠
俎豆虛無春秋孝獻延復比都

福和

備禮用樂崇親至尊謙慈降徽敬愛存獻懷粹壽
粹感承恩皇帝孝德子孫千億大包天域長且不極

舒和

唐詩類苑

卷之五十六

天

六鍾翕協六變成八佾徜徉八風生樂九韶分人神

感美七德今天地清

凱安四首

瑟彼瑤爵亞維上公室如屏氣門不容躬禮殷其本

樂執其中聖皇永慕天地幽通

禮匝三獻樂遍九成降循軒陛仰欽皇情福與仁合

德因孝明百年福位四海風行

總總千戚填填鼓鐘奮揚增氣坐作爲容離若驚鳥

合如戰龍萬方觀德肅肅邕邕

烈祖順三靈文宗威四海黃越誅群盜朱旗掃多罪

戢兵天下安約法人心改大哉千羽意長見風雲在

登歌

生笙磬徹豆籩廓無響竇入玄主在室神在天情餘
慕禮罔愆喜黍稷屢豐年

永和

眇嘉樂授靈爽感若來思如往休氣散迴風上返寂
寞還惚恍懷靈駕結空想

大廟裸地歌辭

陳叔達

清明既裸鬱鬱惟禮大哉孝思嚴恭祖禰龍衮以祭
鸞刀斯啓發德朱絃升歌丹陛筵享粢盛堂斟沈齊

唐詩類苑

卷之五十六

无

降福禳禳來儀濟濟

尚書省受誓誠貽太廟裴丞

儲光義

皇家有恒憲齋祭崇明祀嚴車伊洛間受誓文昌裏

沈沈雲閣見稍稍城烏起曙色照衣冠虛庭鳴劒履

徘徊念私覲悵望臨清汜點翰欲何言相思從此始

奉和聖製慶玄元皇帝玉像之作應制

王維

明君夢帝先寶命上齊天秦后徒聞樂周王耻卜年

玉京移大像金籙會群仙承露調天供臨空敞御筵

斗迴迎壽酒山近起爐煙願奉無爲化齋心學自然
奉和聖製謁玄元皇帝廟齋

張九齡

興運昔有感建祠北山顛雲雷初締構日月今悠然
紫氣尚鬱鬱玄元如在焉迨茲事追遠輪奐復增鮮
洞府香林處齋壇清漢邊吾君乃尊祖夙駕此留連
樂動人神會鐘成律度圓笙歌下鸞鶴芝木萃靈仙
曾是福黎庶豈惟味虛玄府歌徒有作惟薄謝昭宣

太清宮樂章十一首

玄宗開元二十年正月詔兩京諸州置玄元廟天
唐詩類苑 卷之五十六 三十一

寶二年三月以西京玄元廟爲太清宮薦獻聖祖
玄元皇帝奏混成紫極之舞

煌煌

煌煌道宮肅肅太清禮光尊祖樂備充庭罄竭誠至
希夷降靈雲凝翠蓋風燄紅旌衆真以從九奏初迎
永惟休祐是錫和平

沖和

虛無結思鐘磬和音歌以頌德香以達心禮殊禋鬯
義感昭臨雲車至止慶垂情愔

香初上

肅肅我祖絲絲道宗至感潛達靈心暗通雲輶御氣
芝蓋隨風四時禋祀萬國來同

再上

仙宗積道我李承天慶深虛極符光象先俗登仁壽
化闡壇涓五千貽範億萬斯年

終上

不宰元功無爲上聖洪源長發誕受天命金奏迎真
璇宮展盛備禮周樂垂光儲慶

紫極舞

至道生元氣重圓法混成無爲觀大象沖用體常名
唐詩類苑 卷之五十六 三十一

仙樂臨丹闕雲車出玉京靈符百代應瑞節九貞迎
寶運開皇極天臨映太清長垂一德慶永庇萬方寧

序入破第一奏

真宗開妙理沖教統清虛化演無爲日言昭有象初
瑤壇肅靈瑞金闕映仙居一奏三清樂長回八景輿

第二奏

虛極仙宗本希夷象帝先百靈朝太上萬法祖重圓
善貸惟沖德功成謂自然雲門達和氣恩用合鈞天

第三奏

元符傳紫極寶祚啓高真道德先垂裕沖和已化淳

人風齊太古天瑞叶惟新仙樂清都上長明交泰辰

登歌

嚴裡展事理潔烝嘗皇矣聖祖德惟馨香盛薦既撤
歌工載揚大來之慶降福穰穰

真和

玉磬含響金爐既馥風馭冷冷雲壇肅肅香歸大象
需流嘉福俾寧萬邦無思不服

武后享清廟樂章十首

第一

建清廟贊玄功擇吉日展裡宗樂已變禮方崇望神

唐詩類苑

卷之五十六

三十一

駕降仙宮

第二

隆周創業寶命惟新敬宗茂典爰表虔裡聲明已備
文物斯陳肅容如在懇志方申

第三登歌

肅敷大禮上謁尊靈敬申筐幣載表丹誠

第四迎神

敬奠蘋藻式鑒虔襟潔誠斯展佇降靈歆

第五飲福

爰陳玉醴式奠瓊漿靈心有穆介福無疆

第六送文舞

帝圖草創王業初開功高佐命業贊雲雷

第七迎武舞

赫赫玄功被穹壤皇皇至德洽生靈開基撥亂妖氛
廓佐命宣威海內清

第八武舞作

荷恩承顧託執契恭臨撫廟略靜邊荒天兵耀神武

第九撤俎

登歌以闋獻禮方周欽承景福肅奉鴻休

第十送神

唐詩類苑

卷之五十六

三十一

大禮言畢仙衛將歸莫申丹懇空瞻紫微

讓皇帝廟樂章六首

李舒

迎神

皇矣天宗德先王季因心則友克讓以位爰命有司
式尊前志神其降靈昭饗祀事

奠幣

惟帝時若去而上仙祀用商武樂備宮懸白璧加薦
玄纁告虔子孫拜後承茲吉蠲

迎俎

祀盛體薦禮協粢盛方周假廟用魯犧牲捧撤祇敬

擊拊鳴和受釐歸祚既戒而平

酌獻

八音具舉三壽既盟潔茲宗粢瑟彼圭瓚蘭肴重錯
椒醕飄散降胙維城永爲藩翰

亞獻終獻

秩禮有序和音既同九儀不忒三揖將終孝感濟后
相維辟公因時之典永永無窮

送神

奠獻已事昏昕載分風搖雨散靈衛細細龍駕帝服
上騰五雲泮宮復闕寂寞無聞

唐詩類苑

卷之五十六

三

德明與聖廟樂章七首

舒

玄宗天寶二年三月追尊皇繇爲德明皇帝涼武
昭王爲興聖皇帝

迎神

元尊九德佐堯光宅烈祖太宗方周作伯響懷霜露
樂變金石白雲清風髣髴來格

登歌奠幣

四時有典百事來祭尊祖奉宗嚴禋大帝禮光蒼璧
奠備黜制於斯萬年熙成帝系

迎俎

盛牲實俎涓選休成鼎燧陽燧玉鹽陰精有飴嘉豆
既和大羹侑以清樂細齊人情

德明酌獻

清廟奕奕和樂雍雍器尊犧象禮屬宗公白水方祿
黃流在中謨明之德萬古清風

興聖酌獻

闕宮靜謐合樂周章泰尊始獻百末重觴震澹存誠
庶幾廼嘗逢源之祚天漢靈長

亞獻終獻

惟清惟肅靡聞靡見舉備九成俛終三獻慶彰曼壽

唐詩類苑

卷之五十六

三五

昨撤嘉薦瘞玉埋牲禮神斯徧

送神

元精回復靈貺繁滋風灑蘭路雲搖桂旗高丘緬邇
涼部逶遲瞻望靡及纏綿永思

昭德皇后廟樂章九首

永和

穆穆廟薦嚴禋昭禮備和樂新望靈光集元辰祚無
極享萬春

肅和

誠心達娛樂分升齋肅穆氛氲既縮皂旒薰後來

思福如雲

雍和

我將我享盡明而誠載芬黍稷載滌犧牲懿矣元良萬邦以貞心乎愛敬若睹容聲

坤元

於穆先后僊聖稱崇母臨萬宇道被六宮昌時協慶理內成功殷薦明德傳芳國風

壽和

工祝致告徽音不遐酒醴咸旨馨香具嘉受釐獻祉永慶邦家

唐詩類苑

卷之五十六

三六

舒和

金枝羽部輟清歌瑤臺肅穆笙磬羅諧音遍響合明意萬類昭融靈應多

凱安

辰位列四星帝功參十亂進賢勤內輔扈蹕清多難承天厚載均並曜宵光燦雷徽藹前躅萬古披圖煥

雍和

公尸既起享禮載終稱歌進敬遺敬哀澤流惠下大小咸同

永和

昭事終幽享餘移月御返仙居璇庭寂靈幄虛願徘徊感皇緒

儀坤廟樂章十二首

永和

徐彥伯

猗若清廟肅肅熒熒薦嚴祀坤興淑靈有凡在室有樂在庭臨茲孝享百祿惟寧

金奏

陰靈効祉軒曜降精祥符淑氣慶集柔明瑤俎既列雕桐發聲徽猷永遠比德皇英

太和

丘說

唐詩類苑

卷之五十六

三七

孝哉我后冲乎迺聖道映重華德輝文命慕深倪篋情殷撫鏡萬國移風兆人承慶

肅和

張齊顏

裸主既濯鬱鬯既陳畫翬雲舉黃流玉醑儀充獻酌禮盛衆裡地祭惟孝愉焉饗親

雍和

鄭善玉

酌鬱既灌取蕭方藝籩豆靜器簠簋芬飫魚腊薦美牲牷表潔是戢是將載迎載列

昭升

薛稷

陽靈配德陰魄昭升堯壇鳳下漢室龍興天作對

前疏是凝化行南國道感西陵造舟集濯無德而
我粢既潔我醴既澄陰陰靈廟光靈若憑德馨惟享
孝思烝烝

坤貞

乾道既亨坤元以貞肅雍攸在輔佐斯成外睦九族
內光一庭克生膺哲祚我休明欽若徽範悠哉淑靈
建茲清宮于彼上京縉茅以陟潔惟馨實受其福
斯乎億齡

壽和

徐堅

於穆清廟肅雍嚴祀合福受釐介以繁祉

唐詩類苑

卷之五十六

三八

舒和

胡維

送文迎武遞參差一始一終光聖儀四海生人歌有
慶千齡孝享肅無虧

安和

劉子玄

妙算申帷幄神謀及廟庭兩階文物備七德武成功
校獵長楊苑屯軍細柳營將軍獻凱入歌響溢重城

雍和

員半千

孝享云畢維撤有章雲感玄羽風淩素商瞻望神座
祇戀匪遑禮終樂闋肅雍鏘鏘

永和

元次玄

闕宮實會清廟徵徵降格無象馨香有依式昭纂
方融嗣徽明禋是享神保聿歸

儀坤廟舊樂章二首

迎神

月靈降德坤元授光娥英比秀任姒均芳瑤臺薦祉
金屋延祥迎神有樂歆此嘉薌

送神

玉帛儀大金絲奏廣靈應有孚冥徵不爽降彼休福
歆茲禋享送樂有章神麾其上

武氏享先廟樂章

唐詩類苑

卷之五十六

三九

天后光宅元年九月武承嗣請追王其祖立武氏
七廟太后從之

先德謙撝冠昔嚴規節素超今奉國忠誠每竭承家
至孝純深追崇懼乖尊意顯號恐玷徽音既迫王公
屢請方乃俯遂群心有限無由展敬奠醑每闕親斟
大禮虔申典冊蘋藻敬薦翹襟

韋氏褒德廟樂章五首

神龍中宗皇帝為皇后韋氏祖考立廟曰褒德

昭德

道赫梧宮恭盈蒿里爰賜徽烈載敷嘉祀享洽四時

規陳二簋靈應昭格神其戾止

進德

塗山懿戚媿內崇姻祠筵肇啓祭典方申禮以備物
樂以感神用隆敦敘載穆彝倫

褒德

家著累仁門招積善璫篚既列金縣式展

武舞作

昭昭竹殿闌奕奕蘭宮啓懿範隆丹雘朱榮開朱邸
六佾薦微容三簋陳芳醴萬石覃貽厥分珪崇祖禰

彰德

唐詩類苑

卷之五十六

聖

名隆五嶽秩映三台嚴祠已備睟影方迴

享隱太子廟樂章五首

誠和

道閔鶴關運纏鳩里門集大命俾歆嘉祀禮亞六瑚
誠殫二簋有誠顯若神斯戾止

肅和

歲肇春宗乾開震長瑤山旣寂戾園斯享玉肅其事
物昭其象絃誦成周笙歌合響

雍和

明典肅陳神后遠祀春台臨事秋官栢禮有來雍雍

登歌濟濟緬維主鬯庶歆芳醴

舒和

三縣已判歌鐘列六佾將開羽鉞分尚想燕飛來蔽
日終疑鶴影降凌雲

武舞

天步昔將開商郊初欲踐撫戎金陣廓貳極瑤圖闡
鷄戟遂崇儀龍樓期好善弄兵陳壯業啓聖隆詞典

享隱太子廟舊樂章二首

迎神

蒼震有位黃離蔽明江充禍結戾據灾成銜冤昔痛

唐詩類苑

卷之五十六

聖

贈典今榮享靈有秩奉樂以迎

送神

皇情悼往祀議增設鐘鼓鏗鐃羽旄昭晰掌禮云備
司筵告撤樂以送神靈其鑒闕

唐詩類苑

唐詩類苑卷第五十七

明雲間張之象玄超甫纂輯

梁谿安希范小范甫編次

雲間王 徹叔朗甫補訂

梁谿曹仁孫伯安甫校正

禮部

祭祀

祈穀樂章三首

貞觀中 備元等作

肅和

履艮斯繩居中體正龍運垂祉昭符啓聖式事嚴禋

唐詩類苑

卷之五十七

聿懷嘉慶惟帝永錫時皇休命

雍和

殷薦乘春太壇臨曙八簋盈和六瑚登御嘉稷匪歆

德馨斯飫祝嘏無易靈心有豫

舒和

玉帛犧牲申嘉享金絲鍼羽盛音容庶俾億齡視景

福長欣萬宇洽時豔

雩祀樂章三首

褚亮等作

肅和

朱鳥開辰蒼龍啓暎大帝昭饗群生展敬禮備懷柔

功宣舞詠旬液應序年祥協慶

雍和

紺筵分彩珪圖吐絢鳳管晨凝雲歌曉嘯肅事蘭羞

虔申桂奠百穀斯登萬箱攸薦

舒和

鳳曲登歌調今序龍雩集舞汎祥風絲旋雲迴昭睿

德朱干電發表神功

雩祀舊樂章二首

開元中作

豫和

鳥緯遷序龍星見辰純陽在律明德崇禋五方降帝

唐詩類苑

卷之五十七

萬宇安人恭以致享肅以迎神

豫和

祀遵經設享緣誠舉獻畢于樽輟臨于俎舞止于戚

樂停祝歌歌以送神神還其所

朝日樂章三首

貞觀中作

肅和

惟聖格天惟明饗日帝郊肆類王宮戒吉珪奠春舒

鐘歌曉溢禮云克備斯文有秩

雍和

晨儀式薦明祀惟光神功表止肅肅戴揚玄端肅事

紫幄興祥福履攸假於昭允王

舒和

崇牙樹羽延調露旋宮扣律掩承雲誕敷懿德昭神
武載集豐功表睿文

朝日樂章二首

太陽朝序王宮有儀蟠桃彩駕夕柳光馳軒祥表合
漢曆彰奇禮和樂備神其降斯

五齊兼酌百羞具陳樂終廣奏禮畢崇禋明鑑萬寓
照臨兆人永流洪慶式動曦輪

夕月樂章二首

貞觀中作

唐詩類苑

卷之五十七

三

肅和

測妙爲神通微曰聖坎祀貽則郊禋展敬璧薦登光
金歌動映以載嘉德以流曾慶

雍和

肅晨爭舉天宗禮闢夜典恭秋陰明湛夕有醑斯旨
有牲斯碩穆穆其暉穰穰是積

舒和

合吹八風金奏動分容萬舞玉鞘驚詞昭茂典光前
列夕曜乘功表盛明

蜡百神樂章二首

貞觀中作

肅和

序迫歲陰日躔星紀爰稽茂典聿崇清祀綺幣霞舒
瑞珪虹起百靈垂裕萬方受祉

雍和

緹籥勁序玄英晚候姬蜡開儀曲歌入奏黃馥彫俎
蘭芬玉酌大享明祇永綏多祐

舒和

經緯兩儀文化洽削平方域武功成瑤璽樂乾坤
泰玉鉞長懼區宇寧

蜡百神舊樂章二首

唐詩類苑

卷之五十七

四

迎神

八蜡開祭萬物合祀上極天維下窮神紀鼎俎流芬
樽爨薦美有靈有祇咸希來止

送神

十旬歡洽一日祀終澄粦拂俎報德酬功慮虔容肅
禮繹儀豐神其降祉整馭隨風

祀九宮貴神樂章十五首

豫和

於昭上穹臨下有光羽翼五佐周流八荒誰其饗之
時文對敷虞經夏典茲禮未遑

黑帝旋馭青躔導日金錄上玄玉堂初吉鈞陳夕

鑒和先蹕藹藹群靈昭昭咸秩

帝臨中壇受釐元神皇靈萃止羽旄肅陳攝提運衡

招搖移輪光光宇宙電耀雷震

夜如何其明星煌煌天清容衛露結壇場樹羽幢幢

佩玉鏘鏘凝精駐目瞻望神光

九位既肅萬靈畢會天門啓扇日御飛蓋煥兮焚離

儋兮暗靄如山之福惟聖時對

崇崇泰壇靈具臨兮鏗鏘大樂振動心兮神之降矣

卿雲郁兮神之至止清風蕭兮

唐詩類苑

卷之五十七

五

太和

帝在靈壇大明登光天回雲粹穆穆皇皇金奏九夏

圭陳八籥曠哉動植如熙春陽

肅和

歌工既奏神位既秩天符衆星運行太乙聲和十管

氣應中律肅肅明廷介茲元吉

雍和

俎豆有踐在罇九宮之祀三代莫存樂變六宮

壇開八

壽和

時文哲后肅事嚴禋馨我明德享我貴紳大庖載

旨酒斯醇精意所屬期於利人

福和

祀既云畢明靈告旋禮洽和應福至神虔動植咸若

陰陽不愆錫茲祝嘏天子萬年

舒和

羽籥既闕干戚陳八音克諧六變新愉貴神兮般以

樂保皇祚兮萬斯春

凱安

盛德陳萬舞威稜暢九垓風雲交律候日月麗昭回

唐詩類苑

卷之五十七

六

行慶休祥發乘和春氣來百神肅臨享蕩蕩天門外

肅和

精意嚴恭明祀豐潔獻酬既備俎豆斯撤日麗天儀

風和樂節事光祀典福覃有截

豫和

享申百禮慶洽百靈上排閭闔洞入杳冥奠玉高壇

燔柴廣庭神之降福萬國咸寧

奉和聖製燭龍齋祭

張九齡

上帝臨下鑒亦有光孰云陰隲惟聖克彰六月徂暑

四郊信陽我后其勤告于壇場精意允益群靈彰

蔚兮朝雲霈然時雨雨我原田亦既有年燭龍
明宗報祀子以助之天人帝子聞詩有訓國風茲始

景龍四年春祠海

宋之問

肅事祠春溟宵齋洗蒙慮鷄鳴見日出鷺下驚濤驚
地澗八荒近天廻百川注筵端接空曲目外唯霏霧
暖氣物象來周遊晦明互致牲匪玄享禋滌期靈煦
的的波際禽云云島間樹安期今何在方丈蔑尋路
山事與世隔冥搜徒已屢四明北群山遺老莫辨處
撫中良自慨弱齡忝恩遇三入文史林兩拜神仙署
雖歎出關遠始知臨海趣賞來空自多理勝孰能喻
唐詩類苑 卷之五十七 七

留楫竟何待徙倚忽云暮

演興四首

元結

商餘山有太靈古祠傳云秦龍氏祠大帝所立祠
在少餘西乳之下邑人修之以祈田予因爲招詞
訟閱之文以演興辭曰

招太靈

招太靈兮山之顛山屹屹兮水淪漣祠之禱兮渺何
年木修修兮草鮮鮮嗟魍魎兮淫厲自古昔兮崇祭
禧太靈兮端清子願致夫精誠久懈兮悅悅招招
兮呼之兮起聽吹玄雲兮散而浮望太

兮儼而安澹油溶兮都清閒

初祀

山之乳兮茸太祠木孫爲楠兮木母榱雲縵爲相兮
愚水栢洞淵禪兮揭巍巍塗木蘭兮蒔糝焉被弱草
兮禘祫聯饒渾洪兮馥闐闐管化石兮洞剝天翹修
鈿兮掉蕪爰靈巫譟兮舞顓干薦天鮮兮酒陽泉獻
水芸兮飯霜和與太靈兮千萬年

松木魅

登高峰兮俯幽谷心悴悴兮念群木見樗栲兮相陰
覆憐棖榕兮不豐茂見榛梗之森梢閔樅樅兮含露
唐詩類苑 卷之五十七 八

相撓撓兮未堅樺根根兮可屈櫟榑樽兮不香拔丰
茸兮已實豈元化之不均兮非雨露之偏殊諒理性
之不等於順時兮不如慙吾心以冥想終念此兮不
怡怡子莫識天地之意兮願截惡木之根傾梟獍之
古巢取名童以爲薪割大木使飛焰燄倏枯腐之燒焚
實非吾心之不仁惠也豈耻夫善惡之相紛且欲畚
三河之膏壤裨濟水之清漣將封灌乎善木令櫛櫛
以挺挺尚畏乎衆善之未茂兮爲衆惡之所挑凌思
聚義以爲曹令敷扶以相勝取方所以柯如兮吾將
出於南荒求壽藤與燭木吾將出於東方祈有德而

歸輔神靈與堅香且憂願之翩翩又愁微之奔馳及
陰陽兮不和惡此土之失時今神靈兮不茂使堅香
兮不滋重嗟惋兮何補每齊心以精意切援祝於神
明冀感通於天地猶恐衆妖兮木魅魍魎兮山精上
誤惑於靈心經給于言兮不聽敢引佩以指水誓吾
心兮自明

閔吟中

群山以延想吾獨閔乎吟中彼吟中兮何有有天舍
之玉峰殊閔絕之極顛上閔產乎翠茸欲採之以將
壽眇不知夫所從大淵蘊蘊兮絕棧岌岌非梯梁以

虞翻類

卷之五十七

九

通險當無路兮可入彼猛毒兮曹聚必憑託乎阻修
常儼儼兮伺人又如何兮不愁彼妖精兮變怪必假
見於風雨常閃閃而伺人又如何兮不苦欲仗仁兮
託信將徑往兮不難久懷懷以悵惋却遲迴而永歎
懼太靈兮不知以予心爲永惟若不可乎遂已吾終
保夫直方則必蒙皮篋以爲矢絃母筱以爲弧化毒
銅以爲戟刺棘竹以爲矢猛烈之才獲與之而並驅
且春刺乎惡毒又引射夫妖怪盡群類兮使無令善
仁兮不害然後採棧榕以駕深收樅穗兮梯險躋予
身之飄飄承予步之蹢躅入吟中而登玉峰極閔絕

而求翠茸將吾壽兮隨所從思未得兮馬如龍獨翳
蔽於山顛久低回而愠瘳空仰訟於上玄彼至精兮
必應寧古有而今無將與身而皆亡豈言之而已乎

漁山神女祠歌二首

王維

張茂先神女賦序曰魏濟北從事弦超嘉平中夜
夢神女來自稱天上玉女姓成公字智瓊東郡人
早失父母天地哀其孤苦令得下嫁後三四日一
來卽乘輜輶衣羅綺智瓊能隱其形不能藏其聲
且芬香達于室宇頗爲人知一旦神女別去留贈
裙衫襌褌述征記曰魏嘉平中有神女成公智瓊
降弦超同室疑其有姦智瓊乃絕後五年超使將
之洛西至濟北漁山下陷上遙望曲道顧有車馬
似智瓊果至洛克復舊好

迎神曲

坎坎擊鼓漁山之下吹洞簫望極浦女巫進紛屢舞
陳瑤席湛清醕風淒淒兮夜雨神之來兮不來使吾
心兮苦復苦

送神曲

紛進拜兮堂前目眷眷兮瓊筵來不語兮意不傳作
暮雨兮愁空山悲急管思繁絃靈之駕兮儼欲旋脩

雲收兮雨歇山青青兮水潏潏

祠漁山神女歌二首

王獻

蓮草頭花柳葉裙蒲葵扇下舞蠻雲引領望江遙滴
酒白蘋風起水生文

根根山響答琵琶酒濕青莎肉飼鴉樹葉無聲

後紙錢灰出水綿花

涼州賽神

王維

涼州城外少行人百尺烽頭望虜塵健兒擊鼓吹羌
笛共賽東城越騎神

經魯祭孔子而歎之

玄宗

唐詩類苑

卷之五十七

夫子何爲者棲棲一代之中地由鄒氏邑宅卽魯王宮
歎鳳嗟身否傷麟怨道窮今看兩楹奠當與夢時同

奉和聖製經魯祭孔子應制

張說

孔聖家鄒魯儒風謁典墳龍驤迴舊宅鳳德詠餘芬
入室人如在升堂樂似聞懸知一王法今日待明君

奉和聖製經魯祭孔子應制

張九齡

丘門泰山下不見登封時徒有先王法今爲明主思
恩加萬乘幸禮致一牢祠舊宅千年外光華空在茲

雜言迎神詞二首

并序

皇甫冉

吳楚之俗與巴渝同風口見歌舞祀者問其故答
曰及夏不雨慮將無年復去家有行人不歸憑是
景福夫此二者皆我所懷寄地種苗將成枯草第
爲臺官羈旅京師秉筆爲迎神送神詞以應其聲
亦寄所懷也

迎神

啓庭戶列芳鮮目眇眇心綿綿因風託雨降瓊筵紛
下拜屢加籙人心望歲祈豐年

送神

唐詩類苑

卷之五十七

二二

露霑衣月隱壁氣淒淒人寂寂風迴雨度虛瑤席來
無聲去無跡神心降和福遠客

祀風師樂章

包佶

迎神

太皞御氣勾芒肇功蒼龍青旗爰候祥風律以和應
神以感通鼎俎修饗時惟禮崇

奠幣登歌

旨酒告絜青蘋應候禮陳瑤幣樂獻金奏彈絃自昔
解凍惟舊仰瞻盼蠶群祥來湊

迎組酌獻

德威昭臨迎拜異方爰候發生式薦馨香酌醴具舉
工歌載揚神歆入律恩降百祥

亞獻終獻

簪薌備玉帛陳風動物樂感神三獻終百神臻草木
榮天下春

送神

微穆敷華能應節飄揚發彩宜行慶送迎靈駕神心
享跪拜靈壇禮容盛氣和草木發萌芽德暢禽魚遂
翔泳永望翠蓋逐流雲自茲率土調春令

祀雨師樂章

包佶

唐詩類苑

卷之五十七

十一

迎神

陟降左右誠達幽員作解之功樂惟有年雲軒戾止
灑霧煙飄惟馨展禮爰列豆籩

奠幣登歌

歲正朱明禮布玄製惟樂能感與神合契陰霧離破
靈馭搖裔膏澤之慶期於稔歲

迎俎酌獻

陽開幽蟄躬奉爵鬯禮備節應震來靈降動植求
飛沈允望時康氣茂惟神之貺

亞獻終獻

奠既備獻將終神行令瑞飛空迎乾德祈歲功美
燎儼從風

迎神

司空曙

吉日兮臨水沐青蘭兮白芷假山鬼兮請東皇託靈
均兮邀帝子吹參差兮正苦舞婆娑兮未已鸞旌圓
蓋望欲來山雨霏霏江浪起神既降兮我獨知自成
再拜爲陳詞

送神

司空曙

神之去迴風嫋嫋雲谷與桂樽瑤席不復陳蒼山綠
水暮愁人

唐詩類苑

卷之五十七

十四

賽神曲

王建

男抱琵琶女作舞主人再拜聽神語新婦上酒勿辭
勤使爾舅姑無所苦椒漿湛湛桂座新一雙長箭繁
紅巾但願牛羊滿家宅十月報賽南山神青天無風
水復一作碧龍馬上鞍牛服軛紛紛醉舞蹈衣裳把
酒路傍勸行客

陪孟都督祭嶽途中有贈

韓翃

封疆七百里祿秩二千石擁節祠太山寒天霜草白
送盧大理趙侍御祭東嶽兼寄孟交州

韓翃

東嶽昔有事兩臣朝望歸驛亭開歲酒齋舍着新
上客鍾大理主人陶武威仍隨御史馬山路滿光輝

祭嶽回重贈孟都督

韓翃

封作天齊王清祠太畧魯公秋賽畢曉日迴高駕
從騎盡幽井同人皆沈說自矜文武足一醉寒溪夜
訓李常侍立秋日奉詔祭嶽見寄

周墀

秋祠靈嶽奉樽鼻風過深林古栢開蓮掌月高珪幣
列金天雨露鬼神陪質明三獻雖終禮祈壽千年別
上杯豈是瑣才能祀事洪農太守生張來

唐詩類苑

卷之五十七

十五

寄華州周侍郎立秋日奉詔祭嶽

李景遜

關河豁靜曉雲開承詔秋祠太守來山霽蓮花添翠
黛路陰桐葉少塵埃朱幡入廟威儀肅玉珮昇壇步
武回往歲今朝幾時事謝君非重我非才

祭風伯壇應張太祝作

儲光義

聖主御青春綸言命使臣將修風伯祀更福太平身
轡幕宵聯事壇場曉降神帝心矜動物非爲屬車人
早祭風伯因懷李十一舍人

白居易

遠郡雖褊陋時祀奉朝經風興祭風伯天氣曉冥冥
道騎與從吏引我出東壩水霧重如雨山火高於星
忽憶早朝日與君趨紫庭步登龍尾道却望終南青
一別身向老所思心未寧至今想在耳玉音尚玲玲

監祠夕月壇書事

其祀

劉禹錫

西皞司分晝夜平羲和停午太陰生鏗鏘揖讓秋光
裏觀者如雲出鳳城

和張太祝冬祭馬步

儲光義

故壇何肅肅中夜自無喧烈火見陳信颺言聞永言
房星隱曙色朔風動寒原今日歌天馬非關征大宛

唐詩類苑

卷之五十七

十六

尚書省受誓誡貽太廟裴丞

儲光義

皇家有恒憲齋祭崇明祀嚴車伊洛間受誓文昌裏
沈沈雲閣見稍稍城烏起曙色照衣冠虛庭鳴劍履
釋奠

釋奠文宣王樂章五首

誠和

聖道日用神機不測金石以陳絃歌載陟爰釋其策
匪馨于穠來顧來享是宗是極

承和

萬國以貞光上嗣三善茂德表重輪視膳寢門尊奠
道高闢崇賢引正人

肅和

粵惟上聖有縱自天傍周萬物俯應千年舊章允著
嘉贊孔虔王化茲首儒風是宣

雍和

堂獻瑤篚庭敷璆縣禮修其容樂和其變肅肅觀享
雍雍執奠明禮惟馨蘋蘩可薦

舒和

隼集龜開招聖列龍蹲鳳時肅神儀尊儒敬業宏圖

唐詩類苑

卷之五十七

七

闡緯武經文盛德施

享孔子廟舊樂章二首

迎神

通吳表聖問老探真三千弟子五百賢人德齡規法
萬載祠禋潔誠以祭奏樂迎神

送神

醴溢儀象著陳俎豆魯壁類聞泗川如觀里効覃福
胄筵承祐雅樂清音送神具奏

釋奠武成王樂章五首

于邵

迎神

卜岐不從兆發非熊乃傾荒政爰佐一戎盛烈載
命祀維崇日練上戊宿嚴闕宮迎泰嘉至感而遂通

奠幣登歌

管磬升輶鄉集上公進嘉幣執信以通倭如及恢帝
功錫后邑四維張百度立綿億載邈難挹

迎俎酌獻

五齊絜九牢碩琬糜循疊舉滌進具物揚鴻績和奏
發高靈寂虔告終繁祉錫昭秩祀永無易

亞獻終獻

二觴以獻三變其終顧此非馨尚達斯衷茅縮可致

唐詩類苑

卷之五十七

十八

神歆載融始神翊周拯溺除凶時維降祐永絕興戎

送神

明祀方終備樂斯闋黜纁就瘞豆籩告撤盼蠶尚餘
光景云滅返歸虛極神心則悅

封禪

封泰山祀天樂章十四首 玄宗

豫和

挹泰壇柴泰清受天命報天成竦皇心薦樂聲志上
達歌下迎

億上帝臨下庭翳日月陪列星嘉視信六精聲

心醉皇靈

相百辟貢八荒九歌叙萬舞翔肅振振鏗皇皇帝欣
欣福穰穰

高在上道光明物資始德難名承眷命牧蒼生寰宇
謐太階平

天道無親至誠與鄰山川遍禮宮徵惟新玉帛非盛
聰明會真正斯一德通乎百神

享帝享親維孝維聖維熙熙德敷揚成命華夷志同
笙鏞禮盛明靈降止感此誠敬

太和

唐詩類苑

卷之五十七

十九

孝敬中發和容外彰騰華照寓如昇太湯貞璧就奠
玄靈垂光禮樂具舉濟濟洋洋

肅和

奠祖配天承天享帝百靈咸秩四海來祭植我蒼璧
布我玄製華日徘徊神禋容裔

雍和

俎豆有馥粢盛潔豐亦有和羹既戒既平鐘鼓管磬
肅唱和鳴皇皇后祖賚我思成

壽和

烝烝我后享獻惟寅酌鬱鬯跪奠明神孝莫孝乎

配上帝親敬莫敬乎教天下臣

壽和

皇祖嚴配配享皇天皇皇降嘏天子萬年

舒和

六鍾翕協六變成八佾倘佯八風生樂九歆兮人神
感美七德兮天地清

凱安

烈祖順三靈文宗威四海黃鉞誅群盜朱旗掃多罪
戢兵天下安約法人心改大哉千羽意長見風雲在

豫和

唐詩類苑

卷之五十七

二十

樂已終禋燎上懷靈惠結皇想歸風疾迴風爽百神
來衆神往

禪社首山祭地祇樂章八首

玄宗

順和

至哉含柔德萬物資以生常順稱厚載流謙通變盈
聖心事能察增廣陳厥誠黃祇儉如在泰折俟咸亨

太和

肅我成命於昭黃祇裴冕而祀陟降在斯五音克備
八音率施緝熙庶靖厥心匪離

肅和

黃祗是祗我其夙夜寅畏誠絜匪遑寧舍禮以琰
薦厥茅藉念茲降康胡寧克暇

雍和

夙夜宥密不敢寧宴五齊既陳八音在縣染盛以繁
房俎斯薦惟德惟嚮尚茲克徧

壽和

惟以明發有懷載欣樂盈而反禮順其禮立清以獻
薦欲是親於穆不已哀對斯臻

福和

唐詩類苑

卷之五十七

三

穆穆天子告成岱宗大裘如濡執珽有頤樂以平志
禮以和容上帝臨我云胡肅邕

太和

昭昭有唐天俾萬國列祖應命四宗順則申錫無疆
宗我同德曾孫繼緒享神配極

靈具醉

靈具醉杳熙熙靈將往眇視視顧明德吐正辭爛遺
光流禎祺

在雋州遙叙封禪

李義府

天齊標巨鎮日觀啓崇期崑崙嶺隱嶙控河沂

眺迴分吳乘凌高屬漢祠建嶽誠爲長升功諒在茲

帝猷符廣運玄範暢文思飛聲總地絡裁化撫乾維

瑞策開珍鳳禎圖薦寶龜創封超昔夏修禪掩前姬

東后方肆觀西都導六師返駕移星苑揚罕馭風司

沸鼓喧平陸凝蹕靜通達汶陽馳月羽蒙陰警電輶

崑花飄曙輦峯葉蕩春旗石間環藻衛金壇映黼帷

仙階溢秘忝靈檢耀祥芝張樂分韶漢觀禮縱華夷

佳氣浮丹谷榮光汎綠坻三始貽遐貺萬歲受重釐

菲質陶恩獎超迹奉軒墀觸網淪幽裔乘微限明時

周南昔已歎叩西今復悲

唐詩類苑

卷之五十七

三

東封山下宴群臣

張諤

萬里扈封巒群公遇此歡幔城連夜靜霜杖滿空寒
輦路宵煙合旌門曉月殘明朝陪聖主山下禮圓壇

府試觀開元皇帝東封圖 馬戴

儼若翠華舉登封圖乍開冕旒明主立冠劍侍臣陪
跡類飛仙去光同拜日來粉痕疑檢玉黛色訝生苔

挂壁雲將起陵風仗若迴何年復東幸魯叟望悠哉

明堂

季秋享上帝於明堂樂章三首

褚亮

肅和

象天御宇乘時布政嚴配申虔宗禮展敬罇醴
樹羽交映玉幣通誠祚隆皇聖

雍和

八牖晨披五精朝奠霧凝璇篚風洎金縣神滌備全
明粢豐衍載結彛俎陳誠以薦

舒和

御展合宮承寶曆席圖重館奉明靈偃武修文九圍
泰沈烽靜析八荒寧

明堂樂章十一首

武后

唐詩類苑

卷之五十七

三

外辦將出

總章陳昔典衢室禮惟神宏規則天地神用叶陶鈞
負辰三春日克庭萬宇賓顧已誠虔薄空慙億兆人

皇帝行

仰膺曆數俯順謳歌遠安邇肅俗阜時和化光玉鏡
訟息金科方興典禮永戢干戈

皇嗣出入升降

至人光俗大孝通神諒以表性恭惟立身洪規載啓
堯典方陳譽隆三善祥開萬春

迎送主公

千官肅事萬國朝宗載延百辟爰集三宮君臣德合
魚水斯同睿圖方永周曆長隆

登歌

禮崇宗祀志表嚴禋笙鏞合奏文物惟新敬遵典
敢擇良辰潔誠斯著莫謁方申

配饗

笙鏞間玉宇文物昭清暉晬影臨芳奠休光下太微
孝思期有感明潔庶無違

宮音

履艮包群望居中冠百靈萬方資廣運庶品荷財成
唐詩類苑 卷之五十七 三

角音

神功諒匪測盛德實難名藻英申誠敬恭祀表惟馨
出震位開平秩扇條風乘甲乙龍德盛鳥星出薦珪
筐陳誠實

徵音

赫赫離精御炎陸滔滔熾景開隆暑冀延神鑒俯蘭
罇式表虔禋陳桂俎

商音

律中夷則序應收成功宣建武義表惟明爰申禮奠
庶展翬誠九秋是式百穀斯盈

羽音

葭律肇啓隆冬蘊藻攸陳響祭黃鍾既陳玉燭紅粒
方殷稔歲

奉試明堂火珠

崔曙

曙登進士時奉試此時贖帖日夜來雙月滿曙後
一星孤當時傳誦以爲警句及來年曙卒惟一女
名星星人始悟其自識也

正位開重屋凌空出火珠夜來雙月滿曙後一星孤
天淨光難滅雲生望欲無通知太平代國寶任名都

籍田

唐詩類苑

卷之五十七

二五

聞籍田有感

柳宗元

天田不日降皇輿留滯長沙歲又除宣室無由問登
僊事周南何處託成書

巡幸

幸武功慶善宮賦

太宗

慶善宮帝生時故宅也貞觀六年九月帝幸于此
因宴從臣賞賜閭里同漢沛宛帝歡甚賦詩起居
郎呂才請平宮商被之管絃命曰功成慶善樂使
童子八佾冠進德冠紫褶長袖漆髻展履而舞
之九功之舞大宴會與破陳樂借奏於庭

壽丘惟舊跡豐邑乃前基粵予承累聖懸弧亦在茲

弱齡逢運改提劍籌匡時指麾八荒定懷柔萬國夷

梯山盛入款駕海亦來思單于陪武帳日逐衛文螭

端展朝四嶽無爲任百司霜節明秋景輕水結水湄

芸黃遍原隰禾穎積京坻共樂還鄉宴歡此大風詩

重幸武功

太宗

代馬依朔吹驚禽愁昔叢况茲承睿德懷舊感深衷
積善忻餘慶暢武閱神功垂衣天下治端拱車書同
白水巡前跡丹陵幸舊宮列筵懽故老高宴聚新豐
駐蹕撫田畯廻輿訪牧童瑞氣縈丹闕祥煙散碧空

唐詩類苑

卷之五十七

二六

孤嶼含霜白遙山帶日紅於焉歡擊筑聊以詠南風

於北平作

太宗

翠野駐戎軒盧龍轉征旆遙山麗如綺長流縈似帶
海氣百重樓巖松三尺大茲焉可遊賞何必棄城外

奉和長春宮應令

虞世南

瑤山盛風樂南皮務逸遊如何事巡撫民瘼諒斯求
文鶴揚輕蓋蒼龍飾桂舟汎沫縈沙嶼寒澌擁急流
路指八仙館途經百尺樓眷言昔遊踐廻駕且淹留
後車喧鳳吹前旌映綵旒龍驤駐六馬飛閣上三休
調諧金石奏歡洽羽觴浮天文徒可仰何以廁琳球

奉和幸江都應詔

虞世南

南國行周化稽山秘夏圖百王豈殊軌千載叶前謨
肆觀遵時豫順動悅來蘇安流汎玉軸戒道翼金吾
龍旗煥辰象鳳吹溢川塗封唐昔敷錫分陝被荆吳
沐道咸知讓遵儀允美都冬律初飛管陽鴈正銜蘆
嚴飭肅林薄暖景澹江湖鴻私決幽遠厚澤潤凋枯
虞琴起歌詠漢筑動巴渝多幸沾行葦無庸數散樗
上皇西巡南京歌十首 李白

天寶十五載六月己亥祿山陷京師十一月庚辰

次蜀郡八月癸巳皇太子即皇帝位于靈武十二

唐詩類苑

卷之五十七

二十七

月丁未上皇天帝至蜀郡大赦以蜀郡爲南京

胡塵輕拂建章臺聖主西巡蜀道來劍壁門高五千

丈石爲樓閣九天開

九天開出一成都萬戶千門入畫圖草樹雲山如錦

繡秦川得及此間無

華陽春樹號新豐行人新都若舊宮柳色未饒秦地

綠花光不減上陽宮

誰道君家行路難六龍西幸萬人懽地轉錦江成渭

水天迴玉壘作長安

萬國同風共一時錦江何謝曲江池石鏡更明天上

月後宮親得照蛾眉

濯錦清江萬里流雲帆龍舸下揚州北地雖誇上林

苑南京還有散花樓

錦水東流繞錦城星橋北挂象天星四海此中朝聖

主峨嵋山上列仙庭

秦關蜀道置金牛漢水元通星漢流天子一行遺聖

跡錦城長作帝王州

水綠天清不染塵風光和暖勝三秦萬國煙花隨玉

輦西來添得錦江春

劍閣重關蜀北門上皇歸馬若雲屯少帝長安開紫

唐詩類苑

卷之五十七

二十八

極雙懸日月照乾坤

幸蜀西至劍門

玄宗

劍閣橫雲峻鑿輿出符回翠屏千仞合丹嶂五丁開

濯木繁旗轉仙雲拂馬來乘時方在德嗟爾勒銘才

途次陝州

玄宗

境出三秦外途分二陝中山川入虞虢風俗限西東

樹古棠陰在耕餘讓畔空鳴笳從此去行見洛陽宮

幸鳳湯泉

玄宗

西狩觀周俗南山歷漢宮薦鮮知路近省斂覺年豐

陰谷含神燭湯泉養聖躬益齡仙井合愈疾醴源通

不重鳴岐鳳誰誇陳寶雄願將無限澤沾沐衆心同

奉和聖製幸鳳湯泉應制 張說

周狩聞岐禮秦都辦雍名獻禽天子孝存老聖皇情
溫潤宜冬幸游畋樂歲成湯雲出水殿暖氣入山營
坎意無私結乾心稱物平帝歌流樂府溪谷也增榮

廣德初鑾駕出闕後登高愁望二首

錢起

長安不可望望處愁邊起輦轂混戎夷山河空表裏

黃雲壓城闕斜照移烽壘漢幟遠成霞胡馬來如蟻

不知涿鹿戰早晚虫尤死渴日候河清沈憂催暮齒

唐詩類苑

卷之五十七

二十九

二

愁看秦川色慘慘雲景晦乾坤暫運行品物遺覆載

黃塵漲戎馬紫氣隨龍旆掩泣指關東日月妖氛外

臣心寄遠水朝海去如帶周德更休明天衢佇開泰

觀法駕自鳳翔迴

錢起

攬轡一掃滅閭闔九重開海晏鯨鯢盡天旋日月來

聖情蘇品物龍御一作闕雲雷曉漏移仙仗朝陽出

帝臺周漸散馬出禹讓濬川迴欲識封人願南山翠

酒杯

東都父老望幸

鄭穀

鑾輿秦地久羽衛洛陽空彼土雖憑固茲川乃得中

龍顏觀白日鶴髮仰清風望幸誠逾邈懷來意不窮

昔因封泰嶽今佇躡維嵩天地心無異神祇理亦同

翠華翹渭北玉檢候關東衆願其難阻明君早勒功

嵩山望幸

王邕

峻極位何崇方知造化功降靈逢聖主望幸表維嵩

隱映連青壁嵯峨向碧空象車因叶瑞龍駕願升中

萬歲聲長在千巖氣轉雄東都歡盛事西笑佇皇風

華清宮望幸

驪岫接新豐岩巖駕碧空鑿山開秘殿隱霧蔽仙宮

唐詩類苑

卷之五十七

三十

絳闕猶棲鳳雕梁尚帶虹溫泉曾浴出平館舊迎風

肅穆瞻雲輦深沈閉綺櫳東郊望奇處瑞氣謁淩濛

駕出長安

宋之問

聖德超千古皇風扇九圍天迴萬象出駕動六龍飛

淑氣來黃道祥雲覆紫微太平多扈從文物有光輝

奉和聖製途次陝州應制 張說

周召嘗分陝詩書空復傳何知萬乘睽追賞二南篇

郡帶洪河側宮臨大道邊洛城將日近佳氣滿山川

奉和聖製初出洛城

張九齡

東土瞻龍駕西人望翠華山川祇詢物宮觀豈爲家

十月廻星斗千官捧日車洛陽無怨思巡幸更非賒

奉和聖製次瓊嶽頌 張九齡

山祇亦望幸雲雨見靈心嶽館逢朝霽關門解宿陰
咸京天上近清渭日邊臨我武因冬狩何言是卽禽

奉和聖製次瓊嶽應制 韋濟

陸海拔晴雪千旗獵早陽嶽臨秦路險河遶漢垣長
行漏通鳩鵲離宮接建章都門信宿近歌舞從周王

奉和聖製次瓊嶽應制 李林甫

東幸從人望西巡順物廻雲收二華出天轉五星來
十月農初罷三驅禮復開更看瓊嶽上佳氣接神臺

唐詩類苑 卷之五十七

駕幸河東 王昌齡

晉水千廬合汾橋萬國從開唐天業盛入沛聖恩濃
下輦廻三象題碑任六龍睿明懸日月千載此時逢

奉和聖製登會昌山應制 孫逖

巖磴列雲旗吾君訪道時乾行萬物睹日馭六龍遲
望遠廻天顧登高動睿詞願因山作壽長保會昌期

奉和聖製登會昌山應制 錢起

睿相入希夷眞游到具茨玉鑾登嶂遠雲路出花遲
泉壑凝神處陽和布澤時六龍多順動四海正雍熙

蒲津迎駕 宋璟

回鑾下蒲坂飛旆指秦京洛上黃雲送關中紫氣迎

霧朝看馬色月曉聽鷄鳴防拒連山險長橋壓水平

省方知化洽察俗覺時清天下長無事空餘襟帶名

駕蜀回 羅鄴

上皇西幸却歸秦花木依然滿禁春唯有貴妃歌舞

地月明空殿鎖香塵

車駕西遊因而有作 溫庭筠

宣曲長陽瑞氣凝上林狐兔待秋鷹誰將詞賦隨雕

輦寂寞相如臥茂陵

帝幸蜀 羅隱

唐詩類苑 卷之五十七

馬嵬山色翠依依又見鑾輿幸蜀歸泉下阿蠻應有

語這回休更怨楊妃

駕幸溫泉 盧象

傳聞聖主幸新豐清蹕鳴鑾出禁中細草終朝隨步

輦垂楊幾處繞行宮千官扈從驪山北萬國來朝渭

水東此日小臣徒獻賦漢家誰復重楊雄

辰州聞大駕還宮 戎昱

聞道鑾輿歸魏闕望雲西拜喜成悲寧知隴水銷煙

日再有園林秋薦時渭水戰添亡虜血秦人生觀舊

朝儀自慚出守辰州畔不得親隨日月旗

聞再幸梁洋

章莊

纔喜中原息戰聲又聞天子幸巴西
延燒魏闕非關燕大狩陳倉不爲鷄
興慶玉龍寒自躍昭陵石馬夜
空嘶遙思萬里行宮夢大白山前月欲低

上之回

李白

漢帝元封初因至雍遂通回中道後數遊幸焉其
歌稱帝遊石關望諸國月支臣匈奴服蓋誇時事
也

三十六離宮樓臺與天通閣道步行月美人愁煙空
恩疎寵不及桃李傷春風活樂意何極金輿回中
唐詩類苑 卷之五十七 三十三

萬乘出黃道千旗揚彩虹前軍細柳北後騎甘泉東
豈問渭川老寧邀襄野童但慕瑤池宴歸來樂無窮

上之回

盧照隣

回中道路險蕭關烽候多五營屯右地萬乘出西河
單于拜玉璽天子按雕戈振旅分川曲秋風橫大歌

上之回

沈佺期

制書下關右天子問回中壇墠經過遠威儀侍從雄
黃麾搖畫日青憶曳松風迴望甘泉道龍山隱漢宮

上之回

陳子良

承平重遊樂詔蹕上之回屬車響流水清笳轉落梅

領雲蓋道轉巖花映綬開下輦便高宴何如在瑤臺

上之回

李賀

上之回大旗喜懸紅雲撻鳳尾鯨匣破舞蛟龍蚩尤
死鼓逢逢天高慶雷齊墜地地無驚煙海千里

扈從

辛丑歲十月上幸長安時扈從出西嶽

沈佺期

西鎮何穹崇壯哉信靈造諸嶺皆峻秀中峰特美好
傍見巨掌存勢如石東倒頗開首陽去開拆此何道
磅礴壓河源魏峨壯清昊雲泉紛亂瀑天磴屹宏抱
唐詩類苑 卷之五十七 三十四

子先呼其顓宮女世不老下有府君廟壁載傳灑掃
皇一作明應天遊十月成豐鎬微末忝開從兼得事

顏藻宿心愛此山意欲拾靈草陰壑已永閉雲竇絕

探討芳月期來過迴策思方浩

扈從還洛呈侍從群官

李嶠

四海帝王家兩都周漢室觀風昔來幸御氣今旋蹕
雷奮六合開天行萬乘出玄冥奉時駕白矩參戎律
後隊咽笳簫前驅嚴罕畢輝光射東井禁令橫西袂
帳殿別陽春旌門臨甲乙將交洛城雨稍遠長安日
却聳雲外來咸秦霧中失孟冬霜嚴下是日發工畧

天道向歸餘皇情美陰陽行存名嶽禮通問萬年疾
祝鳥既開羅調人更張瑟登原採謳誦俯谷求才術
邑罕懸磬貧山無挂瓢逸施恩泱寰宇展義該文質
德澤盛軒游哀矜深禹恤申歌地廬駭獻壽衢樽溢
瑞色抱氤氲寒光變蕭瑟宗枝旦奭輔侍從王劉匹
茲緝蛟龍書同替鳳凰筆陶甄荷吹萬頌歎歸明一
歡與道路長願隨譚笑密叨承廊廟選繆齒夔龍弼
喜構大厦成慙非隆棟吉

扈從迴鑾應制

蕭華

粵在秦京日議平封禪難豈知陶唐主道濟蒼生安

唐詩類苑

卷之五十七

三十五

惟彼烈祖事增修實榮觀聲名朝萬國玉帛禮三宣
纂聖德重光建元功載刊仍開舊馳道不記昔迴鑾
羽騎搖晴日弓戈生早寒猶思榆玉處却望白雲端
和周記室從駕曉發合璧宮

李嶠

濯龍春苑曙翠鳳曉旗舒野色開煙後山光澹月餘
風長旂響咽川迴騎行疎珠履陪仙駕金聲振屬車

扈從登封告成頌

宋之問

複道開行殿鉤陳列禁兵和風吹鼓角佳氣動旗旌
後騎迴天苑前山入御營萬方俱下拜相與樂昇平

扈從登封途中作

宋之問

帳殿鬱崔嵬仙遊實壯哉曉雲遶幕捲夜火雜星回
谷暗千旗出山鳴萬乘來扈從良可賦終乏揆天材

扈從御宿池

祖詠

君王既出狩輦路入秦京遠樹低槍壘孤山入幔城
寒疎清禁漏夜警羽林兵誰念迷方客長懷魏闕情

侍從途中口號應制

閻朝隱

疵賤出山東忠貞任土風因敷河朔燕得奉洛陽宮
一顧侍御史再顧給事中常願粉肌骨特答造化功

追從鑾輿夕頓戲下應令

虞世南

唐詩類苑

卷之五十七

三十六

重輪依紫極前耀奉丹霄天經戀宸扆帝命扈仙鑣
乘星開鶴禁帶月下虹橋銀書含曉色金輅轉晨飈
霧徹軒營近塵暗斗城遙蓮花分秀萼竹箭下驚潮
撫已慙龍幹承恩集鳳條瑤山盛風樂抽簡薦從謠

贈許左丞從駕萬年宮

盧照隣

聞道上之回詔蹕下蓬萊中樞移北斗左轄去南臺
黃山聞鳳笛清蹕侍龍媒曳日朱旗卷叅雲金障開
朝參五城柳夕宴栢梁杯漢時光如月秦祠聽似雷
寂寂芸香樹離思獨悠哉

扈從鳳泉和崔黃門喜恩言辭嚴罷園之作

蘇頌

輦路岐山曲儲胥渭水湄教成提將鼓禮備植虞旗
不取從畋樂先流去殺慈舜韶同舞日湯祝盡飛時
物應陽和施人知雨露私何如穆天子七萃幾勞師

扈從南出雀鼠谷

張說

豫動三靈贊時巡四海威歟關凌曙出平路半春歸
霍鎮迎雲蓋汾河送羽旂南山御半密谷北草全稀
遲日宜華蓋和風入夾衣上林十里近應見百花飛

答張說扈從南出雀鼠谷

玄宗

雷出應乾象風行順國人川塗猶在晉車馬漸歸秦

唐詩補元

卷之五十七

三十一

背硤關山險橫汾鼓吹震草依陽谷變花待北巖春
聞有鸛鸞客清詞雅調新求音思欲報心跡竟難陳

奉和聖製答張說扈從南出雀鼠谷

崔翹

硤路繞河汾晴光拂曙氛笳吟中嶺樹仗入半峰雲
頓覺山原盡平看邑里分早行芳草迴晚憇好風薰
嘉頌推英宰春遊扈聖君共忻承睿渥日月照天文

奉和聖製答張說扈從南出雀鼠谷

王光庭

省俗恩將遍巡方路稍迴寒隨汾谷盡春逐晉郊來

雲騎傳行漏煙旄引從臺惠風初應律和氣正調梅
雅頌通宸咏天文接曙台灞陵桃李色應待日華開

奉和聖製答張說扈從南出雀鼠谷

張九齡

設險諸侯地承平聖主巡東君朝二月南旆擁三辰
寒出重關盡年隨行漏新瑞雲叢捧日芳樹曲迎春
舞詠先馳道恩華及從臣汾川花鳥意併奉屬車塵

奉和聖製答張說扈從南出雀鼠谷

宋璟

秦地雄西夏并州近北胡禹行山啓路舜在邑爲都

唐詩補元

卷之五十七

三十一

忽視寒暄隔深思陰易殊四時宗伯叙六議宰臣鋪
徵作宮常應星環日每紆盛哉隆合道良以致亨衢

奉和聖製答張說扈從南出雀鼠谷

梁昇卿

何意重關道千年遇聖王幽林承惠澤閑客見清光
日御仙途遠山靈壽域長寒雲入晉薄春樹隔汾香
國佐同時雨天文屬歲陽從來漢家盛未若此巡方

奉和聖製答張說扈從南出雀鼠谷

蘇頌

雨施巡方罷雲從訓俗迴密途汾水衡溝蹕晉郊陪

寒看山邊盡春當日下來御詞玄鳥應仙仗綠楊開
作頌音傳雅觀文色動台更知西嚮樂宸藻叶鹽梅

奉和聖製答張說扈從南出雀鼠谷

王丘

襟帶三秦接旂常萬乘過陽源淑氣早陰谷沍寒多
花繡前茅仗霜嚴後殿戈代雲開晉嶺江鴈入汾河
北土分堯俗南風動舜歌一聞天樂唱共逐萬人和
奉和聖製答張說扈從南出雀鼠谷

趙冬曦

軒轅應順動萬牧正趨陪道合殷為礪時行楚有材
唐詩類苑 卷之五十七 三九

省方西禮設振旅北京廻地理分中壤天文照上台
寒依汾谷去春入晉郊來竊比康衢者長歌仰大哉
奉和聖製答張說扈從南出雀鼠谷

袁暉

魏國山河險周王警蹕廻九旗雲際出萬騎谷中來
石路行將盡煙郊望忽開賞矜垂柳拂春畏落花催
興逸橫汾體恩褒作頌才小臣瞻日月延首詠康哉

奉和聖製答張說扈從南出雀鼠谷

席豫

鳴鑾初幸代旋蓋欲橫汾嶺盡千旗出郊平五校分

前林已暄景後壑尚寒氛風送簫韶曲花迎黼散文
鹽梅推上宰禮樂統中軍獻賦紆天札飄飄飛白雲

奉和聖製答張說扈從南出雀鼠谷

徐安貞

兩臣初入夢二月扈巡邊澗北寒猶在山南春半傳
頌聲先奉御展象復回天雲日明千里旌旗照一川
柳陰低輦路草色變新田還望汾陽近宸遊自富然
扈從出長安應制

杜審言

分野都畿列時乘六御均京師舊西幸洛道此東巡
文物驅三統聲名走百神龍旗紫滿夕鳳輦拂鈎陳
唐詩類苑 卷之五十七 四十

撫迹地靈古游情皇鑒新山追散馬日水憶釣魚人
禹食傳中使堯樽遍下臣省方稱國阜問道識風淳
歲晚天行吉年豐景從親歡娛包歷代宇宙忽疑春

扈從出長安應制

沈佺期

漢宅規模壯周都景命隆西賓讓東主法駕幸天中
太史占星應春官奏日同旌門起長樂帳殿出新豐
翕習黃山下紆徐清渭東金麾張畫月珠幃戴松風
是節嚴陰始寒郊散野蓬薄霜霑上路殘雪繞離宮
賜帛矜耆老褰旒問小童復除恩戴洽望秩禮新崇
臣忝承明召多慚獻賦雄

初冬從幸漢故青門應制 沈佺期

見人部懷古

扈從登封告成頌應制 宋之問

御路廻中嶽天營接下都百靈無後至萬國競前驅
文衛嚴清蹕幽仙讀寶符貝花明漢果芝草入堯厨
濟濟衣冠會喧喧夷夏俱宗禮仰神理刊木望川途
撫已貧非病時來本不愚顧陪丹鳳輦率舞白雲衢
扈從鄴杜門奉呈刑部尚書舅崔黃門馬常侍

侍

蘇頌

翠輦紅旗出帝京長楊鄴杜昔知名雲山一一看皆

唐詩類苑

卷之五十七

聖一

美竹樹蕭蕭畫不成羽騎將過持袂拂香車欲度捲
簾行漢家曾草巡遊賦何似今來應聖明

從駕遊溫泉宮

徐安貞

神女調溫液年年待聖人試開臨水殿來洗屬車塵
暖氣隨明主恩波浹近臣靈威自無極從此獻千春

從駕遊溫泉宮

李白

羽林十二將羅列應星文霜仗懸秋月霓旌卷夜雲
嚴更千戶肅清樂九天聞日出瞻佳氣蔥蔥繞聖君

溫泉侍從歸逢故人

李白

漢帝長楊苑誇胡羽獵歸于雲叨侍從獻賦有光輝

激賞搖天筆承恩賜御衣逢君奏明主他日共翻

扈從溫泉同紫微黃門群公汎渭川得濟字

蘇頌

紅旗映綠蕙春仗漢豐西侍蹕浮清渭揚舲降紫泥
近臨鈞石地遙指釣璜溪岸轉帆飛疾川平棹舉齊
傳舟來是用軒馭往應迷興發菱歌動沙洲亂夕鷺

和僕射晉公扈從溫泉

王維

天子幸新豐旗旌渭水東寒山天仗裏溫谷幔城中
奠玉群仙座焚香太乙宮出遊遂牧馬罷獵有飛熊
上宰無爲化明時太古同靈芝三秀紫陳粟萬箱紅

唐詩類苑

卷之五十七

聖一

王禮尊儒教天兵小戰功謀猷歸哲匠詞賦屬文宗
司諫方無闕陳詩且未工長吟吉甫頌朝夕仰清風

扈從溫泉宮獻詩

張說

溫泉啓蟄地氛氲渭浦歸鴻日數群騎仗聯聯環北
極鳴笳步步引南薰松間彩殿籠佳氣山上朱旗繞
瑞雲不知遠夢華胥國何如親奉帝堯君

奉和扈從溫泉宮承恩賜浴

蔡希周

天行雲從指驪宮浴日餘波錫詔同彩殿氤氳擁香
溜紗窻宛轉閉和風來將蘭氣衝皇澤去引星文捧

碧空自憐遇坎便能止願託仙查路未通

和李員外扈駕幸溫泉宮 錢起

未央月曉度疎鐘鳳輦時巡出九重雪霽山門迎瑞
日雲開水殿候飛龍輕寒不入宮中樹佳氣常藹
外峰遙羨枚臯扈仙蹕偏承霄漢渥恩濃

卷之五十二

四十三

唐詩類苑卷第五十八

明雲間張之象玄超甫纂輯

梁谿安希范小范甫編次

雲間王 徹叔朗甫補訂

梁谿曹仁孫伯安甫校正

禮部

朝會

同藩屯田冬日早朝

張文琮

假寐懷古人夙興瞻曉月通神禁門啓冠蓋趨朝謁
霜靄清九衢霞光照雙闕紛綸文物紀煥爛聲明發

唐詩類苑 卷之五十八

腰劒動陸離鳴玉和清越

早朝

王維

皎潔明星高蒼茫遠天曙槐露暗不開城鴉鳴稍去
始聞高閣聲莫辨更衣處銀燭已成行金門儼駟馭

元日早朝

王建

大國禮樂備萬邦朝元正東方色未動冠劒門已盈
帝居在蓬萊肅肅鐘漏清將軍領羽林持戟巡宮城
翠華皆宿陳雪仗羅天兵庭燎遠煌煌旗上日月明
聖人龍火衣寢殿開璇扇龍樓橫紫煙宮女天中行
六蕃倍位次衣服各異形舉頭看玉牌不識宮殿名

左右雉扇開蹈舞分滿庭朝服帶金玉珊珊相觸聲
泰階備雅樂九奏鸞鳳鳴徘徊慶雲中竿磬寒鐸鐸
三公再獻壽上帝錫永貞天明告四方羣后保太平

觀早朝

元稹

伐鼓通嚴城車馬溢廣墜煌煌列明燭朝服照華鮮
金門杳深沉尚聽清漏傳河漢忽已沒司閤啓晨闌
丹殿據龍首崔嵬對南山寒生千門裏日照雙闕間
禁旅下成列鑪香起中天輝輝觀明聖濟濟行前俊
賢媿無鴛鴦姿短翮空飛還誰當假毛羽雲露相追攀

唐詩類苑

卷之五十八

二

歸朝書寄元八

白居易

進入閣前拜退就廊下食歸來昭國里人臥馬歇鞍
却睡至日午起坐心浩然況當好時節雨後清和天
柿樹綠陰合王家庭院寬瓶中郭縣酒壚上終南山
獨眠仍獨坐開襟當風前禪僧與詩客次第來相看
要語連夜語須眠終日眠除非奉朝謁此外無別牽
年長身且健官貧心甚安幸無急病痛不至苦飢寒
自此聊以適外緣不能干唯應靜者信難爲動者言
臺中元侍御早晚作郎官未作郎官際無人相伴閒

朝歸

韓愈

峨峨進賢冠耿耿水蒼佩服章豈不好不與德相對
顧影聽其聲頽頽汗漸背進乏犬雞效又不勇自退
坐食取其肥無堪等顰顰長風吹天墟秋日萬里曜
抵暮但昏眠不成歌慷慨

南內朝賀歸呈同官

韓愈

薄雲蔽秋曦清雨不成泥罷賀南內衙歸涼曉淒淒
綠槐十二街渙散馳輪蹄余惟慙書生孤身無所齎
三黜竟不去致官九列齊豈惟一身榮佩玉冠簪犀
混蕩天門高著籍朝厥妻文才不如人行又無町畦
問之朝廷事畧不知東西況於經籍深豈究端與倪

唐詩類苑

卷之五十八

三

君恩太山重不見酬稗稊所職事無多又不自提撕
明庭集孔鸞曷取於鳬鷖樹以松與栢不宜間蒿藜
婉嬾自媚好幾時不見擠貪食以忘軀豈不調鹽醢
法吏多少年磨淬出角圭將舉汝愆尤以爲已階梯
收身歸闕東期不到死迷

凌晨入朝

上官儀

高宗承貞觀之後天下無事儀獨持國政嘗凌晨
入朝巡洛水堤步月徐轡詠此詩音韻清亮羣公
望之猶神仙焉

豚豚廣川流驅馬入長洲鵲飛山月曙蟬噪野風秋

凌晨早朝

虞世南

萬戶宵光曙重簷夕霧收玉花停夜燭金壺送曉籌

日輝青瑣殿霞生結綺樓重門應啓路通籍引王侯

和崔正諫秋日早朝

沈佺期

雞鳴朝謁滿露白禁門秋爽氣臨旌戟朝光映冕旒

河宗來獻寶天子命焚裘獨負池陽議言從建禮遊

早朝

王維

柳暗百花明春深五鳳城城烏睨曉宮井轆轤聲

方朔金門侍班姬玉輦迎仍聞遺方士東海訪蓬瀛

早朝

耿湋

唐詩類苑

卷之五十八

四

鐘鼓餘聲裏千官向紫微冒寒人語少乘月燭來稀

清漏聞馳道輕霞應瑣闥猶看嘶馬處未啓掖垣扉

春日早朝應制

戴叔倫

仙仗肅朝官承平聖主歡月沉宮漏靜雨濕禁花寒

丹荔來金闕朱櫻貢玉盤六龍扶御日只許近臣看

春日退朝

劉禹錫

紫陌夜來雨南山朝下看戟枝迎日動閣影助松寒

瑞氣轉綃縠遊光泛波瀾御溝新柳色處處拂歸鞍

元日無衣冠入朝寄皇甫拾遺冉從弟補闕

紆

李嘉祐

伏奏隨廉使周行外元員白髭空受歲丹陛不朝天

秉燭千官去垂簾一室眠羨君青瑣裏並覓入爐烟

朝謁

鄭谷

捧日整朝簪千官一片心班趨黃道急殿揖紫宸深

威鳳迴香辰新鶯囀上林小松含瑞露春翠易成陰

放朝偶作

鄭谷

寒極放朝天欣聞半夜宣時安達密雪月晏待高眠

擁褐同休假吟詩賀有年坐來幽興在松亞小窻前

和僕射相公朝迴見寄

韓愈

盡瘁年將久公今始暫閒事隨憂共減詩與酒俱還

唐詩類苑

卷之五十八

五

放意機衡外收身矢石間秋臺無日迴正好看山前

春晚看羣公朝還人爲八韻

陳子良

遊子惜春暮策杖出蒿萊正值康莊晚羣公謁帝迴

屢度南宮至車從北闕來珂影呵明月笳聲動落梅

迎風采雉轉照日綬花開輕塵掩鶴蓋翠柳拂龍媒

綺雲臨舞閣丹霞薄吹臺輕肥寧所羨未若反山隈

早朝

韋元且

震維芳月季宸極衆星尊珮玉朝三陟鳴珂度九門

挈壺分早漏伏檻初暉春露滋西臨紫鳳垣

詞庭草欲奏溫室樹無言解翰空爲忝長懷聖主恩

同韋舍人早朝

沈佺期

閭闔連雲起巖廊拂霧開玉珂龍影度珠履鴈行來
長樂宵鐘盡明光曉奏催一經傳舊德五字擢英才
儼若神仙去紛從霄漢回千春奉休曆分禁喜趨陪

同韋舍人早朝

徐彥伯

夕轉清壺漏晨驚長樂鐘逶迤綸禁客假寐守銅龍
予亦趨三殿肩隨謁九重繁珂接曙響華劒比春容
相間苔光歇彌憐芳意濃願言乘日肝攜手卽雲峯

同韋舍人早朝

鄭愔

唐詩類苑

卷之五十八

六

瑞闕龍車峻宸庭鳳掖深才良寄天綽邇拜侶朝簪
飛鴈看成字喧車識駐音重軒輕霧入洞戶落花侵
聞有題新翰依然想舊林同聲慚下玉課此托韋金

春日直門下省早朝

王維

騎省直明光雞鳴謁建章遙聞侍中珮聞識令君香
玉漏隨銅吏天書拜夕郎旌旗映閭闔歌吹滿昭陽
官舍梅初紫宮門柳欲黃願將遲日意同與聖恩長

聞漏

王岳靈

建禮舍香處重城待漏臣徐聞傳鳳詔曉唱辨雞人
銀箭殘將盡銅壺漏更新催籌當午夜移刻及三辰

杳杳從天遠冷冷出禁頻直疑殘漏曙肅肅對鈞陳

早朝

白居易

鼓動出新昌雞鳴赴建章翩翩穩鞍馬楚楚健衣裳
官漏傳殘夜城陰送早涼月堤槐露氣風燭樺烟香
雙闕龍相對千官鴈一行漢庭方尚少慙歎髮如霜

元日觀百僚朝會

包佶

萬國賀唐堯清晨會百僚花冠蕭相府繡服霍嫖姚
壽色凝丹檻歡聲徹九霄御爐分獸炭仙管弄雲韶
日照金觴動風吹玉珮搖都城獻賦者不得共趨朝

元日早朝

耿湋

唐詩類苑

卷之五十八

七

九陌朝臣滿三朝候鼓賒遠珂時接韻攢炬偶成花
紫貝爲高闕黃龍建大牙參差萬戟合左右八貂斜
羽扇分朱檻金鑪隔翠華微風傳曙漏曉日上春霞
環珮聲重疊蠻夷服等差樂和天易感山固壽無涯
渥澤千年聖車書四海家盛明多在位誰得守蓬麻

和武相早朝中書候傳點書懷奉呈

羊士諤

殿省秘清曉夔龍升紫微星辰拱帝座劒履翊天機
耿耿金波缺沉沉玉漏稀綵箋蹲鸞獸畫扇列名輩
志業丹青重恩華雨露霏三台昭建極一德慶垂衣

昌運瞻文教雄圖本武威殊勲如帶遠佳氣似烟非
抗節衷無隱同心尚弼違良哉致君日維岳有光輝

懷昔年朝謁成八韻

夷落朝雲候王正小雪辰緬懷朝紫陌曾是灑朱輪
氣耿簪裾肅風嚴刻漏頻暗飛金馬仗寒舞玉京塵
承角隨中憲龍池列近臣蒞珠凝瑞彩玄圃淨華茵
帝澤千箱慶天顏萬物春明君猶咫尺高詠愧已人
奉和李相公早朝於中書候傳點偶著所懷
奉呈門下武相公中書鄭相公

呂溫

唐詩類苑

卷之五十八

八

禁門留騎吹內省正衣冠稍辨旂常色尚聞鐘漏殘
九天鑪燭煖六月玉聲寒宿霧開霞觀晨光泛露盤
致君期反朴求友得如蘭政自同歸理言成共不刊
準繩臨百度領袖映千官臥鼓流沙靜飛航溺海安
盡規訓主意偕賦代交歡雅韻人間滿多慙竊和難
贈駕部吳郎中七兄時早夏朝歸閒齋獨處

偶題此什

白居易

四月天氣和且清綠槐陰合沙堤平獨騎善馬銜
穩初著單衣支體輕退朝下直少徒侶歸舍閉門無
送迎風生竹夜意閒臥月照松特臺上行春酒冷嘗

三數盞晚琴閒弄十餘聲幽懷靜境何人別唯有南
宮老駕兄

春日早朝

張籍

曉陌春寒朝騎來瑞雲深處見樓臺夜來新雨沙堤
濕東上閣門應未開

朝天子詞十首奇魏博士田侍郎

王建

山川初展

一作

國圖寬未識龍顏坐不安風動白髯

旌節下過時天子御樓看

相感君臣總淚流思深舞蹈不知休初從戰地來無

唐詩類苑

卷之五十八

九

物唯奏新添十八州

催脩水殿宴沂公與別諸君總不同隔月太常先習
樂金書牌纛彩雲中

無人敢奪在先籌天子開邊送與毬遙索綵箱新樣

錦內人昇出馬前頭

御馬牽來親自試珠毬到處玉蹄知殿頭宣賜連催

上未解紅纓不敢騎

老作三公經獻壽臨時猶自語差池私從班裏來長

跪捧上金杯便合儀

四海無波乞放閒三封手疏犯龍顏他時若有邊塵

動不待天書自出山

胡馬悠悠未盡歸玉關猶隔吐蕃旗老臣一表求高

臥邊事從今欲問誰

威容難盡改頻頻眉目分毫恐不真有詔別圖書閣

上先教粉本定風神

重賜弓刀內宴迴看人城外滿樓臺君臣不作多時

別收盡邊旗當日來

朝迴和元少尹絕句

白居易

朝客朝迴迴望好盡紆朱紫佩金銀此時獨與君爲

伴馬上青袍唯兩人

唐詩類苑

卷之五十八

十

重和元少尹

白居易

鳳閣舍人京亞尹白頭俱未著緋衫南宮起請無消

息朝散何時得入衙

雨雪放朝因懷微之

白居易

歸騎紛紛滿九衢放朝三日爲泥塗不知雨雪江陵

府今日排衙得免無

朝元引四首

陳陶

帝燭焚煌下九天蓬萊宮闕玉爐煙無央鸞鳳隨金

母來駕薰風一萬年

正殿雲開露冕旒下方朱翠壓鰲頭天雞唱罷南山

曉春色先歸十二樓

萬宇靈祥擁帝居東華元老薦屠蘇龍池遙望非烟

拜五色幢幢在玉壺

寶祚河宮一向清龜魚天篆益分明近臣誰獻登封

草五岳齊呼萬壽聲

和祠部王員外雪後朝早卽事

岑參

長安雪後似春歸積素凝華連曙暉色借玉珂迷曉

騎光添銀燭晃朝衣西山落月臨天仗北闕晴雲捧

禁闈聞道仙郎歌白雪由來此曲和人稀

唐詩類苑

卷之五十八

十一

早朝大明宮呈兩省僚友

賈至

銀燭朝天紫陌長禁城春色曉蒼蒼千條弱柳垂青

瑣百轉流鶯遶建章劍佩聲隨玉墀步衣冠身惹御

爐香共沐恩波鳳池上朝朝染翰侍君王

奉和中書賈至舍人早朝大明宮之作

岑參

雞鳴紫陌曙光寒鶯囀皇州春色闌金闕曉鐘開萬

戶玉階仙仗擁千官花迎劍佩星初落柳拂旌旗露

未乾獨有鳳凰池上客陽春一曲和皆難

奉和中書賈至舍人早朝大明宮之作

王維

絳幘雞人送曉籌尚衣方進翠雲裘九天閭闔開宮殿萬國衣冠拜冕旒日色纔臨仙掌動香烟欲傍衮龍浮朝罷須裁五色詔珮聲歸向鳳池頭

和中和書賈至舍人早朝大明宮之作

杜甫

五夜漏聲催曉箭九重春色醉仙桃旌旗日暖龍蛇動宮殿風微燕雀高朝罷香煙携滿袖詩成珠玉在揮毫欲知世掌絲綸美池上于今有鳳毛

宣政殿退朝晚出左掖

杜甫

唐詩類五

卷之五十八

十二

天門日射黃金榜春殿晴薰赤羽旗宮草霏霏承委珮爐烟細細駐遊絲雲近蓬萊常五色雪殘鳩鵲亦多時侍臣緩步歸青瑣退食從容出每遲

紫宸殿退朝口號

杜甫

戶外照容紫袖垂雙瞻御座引朝儀香飄合殿春風轉花覆千官淑景移晝漏稀聞高閣報天顏有喜近臣知宮中每出歸東省會送夔龍集鳳池

和王員外晴雪早朝

錢起

紫微晴雪帶恩光繞伏偏隨鷺鷥行長信月留寧避曉宜春花滿不飛香獨看積素凝清禁已覺輕寒讓

太陽題柱盛名兼絕唱風流誰繼漢田郎

和集賢劉學士早朝作

白居易

吟君昨日早朝詩金御爐前喚仗時煙吐白龍頭宛轉扇開青雉尾參差暫留春殿多稱屈合入綸闈即可知從此摩霄去非晚鬢間未有一莖絲

和少府崔卿微雪早朝

王建

蓬萊春雪曉猶殘點地成花遶百官已傍祥鸞迷殿角還穿瑞草入袍欄無多白玉階前濕積漸青松葉上乾粉畫南山稜郭出初晴一半隔雲看

秋日早朝

許渾

唐詩類五

卷之五十八

十三

宵衣應待絕更籌環佩鏘鏘月夜樓并轉輶輪千樹曉鑣開闔闔萬山秋龍旗盡列趨金殿雉扇纔分拜玉旒虛戴鐵冠無一事滄江歸去老漁舟一作漁江歸老釣魚舟

朝下寄韓舍人

耿漳

侍臣鳴珮出西曹鸞殿分階翊綵旄瑞氣迴浮青玉案日華遶上赤霜袍花間焰焰雲旗合鳥外亭亭露掌高肯念萬年芳樹裏隨風一葉在蓬蒿

早朝日寄所知

權德輿

長安歲後見鴻鴻紫禁朝天拜舞同曙色漸分雙闕

下漏聲遙在百花中
爐煙乍起開仙仗
玉珮成行
上公共荷發生同
雨露不應黃葉久從風

歲仗

羅一鄴

玉帛朝元萬國來
雞人曉唱五門開
春排北極迎仙
馭一作日捧南山入壽杯
歌舜薰風鏗劍珮
祝堯嘉氣靄樓臺
可憐四海車書共
重見蕭曹佐漢材

春日朝罷呈臺中寮友

羊士諤

退食鵷行振羽儀
九霄雙闕迴參差
雲披綵仗春風度
日暖香堦晝刻移
玉樹籠烟鵲觀石渠
流水鳳凰池
時清執法漸無事
未有長楊漢主知

唐詩類苑

卷之五十八

十四

早朝寄白舍人嚴郎中

張籍

鼓聲初動未聞雞
羸馬街中踏凍泥
燭暗有時衝石柱
雪深無處認沙堤
常參裏人猶少待
漏房前月欲西
鳳閣星郎離去遠
閣門開日入還齊

臺城曉朝曲

溫庭筠

司馬門前柳千炬
闌干星斗天將曙
朱網龕鬚丞相車
曉隨疊鼓朝天去
博山鏡樹香芊芊
裏裏浮航金盡龍
大江歛勢避辰極
兩闕深嚴煙翠濃

送淮南李司空朝覲

羅隱

聖君宵旰望時雍
丹詔西來雨露濃
宣父道高休歎

鳳武侯才大本吟
龍九州似鼎終須負
萬物爲銅鞮
待鎔臘後春前更
何事便看經度奏東封

早朝思退居

白居易

霜嚴月苦欲明天
忽憶閒居思浩然
自問寒燈夜半起
何如暖被日高眠
唯慙老病披朝服
莫慮饑寒計俸錢
隨有隨無且歸去
擬求豐足是何年

禮見

溫泉宮禮見

錢起

新豐佳氣滿聖主
在溫泉雲曉龍行處
山明日馭前順風求
至道側席問遺賢
靈雪瑤墀降晨霞
綵仗懸唐詩類苑
卷之五十八
十五

召對

六月十七日召對

韓偓

清暑簾開散異香
恩深咫尺對龍章
花應洞裏尋常發
日向壺中特地長
生長忽疑槎斗犯
歸來兼恐海生桑
如今冷笑東方朔
雅用詆諧侍漢皇

省直

和胡將軍寓直

王建

宮鴟栖定一作盡
禁槍攢樓殿深
嚴月色寒進狀直穿
金戟梁樑更先傷
玉鈎欄漏傳五點
班初合鼓動三

聲伏已端遙見正南宣不坐新栽松樹喚人看

訓薛舍人萬年宮晚景寓直懷友

上官儀

奕奕九成臺窈窕絕塵埃蒼蒼萬年樹玲瓏下冥露
池色搖晚空巖花飲餘照清切丹禁靜浩蕩文河渺
留連窮勝託夙期聯善譴東望安仁省西臨子雲閣
長嘯披煙霞高步時蘭若金狄掩通門雕鞍歸騎喧
燕姝對明月荆璫促芳樽別有青山路策杖訪王孫
和錢員外禁中夙興見示 白居易

唐詩苑

卷之五十六

十六

宵宵鐘漏盡瞳瞳霞景初樓臺紅照曜松竹青扶疎
君愛此時好迴頭時謂余不知上清界之景復何如

冬夜與員外錢同直禁中 白居易

夜深草詔罷霜月凄凜凜欲臥煖殘杯燈前相對飲
連鋪青練被對置通中枕髣髴百餘宵與君同此寢

翰林院中感秋懷王質夫 白居易

何處感時節新蟬禁中聞官懷有秋意風夕花紛紛
寄跡鴛鴦行歸心鷗鶴羣唯有王居士知子憶白雲
何日仙遊寺潭前秋見君

禁中寓直夢遊仙遊寺 白居易

西軒草詔暇松竹深寂寂月出清風來忽似山中夕
因成西南夢夢作遊仙客覺聞宮漏聲猶謂山泉滴

西掖早秋直夜書意

白居易

涼風起禁掖新月生宮沼夜半秋暗來萬樹枝嫋嫋
炎涼遞時節鐘鼓交昏曉偶聖惜年衰報恩愁力小
素食無補益朱綬虛縛繞冠蓋栖野去稻梁養山鳥
量力私自省所得已非少五品不爲賤五十不爲夭
若無知足心貪求何日了

禁中

白居易

門嚴九重靜窻幽一室閑好是脩心處何必在深山
唐詩類苑 卷之五十六 十七

禁中秋宿

白居易

風翻朱裏幕雨冷通中枕耿耿背斜燈六牀一人寢
憶夜直金鑾奉詔承旨 李紳

月當銀漢玉繩低深聽簫韶碧落齊門壓紫垣高綺
樹閣連青瑣近丹梯墨宣外渥催飛詔草定新恩促
換題明日獨歸花路近可憐人世隔雲泥

直臺

元稹

麋入神羊隊鳥驚海鷺眠仍教百餘日迎送直廳前
和中書侍郎楊再思春夜宿直鳳閣懷韋公

魏知古

拜門傳漏曉寓省索居時昔重安仁賦今稱伯玉詩
鴛池滿不溢雞樹又愈滋夙夜懷山甫清風有所思
和杜侍御太清臺宿直旦有懷

李嶠

貂冠朝彩振烏署曉光分欲嘯遷喬侶先飛擲地文
庭虛麥雨潤林靜蕙風薰嵇駕終難仰梁鳬且自羣
冬夜寓直麟閣 宋之問

直事披三省重關秘七門廣庭憐雪淨深屋喜爐溫
月幌花虛馥風窻竹暗喧東山白雲意慈夕寄琴樽
和中書侍郎楊再思春夜宿直鳳閣懷羣公

唐詩類苑

卷之五十八

十八

沈佺期

西禁青春漏南端皓月微直廬霄駕合三夜曉鐘稀
星斗橫綸閣天河度瑣闥煙花章奏裏紛向夕廊飛
同崔員外秋宵寓直 王維

建禮高秋夜承明候曉過九門寒漏徹萬井曙鐘多
月迴藏珠斗雲消出絳河更慚衰朽質南陌共鳴珂
和戶部楊員外伯成寓直 李嶠

落日彌綸地公才書省郎詞驚起草筆坐引護衣香
雙闕天河近千門夕漏長遙知臺上宿不獨有文強

省中即事

岑參

華省繆爲郎蹉跎鬢已蒼到來恒撲被隨列且含
竹影遮窻暗花陰拂簾涼君王新賜筆草奏向明光
寄左省杜拾遺 岑參

聯步趨丹陛分曹限紫微曉隨天仗入暮惹御香歸
白髮悲花落青雲羨鳥飛聖朝無闕事自覺諫書稀
答岑參補闕見贈 杜甫

窈窕清禁闕罷朝歸不同君隨丞相後我住日華東
冉冉柳枝碧娟娟花蕊紅胡人得傳句獨贈白頭翁
挽出左掖 杜甫

畫刻傳呼淺春旗旗仗齊退朝花底散歸院柳邊迷
樓雪融城濕宮雲去殿低避人焚諫草騎馬欲雞棲
唐詩類苑 卷之五十八 十九

洞房環珮冷玉殿起秋風秦地應新月龍池滿舊宮
繫舟今夜遠清漏往時同萬里黃山北園陵白露中
春宿左省 杜甫

華隱掖垣暮啾啾棲鳥過星臨萬戶動月傍九霄多
不寢聽金鑰因風想玉珂明朝有封事數問夜如何
奉和中書徐侍郎中書省觀白雲寄賴陽趙

大

諸光義

青闕朝初退白雲遙在天非關取雷雨欲飲伴神仙

泛瀨鵝池曲飄飄瑣闥前猶多遠山意幸入侍臣

酬李司兵直夜見寄

皇甫冉

江城聞鼓角旅宿復何如寒月此宵半春風舊歲餘
徒云資薄祿未必勝閒居見欲扁舟去誰能畏簡書

和謝舍人雪夜寓直

皇甫曾

禁省夜沉沉春風雪滿林滄洲歸客夢青瑣近臣心
揮翰宜鳴玉承恩在賜金建章寒漏起更助掖垣深

和萬年成少府寓直

錢起

赤縣新秋夜文人藻思催鐘聲自仙掖月色近霜臺
一葉兼螢度孤雲帝鴈來明朝紫書下應問長卿才

卷之五十八

二十一

春夜寓直

錢起

養性慣雲臥爲郎如鳥棲不知仙閣峻覺玉繩低
帳喜香煙暖詩慚賜筆題未央春漏促殘夢謝晨雞

早春閣下寓直蕭九舍人亦直內署因寄書

懷

杜牧

御水初銷凍宮花尚怯寒千峯紅紫翠雙闕凭欄干
玉漏輕風順金莖淡日殘王喬在何處清漢正驂鸞

祕閣伴直

鄭谷

祕閣鎖書深牆南別晚岑吏人同野鹿庭木似山林
淺井寒燕入迴廊疊巖初開曉窗移鵲共起五湖心

禁中曉臥因懷王起居

白居易

遲遲禁漏盡悄悄曙鳴喧夜雨槐花落微涼臥北窗
曙燈殘未滅風簾隙自翻每一得靜境思與故人言

夏夜宿直

白居易

人少庭宇曠夜涼風露清花滿院氣松子落階聲
寂默挑燈坐沉吟踟躕月行年衰自無趣不是厭承明

偶題閣下廳

白居易

靜愛青苔院深宜白髮翁貌將松共瘦心與竹俱空
暖有低簷日春多颺幕風平生閒鏡思盡在五言中

春夜宿直

白居易

唐詩類

卷之五十八

三十一

三月十四夜西望東北廊碧桐葉重疊紅藥樹低昂
月砌漏幽影風簾飄闇香禁中無宿直誰伴紫微郎

祕省伴直

張喬

喬枝聚暝禽疊閣鎖遙岑待月當秋直看書廢夜吟
殘薪留火細古井下一汲一作汲瓶深縱欲抄前史貧難遂

此心

夜直省中

韋應物

河漢有秋意南宮生早涼玉漏殊杳杳雲闕更蒼蒼
華燈發新燄輕煙浮夕香顧跡知爲客哀哀帶愧

周行

和都官苗員外秋夜寓直對雨

李嘉祐

多雨南宮夜仙郎寓直時漏長丹鳳闕秋冷白雲司
營影侵堦亂鴻聲出苑遲蕭條吏人散小謝有新詩
晚秋西省寄上李韓二舍人

司空曙

晝漏傳清唱天恩禁旅秋鴈親承露掌沾隔曝衣樓
賜膳中人送餘香侍女收仍聞勞上直晚步鳳池頭
和張舍人中書宿直

李嘉祐

漢主留才子春城直紫微對花閨闔靜過竹吏人稀
唐詩類苑 卷之五十八 三二

裁詔催添燭將朝欲更衣玉堂宜歲久且莫厭彤闈
初秋月夜直宿因呈楊閣老

權德輿

欹枕直廬暇風蟬迎早秋沉沉玉堂夕皎皎金波流
對掌喜新命分曹諧舊遊相思翫華彩因感庾公樓
和張舍人夜直中書寄吏部劉員外

韋應物

西垣草詔罷南宮憶上才月臨蘭殿出涼自鳳池來
松桂生丹禁鴛鴦集雲臺託身各有所相望徒徘徊
酬吏部寶郎中直夜見寄

羊士諤

解巾侍雲陛三命早為郎復以雕龍彩旋歸振鷺行
玉書期養素金印已懷黃茲夕南宮詠遐情魂不忘

和寶吏部雪中寓直

羊士諤

瑞花飄朔雪皓氣滿南宮迢遞層城掩徘徊午夜中
金閨通籍恨銀燭直廬誰問烏臺客客山憶桂叢
陪鄭誠郎中假日省中寓直

林寬

憲廳名最重假日許從容牀滿諸司印庭高五粒松
井尋芸吏汲茶折岳僧封鳥度簾旌暮猶吟隔苑鐘
奉賀給事寓直

崔峒

唐詩類苑 卷之五十八 三三
桂枝家共折雞樹代相傳泰向鸞臺下仍看鴈影連
夜閒方步月漏盡欲朝天知去丹墀近王許薦賢
和騫右丞省中暮望

楊炯

故事閒臺閣仙門謫已深舊章窺複道雲幌肅重陰
玄律葭灰變青陽斗柄臨年光推樹色春氣遶蘭心
風響高窻度流痕曲岸侵天明總樞轄人鏡辨衣簪
日暮南宮靜瑤華振雅音

和鄭讐校內省眺矚思鄉友

楊炯

銅門初下辟石館始沈妍遊霧千金字飛雲五色牋

樓臺橫紫極城闕俯青田
瑤房裏春迴玉宇前
霞文埋落日風物淡歸煙
翰墨三餘隙閑西四望懸
類峯繁酌羽流水曠鳴弦
雖欣承白雪終恨隔青天

宿直溫泉宮羽林獻詩 張說

冬狩美泰正新豐樂漢行
星陳玄武閣月對羽林營
寒木羅霜仗空山響夜更
恩深靈液暖節勁古松貞
文武皆王事輸心不爲名

酬通事舍人寓直見示篇中兼起居陸舍人

張九齡

軒掖殊清秘才華固在斯
興因膏澤澆情思惠風吹

唐詩類苑 卷之五十八

五

所美應人譽何私亦我儀
同聲感喬木比並謝長離
價以陸生減賢慚鮑叔知
薄遊管獨蠅乃訊乃兼施
此夜金閨籍伊人瓊樹枝
飛鳴復何遠相顧幸媿媿

和許給事夜直簡諸公 張九齡

未央鐘漏晚仙宇謫沈沈
沈沈武衛千廬合嚴扃萬戶深

左掖知天近南窻見月臨
樹搖金掌露庭徙玉樓春

他日聞更直中霄屬所欽
聲華大國寶夙夜近臣心

逸興乘高閣雄飛在禁林
寧思竊抃者情發爲知音

奉和許給事夜直簡諸公 崔顥

西掖黃樞近東曹紫禁連
池因才子拜人用省郎遷

夜直千門靜河明萬象懸
建章宵漏急閭闔曉鐘傳
龍列貂蟬位恩深侍從年
九重初起草五夜卽成篇
顧已無官次循涯但自憐
遠陪蘭渚作空此仰神仙

酬楊給事廉見贈省中 沈佺期

子雲推辯博公理擅詞雄
始自尚書省旋開給事中
言從溫室秘籍向瓊闥
通顧我叨郎署慚無章奏工
分曹八舍斷解袂五時空
宿昔陪餘論平生賴擊蒙
神仙應東振雲霧朕百官
忽在瓊閣長歌蘭渚風

酬蘇員外味道夏晚寓直省中見贈 沈佺期

沈佺期

唐詩類苑 卷之五十八

五

並命登仙閣通宵直禮闈
大官供宿膳侍史護朝衣
卷幔天河入開窻雨露微
小池殘暑退向樹早涼歸
冠劍無時釋軒車待漏飛
明朝題漢柱三署有光輝

夏晚初霽南省寓直時兼尚書郎節度判官

同用餘字 庾秋履溫

薄宦因時忝涼宵寓直初
沈沈仙閣閉的的暗更徐

霽色連空上炎氛入夜除
星迴南斗落月度北窻虛

待漏殘燈照含芳襲氣餘
寐來冠不解奏罷草仍書

幕府慚良策明曹魏散樗
命輕徒有報義重更難踈

燕厦欣成託鵠行濫所如
晨趨當及早復此戎朝車

同張少府和庫狄員外夏晚初霽南省寓直
時兼充節度判官同用餘字

冠坦

黃綬歸休日仙郎復奏餘宴居當夏晚寓直會晴初
露散星文發雲披水鏡虛高才推獨唱嘉會喜連茹
月色搖春闈香煙靄暝廬千門傳夜警萬象照階除
少懦嘉能賦文強閱賜書兼曹謀未展入幕志方攄
爲奉靈臺帛恭先待漏車貞標不可仰空此樂樵漁
秋夜寓直卽事懷贈蕭令公裴侍郎兼通簡

南省諸友人

王灣

唐詩類苑

卷之五十八

王

聖主萬年興賢臣數載升古靈傳岳秀宏量稟川澄
畿甸舉長策風霜乘直繩出車逢俗震閣滿朝稱
賦簡流亡輯農安政理平還家新長幼巡隴舊溝塍
忠鯁大勲立宸瀛墮業懲焚香兼御史懸鏡委中丞
旌隼當朝立臺驄發部乘司徒漢家重國典賴川徵
雲路俄平日台階忽上凌秉鈞周造化宣綽慰黎烝
金省方秋作珪軒直夜凭中書贈陳準右相簡王陵
三傑賢更穆百僚歡且競搖懷及賓友計曲辨淄澠
閭闔暝陰散鈞陳爽氣疑月深宮樹轉河近禁樓水
早吏風驅策微涓効斗升望麾雪繼火書札曙懷蒸

彼此雖流眄規模轉伏膺惠將霄漢隔勞或歲時矜
位重恩寧濫才輕攝不勝林巒甘獨往疵賤苦相仍
敢忘銜花雀思同附驥蠅平生逐鳥雀何日嗣蒼鷹
和庫部李員外秋夜寓直作

宋之問

相庭貽慶遠才子拜郎初起草儀仙閣焚香臥直廬
更深河欲斷節勁柳偏疎氣耿凌雲筆心掇待漏車
叨榮廁儔侶省已惡空虛徒斐陽春和難參麗曲餘
和刑部成員外秋夜寓直寄臺省知己

岑參

唐詩類苑

卷之五十八

王

列宿光三署仙郎直五宵時衣天子賜厨膳大官調
長樂鐘應近明光漏不遑黃門持被覆工女捧香燒
筆爲題詩點燈緣起草挑竹喧交砌葉柳柳拂窻條
粉署榮新命霜臺憶舊寮名香播蘭蕙重價蘊瓊瑤
擊水翻滄海搏風透赤霄微才喜同舍何幸忽聞韶
直中書省

韋承慶

清切鳳凰池扶疎雞樹枝唯應集鸞鷟何爲宿羈雌
大造乾坤開深恩雨露垂鵬鵬既含養駑駘亦驅馳
木偶翻爲用芝泥忽濫窺九思空自勉五字本無施
徒喜逢千載何階答二儀螢光向日盡蚊力負山疲

禁宇庭除閑閒宵鐘箭移暗花臨戶發殘月下簾歛
白鬢隨身改丹心爲主披命將時並泰言與行俱危
寄謝登巢客堯年復在斯

和姚給事寓直

宋之問

清論滿朝陽高才拜夕郎還從避馬路來接珥貂行
寵就黃扉日威廻白簡霜柏臺遷鳥茂蘭署得人芳
禁靜鐘初徹更疎漏更長曉河低武庫流火度文昌
寓直光輝重乘秋藻翰揚暗投空欲報下調不成章
和蘇員外寓直 喬知之

唐詩類苑

卷之五十八

五

目昔重爲郎伊人練國章三句登建禮五夜直明光
墨草尚書奏衣飄侍御香捫軒竹氣靜拂簾蕙風涼
曉瀉離閣闔鳴鐘出未央從來宿臺上八十貴文強

奉和范舍人宿直曉翫新池寄南省友

沈東美

傳聞閭闔裏寓直有神仙吏爲三墳博郎因五字遷
晨臨翔鳳沼春注躍龍泉去似登天上來如看鏡前
影搖宸翰發波爭列星懸既濟仍懷友流謙欲進賢
彈冠聲實貴覆被渥恩偏溫室言雖阻文場契獨全
玉珂光赫奕朱紱氣蟬聯興逸潘仁賦名高謝眺篇
青雲仰不逮白雪和難牽冉冉胡爲此甘心老歲年

同徐員外除太子舍人寓直之作

郭元振

太子禮元良宮臣命偉長除榮辭會府直宿愁書坊
露濕幽巖桂風吹便坐桑閣連雲一色池帶月重光
葉死蘭無氣荷枯水不香遙聞秋興作言是晉中郎
立秋雨院中有作 杜甫

山雲行絕塞大火復西流飛雨動華屋蕭蕭梁棟秋
窮途愧知已暮齒借前籌已費清長調那成長首謀
解衣開北戶高枕對南樓樹濕風涼進江喧水氣浮
禮寬心有適節爽病微瘳主將歸調鼎吾還訪舊丘

唐詩類苑

卷之五十八

五

與中書寓直咏雨簡褚起居上官學士

楊師道

見天部雨

南宮寓直

鄭谷

寓直事非輕宦孤憂且榮制承黃紙重辭見紫垣清
曉霽庭松色風和禁漏聲僧携新茗伴吏掃落花迎
鎖印詩心動垂簾睡思生粉廊會試處直事值假卽
下尋頃年試題所記多在石柱昔賢名來誤宮憲擬啼疑花樹鶯
殘陽應更好歸速恨嚴城

洞戶

溫庭筠

洞戶連珠網方疏隱碧潯燭盤煙墜簾壓月通陰
粉白仙郎署霜清玉女砧醉鄉高窈窕基陣靜惜情
素手琉璃扇玄髻玳瑁簪看寄迹梔子詠同心
樹列千秋勝樓懸七夕針舊詞翻白紵新賦換黃金
喚鶴調蠻鼓驚蟬應寶琴舞疑繁易度歌轉斷難尋
露委花相妬風欹柳不禁橋彎雙表迴池漲一篙深
清蹕傳恢囿黃旗幸上林神鷹參翰苑天馬破蹄涔
武庫方題品文園有好音朱莖殊箇蠡丹桂欲蕭森
翻帳迴瑤席華燈對錦衾畫圖驚走獸書帖得來禽
河署秦樓映山晴魏闕臨綠囊逢趙后青錄見王沉
唐詩類苑卷之五十八 三

任達嫌孤憤踈慵倦九箴若爲南道客猶作臥龍吟

奉和武相公省中宿齋酬李相公見寄

高閣安仁省名園廣武廬沐蘭朝太一種竹詠華胥
禁靜踈鐘徹庭開爽韻虛洪鈞齊萬物縹帙整羣書
寒露滋新菊秋風落故蕖同懷不同賞幽意竟何如

中書卽事

裴慶

有意効承平無功益聖明灰心緣忍事霜鬢爲論兵
道直身還在恩深命轉輕鹽梅非擬議葵藿是平生
白日長懸照蒼蠅謾發聲嵩陽舊田地終使謝歸耕

夏日獨直寄蕭侍郎 白居易

憲臺文法地翰林清切司鷹情課野鶴驥德青山麋
課責雖不同同歸所非宜是以方寸內忽忽暗相思
夏日獨上直日長何所爲澹然無他念虛靜是吾師
形委有事牽心與無事期中臆一以曠外累都苦遺
地貴身不覺意閒境來隨但對松與竹如在山中時
情性聊自適吟詠偶成詩此意非夫子餘人多不知
待漏入閣書事奉贈元九學士閣老

白居易

衙排宣政仗門啓紫宸闕彩筆停書命花甌趣立班
唐詩類苑卷之五十八 三

稀星點銀燦殘月墮金環闇漏猶傳水明河漸下山
從東分地色向北仰天顏碧縷爐煙直紅垂珮尾閑
綸闈慙並入翰苑忝先攀笑我青袍故饒君茜綬殷
詩仙歸洞裏酒病滯人間好去鵷鸞侶冲天便不還
中書連直寒食不歸因懷元九

白居易

去歲清明日南巴古郡樓今年寒食夜西省鳳池頭
併上新人直難隨舊伴游誠知視草貴未免對花愁
鬢髮並莖白光陰寸寸流經春不同宿何異在忠州

入閣

鄭谷

秘殿臨軒日和鑾返正年兩班文武盛百辟羽儀全
霜漏清中禁風旗拂曙天門嚴新勣契使入乍承宣
玉几當紅旭金爐縱碧煙對敷稱法吏贊引出宮鈿
言動揮毫疾威容執簿專壽山晴鑒黠顯氣暖連延
禮有鴛鴦集恩無雨露偏小臣叨僭位歌詠泰階前
奉和戶曹叔夏夜寓直寄呈同曹諸公并見

示 盧綸

欽板捧清詞恭聞侍直時暮塵歸衆騎遠宇捨諸司
華月先燈至清風與簾隨亂螢光熠熠行樹影離離
龍臥人寧識鵬搏鸚豈知便應當五夜敢望竹林期

唐詩類苑 卷之五十八

三十一

和常舍人晚秋集賢院卽事十二韻寄贈江

南徐薛二侍郎 盧綸

綸閣九華前森沉綺仗連洞門開旭日清禁肅秋天
霜滿朝容備鐘餘漏唱傳推瑞陪羽扇端升入爐煙
麟筆刪金篆龍綃薦玉編汲書荀勗定漢史蔡邕專
御竹潛通筍宮池暗瀉泉亂藂繁弱蕙墜葉灑枯蓮
列署齊遊日重江並謫年登封思議草侍講憶同筵
滄海風濤廣黝山瘴雨偏唯應絨上寶贈遠一呈妍
和周錄校書先輩省中寓直

沐寬

古木重門掩幽深祗坎谿此中直吏隱何必更巖溪
名姓鐫幢記經書逐庫題字隨飛靈缺堦與落星
伴直僧談靜侵霜蛩韻低粘塵簟沒剝粉薛禽迷
衰鮮墻千堵微陽菊半畦鼓殘鴉去北漏在月沉西
屏憶終南雪幾登雲閣梯時因搜句次那惜一招携

文昌寓直 鄭谷

何遜空階夜雨平朝來交直雨新晴落花亂上花塼
上不忍和苔踏紫英

早入諫院二首 鄭谷

玉階春冷未催班暫拂塵衣就笏眠孤立小心還自

唐詩類苑 卷之五十八

三十一

笑夢魂潛繞御爐煙

紫雲重疊抱春城廊下人稀唱漏聲偷付微吟斜倚

柱蒲衣花露聽官鶯

同錢員外禁中夜直 白居易

宮漏三聲知半夜好風涼月滿松筠此時閒坐寂無

語藥樹影中唯兩人

禁中夜作書與元九 白居易

心緒萬端書兩紙欲封重讀意遲遲五聲官漏初明

後一點窗燈欲滅時

秘省後廳 白居易

還花雨潤新秋地桐葉風翻欲夜天盡日後廳無一
享白頭老監枕書眠

西掖省郎事

岑參

西掖重雲開曙暉北山疎雨點朝衣千門柳色連青
瑣三殿花香入紫微平明端笏陪鵷列薄暮垂鞭信
馬歸官拙自悲頭白盡不如巖下偃荆扉

宿府

杜甫

清秋幕府井梧寒獨宿江城蠟炬殘永夜角聲悲自
語中天月色好誰看風塵荏苒音書絕閨塞蕭條行
路難已忍伶俜十年事強移棲息一枝安

唐詩類苑

卷之五十八

三五

院中晚晴懷西郭茅舍

杜甫

幕府秋風日夜清澹雲疎雨過高城葉心朱實堪時
落堦面青苔先自生復有樓臺銜暮景不勞鐘鼓報
新晴浣花溪裏花饒笑肯信吾兼吏隱名

和王員外冬夜寓直

盧綸

高步長裾錦帳郎居然自是漢賢良潘岳敘年因髮
髮楊雄託諫在文章九天韶樂飄寒月萬戶香塵裊
曉霜坐見重門嚴朝騎可憐雲路可翱翔

酬金部王郎中省中春日見寄

盧綸

南宮樹色曉森森雖有春光未有陰鶴侶正宜芳景
引玉人那為簿書沉山含瑞氣偏當日鶯逐輕風不
在林更有阮郎迷路處萬株紅樹一溪深

送分司陳郎中祗召直史館重脩三聖實錄

劉禹錫

蟬鳴官樹引行車言自成周赴玉除遠取南朝貴公
子重脩東觀帝皇書常時載筆窺金匱暇日登樓到
石渠若問舊人劉子政如今白首在南徐

和司門殷員外早秋省中直夜寄荆南衛端

權德輿

唐詩類苑

卷之五十八

三五

共嗟王粲滯荊州才子為郎憶舊遊涼夜偏宜粉署
直清言遠待玉人酬風生北渚煙波闊露下南宮星
漢秋早晚得為同舍旅知君兩地結離憂

送職方王郎中吏部劉員外自太原鄭相公

幕繼奉徵書歸省署

李山甫

雙鳳銜書次第飛玉皇催促列仙歸雲開日月臨青
瑣風卷煙霞上紫微蓮影一時空儉府蘭香同處撲
堯衣此生長掃朱門者每向人間夢粉闈

和樂天過秘閣書省舊廳

元稹

聞君西省重徘徊秘閣書房次第開壁記欲題三漏

合吏人驚問十年來經排蠹簡憐初校芸長陳根

省中偶作

鄭谷

三轉郎曹自勉旃莎隄吟步想前賢未如何遜無佳句若比馮唐是壯年捧制名題黃紙尾約僧心在白雲邊乳毛松雪春來好直夜清閒且學禪

李山甫

春滿南宮白日長夜來新值錦衣郎朱排六相助神聳玉視一廳侵骨涼砌竹拂袍爭草色庭花飄艷妬蘭香從今不羨乘槎客曾到三星列宿傍

唐詩類苑

卷之五十八

三六

與吳子華侍郎同年玉堂值直懷昔敘懇因

成長句兼呈同年云

韓偓

往年鶚谷接清塵今日鰲山作侍臣二紀許諧勞筆硯一朝宣入掌絲綸聲名烜赫文章士金紫雍容富貴身絳帳恩深無路報語餘相聚却酸辛

朝直

鄭谷

朝直叨居省閣間由來疎退接安閒落花夜靜宮中漏微雨春寒廊下班自扣玄門齊寵辱從他榮路用機關孤峯未得深歸去名畫偏求水墨山

春夕伴同年禮部趙員外省直

鄭谷

錦帳名郎重錦科清宵寓直縱吟哦冰含玉鏡寒光在柳傳僊關月色多視草即應歸屬望握蘭知近

和嚴揆省中宿齋遇令狐員外當直之作

李逢吉

致齋分直南宮越石盧謀此夜同位極班行猶念舊名題章奏亦從公曾驅瓜士三邊靜新贈髯叅六義窮竟夕文昌如有月可憐如在庾樓中

奉和翰林丁侍郎禁署早春晴望

唐詩類苑

卷之五十八

三七

劉得仁

御林聞有早鶯聲玉檻春香九陌晴寒石雲歸紫閣暖浮佳氣動皇城官池日到水初解輦路風吹草欲生鴛侶此時皆賦詠商山雪在思尤清

休瀚日西掖謁所知

溫庭筠

赤墀高閣自從容玉女窻扉報曙鐘日麗九門青鎖闥雨晴雙闕翠微峯毫端蕙露滋仙草琴上薰風入禁松荀令鳳池春晚晚好將餘潤變魚龍

含香

韋莊

含香高步已難陪鶴到清霄勢未迴通夜凌雲芳草

春寧滯碧雲才微紅幾處華心吐嫩綠誰家柳
眼開却去金鑾爲近侍便辭鷗鳥不歸來

南省伴直

韋莊

文昌二十四僊曹盡倚紅簷種露桃一洞煙霞人迹
少六行槐柳鳥聲高星分夜彩寒侵帳蘭惹春香綠
映袍何事愛留詩客宿滿庭風雨竹蕭騷

見于給事暇日上直寄南省諸郎官詩因以

戲贈

白居易

倚作天仙弄地仙誇張一日抵千年黃麻敕勝長生
籙白紵詞嫌內景篇雲彩誤居青瑣地風流合住紫

唐詩類苑

卷之五十八

三九

微天東曹漸去西垣近鶴駕無妨更着鞭

中書寓直

白居易

繚繞宮牆圍禁林半開閤闔曉沉沉天晴更覽南山

近月出方知西掖深病對詞頭慙彩筆老看鏡面愧

華簪自嫌野物將何用土木形骸麋鹿心

晚從省歸

白居易

朝迴北闕值清晨晚出南宮送暮春入去丞郎非散

秩歸來詩酒是閒人猶思泉石多成夢尚歎簪裾未

離身終是不知山下去心頭眼底兩無塵

題省中院壁

杜甫

掖垣竹埤梧十尋洞門對雪常陰陰落花遊絲白日
靜鳴鳩乳燕青春深腐儒衰晚謬通籍退食遲回違
寸心哀職曾無一字補許身媿比雙南金

唐詩類苑

卷之五十八

三九

唐詩類苑卷第五十九

明雲間張之象玄超甫纂輯

梁谿安希范小范甫編次

雲間王 徹叔朗甫補訂

梁谿曹仁孫伯安甫校正

禮部

誕辰

中宗降誕日長寧公主滿月侍宴

李嶠

神龍見像日仙鳳養雛年大火乘天正明珠對月圓

唐詩類苑卷之五十九

祚遙金篋裏歌奏玉筐前今日宜孫慶還參祝壽篇

中宗降誕日長寧公主滿月侍宴應制

鄭愔

春殿倚蘭美仙階栢樹榮地逢芳節應時觀聖人生

月滿增祥莢天長發瑞雲南山遙可獻常願奉皇明

皇帝降誕日集賢殿賜宴 張說

仲秋金帝起五日玉行昭瑞表壬寅露光傳甲子宵

陰風吹大澤夢日照昌朝不獨華封老千年喜祝堯

千秋節宴 玄宗

令節肇開情兼感愛率題八韻以示羣臣

蘭殿千秋節稱君萬歲觴風傳率土慶日表繼天祥

玉宇開花萼金懸動會昌衣冠白露下鑾幕翠雲長

獻壽成新俗朝儀入舊章月銜花綬鏡露綴彩絲囊

處處祠田祖年年宴杖鄉深恩一德事小獲萬人康

奉和聖製千秋節宴應制 張說

開元十七年秋八月五日玄宗皇帝以生日宴百

官於花萼樓下羣臣張說等上表請曰左丞相臣

說右丞相臣璟太子少傅臣乾曜等言臣聞聖人

出則日月記其初王澤深則風俗傳其後故少昊

著流虹之感商湯本玄鳥之命孟夏有佛生之供

唐詩類苑卷之五十九

仲春脩道祖之錄追始尋源其義一也伏惟開元

神武皇帝陛下二氣含神九龍浴聖清明總於玉

靈爽朗冠於金天月惟仲秋日在端五恒星不見

之夜祥光照室之朝羣臣相賀誕聖之辰也焉可

不以爲嘉節乎比夫曲水禊亭重陽射圃五日綵

綬七夕粉筵豈同年而語也臣不勝大願以八月

五日爲千秋節著之甲令布於四方羣臣以是日

獻甘露醇酎上萬歲壽酒王公戚里進金鏡綏帶

士庶以結絲承露囊更相遺問村社作壽酒宴樂

賽白帝報田神上明玄天光啓大聖下彰皇化垂

裕無窮異域占風同見美俗上勅旨曰凡是節日或以天氣推移或以人事表紀八月五日是朕生辰感先聖之慶靈荷皇天之眷命卿等請為令節上獻嘉名勝地良遊清秋高興百穀豐熟萬寶已成自我作古舉無越禮朝野同歡足為美事依卿來請宜付所司

五德生王者千齡啓聖人赤光來照夜黃雲上覆晨海縣銜恩久朝章獻壽新高居帝坐出夾道衆官陳樂杖洗清景磬管迎秋旻珠囊含瑞露金鏡抱仙輪何歲無鄉飲何田不報神薰歌與名節傳代幸羣臣

唐詩類苑

卷之五十九

三

誕辰內殿宴羣臣聯句

中宗皇帝

景龍二年十一月十五日中宗皇帝降誕日內殿宴羣臣因為栢梁體聯句帝謂侍臣曰今天下無事朝野多歡欲與卿等詞人時賦詩宴樂可識朕意不須惜醉大學士李嶠宗楚客等跪奏曰臣等多幸同遇昌期謬以不才策名文館思勵駑朽庶裨河岳既陪天歡不敢不醉此後每遊別殿幸離宮駐驂芳苑鳴笳仙禁或戚里宸筵王門香席無不畢從

潤色鴻業寄賢才

中切居石

梅李運籌帷幄

荷時來宗楚客職掌圖籍濫蓬萊劉兩司謬忝謝鐘裴

崔禮樂銓管効涓埃鄭陳師振旅清九垓趙忻承

顧問侍天杯李適銜恩獻壽栢梁臺蘇黃練青簡奉康

哉盧藏用鯁生侍從忝王枚李右掖司言實不才馬懷素

宗伯秩祀天地開薛稷帝歌難續仰昭回宋之微臣捧

日變寒灰遠慙班左愧遊陪上官婕妤

奉和聖製天長節賜宰臣歌應制

王維

太陽升兮照萬方開閭闔兮臨玉堂儼冕旒兮垂衣

裳金天淨兮麗三光彤庭曙兮延八荒德合天兮禮

唐詩類苑

卷之五十九

四

神遍靈芝生兮慶雲見唐堯后兮稷禹臣匝宇宙兮

華胥人盡九服兮皆四隣乾降瑞兮坤獻珍

獻壽詞

王維

宮殿參差列九重祥雲瑞氣捧堦堦濃微臣欲獻唐堯

壽遙指南山對袞龍

太歲日

杜甫

楚岸行將老巫山坐復春病多猶是客謀拙竟何人

閭闔開黃道衣冠拜紫宸榮光懸日月賜與出金銀

愁寂駕行斷參差虎穴鄰西江元下蜀北斗故臨秦

散地餘高枕生涯脫要津天邊樹相見幾回新

八月五日歌

顧况

四月八日明星出摩耶夫人降前佛八月五日佳氣
新昭成太后生聖人開元九年燕公說奉詔聽置千
秋節丹青廟裏貯姚宋花萼樓中宴岐薛清樂靈香
幾處聞鸞歌鳳吹動祥雲已於武庫見靈鳥仍向晉
山逢老君率土普天無不樂河清海晏窮寥廓梨園
子弟傳法曲張杲先生進仙藥玉座淒涼遊帝京悲
翁回首望承名雲韶九奏蒼然遠唯有五陵松柏聲

章和二年中

李賀

雲蕭蕭風拂拂麥芒如簪黍如栗關中父老百領襦

唐詩類苑

卷之五十九

五

關東吏人乏詬租健犢春耕土膏黑莒蒲叢叢沿水
脉殷勤爲我下田租百錢攜償絲桐客遊春漫光塢
花白野林散香神降席拜神得壽獻天子七星貫斷
嫦娥死

長春節

劉兼

聖朝佳節遇長春晚捧金爐祝又焚寶藏發來天地
秀兵戈銷後帝皇尊太平基址千年永混一車書萬
古存更有馨香滿芳檻和風遲日在蘭蓀

拜表

洛中初冬拜表不報上京故人

劉禹錫

鳳樓南面控三條拜表郎官早渡橋清洛曉光鋪碧
簾上陽霜葉剪紅綰省門簪組初成列雲路驚鸞想
退朝寄謝殷勤九天侶檜榆水擊各逍遙

十二月拜起居表回

許渾

一章西奏拜仙曹同馬天津北望勞寒水欲春水彩
薄曉山初霽雪參高樓形向日攢飛鳳宮勢凌波壓
斷鰲空鎖煙霞絕巡幸周人誰識舊金袍

拜表廻閑遊

白居易

玉珮金章紫花綬紵衫藤帶白綸巾晨興拜表稱朝

唐詩類苑

卷之五十九

六

士晚出遊山作野人達磨傳心令息念玄元留語遣
同塵八關淨戒齋銷日一曲狂歌醉送春酒肆法堂
方丈室其間豈是兩般身

生日

荀令生日

羅隱

祥煙靄靄拂樓臺慶續玄元節後來已向青陽標四
序便從嵩嶽應三台龜銜玉柄增年筭鶴舞瓊筵獻
壽杯自顧下儒何以祝柱天功業濟時才

錢尚父生日

羅隱

大昴分光降斗牛真唐宗社作諸侯伊瀛事業扶千

載韓白機謀冠九州貴盛上持龍節鉞延長應續鶴
春秋錦衣玉食將何報更候莊椿一舉頭

滿月

滿月

張諤

社金流茂社庭玉表奇才竹似因談植蘭疑入夢栽
鳥將八子去鳳逐九雛來今夜明珠色當隨滿月開
睇日

趙使君生子睇日

僧法振

老骨貴天生肌膚片玉明見人空解笑弄物不知名
國器嗟由小風神望益清抱來芳樹下時聽鳳凰聲

唐詩補卷之五十九

卷之五十九

七

金鑾子睇日

白居易

行年欲四十有女曰金鑾生來始週歲學坐未能言
慙非達者懷未免俗情憐從此累身外徒云慰目前
若無夭折患則有婚嫁牽使我歸山計應遲十五年
宴饗

龍門旬宴得月字韻

張九齡

恩華逐芳歲形勝兼韶月中席傍魚潭前山倚龍闕
花迎妙妓至鳥避仙舟發宴行良在茲再來情不歇

迴波樂

李景伯

景龍三年春正月甲子宗幸玄武門與近臣觀宮女

拔何又命宮女爲市肆公卿爲商旅與之交易因

爲忿爭言辭褻慢上與后臨觀爲樂上又引近臣

宴集令各獻伎爲樂工部尚書張錫爲談容娘舞

作大匠宗晉卿爲迴脫舞左衛將軍張洽爲黃麾

舞著作郎杜元琰誦婆羅門呪給事中李行言唱

駕車西河曲黃門侍郎盧藏用効道士上章國子

司業郭山燁奏無所習惟知誦詩乃誦鹿鳴蟋蟀

二篇未畢中書令李嶠以詩爲好樂無荒之語止

之羣臣酒酣帝又各命爲迴波弄辭諫議大夫李

景伯獨爲箴規語帝不悅中書令蕭至忠曰真諫

唐詩補卷之五十九

卷之五十九

八

官也

迴波爾時酒卮微臣職在箴規侍燕既過三爵諠譁
竊恐非儀

迴波樂

沈佺期

佺期曾以罪謫遇恩宥還秩惟朱紱未復嘗內宴
羣臣皆歌迴波樂弄詞起舞因是多求遷擢佺期

撰此詞中宗卽以緋魚賜之

迴波爾時佺期流向嶺外生歸身名已蒙幽錄袍笏

未賜牙緋

唐詩補卷之五十九

張說

摩遮本出海西胡琉璃寶服紫髯鬚聞道皇恩通宇宙來將歌舞助歡娛

繡裝拍額寶花冠夷歌騎舞借人看自能激水成陰氣不慮今年寒不寒

臘月凝陰積帝臺齊歌急鼓送寒來油囊取得天河水將添萬壽萬年杯

寒氣宜人最可憐故將寒水散庭前惟願聖君無限樂長取新年續舊年

昭成皇后之家親榮樂諸人不比人往日霜前花委地今年雪後樹逢春

唐詩類苑

卷之五十九

九

侍宴應制得分字

喬知之

紫禁肅晴氣朱樓落曉雲豫遊龍駕轉六樂鳳簫聞竹外仙亭出花間輦路分微臣一何幸詞賦奉明君

侍宴應詔賦韻得前字

虞世南

芬芳禁林晚容與桂舟前橫空一鳥度照水百花燃綠野明斜日青山澹晚煙濫陪終宴賞握管類窺天

侍宴曲

賈至

雲陛褰珠扆天墀覆綠楊隔簾粧隱映向席舞低昂鳴珮長廊靜開冰廣殿涼歡餘劒履散同輦入昭陽

故洛陽城侍宴應制

姚崇

遊豫停仙蹕登臨對晚晴川鳬連倒影巖鳥應虛聲野奏風成曲山居雲作纓今朝丘壑上高興小蓬瀛

奉和上陽水牕賜宴得春字

孫逖

今日逢新夏歡遊續舊旬氣和先作雨恩厚別成春鳳管臨青洛龍輿下紫宸此中歌在藻還見躍潛鱗

奉和上陽水牕賜宴得移字

張九齡

河漢非應到汀洲忽在斯仍逢帝樂下如逐海槎窺春賞時將換皇恩歲不移今朝遊宴地莫比天泉池

唐詩類苑

卷之五十九

十一

天津橋賜宴得歌字

張九齡

見水部橋

恩制賜食於麗正殿書院宴賦得林字應制

張說

東壁圖書府西園翰墨林誦詩聞國政講易見天心位竊和羹重恩叨醉酒深緩歌春興曲情竭爲知音

恩制賜食於麗正殿書院宴賦得天字應制

王灣

金殿忝陪賢瓊羞忽降天鼎羅仙掖裏觴拜瑣闥前院碧霄霄路盛和紫禁煙酒酣空舞何以答昌年

春日醴泉杜明府承恩五品宴席上賦詩

岑參

鳬鳥舊稱仙鴻私降自天青袍移草色朱綬奪花然
邑裏雷仍震臺中星欲懸吾兄此棲棘因得賀初筵

宴中山

太宗

奉和宴中山應制

許敬宗

二首見山部

春日立武門宴羣臣

太宗

韶光開令序淑氣動芳年駐輦華林側高宴栢梁前
紫庭文樹滿丹墀袞袞連九夷遙瑤席五狄列瓊筵

唐詩類苑

卷之五十九

十一

娛賓歌湛露廣樂奏鈞天盈樽浮綠醕雅曲韻朱絃
與余君萬國還慚俯八埏庶幾保貞固已厲求賢

立武門侍宴

杜正倫

大君臨宸暇睿賞狎林泉開軒臨禁籞藉野列芳筵
參差歌管颺容裔羽旗懸玉池流芳醴雲閣聚非煙
湛露晞堯日薰風入舜絃大德侔玄造微物荷陶甄
謬陪瑤水宴仍廁栢梁篇闕名徒上月鄒辨詎談天
既喜光華旦還傷遲暮年猶冀升中月簪裾奉肅然

春晚宴兩相及禮官於麗正殿探得風字

玄宗

朕以薄德祗膺曆數正天柱之將傾紉地維之已

絕故得承奉宗廟垂拱巖廊居海內之尊處域中

之大然後祖述堯典憲章禹績敦睦九族會同四

海猶恐蒸黎未乂徭戍未安禮樂之政虧師儒之

道喪乃命使者衣繡段行郡縣因人所利擇其可

勞所以便億兆也乃命將士擐介冑冒矢石審山

川之向背應歲月之孤虛所以靜邊陲也乃命禮

官考制度稽典則序文昭武穆享天地神祇所以

申嚴潔也乃命學者繕落簡緝遺編纂魯壁之文

章綴秦坑之煨燼所以修文教也故能使流寓返

唐詩類苑

卷之五十九

十一

粉榆之業戎狄稱藩屏之臣神祇歆其裡祀庠序

闡其經術既家六合時巡兩京函秦則委輸斯遠

鼎邑則朝宗所利封畿四塞從來測景之都城闕

千門自昔交風之地陰陽代謝日月相推豈可使

春色虛捐韶華並歇乃置旨酒命英賢有文苑之

高才有掖垣之良佐舉杯稱慶何樂如之同吟湛

露之篇宜振凌雲之藻于時歲在乙丑開元十三

年三月二十七日

乾道運無窮恒將人代工陰陽調曆象禮樂報玄穹

介冑清荒外衣冠佐禮中言談延國輔詞賦引文雄

野霽伊川綠郊明鞏樹紅冕旒多暇景詩酒會春風

春晚侍宴麗正殿探得開字

張說

聖政惟稽古賓門引上才坊因購書立殿爲集賢開
旄彥星辰下仙章日月迴字如龍負出韻是鳳銜來
庭柳餘春駐宮纓早夏催喜承芸閣宴幸捧柏梁杯
奉和天樞成宴夷夏羣寮應制

李嶠

長壽三年則天皇后徵天下銅五十餘萬斤鐵一
百三十餘萬斤於定鼎門內鑄八稜銅柱高九十

唐詩類苑

卷之五十九

十三

尺徑一丈二尺題曰大周萬國述德天樞紀革命
之功貶唐家之德使納言姚璩護作天樞下置鐵
山銅龍負載獅子麒麟圍繞上有雲蓋下施蟠龍
以托珠高一丈圍三尺金彩煒煌光侔日月武三
思爲其文乃悉鏤羣臣蕃酋名氏於其上朝士獻
詩者不可紀惟李嶠詩冠絕當時

轍迹銘西奔勳庸紀北燕何如萬方會頌德九門前
的臨黃道迢迢入紫煙仙盤正下露高柱欲承天
山類叢雲起珠疑大火懸聲流塵作劫業固海成田
帝澤傾堯酒薰風入舜絃欣逢下生曰還覩上皇年

奉和聖製麟德殿宴百僚 盧綸

雲闕御筵張山呼聖壽長玉欄豐瑞草金陛立神羊
台鼎資庖膳天星奉酒漿蠻夷陪作位犀象舞成行
網已祛三面歌因守四方千秋不可極花發滿宮香

和御製麟德殿宴百僚 女郎宋若昭

垂衣臨八極肅穆四門通自是無爲化非關輔弼功
修文招隱伏尚武殄妖兇德炳韶光熾恩沾雨露濃
衣冠陪御宴禮樂盛朝宗萬壽稱觴舉千官信一同

和御製麟德殿宴百僚 女郎宋若荀

端拱承休命時清荷聖皇四聰聞受諫五服遠朝王

唐詩類苑

卷之五十九

古

景媚鶯初轉春殘日更長命筵多濟濟盛樂復鏘鏘
鄼錫誰將敵潢汾未可方願齊山嶽壽祉福永無疆
奉和聖製九月十八日賜百僚追賞因書所
懷 權德輿

錫宴朝野洽追歡堯舜情秋堂絲管動水榭煙霞生
黃花媚新霽碧樹含餘清同和六律應交泰萬寓平
睿藻下中天湛恩文明小臣諒何幸亦此影華纓

觀錫宴

章碣

傾朝朱紫正駢闐紅杏青莎映廣筵不道樓臺無錦
繡只愁塵土撲神仙魚銜嫩草浮池面蝶翅飛花到

酒邊日暮驛驕相擁去幾人沉醉失金鞭

錫宴日詩

韓偓

玉銜花馬踏天街詔遣追歡綺席開中使押從天上去外人知自日邊來臣心淨比漪漣水聖澤深於漱
灔杯才有異恩頒稷契已將優禮及鄒枚清商迥向
黎園降妖妓新行峽雨迴不散通靈離禁直曉來殘
醉入銀杯

酺宴

奉和上元酺宴應詔

楊炯

甲乙遇災年周隋送上絃祆星六丈出沴氣七重懸

唐詩苑

卷之五十九

十五

赤縣空無主蒼生欲問天龜龍開寶命雲火照靈慶
萬物覩真人千秋逢聖政祖宗玄澤遠六武休光盛
大號域中平皇威天下驚參辰昭文物宇宙決聲明
漢后三章令周王五代兵匈奴窮地角本自遠正朔
驕子起天街由來虧禮樂一戰掃風雨再戰夷屯剝
清明日月旦蕭索煙雲渙寒暑既平分陰陽復真觀
惟神詣妙物乃聖符幽贊下武發徵祥平階屬會昌
金泥封日觀碧水匝明堂業盛勛華德輿包天地皇
孝思義罔極易禮光前式天渙三辰輝靈書五雲色
敬時窮發欽卜代盈千億

公卿論至道天子拜昌言雷解初開出星空即便元

瑤臺涼景薦銀闕秋陰徧百戲騁魚龍千門壯宮殿

深仁洽蠻衡愷樂周寰縣宣室召羣臣明庭禮百神

仰德還符日沾恩更似春襄城非牧監楚國有巴人

東都酺宴四首

并序

張說

先天元祀孟冬十月東都留守韋公寅奉聖朝述
宣嘉旨乃合洛京之五省招河尹之二縣將吏咸
集佩章有序銚銚濟濟侃侃閭閻供帳於興教之
門式酺宴也原夫樂生於心非因結風之奏和達
於氣無待陽春之節蓋澤之所及也深則情之所

唐詩苑

卷之五十九

十六

感者遠國家天地一統君臣百年朝榮舊德之序
野賴先疇之業玄化漸清洪恩既久六上功德不
宰夏后命子之初皇帝孝理無爲漢祖事親之日
生堯舜於天屬見文武於同時前古未逢斯人何
幸是日六樂振作萬舞再蒞鳥獸徘徊士女踴躍
則知衆庶觀德之所樂也旨酒絡繹大庖燔炙芳
溢風煙醉流阡陌又知衣冠之所適也由近而視
遠萬國之慶皆然自明而察幽三靈之欣可接若
夫吟詠德澤播越仁聲斯固雅頌之餘波政教之
遺美也我詞客受歌闕如賦詩展事垂列於後

重華昇寶曆軒帝眇閑居政成天子孝俗返上皇初
忘味因觀樂歡心寄合醑自憐疲馬意戀戀主恩餘

二

朱城塵曉滅翠幙景情開震震靈鼉起翔翔雲舞來
雕盤裝草樹綺乘結樓臺共喜光華日酣歌捧玉杯

三

曉月調金鼓朝暎對玉盤爭馳羣鳥散闕伎百花團
遇聖人知幸承恩物自歡洛橋將舉燭醉舞拂歸鞍

四

愷宴惟今席餘歡殊未窮入雲歌嫋嫋向日妓叢叢

唐詩類苑

卷之五十九

十一

馱管催酣興留關待曲終長安若爲樂應與萬方同

大酺二首

杜審言

聖后乘乾日皇明御曆辰紫宮初啓坐蒼壁正臨春
雷雨垂膏澤金錢贈卜人詔酺歡賞遍交泰觀惟新

二

昆陵震澤九州通士女歡娛萬國同伐鼓撞鐘驚海
上新粧袞服照江東梅花落處疑殘雪柳葉開時任
好風火德雲官逢道泰天長地久屬年豐

春中望慶宮酺宴

并序

玄宗

表抱器懷不食位謂德可以坐而論道者我於是

乎闢重門以納之作扞四方折衝萬里可運籌帷

幄者我於是乎懸重祿以待之是故外無金革之

虞朝有縉紳之盛所以巖廊多暇垂拱無爲不言

而海外知歸不教而寰中自肅元亨之道其在茲

乎況乎天地交而萬物通陰陽和而四時序所寶

者粟所貴者賢故以宵旰爲懷黎元在念盡力溝

洫不知宮室之已卑致敬鬼神不知飲食之斯薄

往以仲冬建子南至初陽爰詔司存式陳郊祀挹

夷夏之誠請答人神之厚睠煙歸太一禮備上玄

足以申昭報之情足以極嚴禋之道然心融萬類

唐詩類苑

卷之五十九

十一

歸雷雨之先春慶洽百僚象雲天而高宴歲二月

地三秦水汎汎而龍池滿日遲遲而鳳樓曙青門

左右軒庭映梅柳之春紫陌東西轡幕動煙霞之

色撞鐘伐鼓雲起雪飛鼓一聲而酒一杯舞一曲

而人一醉詩以言志思吟湛露之篇樂以忘憂慙

運臨汾之筆

九達長安道三陽別館春還將聽朝暇迴作豫遊辰

不戰要荒服無刑禮樂漸合酺覃土宇歡宴接羣臣

玉輦飛千日瓊筵薦八珍舞衣雲曳影歌扇月開輪

伐鼓魚龍雜撞鐘角鳳鳴自終其曉須有醉歸人

奉和聖製春中興慶宮酺宴應制

張說

千齡逢啓聖萬域共來威
慶接郊禋後酺承農事稀
御樓橫廣路天樂下重闈
鸞鳳調歌曲虹霓動舞衣
合聲雲上聚連步月中歸
物覩恩無外神和道入微
鐺京陪樂飲栢殿奉文飛
徒竭秋雲影何資春日暉

奉和聖製南郊禮畢酺宴

張九齡

配天昭聖業率土慶輝光
春發三條路酺開百戲場
流恩均庶品縱觀聚康莊
妙舞來平樂新聲出建章
分曹日抱戴赴節鳳歸昌
幸奏承雲樂同晞湛露陽

唐詩類苑

卷之五十九

十九

氣和皆有感澤厚自無彊
飽德羣臣醉連歌奉栢梁
奉和聖製登封禮畢洛城酺宴

張九齡

大君畢能事端宸樂成功
運與千齡合歡將萬國同
漢酺歌聖酒韶樂舞薰風
河洛榮光遍雲煙喜氣通
春華頻覺早天澤倍加崇
草木皆霑被猶言不在躬
大酺得長字韻時任安宜尉

儲光羲

大道啓元命時人居太康
中朝發玄澤下國被天光
明詔始端午初筵當履霜
鼓鼙迎爽氣羽籥映新陽

太守卽玄圃淮夷成葆彊
小臣慚下位拜手頌靈長

洛城觀酺應制

陳子昂

聖人信恭已天命允昭回
蒼極神功被青雲秘籙開
垂衣受金冊張樂宴瑤臺
雲鳳休徵滿龍魚雜戲來
崇恩踰五日惠澤暢三才
玉帛羣臣醉微章綈禮該
方覩升中禪言觀拜洛迴
微臣固多幸敢上萬年杯

東都酺宴

張說

堯舜垂天下同心致太平
吾君內舉聖遠合至公情
錫命承丕業崇親享大名
二天資廣運兩曜益齊明
道暢昆蟲樂恩深朽蠹榮
皇興久西幸留鎮在東京

唐詩類苑

卷之五十九

十九

合宴千官入分曹百戲呈
樂來嫌景遽酒着訝寒輕
喜氣連雲閣歡呼動洛城
人間知幾代今日見河清

夏月花萼樓酺宴應制

王昌齡

土德三元正堯心一國同
汾陰備冬禮長樂應和風
賜慶垂天澤流歡舊渚宮
樓臺生海上簫鼓出天中
霧曉筵初接宵長曲未終
雨隨竹簾合月影舞羅空
玉陛分朝列文章發聖聰
愚臣忝詩賦歌詠頌絲桐

登封大酺歌四首

盧照隣

日觀仙雲隨鳳輦天門瑞
雪照龍衣繁絃終席方終
夜妙舞清歌歡未歸

明君封禪日重光天子垂衣歷數長九州四海常熙
事萬歲千秋樂未央

翠鳳逶迤登介丘仙鶴徘徊天上遊借問乾封何所
樂人皆壽命得千秋

千年聖主應昌期萬國淳風王化基請比上古無爲
代何如今日太平時

流夜郎聞酺不預

李白

北闕聖人歌太康南冠君子竄遐荒漢酺聞奏鈞天
樂願得風吹到夜郎

廣達樓下夜侍酺宴應制

蘇頌

唐詩類苑

卷之五十九

主一

東岳封廻宴洛京西壙通曉會公卿樓臺絕勝宜春
苑燈火還同不夜城正覩人間朝市樂忽聞天上管
絃聲酺來萬舞羣臣醉喜載千年聖主明

奉和聖製正月十五夜燃燈繼以酺宴應制

王維

見歲時部正月十五

獻高使君大酺作

儲光義

肅穆郊禋畢工歌賞事并三朝遵湛露一道洽仁明
布德音皆應無爲物自成花添羅綺色營亂管絃聲
獨有同高唱空管樂太平

婚姻

太子納妃

高宗

高宗子洪爲太子納妃有司奏贊用白鴈適苑中
獲之帝喜曰漢獲朱鴈爲樂府歌今得白鴈爲婚
贊婚乃人倫之首我則無慙帝與羣臣俱作詩慶
婚

雕軒回翠門寶駕歸丹殿鳴珠佩曉衣鏤壁輪初扇
華冠列綺筵蘭殿中芳宴環階鳳葉陳玳席珍羞薦
蝶舞袖香新歌分落素塵歡疑歡楚度慶初姻
暑闌炎氣息涼早吹疎煩方期六、以共賞萬年春
唐詩類苑 卷之五十九 主五

奉和太子納妃

胡元範

金闥未息火玉樹種天愛月路飾還裝天津動歸佩
紫極流宸渥清規佇慈誨恩波洽九流光輝軼千載
列席詔親賢式宴坐神仙聖文飛聖筆天樂奏鈞天
曲池涵瑞景文字孕祥煙小臣同百獸率舞悅堯年

奉和太子納妃

裴守真

雲路移彤輦天津轉明鏡仙珠照乘歸寶月重輪映
望園嘉宴洽主第歡娛盛絲竹揚帝薰鑾褱奉宸慶
藂雲藹曉光湛露晞朝陽天文天景麗廣德春詞芳
玉庭散秋色銀宮生夕涼太平超遠古

太子納妃太平公主出降 高宗

太平公主武后所生沈敏多權畧武后以爲類已
愛之傾諸女帝擇薛紹尚之假萬年縣爲婚館門
監不能容翟車有司毀垣以入自興安門設燎相
道樾爲枯帝與羣臣俱作詩慶婚

龍樓光曙景管館啓朝扉艷日濃粧影低星降婺暉
玉庭浮瑞色銀榜藻祥微雲轉花營蓋霞飄葉綴旂
奉和太子納妃太平公主出降

郭正一

桂宮初服冕闌掖早升笄禮盛親迎晉聲芬出降齊
唐詩類苑 卷之五十九 王

金龜開瑞鈕寶翟上仙梯轉扇承宵月揚旌照夕蜺
奉和太子納妃太平公主出降

劉禕之

夢梓光青陞穠桃藹紫宮德優宸念遠禮備國姻崇
萬戶聲明發三條騎吹通香輪送重景綵旆引仙虹
奉和太子納妃太平公主出降

元萬頃

象輅初乘鴈璇宮早結綺離元應春夕帝子降秋期
鳴珮合春響比玉麗穠姿和聲躋鳳樓交影步鸞墀
奉和太子納妃太平公主出降

任希古

帝子升青陞王姬降紫宸星光移雜珮月彩薦重輪
龍旌翻地杪鳳管颺天濱槐陰浮淺瀨葆吹翼輕塵
奉和太子納妃太平公主出降

胡元範

帝子威儀絕儲妃禮度優疊鼓陪仙觀疑笳翼畫輶
鬱鬱神香滿奕奕彩雲浮排空列錦巒騰觀溢皇州
奉和太子納妃太平公主出降

裴守真

瑜珮升青殿穠華降紫微還如桃李發更似鳳凰飛
唐詩類苑 卷之五十九 王

金屋真離象瑤臺起婺微綵纓紛碧座續羽泛榆木
壽安公主出降 李商隱

嬌水聞真媛常山索銳師昔憂迷帝力今分送王姬
事等和強虜恩殊睦本枝四郊多壘在此禮恐無時
戲贈潘徐城門迎兩新婦 李百藥

秦晉稱舊疋潘徐有世親三星宿已會四德婉而嬪
雲光鬢裏薄月影扇中新年華與粧面共作一芳春
初宵看婚 楊師道

洛城花燭動戚里畫新娥隱扇羞應懷含情愁已多
輕啼濕紅粉微睇轉橫波更笑巫山曲空傳暮雨過

看新婚

鄭世翼

初筭夢桃李新粧應標梅疑逐朝雲去翻隨暮雨來
雜珮含風響叢花隔扇開嫦娥對此夕何用久徘徊

觀兄弟同夜成婚

鄭軌

棠棣開雙萼天桃照兩花庭合珮簪隔扇偶粧華
迎風俱似雪映綺共如霞今宵二神女併在一仙家

洽州蕭司兵謁兄還赴洛成禮

沈佺期

棠棣日光華高襟應序歸來成鴻鴈去作鳳凰飛
細草承輕傳驚花慘別衣灞亭春有江岐路惜芬菲

唐詩類苑

卷之五十九

三五

壽陽王花燭圖

宋之問

仙媛乘龍日天孫捧鴈來可憐桃李徑更遶鳳凰臺
燭照香車入花臨寶扇開莫令銀箭曉爲盡合歡杯

送陝縣王主簿赴襄陽成親

岑參

六月襄山道三星漢水邊求凰應不遠去馬賸須鞭
野店愁中雨江城夢裏禪襄陽多故事爲我訪先賢

送楊千牛赴歲赴汝南郡觀省便成親

岑參

見人部觀省

送桓子之郢成禮

孟浩然

聞君馳綵騎蹀躞指荆衡爲結潘陽好言過鄢郢城
標梅詩有贈羔鴈禮將行今夜神仙女應來感夢情

送族弟凝之淦求婚崔氏

李白

與爾情不淺忘筌已得魚玉臺挂寶鏡持此意何如
坦腹東牀下由來志氣疎遙知向前路擲果定盈車

李監宅二首

杜甫

尚覺王孫貴豪家意頗濃屏開金孔雀褥隱繡芙蓉
且食雙魚美誰看異味重門闌多喜色女塔近乘龍

唐詩類苑

卷之五十九

三六

落葉春風起高城煙霧開雜花分戶映嬌燕入簾迴

一見能傾座虛懷只愛才鹽官雖絆驥名是漢庭來

送黎兵曹往陝府結親

所寄即君從母女弟

盧綸

郎馬兩如龍春朝上路逢鴛鴦初集水薜荔欲依松
步帳歌聲轉粧臺燭影重何言在陰者得是戴侯宗

送李校書赴吉期

賈島

筮筮重重吉良期詎可遷不同牛女夜是配鳳皇年
佩玉春風裏題章臘燭前詩書與箴訓夫哲又妻賢

魏博田興尚書聽婢命不立非夫人詩

孟郊

君子耽古禮如饒魚吞鈎昨聞敬嬭言望心東北流
田尚書與禮相綢繆善詞聞天下一日一再周
和薛先輩送獨孤秀才上都赴嘉會

孟郊

秦雲攀窈窕楚桂攀芳馨五色豈徒爾萬枝皆有靈
仙謠天上貴林詠雪中青持此一爲贈送君翔杳冥
詔作催粧五言

陸暢

雲安公主貴出嫁五侯家天母親調粉日兄憐賜花
催鋪栢子帳待障七香車借問粧成未東方欲曉霞
唐詩類苑 卷之五十九 三七

內人以陸暢吳音捷才以詩嘲之

十二層樓倚翠空鳳鸞相對立梧桐雙成走報監門
衛莫使吳歛入漢宮

酬以此詩大哈別賜宮錦榜伽瓶唾孟各一
粉面仙郎選世朝偶逢神女學吹簫須教翡翠聞王
母不柰鳥鶯噪鵲橋

天門街西觀榮王婢妃

張光朝

仙媛來朱邸名王出紫微三周初展義百兩遂言歸
鄭國通梁苑天津接帝畿橋成鳥鵲助蓋轉鳳皇飛
霜仗迎秋色星缸滿夜輝從茲磐石固應爲得賢妃

天門街西觀榮王婢妃 梁鉉

帝子乘龍夜三星照戶前兩行宮火出十里道鋪筵
羅綺明中識簫韶暗裏傳燈攢九華扇帳撒五銖錢
交頸文鴛合和鳴彩鳳連欲知來日美雙拜紫微天
送大理封主簿五郎親事不合却赴通州主

簿前閬州賢子余與主簿平章鄭氏女子
垂欲納采鄭氏伯父京書至女子已許他
族親事遂停

杜甫

禁衛去東牀趨庭赴北堂風波空遠涉琴瑟幾虛張
渥水出騏驎崑山生鳳凰兩家誠款款中道許蒼蒼
唐詩類苑 卷之五十九 三八

頗謂秦晉匹從來王謝郎青春動才調白首缺輝光
玉潤終孤立珠明得闇藏餘寒折花丹恨別滿江鄉

安樂郡主花燭行

張說

青宮朱邸翊皇闈玉葉瓊蕤際紫微姬妾本來舅甥
國卜筮俱道鳳皇飛星昴殷冬獻吉日天桃穠李遙
相匹鸞車鳳輦王子來龍樓月殿天孫出平臺火樹
連上陽紫炬紅輪十二行丹爐飛鐵馳炎焰炎霞爍
電吐明光綠屏紺幃紛如霧節鼓清笳前啓路城隅
靡靡稍東還橋上鱗鱗轉南渡五方觀者聚中京四
合塵煙漲洛城商女香車珠結網天人寶馬玉繁纓

百壺涿酒千斤肉大道連延障錦軸先祝聖年壽萬
年復禱宜家承百祿珊瑚刻盤青玉樽因之假道入
梁園梁園山竹凝雲漢仰望高樓在天半翠幕蘭堂
蘇合薰珠簾挂戶水波紋別起芙蓉織成帳金縷鴛
鴦兩相向麝茵飾地承瑤履花燭分階移錦帳織女
西垂隱燭臺雙童連縷合歡杯藹藹綺庭嬪從列峨
峨紅粉扇中開黃金兩印雙花綬富貴婚姻古無有
清歌棠棣美王姬流化邦人正夫婦

蕭駙馬花燭

王昌齡

青鸞飛入合歡宮紫鳳銜花出禁中可憐今夜千家

唐詩類苑

卷之五十九

三九

裏銀漢星同一道通

王評事駙馬花燭詩四首 盧綸

萬條銀燭引天人十月長安半夜春步幃三千隘將

斷幾多珠翠落香塵

一人女壻萬人憐一夜調疎抵百年爲報司徒好將

息明珠解轉又能圓

人主人臣是親家千秋萬歲保榮華幾時曾向高天

裏得見今宵月裏花

比翼和鳴雙鳳凰欲棲金帳滿城香平明却入天泉

裏日氣瞳矐五色光

催粧

徐安期

傳聞燭下調紅粉明鏡臺前作好春不須滿面潯粧
却留着雙眉待畫人

友人婚楊氏催粧

賈島

不知今夕是何夕催促陽臺近鏡臺誰道芙蓉水中
種青銅鏡裏一枝開

催粧

黃滔

北府迎塵南郡來莫將芳意更遲回雖言天上光陰
別且被人間更漏催煙樹迥垂連蒂杏綵童交捧合
歡杯吹簫不是神仙曲爭引秦娥下鳳臺

唐詩類苑

卷之五十九

年

試經赴嘉禮催粧

盧儲

昔年將去玉京遊第一仙人許狀頭今日幸爲秦晉
會早教鸞鳳下粧樓

啓帳

黃滔

得人憎是繡芙蓉愛鎖嫦娥出月蹤侍女莫嫌擡素
手撥開珠翠待相逢

去扇

黃滔

城上風生蠟炬寒錦帷開處露翔鸞已知秦女昇仙
態休把圓輕隔牡丹

捲簾

黃滔

綠鬟侍女手纖纖新捧嫦娥出素蟾衛玠官高難久立莫辭雙捲水精簾

公子

李商隱

外戚封侯自有恩平明通籍九華門金唐公主年應小二十君王未許婚

盧校書年暮取崔氏結褵之後崔氏因賦此

詩

不怨盧郎年紀大不怨盧郎官職卑自恨妾身生較晚不及盧郎年少時

止官舍迎內子適有庭花開乃題是詩

唐詩類苑

卷之五十九

三十一

盧儲

芍藥斬新栽當庭數朶開東風與拘束留待細君來

送鄭正則之漢陽迎婦

李嘉祐

錦字相催鳥極飛郎君暫脫老萊衣遙想雙眉待人

畫行看五馬送潮歸望夫山上花猶發新婦江邊鶯

未稀令秩和鳴真可美此行誰道負春輝

送李明府使蘇州便赴吉期

韓翃

莫言水國去迢迢白馬吳門見不遙楓樹林中經楚雨木蘭舟上蹋江潮空山古寺千年石草色寒隄百

尺橋早晚廬家蘭室外珊瑚玉佩徹青霄

送沈先輩歸送上嘉禮

羅隱

青青月桂觸人香白苧衫輕稱沈郎好繼馬卿歸故里况聞山簡在襄陽杯傾別岸應須醉花傍征車漸欲芳擬把金錢贈嘉禮不堪栖屑困名場

聞襲美有親迎之期因以寄賀

陸龜蒙

梁鴻夫婦欲雙飛細雨輕寒拂雉衣初下雪窻夜蒼戀次乘煙憶柰光輝參差扇影分華月斷續簫聲落翠微見說春風偏有賀露花千朵照庭闈

唐詩類苑

卷之五十九

三十二

臨頓宅將有歸于之日魯望以詩見貺因抒

懷訓之

皮日休

共老林泉忍暫分此生應不識迴文幾枚竹筍送德曜一乘柴車迎少君舉案品多綠澗藥承家事少爲溪雲居然自是幽人事輒莫教他孫壽聞

送段覺之西蜀結婚

許渾

詞賦名高身不閑綵衣如錦度函關鏡中鸞影羅威去劍外花歸衛玠還秋浪遠侵黃鶴嶺暮雲遙斷碧鷄山此時人問西遊客心在重宵鬢欲斑

新婚別

杜甫

兔絲附蓬麻引蔓故不長嫁女與征夫不如棄路傍
結髮爲妻子席不暖居牀暮婚晨告別無乃太匆忙
君行雖不遠守邊赴河陽妾身本分明何以拜姑嫜
父母養我時日夜令我藏生女有所歸鷄狗亦得將
君今死生地沉痛迫中腸誓欲隨君生形勢反蒼黃
勿爲新婚念努力事戎行婦人在軍中兵氣恐不揚
自嗟貧家女久致羅襦裳羅襦不復施君洗紅粧
仰視百鳥飛大小必雙翔人事多錯迕與君永相忘
七夕看新婦隔巷停車 陳子良

唐詩類苑

卷之五十九

三

新嫁娘三首

王建

鄰家人未識牀上坐堆堆郎來傍門戶滿口索錢財

二

錦幃兩邊橫遮掩侍娘行遣郎鋪簾席相並拜親情

三

三日入厨下洗手作羹湯未諳姑食性先遣小娘嘗

唐詩類苑卷第五十九終

唐詩類苑卷第六十

明雲間張之象玄超甫纂輯

梁谿安希范小范甫編次

雲間王 徹叔朗甫補訂

梁谿曹仁孫伯安甫校正

禮部

拜掃

和裴侍中承恩拜掃旋轡途中有懷寄州縣

官僚鄉國故親

張九齡

嵩岳神惟降汾川鼎氣雄生才作霖雨繼代有清通

唐詩類苑

卷之六十

一

天下稱賢相朝端挹至公自家來佐國移孝入爲忠

霜露多前感丘園想舊風扈巡過晉北問俗到河東

便道恩華降還鄉禮教崇野樽延故老朝服見兒童

送葬

觀廉女真葬女真善隸書常爲內中學士

李遠

玉窻拋翠管輕袖掩銀鸞錯落雲車斷丁冷金磬寒

鶴尋深院立人倦舊詩看寂寞聞香處紅花滿石壇

送魏六侍御葬

皇甫冉

哭葬寒郊外行將何所從盛曹徒列塋新墓已栽松

海月同千古江雲覆幾重舊書曾諫獵遺草議登封

疇昔輕三事常期老一峯門臨商嶺道窻引洛城鐘

應積泉中恨無因世上逢招尋偏見厚疎慢亦相容

張范唯通夢求羊承絕蹤誰知長卿疾歌賦不還邛

送柳宜城葬

顧况

鳴笳已逐春風咽匹馬猶依舊路嘶遙望柳家門外
樹恐聞黃鳥向人啼

挽歌

孝敬皇帝挽歌

劉禕之

戒奢虛屈輅錫號紀鴻名地叶蒼梧野途經紫聚城

唐詩類

卷之六十一

二

重昭掩寒色晨飈斷曙聲一隨仙驥遠霜雪愁陰生

孝和皇帝挽歌

賈曾

新命千齡啓鴻圖累聖餘天行應潛躍帝出受圖書

禮若傳堯舊功疑復夏初夢遊長不返何國是華胥

讓皇帝挽歌

盧僊

泰伯玄風遠延州德讓行闔棺追大節樹羽冊鴻名

地户迎天仗皇階失帝兄還聞漢明士遺劍泣陳平

玄宗挽歌

鄭丹

律曆千年會草書萬里同固期常戴三豈意厭觀風

地慘新疆望城摧舊戰功山河萬古壯今夕盡歸空

肅宗挽歌

鄭丹

國以重明受天從諒闇移諸侯方北面白日又西馳

龍影當泉落鴻名向廟垂永言青史上還見載無爲

昭肅皇帝挽歌辭三首

李商隱

九縣懷雄武三靈仰睿文周王傳叔父漢後重神君

玉律朝驚露金莖夜切雲笳蕭瑟欲斷無復詠橫汾

二

玉塞驚宵柝金橋罷舉烽始巢阿閣鳳旋駕鼎湖龍

門咽通神鼓樓凝警夜鐘小臣觀吉從猶誤欲東封

三

唐詩類

卷之六十一

三

莫厭昭華館虛傳甲帳神海迷求藥使雪隔獻桃人

桂寢青雲斷松扉白露新萬方同象鳥舉動淨秋塵

德宗皇帝挽歌四首

白居易

執象宗玄祖貽謀啓孝孫文高栢梁殿禮薄灞陵原

宮仗辭天闕朝儀出國門生成不可報七十二年恩

二

虞帝南巡後殷宗諒闇中初辭鍾鼎地已閉望仙宮

曉落當陵月秋生滿旆風前星承帝座不便北辰空

三

業大承宗祖功成付子孫睿文詩格樂遺訓史標言

節表中和德方垂廣利恩縣知千載後理代數元貞

四

夢滅三齡壽哀延七月期寢園愁望遠宮仗哭行遲
雲日添寒慘笳笙向晚悲因山有遺詔如葬漢文時

德宗神武孝文皇帝挽歌二首

劉禹錫

出震清多難乘時播六鈞操絃調六氣揮翰動三辰
運偶升天日哀深率土人瑤池無轍迹誰見屬車塵

二

鳳翼擁銘旌威遲異告行漢儀陳秘器楚挽咽繁聲

唐詩類苑

卷之六十

四

駐綽辭清廟凝笳背直城唯應晉內傳知是向蓬瀛

敬宗睿武昭愍孝皇帝挽歌三首

劉禹錫

寶曆方無限仙期忽有涯事親崇漢禮傳聖法殷家
晚出芙蓉闕春歸棠棣華玉輪今日動不是畫雲車

二

任賢勞夢寐登位富春秋欲遂東人行寧虞杞國憂
長楊收羽騎太液泊龍舟惟有衣冠在年年愴月遊

三

講學金華殿親畊鈞盾日侍三春見方士信求仙

虹影俄侵日龍顏不上天空餘水銀漢長照夜燈前

文皇宗元聖昭獻孝皇帝挽歌三首

劉禹錫

繼體三才禮承顏九族親禹功留海內殷曆付天倫
調露曲常在秋風調尚新本支方百代先讓棣華春

二

月落宮車動風淒儀仗間路唯瞻鳳翼人尚想龍顏
御宇方無事乘雲遂不還聖情悲望處沈日下西山

三

享國十五載升天千萬年龍鑣仙路遠騎吹禮容全

唐詩類苑

卷之六十

五

日下初陵外人悲舊劍前周南有遺老掩淚望秦川

憲宗皇帝挽歌

張祐

嗚咽上攀龍昇平不易逢武皇虛好道文帝未登封
壽域無千載泉門是九重橋山非遠地雲去莫疑峯

代宗挽歌

李端

祖庭三獻罷嚴衛百靈朝警蹕移前殿宮車上渭橋
寒霜凝羽葆野吹咽笳簫已向新京兆誰云天路遙

順宗至德大聖大安孝皇帝挽詞三首

元稹

不改延洪祚因成揖讓朝謳歌同戴啓遏密共思堯

雨露施恩廣梯航會葬遙號予那獨切曾感昔年招

二

前春文祖廟大舜嗣堯登及此踰年感還因是尸崩
壽緣追孝促業在繼明興儉詔同今古山川繞潮陵

三

七月悲風起淒涼萬國人羽儀經巷內輜輅轉城闔
暝色依陵早秋聲入輅新自嗟同草木不識末貞春

憲宗章武孝皇帝挽歌詞三首

元稹

國付重離後身隨十聖仙北辰移帝座西日到虞泉

唐詩類苑

卷之六十

六

方丈言虛設華胥事眇然觸鱗曾在宥偏哭墮髯前

二

天寶遺餘事元和盛聖功二凶梟帳下三叛斬都中
揚惠琳李師道傳首京師劉
關李詩吳元帝暖斬都市始服沙隨虜方吞邏沙
戎沙隨突厥自元
和初始通中國狼星如要射猶有閩湖功

三

月落禁垣西星橫曉仗齊風傳宮臨苦山拂羽儀低
路隘車千兩橋聲馬萬蹄共嗟封石儉不爲報功泥

莊陵挽歌三首

張籍

白日已昭昭干戈亦漸消迎師新出道從諫早臨朝

倭倖威權薄忠良寵錫饒丘陵今一變無復白雲

二

觀風欲巡洛習戰日開池始改三年政旋開七月期
陵分內外使官具吉凶儀渭北新園路蕭笳遠更悲

三

曉日龍車動秋風闔闔開行帷六宮出執紼萬方來
慘慘郊原暮遲遲挽咽哀空山煙雨夕新栢遶陵臺

開成大行皇帝挽歌四首奉勅撰進

白居易

御宇恢皇化傳家叶至公華夷臣妾內堯舜弟兄中

唐詩類苑

卷之六十

七

制度移氓俗文章變國風開成與貞觀實錄事多同

二

晏駕辭雙闕靈儀出九衢上雲歸碧落下席葬蒼梧
冀晚餘堯曆龜新啓夏圖三朝連棣蔭從古帝王無

三

嚴恭七月禮哀動萬人心地感勝秋氣天愁結夕陰
鼎湖龍漸遠濛汜日初沉唯有雲韶樂長留治世音

四

化成同軌表清平恩結連枝感聖明帝與九齡雖吉
夢山呼萬歲是庭聲月低儀仗辭萬路風引笳簫入

杞城老病龍髯攀不及東周退傳最傷情

故齊王贈承天皇帝挽歌 皇甫冉

禮盛追崇日人知友悌恩舊居從代邸新隴入文園
鴻寶仙書秘龍旆帝服尊蒼蒼松裏月萬古此高原

懿安皇太后挽歌詞 許渾

陵前春不盡陵下夜何窮未信金蠶老先驚玉燕空
挽移蘭殿月筵引栢城風自此隨龍馭喬山暮霭中

一紀尊名正三時孝養榮高居朝聖主厚德載羣生

武帳虛中禁玄堂掩太平秋天笳鼓歇松栢徧山鳴

唐詩類苑 卷之六十

八一

二

威儀備吉凶文物雜軍容配地行新祭因山託故封
鳳飛終不返劒化會相從無復臨長樂空聞報曉鐘

三

追攀萬國來驚衛百神陪畫翬登秋殿容衣入夜臺
雲隨仙馭遠風助聖情哀只有朝陵日粧奩一暫開

文德皇后挽歌

朱子奢

神京背紫陌縞駟結行軺北去橫橋道西分清渭流
策光向壘沒霜氣入松楸今日泉臺路非是濯龍遊

文德皇后挽歌

李百藥

徘徊兩儀殿悵望九成臺玉輦終辭宴瑤筐遂不開

野曠陰風積川長思鳥來寒山寂已暮虞殯有餘哀

則天皇后挽歌二首 崔融

宵陳虛禁夜夕臨空山陰日月昏尺景天地慘何心
紫殿金鋪濯黃陵玉座深鏡奩長不啓聖主淚沾巾

二

前殿臨朝罷長陵合葬歸山川不可望文物盡成非
陰月靈中道軒星落太微空餘天子孝松上景雲飛

則天皇后挽歌 宋之問

象物行周禮衣冠集漢都誰憐事虛葬下里泣蒼梧

唐詩類苑

卷之六十

九

贈恭順皇后挽歌

皇甫冉

徂謝年方久哀榮事獨稀雖殊百兩迓同是九泉歸
詔使歸金策神人送玉衣空山竟不從寧肯學湘妃

昭德皇后挽歌

包佶

西汜馳暉過東園別路長歲華唯隴栢春事罷公桑
龜兆開泉戶禽靈畫梁更聞哀禮過明詔制心喪

貞懿皇后挽詞

錢起

淑麗詩傳美徽章禮飾哀有思加象服無日記高禋
曉月孤殿寒山出夜臺通靈深眷想青鳥獨飛來

昭德王皇后挽歌

白居易

仙去逍遙境詩留窈窕章春歸金屋少夜入壽宮長
鳳引曾辭輦蠶休昔採桑陰靈何處感沙麓月無光

恭王故太妃挽歌詞二首 元 稹

燕姑貽天夢梁王盡孝思雖從魏詔葬得用漢藩儀
曙月殘光歛寒簫度曲遲平生奉恩地哀挽欲何之

二

文衛羅新墳仙娥掩暝山雪雲埋隴合簫鼓望城還
寒樹風難靜霜郊夜更閑哀榮深孝嗣儀表在河間

故郭婉儀挽歌

司空曙

一日辭秦鏡千秋別漢宮豈唯泉路掩長使月輪空

唐詩類苑

卷之六十

十

苦色凝朝露悲聲切暝風婉儀餘舊德仍載禮經中

故女道士婉儀太原郭氏挽歌二首

劉長卿

作範宮闈睦歸真道藝超馭風仙路遠背日帝宮遙

鸞殿空留處霓裳已罷朝淮王哀不盡松栢但蕭蕭

二

官禁恩長隔神仙道已分人間驚早露天上失朝雲
逝水年無恨佳城日易曛簫聲將薤曲哀斷不堪聞

惠文太子挽歌

袁 瓘

寒仗丹旄引陰堂白日違暗登明象物畫水濕靈衣

羽化淮王去仙迎太子歸空餘燕衛上朝夕向陵飛

惠文太子挽歌二首

張 說

碣館英靈在瑤山美謚尊剪桐悲曩戲攻玉愴新恩
宮仗專馳道朝衣送國門千秋穀門外明方照西園

二

梁國深文雅淮王愛道仙帝歡同宴日神奪上賓年
旒旒飛行樹帷宮宿野煙指言君愛弟揮淚滿山川

恭懿太子挽歌五首

王 維

何悟藏環早纔知拜壁年神天王子去對日聖君憐
樹轉宮猶出笳悲馬不前雖蒙絕馳道京兆別開阡

唐詩類苑

卷之六十

十一

二

蘭殿新悲切椒宮夕照幽白雲隨鳳管明月在龍樓
人向青山哭天臨渭水愁鷄鳴常問膳今恨玉京留

三

騎吹凌霜發旌旗夾路陳愷容金節護冊命玉符新
傳母悲香祿君家擁畫輪射熊金夢帝稱象問何人

四

蒼舒留帝寵子晉有仙才五歲過人智三天使鶴催
心悲陽祿館目斷望恩臺若道長安近何爲更不來

五

西望昆池潤東瞻下杜平山朝豫章館樹轉鳳皇
五校連旗色千門疊鼓聲金環如有驗還向畫堂生

悼懷太子挽歌詞二首奉詔撰進

白居易

竹馬書甕歲銅龍表葬時永言窀穸事全用少陽儀
壽夭由天命哀榮出聖慈恭聞褒贈詔軫念在與夷

二

剪葉潘封早承華冊命尊笙歌辭洛苑風雪蔽梁園
鹵薄凌霜宿銘旌向月翻官僚不逮事哭送出都門
莊恪太子挽歌詞二首 溫庭筠

唐詩類苑

卷之六十

十二

疊鼓辭宮殿悲笳降杳冥影離雲外日光滅火前星
鄴客瞻秦苑商公下漢庭依依陵樹色空繞古原青

二

東府虛容衛西園寄夢思鳳懸吹曲夜鶴斷問安時
塵陌都人恨霜郊賤馬悲唯餘埋壁地煙章近丹墀

章懷太子靖妃輓詞

沈佺期

彤史佳聲載青宮懿範留形將鸞鏡隱魂伴鳳笙遊
送馬嘶殘日新營落晚秋不知蒿里曙空見隴雲愁

節義太子楊妃挽歌二首

張說

西華三公族東園五可才玉環初受慶金鈇反逢災

桂殿花空落桐園月自開朝雲將暮雨長繞望恩臺

二

昔日三朝路逶迤四望車繡腰長命綺隱髻連枝花
今春戾園樹索然無歲華共傷千載後惟號一王家

梁宣王挽詞三首

宋之問

貴藩堯母族外戚漢家親業重興王際功高復辟辰
愛賢唯報國樂善不防身今日衣冠送空傷置醴人

二

金精何日閉玉匣此時開東望連吾子南瞻近帝臺
地形龜食報墳土燕銜來可嘆虞歌夕紛紛騎吹迴

唐詩類苑

卷之六十

十三

三

像設千年在平生萬事遠綵旗翻葆吹主鬋奠靈衣
隴日寒無影郊雲凍不飛君王留此地駟馬欲何歸

魯忠王挽詞三首

宋之問

同盟會五月歸葬出三條日慘咸陽樹天寒渭水橋
稍看朱鷺轉尚識紫駟驕寂寂泉臺恨從茲罷玉簫

二

邦家錫寵光存沒貴忠良遂裂山河地追尊父子王
人悲槐里月馬踏種原霜別向天京北悠悠此路長

三

樹羽迎朝日撞鐘望早霞故人悲宿草中使慘晨笳
氣有衝天劒星無犯斗槎唯餘孔公宅長接魯王家

范陽王挽詞二首

宋之問

賢相稱邦傑清流舉代推公才掩諸夏文體變當時
賓弔翻成鶴人亡惜喻龜洛陽今紙貴猶寫太冲詞

二

贈秩微章洽求書秘草成客隨朝露盡人逐夜舟驚
蒿里衣冠送松門印綬迎誰知楊伯起今日重哀榮

成王挽詞

岑參

幽山悲舊桂長坂愴餘蘭地底孤燈冷泉中一鏡寒

唐詩類苑

卷之六十一

五

銘旌門客送騎吹路人看漫作琉璃枕淮王誤合丹

江王太妃挽歌

高密

黃鶴悲歌絕椒花清頌餘埃凝寫隣鏡網結和扉魚
銀消風燭盡珠滅夜輪虛別有南陵路幽叢臨葉疎

故北平公主挽歌

上官儀

木落園池曠庭虛風露寒北里清音絕南陔芳草殘
遠氣猶標劒浮雲尚寫冠寂寂琴臺晚秋陰入井翰

長公主挽歌

高密

湘渚韜靈跡娥臺靜瑞音鳳逐清簫遠鸞隨幽鏡沉
霜處華英落風前銀燭侵寂寞平陽館月冷洞房深

玉清公主挽歌

張謂

學鳳年猶少乘龍日尚賒幼封千戶邑忽駕五雲車
地接金人岸山通玉女家秋風何太早吹落楚園花

梁國惠康公主挽歌詞二首

羊士諤

湯沐成陳跡山林遂寂寥鵲飛應織素鳳起獨吹簫
玉殿中參罷雲輦上漢遶皇情非不極空輟未央朝

二

授冊榮天使陳詩感聖恩山河啓京國竊素及王門
泉向金卮咽霜來玉樹繁都人聽哀挽淚盡望寒原

唐詩類苑

卷之六十一

五

魏國憲穆公主挽詞

權德輿

漢制榮儀服周詩美肅雍禮尊同姓主恩錫大名封
外館留圖史陰臺閔德容睿慈歌薤露千古仰芳蹤

贈涼國惠康公主挽詞

權德輿

外館嬪儀貴中參睿渥深初笄橫白玉盛服縷黃金
鳳度簫聲遠河低婺彩沉夜臺留冊謚悽愴有徽音

永泰公主挽歌二首

吳兢

穠華從婦道登降道諸侯河漢天孫合瀟湘帝子遊
關雎方作訓鳴鳳自相求可歎凌波迹東川遂不流

二

舜華徂北渚宸思結南陽整緩哀榮備遊軒寵悼彰
三川謀遠日八水宅連岡無復秦樓上吹簫下鳳皇

梁國惠康公主挽歌二首 韓愈

定謚芳聲遠移封大國新異宮尊長女台室屬良人
河漢重泉夜梧桐半樹春龍輜非厭翟還展禁城塵

二

秦地吹簫女湘波鼓瑟妃佩蘭初應夢奔月竟淪輝
夫族迎魂去宮官會葬歸從今沁園草無復更芳菲

高安公主挽歌二首 李義

湯沐三千賦樓臺十二重銀爐稱貴幸玉輦盛過逢

唐詩類苑 卷之十

十六

嬪則留中饋娥輝浸下春平陽百歲後歌舞爲誰容

二

賁衛儼相依橫門啓曙扉一作靈陰蟾兔缺仙影鳳

鳳飛一水秋難渡三泉夜不歸况臨青女節瑤草更

前哀

淮陽公主挽歌 李義

玉陽生漢渚湯沐榮天女金縷化卽塵哀榮感路人
鳳凰曾作伴螻蟻忽爲親疇日成蹊處穠華不復春

故高安公主挽詞 李義

彤管承高訓青瑤禮容並孫家代寵元女國朝封

柔軌題貞順閑規賦肅雍寧知落照盡霜吹入悲松

右丞相挽歌詞二首 張說

王宰丹青化春卿禮樂才緇衣傳舊職華袞贈新哀
路泣羣官送山嘶駟馬廻佳辰無白日賓閣有青苔

二

聞歌出野田冠帶寢窮泉萬事皆身外平生尚目前
西垣紫泥綽東岳白雲篇自惜同聲處從今遂絕絃

張丞相燕公挽歌詞二首 孫逖

海內文章伯朝端禮樂英一言興寶運三入濟羣生
命與才相偶年將位不并台星忽已圻流勳軫皇情

唐詩類苑

卷之十

十七

二

甲第三重戟高門四列侯已成冠蓋里更有鳳皇樓
人世方爲樂生涯遽若休空餘掌綸地傳房百年秋

元相公挽詞三首 白居易

銘旌官重威儀盛騎吹聲繁國簿長後魏帝孫唐宰
相六年七月癸咸陽

墓門已閉笳簫去惟有夫人哭不休蒼蒼露草咸陽
隴此是千秋第一秋

送葬萬人皆慘澹反虞馳馬亦悲鳴琴書劍珮誰收

拾三歲遺孤新學行

河南觀察使故相國袁公挽歌三首

劉禹錫

五軀龍虎節一入鳳皇池
令尹自無喜羊公人不疑
天歸京兆日葉下洞庭時
湘水秋風至淒涼吹素旗

二

丹旄發江臯人悲鴈亦號
湘南罷亥市漢上改詞曹
表墓雙碑立尊名一字褒
常聞平楚獄爲報里門高

三

返葬三千里荆衡達帝畿
逢人多故吏拜奠盡沾衣
地得青烏相賓驚白鶴飛
五公碑尚在今日亦同歸

唐詩類苑

卷之六十

一八

故國相公挽歌二首

李嘉祐

文若爲全德留侯是重名
論公長不幸因病得無生
天夢依然定高墳共化成
自應憐寂滅人世但傷情

二

其美持衡日皆言折檻時
蜀侯供廟畧漢主缺台司
車馬行仍止笳簫咽又悲
今年杜陵陌殄瘁百花遲

故相國燕國公子司空挽歌二首

劉禹錫

彫弓封舊國黑稍繼前功
十年鎮南雍九命作司空
池臺樂事盡簫鼓葬儀雄
一代英豪氣曉散白楊風

二

陰山貴公子來葬五陵西
前馬悲無主猶帶朔風嘶
漢水晉山郭襄陽白銅鞮
至今有遺愛舊人莫悽悽

故相國苗公挽歌

錢起

霸陵誰寵葬漢主念蕭何
盛業留青史浮榮逐逝波
隴雲仍作雨薤露已成歌
悽愴平津問秋風弔客過

太尉兼中書令贈太師西平郡王挽詞

權德輿

翊戴推元老謀猷合大君
河山封故地金石表新墳
劍履歸長夜笳簫咽暮雲
還經誓師處薤露不堪聞

唐詩類苑

卷之六十

九

故師徒兼侍中贈太傅北平郡王挽詞

權德輿

授律勳庸盛居中鼎鼐和
佐時調四海盡力靜三河
忽訪天京兆空傳漢仗波
今朝麟閣上偏軫聖情多

韋諷公挽歌二首

張說

五瑞分王國雙珠映后家
文飛書上鳳武結笥中蛇
出預榮前馬廻鸞喪後車
衮衣將錫命泉路有光華

二

國聘雙麒麟庭儀兩鳳皇
將星連相位玉樹伴金鄉
歌舞侯家盡軒裳咸望光
安知杜陵下碑額已相望

故太子太師徐公挽歌四首

王維

功德冠羣英，彌綸有大冬。軒皇用風后，傳說是星孺。
就第優遺老，來朝詔不名。留侯常辟穀，何苦不長生。

二

謀猷爲相國，翊贊奉乘輿。劔履升前殿，貂蟬托後車。
齊侯疏土宇，漢室賴圖書。僻處留田宅，仍纔十頃餘。

三

舊里趨庭日，新年置酒辰。閒詩驚渚客，獻賦鳳樓人。
北闕辭明主，東堂哭大臣。猶思御朱轡，不惜汗車茵。

唐詩類苑

卷之六十

三

四

久踐中台座，終登上將壇。誰言斷車騎，空憶盛衣冠。
風日咸陽慘，笳簫渭水寒。無人當便闕，應罷太師官。

故僕射裴公挽歌三首

岑參

盛德資邦傑，嘉謨作世程。門瞻駟馬貴，時仰八裴名。
罷市秦人送，還鄉絳老迎。莫埋丞相印，留着付玄成。

二

五府瞻高位，三台喪大賢。禮容還故絳，寵贈冠新田。
氣歇汾陰鼎，魂歸京兆天。先時劍已歿，壙樹久蒼然。

三

富貴徒言久，鄉閭歿後歸。錦衣都未着，丹旆忽先飛。
哀挽辭秦塞，悲笳出帝畿。遙知九原上，漸覺弔人稀。

中書令裴公挽歌詞二首

溫庭筠

王儉風華首，蕭何社稷臣。丹陽布衣客，蓮渚白頭人。
銘勒燕山暮，碑沉漢水春。從今虛醉飽，無復汚車茵。

二

箭下妖星落，風前殺氣迴。國香荀令去，樓月定公來。
玉璽終無慮，金縢竟不開。空嗟薦賢路，芳草滿燕臺。

故陳州刺史贈兵部尚書韋公挽歌

孫逖

唐詩類苑

卷之六十

壬一

奕葉金章貴，連枝鼎位尊。台庭爲鳳穴，相府是鵷原。
世閱空悲命，泉幽不返魂。惟餘漢臣史，經術贊韋門。

崔尚書挽詞

張說

相宅龍坤寶，承家占海封。庭中男執鴈，門外女乘龍。
鳴玉遊三省，撝金侍九重。一朝賓客散，留劍在青松。

戶部崔尚書挽歌

崔融

八座圖書委，三臺章奏盈。舉杯常有勸，曳履忽無聲。
市若荊州罷，池如薛縣平。空餘濟南劍，天子署高名。

故刑部李尚書挽歌詞三首

張九齡

仙宗出趙北相業起山東明德嘗爲禮嘉謀屢作忠
論經白虎殿獻賦甘泉宮與善今何在蒼生望已空

二

宿昔三台踐榮華駟馬歸印從青瑣拜翰入紫宸揮
提劔恩方重藏舟事已非龍門不可望感激涕沾衣

三

永歎常山寶沉埋京兆阡同盟會五月華表記千年
渺漫野中草微茫空裏煙共悲人事絕唯對杜陵田

李工部挽歌三首

張說

錦帳爲郎日金門待詔時楊宮先上賦栢殿幾聯詩

唐詩類苑

卷之六十

三

瞬息琴歌斷淒涼簫挽悲那看灞陵岸迴首望京師

二

宅兆西陵上平生雅志從城臨丹闕近山望白雲重
會葬知元伯看碑識蔡邕無由接神理揮涕望青松

三

帝時好賓客永日對絃歌是夕歸泉下傷心無奈何
暮庭人已散祭處鳥來過碑石生苔蘚榮名豈復多

故河南尹岐國公贈工部尚書蘇公挽歌二

首

岑參

河尹恩榮舊尚書寵贈新一門傳畫戟幾世駕朱輪

夜色何時曉泉臺不復春唯餘朝服在金印已生塵

二

白日扃泉戶青春掩夜臺舊堂階草長空院砌花開
山晚銘旌去郊寒騎吹迴三川難可見應惜庾公才

贈工部尚書馮公挽歌三首

張說

忠鯁難爲事平生盡畏途如絃心自直秀木勢恒孤
詔葬南陵道神遊北斗軀貴門傳萬石餘慶在雙珠

二

爵位題龍旒威儀出鳳城路傍人泣送門外馬嘶迎

唐詩類苑

卷之六十

三

萬事非吾有千悲是世情昔年稱夏日今也謚冬卿

三

窅然長夜臺舉世可哀哉泉戶一朝閉松風四面來
石碑填駁蘚珠服聚塵埃誰言遼東鶴千年往復迴

秘書劉尚書挽歌二首

溫庭筠

王筆活鸞鳳謝時生芙蓉學筵開絳帳談柄發洪鐘
粉署見飛鵬玉山猜卧龍遺風灑清韻蕭散九原松

二

塵尾近良玉鶴裘吹素絲懷陵殷浩謫春墅謝安基
京口貴公子襄陽諸女兒折花兼踏月多唱柳郎詞

故趙王屬贈黃門侍郎上官公挽詞

李 乂

暮歸泉壤幽

一作隔

朝發城池戀漢時結愁陰秦川

一作

下悲霰駸駸百駟馳憫憫羣龍餞石馬徒自施玉人終不見

故西臺侍郎上官挽歌

李 乂

寓內文儒重朝端禮命優立言多啓沃論道盛謀猷顧月琴安在衡星劍不留徒懷東武秘更擡北原丘

贈司徒寶盧府君挽詞

蘇 頌

寵贈追胡廣親臨比賀循幾聞拔劍客多會服總人

唐詩類苑

卷之六十

五

草閉墳將古松陰地不春二陵猶可望存歿有忠臣

右常侍集賢院學士徐公挽歌二首

張 說

才美臨淄北名高淮海東羽儀二省遍漁獵五車同

玉殿孤新勝珠英落舊叢徒懸一寶劍何處訪徐公

二

歎息書林友才華天下選竝賦三陽宮集詩集賢殿具物衣如在咄嗟常不見既哀薤露詞豈忘平生眷

故右散騎常侍讀舒國公褚公挽歌

蘇 頌

陽翟疏豐構臨平演慶源學筵尊授几儒服寵兼軒

審諭留中密開陳與上言徂輝一不惜空有賜東園

崔司業挽歌二首

張 說

海岱英靈氣膠庠禮樂資風流滿天下人物擅京師疾起楊雄賦魂遊謝客詩從今好文主遺恨不同時

二

象設存華館威儀下墓田鳳池傷舊草麟史泣遺編帷蓋墟煙浸干旌隴日懸古來埋玉樹流恨滿山川

陸著作挽詞二首

儲光義

世業江湖側郊園休沐處猶言五日歸未道千秋去

唐詩類苑

卷之六十

五

鄉亭春水綠昌閣寒光暮昔爲畫錦遊今成逝川路

二

歸路秦城下寒雲慘平田故園滄海邊綠柳覆平川送客異他日還舟殊昔年萃亭有明月長向隴頭懸

故趙王屬贈黃門侍郎上官公挽歌詞二首

宋之問

韋門旌舊德班氏業前書謫去因丞相歸來爲婕妤周原鳥相塚越嶺鴈隨卓冥漠辭昭代空憐賦子虛

二

綠車隨帝子青瑣羽儀機昔在朝歌騎今虛夕拜闌

柳河樓挽曲蘼露濕靈衣一盾窮泉閉雙鸞遂不飛

苗侍中挽歌二首

岑參

攝政朝章重持衡國相尊筆端通造化掌內運乾坤
青史遺芳滿黃樞故事存空悲渭橋路誰對漢皇言

二

天子悲元老都人惜上公優賢几杖在會葬市朝空
丹旌飄斜日清笳怨暮風平生門下客繼美廟堂中

韋長史挽歌

崔融

日暮桑榆下寒生松栢中冥冥多苦霧切切有悲風
京兆新阡合扶陽甲第空郭門從此去荆棘漸蒙龍

唐詩類苑

卷之六十

三

秦州薛都督挽詞

崔湜

十里絳山幽千年汾水流碑傳門客建劍是故人留
壠樹煙含夕山門月照秋古來鐘鼎盛共盡一蒿丘

故西河郡杜太守挽歌三首

王維

天上去西征雲中護北平生擒白馬將連破黑鵬城
忽見芻靈苦徒聞竹使榮空留左氏傳誰繼上商名

二

返葬金符守同歸石窠棲捲衣悲畫翟持髮待鳴鷄
容衛都人慘山川迴馬嘶猶聞隴上客相對哭征西

三

塗芻去國門秘器出東園太守留金印夫人罷錦軒
旌旄轉衰木簫鼓上寒原墳樹應西靡長思魏闕恩

故西河郡杜太守挽歌四首

岑參

蒙叟悲藏壑殷宗惜濟川長安非舊日京兆是新阡
黃霸官猶屈蒼生望已愆唯餘卿月在留向杜陵懸

二

鼓角城中出墳塋郭外新雨隨恩太守雲從送夫人
蒿里埋雙劍松門閉萬春回瞻北堂上金印已生塵

唐詩類苑

卷之六十

三

三

憶昨明光殿新承天子恩剖符移北地受鉞領西門
塞草迎軍暮邊雲拂使軒至今聞壠外戎虜尚亡魂

四

漫漫澄波濶眈眈大厦深秉心常匪席行義每揮金
汲引窺蘭室招攜入翰林多君有令子猶注世人心

故徐州刺史贈吏部侍郎蘇公挽歌三首

張九齡

韋玄方繼相荀爽復齊名在貴兼天爵能賢出世卿
學聞金馬詔神見玉人情藏壑今如此爲山遂不成

二

相如只謝病，子歎忽云亡。豈悟瑤臺雪，分雕玉樹行。
清規留草議，故事在封章。本謂山公啓，而今歿始揚。

三

返葬長安陌，秋風簫鼓悲。奈何相送者，不是平生時。
寒影催年急，哀歌助晚遲。寧知建旗罷，丹旆向京師。

丹陽刺史挽歌詞三首

駱賓王

百齡嗟倏忽，一旦附山河。丹桂消已盡，青松哀思多。
薰風虛聽曲，薤露已成歌。自有藏舟處，誰憐隙駒過。

二

唐詩類苑

卷之六十

三

惻愴恒山羽，留連棣萼篇。佳城非舊日，京兆卽新阡。
城郭三千歲，丘陵幾萬年。唯餘松柏隴，朝夕起寒煙。

三

短歌三獻曲，長夜九泉臺。此室玄扃掩，何年白日開。
荒郊疎古木，寒隧積陳芟。獨此傷心地，松聲薄暮來。

樂大夫挽詞五首

駱賓王

可歎浮生促，吁嗟此路難。丘陵一起恨，言笑幾時歡。
蕭索郊埏晚，荒涼井屋寒。誰當門下客，獨見有任安。

二

蒿里誰家地，松門何代丘。百年三萬日，一別幾千秋。

返照寒無影，窮泉凍不流。居然同物化，何處欲沈舟。

三

昔去梅笳發，今來薤露晞。彤駟朝帝闕，丹旆背王畿。
城郭猶疑是，原陵稍覺非。九原如可作，千載與同歸。

四

一旦先朝菌，千秋掩夜臺。青烏新兆去，白馬故人來。
草露當春泣，松風向夕哀。寧知荒壠外，弔鶴自徘徊。

五

忽見泉臺路，猶疑水鏡懸。何如開白日，非復覩青天。
華表迎千歲，幽巖送百年。獨嗟流水引，長掩伯牙絃。

唐詩類苑

卷之六十

三

眉州康司馬挽歌詞

張九齡

家受專門學，人稱入室賢。劉楨徒有氣，管輅獨無年。
謫去長沙國，魂歸京兆阡。從來匣中劍，埋歿罷衡天。

故武衛將軍挽詞三首

杜甫

嚴警當寒夜，前軍落大星。壯夫思敢決，哀詔惜精靈。
王者今無戰，書生已勒銘。封侯意疎濶，編簡爲誰青。

二

舞劍過人絕，鳴弓射獸能。鉞鋒行愜順，猛噓失躊躇。
赤羽千夫膽，黃河十月冰。橫行沙漠外，神速至今稱。

三

哀挽青門去新阡絳水遙路人紛雨泣天意愀風颺
部曲精仍銳匈奴氣不驕無由覩雄畧大樹日蕭蕭

馬武騎挽歌二首

李 嶠

五日皆休沐三泉獨不歸池臺金闕是樽酒璫筵非
巷靜遊禽入門閑過客稀唯餘昔年鳳尚繞故樓飛

二

昔下天津館常過帝子家夜傾金屋酒春舞玉臺花
試馬依紅埽吹簫弄紫霞誰言東郭路翻枉北門車

張左丞挽歌二首

李 嶠

禍集鉤方失災生劍忽飛無由就日拜空憶白天歸

唐詩類苑

卷之六十

手

門吏看還葬官官識賜衣東堂哀贈畢從此故臣稀

二

素旆低寒水清笳出曉風鳥來傷賈傅馬立哭滕公
松栢青山上城池白日中一朝今古隔惟有月明同

故吏部郎中贈給事中韋公挽歌二首

李嘉祐

神理今何在斯人竟若斯顏淵徒有德伯道且無兒
白髮今非老青雲數有奇誰言夕郎拜即向夜堂悲

二

社里東城接松阡此地開聞笳春色慘執紼故人哀

終日南山對何時渭水廻仁兄與恩舊相弔泣泉臺

徐高御挽歌

張 說

蒲密遙千載鳴琴始一追公卿傳世範仁義續靈基
不待南遊禔命先北帝期玉棺從此閉金鼎代相欺

武三思挽歌

李 嶠

玉匣金爲纈銀鈎石作銘短歌傷薤曲長歌泣松局
事往昏朝霧人亡拆夜星忠賢良可惜圖畫入丹青

蘇氏挽歌三首

張九齡

門人俱如禮行松蘿方有寄桃李忽無成
劍去雙龍別鵲哀九日鳴何言嶧山樹還似半心生

唐詩類苑

卷之六十

手

二

永嘆芳魂斷行看草露滋二宗榮盛日千古別離時
竟罷生芻贈空留畫扇悲客車候曉發何歲是歸期

三

綈服紛相送玄扃翳不開更悲泉火滅徒見柳車廻
舊室容衣奠新塋拱樹栽唯應月照簾潘岳此時哀

天官崔侍郎夫人盧氏挽歌

沈佺期

借老言何謬香魂事未違潘魚從此隔陳鳳宛然飛
埋鏡塵中暗藏燈地下微猶悲少君術彷彿覩容輝

天官崔侍郎夫人盧氏挽歌

李嶠

寵服當年盛芳魂此地窮劒飛龍圖在人去鵲巢空
簾櫳孤生竹葉零伴死桐唯當青史在千載仰殯風

達奚吏部夫人寇氏挽歌

李頎

存歿令名世書松栢田事姑稱孝婦生子繼先賢
露濕銘旌風吹薄前陰堂從此閉誰謂女節偏

故大常卿贈禮部尚書李公及夫人挽歌

蔣渙

白簡常持憲黃圖復尹京能標百郡則威肅一朝清

唐詩類苑

卷之六十

五

典秩崇三禮臨戎振五兵更聞傳世業才子有高名

故程將軍妻南陽郡夫人樊氏挽歌

孫逖

德配程休甫名高魯季姜寵繁蒼玉佩宴夢壽金堂

白日期偕老幽泉忽悼亡國風尤在詠江漢近南陽

達奚吏部夫人寇氏挽歌二首

王維

束帶將朝日鳴環映牖辰能令明諫主相勸識賢人
遺桂空留壁迴文日覆塵金蠶將畫柳何處更知春

二

女史悲彤管夫人罷錦軒卜塋占二室行哭度千門

秋日光能淡寒川波自翻一朝成萬古松栢暗平原

故南陽郡夫人樊氏挽歌二首

王維

石窞恩榮重金吾車騎盛將朝每贈言入室還相敬
疊鼓秋笳動懸旌寒日映不言長不還環珮猶將聽

二

錦衣餘翟茀繡轂罷魚軒淑女詩長在夫人法尚存

凝笳隨曉旆行哭向秋原歸去將何見誰能返戟門

韓員外夫人清河縣君崔氏挽歌二首

唐詩類苑

卷之六十一

五

岑參

令德當時重高門舉世推從夫榮已絕封邑寵難追

陌上人皆惜花間鳥亦悲仙郎看隴月猶憶畫眉時

二

遽聞傷別劒忽復歎藏舟燈冷泉中夜衣寒地下秋

青松弔客淚丹旌路人愁徒有清河在空悲逝水流

鄭國夫人挽歌詞

趙良器

淑德延公冑宜家接帝姻桂宮男掌僕蘭殿女昇嬪
恩澤昭前命盈虛變此辰百年今已矣彤管列何人

鄧國太夫人挽歌

宋之問

鸞死鉛粧歌人亡錦字空悲端若能減渭水亦應窮
西河郡太原守張夫人挽詞

岑參

鵲印慶仍傳魚軒寵莫先從夫元凱貴訓子孟軻賢
龍是雙歸日鸞飛獨舞年哀容今共盡悽愴杜陵田

古挽歌

孟雲卿

草草間巷喧塗車儼成市死者何所須盡我生人意
北邙路非遠此別終天地臨穴頻撫棺至哀反無淚
爾形未衰老爾息纔童穉骨肉安可離皇天若容易
房幄即靈帳庭宇爲哀次薤露歌若斯人生盡如寄

唐詩類苑

卷之六十

三

古挽歌

沈千運

北邙不種田但種松與栢松栢未生處留待市朝客

古挽歌

趙微明

寒日蒿上明淒淒郭東路素車誰家子丹旌引將去
原下荆棘叢叢邊有新墓人生病長別此是長別處
曠野何蕭蕭風悲白楊樹

古挽歌

于鵠

雙轍出郭門綿綿東西道送死多於生幾人得終老
見此切肺肝不如歸山好不聞哀聲默然安懷抱
時盡從物化又免生靈擾世間壽考者益爲悲傷惱

二

送哭誰家車靈車紫帶長青童抱何物明月與香囊
可惜羅衣色看昇入水泉莫愁堦道暗燒漆得千年

三

陰一作風吹黃蒿挽歌渡秋水車馬却歸城孤墳月
明裏

挽歌詞

白居易

丹旌何飛揚素轡亦悲鳴晨光照園巷輿車儼欲行
蕭條九月天挽出重城借問送者誰妻子與弟兄
蒼苔上古原隰我開新塋舍數一兩哭與爾哀聲

唐詩類苑

卷之六十

華嚴經新墳日羅列春風草綠北邙山此地年
年生死別

唐詩類苑卷第六十一

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

樂部

總樂

隔壁聞秦伎

裴延

徒聞絃管切不見舞腰回賴有歌梁合塵飛一半來

三層閣上置音

太宗

唐詩類苑

卷六十一

綺筵移暮景紫閣引宵煙隔棟歌塵合分階舞影連
聲流三處管響亂一重絃不似秦樓上吹簫空學仙

釋奠日國學觀禮聞雅頌 滕珣

太學時觀禮東方曉色分威儀何棣棣環珮又紛紛

古樂從空盡清歌幾處聞六和成遠吹九奏動行雲

聖上尊儒學春秋奠茂勳幸因陪齒列聊以頌斯文

釋奠日國樂觀禮聞雅頌 令狐峒

肅肅先師廟依依胄子羣滿庭陳舊禮開戶拜清芬

萬舞當華燭簫韶入翠雲頌歌侵曉聽雅吹度風聞

澹泊調元氣中和美聖君惟餘東魯客踏舞向東薰

貢舉人謁先師聞雅樂 呂吳

禮聖來羣彥觀光在此時聞歌音乍速合樂和還遲

調明能偕竹聲微又契絲輕泠流篴簾繚繞動纓綉

九變將隨節三終必盡儀國風由是正王化自雍熙

貢舉人謁先師聞雅樂 王起

謁謁觀光士來同鵲羣羣鞠躬遺像在稽首雅歌聞

度曲飄清漢餘音遏曉雲兩楹淒已合九仞杳難分

斷續同清吹洪纖入紫氛長言聽已罷千載仰斯文

太常寺觀舞聖壽樂 徐元弼

舞字傳新慶人文邁舊章冲融和氣洽悠遠聖功長

唐詩類苑

卷六十一

盛德流無外明時樂未央日華增顧盼風物助低昂
翥鳳方齊首高鴻忽斷行雲門與茲曲同是奉陶唐

冊上公太常奏雅樂

司樂陳金石逶迤引上公奏音人語絕清韻珮聲通

應律煙雲改來儀鳥獸同德賢因舉頌脩禮便觀風

聖壽三稱內天觀九奏中寂寥高曲盡猶自滿宸聰

曉過南宮聞太常清樂 陸贄

南宮聞古樂拂曙聽初驚煙靄遙迷處絲桐暗辨名

節隨新律改聲帶緒風輕合雅將移俗同和自感情

遠音兼曉漏餘響過春城九奏明初日寥寥天地清

曉過南宮聞太常清樂 張濛

玉珂經禮寺金奏過南宮雅調乘清曉飛聲向遠空
慢隨飄去雪輕逐度來風迴出重城裏傍聞九陌中
應將肆夏比更與五英同一聽南薰曲因知大舜功

太常觀閱驃國新樂 胡直鈞

異音來驃國初被奉常人纔可宮商辨殊驚節奏新
轉規迴繡面曲折度文身舒散隨鸞吹喧呼雜鳥春
襟袵懷舊識絲竹變恒陳何事留中夏長令表化淳

郊壇聽雅樂

泰壇恭祀事彩仗下寒坳展禮陳嘉樂齊心動衆靈

唐詩類苑

卷六十一

三

韻長飄更遠曲度靜宜聽泛響何清越隨風散杳冥
微懸和氣聚旋退曉山青本自鈞天降還疑列洞庭

勤政樓觀樂

賈至

銀河帝女下三清紫禁笙歌出九城爲報延州來聽
樂須知天下欲昇平

答蘇庶子月夜聞家僮奏樂見贈

白居易

牆西明月水東亭一曲霓裳按小伶不敢邀君無別
意絃生管澁未堪聽

南園試小樂

白居易

南園班駁花初發新樂鏗鏘教欲成紅萼紫房皆手
植蒼頭碧玉盡家生高調管色吹銀字慢拽歌詞唱
渭城不飲一盃聽一曲將何安慰老心情

鄒律

蘇拯

鄒律暖燕谷青史徒編錄人心不變遷空吹閑草木
世患有三惑爾律莫能抑邊草有長征爾律莫能息
斯術未濟時斯律亦何益爭如至公一開口吹起賢
良霸邦國

樂府

古樂府

權德輿

唐詩類苑

卷六十一

四

光風淡蕩百花吐樓上朝朝學歌舞身年二八墜侍
中幼妹承恩兄尚主綠窓珠箔繡鴛鴦侍婢先焚百
和香鶯啼日出不知曙寂寂羅幃春夢長

古樂府

邵謁

對酒彈古琴絃中發新音新音不可辨十指幽怨深
妾顏不自保四時如車輪不知今夜月曾照幾時人
露滴芙蓉香銷心亦死良時無可留殘紅謝池水

古謠

王建

一東一西墮頭水一聚一散天邊霞一來一去道上
客一顛一倒池中祿

樂府

顧況

暖谷春光至宸遊近甸榮雲隨天仗轉風入御簾輕
翠蓋浮佳氣朱樓倚太清朝臣冠劍退宮女管絃迎
細草承雕輦繁花入幔城文房開聖藻武衛宿天營
玉醴隨觴至銅壺逐漏行五星含土德萬姓徹中聲
親祀先崇與躬推示勸耕國風新正樂農器近銷兵
道德關河固刑章日月明野人同鳥獸率舞感昇平

唐樂府十首

劉駕

唐樂府自送征夫至獻賀觴歌河湟之事也下土
土貢臣駕生于唐二十八年獲見明天子以德歸

唐詩類苑

卷之六十一

五

河湟地臣得與天下夫婦復爲太平人獨恨愚且
賤蠕蠕泥土中不得從臣後拜舞稱于上前情有
所發莫能自抑作詩十章名曰唐樂府雖不足貢
聲宗廟形容盛德而願與耕稼陶漁者歌田野江
湖間亦是自快

送征夫

昔送征夫苦今送征夫樂寒衣縱湧去應向歸時着
天子待功成別造凌煙閣

輸者歌

輓粟上高山高山若平地力盡心不怨同我家私事

去者不遑寧歸者唱歌行相逢古城下立語天未明
一身遠出塞十口無稅征

弔西人

河湟父老地盡知歸明主將軍入空城城下弔黃土
所願邊人耕歲歲生禾黍

邊軍過

城邊兵馬過城裏人高臥官家自供給畏我家產破
健兒食肥肉戰馬食新穀食飽物有餘所恨無兩腹
草青見軍過草白見軍回軍回人更多盡繫西戎來

望歸馬

唐詩類苑

卷之六十一

六

東人望馬歸馬歸蓮峯下蓮峯與地平亦不更徵兵

祝河水

河水清瀾瀾照見遠樹枝征人不飲馬再拜祝馮夷
從今億萬歲不見河濁時

田西邊

刀劍作鋤犁耕田古城下高秋禾黍多無地更放馬

崑山

昔時玉爲寶崑山過不得今時玉爲塵崑山入中國
白玉尚如塵誰肯愛金銀

樂邊人

在鄉身亦勞在邊腹亦飽父兄若一處任向邊頭老

獻賀觴

莫但取河湟河湟非邊疆願今日入處亦似天中央
天子壽萬歲再拜獻此觴

樂府體

曹鄴

蓮子房房嫩菖蒲葉葉齊共結池中根不厭池中泥

堂堂曲

溫庭筠

錢塘岸上春如織綠絲寒潮帶晴色淮南游客馬連嘶
嘶碧草迷人歸不得風飄客意如吹煙纖指殷勤傷鴈絃
一曲堂堂紅燭筵長鯨瀉酒如飛泉

唐詩類苑

卷之六十一

七

堂堂曲

李賀

堂堂復堂堂紅脫梅灰香十年粉蠹生畫梁飢蟲不食
摧碎黃蕙花已老桃葉長禁院懸簾隔御光華清源中
礬石湯徘徊白鳳隨君王

促促詞

張籍

促促復促促家貧夫婦懼不足今年爲人送租船去年
捕魚在江邊家中孤老子復小自執吳綃輸稅錢家家
桑麻滿地黑念君一身空努力願教牛蹄羊角直君身
常在應不得

促刺詞

王建

促刺復促刺水中無魚山無石少年雖嫁不將歸頭
白猶著父母衣四邊田宅非所有我身不及逐雞飛
出門若有歸死處猛虎當衢向前去百年不遺踏君
門在家誰喚爲新婦豈不見他隣舍娘嫁來常在舅
姑傍

西門行

李咸用

勞禽不擇枝飢虎不畏檻君子當固窮無爲仲由濫
爾奮空拳彼擊劍水縱長瀾火飛焰漢高偶試神蛇
驗武王龜筮驚人險四龍或躍猶依泉小孤勿恃衝
波膽

唐詩類苑

卷之六十一

八

白苧詞

戴叔倫

館娃宮中露華冷月落啼鴉散金井吳王扶頭酒初
醒秉燭張筵樂清景美人不眠憐夜永起舞亭亭亂
花影新裁白苧勝紅綃玉珮珠纓金步搖回鸞轉鳳
意自嬌銀箏錦瑟聲相調君恩如水流不斷但願年
年同此宵東風吹花落庭樹春色催人等閑去大家
爲歡莫延佇頃刻銅龍報天曙

宛轉行

張籍

華屋重翠幄綺席雕象牀遠漏微更疎薄衾中夜涼
爐氣暗徘徊寒燈背斜光妍姿結宵態寢辟幽夢長

宛轉復宛轉憶君更未央

達摩支曲 雜言

溫庭筠

擣麝成塵香不滅
拗蓮作寸絲難絕
紅淚文姬洛水
春白蘋蘇武天山
雪君不見無愁高緯
花漫漫漳浦
晏餘清露寒
一旦臣僚共囚虜
欲吹羌管先沈瀾
舊臣頭鬢霜華早
可惜雄心醉中老
萬古春歸夢不歸
鄴城風雨連天草

碌碌古詞

溫庭筠

左亦不碌碌
右亦不碌碌
野草自根肥
羸牛生健犢
融蟬作杏蒂
男兒不戀家
春風破紅意
女嬃如桃花

唐詩類苑

卷之六十一

九

忠言未見信
巧語翻咨嗟
一柄無一作沒
兩刃一作徒

勞油壁車

獨漉歌

王建

獨獨漉漉
鼠食猫肉
烏日中
鶴露宿
黃河水直
人心

曲

蜀國絃

李賀

楓香晚花靜
錦水南山影
驚石墜猿哀
竹雲愁半嶺
涼月生秋浦
玉沙粼粼光
誰家紅淚客
不忍過瞿塘

皎皎詞

劉駕

皎皎復皎皎
逢時卽爲好
高秋亦有花
不及當春草

班姬入後宮
飛燕舞東風
青娥中夜起

紇那曲詞二首

劉禹錫

楊柳鬱青青
竹枝無限情
周郎一回顧
聽唱紇那聲

二

隔浦望行船
頭昂尾憶憶
無柰晚來時
清淮春波軟

淮陰行四首

劉禹錫

古有長干行
言三江之事
悉矣余嘗阻
風淮陰作

淮陰行以裨樂府

簇簇淮陰市
竹樓綠岸上
好日起檣竿
烏飛經五兩

二

唐詩類苑

卷之六十一

十

今日轉船頭
金烏指西北
煙波與春草
千里同一色

三

船頭大銅環
摩挲光陳陳
早晚便風來
沙頭一眼認

四

何物令儂羨
羨郎船尾燕
銜泥趨檣竿
宿食長相見

無愁果有愁
曲北齊歌

李商隱

東有青龍西
白虎中含福
星包世度玉
壺渭水笑清

潭鑿天不到
牽牛處麒麟
踏雲天馬啼
牛山撼碎珊

瑚聲秋娥點
滴不成淚十
二玉樓無故
釘推烟唾月

拋千里十番
紅桐一行死
白楊別屋鬼
迷人空留暗

記如蠶紙日暮向風牽短絲血凝血散今誰是

董逃行

元稹

董逃董逃董卓逃指鏗戈甲聲勞嘈剗剗深臍脂焰
焰人皆歎曰爾獨不憶年年取我身上膏膏銷骨盡
煙火死長安城中賊毛起城門四走公卿士走勸劉
虞作天子劉虞不敢作天子曹瞞篡亂從此始董逃
董逃人莫喜勝負相環相枕倚縫綴難成裁易何況
曲針不能伸巧指欲學裁縫須準擬

調嘯詞二首

胡馬胡馬遠放燕支山下跑沙跑雪獨嘶東望西望

唐詩類苑

卷之六十一

土

路迷路迷路迷路迷路迷路迷路迷路迷路迷路迷

河漢河漢曉掛秋城漫漫愁人起望相思江南塞北
別離別離別離別離別離別離別離別離別離別離

東武吟

曹鄴

心如山上虎身若倉中鼠惆悵倚市門無人與之語
夜宴李將軍欲望心相許何曾聽我言貪諂邯鄲女
獨上黃金臺淒涼淚如雨

瑤華樂

李賀

穆天子走龍媒八轡冬隴逐天迴五精掃地凝雲開
高門左右日月環四方錯鏤稜層殷舞霞垂尾長盤

珊江澄海淨神母顏施紅點翠照虞泉曳雲拖玉
崑山列旆如松張蓋如輪金風殿秋清明發春八變
十乘轟如雲屯瓊鍾瑤席甘露文玄霜降雪何足云
薰梅染柳將贈君鉛華之水洗君骨與君相對作真
質

河中曲

李賀

長眉越沙控蘭若桂葉水荇春漠漠橫舟醉眠白雲
閒渡口梅風歌扇薄燕釵玉股照青渠越王嬌郎小
字書蜀紙封巾報雲鬢晚漏壺中水淋盡

浪淘沙詞

張籍

唐詩類苑

卷之六十一

土

鸚鵡洲頭浪颭沙青樓春望日將斜街泥燕子爭歸
舍獨自狂夫不憶家

浪淘沙詞六首

白居易

一泊沙來一泊去一重浪減一重生相挽相淘無歇
日會教山海一時平

白浪茫茫與海連平沙浩浩四無邊暮去朝來淘不
住遂令東海變桑田

青草湖中萬里程黃梅雨裏一人行愁見灘頭夜泊
處風翻暗浪打船聲

借問江潮與海水何似君情與妾心相恨不如潮有
信問江潮與海水何似君情與妾心相恨不如潮有

信相思始覺海非深

海底飛塵終有日山頭化石豈無時誰道小郎拋小

婦船頭一去沒歸期

隨波逐浪到天涯遷客生還有幾家却到帝鄉重富

貴請君莫忘浪淘沙

浪淘沙詞八首

劉禹錫

九曲黃河萬里沙浪淘風簸自天涯如今直上銀河

去同到牽牛織女家

洛水橋邊春日斜碧流清淺見瓊沙無端陌上狂風

急驚起鴛鴦出浪花

唐詩類苑

卷之六十一

十一

汴水東流虎眼文清淮曉色鴨頭春君看渡口淘沙

處渡却人間多少人

濯錦江邊兩岸花春風吹浪正淘沙女郎剪下鴛鴦

錦將向中流定晚霞

日照澄洲江霧開淘沙女伴滿江隈美人首飾侯王

印盡是沙中浪底來

八月濤聲吼地來頭高數丈觸山回須臾却入海門

去捲起沙堆是雪堆

莫道謔言如浪深莫言遷客似沙沉千淘萬漉雖辛

苦吹盡狂沙始到今

流水淘沙不暫停前波未滅後波生令人忽憶瀟湘

渚回唱迎神三兩聲

宛轉詞

王建

宛宛轉轉勝上紗紅紅綠綠苑中花紛紛泊泊夜飛

鷗寂寂寞寞離人家

兩頭纖纖

王建

兩頭纖纖言玉玦半白半黑頭上髮偏偏什什春冰

裂磊磊落落桃花結

鈞天

李商隱

上帝鈞天會衆靈昔人因夢到青冥伶倫吹裂孤生

竹却爲知音不得聽

唐詩類苑

卷之六十一

十四

鳳臺曲

王無競

鳳臺何逶迤羸女管參差一旦絲雲至身去無還期

遺曲此臺上世人多學吹一吹一落淚至今憐玉姿

鳳臺曲

李白

嘗聞秦帝女傳得鳳凰聲是日逢仙子當時別有情

人吹絲簫去天借綠雲迎曲在身不返空餘弄玉名

宮中三臺

王建

魚藻池邊射鴨芙蓉苑裏看花日色柘袍相似不着

紅鸞扇遮

池北池南草綠殿前殿後花紅天子千年萬歲未央
明月清風

江南三臺

王建

揚州橋邊少婦長安城裏商人二年不得消息各自
拜鬼求神

青草湖邊草色飛猿嶺上猿聲萬里湘江客到有風
有雨人行

幾度三臺
樹頭花落花開道上人去人來朝愁暮愁即老百年

閒身強健且爲頭白齒落難追準擬百年十歲能得
唐詩類苑 卷之六十一 十五

一作幾許多時

三臺詞二首

元稹

一年一年老去明日後日花開未報長安平定萬國
豈得銜盃

冰泮寒塘始綠雨餘百草皆生朝來門閭無事晚下
高齋有情

悲哉行

李咸用

雲色陰沉弄秋氣危葉高枝恨深翠用却春風力幾
多微霜逼迫何容易

唐詩類苑卷第六十一 終

唐詩類苑卷第六十二

明雲間張之象玄超甫纂輯

雲間黃體仁長卿甫編次

雲間王微叔朗甫補訂

梁谿曹仁孫伯安甫校正

樂部

樂府

有鳥二十章

元稹

有鳥有鳥名老鴟鴞張貪很老不衰似鷹指爪唯攫
肉戾天羽翮徒翰飛朝偷暮竊恣昏飽後顙前瞻高

唐詩類苑 卷之六十二 十一

樹枝珠丸彈射死不去意在護巢兼護兒

有鳥有鳥毛似鶴行步雖遲性靈惡主人但見閑慢

容許占蓬萊最高閣翮羽長憂俊鶴拳疽腸暗著一作

把鷓鴣啄千年不灰伴靈龜臬心鶴貌何人覺

有鳥有鳥如鸛雀食蛇抱磐天姿惡行經水滸爲毒

流羽拂酒杯爲歎藥漢后忍渴天豈知驪姬墳池君

寧覺嗚呼爲有白色毛亦得乘軒謬稱鶴

有鳥有鳥名爲鳩毛衣軟毳心性柔鶻緣暖足憐不

喫鷄爲同科會共游飛飛漸上高高閣百鳥不猜稱

好速佳人許伴鷓鴣食望爾化爲張氏鉤

有鳥有鳥名野雞天姿耿介行步齊主人偏養
頓玉粟克腸瑤樹棲池塘潛狎不鳴鴈津梁暗引無
用鵝秋鷹近逐霜鵝遠鵬鳥護巢當晝啼主人頻問
遣妖術力盡計窮音響悽當時何不早量分莫遣輝
光深照泥

有鳥有鳥羣翠碧毛羽短長心並窄皆會偷食淥池
魚前去後來更逼迫食魚滿腹各自飛池上見人長
似客飛飛就占嘉樹林百鳥不爭緣鳳惜

有鳥有鳥羣紙鷁因風假勢童子牽去地漸高人眼
亂世人爲爾羽毛全風吹繩斷童子走餘勢尚存猶

唐詩類苑

卷之六十二

在天愁爾一朝還到地落在深泥誰復憐

有鳥有鳥名啄木木中求食常不足偏吟鄧林求一
蟲蟲孔未穿長觜秃木皮已穴蟲在心蟲蝕木心根
抵覆可憐樹上百鳥兒有時飛向新林宿

有鳥有鳥衆蝙蝠長伴佳人占華屋妖鼠多年羽翮
生不辨雌雄無本族穿墻伺隙善潛身晝伏宵飛惡
明燭大厦雖存柱石傾暗嚙棟梁成蠹木

有鳥有鳥名爲鴉深藏孔穴難動搖鷹鷂遠樹探不
得隨珠彈盡聲轉嬌主人煩惑罷擒取許占神林爲
物妖當時幸有燎原火何不鼓風連夜燒

有鳥有鳥名燕子口中未省無泥滓春風吹送歸
間秋社驅將嵌孔裏雷驚雨灑一時蘇雲壓霜摧半
年灰驅去驅來長信風暫託棟梁何用喜

有鳥有鳥名體鳥貪癡突諄天下無田中攫肉吞不
足偏入諸巢探衆鷁歸來仍占主人樹腹飽巢高聲
響羸山鷗野鵲開受肉鳳皇不得聞罪辜秋鷹掣斷
架上索利爪一揮毛血落可憐鷗鵲慕腥膻猶向巢
邊競紛紛

有鳥有鳥謂白鵲雪毛皓白紅背殷貴人妾婦愛光
彩行提坐臂怡朱顏妖姬謝寵辭金屋彫籠又伴新

唐詩類苑

卷之六十三

人宿無心爲主擬銜花空長白毛映紅肉

有鳥有鳥羣雀兒中庭啄粟籬上飛秋鷹欺小嫌不
食鳳皇容衆從爾隨大鵬忽起遮白日餘風簸蕩山
岳移翩翾百萬徒驚噪扶搖勢遠何由知古來妄說
銜花報縱解銜花何所爲可惜官倉無限粟伯夷餓
死黃口肥

有鳥有鳥皆百舌舌端百轉聲咄啞先春盡學百鳥
啼真僞不分聽者悅伶倫鳳律亂宮商蟠木天鷄誤
時節朝朝暮暮主人耳桃李無言管絃咽五月炎光
朱火盛陽焰燒陰幽響絕安知不是卷舌星化作剛

刀一時截

有鳥有鳥毛羽黃雄者為鴛雌者鴛主人併養七十
二羅列彫籠開洞房雄鳴一聲雌鼓翼夜不得栖朝
不食氣息榻然雙翅垂猶入籠中就顏色

有鳥有鳥名鷓鴣鈴子眼精蒼錦襦貴人腕軟憐易
臂奮肘一揮前後呼俊鷓無由拳狡免金鷓不得擒
魅狐文王長在苑中獵何日非熊休賣屠

有鳥有鳥名鸚鵡養在雕籠解人語主人曾問私所
聞因說妖姬暗欺主主人方惑翻見疑赴歸籠底雙
翅垂山鷓野雀怪鸚語競噪爭窺無已時君不見隋

唐詩類苑

卷之六十三

四

朝隴頭姥嬌養雙鸚鵡新婦一鸚曾說婦無儀悍婦
殺鸚欺主母一鸚閉口不復言母問不言何太久鸚
言悍婦殺鸚由母為逐之鄉里醜當時主母信爾言
顧爾微禽命何有今之主人翻爾疑何事籠中漫開
口

有鳥有鳥名俊鷓鷯小鷓癡俊無匹鷓鷯拂鷓血迸
天狡兔中拳頭粉骨平明度海朝未食挾上秋空雲
影沒瞥然飛下人不知攪碎荒城魅狐窟

有鳥有鳥真白鶴飛上九霄雲漠漠司晨守夜悲鷓
天啄腐吞腥笑鷓鷯堯年值雪度關山晉室聞琴下

寥廓遼東盡爾千歲人悵望橋邊舊城郭

有酒十章

元稹

有酒有酒鷓初鳴夜長睡足神慮清悄然危坐心不
平浩思一氣初彭亨瀕洞浩汗真無名胡不終渾成
胡為沈濁以升清蠱然分畫高下程天蒸地鬱羣動
萌毛鱗裸介如擊擊鳴呼萬物紛已生我可奈何今
杯一傾

有酒有酒東方明一杯既進吞元精尚思天地之始
名一元既二分濁清地居方直天體明胡不八荒
圻如砥平胡山高屹崒海泓澄胡不日車杲杲晝夜

唐詩類苑

卷之六十三

五

行胡為月輪滅缺星暉昴嗚呼不得真宰情我可奈
何今杯載傾

有酒有酒今湛淥波飲將愉今氣彌和念萬古之紛
羅我獨慨然而浩歌歌曰天耶地耶肇萬物耶儲胥
大庭之君耶恍耶忽耶有耶傳而信耶久而謬耶文
字生而義農作耶仁義則聖賢出耶炎始暴耶蚩
尤熾耶軒轅戰耶不得已耶仁耶聖耶愍人之毒耶
天蕩蕩耶堯穆穆耶豈其讓耶歸有德耶舜其貪耶
德能嗣耶豈其讓耶授有功耶禹功大耶人戴之耶
益不逮耶啓能德耶家天下耶桀後嗣耶於後嗣之

榮則可耶於天下之榮其可耶嗚呼遠堯舜之日耶
何棄舜之速耶辛癸虐耶湯武革耶順天意耶公天
下耶踵夏桀嗣私其公耶並建萬國均其私耶專征
遽伐闕海內耶秦掃其類威定之耶二代而殞守不
仁耶漢魏而降乘其機耶短長理亂繁其術耶堯耶
舜耶終不可逮耶將德之者不位位者不逮其德耶
時耶時耶時其可耶我可奈何今一杯又進歌且歌
有酒有酒今醺今溟仰天大呼今天漫漫兮高兮青
高兮漫兮吾孰知天否與靈取人之仰者無乃在乎
昭昭乎曰與夫日星何三光之並照兮奄雲雨之冥
冥幽妖倏忽兮水怪族形龜鼉岸走兮海若闕鯨河
潰潰兮愈濁濟翻翻兮不寧地噴雲而出穴虎嘯風
今屢鳴汗高巢而鳳去兮瀟厚地而芝蘭以之不生
葵心傾兮何向松影直而孰明人懼愁兮戴榮天寂
默兮無聲嗚呼天在雲之上今人在雲之下兮又安
能決雲而上征嗚呼既上征之不可今我奈何今杯
復傾

有酒有酒香滿尊君寧不飲開君顏豈不知君飲此
心恨君人獨醒誰與言君寧不見颶風翻海火燎原
巨鼇唐突高焰延精衛銜蘆塞海枯魚噴沫救池燔

筋疲力竭波更大鱗焦甲裂身已乾有翼勸爾升九
天有鱗勸爾登龍門九天下視日月轉龍門上激雷
雨奔蟾蜍雖怒誰爾懼鵲旦雖啼誰爾憐搏空意遠
風來壯我可奈何今一杯又進消我煩

有酒有酒歌且哀江春例早多早梅櫻桃桃李相續
開間以木蘭之秀香裊徊東風吹盡南風來鶯聲漸
澀花摧隤四月清和豔殘卉芍藥蘼紅蒲映水夏龍
痛毒雪雨多蒲葉離披豔紅死紅豔猶存榴樹花紫
苞欲綻高節成竹冒霜雪榴花落地還銷歇
萬古盈虧相逐行君看夜夜當牕月榮落虧盈可奈
何生成未遍霜霰過霜霰過今無奈何靈芝之質絕荆
棘多荆棘多今可奈何可奈何今終奈何秦皇堯舜
俱腐骨我可奈何今又進一杯歌復歌

有酒有酒方爛漫飲酣拔劍心眼亂聲若雷碎日流
電醉舞翻環身眩轉乾綱倒輒維旋白日橫空星
宿見一夫心醉萬物變何況蚩尤之蹴踏安得不以
熊羆戰嗚呼風后力牧得親見我可奈何今又進一
杯除健羨

有酒有酒今告臨江風漫漫兮波長渺渺今注海海
蒼蒼兮路茫茫彼萬流之混入今又安能分若呖洽

淮河與夫岷吳之巨江味作鹹而若一雖甘淡兮誰
謂爾爲良濟涓涓而縷貫將奈何今萬里之渾黃鯨
歸穴兮渤溢鼇載山兮低昂陰火然兮衆族沸渭颶
風作兮晝夜猖狂顧千珍與萬怪兮皆委潤而深藏
信天地之渚蓄兮我可奈何今一杯又進兮包大荒
有酒有酒今日將落餘光委照在林薄陽烏撩亂兮
屋上栖陰怪跳趨兮水中躍月爭光兮星又繁燒極
空兮焰仍燦我可奈何今時既昏一杯又進兮聊處
廓

有酒有酒今再祝祝予心兮何欲欲天泰而地寧欲
唐詩類苑 卷之六十二 八

人康而歲熟欲鳳翥而鵷隨兮欲龍亨而驥逐欲日
盛而星微兮欲滋蘭而殲毒欲人欲而天從苟天未
從今我可奈何今一杯又進聊自足

華之巫

元稹

有一人兮神之側廟森森兮神默默神默默兮可奈
何願一見神兮何可得女巫索我何所有神之開閉
予之手我能進若神之前神不自言寄予口爾欲見
神安爾身買我神錢沽我酒我家又有神之盤爾進
此盤神爾安此盤不進行路難陸有推車舟有溺我
聞此語長太息豈有神明欺正直爾居大道誰南北

恣矯神言假神力兮神未悟行道之人不得度我欲
見神誅爾巫豈是因巫假神祐爾巫爾巫爾獨不聞
乎與其媚於奧不若媚於竈使我傾心事爾巫吾寧
驅車守吾道爾巫爾巫且相保吾心自有丘之禱

廟之神

元稹

我馬煩兮釋我車神之廟兮山之阿予一拜而一祝
祝予心之無涯涕洟瀾而零落神寂默而無譁神兮
神兮奈神之寂默而不言何復再拜而再祝鼓吾腹
兮歌吾歌歌曰今耶古耶有耶無耶福不自神耶神
不福人耶巫爾惑耶稔而誅耶謁不得耶終不可謁

唐詩類苑

卷之六十二

九

耶返吾駕而遵吾道廟之木兮山之花

獻平淮夷雅表

柳宗元

臣宗元言臣負罪竄伏違尚書牋奏十有四年聖
恩寬宥命守遐壤懷印曳紱有社有人臣宗元誠
感誠荷頓首頓首伏惟睿聖文武皇帝陛下天造
神斷克清大憝金鼓一動萬方畢臣太平之功中
興之德推校千古無所與讓臣伏自忖度有方剛
之力不得備戎行敢死命况今已無事思報國恩
獨惟文章伏見周宣王時獘中興其道彰大子後
罕及然徵於詩大小雅其選徒出狩則車攻吉日

命官分土則嵩高韓奕烝人南征北伐則六月采
芑平淮夷則江漢常武鏗鉤炳耀盪人耳目故宣
王之形容與其輔佐由今望之若神人然此無他
以雅故也臣伏見陛下自卽位以來平夏州夷劔
南取江東定河北今又發自天衷克剪淮右而大
雅不作臣誠不佞然不勝憤懣伏以朝多文臣不
敢盡專數事謹撰平淮夷雅二篇雖不及尹吉甫
召穆公等庶施諸後代有以佐唐之光明謹昧死
再拜以獻臣宗元誠恐誠懼頓首頓首謹言

平淮夷雅二篇 并序

柳宗元

唐詩類苑

卷之六十二

十

皇武命丞相度董師集大功也

皇者其武于激于淮旣巾乃車環蔡其來狡衆昏瞶
甚毒于醒狂奔呌呌以干大刑○皇咨于度惟汝一
德曠誅四紀其後汝克錫汝斧鉞其往視師師是蔡
人以宥以釐○度拜稽首廟于元龜旣禡旣類于社
是宜金節煌煌錫盾雕戈犀甲熊旂威命是荷○度
拜稽首出次于東天子餞之疊疊是崇鼎牖俎載五
獻百籩凡百卿士班以周旋○旣涉于瀘乃翼乃前
就圖厥猶其佐多賢宛宛周道于山于川遠揚遐罪
降連連○我旆我旗于道三陌訓三羣帥拳勇來

格公曰徐之無恃領領式和爾容惟義之宅○進次
于郾彼昏卒狂哀兇鞠頑蜂螭斧螳赤子匍匐厥父
是亢怒其萌芽以恃太陽○王旅渾渾是佚是怙旣
獲敵師若饑得餉蔡兇伊窘悉起來聚左擣其虛靡
愆厥慮○載闢載被丞相是臨施其武刑諭我德心
其危旣安有長如林曾是謹諒化爲謳吟○皇曰來
歸汝復相予爵之成國胖以夏區度拜稽首天子聖
神度拜稽首皇祐下人○淮夷旣平震是朔南宜廟
宜郊以告德音歸牛休馬豐稼于野我武惟皇永保
無疆

唐詩類苑

卷之六十二

十一

皇武十有一章章八句

方城命愬守也卒入蔡得其大醜以平淮右
方城臨臨王卒峙之匪微匪競皇有正命皇命于愬
往舒余仁踣彼艱頑柔惠是馴○愬拜卽命于皇之
訓旣礪旣攻以後厥刃王師巍巍熊羆是式銜勇韜
力日思予殛○寇昏以狂敢蹈愬疆士獲厥心大袒
高驤長戟酋矛粲其綏章右翦左屠聿禽其良○其
良旣宥告以父母恩柔于肌卒貢爾有維彼攸恃乃
偵乃誘維彼攸宅乃發乃守○其恃爰獲我功我多
陰謀厥圖以究爾訛雨雪洋洋大風來加于燠其寒

千邇其遐○汝陰之茫懸瓠之峨是震是拔大殲厥家狡虜既縻輸于國都示之市人卽社行誅○乃諭乃止蔡有厚喜完其室家仰父俯子汝水云云旣清而瀾蔡人行歌我步逶遲○蔡人歌矣蔡風和矣孰類蔡初胡軫爾居式慕以康爲愿有餘是究是咨皇德旣舒○皇曰咨翹裕乃父功昔我文祖惟西平是庸內誨于家外刑于邦孰是蔡人而不率從○蔡人率止惟西平有子西平有子惟我有臣疇允大邦俾惠我人于廟告功以顧萬方

方城十有一章章八句

唐詩類苑

卷之六十二

十三

唐饒歌鼓吹曲十二篇

并序

柳宗元

負罪臣宗元言臣幸以罪居永州受食府廩竊活性命得視息無治事時恐懼小閭又盜取古書文句聊以自娛伏惟漢魏以來代有饒歌鼓吹詞惟唐獨無有臣爲郎時以太常聯禮部嘗聞鼓吹署有戎樂詞獨不列今又考漢曲十二篇魏曲十四篇晉曲十六篇漢歌詞不明紀功德魏晉歌功德具今臣竊取晉魏義用漢篇數爲唐饒歌鼓吹曲十二篇紀高祖太宗功能之神奇因以知取天下之勤勞命將用師之艱難每有戎事治兵振旅幸

歌臣辭以爲容且得大戒宜敬而不害臣淪棄卽死言與不言其罪等耳猶冀能言有益國事不敢效怨懟默已謹冒死上

隋亂旣極唐師起晉陽平姦豪爲生人義主以仁興武爲晉陽武第一

晉陽武奮義威煬之渝德焉歸氓畢屠殺者誰皇烈烈專天機號以仁揚其旗日之昇九土晞訴田圻流洪輝有其二翼餘隋斬梟驚連熊螭枯以肉勅者羸后土蕩玄穹彌合之育莽然施惟德輔慶無期

晉陽武二十六句

唐詩類苑

卷之六十二

十三

唐旣受命李密自敗來歸以開黎陽斥東土

爲獸之窮第二

獸之窮奔大麓天厚黃德狙獷服甲之橐弓弭矢服皇旅靖敵逾蹙自亡其徒匪予戮屈賢猛虔慄慄靡以尺組噉以秩黎之陽土茫茫富兵戎盈倉箱乏者德莫能享驅豺兕授我疆

獸之窮二十二句

太宗師討王克建德助逆師奮擊武牢下擒之遂降充爲戰武牢第三

戰武牢動河朔逆之助圖犄角怒敵讎抗喬嶽翹頭

俄霜電王謀內定申掌握鋪施芟夷二主縛憚華戎
廓封畧命之曹卑以斯歸有德唯先覺

戰武牢十八句

薛舉據涇以死子仁杲尤勇以暴師平之爲

涇水黃隴第四

涇水黃隴野茫負太白騰天狼有鳥驚立羽翼張鉤
喙決箭鏃飛驚饑嘯不可當老雄死子復良
巢岐飲渭水期期頓地紘提天綱列缺掉幟招搖耀
鉉鬼神來助夢嘉祥腦塗原野魄飛揚星辰復恢一
方

唐詩類苑

卷之六十二

古

涇水黃二十四句

輔氏憑江淮竟東海命將平之爲奔鯨沛第

五

奔鯨沛盪海垠吐霓翳日腥浮雲帝怒下顙哀塗
授以神柄推元臣手援天矛截脩鱗披攘蒙霧開海
門地平水靜浮天根義和顯耀乘清氛赫炎溥暢融
大鈞

奔鯨沛十八句

梁之餘保荆衡巴巫窮南越良將取之不以
師爲苞拊第六

苞拊黔矣惟根之蟠彌巴蔽荆負南極以安曰我舊
梁氏緝綏艱難江漢之阻都邑固以兇聖人作神武
用有臣勇智奮不以衆投跡死地謀猷縱化敵爲家
慮則中浩浩海裔不威而同係縲降王定厥功澶漫
萬里宣唐風變夷九譯咸來從凱旋金奏像形容震
赫萬國罔不襲

苞拊二十八句

李軌保河右師臨之不克變或執以降爲河

右平第七

河右澶漫頑爲之魁王師如雷震崑崙以顙上聾下

唐詩類苑

卷之六十二

五

聰驚不可迴助讐抗有德惟人之災乃潰乃奮執縛
歸厥命萬室蒙其仁一夫則病濡以鴻澤皇之聖威
畏德懷功以定順之于理物咸遂厥性

河右平十八句

突厥之太古夷狄莫強焉師大破之降其國

告于廟爲鐵山碎第八

鐵山碎大漠舒二虜勁連穹廬背北海專坤隅歲來
侵邊或傳于都天子命元帥奮其雄圖破定襄降魁
渠窮竟窟宅斥余吾百蠻破膽邊氓蘇威武燁耀明
鬼區利澤瀾萬祀功不可踰官臣拜手惟帝之謨

鐵山碎二十二句

劉武周敗裴寂咸有晉地太宗滅之爲靖本

邦第九

本邦伊晉惟時不靖根柢之搖枝葉攸病守臣不任
勤于神聖惟鉞之興翦焉則定洪惟我理式和以敬
羣頑既夷庶績咸正皇謨載大惟人之慶

靖本邦十四句

李靖滅吐谷渾西海上爲吐谷渾第十

吐谷渾盛疆背西海以夸歲侵擾我疆退匿險且退
帝謂神武師往征靖皇家烈烈旆其旗熊虎雜龍蛇

唐詩類苑

卷之六十二

十六

王旅千萬人銜枚默無譁東刃踰山徼張翼縱漠沙
一舉刈羶腥尸骸積如麻除惡務本根沉敢遺萌芽
洋洋西海水威命窮天涯係虜來王都犒樂窮休嘉
登高望還師竟野如春華行者靡不歸親戚謹要遮
凱旋獻清廟萬國思無邪 吐谷渾二十六句

李靖滅高昌爲高昌第十一

魏氏雄西北別絕臣外區既恃遠且險縱傲不我虞
烈烈王者師熊螭以爲徒龍旂翻海浪駟騎馳坤隅
賁育搏嬰兒一掃不復餘平沙際天極但見黃雲驅
臣靖執長纓智勇伏囚拘文皇南面坐夷狄千羣起

咸稱天子神往古不得俱獻號天可汗以覆我國都
兵戎不交害各保性與軀 高昌二十二句

既克東蠻羣臣請圖蠻夷狀如周書王會爲

東蠻第十二

東蠻有謝氏冠帶理海中自言我異世雖聖莫能通
王卒如飛翰鵬鷺駭羣龍轟然自天墜乃信神武功
繫虜君臣人累累來自東無思不服從唐業如山崇
百辟拜稽首咸願圖形容如周王會書永永傳無窮
睢盱萬狀乖伊嗚九譯重廣輪撫四海濤濤知皇風
歌詩鐃鼓間以壯我元戎 東蠻二十二句

唐詩類苑

卷之六十三

十七

咏民詩

柳宗元

帝昃民情匪幽匪明慘或在腹已如色聲亦無動威
亦無止力弗動弗止惟民之極帝懷民昃乃降明德
乃生明翼明翼者何迺房迺杜惟房與杜實爲民路
迺定天子迺開萬國萬國既分迺釋蠹民迺學與仕
迺播與食迺器與用迺貨與通有作有遷無遷無作
士實蕩蕩農實董董工實蒙蒙賈實融融左右惟一
出入惟同攝儀以引以遵以肆其風旣流品物載休
品物載休惟天子守乃二公之久惟天子明乃二公
之成惟百辟正乃二公之令惟百辟穀乃二公之祿

二公行矣弗敢憂縱是獲憂共二公居矣弗敢泰止是獲泰已既柔一德四夷是則四夷是則永懷不忒

貞符 并序

柳宗元

負罪臣宗元惶恐言臣所貶州流人吳武陵爲臣言董仲舒對三代受命之符誠然非耶臣曰非也何獨仲舒爾自司馬相如劉向楊雄班彪彪子固皆公襲嗤嗤推古瑞物以配天命其言類淫巫瞽史誑亂後代不足以知聖人立極之本顯至德揚大功甚失厥趣臣爲尚書郎時嘗著貞符言唐家正德受命於生人之意累積厚久宜享年無極之

唐詩類苑

卷之六十二

七

義本末閱閣會貶逐中輟不克備究武陵卽叩頭邀臣此大事不宜以辱故休缺使聖王之典不立無以抑詭類拔正道表覈萬代臣不勝奮激卽具爲書念終泯沒蠻夷不聞于時獨不爲也苟一明大道施于人世死無所憾用是以決臣宗元稽首拜首以聞曰

孰稱古初朴蒙空憫而無爭厥流以訛越乃奮敎關怒振動專肆爲淫威曰是不知道惟人之初總總而生林林而羣雪霜風雨雷電暴其外於是乃知架巢空穴挽草木取皮革饑渴牝牡之欲毆其內於是乃

知噬禽獸咀果穀合偶而居交焉而爭睽焉而鬪力

大者搏齒利者齧爪剛者決羣衆者軋兵良者殺披

披藉藉草野塗血然後強有力者出而治之往往爲

曹於險阻用號令起而君臣什伍之法立德紹者嗣

道怠者奪於是有聖人焉曰黃帝遊其兵車交貢乎

其內一統類齊制量然猶大公之道不克建於是有

聖人焉曰堯置州牧四岳持而綱之立有德有功有

能者參而維之運臂率指屈伸把握莫不統率堯年

老舉聖人而禪焉太公乃克建由是觀之厥初罔匪

極亂而後稍可爲也非德不樹故仲尼敘書於堯曰

唐詩類苑

卷之六十一

七

克明峻德於舜曰濬哲文明於禹曰文命祗承于帝於湯曰克寬克仁彰信兆民於武王曰有道會孫稽揆典誓貞哉惟茲德實受命之符以莫永祀後之妖淫歸昏好怪之徒乃始陳大電大虹玄鳥巨跡白狼白魚流火之鳥以爲符斯爲詭譎闕誕其可羞也而莫知本于厥貞漢用大度克懷于有氓登賢庸能濯瘼煦寒以瘳以熙茲其爲符也而其妄臣乃下取虺蛇上引天光推類號休用夸誣于無知氓增以騶虞神鼎勝殿縱吏俾束之泰山石閭作大號謂之封禪皆尚書所無有莽述承效卒奮驚逆其後有賢帝曰

光武克綏天下復承舊物猶崇赤伏以玷厥德魏晉而下尤亂鉤裂厥符不貞邦用不靖亦罔克久駁乎無以議爲也積大亂至于隋氏環四海以爲鼎跨九垓以爲鑪爨以毒燎煽以虐焰其人沸湧灼爛號呼騰蹈莫有救止於是大聖乃起不降霖雨滄滌盪沃蒸爲清氣疎爲冷風人乃溍然休然相睎以生相持以成相彌以寧琢斯屠剔膏流節離之禍不作而人乃克完平舒愉尸其肌膚以達于夷途焚圻抵犄奔走轉死之害不作而人乃克鳩類集族歌舞悅懌用祇于元德徒奮袒呼犒迎義旅謹動六合至于麾下

唐詩類苑

卷之六十二

二十

大盜豪據阻命遏德義威殄戮咸墜厥緒無劉于虐人乃並受休嘉去隋氏克歸于唐躡躡謳歌灝灝和寧帝庸威栗惟人之爲敬莫厥賦積藏于下是謂豐國鄉爲義廩斂發謹飭歲丁大侵人以有年簡于厥刑不殘而懲是謂嚴威小屬而支大生而孥愷悌祇敬用底于治凡其所欲不謁而獲凡其所惡不祈而息四夷稽服不作兵革不竭貨力丕揚于後嗣用垂于帝式十聖濟厥治孝仁平寬惟祖之則澤久而逾深仁增而益高人之戴唐永永無窮是故受命不于天于其人休符不于祥于其仁惟人之仁匪祥于天

匪祥于天茲惟貞符哉未有喪仁而久者也未有恃祥而壽者也商之王以桑穀昌以雉雒大宋之君以法星壽鄭以龍衰魯以麟弱白雉亡漢黃犀死莽惡在其爲符也不勝唐德之代光紹明濬深鴻龐大保人斯無疆宜薦于郊廟文之雅詩祇告于德之休帝曰謏哉乃黜休祥之奏究貞符之奧思德之所未大求仁之所未備以極于邦治以敬于人事其詩曰於穆敬德黎人皇之惟貞厥符浩浩將之仁函于膚刃莫畢屠澤燄于鸞鸞災以泮殄厥凶德乃毆乃夷懿其休風是煦是吹父子熙熙相寧以嬉賦徹而藏

唐詩類苑

卷之六十二

二十一

厚我糗糧刑輕以清我肌靡傷貽我子孫百代是康于聖嗣于治仁后之子子思孝父易患于已拱之戴之神具爾宜載揚于雅承天之嘏天之誠神宜鑒于仁神之曷依宜仁之歸濮公于北祝栗于南幅員西東祇一乃心祀唐之紀後天罔墜祝皇之壽與地咸久曷徒祝之心誠篤之神協人同道以告之俾彌億萬年不震不危我代之延永永毗之仁增以崇曷不爾思有號于天僉曰嗚呼咨爾皇靈無替厥符

正樂府十篇

并序

皮日休

樂府蓋古聖王採天下之詩欲以知國之利病民

之休戚者也得之者命司樂氏入之於墳荒和之以管籥詩之美也聞之足以觀乎功詩之刺也聞之足以戒乎政故周禮太師之職掌教六詩小師之職掌諷誦詩由是觀之樂府之道大矣今之所謂樂府者唯以魏晉之侈麗陳梁之浮艷謂之樂府詩真不然矣故嘗有可悲可懼者時宜於詠歌總十篇故命曰詩樂府詩

辛妻怨

河湟戍卒去一半多不迴家有半菽食身爲一囊灰官吏按其籍伍中斥其妻處處魯人墜家家祀婦哀唐詩類苑卷之六十二
少者任所歸老者無所攜况當札瘥年米粒如瓊瑰
纍纍作餓殍見之心若摧其夫死鋒刃其室委塵埃
其命卽用矣其賞安在哉豈無黔敖恩救此窮餓骸
誰知白骨士念此翻欵欵

橡媪歎

秋深橡子熟散落榛蕪崗偃偃黃髮媪拾之踐晨霜
移時始盈掬盡日方滿筐幾曝復幾蒸用作三冬糧
山前有熟稻紫穗襲人香細撻又精春粒粒如玉瑤
持之納于官私室無倉箱如何一石餘只作五斗量
狡吏不畏刑貪官不避賊晨時私債晨早歸官倉

自冬及于春橡實誑饑腸吾聞田成子詐仁猶自王
吁嗟逢橡媪不覺淚沾裳

貪官怨

國家省閭吏賞之皆與位素來不知書豈能精吏理
大者國宰邑小者皆尉史愚者若混沌毒者如雄虺
傷哉堯舜民肉袒受鞭箠吾聞古聖王天下無遺士
朝廷及下邑治者皆仁義國家選賢良定制兼拘忌
所以用此徒令之充祿仕何不廣取人何不廣歷試
下位既賢哉上位何如矣胥徒賞以財俊造悉爲吏
天下若不平吾當甘棄市

唐詩類苑

卷之六十二

三

農父諶

農父冤辛苦向我述其情雖將一人農可備十人征
如何江淮粟輓漕輸咸京黃河水如電一半沈與傾
均輸利其事職司安敢評三川豈不農三輔豈不耕
奚不車其粟用以供天兵美哉農父言何計達王程

路臣恨

路臣何方來去馬真如龍行驕不動塵蒲轡金籠
人自天來將避荆棘叢不覺止桂下蒼苔
十夫掣鞭策御之如驚鴻日行六七鄧督若鷹
路臣慎勿憩憩則利刃鋒方侶雨天命正

七雄戰爭時賓旅猶自通如何太平世動步却途窮

賤貢士

南越貢珠璣西蜀進羅綺到京未晨旦一一見天子
如何賢與俊爲貢賤如此所知不可求敢望前席事
吾聞古聖人射宮親選士不肖盡屏跡賢能皆得位
所以謂得人所以稱多士歎息幾編書時哉又何異

頌夷臣

夷師本學外仍善唐文字吾人本尚捨何況夷臣事
所以不學者反爲夷臣戲所以尸祿人反爲夷臣忌
吁嗟華風衰何嘗不由是

唐詩類苑

卷之六十二

二十四

惜義鳥

商顏多義鳥義鳥實可嗟危巢米壘隱在栲木花
他巢若有鷦乳之如一家他巢若遭捕投之同一羅
商人每秋貢所貴復如何飽以稻粱滋節以組繡華
惜哉仁義禽委戲於宮娥吾聞鳳之貴仁義亦足夸
所以不遭捕蓋緣生不多

誚虛器

襄陽作髹器中有庫露真持以遺北虜給云生有神
每歲走其使所費如雲屯吾聞古聖王修德來遠人
未聞作巧詐用欺禽獸君吾道尚如此戎心安足云

如何漢宣帝却得呼韓臣

哀隴民

隴山千萬仞鷦鷯巢其巔窮危又極嶮其山猶不全
蚩蚩隴之民懸度如登天空中覘其巢陰有爭紛然
百禽不得一十人九死焉隴川有戍卒戍卒亦不閑
將命提雕籠直到金臺前彼毛不自珍彼舌不自言
胡爲輕人命奉此玩好端吾聞古聖王珍禽皆捨旃
今此隴民屬每歲啼漣漣

唐詩類苑

卷之六十二

二十五

唐詩類苑卷第六十三

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

樂部

樂府

新樂府

并序

白居易

序曰凡九千二百五十二言斷爲五十篇篇無定句句無定字繫於意不繫於文首句標其目卒章

唐詩類苑

卷之六十三

顯其志詩三百之義也其辭質而徑欲見之者易諭也其言直而切欲聞之者深誠也其事覈而實使采之者傳信也其體順而肆可以播於樂章歌曲也總而言之爲君爲臣爲民爲物爲事而作不爲文而作也

七德舞

美撥亂陳王業也

七德舞七德歌傳自武德至元和元和小臣白居易觀舞聽歌知樂意樂終稽首陳其事太宗十八舉義兵白旄黃鉞定兩京擒克戮寶海清二十有四功業成二十有九卽帝位三十有三致太平功成理定

何神速速在推心置人腹亡卒遺骸散帛收骸人

子分金贖魏徵夢見天子泣張謹哀聞辰日哭怨女

三千放出宮死囚四百來歸獄剪鬚燒藥賜功臣李

勣嗚咽思殺身含血吮瘡撫戰士思摩奮呼乞效死

不獨善戰善乘時以心感人人心服爾來一百九十

載天下至今歌舞之歌七德舞七德聖人有作垂無

極豈徒耀神武豈徒誇聖文太宗意在陳王業王業

艱難示子孫

法曲歌

美列聖正華聲也

法曲法曲歌大定積德重熙有餘慶永徽之人舞而

唐詩類苑

卷之六十三

二

詠法曲法曲舞霓裳政和世理音洋洋開元之人樂且康法曲法曲歌堂堂堂堂之慶垂無疆中宗肅宗復鴻業唐祚中興萬萬葉法曲法曲合夷歌夷聲邪亂華聲和以亂干和天寶末明年胡塵犯宮闕乃知法曲本華風苟能審音與政通一從胡曲相參錯不辨興亡與哀樂願求牙曠正華音不令夷夏相交侵

二王後

明祖宗之意也

二王後彼何人介公鄴公爲國賓周武隋文之子孫古人有言天下者非是一人之天下周亡天下傳于隋隋人失之唐得之唐興十葉歲二百介公鄴公世

爲客明堂太廟朝享時引居賓位備威儀備威儀助郊祭高祖太宗之遺制不獨與滅國不獨繼絕世欲令嗣位守文君亡國子孫取爲戒

海漫漫 戒求僊也

海漫漫直下無底傍無邊雲濤煙浪最深處人傳中有三神山山上多生不死藥服之羽化爲天僊秦皇漢武信此語方士年年採藥去蓬萊今古但聞名煙水茫茫無覓處海漫漫風浩浩眼穿不見蓬萊島不見蓬萊不敢歸童男艸女舟中老徐福文成多誑誕上元太一虛祈禱君看驪山頂上茂陵頭畢竟悲風

唐詩類苑

卷之六十三

三

吹蔓草何況玄元聖祖五千言不言藥不言僊不言

白日昇青天

立部伎 刺雅樂之替也

立部伎鼓笛喧舞雙劍跳七九嫋巨索掉長竿太常部伎有等級堂上者坐堂下立堂上坐部笙歌清堂下立部鼓笛鳴笙歌一曲衆側耳鼓笛萬曲無人聽立部賤坐部貴坐部退爲立部伎擊鼓吹笙和雜戲立部又退何所任始就樂懸操雅音雅音替壞一至此長令爾輩調宮徵圓丘后土郊祀時言將此樂感神祇欲望鳳來百獸舞何異北轅將適楚工師愚賤

安足云太常三卿爾何人

華原磬 刺樂工非其人也

華原磬華原磬古人不聽今人聽泗濱石泗濱石今人不擊今人擊古人古人何不同用之捨之由樂二樂工雖在耳如壁不分清濁卽爲龔梨園弟子調律呂知有新聲不如古古稱浮磬出泗濱立辯致死聲感人宮懸一聽華原石君心遂亡封疆臣果然胡寇從燕起武臣少肯封疆死始知樂與時政通豈聽鏗鏘而已矣磬裏入海去不歸長安市人爲樂師華原磬與泗濱石清濁兩聲誰得知

唐詩類苑

卷之六十三

四

上陽白髮人 愍怨曠也

上陽人紅顏暗老白髮新綠衣監使守宮門一閉上陽多少春玄宗末歲初選入入時十六今六十同時采擇百餘人零落年深殘此身憶昔吞悲別親族扶入車中不教哭皆云入內便承恩臉似芙蓉胸似玉未容君王得見面已被楊妃遙側目妬令潛配上陽宮一生遂向空房宿秋夜長夜長無寐天不明耿耿殘燈照背影蕭蕭暗雨打牕聲春日遲日遲獨坐天難暮宮鶯百轉愁厭聞梁燕雙棲老休妬歸燕去長悄然春往秋來不記年唯向深宮望明月東西四

五百迴圓今日宮中年最老大家遙賜尚書號小頭
鞋履窄衣裳青黛點眉眉細長外人不見見應笑天
寶末年時世粧上陽人苦最多少亦苦老亦苦少苦
老苦兩如何君不見昔時呂尚美人賦又不見今日
上陽白髮歌

胡旋女 戒近習也

胡旋女胡旋女心應絃手應鼓絃鼓一轉雙袖舉一
雪飄飄轉蓬舞左旋右轉不知疲千匝萬周無已時
人間物類無可比奔車輪緩旋風遲曲終再拜謝天
子天子爲之微啓齒胡旋女出康居徒勞東來萬里
唐詩類苑 卷之六十三 五
餘中原自有胡旋者闢妙爭能爾不如天寶季年時
欲變臣妾人人學圓轉中有太真外祿山二人最道
能胡旋梨花園中冊作妃金鷄障下養爲兒祿山胡
旋迷君眼兵過黃河疑未反貴妃胡旋惑君心死棄
馬嵬念更深從茲地軸天維轉五十年來制不禁胡
旋女莫空舞數唱此歌悟明主

新豐折臂翁 戒邊功也

新豐老翁八十八頭鬢眉鬢皆似雪玄孫扶向店前
行左臂憑肩右臂折問翁臂折來幾年兼問致折何
因緣翁云貫屬新豐縣生逢聖代無征戰慣聽梨園

歌管聲不識旗槍與弓箭無何天寶大徵兵戶有三
丁點一丁點得驅將何處去五月萬里雲南行聞道
雲南有瀘水椒花落時瘴煙起大軍徒涉水如湯未
過十人二三死邨南邨北哭聲哀兒別爺娘夫別妻
皆云前後征蠻者千萬人行無一迴是時翁年二十
四兵部牒中有名字夜深不敢使人知偷將大石鎚
折臂張弓箠旗俱不堪從茲使免征雲南骨碎筋傷
非不苦且圖揀退歸鄉土此臂折來六十年一肢雖
廢一身全至今風雨陰寒夜直到天明痛不眠痛不
眠終不悔且喜老身今獨在不然當時瀘水頭身死
唐詩類苑 卷之六十三 六
魂飛骨不收應作雲南望鄉鬼萬人塚上哭啾啾老
人言君聽取君不聞開元宰相宋開府不賞邊功防
黷武又不聞天寶宰相楊國忠欲求恩幸立邊功邊
功未立生人怨請問新豐折臂翁

太行路 借夫婦以諷君臣不終也

太行之路能摧車若比君心是坦途巫峽之水能覆
舟若比君心是安流君心好惡苦不常好生毛羽惡
生瘡與君結髮未五載豈期牛女爲參商古稱色衰
相棄背當時美人皆怨悔何況如今鸞鏡中妾顏未
改君心改爲君薰衣裳君聞蘭麝不馨香爲君盛容

飾君看珠翠無顏色行路難難重陳人生莫作婦人身百年苦樂由他人行路難難於山險於水不獨人間夫與妻近代君臣亦如此君不見左納言右納史朝承恩暮賜死行路難不在水不在山只在人情反覆間

司天臺 引古以儆今也

司天臺仰觀俯察天人際義和死來職事廢官不求賢空取藝昔聞西漢元成間上陵下替謫見天北辰微暗少光色四星煌煌如火赤耀芒動角射三台上台半減中台圯是時非無太史官眼見心知不敢言

唐詩類苑

卷之六十三

七

明朝趨入明光殿唯奏慶雲壽星見天文時變兩如斯九重天子不得知不得知安用臺高百尺爲

捕蝗 刺長吏也

捕蝗捕蝗誰家子天熱日長饑欲死興元兵久傷陰陽和氣蠱蠹化爲蝗始自兩河及三輔荐食如蠶飛似雨雨飛蠶食千里間不見青苗空赤土河南長吏言憂農課人晝夜捕蝗蟲是時粟米錢三百蝗蟲之價與粟同捕蝗捕蝗竟何利徒使饑人重勞費一蟲雖死百蟲來豈將人力定天災我聞古之良吏有善政以政驅蝗蝗出境又聞貞觀之初道欲昌文皇仰

天吞一蝗一人有慶兆民賴是歲雖蝗不爲害

昆明春水滿 思王澤之廣被也

昆明春昆明春春池岸古春流新影浸南山青澗瀟波沈西日紅齋淪往年因旱靈池竭龜尾曳塗魚煦沫詔開分水注恩波千介萬鱗同日活今來淨淥水照天游魚鱗鱗蓮田田洲香社若抽心短沙暖鴛鴦鋪翅眠動植飛沈皆遂性皇澤如春無不被漁者仍豐網罟資貧人久獲菰蒲利詔以昆明近帝城宦家不得收其征菰蒲無租魚無稅近水之人感君惠感君惠獨何人吾聞率土皆王民遠民何疎近何親願

唐詩類苑

卷之六十三

八

推此惠及天下無遠無近同欣欣吳興山中罷推若鄱陽坑裏休封銀天涯地角無禁利熙熙同似昆明春

城鹽州 美聖謨而誚邊將也

城鹽州城鹽州城在五原原上頭蕃東節度鉞闡布忽見新城當要路金鳥飛傳贊普聞建牙傳箭集羣臣君臣顏面有憂色皆言勿謂唐無人自築鹽州十餘載左衽氍毹不犯塞晝牧牛羊夜捉生長去新城百里外諸邊急驚來戍人唯此一道無烟塵靈夏潛安誰復辯秦原暗通何處見鄯州驛路好馬來長安

藥肆黃著賤城鹽州城鹽州未城天子憂德宗按圖
自定計非關將畧與廟謀吾聞高宗中宗世北虜猖
狂最難制韓公創築受降城三城鼎峙屯漢兵東西
亘絕數千里耳聆不聞胡馬聲如今邊將非無策心
笑韓公築城壁相看養冠爲身謀各握強兵固恩澤
願分今日邊將恩褒贈韓公封子孫誰能將此鹽州
曲翻作歌詞聞至尊

道州民 美臣遇明主也

道州民多侏儒長者不過三尺餘市作矮奴年進送
號爲道州任土貢任土貢寧若斯不聞使人生別離

唐詩類苑

卷之六十三

九

老翁哭孫母哭兒一自陽城來守郡不進矮奴煩詔
問城云臣按六典書任土貢有不貢無道州水土所
生者只有矮民無矮奴吾君感悟璽書下歲貢矮奴
宜悉罷道州民老者幼者何欣欣父兄子弟始相保
從此得作良人身道州民民到于今受其賜欲說使
君先下淚仍恐兒孫忘使君生男多以陽爲字

馴犀 感爲政之難終也

馴犀馴犀通天犀軀貌駭人角駭雞海蠻聞有明天
子驅犀乘傳來萬里一朝得謁大明宮歡呼拜舞自
論功五年馴養始堪獻六譯語言方得通上嘉人獸

俱來遠蠻館四方犀入苑鉢以瑤蒨鑲以金故鄉迢
遞君門深海鳥不知鐘鼓樂池魚空結江湖心馴犀
生處南方熱秋無白露冬無雪一入上林三四年又
逢今歲苦寒月飲冰臥霰苦踈跼角骨凍傷鱗甲踣
馴犀死蠻兒啼向闕再三顏色低奏乞生歸本國去
恐身凍死似馴犀君不見建中初馴象生還放林邑
君不見貞元末馴犀凍死蠻兒泣所嗟建中異貞元
象生犀死何足言

五絃彈 惡鄭之奪雅也

五絃彈五絃彈聽者傾耳心寥寥趙璧知君入骨愛
唐詩類苑 卷之六十三 十

五絃一一爲君調第一第二絃索索秋風拂松疎韻
落第三第四絃冷冷夜鶴憶子籠中鳴第五絃聲最
掩抑隴水凍咽流不得五絃並奏君試聽淒淒切切
復鐸鐸鐵擊珊瑚一兩曲水寫玉盤千萬聲殺聲入
耳膚血寒慘氣中人飢骨酸曲終聲盡欲半日四座
相對愁無言座中有一遠方士唧唧咨咨聲不已自
嘆今朝初得聞始知孤負平生耳唯憂趙璧白髮生
老死人間無此聲遠方士耳聽五絃信爲美吾聞正
始之音不如是正始之音其若何朱絃踈越清廟歌
一彈一唱再三嘆曲澹節稀聲不多融融曳曳召元

氣聽之不覺心平和人情重今多賤古古琴有絃人不撫更從趙壁藝成來二十五絃不如五

蠻子朝 刺將驕而相備位也

蠻子朝汎皮船今渡繩橋來自舊州道路遙入界先經蜀川過蜀將收功先表賀臣聞雲南六詔蠻東連牂牁西連蕃六詔星居初瑣碎合爲一詔漸強大開元皇帝雖聖神唯蠻倔強不來賓鮮于仲通六萬卒征蠻一陣全軍沒至今西洱河岸邊箭孔刀痕滿枯骨誰知今日慕華風不勞一人蠻自通誠由陛下休明德亦賴微臣誘諭功德宗省表知如此笑令中使

唐詩類苑

卷之六十三

十一

迎蠻子蠻子道從者誰何摩挲俗羽雙隈伽清平官持赤藤杖大將軍繫金咭嗟異牟尋男尋閣勸持敕召對延英殿上心貴在懷遠蠻引臨玉座近天顏冕旒不垂親勞俸賜衣賜食移時對移時對不可得大臣相看有美色可憐宰相拖紫佩金章朝日唯聞對一刻

驃國樂 欲王化之先邇後遠也

驃國樂驃國樂出自大海西南角雍羌之子舒難陀來獻南音奉正朔德宗立仗御紫庭粧纈不塞爲爾聽玉螺一吹推髻聳銅鼓一鑿文身踊珠纓炫轉星

宿搖花鬋抖擻龍蛇動曲終王子啓聖人臣父願爲唐外臣左右歡呼何翕習皆尊德廣之所及須臾百辟詣閣門俯伏拜表賀至尊伏見驃人獻新樂請書國史傳子孫時有擊壤老農父暗測君心閒獨語聞君政化甚聖明欲感人心致太平感人在近不在遠太平由實非由聲觀身理國國可濟君如心令民如體體生疾苦心慘懷民得和平君愷悌貞元之民若未安驃樂雖聞君不歡貞元之民苟無病驃樂不來君亦聖驃樂驃樂徒喧喧不如聞此芻蕘言

縛戎人 達窮民之情也

唐詩類苑

卷之六十三

十二

縛戎人縛戎人耳穿面破驅入秦天子矜憐不忍殺詔徙東南吳興越黃衣小使錄姓名領出長安乘遞行身被金瘡面多瘡扶病徒行日一驛朝餐饑渴費杯盤夜臥腥臊汚牀席忽逢江水憶交河垂手齊聲嗚咽歌其中一虜語諸虜爾苦非多我苦多同伴行人因借問欲說喉中氣憤憤自云鄉管本涼原大曆年中沒落蕃一落蕃中四十載身著皮裘繫毛帶唯許正朝服漢儀斂衣整巾潛淚垂誓心密定歸鄉計不得蕃中妻子知暗思自有殘筋骨更恐年衰歸不得蕃候嚴兵鳥不飛脫身冒死奔逃歸畫伏宵行經大

漢雲陰月黑風沙惡驚藏青塚寒草疎偷渡黃河夜
水薄忽聞漢軍鼙鼓聲路傍走出再拜迎游騎不聽
能漢語將軍遂縛作蕃生配向江南卑濕地定無存
卹空防備念此吞聲仰訴天若爲辛苦度殘年涼原
鄉井不得見胡地妻兒虛棄捐沒蕃被囚思漢土歸
漢被劫爲蕃虜早知如此悔歸來兩地寧如一處苦
縛戎人戎人之中我苦辛自古此冤應未有漢心漢
語吐蕃身

驪宮高 美天子重惜人之財力也

高高驪山上有宮朱樓紫殿三四重遲遲兮春日玉

唐詩類苑

卷之六十三

十一

甃煖兮溫泉溢嫋嫋兮秋風山蟬鳴兮宮樹紅翠華
不來歲月久牆有衣兮瓦有松吾君在位已五載何
不一幸于其中西去都門幾多地吾君不游深有意
一人出兮不容易六官從兮百司備八十一車千萬
騎朝有飲宴暮有賜中人之產數百家未足充君一
日費吾君修己人不知不自逸兮不自嬉吾君愛人
人不識不傷財兮不傷力驪宮高兮高入雲君之來
兮爲一身君之不來兮爲千萬人

百鍊鏡 美皇王鑒也

百鍊鏡鎔範非常規日辰處所靈且祇江心波上舟

中鑄五月五日日午時瓊粉金膏磨瑩已化爲一片
秋潭水鏡成將獻蓬萊宮揚州長吏手自封人間臣
妾不合照背有九五飛天龍人人呼爲天子鏡我有
一言聞太宗太宗常以人爲鏡鑒古鑒今不鑒容四
海安危居掌內百王治亂懸其中乃知天子別有鏡
不是揚州百鍊銅

青石 敬忠烈也

青石出自藍田山兼車運載來長安工人磨琢欲何
用石不能言我代言不願作人家墓前神道碣墳土
未乾名已滅不願作官家道傍德政碑不鐫實錄鐫

唐詩類苑

卷之六十三

十四

虛辭願爲顏氏段氏碑雕鏤太尉與太師刻此兩片
堅貞質狀彼二人忠烈姿義心若石屹不轉死節名
流確不移如觀奮擊朱泚日似見叱呵希烈時各於
其上題名謚一置高山一沈水陵谷雖遷碑獨存骨
化爲塵名不死長使不忠不烈臣觀碑改節慕爲人
慕爲人勸事君

兩米閣 刺佛寺寢多也

兩米閣南北相對起借問何人家貞元雙帝子帝子
吹簫雙得仙五雲飄颻飛上天第宅亭臺不將去化
爲佛寺在人間粧閣妓樓何寂靜柳似舞腰池似鏡

花落黃昏悄悄時不聞歌吹聞鐘聲寺門救榜金字
書尼院佛庭寬有餘清苔明月多閑地比屋疲人無
處居憶昨平陽宅初置吞併平人幾家地仙去雙雙
作梵宮漸恐人間盡爲寺

西涼伎 刺封疆之臣也

西涼伎假面胡人假獅子刻木爲頭絲作尾金鍍眼
睛銀帖齒奮迅毛衣雙擺耳如從流沙來萬里紫髯
深目兩胡兒鼓舞跳梁前致辭應似涼州未陷日安
西都護進來時須臾云得新消息安西路絕歸不得
泣向獅子涕雙垂涼州陷沒知不知獅子回頭向西

唐詩類苑

卷之六十三

七

望哀吼一聲觀者悲貞元邊將愛此曲醉坐笑看看
不足享賓犒士宴三軍獅子胡兒長在目有一征夫
年七十見弄涼州低面泣泣罷歛手白將軍主憂臣
辱昔所聞自從天寶兵戈起犬戎日夜吞西鄙涼州
陷來四十年河隴侵將七千里平時安西萬里疆今
日邊防在鳳翔綠邊空屯十萬卒飽食溫衣閒過日
遺民腸斷在涼州將卒相看無意收天子每思常痛
惜將軍欲說合慙羞奈何仍看西涼伎取笑資歡無
所愧縱無智力未能收忍取西涼弄爲戲

八駿圖 戒奇物懲佚游也

穆王八駿天馬駒後人愛之寫爲圖背如龍兮頸如
象骨竦筋高肌肉壯日行萬里速如飛穆王獨乘何
所之四荒八極踏欲遍三十二蹄無歇時屬車軸折
趁不及黃屋草生棄若遺瑤池西赴王母宴七廟經
年不親薦璧臺南與盛姬游明堂不復朝諸侯白雲
黃竹歌聲動一人荒樂萬人愁周從后稷至文武積
德累功世勤苦豈知纔及四代孫心輕王業如灰土
由來尤物不在大能蕩君心則爲害文帝却之不肯
乘千里馬去漢道興穆王得之不爲戒八駿駒乘周
室壞至今此物世稱珍不知房星之精下爲害八駿

唐詩類苑

卷之六十三

七

圖君莫愛

澗底松 念寒雋也

有松百尺大十圍生在澗底寒且卑澗深山險人跡
絕老死不逢工度之天子明堂欠梁木此求彼有兩
不知誰諭蒼蒼造物意但與之材不與地金張世祿
原憲貧牛衣寒賤貂蟬貴貂蟬與牛衣高下雖有殊
高者未必賢下者未必愚君不見沈沈海底生珊瑚
歷歷天上種白榆

牡丹芳 美天子憂農也

牡丹芳牡丹芳黃金葉綻紅玉房千片赤英霞爛爛

百枝絳點燈煌煌照地初開錦繡段當風不結蘭麝
裳仙人琪樹白無色王母桃花小不香曉露輕盈汎
紫豔朝陽照耀生紅光紅紫二色間深淺向背萬態
隨低昂映葉多情隱羞面臥叢無力含醉粧低嬌笑
容疑掩口凝思怨人如斷腸穠姿貴彩信奇絕雜卉
亂花無比方石竹金錢何細碎芙蓉芍藥苦尋常遂
使王公與卿士游花冠蓋日相望庫車軟轡貴公主
香衫細馬豪家郎衛公宅靜閉東院西明寺深開北
廊戲蝶雙舞看人久殘鶯一聲春日長共愁日照芳
難駐仍張帷幕垂陰涼花開花落二十日一城之人

唐詩類苑

卷之六十三

十七

皆若狂三代以還文勝質人心重華不重實重華直
至牡丹芳其來有漸非今日元和天子憂農桑卹下
動天天降祥去歲嘉禾生九穗田中寂莫無人至今
年瑞麥分兩岐君心獨喜無人知無人知可嘆息我
願暫求造化力減却牡丹妖豔色少迴卿士愛花心
同似吾君憂稼穡

紅線毯 憂蠶桑之費也

紅線毯擇蠶繅絲清水煮揀絲練線紅藍染染爲紅
線紅於藍織作披香殿上毯披香殿廣十丈餘紅線
織成可殿鋪絲絲葺葺香拂拂線軟花虛不勝物美

人踏上歌舞來羅襪繡鞋隨步沒太原毯澀毳纓硬
蜀都襍薄錦花冷不如此毯溫且柔年年十月來宣
州宣城太守加樣織自謂爲臣能竭力百夫同擔進
宮中線厚絲多卷不得宣城太守知不知一丈毯千
兩絲地不知寒人要暖少奪人衣作地衣

杜陵叟 傷農夫之困也

杜陵叟杜陵居歲種薄田一頃餘三月無雨旱風起
麥苗不秀多黃死九月降霜秋旱寒禾穗未熟
乾長吏明知不申破急斂暴徵求考課典桑賈地納
官租明年衣食將何如剥我身上帛奪我口中粟虛

唐詩類苑

卷之六十三

十八

人害物卽豺狼何必鉤爪鋸牙食人肉不知何人奏
皇帝帝心惻隱知人弊白麻紙上書德音京畿盡放
今年稅昨日里胥方到門手持尺牒榜鄉邨十家租
稅九家畢虛受吾君蠲免恩

繚綾 念女工之勞也

繚綾繚綾何所似不似羅綃與紈綺應似天台山
明月前四十五尺瀑布泉中有文章又奇絕地鋪白
烟花簇雪織者何人衣者誰越溪寒女漢宮姬去年
中使宣口敕天上取樣人間織織爲雲外秋鴈行染
作江南春水色廣裁衫袖長製裙金斗熨波刀剪紋

異彩奇文相隱映轉側看花看不定昭陽舞人恩正
深春衣一對直千金汗沾粉污不再着曳土踏泥無
惜心繚綾織成帶功績莫比尋常繒與帛絲細縹多
女手疼扎扎千聲不盈尺昭陽殿裡歌舞人若見縹
時應也惜

賣炭翁 苦官市也

賣炭翁伐薪燒炭南山中滿面塵灰煙火色兩鬢蒼
蒼十指黑賣炭得錢何所營身上衣裳口中食可憐
身上衣正單心憂炭賤願天寒夜來城外一尺雪曉
駕炭車輾冰轍牛困人饑日已高市南門外泥中歇
翩翩兩騎來是誰黃衣使者白衫兒手把文章口稱
敕迴車叱牛率向北一車炭重千餘斤官使驅車惜
不得半疋紅紗一丈綾繫向牛頭充炭直

母別子 刺新間舊也

母別子子別母白日無光哭聲苦關西驃騎大將軍
去年破虜新策勳救賜金錢二百萬洛陽迎得如花
人新人迎來舊人棄掌上蓮花眼中刺迎新棄舊未
足悲悲在君家留兩兒一兒扶行一始坐坐啼行哭
牽人衣以汝夫婦新嬾婉使我母子生別離不如林
中鳥與鵲母不失雛雄伴雌應似園中桃李樹花落

隨風子在枝新人新人聽我語洛陽無限紅樓女但
願將軍重立功更有新人勝於汝

陰山道 疾貪虜也

陰山道陰山道紇羅敦肥水泉好每至戎人送馬時
道傍千里無纖草草盡泉枯馬病羸飛龍但印骨與
皮五十疋縑易一匹縑去馬來無了日養無所用去
非宜每歲死傷十六七縑絲不足女工苦踈織短截
充足數藕絲蛛網三尺餘迴鶻訴稱無用處咸安公
主號可敦遠爲可汗頌奏論元和二年下新敕內出
金帛酬馬直仍詔江淮馬價縑從此不令踈短織合
羅將軍呼萬歲捧授金銀與縑絲誰知黠虜貪心
明年馬多來一倍縑漸好馬漸多陰山虜奈爾何

時世粧 警戒也

時世粧時世粧出自城中傳四方時世流行無遠近
腮不施朱面無粉烏膏注脣脣似泥雙眉畫作八字
低妍蚩黑白失本態粧成盡似含悲啼圓鬟無鬢堆
髻樣斜紅不暈赭面狀昔聞被髮伊川中卒有見之
知有戎元和粧梳君記取髻堆面赭非華風

李夫人 鑒辟惑也

漢武帝初喪李夫人夫人病時不肯別死後留得生

前恩君恩不盡念未已甘泉殿裏今寫真丹青寫出
竟何益不言不笑愁殺人又令方士合靈藥玉釜煎
鍊金爐焚九華帳深夜悄悄及魂香降夫人魂夫人
之魂在何許香煙引到焚香處既來何苦不須更縈
緲悠揚還滅去去何速今來何遲是耶非耶兩不知
翠蛾髮髻平生貌不似昭陽寢疾時魂之不來君心
苦魂之來今君亦悲背燈隔帳不得語安用暫來還
見遲傷心不獨漢武帝自古及今皆若斯君不見穆
王三日哭重壁臺前傷盛姬又不見太陵一掬淚馬
嵬坡下念楊妃縱令妍姿艷質化爲土此恨長在無
唐詩類苑 卷之六十三 主

有情不如不遇傾城色

陵園妾 憐幽閉也

陵園妾顏色如花命如葉命如葉薄將奈何一奉寢
宮年月多年月多時光換春愁秋思知何限青絲髮
落叢鬢疎紅玉膚銷繫裙縵憶昔宮中被妬猜因讞
得罪配陵來老母啼呼赴車別中官監送鎖門迴山
宮一閉無開日此身未死不令出松門到曉月徘徊
栢城盡日風蕭瑟松門栢城幽閉深聞蟬聽燕感光
陰眼看菊蕊重陽淚手把梨花寒食心把花掩淚無

人見綠蕪牆遶青苔院四季徒支粧粉錢三朝不識
君王面遙想六宮奉至尊宣徽雪夜浴堂春雨露之
恩不及者猶聞不啻三千人我爾君恩何厚薄願令
輪轉直陵園三歲一來均苦樂

鹽商婦 惡幸人也

鹽商婦多金帛不事田農與蠶績南北東西不失家
風水爲鄉船作宅本是揚州小家女嫁得西江大商
客綠鬟富去金釵多皓腕肥來銀釧窄前呼蒼頭後
叱婢問爾因何得如此塔作鹽商十五年不屬州縣
屬天子每年鹽利入官時少入官家多入私官家利
唐詩類苑 卷之六十三 主

杏爲梁 刺居處奢也

杏爲梁桂爲柱何人堂室李開府碧砌紅軒色未乾
去年身沒今移主高其牆大其門誰家宅第盧將軍
素泥朱板光未滅今歲官收別賜人開府之堂將軍
宅造未成時頭已白逆旅重居逆旅中心是主人身

是客更有愚夫念身後心雖甚長計非久窮奢極麗
越規模付子傳孫令保守莫教門外過客聞撫掌迴
頭笑殺君君不見馬家宅尚猶存宅門題作奉誠園
君不見魏家宅屬他人詔贖賜還五代孫儉存奢失
今在目安用高牆圍大屋

井底引銀瓶 止淫奔也

井底引銀瓶銀瓶欲上絲繩絕石上磨玉簪玉簪欲
成中央折瓶沈簪折知奈何似妾今朝與君別憶昔
在家爲女時人言舉動有殊姿嬋娟兩鬢秋彈琵琶
轉雙蛾遠山色笑隨戲伴後園中此時與君未相識

唐詩類苑

卷之六十三

七

妾弄青梅憑短牆君騎白馬傍垂楊牆頭馬上遙相
顧一見知君卽斷腸知君斷腸共君語君指南山松
栢樹感君松栢化爲心暗合雙鬟逐君去到君家舍
五六年君家大人頗有言聘則爲妻奔是妾不堪主
祀奉蘋蘩終知君家不可住其奈出門無去處豈無
父母在高堂亦有親情滿故鄉潛來更不通消息今
日悲羞歸不得爲君一日恩悞妾百年身寄言癡小
人家女慎勿將身輕許人

官牛 諷執政也

官牛官牛駕官車漣水岸 漣水一石沙幾斤重

朝載暮載將何用載向五門官道西綠槐陰下鋪沙
堤昨來新拜右丞相恐怕泥塗汚馬啼右丞相馬啼
踏沙雖淨潔牛領牽車欲流血右丞相但能濟人治
國調陰陽官牛領穿亦無妨

紫毫筆 譏失職也

紫毫筆尖如錐今利如刀江南石上有老兔喫竹飲
泉生紫毫宣城之人采爲筆千萬毛中選一毫毫雖
輕功甚重管勒工名充歲貢君今臣今勿輕用勿輕
用將何如願賜東西府御史願頌左右臺起居握管
趨入黃金闕抽毫立在白玉除臣有奸邪正衙奏君

唐詩類苑

卷之六十三

十四

有動言直筆書起居卽侍御史爾知紫毫不易致每
歲宣城進筆時紫毫之價如金貴慎勿空將彈失儀
慎勿空將錄制詞

隋堤柳 憫亡國也

隋堤柳歲久年深盡衰朽風飄飄兮雨蕭蕭三株兩
株汴河口老枝病葉愁殺人曾經大業年中春大業
年中煬天子種柳成行夾流水西自黃河東至淮綠
隱一千三百里大業末年春暮月柳色如烟絮如雪
南幸江都恣佚游應將此柳繫龍舟紫髯卽將護錦
纜青蛾御史直迷樓海內財力此時竭舟中歌笑何

日休上荒下困勢不久宗社之危如綴旒煬天子自言福祚長無窮豈知皇子封鄴公龍舟未過彭城閭義旗已入長安宮蕭牆禍生人事變晏駕不得歸秦中土墳數尺何處吳公臺下多悲風二百年來汴河路沙草和煙朝復暮後王何以鑒前王請看隋堤亡國樹

草茫茫 懲厚葬也

草茫茫土蒼蒼蒼茫茫在何處驪山脚下秦皇墓墓中下涸三重泉當時自以爲深固下流水銀象江海上海上綴珠光作烏兔別爲天地於其間擬將富貴隨身去一朝盜掘墳陵破龍棹神堂三月火可憐寶玉歸人間暫借泉中買身禍奢者狼籍儉者安一凶一吉在眼前憑君迴首向南望漢文葬在灞陵原

古塚狐 戒艷色也

古塚狐妖且老化爲婦人顏色好頭變雲鬟面變粧大尾曳作長紅裳徐徐行傍荒邨路日欲暮時人靜處或歌或舞或悲啼翠眉不舉花鈿低忽然一笑千萬態見者十人八九迷假色迷人猶若是真色迷人應過此彼真此假俱迷入人心惡假貴重真狐假女妖害猶淺一朝一夕迷人眼女爲狐媚害却深日增

唐詩類苑

卷之六十三

五

月長溺人心何況褒姒之色善蠱惑能喪人家覆人國君看爲害淺深聞豈將假色同真色

黑潭龍 疾貪吏也

黑潭水深色如墨傳有神龍人不識潭上架屋官立祠龍不能神人神之豐凶水旱與疾疫鄉里皆言龍所爲家家養豚漉清酒朝祈暮賽依巫口神之來今風飄飄紙錢動今錦傘搖神之去今風亦靜香火滅今盃盤冷肉堆潭岸石酒潑廟前草不知龍神享幾多林鼠山狐長醉飽狐何幸豚何辜年年殺豚將餒狐狐假神龍食豚盡九重泉底龍無知

唐詩類苑

卷之六十三

五

天可度 惡詐人也

天可度地可量惟有人心不可防但見丹誠赤如血誰知僞言巧似簧勸君掩鼻君莫掩使君夫婦爲參商勸君掇蜂君莫掇使君父子爲豺狼海底魚今天上鳥高可射今深可釣惟有人心相對時只尺之間不能料君不見李義府之輩笑欣欣笑中有刀潛殺人陰陽神變皆可測不測人間笑是瞋

秦吉了 哀冤民也

秦吉了出南中彩毛青黑花頸紅耳聰心慧舌端巧鳥語人言無不通昨日長爪鷲今日大觜烏鷲捐乳

燕一窠覆鳥啄母雞雙眼枯雞號墮地燕驚去然後
拾卵攫其雛豈無鵬與鸚喙中食飽不肯搏亦有鸞
鶴群閒立颺高如不聞秦吉了人云爾是能言鳥豈
不見雞燕之冤苦吾聞鳳凰百鳥主爾竟不爲鳳凰
之前致一言安用噪噪閒言語

鷓鴣九劍 思決壅也

歐冶子死千年後精靈暗授張鷓鴣九劍鑄吳山
中天與日時神借功金鐵騰精火翻焰踴躍求爲鏤
鄒劍劍成未試十餘年有客持金買一觀誰知開匣
長思用三尺青蛇不肯蟠客有心劍無口客代劍言
唐詩類苑 卷之六十三 七
告鷓九君勿矜我玉可切君勿誇我鍾可刺不如持
我決浮雲無令漫漫蔽白日爲君使無私之光及萬
物蠶蟲昭蘇萌芽出

采詩官 鑒前王亂亡之由也

采詩官采詩聽謠導人言言者無罪聞者誠下流上
通上下泰周滅秦興至隋氏十代采詩官不置郊廟
歌登讚君美樂府艷調悅君意若求諷諭規刺言萬
句千章無一字不是章句無規刺漸及朝廷絕諷議
諫臣杜口爲冗員諫鼓高懸作虛器一人負展常端
默百辟入門皆自媚夕郎所賀皆德音春官每奏唯

祥瑞君之堂今千里遠君之門今九重闕君耳唯聞
堂上言君眼不見門前事貪吏害民無所忌奸臣蔽
君無所畏君不見厲王胡亥之末年群臣有利君無
利君今君今願聽此欲開壅蔽達人情先向歌詩求
諷刺

唐詩類苑

卷之六十三

七

唐詩類苑卷第六十四

明雲間張之象玄超甫纂輯

雲間黃體仁長卿甫編次

雲間王微叔朗甫補訂

梁谿曹仁孫伯安甫校正

樂部

歌

詠歌

李嶠

漢帝臨汾水周仙去洛濱
郢中吟白雪梁上繞飛塵
響發行雲駐聲隨子夜新
願君聽扣角當自識賢臣

唐詩類苑

卷之六十四

送康洽入京進樂府歌

李頎

識子十年何不遇只愛歡遊兩京路
朝吟左氏嬌女篇夜誦相如美人賦
長安春物舊相宜小苑蒲萄花滿枝
柳色偏濃九華殿鶯聲醉殺五陵兒
曳裙此夜從何所中貴由來盡相許
白袂春衫仙吏贈烏皮隱几臺郎與
新詩樂府唱堪愁御妓應傳鵲樓西
上雖因長公主終須一見曲陽侯

吳聲子夜歌

淨掃黃金堦飛霜皓如雪
下簾彈箜篌不忍見秋月

子夜春歌二首

郭元振

青樓含日光綠池起風色贈子同心花殷勤此何極

二

陌頭楊柳枝已被春風吹妾心正斷絕君懷那得知

子夜秋歌二首

郭元振

邀歡空佇立望美顏迴顧何時復採菱江中密相遇

二

避惡芽黃菊延年菊花酒與子結綢繆丹心此何有

子夜冬歌二首

郭元振

北極嚴氣昇南至溫風謝謁絲競短歌拂枕憐長夜

二

唐詩類苑

卷之六十四

帷橫雙翡翠被卷兩鴛鴦婉態不自得宛轉君王牀

子夜春歌

王翰

春氣清林香春遊不可忘落花吹欲盡垂柳折還長

桑女淮南曲金鞍塞北裝行行小垂手日暮渭川陽

子夜冬歌

崔國輔

寂寥抱冬心裁羅又裝裝夜久頻挑燈霜寒剪刀冷

子夜冬歌

薛耀

朔風扣羣木嚴霜凋百草借問月中人安得長不老

子夜四時歌

李白

春歌

秦地羅敷女採桑綠水邊素手青條上紅粧白日鮮
蠶饑妾欲去五馬莫留連

夏歌

鏡湖三百里菡萏發荷花五月西施採人看隘若耶
回舟不待月歸去越王家

秋歌

長安一片月萬戶搗衣聲秋風吹不盡總是玉關情
何日平胡虜良人罷遠征

冬歌

明朝驛使發一夜絮征袍素手抽針冷那堪把剪刀
裁縫寄遠道幾日到臨

水調歌五疊

平沙落日大荒西隴上明星高復低孤山幾處看烽
火壯一作戰士連營候鼓聲

猛將關西意氣多能騎駿馬弄珂戈金鞍寶鉸精神
出笛倚新翻水調歌

王孫別上綠珠輪不美名公樂此身戶外碧潭春洗
馬樓前紅燭夜迎人

隴頭一段氣長秋舉目蕭條總是愁祇爲征人多下
淚年年添作斷腸愁

雙帶仍分影同心巧結香不應須換彩意欲媚濃粧

入破六疊

細草河邊一鴈飛黃龍關裏掛戎衣爲受明王恩寵
甚從事經年不復歸

錦城絲管日紛紛半入江風半入雲此曲祇應天上
有人間能得幾回聞

昨夜遙歡出建章今朝綴賞度昭陽傳聲莫閉黃金
屋爲報先開白玉堂

日晚笳聲咽戍樓隴雲漫漫水東流行人萬里向西
去滿目關山空恨愁一作無

唐詩類苑

卷之六十四

四

千年一遇聖明朝願對君王舞細腰乍可當熊任生
死誰能伴鳳上一作雲霄

吳楚歌詞

張籍

閨燭無人影羅屏有夢魂近來音耗絕終日望君門
庭前春鳥啄林聲紅夾羅襦縫未成今朝社酒停針
線起向朱櫻樹下行

踏歌詞二首

崔液

綵女迎金屋仙姬出畫堂鴛鴦裁錦袖翡翠帖花黃
歌響舞分外艷色動流光

庭際花微落樓前漢已橫金臺催夜盡羅袖舞寒輕

樂笑暢歡情未半著天明

踏歌詞三首

謝偃

春景嬌春臺新露泣新梅春葉參差吐新花重疊開
花影飛鶯去歌聲度鳥來倩看飄颻雪何如舞袖迴

二

逶迤度香閣顧步出蘭闥欲曉鴛鴦殿先過桃李蹊
風帶舒還卷簾花舉復低欲問今宵樂但聽歌聲迴

三

夜久星沉沒更深月影斜裙輕纔動佩鬟薄不勝花
細風吹寶袂輕露濕紅紗相看樂未已蘭燈照九華

唐詩類苑

卷之六十四

五

踏歌詞二首

張說

花萼樓前雨露新長安城裏太平人龍銜火樹千燈
豔鷄踏一作蓮花萬歲春

帝宮三五戲春臺行雨流風莫妬來西域燈輪千影
合東華金闕萬重開

踏歌詞四首

劉禹錫

春江月出大隄平隄上女郎連袂行唱盡新詞歡不
見紅霞映樹鷓鴣鳴

桃蹊柳陌好經過燈下粧成見六歌爲是襄王故宮
地至今猶自細腰多

新詞宛轉遞相傳振袖傾鬟風露前月落烏啼雲雨
散遊童陌上拾花鈿

日暮江南聞竹枝南人行樂北人悲自從雪裏唱新
曲直到三春花盡時

竹枝詞二首

劉禹錫

楊柳青青江水平聞郎江上唱歌聲東邊日出西邊
雨道是無情却有情

楚水巴山江水平多巴人能唱本鄉歌今朝北客思歸
去回入紇那披綠羅

竹枝詞九首

并序

劉禹錫

唐詩類苑

卷之六十四

六

四方之歌異音而同樂歲正月余建千里中兒聯
歌竹枝吹短笛擊鼓以赴節歌者揚袂睢舞以曲
多爲賢聆其音中黃鍾之羽卒章激訐如吳聲雖
儉瘁不可分而含思宛轉有淇澳之豔昔屈原居

沅湘間其民迎神詞多鄙陋乃爲作九歌到於今
荆楚歌舞之故余亦作竹枝九篇俾善歌者颺之

附於末後之聽巴歛知變風之自焉

白帝城頭春草生白鹽山下蜀江清南人上來歌一
曲北人陌上動鄉情

山桃紅花滿上頭蜀江春水拍山流花紅易衰似郎

意水流無限似儂愁

江上朱樓新雨晴
灩西春水縠紋生
橋東橋西好楊柳
人來人去唱歌行

日出三竿春霧消
江頭蜀客駐蘭橈
憑寄狂夫書一紙
住在成都萬里橋

兩岸山花似雪開
家家春酒滿銀杯
昭君坊中多女伴
未安宮外踏青來

城西門前瀝潏堆
年年波浪不能推
懊恨人心不如古
少時東去復西來

瞿塘嘈嘈十二灘
此中道路古來難
長恨人心不如

唐詩類苑

卷之六十四

七

水等閑平地起波瀾

巫峽蒼蒼煙雨時
清猿啼在最高枝
箇裏愁人腸自斷
由來不是此聲悲

山上層層桃李花
雲間煙火是人家
銀釧金釵來負水
長刀短笠去燒畬

竹枝詞

顧况

帝子蒼梧不復歸
洞庭葉下楚雲飛
巴人夜唱竹枝後
腸斷曉猿聲漸稀

聽竹枝贈李侍御

白居易

巴童巫女竹枝歌
懊惱何人怨咽多
雙聽遣君猶悵

望長聞教我復如何

竹枝詞四首

白居易

瞿塘峽口水煙低
白帝城頭月向西
唱到竹枝聲咽處
寒猿聞鳥一時啼

竹枝苦怨怨何人
夜靜三更歌又聞
蠻兒巴女齊聲唱
愁殺江南病使君

巴東船舫上巴西
波西風生雨脚齊
水蓼冷花紅簇簇
江離濕葉碧凄凄

江畔誰人唱竹枝
前聲斷咽後聲遲
怪來調苦緣詞苦
多是通州司馬詩

唐詩類苑

卷之六十四

八

竹枝詞二首

李涉

石壁千重樹萬重
白雲斜掩碧芙蓉
照君溪上年年月
偏照嬋娟色最濃

十二峯頭月欲低
空聆灘上子規啼
孤舟一夜東風客
泣向春風憶建溪

秋夜聽嚴紳巴童唱竹枝歌

劉商

巴人遠從荆山客
回首荆山楚雲隔
思歸夜唱竹枝歌
庭槐葉落秋風多
曲中歷歷叙鄉思
鄉思綿綿楚詞古
身騎吳牛不畏虎
手提篋笠欺風雨
猿啼日暮

江岸邊綠蕪連山水連天來時十三今十五一成新
衣已再補鴻鴈南飛報隣伍在家歡樂辭家苦天晴
露白鍾漏遲淚痕滿面看竹枝曲終寒竹風裊裊西
風落日東風曉

白紵歌二首

王建

天河漫漫北斗璨宮中烏啼知夜半新縫白紵舞衣
成來遲邀得吳王迎低鬟轉面掩雙袖玉釵浮動秋
風生酒多夜長夜未曉月明燈光兩相照後庭歌

舞聲更窈窕

館娃宮中春日暮荔枝木瓜花滿樹城頭烏栖休擊

唐詩類苑

卷之六十四

九

鼓青娥彈瑟白紵舞夜天曠曠不見星宮中火照西
江明美人醉起無次第墮釵遺佩滿中庭此時但願
可君意廻晝爲宵亦不寐年年奉君君莫棄

白紵歌

張籍

皎皎白紵白且鮮將作春衣稱少年裁縫長短不能
定自持刀尺向姑前復恐蘭膏汗纖指常遣傍人收
墮珥衣裳著時寒食下還把白鞭鞭白馬

霓裳詞十首

王建

弟子部中留一色聽風聽雨作霓裳散聲未足重來
授直到牀前見上皇

自直梨園得出稀更番上曲不教歸一時跪拜霓裳
徹立地堦前賜紫

一作衣

勅賜宮人澡浴廻遙看美女院門開一山星月霓裳
動好字先從殿後來

旋翻

一作曲

譜聲初起除却梨園未教人宣示書家

分手寫中官走馬賜功臣

傳呼法部按霓裳新得承恩別作行應是貴妃樓

看內人昇出絳羅箱

伴教霓裳有貴妃從初直到曲城時日長耳裏聞聲

熟怕數分毫錯總知

唐詩類苑

卷之六十四

十

中管五絃初半曲遙教合上隔簾聽一聲聲向天頭

落學得仙人夜唱經

絃索縱橫隔彩雲五更初發滿宮聞武皇自送西王

母新染霓裳月色裙

朝元閣上風初起夜聽霓裳玉露寒官女月中更潛

立黃金梯滑並行難

知向華清秋月滿山頭山底種長生去時留下霓裳

曲總是離宮別管聲

試霓裳羽衣曲

李益

開元太平日萬國賀豐歲梨園承舊曲玉座旋新製

鳳管遞參差霞衣競搖曳宴罷水殿空輦餘香草細
蓬壺事已久仙樂功無替誰肯聽遺音聖明知善繼

嵩陽觀夜奏霓裳

白居易

開元遺曲自淒涼况近秋天調是商愛者誰人唯白
尹奏時何處在嵩陽迥臨山月聲彌怨散入松風韻
更長子晉少姨聞定怪人間亦便有霓裳

卧聽法曲霓裳

白居易

金磬玉笙和已久牙牀角枕睡常遲朦朧閑夢初成
後宛轉柔聲入破時樂可理心應不謬酒能陶性信
無疑起嘗殘酌聽餘曲斜背銀缸半下帷

唐詩類苑

卷之六十四

士

郭處士擊瓿歌

溫庭筠

信粟金虬石潭古勺陂漱灑幽脩語湘君寶馬上神
雲碎珮叢鈴滿煙雨吾聞六宮花離離軟風吹春星
斗稀玉晨玲磬破昏夢天露未乾香着衣蘭釵委陰
垂雲髮小響叮嚀逐迴雪晴碧煙滋重疊山羅屏半
掩桃花月太平天子駐雲車龍鑪勃鬱雙蟠拏宮中
近臣抱扇立侍女低鬟落翠花亂珠觸續正跳蕩傾
頭不覺金烏斜我亦爲君長嘆息緘情遠寄愁無色
莫沾香夢綠楊絲千里春風正無力

何滿子歌

張湖南座爲
唐有熊作

何滿能歌能宛轉天寶年中世稱罕嬰刑繫在囹圄

間下調哀音歌憤懣梨園弟子奏玄宗一唱承恩羈

網緩便將何滿爲曲名御譜親題樂府纂魚家入內

本領絕葉氏有年聲氣短自外徒煩記得詞點拍繞

成已夸誕我來湖外拜君侯正值灰飛仲春瑄廣宴

江亭爲我開紅粧逼坐花枝暖此時有熊踏華筵未

吐芳詞貌夷坦翠蛾轉盼搖雀釵碧袖歌垂鸞鶴邪

定面疑眸一聲發雲停塵下何勞筭迢迢擊磬遠玲

玲一一貫珠勻款款犯羽含商移調態留情度意拋

絃管湘妃寶瑟水上來秦女玉簫空外滿纏綿疊破

最慙勤整頓衣裳頗閑散冰含遠溜咽還通罵泥晚

花啼漸嬾飲黛吞聲若自冤鄭袖見捐西子浣陰山

鳴鴈曉斷行巫峽哀猿夜呼伴古者諸侯饗外賓鹿

鳴三奏陳圭瓚何如有熊一曲終牙籌記令紅螺盤

要衣須破束欲炙須解牛當年不快意徒爲他人留

百歲之約何悠悠華髮星星稀滿頭蛾眉螭首聊我

仇圓紅闕白令人愁何不夕引清奏朝登翠樓逢花

便折聞勝卽遊鼓腕騰棍睛雷收舞腰腰身步舞衣

象筋擊折歌勿休玉山未倒非興衰眼前有物俱是

長歌行

李咸用

唐詩類苑

卷之六十四

士

夢莫將身作黃金鑿死生同域不用懼富貴在天何足憂

長歌續短歌

李賀

長歌破衣襟短歌斷白髮秦王不可見旦夕成內熱
渴飲壺中酒饑投隴頭粟淒涼四月關千里一時綠
夜峯何離離明月落石底徘徊沿石尋照出高峯外
不得與之遊歌成鬢先改

短歌行

白居易

世人求富貴多爲身嗜欲盛衰不自由得失常相逐
問君少年日苦學將干祿負笈塵中遊抱書雪前宿

唐詩類苑

卷之六十四

十三

布衾體不周藜茹纔充腹三十登宦途五十被朝服
奴温已挾纊馬肥初食粟未敢議歡遊尚爲名檢束
耳目聾暗後堂上調絲竹齒牙缺落時盤中堆酒肉
彼來此已去外餘中不足少壯與榮華相避如寒燠
青雲去地遠白日終天速從古無奈何短歌聽一曲

短歌行

僧皎然

古人若不死吾亦何所悲蕭蕭煙雨九原上白楊青
松葬者誰貴賤同一塵死生同一指人生在世共如
此何異浮雲與流水短歌行短歌無窮日已傾鄰宮
梁苑徒有名春草秋風傷我情何爲不學空門侶一

悟空門無生死

短歌行

僧栖蟾

蟾光堪自笑浮世懶思量身得幾時活眼開終日忙
千門無壽藥一鏡有愁霜早晚塵埃外光陰任短長

短歌行

王建

人初生月初出上山遲下山疾百年三萬六千朝夜
裏分將強半日有歌有舞須早爲昨日健於今日時
人家見生男女好不知男女催人老短歌行無樂聲

短歌行

李咸用

滿樽綠酒綠於染拍手高歌天地險上得青雲下不

唐詩類苑

卷之六十四

十四

難下在黃埃上須慚少年歡樂須及時莫學懦夫長
泣岐白日欲沉猶未沉片月已來天半垂坎鼓鏗鐘
殺愁賊拔碎是非伴不識長短高卑不可求莫歎人
生頭雪色

短歌行

顧况

我欲昇天天隔霄我欲渡水水無橋我欲上山山路
險我欲汲井井泉遙越人翠被今何夕獨立沙邊江
草碧紫燕西飛欲寄書白雲何處蓬萊客

短歌行

白居易

曠曠太陽如火色上行千里下一刻出爲白晝入爲

夜圓轉如珠住不得住不得可奈何爲君舉酒歌短
歌歌聲苦詞亦苦詞中少年君聽取今夕未竟明夕
催秋風纔往春風迴人無根蒂時不駐朱顏白首相
隳頹勸君且強笑一面勸君復強飲一杯人生不得
長歡樂年少須臾老到來

短歌行

顧况

何處春風吹曉幕江南渌水通朱閣美人二八顏如
花泣向春風畏花落

浩歌

權德輿

杖策出蓬華浩歌愁思長北風吹荷衣蕭颯景氣涼

唐詩彙苑

卷之六十四

十五

通達抵山郭里巷連湖光孤雲淨遠峯綠水溢方塘
魚鳥樂天性雜英互芬芳我心獨何爲萬慮縈中腸
復道身未泰主家謀不臧心爲世教牽跡寄翰墨場
出處兩未定羈孤空自傷沉憂不可裁佇立河之梁
晚歸茅簷下左右陳壺觴獨酌復長謔放心遊八荒
得喪同一域是非亦何常胡爲苦此生吃吃徒自強
乃泛杯中物可令憂患亡因茲謝時輩栖息無何鄉

浩歌

李賀

南風吹山作平地帝遣天吳移海水王母桃花千遍
紅彭祖巫咸幾迴死青毛驄馬參差錢矯春楊柳含

細煙箏人勸我金屈卮神血未凝身問誰不須浪飲
了都護世上英雄本無主買絲繡作平原君有酒唯
澆趙州土漏催水咽玉蟾蜍衛娘髮薄不勝梳看見
秋眉換新綠二十男兒那刺促

浩歌行

白居易

天長地久無終畢昨夜今朝又明日鬢髮蒼浪牙齒
疎不覺身年四十七前去五十有幾年把鏡照面心
茫然既無長繩繫白日又無大藥駐朱顏朱顏日漸
不如故青史功名在何處欲留年少待富貴富貴不
來年少去去復去今如長河東流赴海無迴波賢愚
貴賤同歸盡北邙塚墓高差幾古來如此非獨我未
死有酒且高歌顏回短命伯夷餓我今所得亦已多
功名富貴須待命命若不來知奈何

放歌行

李咸用

蠶蠶芥蓼蟲薨薨避葵薺悠悠獨者心寂寂厭清世
如何不食甘命合苦其噬如何不趣時分合辱其體
至哉先哲言於物不凝滯

放歌行

邵謁

龜爲秉靈亡魚爲弄珠死心中自有賊莫怨任公子
屈原若不賢焉得沉湘水

放歌行

曹鄴

莫唱放歌行此歌臨楚水人皆惡此聲唱者終不已
三閭有何罪不向枕上死

放歌行

權德輿

夕陽不駐東流急榮名貴在當年立青春虛度無所
成白首銜悲亦何及拂衣西笑出東山君臣道合
頃間一言一笑玉墀上變化生涯如等閒朱門杳
列華戟坐中皆是王侯客鳴環動佩暗珊珊駿馬花
驄白玉鞍十年斗酒不知貴半醉留賓邀盡歡銀燭
煌煌夜將久侍婢金盞瀉春酒春酒盛來琥珀光暗

唐詩類苑

卷之六十四

七

聞蘭麝幾般香乍看皓腕映羅袖微聽清歌發杳
雙鬟美人君不見一一皆勝趙飛燕迎杯乍舉石榴
裙勻粉時交合歡扇未央鐘漏醉中聞聯騎朝天曙
色分雙闕煙雲遙靄靄五衢車馬亂紛紛罷朝鳴珮
驟歸鞍今日還同昨日歡歲歲年年恣游讌出門滿
路光輝遍一身自樂何足言九族爲榮真可美男兒
稱意須及時閉門下帷人不知年光看逐轉蓬盡徒
詠東山招隱詩

狂歌詞

白居易

明日照君席白露沾我勸君酒杯滿聽我狂歌詞

五十已後衰二十已前痴晝夜又分半其間幾何時
生前不歡樂死後有餘貲焉用黃墟下珠衾玉匣爲

悲歌并序

顧况

情思發動聖賢所不免也故師乙陳其宜延陵審
其音理亂之所經王化之所興信無逃於聲豈徒
文彩之麗耶遂作歌以悲之

邊城路今人犁田昔人墓岸上沙昔時江來今人家
今人昔人共長嘆四氣相催節迴換明月皎皎入華
池白雲離離度青漢

悲歌

白居易

唐詩類苑

卷之六十四

六

白頭新洗鏡新磨老逼身來不奈何耳裏頻聞故人
死眼前唯覺少年多塞鴻遇暖猶迴翅江水因潮亦
反波獨有衰顏留不得醉來無計但悲歌

怨歌行

曹鄴

丈夫好弓劍行坐說金吾喜聞有行役結束不待車
官田贈倡婦留妾侍舅姑舅姑皆已死庭花半是燕
中妹尋適人生女亦嫁夫何曾寄消息他處却有書
嚴風厲中野女子心易孤貧賤又相負封侯意何如

辭唱歌

韓愈

抑逼教唱歌不解看豔詞坐中把酒人豈有歡樂姿

幸有伶者婦腰身如柳枝但令送君酒如醉如憨癡
聲自肉中出使人能透隨復遣慳慳者贈金不皺眉

長洲曲新詞

白居易

茂苑綺羅佳麗地女湖桃李艷陽時心奴已死胡容
老後輩風流是阿誰

雜曲

李益

妾本蠶家女不識貴門儀藁砧持玉斧交結五陵兒

唐詩類苑

卷之六十四

十九

十日或一見九日在路歧人生此夫婿富貴欲何爲
楊柳徒可折南山不可移婦人貴結髮寧有再嫁資
嫁女莫望高女心願所宜寧從賤相守不願貴相離
藍葉鬱重重藍花若榴色少婦歸少年華光自相得
誰言配君子以奉百年身有義即夫婿無義還他人
愛如寒爐火棄若秋風扇山嶽起面前相看不相見
丈夫非小兒何用強相知不見朝生菌易成還易衰
征客欲臨路居人還出門北風河梁上四野愁雲繁
豈不戀我家夫婿多感恩前程有日月勲績在河源
少婦馬前立請君聽一言春至草亦生誰能無別情

殷勤展心素見新莫忘故遙望孟門山殷勤報君子
既爲隨陽鴈勿學西流水嘗聞生別離悲莫悲於此
同器不同榮堂下卽千里與君貧賤交何異萍上水
託身天使然同生復同死

夜聞歌者

白居易

夜泊鸚鵡洲秋江月澄澈鄰船有歌者發調堪愁絕
歌罷繼以泣泣聲通復咽尋聲見其人有婦顏如雪
獨倚帆檣立娉婷十七八夜淚似真珠雙雙墮明月
借問誰家婦歌泣何淒切一問一沾襟低眉終不說

聽楊氏歌

杜甫

唐詩類苑

卷之六十四

二十

佳人絕代歌獨立發皓齒滿堂慄不樂響下青虛裏
江城帶素月況乃清夜起老夫悲暮年壯士淚如水
玉杯久寂寞金管迷宮徵勿云聽者疲愚智心盡死
古來傑出士豈待一知己吾聞昔秦音傾側天下耳

聞謝楊兒吟猛虎詞因有此贈

李白

同州隔秋浦聞吟猛虎詞晨朝未借問知是謝楊兒

聞歌

許渾

新秋絃管清時轉過雲聲曲盡不知處月高風滿城

聽唱赤白桃李花

李益

赤白桃李花先皇在時曲欲向西宮唱西宮官樹綠

王將軍宅夜聽歌

于鄴

朱檻滿明月美人歌落梅忽驚塵起處疑有鳳飛來
一曲聽初徹幾年愁暫開東南正雲雨不得見陽臺

聽郢客歌陽春白雪

寂聽郢中人高歌已絕倫臨風飄白雪向日奏陽春
調雅偏盈耳長聲香入神連連貫珠並裏裏過雲頻
度曲知難和凝情想任真周郎如賞善莫使滯芳晨

中秋夜聽歌聯句

李元衡

此夕來奔月何時去上天雲鬢方自照玉腕更星鱗

唐詩類苑

卷之六十四

三

人間意聽颺物外緣詩裁明月扇歌索想夫憐

暗染筍香久長隨楚夢偏會當來彩鳳髣髴逐神仙

夜泊黃山聞殷十四吳吟

李白

昨夜誰爲吳會吟風生萬壑振空林龍驚不敢水中
卧猿笑時聞巖下音我宿黃山碧溪月聽之却罷松
間琴朝來果是滄洲逸酤酒提盤飯霜栗半酣更發
江海聲客愁頓向杯中失

渾鴻臚宅聞歌効白紵

柳宗元

翠帷雙卷出傾城龍劒破匣霜月明朱唇掩抑悄無
聲金簧玉磬宮中生下沉秋水激太清天高地迥疑

日晶羽觴蕩漾何事傾

聽歌

白居易

管妙絃清歌入雲老人合眼醉醺醺誠知不及當年
聽猶覺聞時勝不聞

聽張立本女吟

高適

危冠廣袖楚宮粧獨步閑庭逐夜涼自把玉簪敲砌
竹清歌一曲月如霜

聽流人水調子

王昌齡

孤舟微月對風林分付鳴箏與客心嶺色千重萬
雨斷絃收與淚痕深

唐詩類苑

卷之六十四

三

聽歌六絕句

白居易

聽都子歌

詞云試問娉
娥更要無

都子新歌有性靈一聲格轉已堪聽更聽唱到娉娥
字猶有樊家舊典刑

樂世一名六么

管急絃繁拍漸稠六么宛轉曲終頭誠知樂世聲聲
樂老病人聽未免愁

水調第五遍乃五言
調調韻最切

五言一遍最殷勤調少情多似有因不曾當
意此聲嗚斷爲何人

想夫憐

王維右丞詞云秦州一
半夕陽開此句尤佳

玉管朱絃莫急催容聽歌送十分杯長愛夫憐第二
句請君重唱夕陽開

何滿子

開元中滄洲有歌者何滿子臨
刑進此曲以贖死上竟不免

世傳滿子是人名臨就刑時曲始成一曲四詞歌八
疊從頭便是斷腸人

離別難詞

綠楊陌上送行人馬去車迴一望塵不覺別時紅淚
盡歸來無淚可沾巾

醉後聽唱桂華曲

白居易

唐詩類苑

卷之六十四

三三

詩云遙知天上桂花孤試問嫦娥更有無月中幸
有閑田地何不中央種兩株此曲韻怨切聽感

人故云耳

桂花詞意苦丁寧唱到嫦娥醉便醒此是世間腸斷
曲莫教不得意人聽

聞歌妓唱嚴郎中詩因以絕句寄之

已留舊政布中和又付新詩與麗歌但是人家有
愛就中蘇小感恩多

聞歌者唱微之詩

白居易

新詩絕筆聲名歇舊卷生塵篋寄與微之

句未容傾耳已傷心

聽田順兒歌

白居易

憂玉敲冰聲未停嫌雲不遏入青冥爭得黃金滿衫
袖一時拋與斷年聽

江南聞新曲

方平

席上新聲花下杯一聲聲被拍聲催樂工不識長安
道盡是書中寄曲來

聽歌

高駢

公子邀歡月滿樓佳人揭調唱伊州便將席上秋風
起直到蕭關水盡頭

唐詩類苑

卷之六十四

二五

秋浦清溪雪夜對酒客有唱鷓鴣者

李白

披君貂襜褕對君白玉壺雪花酒上滅頓覺夜寒無
客有桂陽至能吟山鷓鴣清風動窻竹越鳥起相呼
持此足為樂何煩笙與竿

聽唱鷓鴣

許渾

金谷歌傳第一流鷓鴣清怨碧雲愁夜來省得曾聞
處萬里月明湘水流

聽歌鷓鴣辭

許渾

南國多情多艷詞鷓鴣清怨遶梁飛甘棠城上客先

醉苦竹嶺頭人未歸響轉碧霄雲駐影曲終清漏月
沉暉山行水宿不知遠猶夢玉釵金縷衣

聞歌

李商隱

飲笑凝眸意欲歌高雲不動碧差我銅臺罷望歸何
處玉輦忘還事幾多青塚路邊南鴈盡細腰宮裏北
人過此聲腸斷非今日香燭燈光奈爾何

醉中聞甘州

薛逢

老聽笙歌亦解愁醉中亦遣合甘州行追赤嶺千山
外坐想黃河一曲流日暮豈堪征婦怨路傍能結旅
人愁左綿刺史心先老淚滿珠絃催白頭

唐詩類苑

卷之六十四

孟郊

教坊歌兒

孟郊

十歲小小兒能歌得聞

一作朝

天六十孤老人能詩獨

臨川去年西京寺衆伶集講筵能嘶竹枝詞供養繩
牀禪能詩不如歌悵望三百篇

題周家歌者

白居易

清緊如敲玉深圓似囀簧一聲腸一斷能有幾多腸

醉後戲與趙歌兒

岑參

秦州歌兒歌調苦偏能立唱濮陽女座中醉客得
意聞之一聲淚如雨向使逢着漢帝憐董賢氣咽不
能語

與歌者何戡

劉禹錫

二十餘年別帝京重聞天樂不勝情舊人唯有何戡
在更與殷勤唱渭城

與歌童田順郎

劉禹錫

天下能歌御史娘花前葉底奉君王九重深處無人
見分付祈聲與順郎

與歌者米嘉榮

劉禹錫

唱得連州意外聲舊人唯數米嘉榮近來時世輕先
輩好染鬢髮事後生

聽舊宮中樂人穆氏唱歌

劉禹錫

唐詩類苑

卷之六十四

孟郊

曾隨織女渡天河記得雲間第一歌休唱貞元供奉
曲當時朝士已無多

贈歌者

薛能

一字新聲一顆珠轉喉疑是擊珊瑚聽時坐部音中
有唱後纓花葉裏無漢浦茂聞虛解佩臨邛焉用柱
當壚誰人得向青樓宿便是仙郎不是夫

慕巢尚書書云室人欲爲置一歌者非所安

也以詩相報因而和之 白居易

東川已過二三春南國須求一兩人富貴大都多老
大歡娛太半爲親賓如愁翠黛應堪重買笑黃金莫

訴貧他日相逢一杯酒樽前還要落梁塵

春夕寄友人時有與歌者南北

羅鄴

芳徑春歸花半開碧山波暖鴈初迴滿樓月色還依舊昨夜歌聲自不來愁眼向誰零玉筍征蹄何處駐紅埃中宵吟罷正惆悵從此蘭堂鎖綠苔

知音者誠希

韓愈

知音者誠希念子不能別行行天未曉攜手踏明月

贈李龜年

李端

青春事漢主白首入秦城遍識才人字一作時多知

唐詩類苑

卷之六十四

七

舊曲名風流隨故事語笑合新聲獨有垂楊樹偏傷

日暮情

問楊瓊

白居易

古人唱歌兼唱情今人唱歌唯唱聲欲說向君君不

會試將此語問楊瓊

杜甫

見前水調歌入破第二

歌舞

李商隱

遏雲歌響清迴雪舞腰輕只要君流盼君傾國自傾舞

詠舞

楊師道

二八如迴雪三春類早花分行向燭轉一種逐風斜

詠舞

李嶠

妙伎遊金谷佳人滿石城霞衣席上轉花袖雪前明儀風諧清曲迴鸞應雅聲非君一顧重誰賞素腰輕

高句驪

李白

金花折風帽白馬小遲回翩翩舞廣袖似鳥海東來

卽事爲舞者作

杜甫

百寶裝腰帶真珠絡臂韉笑時花近眼舞罷錦纏頭

賦得舞千羽兩階

石倚

唐詩類苑

卷之六十四

七

千羽能柔遠前階舞正陳欲稱文德盛先表樂聲新肅肅行初列森森氣益振動容和律呂變曲靜風塵

化美昭千古恩波及七旬已知天下服不動有苗人

舞衣曲

溫庭筠

藕腸纖縷抽輕春烟機漠漠嬌娥嚙金梭浙瀝透空薄剪落交刀吹斷雲張家公子夜聞雨夜向蘭堂思楚舞蟬衫麟帶壓愁香偷得鴛鴦鏡金縷管含蘭氣嬌語悲胡櫓雪碗鴛鴦絲芙蓉力弱應難定楊柳風多不自持迴嚬笑語西窓客星斗寥寥淚脉脉不逐秦王捲象牀滿樓明月梨花白

霓裳羽衣舞歌答微之 白居易

我昔元和侍憲皇曾陪內宴宴昭陽千歌萬舞

不可數就中最愛霓裳舞舞時寒食春風天玉鈎欄

下香案前案前舞者顏如玉不着人家間一作俗衣服

虹裳霞帔步搖冠鈿環纈纈珮珊珊娉婷似不任羅

綺顧聽樂懸行復止磬簫箏笛遞相攬擊撤彈吹聲

邐迤凡法曲之初樂不齊散序六奏未動衣陽臺

宿雲慵不飛散序六奏無中序擘騁初入拍秋竹竿

裂春冰折中序有拍飄然轉旋迴雪輕嫣然縱逸

遊龍驚小垂手後柳無力斜曳裾時雲欲生四句皆霓裳舞

唐詩類苑 卷之六十四 无

之初煙蛾歛畧不勝態風袖低昂如有情上元點鬟

招萼綠王母揮袂別飛瓊繁音急節十二遍跳珠撼

玉何鏗錚霓裳破凡十二遍翔鸞舞了却收翅淚鶴

曲終長引聲霓裳之未長引一聲當時乍見驚心目

凝視諦聽殊未足一落人間八九年耳冷不曾聞此

曲湓城但聽山魘語巴峽唯聞杜鵑哭予自江州司馬轉忠州刺史

史移領錢塘第二年始有心情聞絲竹玲瓏篴篥謝

好箏陳寵自矜寵以下簾沈平笙清絃脆管纖纖手教得霓裳

一曲成皆杭之妓名虛白亭前湖水畔前後只曾三

度按便除庶子拋却來聞道如今各星散今年五月

至蘇州朝鐘暮角催白頭貪看案牘常侵夜不聽笙

歌直到秋秋來無事多閑悶忽憶霓裳無處問聞君

部內多樂徒問有霓裳舞者無答云七州千萬戶

七縣十無人知有霓裳舞唯寄長歌與我來題作霓

裳羽衣譜四幅花箋碧間紅霓裳實錄在其中千姿

萬狀分明見恰與昭陽舞者同眼前髣髴覩形質昔

者今朝想如一疑從魂夢呼召來似着丹青圖寫出

我愛霓裳君合知發於歌引一作形於詩君不見我

歌云驚破霓裳羽衣曲長恨歌云又不見我詩云曲愛霓

裳未拍時詩云由來能事皆有主楊氏創聲君造譜

唐詩類苑 卷之六十四 无

開元中西京節君言此舞難其一作人須得一作傾

度使楊敬述進貴城可憐女吳妖小玉飛作煙夫差女小玉死後形見

煙霧越艷西施化為土嬌花巧笑久寂寥娃館羅山

一作空處所如君所言誠有是君試從容聽我語若

求國色始翻傳但恐人間廢此舞妍媸優劣寧相遠

大都云在人擡舉李嬋娟一作張態君莫嫌亦擬隨時

且教取

拂舞歌詞 李賀

吳娥聲絕天空雲間徘徊西外滿車馬亦須生綠苔

樽前烏程酒勸君千壽全勝漢武錦樓上曉望晴

寒飲花露東方日不破天光無老時丹成作蛇乘白
霧千年重化玉井土從蛇作土二千載吳堤綠草年
年在背有八卦稱神仙邪鱗頑甲滑腥涎

拂舞詞

温庭筠

黃河怒浪連天來大響肱肱如殷雷龍伯驅風不敢
上白川噴雪高崔嵬二十五絃何太哀請公莫渡立
徘徊下有狂蛟鋸爲尾裂帆截棹磨霜齒神推鑿石
塞神潭白馬趨趨赤塵起公乎躍馬揚玉鞭減沒高
蹄日千里

田使君美人如蓮花北鋌歌

唐詩類苑

卷之六十四

三

岑參

美人舞如蓮花旋世人有眼應未見高臺滿地紅氍
毹試舞一曲天下無此曲胡人傳入漢諸客見之驚
且嘆慢臉嬌娥纖復穠輕羅金縷花蔥籠回裙轉袖
若飛雪左鋌右鋌生旋風琵琶橫笛和未匝花門山
頭黃雲合忽作出塞入塞聲白草胡沙寒颯颯翻身
入破如有神前見後見回回新始知諸曲不可比採
蓮落梅徒聒耳世人學舞祇是舞姿態豈能得如此
觀公孫大娘弟子舞劍器行

杜甫

大曆二年十月十九日夔州別駕元特宅見臨穎
李十二娘舞劍器壯其蔚跂問其所師曰余公孫
大娘弟子也開元三載余尚童稚記於郾城觀公
孫大娘劍器渾脫瀏離頓挫獨出冠時自高頭宜
春梨園二伎坊內人洎外供奉曉是舞者聖文神
武皇帝初公孫一人而已玉貌錦衣況余曰昔年
茲弟子亦匪盛顏既辨其由來知波瀾莫二撫事
慷慨聊爲劍器行往者吳人張旭善草書書帖數
嘗於鄴縣見公孫大娘舞西河劍器自此草書長
進豪蕩感激即公孫可知矣

唐詩類苑

卷之六十四

三

昔有佳人公孫氏一舞劍器動四方觀者如山色沮
喪天地爲之久低昂燿如羿射九日落矯如羣帝駿
龍翔來如雷霆收震怒罷如江海凝清光絳唇珠袖
兩寂寞晚有弟子傳芬芳臨穎美人在白帝妙舞此
曲神揚揚與予問答既有以感時撫事倍惋傷先帝
侍女八千人公孫劍器初第一五十年間似反掌風
塵澆洞昏王室梨園弟子散如煙女樂餘姿映寒日
金粟堆南木已拱瞿塘石城草蕭瑟玳筵急管曲復
終樂極哀來月東出老夫不知其所住足蘭荒山轉
愁疾

王中丞宅夜觀舞胡騰 劉言史

石國胡兒人見少，蹲舞樽前急如鳥。織成蕃帽虛頂尖，細氎胡衫雙袖小。手中拋下蒲萄盞，西顧忽思鄉路遠。跳身轉轂寶帶鳴，弄脚繽紛錦靴軟。四座無言皆瞑目，橫笛琵琶遍頭促。亂騰新毬雪朱毛，傍拂輕花下紅燭。酒闌舞罷絲管絕，木錦花西見殘月。

胡騰歌

李端

胡騰身是涼州兒，肌膚如玉鼻如錐。銅布輕衫前後卷，蒲萄長帶一邊垂。帳中跪作本音語，拈襟擺袖爲君舞。安西舊牧收淚看，洛下詞人抄曲與。揚眉動眼踏花氍，紅汗交流珠帽偏。醉脚東傾又西倒，雙靴柔弱滿燈前。環行急蹴皆應節，反手叉腰如却月。絲桐忽盡一曲終，鳴嗚盡角城頭發。胡騰兒，胡騰兒，故鄉路斷知不知。

尋橦歌

王建

人間百戲皆可學，尋橦不比諸餘樂。重梳短髻下金鈿，紅帽青巾各一邊。身輕足捷勝男子，繞竿四百爭先緣。習多倚附歇一作竿滑上下踰躡，皆着襪。翻身垂頸欲落地，却住把煙初似歇。大竿百夫擎不起，裏裏裏半在青雲裏。纖腰女兒不動容，戴行直舞一曲終。

迴頭但覺人眼見，矜難恐畏天無風。險中更險何曾失，山鼠懸頭猿掛膝。小垂一手當舞盤，斜慘雙蛾看落日。斯須改變曲解新，貴舞歡他平地人。散時滿面生顏色，行步依前無氣力。

觀舞柘枝二首

劉禹錫

胡服何葳蕤，仙姬登綺墀。神飈獵紅蕖，龍燭映金枝。垂帶覆纖腰，安鈿當撫眉。翹袖中繁鼓，傾眸遡華棖。燕餘有舊曲，淮南多冶詞。欲見傾城處，君看起節時。

二

山鷄臨清鏡，石燕赴遙津。何如上客會，長袖入華裊。

唐詩類苑

卷之六十四

三

體輕似無骨，觀者皆聳神。曲盡回身處，層波猶注人。

柘枝詞

白居易

柳暗長廊合花深，小院開蒼頭鋪錦褥。皓腕奉銀杯，繡帽珠稠綴。香衫袖窄裁，將軍掛毬杖。看按柘枝來，和同州楊侍郎誇柘枝見寄。

白居易

細吟馮翊使君詩，憶作餘杭太守時。君有一般輸我事，柘枝看校十年遲。

看常州柘枝贈賈使君

白居易

莫惜新衣舞柘枝，也從塵污汗霑垂。料君卽却歸朝

去不見銀泥衫故時

柘枝妓

白居易

平鋪一合錦筵開連擊三聲盡鼓催紅蠟燭移桃葉
起紫羅衫動柘枝來帶垂鈿胯花腰重帽轉金鈴雪
面迴看即曲終留不住雲飄雨送向陽臺

柘枝

章孝標

柘枝初出鼓聲招花鈿羅衫聲細腰移步錦靴空綽
約迎風繡帽動飄飄亞身踏節鸞形轉背面羞人風
影嬌祗恐相公看未足便隨風雨上青霄

口號吳王舞人半醉

李白

唐詩類苑

卷之六十五

三五

風動荷花水殿香姑蘇臺上宴吳王西施醉舞嬌無
力笑倚東牕白玉牀

觀石將軍舞

李益

微月東南上戍樓琵琶起舞錦纏頭更聞橫笛關山
遠白草胡沙西塞秋

觀章中丞夜按歌舞

許渾

夜按雙娃禁曲新東西簫鼓接雲津舞衫未換紅鉛
濕歌扇初移翠黛疊彩檻燭煙光吐日盡屏香霧暖
如春西樓月在襄王醉十二山高不見人

唐詩類苑卷第六十四終

唐詩類苑卷第六十五

明雲間張之象玄超甫纂輯

雲間黃體仁長卿甫編次

雲間王微叔朗甫補訂

梁谿曹仁孫伯安甫校正

樂部

琴

詠琴

楊師道

久擅龍門質孤竦嶧陽名齊娥初發弄趙女正調聲
嘉客勿遽反繁絃曲未成

唐詩類苑

卷之六十五

一

詠琴

劉允濟

昔在龍門側誰想鳳鳴時雕琢今為器官商不自持
巴人緩疎節楚客弄繁絲欲作高張引翻成下調悲

詠琴

李嶠

隱士竹林隈英聲寶匣開風前綠綺弄月下白雲來
淮海多為室梁氓舊作臺子期如可聽山水響餘哀

琴

白居易

置琴曲几上慵坐但含情何煩故揮弄風絃自有聲

詠琴

王昌齡

孤桐秘虛鳴朴素傳幽真髣髴絃指外遂見初古人

意遠風雪苦時來江上春高宴未終曲誰能辨經綸

琴

潘緯

客來鳴素琴惆悵對遺音一曲起於古幾人聽到今
畫寒風靄遠日泛月烟深夙續水山操坐生方外心

琴

孫氏

玉指朱絃軋復清湘妃愁怨最難聽初疑颼颼涼風
動又似蕭蕭暮雨零近若流泉來碧嶂遠如玄鶴下
青冥夜深彈罷堪惆悵霧濕叢蘭月滿庭

雅琴篇

司馬逸客

亭亭嶧陽樹落落千萬尋獨抱出雲節孤生不作林

唐詩類苑

卷之六十五

二

影搖綠波水彩絢丹青直幹思有託雅志期所任
匠者果留盼雕斲爲雅琴文以楚山玉錯以昆吾金
虬鳳吐奇狀商徵含清音雅調感君子一撫一弄懷
知已不見鍾期百年餘還憶朝朝幾千里馬卿臺上
應蕪沒阮籍帷前空已矣山情水意君不知拂匣調
絃爲誰理調絃拂匣倍含情况復空山秋月明隴水
悲風已鳴咽離鵠別鶴更凄清將軍塞外多奇操中
散林間有正聲正聲諧風雅欲竟此曲誰知者自言
幽隱之先容不道人物知音寡誰能一奏和天地誰
能再撫歡朝野朝野歡娛樂未央車馬駢闐盛彩章

歲歲汾川事簫鼓朝朝伊水聽笙簧窈窕樓臺臨上
路妖嬈歌舞出平陽彈絃本自稱仁祖吹管由來許
季長猶憐雅歌淡無味淥水白雲誰相貴還將逸調
賞幽心不覺繁聲論遠意傳聞帝樂奏鈞天倘冀微
身備五絃願持東武宮商韻長奏南薰億萬年

奉和張舍人閣中直夜思聞雅琴因書事通

簡僚友

呂溫

迢遞天上直寂寞丘中琴憶爾山水韻起予仁智心
凝情在正始超想踈煩襟涼生子夜後月照禁垣深
遠風靄蘭氣微露清桐陰方襲絳衣慶永奏南薰吟

唐詩類苑

卷之六十五

三

同張叅軍喜李尚書寄新琴

司空曙

新琴傳鳳皇晴景稱高張白玉連徽淨朱絃繁爪長
輕埃隨拂拭雜籟滿鏗鏘暗想山泉合如親蘭蕙芳
正聲消鄭衛古狀掩笙簧遠識賢人意清風願激揚
聞亡友王七嘉禾寺得素琴

李益

故人惜此去留琴明月前今來我訪舊淚灑白雲天
詎欲匣孤響送君歸夜泉撫琴猶可絕况此故無絃
何必雍門奏然後使潺湲

幽琴

劉長卿

月色滿軒白琴聲宜夜闌颼颼青綵上靜聽松風寒
古調雖自愛今人多不彈向君投此曲所貴知音難

寶琴

釋彪

吾有一寶琴價重雙南金刻作龍鳳像彈爲山水音
星從微裏發風來絃上吟鍾期不可遇誰辨曲中心
初晴抱琴登馬退山對酒望遠醉後作

獨孤及

年長心易感况爲憂患纏壯圖迫世故行止兩茫然
王旅方伐叛虎臣皆被堅魯人著儒服甘就南山田
唐詩類苑 卷之六十五 四

望槥上高磴超遙望平川滄江大如綬隱映入遠天
荒服何所有山花雪中燃寒泉得日景吐雷鳴湔湔
舉酒勸白雲唱歌慰頽年微風度竹來韻我號鍾絃
一彈一引滿耳熱知心宜曲終余亦酣起舞山水前
人生幾何時太半百憂煎今日羈愁破始知濁酒賢

船夜援琴

白居易

鳥棲魚不動月照夜江深身外都無事舟中只有琴
七賢爲益友兩耳是知音心靜即聲淡其間無古今
夢得相過援琴命酒因彈秋思偶詠所懷兼

寄繼之待價二相府

白居易

閒居靜侶偶相招小飲初酣琴欲調我正風前弄秋
思君應天上聽雲韶時和始見陶鈞力物遂方知盛
聖朝雙鳳栖梧魚在藻飛沉隨分各逍遙

對琴待月

白居易

竹院新晴夜松窗未臥時共琴爲老伴與月有秋期
玉軫臨風久金波出霧遲幽音待清景唯是我心知

山夜調琴

王績

促軫乘明月抽絃對白雲從來山水韻不使俗人聞
夜調琴憶崔少卿

白居易

唐詩類苑 卷之六十五 五
今夜調琴忽有情欲彈惆悵憶崔卿何人解愛中微
上秋思頭邊八九聲

彈琴

劉希戩

一作劉希夷

碧山本岑寂素琴何清幽彈爲風入松崖谷殿已秋
庭鶴舞白雪泉魚躍洪流余欲娛世人明月難暗投
感歎未終曲淚下不可收嗚呼鍾子期零落歸山丘
死而若有知冤今從我遊

酬裴侍御留岫師彈琴見寄

李白

君同鮑明遠邀彼休上人鼓琴亂白雪秋變江

瑤草綠未衰攀翻寄情親相思兩不見流淚空盈巾

月夜聽盧子順彈琴 李白

閒夜坐明月幽人彈素琴忽聞悲風調宛若寒松吟
白雲亂纖手綠水清虛心鍾期久已歿世上無知音

侍宴賦得起坐彈鳴琴二首

楊師道

北林鵲夜飛南軒月初進調絃發清徽蕩心祛褊悵
變作離鴻聲還入思歸引長歎未終極秋風飄素鬢

二

絲傳園客意曲奏楚妃情罕有知音者空勞流水聲

唐詩類苑 卷之五

聽蜀僧濬彈琴 李白

蜀僧抱綠綺西下峨眉峯爲我一揮手如聽萬壑松
客心洗流水餘音入霜鐘不覺碧山暮秋雲暗幾重

送彈琴李長史往洪州 錢起

抱琴爲徵吏孤棹復南行幾度秋江水皆添白雪聲
佳期來客夢幽思緩王程佐牧無勞問心和正自平

贈彈琴李處士 李山甫

情知此事少知音自是先生枉用心世上幾時曾好
古人前何必更沾襟致身不似笙簧巧悅耳寧如鄭
衛淫三尺焦桐七條線子期師曠兩沉沉

贈裴九昌江草堂彈琴 賈至

見居處部草堂

咏夫子鼓琴得其人 白行簡

宣父窮玄奧師襄受素琴稍殊流水引全辨聖人心
慕德聲餘感懷仁意自深泠泠傳妙手撼撼振空林
促調清風至操絃白日沉曲終情不盡今古仰知音

聽琴 孟郊

殿殿微雨收飏飏橡葉鳴月沉亂峯西寥落三四星
前溪忽調琴隔林寒琤琤聞彈正弄聲不敢枕上聽
迴燭整頭簪漱泉立中庭定步屢齒深兒禪目冥冥

唐詩類苑 卷之五

微風吹衣襟亦認宮徵聲學道三十年未免憂死生

聽彈琴 劉長卿

泠泠七絃上靜聽松風寒古調雖自愛今人多不彈

好聽琴 白居易

本性好絲桐塵機聞卽空一聲來耳裏萬事離心中
清暢堪銷疾恬和好養蒙尤宜聽三樂安慰白頭翁

聽軒轅先生琴 釋虛中

訣妙與功精通宵膝上橫一堂風冷淡千古意分明
坐客神鬼疑巢禽耳目傾聆哉傷紂世曾不遇先生

聽琴 張喬

清月轉瑤軫弄中湘水寒能令坐來客不語自相看
靜恐鬼神出急疑風雨殘幾時歸嶺嶠更過洞庭彈

黃草峽聽柔之琴二首 元 稹

胡笳夜奏塞聲寒是我鄉音聽漸難料得小來辛苦
學又應知向峽中彈

別鶴淒清覺露寒離聲漸咽命難憐君伴我涪州
宿猶有心情徹夜彈

重同暢當樊公院聞琴 盧 綸

悞以音聲祈遠公請將微軫付秋風漾漾吹流吹不
盡月華如在白波中

唐詩類苑 卷之五

河口逢江州朱道士因聽琴

盧 綸

廬山道士夜携琴映月相逢辨語音引坐霜中彈一
弄滿船商客有歸心

舊竹亭聞琴

石室寒飈驚孫枝雅氣裁坐來山水操絃斷弔遺埃

聽琴秋夜贈寇尊師 常 建

琴當秋夜聽况是洞中人一指指應法一聲聲爽神
寒蟲臨砌默清吹裏燈頻何必鐘期耳高閒自可親

聽鄭五惜琴

孟浩然

阮籍推名飲清風坐竹林半酣下衫袖拂拭龍唇琴
一杯彈一曲不覺夕陽沉余意在山水聞之諧風心

秋夜聽葉上人彈琴 僧 貫休

萬物都寂寂堪聞彈正聲人心盡如此天下自和平
湘水瀉秋碧古風吹太清往年盧嶽奏今夕更分明

夜集汝州郡齋聽陸僧辯彈琴

孟 郊

康樂寵詞客清霄意無窮徵文北山外借月南樓中
千里愁併盡一樽歡暫同胡爲憂楚琴淅瀝起寒風

郡中夜聽李山人彈三樂 白居易

唐詩類苑

卷之五

九

風琴秋拂匣月戶夜開關榮啓先生樂姑蘇太守閒
傳聲千古後得意一時閒却怪鍾期耳唯聽水與山

昭國里第聽元老師彈琴 韋應物

竹林高宇霜露清朱絲玉徽多故情暗識啼鳥與別

鶴祗緣中有斷腸聲

聽劉尊師彈琴 曹 鄴

曾於清海獨聞蟬又向空庭夜聽泉不似齋堂人靜
處秋聲長在七絃絃

聽僧彈琴 僧 貫休

家近吳王古戰城海風終日打檣聲今朝鄉思渾堆

積琴上聞師大蟹行

涇州聽張處士彈琴

項斯

邊州獨夜正思鄉君又彈琴在客堂
髮髯不離燈影外似聞流水到瀟湘

聽賴師彈琴

韓愈

昵昵兒女語恩怨相爾汝
劃然變軒昂勇士赴敵場
浮雲柳絮無根蒂天地闊遠隨飛揚
喧啾百鳥響見孤鳳凰
躋攀分寸不可上失勢一落千丈強嗟余
有兩耳未省聽絃篁自聞賴師彈
起坐在一旁推手遽止之濕衣淚滂滂
賴乎爾誠能無以冰炭置我腸

唐詩類苑

卷之六十五

聽賴師琴歌

李賀

別浦雲歸桂花渚蜀國絃中雙鳳語
芙蓉葉落秋鸞離越王夜起遊天姥
暗清臣敲冰玉渡海蛾眉牽白鹿
誰看挾劍赴長橋誰看浸髮題春竹
竺僧前立當吾門梵宮真相稜稜尊
苦琴太軫長八尺嚶陽老樹非桐孫
涼館聞絃驚病客藥囊暫別龍鬚席
請歌直當請卿相歌奉禮官卑復何益

聽段處士彈琴

方干

幾年化作七條絲元化分功十指知
泉迸幽音離石底松含細韻在霜枝
驚東顧兔初圓夜竹上寒蟬欲

散時唯有此中心更靜聲聲可作後人師

聽趙秀才彈琴

韋莊

滿匣冰泉咽又鳴玉音閒澹入神清
巫山夜雨絃中起湘水清波指下生
蜂簇野花吟細韻蟬移高柳迸殘聲
不須更奏幽蘭曲卓氏門前月正明

霹靂引

沈佺期

歲七月火伏而金生客有鼓琴於門者
奏霹靂之商聲始曼羽以騷素終扣宮而
砰駘電耀耀今龍躍雷闐闐兮雨冥氣鳴
吟以會雅態歛翕以橫生有如驅千旗制
五兵截荒虺斯長鯨孰與廣陵比意別鶴
唐詩類苑

卷之六十五

七

精而已俾我雄子魄動毅夫髮立懷思不淺
武義雙輯視胡若芥剪羯如拾豈徒慷慨中
筵備羣娛之翕習哉

秋夕聽羅山人彈三峽流泉

岑參

皤皤岷山老抱琴鬢蒼然衫袖拂玉徽
爲彈三峽泉此曲彈未半高堂如空山
石林何颼颼忽在窗戶間繞指弄鳴咽
青絲激潺湲演漾怨楚雲虛徐韻秋烟
凝兼陽臺雨似雜巫山猿幽引鬼神聽
爭令耳目便楚客腸欲斷湘妃淚斑斑
誰裁青桐枝組以朱絲絃

能含古人曲逋與今人傳知音難再逢惜君方老
曲終月已落惆悵東齋眠

聽從叔琴彈三峽流泉歌 李季蘭

妾家本住巫山雲巫山流泉常自聞玉琴彈出轉寥
寥直似當時夢裏聽三峽迢迢幾千里一時流入幽
閨裏巨石崩崖指下生飛泉走浪絃中起初疑噴怒
含雷風又似嗚咽流不通迴湍曲瀨勢將盡時逢滴
瀝平沙中憶昔阮公爲此曲能令仲容聽不足一彈
既罷還一彈願似流泉鎮相續

聽彈風入松闌贈楊府 王昌齡

唐詩類苑 卷之六十五 十一

商風入我絃夜竹深有露絃悲與林寂清景不可度
寥落幽居心颺颺青松樹松風吹草白溪水寒日暮
聲意去復還九變待一顧空山多雨雪獨立君始悟

幽澗泉 李白

拂彼白石彈吾素琴幽澗愀今流泉深善手明微高
張清心寂歷似千古松颺颺今萬尋中見愁猿弔影
而危處今叫秋木而長吟客有哀時失志而聽者淚
淋浪以沾襟乃緝商綴羽潺湲成音吾但寫聲發情
於妙指殊不知此曲之古今幽澗泉鳴深林

琴操十首 韓愈

將歸操 孔子之趙聞殺鳴犢作

狄之水兮其色幽幽我將濟兮不得其由涉其淺兮
石齧我足乘其深兮龍入我舟我濟而悔今將安歸
尤歸兮歸兮無與石鬪兮無應龍求

倚蘭操 孔子傷不逢時作

蘭之倚倚揚揚其香不採而佩於蘭何傷今天之
其曷爲然我行四方以日以年雪霜貿貿薺麥之茂
子如不傷我不爾觀薺麥之茂薺麥之有君子之傷
君子之守

龜山操 孔子以季桓子受齊女樂諫不

唐詩類苑 卷之六十五 十一

從望龜山而作

龜之氛兮不能雲雨龜之枿兮不中梁柱龜之大兮
祇以奄魯知將隳兮哀莫余伍周公有鬼兮嗟余歸

輔

越裳操 周公作

雨之施物以孳我何意於彼爲自周之先其艱其動
以有疆宇私我後人我祖在上四方在下厥臨孔威
敢戲以侮孰荒于門孰治于田四海既均越裳是臣

拘幽操 又王姜里作

目窈窈兮其凝其盲耳肅肅兮聽不聞聲朝不日出

今夜不見月與星有知無知今為死為生嗚呼臣罪當誅今天王聖明

岐山操 周公為太王作

我家于幽自我先公伊我承序敢有不同今狄之人將土我疆民為我戰誰使死傷彼岐有咀我往獨處爾莫余追無思我悲

履霜操 尹吉甫子伯奇無罪為後母譖

而見逐自傷作

父今兒寒母兮兒饑兒罪當咎逐兒何為兒在中野以宿以處四無人聲誰與兒語兒寒何衣兒饑何食

唐詩類苑

卷之六十五

十四

兒行于野履霜以足母生眾兒有母憐之獨無母憐兒寧不悲

雉朝飛操 牧犢子七十無妻見雉雙飛

感之而作

雉之飛于朝日羣雌孤雄意氣橫出常東而西當啄而飛隨飛隨啄羣雌粥粥嗟我雖人曾不如彼雉雞生身七十年無一妾與妃

別鵠操 商陵穆子娶妻五年無子父母欲其改娶其妻聞之中夜悲泣穆子感之而作

雌鵠銜枝來雌鵠啄泥歸巢成不生子大義當乖離江漢水之大鵠身鳥之微更無相逢日且可繞樹相隨飛

殘形操 曾子夢見一狸不見其首作

有獸維狸兮我夢得之其身孔明兮而頭不知吉凶何為今覺坐而思巫咸上天兮識者其誰

水仙操

李咸用

大波相拍流水鳴蓬山鳥獸多奇形琴心不喜亦不驚安絃緩爪何冷冷水仙縹緲來相迎伯牙從此留嘉名嶧陽散木虛且輕重華斧下知其聲壓綵相紉

唐詩類苑

卷之六十五

十五

成妻清調和引得薰風生指底先王長養情曲終天下稱太平後人好事傳其曲有時聲足意不足始我義今復洋洋但見山青兼水綠成連入海移人情豈是本來無嗜慾琴今琴今在自然不在徽金將軫玉

湘絃怨

孟郊

昧者理芳草蒿蘭同一鋤一作慙一作怨一作秋林曲直同一枯嘉木忌深靈哲人悲巧誣靈均入迴流漸尚為良謨我願分眾泉清濁各異渠我願分眾泉泉鷺相遠居此志諒難保此情竟何如湘絃少知意孤響空踟躕

楚竹吟酬盧虔端公見和湘絃怨

孟郊

掘中有新聲楚竹人未聞識音者謂誰清一作靜夜吹

贈君昔爲瀟湘引曾動瀟湘雲一驚鳳改聽再驚鶴

失出一作羣江花匪秋落山日當晝曛衆濁響雜沓孤

清思氛氲欲知怨有一作形願向明月分一掬靈均

淚千年湘水文

聽彈湘妃怨

白居易

玉軫朱絃瑟瑟微吳娃徵調奏湘妃分明曲裏愁雲

雨似道蕭郎久不歸

唐詩類苑

卷之六十五

十六

聽彈沉湘

來鵠

賈誼投文弔屈平珩琴能瀉此時情秋風一奏沉湘

曲流水千年作恨聲

聽彈淥水

白居易

聞君古淥水使我生和平欲識漫流意爲聽疎汎聲

西窗竹陰下竟日有餘清

聽樂山人彈易水

賈島

朱絲絃底燕泉急燕將雲孫白日彈蕭氏歸山陵已

掘聲聲猶帶髮衝冠

聽幽蘭

白居易

琴中有曲是幽蘭爲我慙慙更弄看欲得身心俱靜
好自彈不及聽人彈

雨中聽琴者彈別鶴操 白居易

雙鶴分離一何苦連陰雨夜不堪聞莫教遷客孀妻

聽嗟嘆悲啼詎殺君

聽妻彈別鶴操

元稹

別鶴聲聲怨夜絃聞君此奏欲潛然商陵五十知無

子便付琴書與仲宣

和微之聽妻彈別鶴操因爲解釋其義依韻

加四句

白居易

唐詩類苑

卷之六十五

十七

義重莫若妻生離不如死誓將死同穴其奈生無子

商陵追禮教婦出不能止舅姑明且辭夫妻中夜起

起聞雙鶴別若與人相似聽其悲唳聲亦如不得已

青田八九月遼城一萬里徘徊去住雲鳴咽東西水

寫之在琴曲聽者酸心髓况當秋月彈先入憂人耳

怨抑掩朱絲沉吟停玉指一聞無兒歎相念兩如此

無兒雖薄命有妻偕老矣幸免生別離猶勝商陵氏

清夜琴興

白居易

月出鳥栖盡寂然坐空林是時心境閒可以彈素琴

清冷由水性恬澹隨人心心積和平氣木應正始音

響餘羣動息曲罷秋夜深正聲感元化天地清沉沉

江上琴興

常建

江上調玉琴一絃清一心冷冷七絃遍萬木澄幽陰
能使江月白又令江水深始知梧桐枝可以徵黃金

送尹補闕元凱琴歌

張說

鳳哉鳳哉啄琅玕飲瑤池栖崑崙之山哉中國有聖
人感氣飛來飛來自歌自舞先王冊府麒麟之臺
雌衆雛故山曲其鳴喈喈其鳴喈喈欲往銜之欲去
來去別鸞鳳心徘徊明年阿閣梧桐花葉開羣飛鳳
歸來羣飛鳳歸來

唐詩類苑

卷之六十五

十八

和殷協律琴思

白居易

秋水蓮冠春草裙依稀風調似文君煩君玉指分明
語知是琴心伴不聞

彈秋思

白居易

信意閒彈秋思時調清聲直韻疎遲近來漸喜無人
聽琴格高低心自知

夜琴

白居易

蜀桐木性實楚絃音韻清調慢彈且緩夜深十數聲
入耳淡無味愜心潛有情自弄還自罷亦不要人聽

風琴引

僧貫休

按吳絃雕楚竹高託天風拂爲曲一一宮商在素空

鸞鳴鳳語翹梧桐夜深天碧松風多孤窻寒夢驚流

波秋寬傍枕不肯去翻疑住處隣湘娥金風聲盡薰

風發冷冷虛堂韻難歇常恐聽多耳漸繁清音不絕

知音絕

風琴

僧貫休

至竟心爲造化功一枝青竹四絃風寥寥雙耳更深
後如在縹山明月中

風中琴

盧仝

五音六律十三徽龍吟鶴響思庖羲一彈流水一彈

唐詩類苑

卷之六十五

十九

月水月風生松樹枝

和順之琴者

白居易

陰陰花院月耿耿蘭房燭中有弄琴人聲貌俱如玉
清冷石泉引澹竹松風曲遂使君子心不愛凡絃竹

松下琴贈客

白居易

松寂風初定琴清夜欲闌偶因羣動息試撥一聲看
寡鶴當微怨秋泉應指寒慙君此傾聽本不爲君彈

秋夜仰懷錢孟二公琴客會

賈島

月色四時好秋光君

一作

子知南山昨夜雨爲我寫

清規獨鶴聳寒骨高杉韻細颺仙家縹緲弄髣髴此
中期

屏風上各賦一物得攜琴客

皇甫冉

不是向空林應當就盤石白雲知隱處芳草迷行跡
如何祇役心見爾攜琴客

五絃彈

白居易

五絃彈五絃彈聽者傾耳心寥寥趙璧知君入骨愛
五絃一一爲君調第一第二絃索索秋風拂松疎韻
落第三第四絃冷冷夜鶴憶子籠中鳴第五絃聲最

唐詩類苑

卷之五

十一

掩抑隴水凍咽流不得五絃並奏君試聽淒淒切切
復錚錚一作鐵擊珊瑚一兩曲冰寫玉盤千萬聲鐵
聲殺水聲寒殺聲入耳膚血憺寒氣中人肌骨酸曲
終聲盡欲半日四座相對愁無言座中有一遠方士
唧唧咨嗟一作聲不已自嘆今朝初得聞始知辜負
平生耳唯憂趙璧白髮生老死人間無此聲遠方士
爾聽五絃信爲美吾聞正始之音不如是正始之音
其若何朱絃疏越清廟歌一彈一唱再三嘆曲淡節
稀聲不多融融洩洩召元氣聽之不覺心平和人情
重今多賤古古瑟有絃人不撫一作更從趙璧藝成

來二十五絃不如五

五絃行

元稹

美人爲我彈五絃塵埃忽靜心悄然古刀幽磬初相
觸千珠貫斷落寒玉中曲又不喧徘徊夜長月當軒
如伴風流縈艷雪更逐落花飄御園獨鳳寥寥有時
隱碧霄來下聽還近燕姬有恨楚客愁言之不盡聲
能盡末曲感我情解幽釋結和樂生壯士有仇未得
報拔劍欲去憤已平夜寒酒多愁遽明

五絃行

韋應物

美人爲我彈五絃塵埃忽靜心悄然古刀幽磬初相
觸千珠貫斷落寒玉五絃中曲又不喧徘徊夜長月
當軒如一作始伴流風縈艷雪更逐落花飄御園獨鳳
寥寥有時隱碧霄來下聽還近燕姬萬一作恨楚客
愁言之不盡聲能盡未有幾曲感我情解幽釋結我
樂生壯士有仇未得報拔劍欲去憤已平憤已平夜
寒酒多愁遽明

唐詩類苑

卷之六

三十一

神絃別曲
李賀
巫山小女隔雲別春風松花山上發綠蓋獨穿香逕
歸白馬花竿前子子蜀江風澹水如羅墮蘭誰汎相
經過南山桂樹爲君死雲衫淺汚紅脂花

神絃別曲

李賀

巫山小女隔雲別春風松花山上發綠蓋獨穿香逕
歸白馬花竿前子子蜀江風澹水如羅墮蘭誰汎相
經過南山桂樹爲君死雲衫淺汚紅脂花

神絃曲

李賀

西山日沒東山昏旋風吹馬馬踏雲盡絃素管聲淺
繁花裙綵繚步秋塵桂葉刷風桂墜子青狸哭血寒
狐死古壁彩虬金帖尾雨工騎入秋潭水百年老鴉
成木魅笑聲碧火巢中起

神絃

李賀

女巫澆酒雲滿空玉爐炭火香蒙蒙海神山鬼來座
中紙錢窸窣鳳躩風相思木帖金舞鸞攢蛾一噓重
一彈呼星召鬼歆杯盤山魃食時人森寒終南日色
低平灣神兮長在有無間神噏神喜師更顏送神萬

唐詩類苑

卷之五

三

騎還青山

朱絲絃

楊衡

寂寞瑤琴上深知直者情幸傳朱鷺曲那止素絲名
瑞草人空仰王言世久行大方聞正位樂府動清聲
文武音初合宮商調屢更誰能向機杼終日泣無成

詠蜀客石琴枕

呂溫

可憐他山石幾度負貞堅推遷強爲用雕斲傷自然
文含巴江浪色起青城烟更聞餘玉聲時入朱絲絃

問支琴石

白居易

疑因星隕空中落歎被泥埋澗底沉天上定應勝地

上支機未必及支琴提携拂拭知恩否雖不能言合
有心

崔湖州贈紅石琴薦煥如錦文無以荅之以

詩酬謝

白居易

頽錦支綠綺韻同相感深千年古澗石八月秋堂琴
引出山水思助成金玉音人間無可比比我與君心

李西川薦琴石

柳宗元

遠師騶忌鼓鳴琴去和南風愜舜心從此他山千古
重殷勤曾是奉徽音

司空主簿琴席

韋應物

唐詩類苑

卷之五

三

煙華方散薄蕙氣猶含露澹景發清琴幽期默玄
云悟留連白雪意斷續迴風度掩抑雖已終忡忡在
幽素

琴暖

曹唐

太和琴暖發南薰水閣風高得細聞滄海舉歌夔是
相歷山迴禪舜爲君翠微呼處生丹障清淨封中起
白雲今日病身慙小隱欲將泉石勒移文

廢琴

白居易

絲桐合爲琴中有太古聲古聲淡無味不稱今人情
玉微光彩滅朱絃塵土生廢棄來已久遺音尚泠泠

不辭爲君彈縱彈人不聽何物使之然羌笛與秦

胡琴

鄂渚聽杜別駕彈胡琴

劉長卿

文姬留此曲千載一知音不解胡人語空留

一作楚愁

客心聲隨邊草動意入隴雲深何事長江上蕭蕭

塞吟

箏

詠箏

李嶠

蒙恬芳軌設游楚妙彈開新曲帳中發清音指下來
鈿裝模六律柱列配三才莫聽西秦奏箏箏有刺哀

唐詩類苑

卷之六十五

二四

箏

白居易

雲髻飄蕭綠花顏綺旎紅雙眸剪秋水十指剥春葱
楚豔爲門閥秦聲是女工甲鳴銀玦璫柱觸玉玲瓏
後苦啼嫌月鶯嬌語詭風移愁來手底送恨入絃中
趙瑟清相似胡琴開不同慢彈迴斷鴈急奏轉飛蓬
霜珮鏘還委冰泉咽復通珠聯千拍碎刀截一聲終
倚麗精神定矜能意態融歇時情不斷休去思無窮
燈下青春夜樽前白首翁且聽應得在老耳未多聾
秦箏歌送外生蕭正歸京 岑參
汝不聞秦箏聲最苦五色絢絃十三柱怨調慢聲如

欲語一曲未終日移午紅亭水木不知暑忽彈黃鍾

和白紵清風颭來雲不去聞之酒醒淚如雨汝歸秦

今彈秦聲秦聲悲今聊送汝

和鄭愚贈汝陽王孫家箏妓二十韻

李商隱

水霧怨何窮秦絲嬌未已寒空烟霞高白日一萬里

碧嶂愁不行濃翠遙相倚茜袖捧瓊姿皎日丹霞起

孤猿耿幽寂西風吹白芷迴首蒼梧深女蘿閉山鬼

荒郊白鱗斷別浦晴霞委長約壓河心白道連地尾

秦人昔富家綠窻聞妙音鴻驚鴈背飛象牀殊故里

唐詩類苑

卷之六十五

三五

因令五十絃中道分宮徵斗栗配新聲娉姪徒纖指

風流大堤上悵望白門裏蠹粉實雌絃燈光冷如水

琵琶促蠻柱從醉吳宮耳滿門不掃眉君王對西子

初花慘朝露冷臂妻愁隨一曲送連錢遠別長於死

汪初銜紅蘭牀窻結碧綺九門十二闕清晨禁桃李

宴席賦得姚美人搗箏歌

美人在禁中

盧綸

出簾仍有鈿箏隨見罷翻令恨識遲微收皓腕纏紅
袖深遏朱絃低翠眉忽然高張應繁節玉指迴旋若
飛雪鳳簫龍管寂不喧綉幕紗窗儼秋月有時輕弄

和郎歌慢處聲遲情更多已愁紅臉能佯醉又恐失
門難再過昭陽伴裏最聰明出到人間纔長成還知
禁曲難翻處猶自君王說小名

觀李中丞美人軋箏歌

時董移湖
州長史

釋皎然

君家雙美姬善歌工箏人莫知軋用蜀竹絃焚香
哇宛聲相隨夜靜酒闌佳月前高張水引仍

淵淵美人

時如迸泉趙瑟素所
且莫停金

聲已闕雅聲來游魚唼鳴鶴徘徊主人高情始爲開

唐詩類苑

卷之六十五

二十六

高情放浪出常格偶世有名道無跡勲業先登上將
科文章首冠諸人籍每笑石崇無道情輕身重色禍
亦成君有佳人當禪伴於中不廢學養生愛君天然
性寡欲家貧祿薄常知足謫官無愠如古人交道忘
言比前躅不意全家萬里來湖中再見春山綠吳興
公舍幽且閒何妨寄隱在其間時議名齊謝太傅更
有携妓似東山

李湖州孺人彈箏歌

顧况

武帝昇天留法曲妻情掩抑絃柱促上陽宮人
怨青苔此夜想夫憐碧玉思婦高樓刺壁窺一作愁

猗猗月鸚呼兒寸心十指有長短妙入神處無人知
獨把梁州凡幾拍風沙對面胡秦隔聽中忘却前溪
碧醉後猶疑邊草白

彈箏人

溫庭筠

天寶年中事玉皇曾將新曲教寧王鈿蟬金鴈今零
落一曲伊州淚萬行

高樓夜彈箏

常建

高樓百餘尺直上江水平明月照人苦開簾彈玉箏
山高猿狖急天靜鴻鴈鳴曲度猶未終東峯霞半生

觀搗箏

王灣

唐詩類苑

卷之六十五

二十七

虛室有秦箏箏新月復清絃多弄委曲柱促語分明
曉怨凝繁手春嬌入慢聲近來唯此樂傳得美人情
夜坐看搗箏
王諶
調箏夜坐燈光裏孤挂羅帷露纖指朱絃一一聲不
同玉柱連連影相似不知何處學新聲曲曲彈來未
觀名應是石家金谷裏流傳未滿洛陽城

聽箏

李端

聽箏

張九齡

鳴箏金粟柱素手玉房前欲得周郎顧時時誤拂絃
端居正無緒那復發秦箏纖指傳新意繁絃起怨情

悠揚思欲絕掩抑態還生豈是聲能感人心自不平

夜聞箏中彈瀟湘送神曲感舊

白居易

縹緲巫山女歸來七八年殷勤湘水曲留在十三絃
苦調吟還出深情咽不傳萬重雲水思今夜月明前

聽崔七妓人箏

白居易

花臉雲鬟坐玉樓十三絃裏一時愁憑君向道休彈
去白盡江州司馬頭

聽夜箏有感

白居易

江州去日聽箏夜白髮新生不願聞如今況是成頭

唐詩類苑

卷之六十五

三八

雪彈到天明亦任君

夜箏

白居易

紫袖紅絃明月中自彈自感閨低容絃凝指咽聲停
處別有深情一萬種

冬夜晏河中李相公中堂命箏歌送酒

劉禹錫

朗朗鵲雞絃華堂夜多思簾外雪已深座中人半醉
翠蛾發清響曲盡有餘意酌我莫愁酒老來無逸氣

哀箏

李商隱

延頸全同鶴柔腸素怯猿湘波無限淚蜀鬼有餘冤

輕幃長無道哀箏不出門何由問香炷翠幕月黃昏

偶於洛陽牛相公處覓得箏箏未到先寄詩

來走筆戲答來詩云但愁封寄去魔物或

驚禪

白居易

楚匠饒巧思秦箏多好音如能惠一面何啻直雙金
玉柱調須品朱絃染要深會教魔女弄不動是禪心

戲答思黯有能箏者以此戲之

白居易

何時得見十三絃待取無雲有月天願得金波明似
鏡鏡中照出月中仙

唐詩類苑

卷之六十五

三九

箏柱子

朱灣

散本今在幸良工不棄捐力微慙一柱材薄仰命作
羣絃且喜聲相應寧辭跡屢遷知音如見賞雅調爲

君傳

瑟

詠瑟

李嶠

伏羲初製法素女昔傳名流水嘉魚躍叢臺舞鳳驚
嘉賓飲未極君子娛俱并倘入丘之戶應知由也情

調瑟詞

并序

劉禹錫

里有高僧名厚自奉養而嚴督戒獲力屈形削猶

後之無藝極一日不堪命亡者過半追亡者亦不
來復翁頷沮而追昨非之莫及也予感之作調瑟
詞

調瑟自張絃絃平音自足朱絃二十五缺一不成曲
美人愛高張瑟軫再三促上絃雖獨響下應不相屬
日暮聲未和寂寥一枯木却顧膝上絃流淚難相續

湘靈鼓瑟

魏 瓘

瑟琴多哀怨朱絃且莫聽扁舟三楚客藁竹二妃靈
浙瀝聞餘響依稀辨形柱間寒水碧曲裏暮山青
良馬悲銜草遊魚思曉萍知音若相遇終不滯南溟
唐詩類苑 卷之六十五

湘靈鼓瑟

錢 起

善撫一作鼓雲和瑟常聞帝子靈馮夷空自舞楚客不
堪聽逸韻諧金石清音發杳冥蒼梧來怨暮白芷動
芳馨流水傳湘浦悲風過洞庭曲終人不見江上數
峯青

湘靈鼓瑟

陳 季

神女泛瑟古祠嚴野亭楚雲來泱泱湘水助清冷
妙指微幽契繁聲入杳冥一彈新月白數曲暮山青
調苦荆人怨時逢帝子靈餘音如可賞試奏爲君聽
湘靈鼓瑟 莊若訥

帝子鳴金瑟餘聲自抑揚悲風絲上斷流水曲中長
出沒遊魚聽透迤彩鳳翔微音時扣徵雅韻乍含商
神理誠難測幽情詎可量至今聞古調應恨滯三湘

湘靈鼓瑟

王 邕

寶瑟和琴韻靈妃應樂章依稀聞促柱髮髩夢新粧
波外聲初發風前曲正長淒清和萬籟斷續繞三湘
轉覺雲山迥空懷杜若芳誰能傳此意雅會在宮商

瑟怨

溫庭筠

水簾銀牀夢不成碧天如水夜雲輕鴈聲遠過瀟湘
去十二樓中月自明
唐詩類苑 卷之六十五

瑟怨

杜 牧

玉仙瑟瑟夜珊珊月過樓西桂燭殘風景人間不如
此動搖湘水徹明寒

古瑟怨

李 益

破瑟悲秋已減絃湘靈沉怨不知年感君拂拭遺音
在更奏新聲明月天

錦瑟

李商隱

錦瑟無端五十絃一絃一柱思華年莊生曉夢迷蝴蝶
蝶望帝春心託杜鵑滄海月明珠有淚藍田日暖玉
生煙此情可待成追憶只是當時已惘然

阮咸

和令狐僕射小飲聽阮咸 白居易

掩抑復凄清非琴不是箏還彈樂府曲別占阮家名
古調何人識初聞滿座驚落盤珠歷歷搖珮玉
以勸杯中物如含林下情時移音律改豈是昔時聲

琵琶

琵琶

太宗

半月無雙影全花有四時催藏千里態掩抑幾重悲
促節繁紅袖清音滿翠帷快彈風響急緩曲鉤聲遲
空餘闕隴恨因此代相思

唐詩類苑

卷之六五

三三

詠琵琶

李嶠

朱絲聞岱谷鑠質本多端半月分絃出叢花拂面安
將軍曾制曲司馬屢陪觀本是胡中樂希君馬上彈

琵琶

元稹

學語胡兒撼玉玲甘州破裏最星星使君自恨常多
事不得功夫夜夜聽

琵琶

白居易

絃清撥刺語錚錚背却殘燈就月明賴是心無惘悵
事不如爭奈子絃聲

琵琶行

并序

白居易

元和十年予左遷九江郡司馬明年秋送客湓浦

口聞舟船中夜彈琵琶者聽其音錚錚然有京都
聲問其人本長安倡女嘗學琵琶於穆曹二善才
年長色衰委身爲賈人婦遂命酒使快彈數曲曲
罷憫默自敘少小時歡樂事今漂淪憔悴轉徙
江湖間予出官二年恬然自安感斯人言是夕始
覺有遷謫意因爲長句歌以贈之凡六百一十二
言命曰琵琶行

唐詩類苑

卷之五

三三

湓陽江頭夜送客楓葉荻花秋瑟瑟主人下馬客在
船舉酒欲飲無管絃醉不成歡慘將別別時茫茫江
浸月忽聞水上琵琶聲主人忘歸客不發尋聲暗問
彈者誰琵琶聲停欲語遲移船相近邀相見添酒迴
燈重開宴千呼萬喚始出來猶抱琵琶半遮面轉軸
撥絃三兩聲未成曲調先有情絃絃掩抑聲聲思似
訴平生不得志低眉信手續續彈說盡心中無限事
輕攏慢撚抹復挑初爲霓裳後六么大絃嘈嘈如急
雨小絃切切如私語嘈嘈切切錯雜彈大珠小珠落
玉盤間關鶯語花底滑幽咽泉流水下灘水泉冷澁
絃疑絕疑絕不通聲暫歇別有幽愁暗恨生此時無
聲勝有聲銀瓶乍破水漿迸鐵騎突出刀鎗鳴曲終

收撥當心劃四絃一聲如裂帛東舟西舫悄無言
見江心秋月白沉吟放撥插絃中整頓衣裳起欲容
自言本是京城女家在蝦蟆陵下住十三學得琵琶
成名屬教坊第一部曲罷曾教善才服粧成每被秋
娘妬五陵年少爭纏頭一曲紅綃不知數細頭雲
擊節碎血色羅裙翻酒汗今年歡笑復明年秋
花等閒度弟走從軍阿姨死暮去朝來顏色故門
冷落鞍馬稀老大嫁作商人婦商人重利輕別離前
月浮梁買茶去茶來江口守空船遶船月明江水寒
夜深忽夢少年事夢啼粧淚紅闌干我聞琵琶已嘆

唐詩類苑

卷之六十五

三四

息又聞此語重唧唧同是天涯淪落人相逢何必曾
相識我從去年辭帝京謫居卧病潯陽城潯陽地僻
無音樂終歲不聞絲竹聲住近湓江地卑濕黃蘆苦
竹遶宅生其間旦暮聞何物杜鵑啼血猿哀鳴春江
花朝秋月夜往往取酒還獨傾豈無山歌與村笛嘔
啞咽嚅難爲聽今夜聞君琵琶語如聽仙樂耳暫明
莫辭更坐彈一曲爲君翻作琵琶行感我此言良久
立却坐促絃轉急妻妻不以向前聲滿座聞之皆
掩泣就中泣下誰最多江州司馬青衫濕

琵琶歌

白居易

琵琶官調八十一旋宮三調彈不出玄宗偏許賀懷
智段師此藝還相匹自後流傳指撥衰崑崙善才徒
爾爲湏聲少得似雷吼纏^去絃不敢彈羊皮人間音
事會相續但有卞和無有玉段師弟子數十人李家
管兒稱上足管兒不作供奉兒拋在東都雙鬢蓬蓬
人便請送杯盞著盡功夫人不知李家兄弟皆愛酒
我是酒徒爲密友著作曾邀連夜宿中碾春溪葉新
綠平明船載管兒行盡日聽彈無限曲曲名無限
者鮮霓裳羽衣偏宛轉涼州大遍最豪嘈六么散序
多籠撚我聞此曲深賞竒賞著竒處驚管兒管兒爲

唐詩類苑

卷之六十五

三五

我雙淚垂自彈此曲長自悲淚垂捍撥朱絃濕水泉
鳴咽流鶯泣因茲彈作雨霖鈴風雨蕭條鬼神泣一
彈既罷又一彈珠幢夜靜風珊珊低徊慢弄關山思
坐對燕然秋月寒月寒一聲深殿磬驟彈曲破音繁
併百萬金鈴旋^去聲玉盤醉客滿船皆暫醒自茲聽後
六七年管兒在洛我朝天游想慈恩杏園裏夢寐仁
風花樹前去年御史留東臺公私感促頻不開今春
制獄正撿亂晝夜推囚心似灰暫輟歸時尋著作著
作南園花折萼煙脂耀眼桃正紅雪片滿溪梅已落
是夕青春值三五花枝向月雲含吐著作施罇命管

兒管兒久別今方覩管兒還爲彈六么六么依舊聲
迢迢猿鳴雪岫來三峽鶴唳晴空聞九霄遠巡彈得
六么徹霜刀破竹無殘節幽關鷓鴣軋胡鴈悲斷絃若
歸層冰裂我爲含妻歎奇絕許作長歌始終說藝奇
思寡塵事多許來寒暑又經過如今左降在閒處始
爲管兒歌此歌此歌寄管兒管兒管兒憂爾衰爾
衰之後繼者誰繼之無乃在鐵山鐵山已近曹穆間
二善性靈甚好功猶淺急處未得臻幽閒努力鐵山
勤學取莫遣後來無所祖

劉禪奴彈琵琶歌

顧况

唐詩類苑

卷之五

三六

樂府只傳橫吹好琵琶寫出關山道羈鴻出塞繞黃
雲邊馬仰天嘶白草明妃怨中漢使廻蔡琰愁處胡
笳哀神鬼知妙欲收響陰風切切四面來李陵寄書
別蘇武自有人生無此苦當時若值霍嫖姚滅盡烏
孫奪公主

聽隣人琵琶

陳叔達

本是龍門桐因妍入漢宮香緣羅袖裏聲逐朱絃中
雖有相思韻翻將入塞同關山臨却月花蕊散迴風
爲將金谷引添令曲未終

聽琵琶妓彈畧畧

白居易

脆軟撥頭輕新教畧畧成四絃千遍語一曲萬重情
法向師邊得能從意上生莫欺江外手別是一家聲

聽曹剛琵琶兼示重蓮

白居易

撥撥絃絃意不同胡啼番語兩玲瓏誰能截得曹剛
手挿向重蓮衣袖中

聽李士良琵琶

白居易

聲似胡兒彈舌語愁如塞月恨邊雲閒人鬢聽猶眉
歛可使和蕃公主聞

聽琵琶

羅隱

香筵酒散思朝散偶向梧桐暗處聞大底曲中皆有
恨滿樓人自不知君

唐詩類苑

卷之五

三七

夜聽琵琶二首

羊士諤

掩抑危絃咽又通朔雲邊月想朦朧當時誰佩將軍
印長使蛾眉怨不窮

一曲徘徊星漢稀夜闌幽怨重依依忽似撥金來上
馬南枝栖鳥盡驚飛

春聽琵琶兼簡長孫司戶

白居易

四絃不似琵琶聲亂寫真珠網撼鈴指底商風悲颭
颭舌頭胡語苦醒醒如言都尉思京國似訴明妃厭
虜庭遷客共君相勸諫春腸易斷不須聽

代琵琶弟子謝女師曹供奉寄新調弄譜

白居易

琵琶師在九重城忽得書來喜且驚一紙展眉非舊譜
四絃翻出是新聲
麝賓掩抑嬌多怨散水玲瓏峭更清
珠顚淚霑金捍撥紅粧弟子不勝愁

唐詩類苑

卷之六十五

三八

唐詩類苑卷第六十六

明雲間張之象玄超甫纂

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

樂部

箜篌

箜篌謠

有序

李白

一曰公無渡河崔豹古今注曰箜篌引者朝鮮津卒霍里子高妻麗王所作也子高晨起刺船有一

唐詩類苑

卷之六十六

一

白首狂夫被髮提壺亂流而渡其妻隨而止之不及遂墜河而死於是援箜篌而歌曰公無渡河公竟渡河墜河而死將柰公何聲甚悽愴曲終亦投河而死子高還以語麗王麗王傷之乃引箜篌而寫其聲聞者莫不墮淚飲泣麗王以其曲傳隣女麗容名曰箜篌引又有箜篌謠不詳所起大略言結交當有終始與此異也

攀天莫登龍走山莫騎虎貴賤結交心不移惟有嚴陵及光祖周公稱大聖管蔡寧相容漢謠一斗粟不與淮南春兄弟尚路人吾心安所從他人方寸間山

海幾千重輕言托朋友對面九疑峰開花必早落桃
李不如松管鮑久已死何人繼其蹤

筌篴後語

結交在相得骨肉何必親甘言無貴實世薄多蘇秦
從風暫靡草富貴上升人一作不見高巔樹摧折下
爲薪豈觀井口泥時至出作塵

筌篴引

王昌齡

盧一作溪郡南夜泊舟夜聞兩岸羌戎謳其時月黑
援嗽嗽微雨沾衣令人愁有一遷客登高樓不言不
寐彈筌篴彈作蘇門桑葉秋風沙颯颯青塚頭將軍

唐詩類苑

卷之六十六

二

鐵驄汗血流深入匈奴戰未休黃旗一點兵馬收亂
殺胡人積如丘瘡病驅來役邊州仍披漠北羔羊裘
顏色饑枯掩面羞眼眶淚滴深兩眸還思本鄉食蓬
牛欲語不得指咽喉或有強壯能咿嚶意說被他邊
將讐五世屬藩漢主留碧毛氊障河曲遊橐駝五萬
部落稠敕賜飛鳳金兜鍪爲君百戰如過籌靜掃陰
山無鳥投家藏鐵券特承優黃金百斤不稱求九族
分離作楚囚深溪寂寞絃苦幽草木悲感聲颼颼僕
本東山爲國憂明光殿前論九疇簾讀兵書盡冥搜
爲君掌上施權謀洞曉山川無與儔紫宸詔發遠懷

柔搖筆飛霜如牽鈎鬼神不得知其由憐愛蒼生比
蚍蜉朔河屯兵須漸抽盡遣降來拜御溝便令海內
休戈矛何用班超定遠侯史臣書之得已不

筌篴引

一作公無渡河

李賀

公平公平提壺將焉如屈平沈湘不足慕徐衍入海
誠爲愚公平公平牀有管席盤有魚北里有賢兄東
隣有小姑隴畝油油黍與葫尾鯉濁醪蟻浮浮黍可
食醪可飲公平公平其柰君被髮奔流竟何如賢兄
小姑哭鳴鳴

李憑筌篴引

李賀

唐詩類苑

卷之六十六

三

吳絲蜀桐張高秋空山凝雲頽不流江娥啼竹素女
愁李憑中國彈筌篴崑山玉碎鳳凰叫芙蓉泣露香
蘭笑十二門前融冷光二十三絲動紫皇女媧煉石
補天處石破天驚逗秋雨夢入神山教神嫗老魚跳
波瘦蛟舞吳質不眠倚桂樹露脚斜飛濕寒兔

鐘

詠鐘

李嶠

既接南陵磬還隨北里笙平陵通曙響長樂徹宵聲
秋至含霜動春歸應律鳴欲知長待扣金簾有餘清

山夜聽鐘

張說

夜卧聞夜鐘夜靜山更響霜風吹寒月窗隙虛中
前聲既春容後聲復見盪聽之如可見尋之定無像
信知本際空徒挂生滅想

寒夜聞霜鐘

鄭 細

霜鐘初應律寂寂出重林拂水宜清聽凌空散迴音
春容時未歇搖曳夜方深月下和虛籟風前聞遠砧
淨兼寒漏微聞裏暑更侵遙想千山外冷冷何處尋

寒夜聞霜鐘

盧景亮

洪鐘發長夜清響出層吟暗入繁霜切遙傳古寺深
何城亂遠漏幾處雜疎砧已警離人夢仍知旅客襟

唐詩類苑

卷之六十六

四

待時當命侶抱器本無心倘若無知者誰能設此音

曉聞長樂鐘聲

漢苑鐘聲早秦郊曙色分霜凌萬戶徹風散一城聞
已啓蓬萊殿初朝鴛鴦群虛心方應物大扣欲干雲
近雜鷄人唱新傳亮氏文能令翰苑客流聽思氛氲

寒夜聞霜鐘

渺渺飛霜夜寒寥遠岫鐘出雲疑斷續入戶乍春容
度枕頻驚夢隨風幾韻松悠揚來不見杳靄去何從
髣髴煙嵐隔依稀巖嶠重此聊須一聽餘響繞千峰

寒夜聞霜鐘

寥亮來豐嶺分明辨古鐘應霜如自擊中節每相從
靜聽非閒扣潛應溫聖蹤風間時斷續雲外更春容
虛警和清籟雄鳴隔亂峰因之諭知己一作感激更
難逢

遠寺鐘

李嘉祐

疎鐘何處來度竹兼拂水漸逐微風聲依依猶在耳
遠寺鐘

司空曙

杳杳疎鐘發月風清後引中宵獨聽之似與東林近

煙際鐘

韋應物

隱隱起何處迢迢送落暉蒼茫隨思遠蕭散逐一作入

唐詩類苑

卷之六十六

五

煙微秋野寂云一作方晦望山僧獨歸

鼓

詠鼓

李 嶠

舜日諧謔響堯年韻土聲向樓疑吹擊震谷似雷驚
仙鶴排門起靈龜帶水鳴樂云行已奏禮曰冀相成

鼙鼓行

元 稹

淮海生雲暮慘澹廣陵城頭鼙鼓暗寒聲坎坎風動
邊忽似孤城萬里絕四望無人煙又如虜騎截遼水
胡馬不食仰朔天座中亦有燕趙士聞鼙不語客心
死何況鰥孤火絕無晨炊獨婦夜泣官有期

官街鼓

李賀

曉聲隆隆催轉日暮聲隆隆呼月出漢城黃柳映新
簾柏陵飛燕埋香骨砲發千年日長白孝武素王聽
不得從君翠髮蘆花色獨共南山守中國幾迴天上
奠神僊漏聲相將無斷續

聽鼓

李商隱

城頭疊鼓聲城下暮江清欲問漁陽慘時無禰正平
笙

詠笙

楊希道一作楊師道

短長挿鳳翼洪細慕鸞音能令楚妃歎復使荆王吟
唐詩類苑卷之六十六

切切孤竹管來應雲和琴

詠笙

李嶠

懸匏曲沃上孤篠汶陽隈形寫歌鸞翼聲隨舞鳳哀
歡娛分北里純孝卽南陔今日虞音奏踰踰鳥獸來

鳳笙曲

沈佺期

憶昔王子晉鳳笙遊雲空揮手弄白日安能繼青宮
豈無嬋娟子結念羅帷中怜壽不貴色身世兩無窮

題笙

羅鄴

筠管參差排鳳翅月堂凄切勝龍吟最宜輕動纖纖
玉醉送當觀灑灑金纖纖猶能微妙曲瀛臺相並吹

清音好將宮徵陪歌扇莫遣新聲鄭衛侵

鳳笙篇

李白

仙人十五愛吹笙學得崑丘彩鳳鳴始聞煉氣餐金
液復道朝天赴王京王京迢迢幾千里鳳笙去去無
窮已欲歎離聲發絳唇更嗟別調流纖指此時惜別
詎堪聞此地相看未忍分重吟真曲和清吹却奏仙
歌聲綠雲綠雲紫氣滿函關訪道因尋緱氏山莫學
吹笙王子晉一過浮丘斷不還

緱山月夜聞王子晉吹笙

張仲素

王子千年後笙音五夜聞逶迤遶清洛斷續下仙雲
唐詩類苑卷之六十六

泄泄飄難定啾啾曲未分松風助幽律波月動輕文
鳳管聽何遠鸞聲若在群暗空思羽蓋餘韻自氛氲

緱山月夜聞王子晉吹笙

厲玄

緱山明月夜岑寂隔塵氛紫府參差曲清宵次第聞
韻流多入洞聲度半和雲拂竹鸞驚侶經松鶴舞群
蟾光聽處合仙路望中分坐惜千岳曙遺音過汝墳

緱山月夜聞王子晉吹笙

鍾輅

月滿緱山夜風傳子晉笙初聞盈谷遠漸聽入雲清
香異人間曲遙分鶴上情孤鸞驚欲舞萬籟寂無聲
此夕留煙駕何時返王京唯愁音響絕曉色出都城

喚笙歌

白居易

露墜萎花槿風吹敗葉荷老心歡樂少秋眼感傷多
芳歲今如此衰翁可奈何猶應不如醉試遣喚笙歌

嵩嶽聞笙

劉希夷

月出嵩山東月明山益空山人愛清景散髮卧秋風
風止夜何清獨夜草蟲鳴仙人不可見乘月近吹笙
絳脣吸靈氣玉指調真聲真聲是何曲三山鸞鶴情
昔去洛塵俗願言聞此曲今來卧嵩岑何幸承幽音
神仙樂吾事笙歌銘夙心

秋夜安國觀聞笙

劉禹錫

唐詩類苑

卷之六十六

織女分明銀漢秋桂枝梧葉共颼颼月露滿庭人寂
寂霓裳一曲在高樓

聽隣家吹笙

郎士元

鳳吹聲如隔綵霞不知牆外是誰家重門深鎖無尋
處疑有碧桃千萬花

銀河吹笙

李商隱

悵望銀河吹玉笙樓寒院冷接平明重余幽夢他年
斷別樹羈雌昨夜驚月榭故香因雨發風簾殘燭隔
霜清不須浪作綵山意湘瑟秦簫自有情

竇夔州兄寄寒食日憶故鄉小紅吹笙因和

之

劉禹錫

鸞聲窈窕管參差清韻初調衆樂隨幽院妝成花下
弄高樓月好夜吹時忽驚暮雨飄零盡唯有朝雲夢
想期聞道今年寒食日東山舊路獨行遲

簫

詠簫

李嶠

虞舜調清管王褒賦雅音參差橫鳳翼搜索動人心

鳳簫曲

沈佺期

八月涼風動高閣千金麗人捲綃幕已令池上歇芳

唐詩類苑

卷之六十六

非不念君思坐搖落世上榮華如轉蓬朝隨阡陌暮
雲中飛燕侍寢昭陽殿班姬飲恨長信宮長信宮昭
陽殿春來歌舞妾自知秋至榮華君不見昔時羸女
厭世氛學吹鳳簫乘綵雲含情轉盼向簫史千載紅
顏持贈君

笛

詠笛

劉孝孫

涼秋夜笛鳴流風韻一作詠九成調高時慷慨曲變或
淒清征客懷離緒鄰人思舊情幸以知音顧千載有
奇聲

詠笛

李嶠

羌笛寫龍一作餘聲長吟入夜清關山孤月下來向隴頭鳴逐吹梅花落含春柳色驚行觀向子賦坐憶舊憐情

武昌老人說笛歌

劉禹錫

武昌老人七十餘手把庾令相問書自言少小學吹笛早事曹王曾賞激往來鎮戍到蘄州楚山蕭蕭笛竹秋當時買材恣搜索與却身上烏貂裘古苔蒼蒼封老節石上孤生飽風雨前聲五音隨指發水中龍應行雲絕曾將黃鶴樓上吹一聲占盡秋江月如今

唐詩類苑

卷之六十六

十一

老去語尤遲音韻高低耳不知氣力已微心尚在時時一曲夢中吹

金陵聽韓侍御吹笛

李白

韓公吹玉笛侑儻留英音風吹繞鍾山萬壑皆龍吟王子停鳳管師襄掩瑤琴餘韻度江去天涯安可尋

觀胡人吹笛

李白

胡人吹玉笛一半是秦聲十月吳山曉梅花落敬亭愁聞出塞曲淚滿逐臣纓却望長安道空懷戀主情與史郎中飲聽黃鶴樓上吹笛

李白

一爲遷客去長沙西望長安不見家黃鶴樓中吹玉笛江城五月落梅花

和王七度玉門關上吹笛

高適

胡人吹笛戍樓間樓上蕭條海月閒借問落梅凡幾曲從風一夜滿關山

吹笛

杜甫

吹笛秋山風月清誰家巧作斷腸聲風飄律呂相和切月傍關山幾處明胡騎中宵堪北走武陵一曲想南征故園楊柳今搖落何得愁中却盡生

青溪半夜聞笛

李白

唐詩類苑

卷之六十六

十一

羌笛梅花引吳溪隴水清寒山秋浦月腸斷玉關聲

江中聞笛

王昌齡

橫笛怨江月扁舟何處尋聲長楚山外曲繞胡關深相去萬餘里遙傳此夜心寥寥浦溆寒響盡唯幽林不知誰家子復奏邯鄲音水客皆擁棹空霜遂盈襟羸馬望北走遷人悲越吟何當邊草白旌節隴頭陰

剡溪館聞笛

丁仙芝

夜久聞羌笛寥寥虛客堂山空響不散溪靜曲宜長草木生邊氣城池沈夕涼虛然異風出髣髴宿平陽

聞笛

張巡

苦異試一臨虜騎附城陰不辨風塵色安知天地心
門開邊月近戰苦陣雲深旦夕更樓上遙聞橫笛音

聞笛

戎昱

入夜思歸切笛聲清更哀愁人不願聽自到枕前來
風起塞雲斷夜深關月開平明獨惆悵飛盡一庭梅

聽笛歌留別鄭協律

劉長卿

舊遊憐我長沙謫載酒沙頭送遷客天涯望月自沾
衣江上何人復吹笛橫笛能令孤客愁淥波淡淡如
不流商聲寥亮羽聲苦江天寂歷江楓秋靜聽關山
聞一叫三湘月色悲猿啼又吹楊柳激繁音千里春

唐詩類苑

卷之六十六

十三

色傷人心隨風飄向何處落唯見曲盡平湖深明發

與君離別後馬上一聲堪白首

春夜洛陽聞笛

李白

誰家玉笛暗飛聲散入春風滿路城此夜曲中聞折

柳何人不起故園情

春夜聞笛

李益

寒山吹笛喚春歸遷客相看淚滿衣洞庭一夜無窮
鴈不待天明盡北飛

秋夜聞笛

岑參

天門街西聞搗帛一夜愁殺湘南客長安城中百萬

家不知何人夜吹笛

山閣聞笛

羊士諤

臨風王管吹參差山塢春深日又遲李白桃紅滿城
郭馬融閒卧望京師

舟中月明夜聞笛

于鵠

浦裏移舟候信風蘆花漠漠夜江空更深何處人吹
笛疑是孤吟寒水中

野次聽元昌奏橫笛

韋應物

立馬蓮塘吹橫笛微風動柳生水波北人聽罷淚將
落南朝曲中怨更多

唐詩類苑

卷之六十六

十三

罪所留繫每夜聞長洲軍笛聲

劉長卿

白日浮雲閉不開黃沙誰問冶長猜只憐橫笛關山
月知處愁人夜夜來

江樓月夜聞笛

劉滄

南浦兼葭疎雨後寂寥橫笛怨江樓思飄明月浪花
白聲入碧雲楓葉秋河漢夜闌孤鴈度瀟湘水濶二

妃愁髮寒衣濕曲初罷露色河光生釣舟

聽江笛送陸侍御同丘員外賦

韋應物

遠聽江上笛臨觴一送君還愁獨宿夜更向郡齋聞

聽江笛送陸侍御

丘丹

離樽聞夜笛寥亮入寒城月落車馬散悽惻主人情

江上笛

白居易

江上何人夜吹笛聲聲似憶故園春此時聞者堪頭
白况是多愁少睡人

漢江上笛

元稹

二月十五日夜於西縣白馬驛南樓聞笛悵然憶
得少年曾與從兄長楚寫漢江聞笛賦因而有愴
耳

唐詩類苑

卷之六十六

十四

小年爲寫遊梁賦最說漢江聞笛愁今夜聽時在何
處月明西縣驛南樓

村笛

韋莊

簫韶九奏韻淒鏘曲度雖高調不傷却見孤村明月
夜一聲牛笛斷人腸

寄珉笛與宇文舍人

杜牧

調高銀字聲還側物比柯亭韻校奇寄與玉人天上
去桓將軍見不教吹

寄澧州張舍人笛

杜牧

髮勻肉好生春嶺截玉鑽星寄使君檀的染時痕半

月落梅飄處響穿雲樓中威鳳傾冠聽沙上驚鴻掠
水分遙想紫泥封詔罷夜深應隔禁牆聞

秋笛

杜甫

清商欲盡奏奏苦血沾衣他日傷心極征人白骨歸
相逢恐恨過故作發聲微不見秋雲動悲風稍稍飛

胡笳

胡笳

鄭愔

漢將留邊朔遙遙歲序深誰堪牧馬思正是胡笳吟
曲斷江山月聲悲雨雪陰傳書向蘇武陵也獨何心

胡笳曲

王貞白

唐詩類苑

卷之六十六

十五

隴底悲笳動隴頭鳴北風一輪露月落萬里塞天空
戍卒淚應盡胡兒哭未終爭教班定遠不念玉關中

胡笳曲

王昌齡

城南虜已合一夜幾重圍自有金笳引能露出塞衣
聽臨關月苦清入海風微三奏高樓曉胡人掩淚歸

碧笳曲

溫庭筠

朔管迎秋動雕音鴈來早上郡隱黃雲天山吹白草
嘶馬悲寒磧朝陽照霜堡江南戍客心門外芙蓉老

聽董大彈胡笳聲兼寄語弄房給事

李頎

蔡女昔造胡笳聲一彈一十有八拍胡人落淚沾邊
草漢使斷腸對歸客古戍蒼蒼烽火寒大荒陰沈飛
雪白先拂商絃後角羽四郊秋葉驚撼撼董夫子通
神明深松竊聽來妖精言遲更速皆應手將往復旋
如有情空山百鳥散還合萬里浮雲陰且明嘶酸雜
鴈失羣夜斷絕胡兒戀母聲川爲淨其波鳥亦罷其
鳴烏珠部落家鄉遠邏婆沙塵哀怨生幽音變調忽
飄灑長風吹林雨墮瓦迸泉颯颯飛木末野鹿呦呦
走堂下長安城連東掖垣鳳凰池對青瑣門高才脫
吟名與利日夕望君抱琴至

唐詩類苑

卷之六十六

十六

聽杜山人彈胡笳歌

戎昱

綠琴胡笳誰妙彈山人杜陵名庭蘭杜君少與山人
友山人沒來今已久當時海內求知音囑付胡笳入
君手杜陵攻琴四十年琴聲在音不在絃座中爲我
奏此曲滿堂蕭瑟如窮邊第一第二拍淚盡蛾眉沒
蕃客更聞出塞入塞聲穹廬擅難爲情胡天雨雪
四時下五月不曾芳草生須臾促軫變宮徵一聲悲
兮一聲喜南看漢月雙眼明却顧胡兒寸心死回鶻
數年收洛陽洛陽士女皆驅將豈無父母與兄弟聞
此哀情皆斷腸杜陵先生證此道沈家祝家皆絕倒

如今世上雅風衰若箇深知此聲好世上愛箏不愛
琴則明此調難知音今朝促軫爲君奏不向俗流傳
此心

胡笳歌送顏真卿使赴河隴

岑參

君不見胡笳聲最悲紫髯綠眼胡人吹吹之一曲猶
未了愁殺樓蘭征戍兒涼秋八月蕭關道北風吹斷
天山草崑崙山南月欲斜胡人向月吹胡笳胡笳怨
兮將送君泰山遙望隴山雲邊城夜夜多愁夢向月
胡笳誰喜聞

唐詩類苑

卷之六十六

十七

小胡笳引

杜金徽琴師姜宣彈

雷氏金徽琴王君寶重輕千金三峽流中將得來明
窗拂席幽匣開朱絃宛轉盤鳳足驟擊數聲風雨迴
哀笳慢指董家本姜生得之妙思忖汎徽胡咽蕭
蕭繞指轉轉圓袞袞吞恨絃情乍輕激故國關山心
歷歷潯潯疑是鴈鵲鶉鶉如聞發鳴鏑流宮變徵
漸幽咽別鶴欲飛援欲絕秋霜滿樹葉辭風寒雖墜
地鳥啼血哀絃已罷春恨長恨長何恨懷我鄉我鄉
安在長城窟聞君虜奏心飄忽何時窄袖短貂裘臆

脂山下彎明月

邊上聞胡笳三首

杜牧

何處吹笳薄暮天塞垣高鳥沒狼煙遊人一聽頭堪
白蘇武爭禁十九年

海路無塵邊草新榮枯不見綠楊春白沙日暮愁雲
起獨感離鄉萬里人

胡雛吹笛上高臺寒鴈驚飛去不迴盡日春風吹不
散只應分付客愁來

感策

申胡子感策歌

李賀

唐詩類苑

卷之六十六

六

申胡子朔客之蒼頭也朔客李氏本亦世家子得
祀江夏王廟當年踐履失序遂奉官北郡自稱學
長調短調久未知名今年四月吾與對舍於長安
崇義里遂將衣質酒命子合飲氣熱杯闌因謂吾
曰李長吉爾徒能長調不能作五字歌詩真強迴
筆端與陶謝詩勢相遠幾里吾對後請撰申胡子
感策歌以五字斷句歌成左右人合譟相唱朔客
大喜擎觴起立命花娘出幕徘徊拜客吾問所宜
稱善平弄於是以致辭配聲與子爲壽

顏熱感君酒含嚼蘆中聲花娘簪綬妥休睡芙蓉屏

誰截太平管列點排空星直貫開花風天上驅雲行
今夕歲華落令人惜平生心事如波濤中坐時時驚
朔客騎白馬劔把懸蘭纓俊健如生猱肯拾蓬中螢

李相妓人吹感策歌

溫庭筠

蠟煙如霧新蟾滿門外平沙草芽短黑頭丞相九天
歸夜聽飛瓊吹朔管情遠氣調蘭蕙薰天香瑞彩含
綢繆皓然纖指都揭血日暖碧簫無片雲含商咀徵
雙幽咽軟縠疎羅共蕭瑟不盡長圓疊翠愁柳風吹
破澄潭月鳴梭浙瀝金絲藥恨語殷勤隴頭水漢將
營前萬里沙更深一一霜鴻起十二樓前花正繁交
唐詩類苑

卷之六十六

十九

小童薛陽陶吹感策歌和浙西李大大夫作

白居易

剪削乾蘆插寒竹九孔漏聲五音足近來吹者誰得
名關摧老死李衮生衮今又老誰其嗣薛氏樂童年
十二指點之下師授聲含嚼之間天與氣潤州城高
霜月明吟霜思月欲發聲山頭江底何悄悄後鳥不
喘魚龍聽翕然聲作疑管裂訕然聲盡疑刀截有時
婉軟無筋骨有時頓挫生稜節急聲圓轉促不斷轆
轤轉轉似珠貫緩聲度引長有條有條直直如筆描

下聲乍墜石沈重高聲忽舉雲飄蕭明旦公堂陳宴
席主人命樂娛賓客碎絃細竹徒紛紛宮調一聲雄
出群衆音亂繼不落道有如部伍隨將軍嗟爾陽陶
方稚齒下手發聲已如此若教頭白吹不休但恐聲
名壓關李

夜聞盛策

杜甫

夜聞夔府滄江上衰年側耳情所嚮鄰舟一聽多感
傷塞曲三更歎悲壯積雪飛霜此夜寒孤燈急管復
風湍君知天地干戈滿不見江湖行路難

管

唐詩類苑

卷之六十六

二十

樓中聞清管

韋應物

山陽遺韻在林端橫吹驚響迴憑高閣曲怨繞秋城
浙瀝危葉振蕭瑟涼氣生始遇茲管賞已懷故園情

江宿聞蘆管

商船小童善吹

鄭谷

塞曲淒清楚水濱聲聲吹出落梅春須知風月千櫓
下亦有胡蘆河畔人

相里使君宅聽惠澄上人吹小管

嚴維

秦僧吹竹閉秋城早在梨園稱主情今夕襄陽山太
守坐中流淚聽商聲

夜上受降城聞管

李益

回樂峰前沙似雪受降城上月如霜不知何處吹蘆
管一夜征人盡望鄉

春曉太平公主小樓聞吟雙管

沈佺期

主家天上鳳樓人傳得仙音到客新未省落梅和插
柳風吹散作萬家春

秋夜聽高調涼州

白居易

樓上金風聲漸緊月中銀字韻初調促張絃柱吹高
管一曲涼州入沈寥

唐詩類苑

卷之六十六

二十一

磬

泗濱得石磬

李勣

浮磬潛清深依依呈碧潯出水見貞質在懸含玉音
對此喜還歎幾秋還到今器古契良韻和諧宿心
何爲值明鑒適得誰幽沈自茲入清廟無復泥沙侵

慈恩寺石磬歌

盧綸

靈山石磬生海西海濤平處與天齊長眉老僧同佛
力呪使蛟人往求得珠穴沈成綠浪痕天衣拂盡蒼
苔色星漢徘徊山有風禪翁靜扣月明中群仙下雲
龍出水鸞鶴交飛半空裏城精木魅不可聽落葉秋

砧一時起花宮杳杳響冷冷無數沙門昏夢醒古廊
燈下見行道疎林池邊聞誦經徒壯洪鐘秘閣萬
金費盡工雕鑿豈如全質挂青松數葉殘雲一片峰
吾師寶之壽中國願同劫石無終極

范成君擊銅磬

范傳正

歷歷聞金奏微微下玉京爲祥家謀久偏識洞陰名
澹佇人間聽鏗鏘古曲成何須百獸舞自暢九天情
注目看無見留心記未精雲霄如可托借鶴向層城

終南精舍月中聞磬

獨狐申叔

精廬疑夜景天宇滅埃氛幽磬此時擊餘音幾處聞

唐詩類苑

卷之六十六

二十三

去支策月中分斷絕如殘漏淒清不隔雲

羈人方罷夢獨鴈忽迷群響盡河漢落千山

終南精舍月中聞磬

呂溫

月峰禪室掩幽磬靜昏氛思入空門妙聲從覺路聞
泠泠滿虛壑杳杳出寒雲天籟疑難辨霜鐘詎可分
偶來遊法界便欲謝人群竟夕聽真響塵心自解紛

笙磬同音

笙磬聞何處淒鏘宛在東激揚音自徹高下曲宜同
歷歷俱盈耳泠泠遠散空獸因繁奏舞人感至和通
詎間洪纖韻能齊搏拊功四懸今盡美一聽辨移風

越器

李戶曹小妓天得善擊越器以成曲章

方干

越器敲來曲調成腕頭勻滑自輕清隨風搖曳有餘
韻測水淺深多汎聲晝漏丁當相續摘寒蟬悽愴一
時鳴莫教進上梨園去衆樂無由更擅名

雲和

雲和

白居易

非琴非瑟亦非箏撥柱推絃調未成欲散白頭千萬
恨只消紅袖兩三聲

唐詩類苑

卷之六十六

二十三

角

曉角

方干

畫角吹殘月寒聲發戍樓立霜嘶馬怨攢積泣兵愁
燕鴈鳴雲畔胡風吟草頭罷聞三會後天迴曉星流

畫角東城

李賀

河轉曙蕭蕭鴉飛睥睨高帆長標越甸壁冷挂吳刀
淡菜生寒日鮪魚溼白濤水花沾抹額旗鼓夜迎潮

賦得邊城角

白居易

邊角兩三枝霜天隴上兒望鄉相並立白月一時吹
戰馬頭皆舉征人手盡垂鳴鳴三春罷城上展旌旗

邊城聽角

李咸用

戍樓鳴畫角寒露滴金槍細引雲成陣高催鴈著行
喚迴邊將夢吹薄曉蟾光未遂終軍志何勞思故鄉

聽角思歸

顧况

故園黃葉滿青苔夢後城頭曉角哀此夜斷腸人不
見起行殘月影徘徊

聽鳴角

李益

繁霜一葉落庭蕪吹角當城漢月孤無限塞鴻飛不
度秋風卷入小單于

聞角

杜牧

唐詩類苑

卷之六十六

二十四

曉樓煙檻出雲霄景下林塘已寂寥城角爲秋悲更
遠護霜雲破海天遙

晚泊潤州聞角

李涉

孤城吹角水茫茫風引胡笳怨思長驚起暮天沙上
鴈海門斜去兩三行

聞角

章孝標

邊秋畫角怨金徽半夜對吹驚賊圍塞鴈遶空秋不
下胡雲著草東還飛關頭老馬嘶看月磧裏疲兵淚
濕衣餘韻嫋空何處盡戍天寥落曉星稀

拍板

詠拍板

朱灣

赴節心長在從繩道可觀須知片木用莫向散材看
空爲歌偏苦仍愁和卽難既能親掌握願得接同歡

唐詩類苑

卷之六十六

二十五

唐詩類苑卷第六十七

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

文部

經

經

李嶠

漢室鴻儒盛鄒堂大義明五千道德闡三百禮儀成
青紫方拾芥黃金徒滿籬誰知懷逸辯重席冠群英

唐詩類苑

卷之六十七

賦尚書

太宗

太宗在洛陽宮幸積翠池各賦一事帝賦尚書李
百藥賦禮記魏徵賦西漢徵落句云終藉叔孫禮
方知皇帝尊帝曰徵言未嘗不約我以禮

崇文時駐步東觀還停輦輟膳玩三墳暉一作燈披

五典寒心覩肉林飛魄看沈湎縱情昏主多克已明

君鮮減身資累惡成名由積善既承百王末戰兢隨

歲轉

賦禮記

李百藥

玉帛資王會郊丘叶聖情重廣開環堵至道軼金籙

盤薄依厚地遙裔騰太清方悅升中禮足以慰餘生

大學創置石經

馮涯

聖唐復古制德義功無替與旨悅詩書遺文分篆隸
銀鈎互交映石壁靡塵翳永與乾坤期不逐日月逝
儒林道益廣學者心彌銳從此理化成恩光遍遐裔

贈別殷山人說易後歸幽墅

孟郊

夫子說天地若與靈龜言幽幽人不知一一予所敦
秋月吐白夜涼風韻清源旁通忽已遠神感寂不喧
一悟祛萬結夕懷傾朝煩旅輶無停波別馬嘶去轅

唐詩類苑

卷之六十七

殷勤荒草士會有知己論

書

詠書

李嶠

削簡龍文見臨池鳥跡舒河圖八卦出洛範九疇初
垂露春光滿崩雲骨氣餘請君看入木一寸乃非虛

閑坐看書貽諸少年

白居易

雨砌長寒蕪風庭落秋果牕間有閑叟盡日看書坐
書中見往事歷歷知福禍多取終後亡疾驅必先墮
勸君少于名名爲錮身鎖勸君少求利利是焚身火
我心知已久吾道無不可所以雀羅門不能寂寞我

送諸葛覺往隨州讀書 韓愈

鄴侯家多書插架三萬軸一一懸牙籤新若手未觸
爲人強記覽過眼一再讀偉哉群聖文磊落載其腹
行年餘五十出守數已六京邑有舊廬不容久食宿
臺閣多官員無地寄一足我雖官在朝氣勢日局縮
屢爲丞相言雖懇不見錄送行過滻水東望不轉目
今子從之游學問得所欲入海觀龍魚矯翮逐黃鵠
勉爲新詩章月寄三四幅

符讀書城南 韓愈

木之就規矩在梓匠輪輿人之能爲人由腹有詩書
唐詩類苑 卷之六十七 三

詩書勤乃有不勤腹空虛欲知學之力賢愚同一初
由其不能學所入遂異間兩家各生子提孩巧相如
少長聚嬉戲不殊同隊魚年至十二三頭角稍相疎
二十漸乖張清溝映汗渠三十骨骼成乃一龍一猪
飛黃騰踏去不能顧蟾蜍一爲馬前卒鞭背生蟲蛆
一爲公與相潭潭府中居問之何因爾學與不學歟
金壁雖重寶費用難貯儲學問藏之身身在則有餘
君子與小人不繫父母且子魚不見公與相起身自
犁鋤不見三公役寒饑出無驢文章豈不貴經訓乃
留畬黃音潦無根源朝滿夕已除人不通古今馬牛

而襟裾行身陷不義況望多名譽時秋積雨霽新涼
入郊墟燈火稍可親簡編可卷舒豈不旦夕念爲爾
惜居諸恩義有相奪作詩勸躊躇

讀書 柳宗元

幽沈謝世事俛默窺唐虞上下觀古今起伏千萬途
遇欣或自笑感戚亦以吁縹緲各舒散前後互相逾
瘡痍擾靈府日與往昔殊臨文乍了了微卷兀若無
竟夕誰與言但與竹素俱卷極更倒卧熟寐乃一蘇
欠伸展支體吟咏心自愉得意適其適非願爲世儒
道盡即閉口蕭散捐囚拘巧者爲我拙智者爲我愚
唐詩類苑 卷之六十七 四

縣齋讀書 韓愈

出宰山水縣讀書松桂林蕭條捐末事邂逅得初心
哀狔醒俗耳清泉潔塵襟詩成有共賦酒熟無孤斟
青竹時默釣白雲日幽尋南方本多毒北客恒懼侵
謫譴甘自守滯留愧難任投章類編帶竹答逾兼金
昌谷讀書示巴童 李賀

巴童答 李賀

巨鼻宜山褐龐眉入苦吟非君唱樂府誰識怨秋深

送王正字山寺讀書

李嘉祐

欲究先儒教還過支道居山階閑聽法竹徑獨看書
向日荷新卷迎秋柳半疎風流有佳句不似帶經鋤

和劉七讀書

錢起

夜雨深館靜苦心黃卷前雲陰留墨沼螢影傍華編
夢鳥富青藻通經仍妙年何愁丹穴鳳不飲玉池泉

送獨孤馬二秀才居明月山讀書

賈島

濯志俱高潔儒科慕冉顏家辭臨水郡雨到讀書山
棲鳥櫻花上聲鐘磬閣間寂寥牕戶外時見一舟還

唐詩類苑

卷之六十七

五

澧水送鄭豐之鄆縣讀書

皇甫冉

麥秋中夏涼風起送君西郊及澧水孤煙遠樹動離
心隔岸江流若千里早年江海謝浮名此路雲山愜
爾情上古全經皆在口秦人如見濟南生

送薛居士和州讀書

嚴維

孤雲獨鶴共悠悠萬卷經書一葉舟楚地巢城民舍
少煙村社樹鷺湖秋蒿萊織妾晨炊黍隅地耕童夕
放牛年少不應辭苦節諸生喜遇一封侯

山齋讀書寄時校書杜叟

錢起

日愛蘅芳下閑觀山海圖幽人言守朴窮谷也名愚

倒嶺和溪雨新泉到戶樞叢蘭齊稚子蟠木老潛夫
憶戴差過剡遊仙慣入壺濠梁時一訪莊叟亦吾徒

子

讀老子

白居易

言者不知知者默此語吾聞於老君若道老君是知
者緣何自著五千文

逸老

莊子云勞我以生逸我以老息我以死也

白居易

白日下駸駸青天高皓皓人生在其中適時即為好
勞我以少壯息我以衰老順之多吉壽違之或凶夭
我初五十八息老雖非早一開十三年所得亦不少

唐詩類苑

卷之六十一

六

況加祿仕後衣食常溫飽又從風疾來女嫁男婚了
胃中一無事浩氣凝襟袍飄若雲信風樂於魚在藻
桑榆坐已暮鐘漏行將曉幡然七十翁亦足稱壽考
筋骸本非實一束芭蕉草眷屬偶相依一夕同棲鳥
去何有顧戀住亦無憂惱生死尚復然其餘安足道
是故臨老心冥然合玄造

讀莊子

白居易

莊子齊物同歸一我道同中有不同遂性逍遙雖一
致鸞鳳終校勝蛇蟲

讀莊子

白居易

去國辭家謫異方中心自恠少憂傷為尋莊子知歸處認得無何是本鄉

史

詠史四首

盧照隣

季生昔未達身辱功不成髡鉗為臺隸灌園變姓名
幸逢滕將軍兼遇曹丘生漢祖廣招納一朝拜公卿
百金孰云重一諾良匪輕廷議斬樊噲群公寂無聲
處身孤且直遭時坦而平丈夫當如此唯唯何足榮

二

大漢昔云季小人道遂振玉帛委奄尹斧鑕嬰繯紳

唐詩類苑

卷之六十七

七

遷哉郭先生卷舒得其真雍容謝朝廷談笑獎人倫
在晦不絕俗處亂不為親諸侯不得友天子不得臣
沖情甄負甌重價折角巾悠悠天下士相送洛橋津
誰知仙舟上寂寂無四隣

三

公業負奇志交結盡才雄良田四百頃所食常不充
一為侍御史慷慨說何公何公何為敗吾謀適不同
仲穎恣殘忍廢誠良在躬死人如亂麻天子如轉蓬
干戈及黃屋荆棘生紫宮鄭生運其謀將以清國戎
時來命不遂脫身歸山東凜凜千載下穆然懷清風

四

昔有平陵男姓朱名阿游直髮上衝冠壯氣橫三秋
願得斬馬劍先斷佞臣頭天子玉璽折將軍丹血流
捐生不肯拜視死其若休歸來教鄉里童蒙遠相求
弟子數百人散在十二州三公不敢吏五鹿何能酬
名與日月懸義與天壤儔何必疲執戟區區在封侯
偉哉曠達士知命固不憂

詠史

張九齡

大德始無頗中智是所是居然已不一況乃務相詭
小道致泥難巧言因萋毀穰侯或見遲蘇生得陰揣

唐詩類苑

卷之六十七

輕既長沙傳重亦邊郡徙勢傾不幸然跡在胡寧爾
滄溟所為大江漢日來委澧水雖復清魚鼈豈游此
賢哉有小白讐中有管氏若人不世生悠悠多如彼

詠史

王丘

高潔非養正盛名亦險艱偉哉謝安石瀟妓入東山
雲巖響金奏空水濫朱顏蘭露滋香澤松風鳴佩環
歌聲入空盡舞影到池閑杳眇同天上繁華非代間
卷舒混名跡縱誕無憂患何必蘇門子冥然閉清關

詠史

王昌齡

荷畚至洛陽胡馬屯北門天下裂其土豺狼滿中原

明夷方濟世歛翼黃埃昏披雲見龍顏始蒙國士恩
位重謀亦深所舉無遺奔長策寄臨終東南未可吞
賢知苟有時貧賤何可論唯然嵩山老而後知我言

詠史十一首

李華

日照崑崙山羽人披羽衣乘龍駕雲霧欲往心無違
此山在西北乃是神仙國靈氣皆自然求之不可得
何爲漢武帝精思徧群山糜費巨萬計宮車終不還
蒼蒼茂陵樹足以戒人間

二

天生忠與義本以佐雍熙何意李司隸而當昏亂時

唐詩

卷之六十七

九

古墳襄城野斜徑橫秋陂況不禁樵採茅莎無子遺
高標尚可仰精爽今何之一忤中常侍銜冤誰見知
常觀黨錮傳撫卷不勝悲

三

文侯耽鄭衛一聽一忘餐白雪燕姬舞朱絃趙女彈
淫聲流不返惜蕩日無端獻歲受朝時鳴鐘醺百官
兩牀陳管磬九奏殊未闌對此唯恐卧更能整衣冠

四

蜀主相諸葛功高名亦尊驅馳千萬衆怒目瞰中原
曹伯任公孫國亡身不存社宮久蕪沒白鴈猶飛翻

勿言君臣合可以濟黎元爲蜀諒不易如曹難復論

五

六國韓最弱末年猶畏秦鄭生爲韓計且欲疲秦人
利物可分社原情堪減身咸陽古城下萬頃稻苗新

六

沂水春可涉泮宮映楊柳麗色異人間珊珊搖佩環
展禽常獨處深巷生禾黍城上飛海雲城中暗春雨
適來鳴珮者復是誰家女泥沾珠綴履雨濕翠毛簪
電影開蓮臉雷聲飛蕙心自言沂水曲采蘋兼采綠
歸徑雖可尋天陰光景促憐君貞且獨願許君家宿

唐詩

卷之六十七

十一

徒勞惜衾枕子不顧雙蛾豔質誠可重淫風如禮何
周王惑褒姒城闕成陂陀

七

昂藏獬豸獸出自太平年亂代乃潛伏縱人爲禍愆
常聞斷馬劍每壯朱雲賢身死名不滅寒風吹墓田
精靈如有在幽憤滿松煙

八

漢皇修雅樂乘輿臨太學三老與五更天王親割牲
一人調風俗萬國和且平單于驟款塞武庫欲銷兵
文物此朝盛君臣何穆清至今遺壇下如有簫韶聲

九

巢許在嵩穎陶唐不得臣九州尚洗耳一命安能親
絲邈數千祀丘中誰隱淪朝遊公卿府夕是山林人
蒲帛楊側陋薜蘿爲縉紳九重念入夢三事思降神
且設庭中燎寧窺泉下鱗

十

漢時征百粵楊僕將樓船幕府功未立江湖已騷然
島夷非敢亂政暴地仍偏得罪因懷壁防身輒控弦
三軍求裂土萬里詎聞天魏闕心猶在旗門首已縣
如何得良吏一爲製方圓

唐詩類苑

卷之六十七

十一

十一

秦滅漢帝興南山有遺老危冠揖萬乘幸得厭征討
當君逐鹿時臣等已枯槁寧知市朝變但覺林泉好
高卧三十年相看成四皓帝言翁甚善願見何不早
咸稱太子仁重義亦尊道側聞驪姬事申生不自保
暫出商山雲竭來趨灑掃東宮成羽翼楚舞傷懷抱
後代無其人戾園滿秋草

覽史

張良璞

享年八十已歷數窮蒼生七虎門源上咆哮關內鳴
建都用鶉宿設險因金城舜曲煙火起汾河珠翠明

海雲引天仗朔雪留邊兵作孽人怨久其亡鬼信盈
素靈感劉季白馬從子嬰昏虐不務德百代無芳聲

讀史五首

白居易

楚懷放靈均國政亦荒淫彷徨未忍決遠澤行悲吟
漢文疑賈生謫置湘之陰是時刑方措此去難爲心
士生一代間誰不有浮沈良時真可惜亂世何足欽
乃知汨羅恨未抵長沙深

二

禍患如禁絲其來無端緒馬遷下蠶室嵇康就囹圄
抱冤志氣屈忍耻形神沮當彼戮辱時奮飛無翅羽

唐詩類苑

卷之六十七

十二

商山有黃綺穎川有巢許何不從之遊超然離網罟
山林少羈鞅世路多艱阻寄謝伐檀人慎勿嗟窮處

三

漢日大將軍少爲乞食子秦時故列侯老作鋤瓜士
春華何曄曄園中發桃李秋風忽蕭條堂上生荆枳
深谷變爲岸桑田成海水勢去未須悲時來何足喜
寄言榮枯者反復殊未已

四

含沙射人影雖病人不知巧言構人罪至死人不疑
撥蜂殺愛子掩鼻戮寵姬弘恭陷蕭望趙高謀李斯

陰德既必報陰禍豈虛施人事雖可罔天道終難欺
明則有刑辟幽則有神祇苟免勿私喜鬼得而誅之

五

季子憔悴時婦見不下機買臣負薪日妻亦棄如遺
一朝黃金多佩印衣錦歸去妻不敢視婦嫂強依依
富貴家人重貧賤妻子欺奈何貧富間可移親愛志
遂使中人心汲汲求富貴又令下人力各競錐刀利
隨分歸舍來一取妻孥意

讀東方朔雜事

韓愈

嚴嚴王母宮下維萬仙家噫欠爲飄風濯手大雨沱

唐詩類苑

卷之六十七

七

方朔乃墮子驕不加禁訶偷入雷電室輾轉掉狂車
王母聞以笑衛官助呀呀不知萬萬人生身埋泥沙
簸蕩五山踣流漂八維嗟曰吾兒可憎奈此狡獪何
方朔聞不喜褫身絡蛟蛇瞻栢北斗柄兩手自相按
群仙急乃言百犯庸不科向觀睥睨處事在不可赦
欲不布露言外口實誼譁王母不得已頰頰口齟齬
領頭可其奏送以紫玉珂方朔不懲創挾恩更矜誇
詆欺劉天子正晝溺殿衙一旦不辭訣攝身凌蒼霞

詠史

柳宗元

燕有黃金臺遠致望諸君嘽嘽事強怨三歲有奇勳

悠哉闕彊理東海漫浮雲寧知世情異嘉穀坐煇焚
致令委金石誰顧蠹蠕群風波歟潛構遺恨意紛紜
豈不善圖後交私非所聞爲忠不內顧晏子亦垂文

三良

柳宗元

束帶值明后顧盼流輝光一心在陳力鼎列夸四方
款款効忠信恩義皎如霜生時亮同體死沒寧分張
壯軀閉幽隧猛志填黃腸殉死禮所非況乃用其良
霸基弊不振晉楚更張皇疾病命固亂魏氏言有章
從邪陷厥父吾欲討彼狂

詠荆軻

柳宗元

唐詩類苑

卷之六十八

十四

燕秦不兩立太子已爲虞千金奉短計匕首荆卿趨
窮年徇所欲兵勢且見屠微言激幽憤怒目辭燕都
朔風動易水揮爵前長驅函首致宿怨獻田開版圖
炯然曜電光掌握罔正夫造端何其銳臨事竟趨趨
長虹吐白日倉卒反受誅按劍赫憑怒風雷助號呼
慈父斷子首狂走無容軀夷城芟七族臺觀皆焚污
始期憂患弭卒動灾禍樞秦皇本詐力事與桓公殊
奈何効曹子實謂勇且愚世傳故多謬太史微無且

詠史

高適

尚有綈袍贈應憐范叔寒不知天下士猶作布衣看

詠史

李嶠

馬記天官設班圖地理新善談方輿聲青簡見彬彬
方朔初聞漢荆軻昔向秦正辭堪載筆終冀作良臣

詠史

徐九臯

亡國秦韓代榮身劉項年金槌擊政後玉斗碎增前
聖主稱三傑明離保四賢已申黃石祭方慕赤松仙

頌魯

并序

蘇拯

昔謂孔宣父絕糧於陳蔡歷國七十二不遇其一
君咸云命不通也愚謂聖人刪詩定禮出沒行藏
承天之意非由命焉不然論語不曰天之未喪斯

唐詩類苑

卷之六十七

十五

文也匡人其如予何又曰下學而上達知我者其
天乎以斯明矣因得爲頌魯章凡十四句

天推魯仲尼周游布典墳遊遍七十國不令遇一君
一國如一遇單車不轉輪良田至化力爲國不爲身
禮樂行未足遭迴厄於陳禮樂今有餘衮旒當聖人
傷哉絕糧議千載誤云云

西施詠

王維

豔色天下重西施寧久微朝爲越溪女暮作吳宮妃
賤日豈殊衆貴來方悟稀邀人傳脂粉不自著羅衣
君寵益嬌態君憐無是非當時浣沙伴莫得同車歸

持謝隣家子數輩安可希

秦人謠

古之奇

微生祖龍代却思堯舜道何人仕帝庭拔殺指佞草
奸臣弄民柄天子恣衷抱上下一相蒙馬鹿遂顛倒
中國旣版蕩蕩骨肉安可保人生貴壽考吾恨死不早

秦後作

曹鄴

大道不居謙八荒安苟得木中不生火高殿禍頃刻
誰將白帝子踐我禮義域空持拔山志欲奪天地德
軼道人不同壯士斷消息父母骨成新蟲虵自相食
鼎亂陰陽疑戰盡鬼神力東郊龍見血九土玄黃色

唐詩類苑

卷之六十七

十六

聲鼓裂二景妖星動中國圓丘無日月曠野失南北
徒流殺人血神器終不忒一馬渡空江始知賢者賊

讀李斯傳

曹鄴

一車致三轂本圖行地速不知駕馭難舉足成顛覆
欺暗尚不然欺明當自戮難將一人手掩得天下目
不見三尺墳雲陽草空綠

詠司馬彪續漢志

太宗

帝嘗作宮體詩使虞世南賡和世南曰聖作誠工
然體非雅正上有所好下必有甚臣恐此詩一傳
天下風靡不敢奉詔帝曰朕試卿爾世南亡後帝

讀司馬彪漢志作詩一篇述古興亡既而嘆曰鍾
子期死伯牙不復鼓琴朕此詩何所示耶勅褚遂
良卽世南靈坐焚之

二儀初創一作構象三才乃分位非惟樹司牧固亦垂

文字綿代更膺期芳圖無輟記炎漢承君道英謨纂
神器潛龍旣可蹤一作跡術一作免奚難致前史殫妙詞後

昆沈雅思書言揚盛跡補闕興洪志川谷猶舊途郡

國開新意梅山未覺朽穀水誰云異車服隨名表文

物因時置鳳戟翼康衢鑾衡總柔轡清濁必能澄洪

纖幸無棄觀儀不失序遵禮方由事政宣竹律和時

唐詩類苑

卷之六十七

十七

平玉條備文囿彫奇彩藝門蘊深致雲飛星共流風
揚月兼至類裡遵令典壇遺資良地五勝竟無違百
司誠有庇粵予承暇景談叢引泉秘討論窮義府看
覈披經笥大辨良難仰小學終先匱聞道諒知榮含
毫孰忘愧

讀後漢逸傳二首

張謂

子陵沒已久讀史思其賢誰謂穎陽人千秋如比肩
嘗聞漢光武曾是曠周旋名位苟無心對君猶可眠
東過富春渚樂此佳山川夜卧松下月朝看江上煙
釣時如有待釣罷應忘筌生事在林壑悠悠經暮年

于今七里灘遺跡尚依然高臺竟寂寞流水空潺湲

二

龐公南郡人家在襄陽里何處偏來往襄陽東陂是
誓將業田種終得保妻子何言二千石乃欲勸吾仕
鶴鵲巢茂林龜鼉穴深水萬物從所欲吾心亦如此
不見鹿門山朝朝白雲起采藥復采樵優游終暮齒

詠漢祖

王珪

漢祖起豐沛乘運以躍鱗手奮三尺劍西滅無道秦
十月五星聚七年四海賓爲抗威宇宙貴有天下人
憶昔與項王契闊時未伸鴻門旣薄蝕滎陽亦蒙塵

唐詩類苑

卷之六十七

十八

蟣虱生介冑將卒多苦辛爪牙驅僞越腹心謀張陳
赫赫西楚國化爲丘與榛

讀諸葛武侯傳書懷贈長安崔少府叔封昆

季

李白

漢道昔云季群雄方戰爭霸圖各未立割據資豪英
赤伏起頽運卧龍得孔明當其南陽時隴畝躬自耕
魚水三顧合風雲四海生武侯立岷蜀壯志吞咸京
何人先見許但有崔州平余亦草間人頗懷拯物情
晚途值子玉華髮同衰榮託意在經濟結交爲弟兄
無令管與鮑千載獨知名

讀漢書

白居易

禾黍與稂莠雨來同日滋桃李與荆棘霜降同夜萎
草木既區別榮枯那等夷茫茫天地意無乃大無私
小人與君子用置各有宜奈何西漢末忠邪並信之
不然盡信忠早絕邪臣窺不然盡信邪早使忠臣知
優游兩不斷盛業日已衰痛矣蕭京輩終令陷禍機
每讀元成紀憤憤令人悲寄言爲國者不得學天時
寄言爲臣者可以鑒於斯

詠淮陰侯

王珪

秦王日凶惡豪傑爭共亡信亦胡爲者劍歌從項梁

唐詩類苑

卷之六十七

十九

項羽不能用脫身歸漢王道契君臣合時來名位彰
北討燕承命東驅楚絕糧斬龍堰灘水擒豹潛夏陽
功成享天祿建旗還南昌金千答漂母錢百酬下鄉
吉凶成糾纏倚伏難預詳弓藏狡免盡慷慨念心傷

覽張騫傳

邵謁

採藥不得根尋河不得源此時虛白首徒感武皇恩
桑田未聞改日月曾幾昏仙骨若求得龍頭無新墳
不見杜陵草至今空自繁

李陵詠

王維

漢家李將軍三代將門子結髮有奇策少年成壯士

長驅塞上兒深入單于壘旌旗列相向簫鼓悲何已
日暮沙漠陲戰聲煙塵裏將令驕虜滅豈獨名王侍
既失大軍援遂嬰穹廬耻少小蒙漢恩何堪坐思此
深衷欲有報捐軀未能死引領望子卿非君誰相理

詠漢高祖

于季子

百戰方夷項三章且代秦功歸蕭相國氣盡戚夫人

詠項羽

于季子

北伐雖全趙東歸不王秦空歌拔山力羞作渡江人

賦西漢

魏徵

受降臨軹道爭長趨鴻門驅傳渭橋上觀兵細柳屯

唐詩類苑

卷之六十七

二十

夜宴經栢谷朝遊出杜原終藉叔孫禮方知皇帝尊

讀前漢外戚傳

李嶷

人錄尚書事家臨御路傍鑿池通渭水避暑借明光
印綬妻封邑軒車子拜郎寵因宮掖裏勢極必先亡

詠馮昭儀當熊

賈至

白羽插彫弓蜺旌動朔風平明出金屋扈輦上林中
逐獸長廊靜呼鷹御苑空王孫莫諫獵賤妾解當熊

鄧杜馬上念漢書

陵懷古

李商隱

世上蒼龍種人間武帝孫小來唯射獵興罷得乾坤
渭水天開苑咸陽地獻原英靈殊未已丁傳漸華軒

讀始興公傳

張祐

歿世議方存昇平道幾論詩情光日月筆力動乾坤
亂首光雄算朝綱在典墳明時封禪績山下見丘門

讀狄梁公傳

張祐

失運廬陵厄乘時武后尊五丁扶造化一柱正乾坤
上保儲皇位深然國老勲聖朝雖百代長合問王孫

賦戚夫人楚舞歌

李昂

定陶城中是妾家妾年二八顏如花閨中歌舞未終
曲天下死人如亂麻漢王此地因征戰未出簾櫳人
已薦風花茵苔落轅門雲雨徘徊入行殿日夕悠悠

唐詩類苑

卷之六十一

二

非舊鄉飄飄處處逐君王閨門向裏通歸夢銀燭迎
來在戰場相從顧恩不顧已何異浮萍寄深水逐戰
曾迷隻輪下隨君幾陷重圍裏此時平楚復平齊咸
陽宮闕到關西珠簾夕殿聞鐘磬白日秋天憶鼓鼙
君王縱恣翻成誤呂后由來有深妬柰君王容蟬鬢
衰相思相顧能幾時黃泉白骨不可報雀釵翠羽從
此辭君楚歌兮妾楚舞脉脉相看兩心苦曲未終兮
袂更揚君流涕兮妾斷腸已見儲君歸惠帝徒留愛
子付周昌

祖龍行

韋楚老

黑雲兵氣射天烈壯士朝眠夢寃結祖龍一夜死沙
丘胡亥空隨鮑魚轍腐肉偷生三千里偽書先賜扶
蘇死墓接驪山土未乾瑞光已向芒碭起陳勝城中
鼓三下秦家天地如崩瓦龍蛇掩亂入咸陽少帝空
隨漢家馬

李夫人

李賀

紫皇宮殿重重開夫人飛入瓊瑤臺綠香繡帳何時
歇青雲無光宮水咽翩聯桂花墜秋月孤鶩驚啼商
絲發紅壁闌珊懸珮珮瑞歌臺小妓遙相望玉蟾滴水
鷄人唱露華蘭葉參差光

唐詩類苑

卷之六十七

三

公莫舞歌

并序

李賀

公莫舞歌者詠項伯翼蔽劉沛公也會中壯士灼
灼於人故無復書且南北樂府率有歌引賀陋諸
家今重作公莫舞歌云

方花古礎排九楹刺豹淋血盛銀鬕華筵鼓吹無桐
竹長刀直立割鳴箏橫眉麤錦生紅緯日炙錦嫣王
未醉腰下三看寶玦光項莊掉劍欄前起材官小臣
公莫舞座上真人赤龍子芒屨雲瑞抱天迴咸陽王
氣清如水鏤樞鏤捷重束關大旗五丈撞雙鏢漢王
今日頒秦印絕臙剗腸臣不論

玉樹曲

陳宮內宴明朝日玉樹新粧逞嬌逸三閣霞明天上
開靈鼉振攝神仙出天花數孕風吹綻對舞輕盈瑞
香散金管紅絃旖旎隨霓旌玉佩參差轉壁月夜滿
樓風輕蓮舌冷冷詞調新當行押客盡居祿直諫犯
顏無一人歌舞未終樂未闕晉王劔上粘腥血君臣
猶在醉鄉中一面已無陳日月聖唐御宇三百祀濮
上桑間宜禁止請停此曲歸正聲願將雅樂調元氣

讀勾踐傳

呂溫

丈夫可殺不可羞如何送我海西頭更須更聚報須

唐詩類苑

卷之六十七

三三

報二十年間死却休

讀田光傳

李遠

秦滅燕丹怨正深古來豪客盡沾襟荆卿不了真閑
事辜負田光一片心

秦記

羅隱

長策東鞭極海隅鼉龍奔走鬼神趨憐君未到沙丘
日肯信人間有死無

題李斯傳

韋莊

蜀魄湘魂萬古悲秦相死秦時臨刑莫恨倉中
鼠上蔡東門去自遲

春申君

杜牧

烈士思酬國士恩春申誰與快冤魂三千賓客總珠
履欲使何人殺李園

續紀漢武

崔塗

分明三鳥下儲胥一覺鈞天夢不如爭那白頭方士
到茂陵紅葉已蕭疎

書淮陰侯傳

羅隱

寒燈挑盡見遺塵試瀝椒漿合有神莫恨高皇不終
始滅秦謀項是何人

董仲舒

羅隱

唐詩類苑

卷之六十七

三五

災變儒生不合聞謾將刀筆指乾坤偶然畱得陰陽
術閉却南門又北門

東晉二首

崔塗

五陵豪俠笑爲儒將爲儒生只讀書看取不成投筆
後謝安功業復何如

秦國金陵王氣全一龍正道始東遷興亡竟不關人
事虛倚長淮五百年

綠珠詠

李昌符

洛陽佳麗與芳華金谷園中見百花誰遣當年墜樓
死無人巧笑破孫家

奉陵宮人

杜牧

相如死後無詞客
延壽亡來絕畫工
玉顏不是黃金少
淚滴秋山入壽宮

王昭君

李商隱

毛延壽畫欲通神
忍爲黃金不爲人
馬上琵琶行萬里
漢宮長有隔生春

舊將軍

李商隱

雲臺高議正紛紛
誰定當時蕩寇勳
日暮灞陵原上獵
李將軍是舊將軍

曼倩辭

李商隱

唐詩類苑

卷之六十一

三五

十八年來墮世間
瑤池歸夢碧桃閑
如何漢殿穿鍼夜
又向牕中覩阿環

李衛公

李商隱

絳紗弟子音塵絕
鸞鏡佳人舊會稀
今日致身歌舞地
木繇花暖鷓鴣飛

韋蟾

李商隱

謝家離別正淒涼
少傅臨岐賭佩囊
却憶短亭迴首處
夜來煙雨滿池塘

韋公子

羅隱

擊劬狂歌慘別顏
百年人事夢魂間
李將軍自嘉聲

在不得封侯亦是閑

王夷甫

羅隱

把得閑書坐水濱
讀來前事亦酸辛
莫言麀尾清譚柄
壞却淳風是此人

三閭大夫

劉威

三閭一去湘山老
煙水悠悠痛古今
青史已書殷鑒在
詞人勞詠楚江深
竹移低影潛貞節
月入中流洗恨心
再引離騷見微旨
肯教漁父會昇沈

讀漢史

李山甫

四百年間反覆尋
漢家興替好沾襟
每逢奸詐須援手
真遇英雄始醒心
王莽弄來曾半破
曹公將去便平沈
當時虛受君恩者
謾向青編作鬼林

唐詩類苑

卷之六十七

三五

覆楚讐韓勢有餘
男兒遭遇更難如
偶成漢室千年業
只讀圯橋一卷書
翻把壯心輕尺組
却煩商皓正皇儲
若能終始匡天子
何必

讀留侯傳

崔塗

寰海沸兮爭戰苦
風雲愁兮會龍虎
四百年漢欲開基
項莊一劍何虛舞
殊不知人心去暴秦
天意歸明主
項王足底踏漢土
席上相看渾未悟

瀟門醺

王穀

寰海沸兮爭戰苦
風雲愁兮會龍虎
四百年漢欲開基
項莊一劍何虛舞
殊不知人心去暴秦
天意歸明主
項王足底踏漢土
席上相看渾未悟

讀五侯傳

秦韜玉

漢亡金鏡道將衰便有奸臣競佐時專國祗誇兄弟
貴舉家誰念子孫危後宮得寵人爭附前殿陳誠帝
不疑朱紫盈門自稱貴可嗟區宇盡瘡痍

尉遲將軍

劉威

天仗擁門希授鉞重臣入夢豈安金江河定後威風
在社稷危來寄託深扶病暫將弓試力感恩重與劔
論心明妃若遇英雄世青塚何由怨陸沈

富平少侯

李商隱

七國三邊未到憂十三身襲富平侯不收金彈拋林
唐詩類苑卷之六十七

外却惜銀牀在井頭絲樹轉燈珠錯落繡檀迴枕玉
雕鏤當關不報侵晨客新得佳人字莫愁

詠史

僧皎然

田氏門下客馮公衆中賤一朝市義還百代名獨擅
始知下客不可輕能使二人功業成借問高車與珠
履何如疵賤一書生

讀史

劉駕

平地見天涯登高天更遠功名及所望岐路又滿眼
萬金買園林千金修池館他人厭遊覽身獨戀軒冕
唯有漢二疎應覺還家晚

詠史二首

劉禹錫

驃騎非無勢少卿終不去世道劇顏波我心如砥柱

二

賈生明王道衛綰工車戲同遇漢文時何人居貴位

詠史

李商隱

北湖南埭水漫漫一片降旗百尺竿三百年間同曉
夢鍾山何處有龍盤

賈生

李商隱

宣室求賢訪逐臣賈生才調更無倫可憐夜半虛前
席不問蒼生問鬼神

唐詩類苑

卷之六十七

天

司馬長卿

黃滔

一自梁園失意回無人知有挾天才漢宮不鎖陳皇
后誰肯量金買賦來

閑居覽史

馬戴

長策曾中不復論荷衣藍縷閉柴門當時漢祖無三
傑爭得咸陽與子孫

詠史

白居易

秦磨利刀斬李斯齊燒沸鼎烹鄒其可憐黃綺入商
洛閑卧白雲歌紫芝彼爲蒞醢机上盡此作鸞凰天
外飛去者逍遙來者死乃知禍福非天爲

覽晉史

張翰思吳中
鱸膾蓴羹

羅隱

齊王僚屬好男兒，偶覓東歸便得歸。
滿目路岐拋似夢，一船風雨去如飛。
盤擎紫線蓴初熟，筋撥紅絲膾正肥。
惆悵中途無限事，與君千載兩亡機。

詠史

羅隱

蠹簡遺編試一尋，寂寥前事似如今。
徐陵筆硯珊瑚架，趙勝賓朋玳瑁簪。
未必片言資國計，只應邪說動人心。
九原郝泚何由起，虛誤西蕃八尺金。

詠史

李商隱

歷覽前賢國與家，成由勤儉破由奢。
何須琥珀方爲

唐詩類苑

卷之六十七

三九一

枕豈得真珠始，是車運去不逢青海馬。
力窮難拔蜀山蛇，幾人曾預南薰曲。
終古蒼梧哭翠華。

六歎

李涉

漢臣一没丁寧塞，牧羊西過陰沙外。
朝憑南鴈信難回，夜望北辰心獨在。
漢家茅土橫九州，高門長戟分王侯。
但將鐘鼓悅私愛，肯以大羊爲國羞。
夜霜寒雲卧冰雪，嚴風獨刃垂旌節。
丁年奉使白頭歸，泣盡李陵衣上血。

偶題

杜牧

甘羅昔作秦丞相，子政曾爲漢輦郎。
千載更逢王侍

當時還道有文章

詠古二首有所寄

劉禹錫

車音想轆轤，不見綦下塵。
可憐平陽第，歌舞嬌青春。
金屋容色在，文園詞賦新。
一朝復得幸，應知失意人。

二

寂寥照鏡臺，遺基古南方。
真人昔來遊，翠鳳相隨翔。
目成在桑野，志遂貯椒房。
豈無三千女，初心不可忘。

詠史詩一百首

胡曾

烏江

爭帝圖王勢已傾，八千兵散楚歌聲。
烏江不是無船渡，耻向東吳再起兵。

唐詩類苑

卷之六十七

三九一

章華臺

茫茫衰草沒章華，因笑靈王昔好奢。
臺土未乾簫管絕，可憐身死野人家。

細腰宮

楚王辛苦戰無功，國破城荒霸業空。
唯有春花青上露，至今猶泣細腰宮。

沙苑

馮翊南邊宿霧開，行人一步一徘徊。
誰知此地彫殘柳，盡是高歡敗後栽。

石城

古郢雲開白雪樓
漢江還遶石城流
何人知道寥天月
曾向朱門送暮愁

荆山

抱玉巖前桂葉稠
碧溪寒水至今流
空山落日猿聲叫
疑是荆人哭未休

陽臺

楚國城池颯已空
陽臺雲雨去無蹤
何人更有襄王夢
寂寂巫山十二重

居延

唐詩類苑

卷之六十七

三

漠漠平沙際碧天
問人云此是居延
停驂一顧猶魂斷
蘇武爭禁十九年

沛宮

漢高辛苦事干戈
帝業興隆後代多
猶恨四方無壯士
還鄉悲唱大風歌

金谷園

一自佳人墜玉樓
繁華東逐洛波流
唯餘金谷園中樹
殘日蟬聲送客愁

湘川

虞舜南捐萬乘君
靈妃揮涕竹成紋
不知精魄遊何處

處落日瀟湘空白雲

夷門

六龍冉冉驟朝昏
魏國賢才杳不存
唯有侯嬴在時月
夜來空自照夷門

黃金臺

北乘羸馬到燕然
此地何人復禮賢
欲問昭王無處所
黃金臺上草連天

夷陵

夷陵城闕倚朝雲
戰敗秦師縱火焚
何事三千珠履客
不能西禦武安君

唐詩類苑

卷之六十七

三

漢江

漢江一帶碧流長
兩岸春風起綠楊
借問膠船何處沒
欲倚蘭棹祀昭王

蒼梧

有虞龍駕不西還
空委簫韶洞壑間
無計得知陵寢處
愁雲長滿九疑山

陳宮

陳國機權未有涯
如何後主恣驕奢
不知卽入宮中井
猶自聽吹玉樹花

南陽

亂英雄百戰餘孔明方此樂耕鋤蜀王不自垂三顧爭得先生出舊廬

卽墨

卽墨門開縱火牛燕師營裡血流固存不得田單術齊國尋成一土丘

渭濱

岸草青青渭水流子牙曾此獨垂釣當時未入非熊兆幾向斜陽嘆白頭

五湖

東上高山望五湖雪濤煙浪起天隅不知范蠡乘舟唐詩類苑 卷之六十七 三

後更有功臣繼踵無

易水

一旦秦皇馬角生燕丹歸此送荆卿行人欲識無窮恨聽取東流易水聲

長平

長平瓦震武安初趙卒俄成戲鼎魚四十萬人俱下世元戎何用讀兵書

西園

月滿西園夜未央金風不動鄴天涼高情公子多秋興更領詩人入醉鄉

長沙

江上南風起白蘋長沙城郭異咸秦故鄉猶自嫌卑濕何況當時賦鵬人

圯橋

妙算張良獨有餘少年逃難下邳初逡巡不進泥中履爭得先生一卷書

銅雀臺

魏武龍輿逐逝波高臺空接望陵歌過雲聲絕悲風起翻向樽前泣翠娥

東晉

唐詩類苑 卷之六十七 三

石頭城下浪崔巍風起聲疑出地雷何事符堅太相小欲投鞭策過江來

吳江

子胥今日委東流吳國明朝亦古丘大笑夫差諸將相更無人解守蘇州

函谷關

寂寂函關鎖未開田文車馬入秦來朱門不養三千客誰爲鷄鳴得放回

武關

戰國相持竟不休武關纔掩楚王憂出門若取靈均

豈作咸陽一死囚

垓下

拔山力盡霸圖廢倚劍空歌不逝騅明月滿宮天似水那堪回首別虞姬

郴縣

義帝高遷路入郴國亡身死亂山深不知埋恨窮泉後幾度西陵片月沈

東海

東巡玉輦委泉臺徐福樓船向未回自是祖龍先下世不關無路到蓬萊

唐詩類苑

卷之六十七

故宜城

武安南伐勒秦兵疏鑿功將夏禹并誰謂長渠千載後水流猶入故宜城

成都

杜宇曾爲蜀帝王化禽歸去舊城荒年年來叫桃花月似向春風訴國亡

檀溪

三月襄陽綠草齊王孫相引到檀溪的盧何處埋龍骨流水依前遶大堤

青塚

玉貌元期漢帝招誰知西嫁怨天驕至今青塚愁雲起疑是佳人恨未消

李陵臺

北入單于萬里疆五千兵敗滯窮荒英雄不服蠻夷死更築高臺望故鄉

河梁

漢家英傑出皇都攜手河梁話入胡不是子卿全大節也應低首拜單于

軹道

漢祖西來乘白旄子嬰宗廟委波濤誰憐君有翻身術解向秦宮殺趙高

唐詩類苑

卷之六十七

漢宮

明妃遠嫁泣西風玉筋雙垂出漢宮何事將軍對萬戶却令紅粉爲和戎

豫讓橋

豫讓酬恩歲已深名高不朽到如今年年橋上行入過誰有當時國士心

華亭

陸機西沒洛陽城晉國春風草又青惆悵月中千歲鶴夜來猶爲唳華亭

東山

五馬南浮一化龍
謝安入相此山空
不知攜妓重來後
幾樹鶯啼谷口風

殺子谷

舉國賢良盡淚垂
扶蘇屈死樹邊時
至今谷口泉鳴咽
猶似秦人恨李斯

馬陵

陸葉蕭蕭九月天
驅兵獨過馬陵前
路傍古木蟲書處
記得將軍破敵年

王門關

唐詩類苑

卷之六十一

三七

西戎不敢過天山
定遠功成白馬閒
半夜帳中停燭坐
唯思生入王門關

滹沱河

光武經營業未興
王郎兵革正憑陵
須知後漢功臣力
不及滹沱一片冰

黃河

博望沈埋不復旋
黃河依舊水茫然
沿流欲共牛郎語
只得靈槎送上天

鳳凰臺

秦娥一別鳳凰臺
東入青冥更不回
空有玉簫千載

後遺聲時到世間來

五丈原

蜀相西驅十萬來
秋風原下久徘徊
長星不爲英雄住
半夜流光落九垓

平城

漢帝西征陷虜塵
一朝圍解議和親
當時已有吹毛劍
何事無人殺奉春

汴水

千里長河一旦開
亡隋波浪九天來
錦帆未落千戈起
惆悵龍舟更不回

唐詩類苑

卷之六十七

三八

蘭臺宮

遲遲春日滿長空
亡國離宮蔓草中
宋玉不憂人事變
從遊那賦大王風

金牛驛

山嶺千重擁蜀門
成都別是一乾坤
五丁不鑿金牛路
秦惠何由得併吞

望思臺

太子銜冤去不回
臨臯徒築望思臺
至今漢武消魂處
猶有悲風木上來

邯鄲

入邯鄲十里春東風吹下玉樓塵青蛾莫怪頻含
笑記得當年失步入

箕山

寂寂箕山春復秋更無人到此溪頭棄瓢巖畔中宵
月千古空聞屬謠言

會稽山

越王兵敗已山棲望全生出會稽何事夫差無遠
慮更開羅網放鯨鯢

不周山

共工爭帝力窮秋因此捐生觸不周遂使世間多感

唐詩類苑

卷之六十七

三九

客至今哀怨水東流

虞坂

悠悠虞坂路欹斜遲日和風簇野花未省孫陽身沒
後幾多騏驎困鹽車

秦庭

楚國君臣草莽間吳王戈甲未東還包胥不動咸陽
哭爭得秦兵出武關

延平津

延平津路水溶溶峭壁危岑一萬重昨夜七星潭底
見分明神劍化為龍

瑤池

阿母瑤池宴穆王九天仙女送瓊漿漫矜八駿行
電歸到人間國已亡

銅柱

一柱高標險塞垣南蠻不敢犯中原功成自合分茅
土何事翻銜惹苒苒

關西

楊震幽魂下北邙關西蹤跡遂荒涼四知美譽留人
世應與乾坤共久長

高陽池

唐詩類苑

卷之六十七

四

古人未遇卽銜杯所貴愁腸得酒開何事山公持玉
節等閑深入醉鄉來

瀘水

五月驅兵入不毛月明瀘水瘴煙高誓將雄略酬三
顧豈憚征蠻七縱勞

細柳營

文帝鑾輿勞北征條侯此地整嚴兵轅門不峻將軍
令今日爭知細柳營

葉縣

葉公丘墓已塵埃雲臺崇墉亦半摧借問往年龍見

日幾多風雨送將來

杜郵

自古功成禍亦侵
武安先向杜郵深
五湖煙月無窮水
何事遷延到陸沈

柯亭

一宿柯亭月滿天
笛亡人沒事空傳
中郎在世無甄別
爭得名傳爾許年

葛陂

長房回別葛陂中人
已登真竹化龍莫道
神仙難頓學稽生自
是不遭逢

唐詩類苑

卷之六十七

平

博浪沙

嬴政鯨吞六合秋
削平天下虜諸侯
山東不是無公子
何事張良獨報讐

隴西

乘春來到隴山西
隗氏城荒碧草齊
好笑王元不量力
函關那受一丸泥

白帝城

蜀江一帶向東傾
江上巍峩白帝城
自古山河歸聖主
子陽虛共漢家爭

牛渚

溫嶠南歸輟棹晨
燃犀牛渚照通津
誰知萬丈洪波下
更有朱衣躍馬人

朝歌

長嗟墨翟少風流
急管繁絃似寇讐
若解聞韶知肉味
朝歌欲到肯回頭

谷口

一旦天真逐水流
虎爭龍戰爲諸侯
子真獨有煙霞趣
谷口耕鋤到白頭

武陵溪

一溪春水徹雲根
流出桃花片片新
若道長生是虛語
唐詩類苑

卷之六十七

平

語洞中爭得有秦人

大潭

白蛇初斷路人通
漢祖龍泉血刃紅
不是咸陽將瓦解
素靈那哭月明中

澠池

日照荒城芳草新
相如曾此挫強秦
能令百二山河主
便作尊前擊缶人

峴山

曉日登臨感晉臣
古零落峴山春
松間殘露頻頻滴
醉似當時墮淚人

滎陽

漢祖東征屈未伸滎陽失律紀生焚當時天下方
戰誰爲將軍作誅文

長城

祖舜宗堯自太平秦皇何事苦蒼生不知禍起蕭牆
內虎築防胡萬里城

赤壁

烈火西焚魏帝旗周郎開國虎爭時交兵不假揮長
劍已挫英雄百萬師

田橫墓

唐詩類苑 卷之六十七

古墓崔魏約路岐歌傳薤露到今時也知不去朝黃

屋祇爲曾烹酈食其

青門

漢皇提劍滅咸秦亡國諸侯盡是臣唯有東陵高守
節青門甘作種瓜人

姑蘇臺

吳王恃霸棄雄才貪向姑蘇醉醪醅不覺錢塘江上
別一宵西送越兵來

息城

息亡身入楚王家回首東風一面花感舊不言長掩

淚祇應翻恨有容華

上蔡

上蔡東門狡兔肥李斯何事忘南歸功成不解謀身
退直待雲陽血染衣

武昌

王濬戈鋌發上流武昌鴻業土崩秋思量鐵鎖真兒
戲誰爲吳王畫此籌

鴻溝

虎倦龍疲白刃秋兩分天下指鴻溝項王不覺英雄
挫欲向彭門醉玉樓

唐詩類苑 卷之六十七

褒城

侍寵嬌多得自由驪山舉火戲諸侯祇知一笑傾人
國不覺胡塵滿玉樓

金陵

侯景長驅十萬人可憐梁武坐蒙塵生前不得空王
力徒向金田自捨身

洛陽

石勒童年有戰機洛陽長嘯倚門時晉朝不是王夷
甫大智何由得預知

番禺

重岡復嶺勢崔巍一卒當關萬卒回不是大夫多辨說尉陀爭肯築朝臺

汨羅

襄王不用直臣籌放逐南來澤國秋自向波間葬魚腹楚人徒倚濟川舟

彭澤

英傑那堪屈下僚便裁門柳事蕭條鳳凰不共鷄爭食莫怪先生嬾折腰

唐詩類苑

卷之六十七

四五一

唐詩類苑卷第六十八

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

文部

詠史一百四十六首

周曇

吟敘

歷代興亡億萬心聖人觀古貴知今古今成敗無多事月殿花臺幸一吟

唐詩類苑

卷之六十八

閑吟

考撫妍媸用破心剪裁千古獻當今閑吟不是閑吟事事有閑思閑要吟

唐堯

秋氣不起瑞煙輕端拱垂衣日月明何事四方無外役茅茨深處土堦平

虞舜

進善懲奸立帝功功成揖讓益溫恭滿朝卿士多元凱爲黜堯苗與四兇

舜妃

蒼梧一望隔重雲帝子悲尋不記春何事淚痕偏在竹真姿應念節高人

再吟

瀟湘何代泣幽魂骨化重泉志尚存若道地中休下淚不應新竹有啼痕

夏禹

堯達天際類詢謨頓免洪波浸碧虛海內生靈微伯禹盡應隨浪化爲魚

再吟

萬古龍門一旦開無成甘死作黃能司空定有匡堯

唐詩類苑卷之六十八

術九載之前何處來

太康

師保何人爲琢磨要知父祖苦辛多酒酣禽色方爲樂詎肯閑聽五子歌

后稷

人惟邦本本由農曠古誰高后稷功百穀且繁三曜在牲牢郊祀信無窮

文王

昭然明德報天休禴祭惟馨勝殺牛二老五侯何所詐不歸商受盡歸周

武王

文王寢膳武王隨內豎言安色始怡七載豈堪囚羑里一夫爲報亦何疑

成王

成王有過伯禽知聖惠能新日自奇王道旣成何所感越裳呈瑞鳳來儀

幽王

狼煙構大爲邊塵烽燧那宜悅婦人厚德未聞聞厚色不亡家國幸亡身

平王

唐詩類苑卷之六十八

犬戎西集殺幽王邦土何由不便亡宜曰東來年更遠川流難絕信源長

太公

昌獵關西紂獵東紂憐崇虎棄非熊危邦自謂多麟鳳肯把王綱取釣翁

再吟

東隣不事事西隣御物卑和物自親天下言知天下者兆人無主屬賢人

周公

文武傳芳百代基幾多賢哲守成規仍聞吐握延儒

素猶恐民疵未盡知

夷齊

讓國由哀義亦乖
知天命匹夫才將除暴虐誠能
阻何異崎嶇叩馬來

管蔡

伊商胡越尚同圖
管蔡如何有異謀
不念祖宗危社稷
強于仁聖遣行誅

又吟

千妖萬態逞妍姿
破國亡家更是誰
匡政必能除苟媚
去邪當斷勿狐疑

唐詩類苑

卷之六十八

四

子牙妻

陵栢無心竹變秋
不能同戚擬同休
歲寒焉在空垂涕
覆水如何欲再收

祭足

吳魯燕韓豈別宗
曾無外禦但相攻
當時周鄭誰爲
相交質將何服遠戎

再吟

周室衰微不共匡
干戈終日互爭疆
諸侯若解尊天子
列國何因次第亡

隱公

今古難隄是小人
苟希榮寵任相親
陳謀不信懷憂懼
反間須防却害身

莊公

齊甲強臨力有餘
魯莊爲戰念區區
魚麗三鼓微曹
劇肉食安能暇遠謨

哀公

賢爲隣用國憂危
妙算無非委豔奇
兩葉翠娥春乍展
一毛須去不難吹

再吟

好龍天爲降真龍
及見真龍瘁厥躬
接下不勤徒好
唐詩類苑

卷之六十八

五

士葉公何異魯哀公

平公

鴻鵠輕騰萬里高
何殊朝野得賢豪
能知翼戴寧蒼
力不是蒙茸腹背毛

文公

滅虢吞虞未息兵
秦秦敗楚霸威成
文公徒欲三強
服分晉元來是六卿

景公

覺病當宜早問師
病深難療恨難追
晉侯徒有秦醫
緩疾在膏盲救已遲

衛靈公

子魚無隱欲源清死不忘忠感衛靈伯玉既親知德潤殘桃休啣悟蘭馨

陳靈公

誰與陳君嫁禍來孔寧行父夏姬媒靈公徒認徵舒面至死何曾識禍胎

陳蔡君

楚聘宣尼欲道光時陳蔡畏隣強庸謀但解遮賢路不解迎賢謀自昌

楚惠王

唐詩類苑

卷之六十八

六

芹中遇蛭強爲吞不欲緣微有害人何事免成心腹疾皇天惟德是相親

楚懷王

不聽陳軫信張儀六里商於果見欺既捨黔中西換得又今生去益堪悲

再吟

不得商於又失齊楚懷方寸一何迷明知秦是虎狼國更忍車輪獨向西

韓惠王

韓惠開渠止暴秦營千萬頃飽秦人何殊般肉供

獸獸壯安知不害身

傾襄王

秦陷荆王死不還祗緣偏聽子蘭言傾襄還信子蘭語忍使江魚葬屈原

武公

猛獸來兵祗爲文豈宜涼德擬圖尊君看豹彩蒙塵質人取無難必不存

華元

未知軍法忌偏頗徒解孟顓腹漫繙昔日羊斟曾不預今朝爲政事如何

唐詩類苑

卷之六十八

七

臧孫

諸孟憎吾似藥憚賢臧哭孟倍傷情季孫愛我如甘疾疾美亡身藥故寧

公叔

吳起南奔魏國荒必聽公叔失賢良無謀縱欲離安邑可免河瀉徙大梁

莊辛

莊辛正諫謂妖詞兵及鄢陵始悔思見兔必能知顧犬亡羊補棧未爲遲

孫臏

會嫌勝已害賢人鑽火明知速自聞斷足爾能行不足逢君誰肯不酬君

靈徹

失水枯鱗得再生翳桑無地謝深情朱輪未染酬恩血公子何由見赤誠

郭開

秦襲邯鄲歲月深何人沽贈郭開金廉頗還國李牧在安得趙王爲爾擒

樂羊

杯羹忍啜得非忠巧佞胡爲惑主聰盈篋謗書能寢

唐詩類苑

卷之六十八

八

中山不是樂羊功

虞卿

割地求和國必危安如堅守絕來思年年來伐年年割割盡邯鄲何所之

豫讓

門客家臣義莫儔漆身吞炭不能休中行智伯思何異國士終期國士酬

毛遂

不識囊中穎脫雖功名方信有英奇平原門下三千客得力何曾是素知

再吟

定獲英奇不在多然須設網遍山河禽雖一目難得申豈可空張一目羅

田文

下客常才不足珍誰爲狗盜脫強秦秦關若待鷄鳴出笑殺臨淄土偶人

再吟

門下三千各自務頻彈劍客獨無能田文不厭無能客三窟全身果有憑

馮諼

唐詩類苑

卷之六十八

九

兔窟穿成主再興輩流狐伏敢驕矜馮誰不是無能者要試君心欲展能

章子

在家能子必能臣齊將功成以孝聞改葬義無欺死父臨戎安肯背生君

卞和

磷磷誰爲惑溫溫至寶凡姿甚易分自是時人多貴耳目無明鑒使俱焚

季札

吹毛霜刃過千金生許徐君死挂林寶劍徒稱無價

賢行心更貴不欺心

孫武

理國無難似理兵家法令貴遵行行刑不避君王
寵一笑隨刀八陣成

夫差

信聽讒言疾不除忠臣須殺竟何如會稽既雪夫差
死泉下胡顏見子胥

少孺

賢貴親仁與善隣降兵何要互相臻螳螂定是遭黃
雀黃雀須防挾彈人

唐詩類苑

卷之六十八

十

蘇厲

百步穿楊箭不移養田堪教聽弘規身隆業著未知
退勿遣功名一旦隳

鬻拳

鬻拳強諫懼威刑退省懷慙不顧生雙肘忍行留痛
恨惟君適足見忠誠

荆軻

大刀相酬是匹夫安知突騎駕群胡有心爲報懷權
畧可在於期與地圖

再吟

幾尺如霜利不群恩酬未報反亡身誠哉利器全由
用可惜吹毛不得人

陳軫

丹青徒有逞諛譁有足由來不是蛇殺將破軍爲柱
國君今官極更何加

田饒

厨拋敗肉士懷饑倉爛餘糧客未炊臨難欲行求死
士將何恩信致扶危

鮑叔

忠臣祝壽吐嘉詞鮑叔臨軒酒一卮安不忘危臣所
唐詩類苑

卷之六十八

十一

願願思危困必無危

晏嬰

正人徒以刃相危貪利忘忠死不爲麋鹿命懸當有
處軀車何必用奔馳

再吟

下澤逢蛇蓋是常還如山上見豺狼國中有怪非蛇
獸不用賢能是不祥

又吟

馬斃廐人欲就刑百年臨盡一言生賴逢賢相能匡
救仍免吾君播惡聲

叔向

重祿存家不敢言小臣憂禍亦如然明開諫諍能無
罪祇此宜爲理國先

師曠

老能勸學照餘生似夜隨燈到處明往行前言如不
見暗中無燭若爲行

智伯

三國連兵敵就擒晉陽城下碧波深風濤撼處看沈
趙舟楫不從翻自沈

再吟

唐詩類苑 卷之六十八

十二

攻城來下惜先分一旦家邦屬四隣徒逞威強稱智
伯不知權變是愚人

襄子

君子常聞不迫危城崩何用急重圍叛亡能退修文
德果見中牟以義歸

楊回

三逐鄉閭五去君莫知何地可容身楊回不是逢英
鑒白首無成一旅人

顏回

陋巷簞瓢困有年是時端木飢腥膻宣尼行教何形

遂不肯分甘救子淵

子貢

救魯亡吳事可傷誰令利口說田常吳亡必定由端
木魯亦宜其運不長

再吟

一言能使定安危安已危人是所宜仁義不思垂教
化背恩亡德豈儒爲

鄭相

鄭相清賢慎有餘好魚魚至竟何如退魚留得終身
祿祿在何憂不得魚

唐詩類苑 卷之六十八

十三

子產

爲政何門是化源寬仁高下保安全如嫌水德人多
狎拯溺宜將猛濟寬

管仲

美酒濃馨客要沽門深誰敢強提壺苟非賢主詢賢
士肯信沽人畏子獮

再吟

社鼠穿墻巧庇身何由攻灌若爲燠能知窟穴依形
勢不聽讒邪是聖君

范蠡

西子能令轉嫁吳會稽知爾咏姑蘇跡高塵外功成處一葉翩翩在五湖

屈原

滿朝皆醉不容醒衆濁如何擬獨清江上流人真浪死誰知浸潤悞深誠

黃歇

春申隨質若王圖爲主輕生大丈夫女子異心安足聽功成何更用陰謀

王后

連環要解解非難忽碎瑤堦一旦間兩國相持兵不

唐詩類苑

卷之六十八

古

解會應俱碎似連環

樊姬

側影頻移未退朝喜逢賢相曰從憲當時不有樊姬問令尹何由進叔敖

光武

成敗非儒就可量儒生何指摘蕭王蕭王得衆能寬裕吳漢歸來帝業昌

明帝

朝臣咸佞孰知非張佚公忠語獨奇博士一言除太傅謚爲明帝信其宜

桓帝

能嫌跋扈斬梁王寧便榮枯信段張襄楷忠言誰佞惑忍教奸禍起蕭牆

靈帝

勝懸金價鬻官榮千萬爲公五百卿公瑾光明窮退者安知高卧遇英雄

廢帝

亂兵如蝟走王師社稷顛危孰爲持夜逐螢光尋道路漢家天子步歸時

獻帝

唐詩類苑

卷之六十八

圭

祇爲曹侯數貴人普天黔首盡黃巾漢靈早聽侍中諫安得獻生稱不辰

再吟

咸刑科有黨偏耕夫無不事戎旃是時老幼饑號處一斛黃禾五百千

子密

子密封侯豈所宜能高德義必無爲當時若縛還彭氏率土何憂不自歸

羊續

魚懸潔白振清風祿散親賓歲自窮單席寒廳慙使

者葛衣何以至三公

楊震

爲國推賢匪惠私十金爲報遽相危無言暗室何人見咫尺斯須已四知

趙孝

綠林清旦正朝饑豈計行人瘦與肥爲感在原哀叫切鵲鴿休投聽雙飛

馬后

麗衣閑寂閱群書薦達嬪妃廣帝居再實傷根嫌貴寵惠慈勞悴育皇儲

唐詩類苑

卷之六十八

十六

魏博妻

蘿挂青松是所依松彫蘿更改何枝操刀必割腕可斷磐石徒堅心不移

曹娥

心摧目斷哭江濱浪浪無蹤日又昏不入重泉尋水底此生安得見沈魂

周都妻

綠水雙鴛一已沈皇天更欲配何禽不將血涕隨雲刃誰見朱殷未死心

鮑宣妻

君惡奢華意不歡一言從儉亦何難但能和樂同琴瑟未必恩情在綺紳

呂母

獄無良吏雪無由處處戈鋌自執仇呂母銜冤窮老婦亦能爲帥復私讐

蜀先主

豫州軍敗信途窮徐庶推能薦卧龍不是卑詞三訪謁誰令玄德主巴邛

再吟

一家區宇忽三分齷齪車書曷足論定有伊姜爲佐

唐詩類苑

卷之六十八

十七

輔忍教鴻鴈各乾坤

後主

萬峯如劒戟前來危閣橫空信險哉對此玄休長嘆息方知劉禪是庸才

吳後主

吳宮季主恣驕奢移盡江南百媚花一旦狂風江上起花隨風散落誰家

王表

王表聞聲莫見身吳中敬事甚君親是知邦國將亡滅不聽人臣聽鬼神

魯肅

輕財重義見英奇聖主賢臣是所依公瑾窘饑求子敬一言纔起敗船歸

晉武帝

漢貪金帛鬻公卿財贍羸軍冀國寧晉武鬻官私室富是知猶不及桓靈

再吟

君人爲理在安民論道求賢德自新經國遠圖無所問何曾言指一何神

惠帝

唐詩類苑

卷之六十八

六十八

蛙鳴堪笑問官私更勸饑人食肉糜蒙昧萬機猶婦女寇戎安得不紛披

賈后

賈后甘爲廢戮人齊王還殺趙王倫一從天下無真主瓜割中原四百春

懷帝

番漢戈矛遍九垓兩京簪紱走黃埃劉聰大會平陽日遣帝行觴事可哀

愍帝

耕牛啜盡大田荒二兩黃金糴斗糧御粥又聞無麴

屠不降胡虜柰鷄腸

郭欽

誰疑忠諫郭欽言不遂戎夷出塞垣晉室旣無明聖主果爲胡虜亂中原

王夷甫

六合誰爲輔弼臣八風昏處盡胡塵是知濟弱扶傾術不屬高談闊論人

王茂弘

韓魏荆楊日豈堪胡風看欲過江南中原一片生靈血誰秉王綱色不慙

唐詩類苑

卷之六十八

五

吳隱之

聞說貪泉近鬱林隱之今日得深斟徒言滴水能穿石其那堅真匪石心

再吟

貪泉何處是泉源只在靈臺一點間必也心源元自有此泉何必在江山

前趙劉聰

戎羯誰令識善言刑將不捨遽能原垂成却罷鳳儀殿仍改逍遙納諫園

前涼張軌

官從主簿至專征誰遣涼王破趙名益信用賢由拔擢穰苴不是將家生

後魏武帝

太武南征似卷蓬徐楊充蔡殺皆空從來弔伐寧如此千里無煙血草紅

三廢帝

明莊節憫併罹殃命在朱高二悖王已歎一年三易換更嗟歐辱下東廊

苻堅

百萬南征幾馬歸叛亡如蝟亦何悲賓擒敵國諸戎

唐詩類苑

卷之六十八

十

主更遣權兵過在誰

再吟

空知勇銳不知兵困獸孤軍未可輕安有長驅百餘萬身馳幾旅欲先征

又吟

水影星光怪異多不思修德事干戈無謀拒諫仍輕敵國破身擒將奈何

宋武帝

棲棲老楚未遭時憤主憑陵似迫危人傑既爲王謚識刁達誅斬獨何悲

二廢帝

肆意荒狂殺不辜方嗟廢帝又蒼梧自言威虞爲英武肯慮湘東與王夫

齊廢帝東昏侯

定策誰扶捕鼠兒不憂蕭衍畏潘妃長圍既合刀臨項猶惜金錢對落暉

梁武帝

梁武年高厭六龍繁華聲色盡歸空不求賢德追堯舜翻作憂囚一病翁

再吟

唐詩類苑

卷之六十八

十一

興亡何故遽環迴湯紂身爲事可哀莫是自長嫌勝已蔽賢猶執匹夫才

簡文帝

救兵方至強抽軍與賊開城是簡文曲項琵琶催酒處不圖爲樂向誰云

元帝

木柵江城困魏軍王褒橫議過謀臣賓降未免俱爲戮一死安能謝益仁

謝舉

叛奴逃數豈堪留忠節曾無肯到頭朱异早能同遠

青衫寧假帝登樓

朱异

徒覽儒書不學兵
彥和虛得不廉名
四郊多壘猶相
罪國破將何謝太清

傅昭

爲政殘苛獸亦饑
除饑機在養疲羸
人能善政獸何
暴焉用勞人以檻爲

宣帝

宣帝驕奢恣所爲
後宮昇降略無時
乘危自有妻公
在安許鸞鳳是尉遲

唐詩類苑

卷之六十八

李集

忠諫能堅信正臣
三沈三屈竟何云
每沈良久方能
語及語還呼桀紂君

隋文帝

孤兒寡婦忍同欺
輔政剛教篡奪爲
矯詔必能疎助
譯直臣誠合重顏儀

獨孤后

腹生奚強有親疎
憐者爲賢棄者愚
儲貳不遭讒構
死隋亡寧便在江都

煬帝

拒諫勞兵作禍基
窮奢極武向戎夷
兆人疲弊不堪
命天下嗷嗷新主資

賀若弼

破敵將軍意氣豪
請除傾國斬妖燒
紅綃忍
雪瞪目看行切玉刀

唐詩類苑

卷之六十八

三

唐詩類苑卷第六十九

明雲間張之象玄超甫纂輯

雲間黃體仁長卿甫編次

雲間王徹叔朗甫補訂

梁谿曹仁孫伯安甫校正

文部

詩

詠詩

李嶠

都尉仙鳥遠梁王駟馬來扇中紈素製機上錦紋迴
天子三章傳陳王七步才縑衣久擅美祖德信悠哉

唐詩類苑

卷之六十九

二

愛詠詩

白居易

辭章諷詠成千首心行歸依向一乘坐倚繩牀閑自
念前生應是一詩僧

夜聽許十一誦詩愛而作

杜甫

許生五臺賓業白出石壁余亦師粲可身猶縛禪寂
何階子方便謬引為匹敵離索晚相逢包蒙欣有擊
誦詩渾遊衍四座皆辟易應手看捶鉤清心聽鳴鏑
精微穿溟滓飛動摧霹靂陶謝不枝梧風騷共推激
紫鸞自超詣翠駭誰剪剔若意人莫知人間夜寥閒

聽水部吳員外新詩因誦絕句

白居易

朱紱仙郎白雪歌和人雖少愛人多明朝與向詩家
道水部如今不姓何

見人詠韓舍人新律詩因有戲贈

元稹

喜聞韓古調兼愛近詩篇玉磬聲徹金鈴箇箇圓
高疎明月下細膩早春前花態繁於綺閣情軟似綿
輕新便妓唱凝妙入僧禪欲得人人伏能教面面全
延之苦拘檢摩詰好因緣七字排居敬千詞敵樂天
侍御八兄能為七言詩
賈善白君詩作自韻律詩殷勤閑太祝
好去老

唐詩類苑

卷之六十九

三

通川自莫漫裁章句須饒紫禁仙

見樂天詩

元稹

通州到日日平西江館無人虎印泥忽向破簷殘漏
處見君詩在柱心題

見戶公亮新詩偶贈絕句

白居易

袖裏新詩十首餘吟看句句是瓊琚如何持此將干
謁不及公卿一字書

見楊弘貞詩賦因題絕句以自喻

白居易

賦句詩章妙入神末年三十即無身常嗟薄命形憔悴

悴若比弘貞是幸人

洛中寺北樓見賀監草書題詩

劉禹錫

高樓賀監昔曾登壁上筆跡龍虎騰中國書流尚皇象北朝文士重徐陵偶因特見空驚目恨不同時便伏膺唯恐塵埃轉磨滅再三珍重囑山僧

處州見鄭表新詩因以寄贈

崔峒

梅花嶺裏見新詩感激情深過楚詞平子四愁今莫比休文八詠自同時萍鄉露冕真堪惜鳳詔鳴珂已

唐詩類苑

卷之六十九

三

訝遲才子風流定難見湖南春草但相思

覽陳丕卷

羅鄴

雪宮詞客燕宮遊一軸煙花象外搜謾把蜀紋當畫展徒誇湘碧帶春流吟時致我寒侵骨得處疑君白盡頭從北南歸明月夜嶺猿灘鳥更悠悠

覽友生古風

李咸用

伯牙鳴玉琴幽音隨指發不是鍾期聽俗耳安能別高山閑魏我流水空鳴咽一卷冰雪言清冷冷心骨分明古雅聲諷諭成淒切斂散老松根是朗驪龍窟荆璞且深藏璫石方如雪金多醜女妍木朽良工拙

奸宄欺雷霆魑魅嫌日月蝶迷桃李香鮒罔江湖闊不寐孤燈前舒卷忘饑渴

覽文僧卷

李咸用

雖無先聖耳異代得聞韶怪石難爲古奇花不敢妖調高非郢雪思靜礙箕瓢未可重吟過雲山興轉饒

覽陸龜蒙舊集

殷文珪

先生文價沸三吳白雪千編酒一壺吟去星辰筆下動醉來嵩華眼中無峭如謝檜虬蟠活清似緱山鳳路孤身後獨遺封禪草何人尋得佐鴻圖

暇日覽舊詩因以題詠

錢起

唐詩類苑

卷之六十九

四

逍遙心地得關關偶被功名浣

一作

我閑有壽亦將

歸象外無詩兼不戀人間何窮默識輕洪範未象期文勝大還筐篋靜開難似此藥珠春色

一作海中山

覽孟東野集

邵謁

蚌死留夜光劍折留鋒銛哲人歸大夜千古傳珪璋珪璋徧四海人倫多變改題花花已無翫月月猶在不知天地間白日幾時昧

覽蕭必先卷

韋莊

滿軸編新句脩然大雅風名因五字得命合一言通京盡才難盡吟終意未終似逢曹與謝煙雨思何窮

讀張籍古樂府

白居易

張君何爲者業文三十春猶工樂府詩舉代少其倫
爲詩意如何六義互鋪陳風雅比興外未嘗著空文
讀君學仙詩可諷放佚君讀君董公詩可誨貪暴臣
讀君商女詩可感悍婦仁讀君勤齊詩可勸薄夫敦
上可裨教化舒之濟萬民下可理情性卷之善一身
始從青衿歲迫此白髮新日夜秉筆吟心苦力亦勤
時無采詩官委棄如泥塵恐君百歲後滅没人不聞
願藏中祕書百代不湮淪願播內樂府時得聞至尊
言者志之苗行者文之根所以讀君詩亦知君爲人
唐詩類苑 卷之六十九 五

讀鄧魴詩

白居易

塵架多文集偶取一卷披未及看姓名疑是陶潛詩
看名知是君惻惻令我悲詩人多蹇厄近日誠有之
京兆杜子美猶得一拾遺襄陽孟浩然亦聞贊成絲
嗟君兩不如三十在布衣擢第祿不及新婚妻未歸
少年無疾患溘死于路岐天不與爵壽唯與好文詞
此理勿復道巧曆不能推

讀張碧集

孟郊

天寶太白歿六義已消歇大哉國風本喪而王澤竭

先生今復生斯文信難缺下筆證興亡陳詞備風骨
高秋數奏琴澄潭一輪月誰作採詩官忍之不揮發
讀皇甫湜公安園池詩書其後二首

韓愈

晉人目二子其猶吹一呖音區區自其下顧肯挂牙
舌春秋書王法不誅其人身爾雅注蟲魚定非磊落
人湜也因公安不自閒窮年枉智思倚撫糞壤汗滅
豈有臧誠不如兩忘但以一槩量

我有一池水蒲葦生其間蟲魚沸相嚼日夜不得閒
我初往觀之其後益不觀觀之亂我意不如不觀完
唐詩類苑 卷之六十九 六

讀白氏文集有詩以美之

李紳

寄玉蓮花藏絨珠貝葉扇院閑容客讀講倦許僧聽
部列雕金榜題名刻石銘永添鴻寶集莫雜小乘經
讀故許昌薛尚書詩集 鄭谷

篇篇高且真真爲國風陳澹薄雖師古縱橫得意新
剪裁成幾篋近世詩人述作最多唱和是誰人華嶽題無

敵黃河句絕倫華嶽黃河二詩序云此皆二吟殘落
枝雨詠徹海棠春公之有題自序不責不負李太白

欺前輩公有寄符郎中詩云我生若陶潛仰後塵在開元日爭遣名爲李翰林

論詩一章云李白終難忘嵩室下公有詩篇不負蜀江
無取陶潛周不周山巨篇
演公嘗後事蜀屬思看山眼冥搜倚樹身楷模勞夢
想諷誦爽精神落筆空追愴曾蒙借斧斤

讀李杜詩集因題卷後 白居易

翰林江左日員外劍南時不得高官職仍逢苦亂離
暮年通客恨浮世謫仙悲吟詠流千古聲名動四夷
文場供秀句樂府待新辭天意君須會人間要好詩

讀李白集 僧貫休

竭雲濤剌臣驚搜括造化空牢冥心入海海神怖
驪龍不敢爲珠主人間物像不供取飽飲遊神向玄
唐詩類苑 卷之六十九 七

圃鏘金鏗玉千餘篇膾炙嚼人口傳須知一一丈
夫氣不是綺羅兒女言

三鄉驛樓伏覩玄宗望女几山詩小臣斐然有感 劉禹錫

開元天子萬事足唯惜當時元景促三鄉陌上望仙
山歸作霓裳羽衣曲仙心從此在瑤池三清入境相
催隨天上忽乘白雲去世間空有秋風詞

讀修睦上人歌篇 李咸用

李白亡李賀死陳陶趙睦尋相次須知代不乏騷人
貫休之後唯修睦而已矣睦公睦公真可畏開口向

人無所忌才似煙霞生則媚直如屈軼佞則指意下
紛紛造化機筆頭滴滴文章髓明月清風三十年被
君驅使如奴婢勸君休莫容易世俗由來稀則貴珊
瑚高架五色毫小小不須煩藻思

讀庾信集 崔塗

四朝十帝盡風流建業長安兩醉遊唯有一篇楊柳
曲江南北爲君愁

讀小弟詩有感因以口號示之

呂溫

憶君未冠賞年華二十年間在咄嗟今來羨汝看花
唐詩類苑 卷之六十九 八

歲似汝追思昨日花

讀李白集 鄭谷

何事文星與酒星一時鍾在李先生高吟大醉三千
首留著人間伴月明

讀韓杜集 杜牧

杜詩韓集愁來讀似倩麻姑癢處抓天外鳳凰誰得
髓無人解合續弦膠

讀前集二首 鄭谷

殷璠鑒裁英靈焦頗覺同才得郭深何事後來高仲
武品題間氣未公心

風騷如線不勝悲國步多艱卽此時愛日滿塔看古
集祗應陶集是吾師

讀靈澈詩

白居易

東林寺裏西廊下石片鐫題數首詩言句怪來還校
別看名知是老湯師

舟中讀元九詩

白居易

把君詩卷燈前讀詩盡燈殘天未明眼痛滅燈猶暗
坐逆風吹浪打船聲

廣陵秋夜讀進士常修三篇因題

羅隱

唐詩類苑

卷之六十九

九

入蜀歸吳三首詩藏於篋笥重於師劍關夜讀相如
聽瓜步秋吟煬帝悲景物也知輸健筆時情誰不許
高枝明年二月春風裏江島閑人慰所思

酬從姪再看詩本

王建

眼暗沒功夫慵來剪刻磨自看花樣古稱得少年無
張十八員外以新詩二十五首見寄郡樓月
下吟詠通夕因題卷後封寄微之

白居易

秦城南省清秋夜江郡東樓明月時去我三千六百
里得君二十五篇詩陽春曲調高難和淡水交情老

始知坐到天明吟未足重封轉寄與微之

酬樂天江樓夜吟稹詩因成三十韻

元稹

忽見君新句君吟我舊篇見當巴徼外吟在楚江前
思鄙寧通律聲清遂扣玄三都時覺重一顧世稱妍
排韻曾遙答分題幾共聯昔憑銀翰寫今賴玉音宣
布鼓隨椎響坏泥仰匠圓鈴因風斷續珠與調牽綿
阮籍驚長嘯商陵怨別絃猿羞啼月峽鶴讓警秋天
志士潛興感高僧暫廢禪與飄滄海動氣合碧雲連
點綴工微者吹噓勢特然休文徒倚檻彦伯浪迴船

唐詩類苑

卷之六十九

十

妓樂當筵唱兒童滿巷傳改張思婦錦鵲躍賈人牋
魏拙虛教出曹風敢望痊定遭才子笑恐賺學生癡
裁什情何厚飛書信不專隼猜鴻蓄縮虎橫犬迺還
水墨看雖久瓊瑤喜尚全纔從魚裏得便向市頭懸
夜置堂東序朝鋪座右邊手尋章欲絕淚滴紙渾穿
甘蔗銷殘醉醺醒早眠深藏那遽滅同詠苦無緣
雅羨詩能聖終嗟藥未仙五千誠遠道四十已中年
諸葛亮云楊州萬里澤陽向
餘五千僕今年忽已四十一暗魄多相夢衰容每自
憐卒章還慟哭蚊蚋溢山川

酬樂天武關南見微之題山石榴花詩

元稹

比因酬贈為花時不為君行不復知又更幾年還共
到滿牆塵土兩篇詩

酬樂天舟泊夜讀微之詩 元稹

知君暗泊西江岸讀我閑詩欲到明今夜通州還不

睡滿山風雨杜鵑聲

高蟾先輩以詩筆相示抒成寄酬

鄭谷

張生故國三千里知者唯應杜紫微杜牧詩云君不見吳越王

故國三千里處君有君恩秋後葉可能更羨謝玄暉

唐詩類苑

卷之六十九

三

後葉日向人秋

廣府胡尚書頻寄詩因答絕句

白居易

尚書清白臨南海雖飲食泉心不國唯向書中得珠

玉時時寄到帝鄉來

韓冬郎即席為詩相送一座盡驚他日余方

追吟連宵侍坐徘徊久之句有老成之風

因成二絕寄酬兼呈畏之員外

李商隱

十歲裁詩走馬成冷灰殘燭動離情桐花萬里丹山

路維鳳清於老鳳聲

劍機風檣各苦辛別時冰雪到時春為憑何遜休

句瘦盡東陽姓沈人

沈約東陽太守何遜日吾每讀卿詩一日三復終未能余雖無

東陽之瘦矣

酬樂天得微之詩知通州事因成四首

元稹

茅簷屋舍竹籬州害怕偏蹄地兩頭

元稹二年

之白頭兩頭光暗盡有時迷酒影浮塵向日似波流

沙含水弩多傷骨仰會刀少用牛知得共君相見

否近來魂夢轉悠悠

唐詩類苑

卷之六十九

三

平地才應一頃餘閣欄都大似巢居

巴人多在山城

閣欄入衙官吏聲疑鳥下峽舟船腹似魚市井無錢

論尺丈田疇付火罷耘鋤此中愁殺須甘分惟惜平

生舊著書

本句云努力安心過三考已曾愁殺李尚書又予病甚將平生所為文自題云異日

送白二十

哭鳥晝飛人少見俚魂夜嘯虎行多滿身沙虱無防

處獨脚山魃不柰何甘受鬼神侵骨髓常憂岐路處

風波南歌未有東西分敢唱滄浪一字歌

本句云時三唱滄浪

荒蕪

荒蕪滿院不能鋤甌有塵埃圃乏蔬定覺身將囚一

種未知生共死何如饑搖困尾喪家狗熱暴枯鱗失
水魚苦境萬般君莫問自憐方寸本來虛

西郊養疾聞暢校書有新什見贈久佇不至
先寄此詩 韋應物

養病愜清夏郊園敷卉木牕夕含澗涼雨餘愛筠綠
披懷始高詠對琴轉幽獨仰子遊群英吐詞如蘭馥
還聞枉嘉藻佇望延昏旭唯見草青青閉門澧水曲
賈侍郎自會稽使迴篇付盈卷兼蒙寄一首
與余有桂冠之期因書數事率成十韻

劉長卿

唐詩類苑

卷之二十九

三

江上逢星使南來自會稽驚年一葉落按俗五花嘶
上國悲蕪梗中原動鼓聲報恩看鐵劒銜命出金閨
風物催歸緒雲峯發詠題天長百越外潮上小江西
鳥道通閩嶺山光落剡溪暮帆千里思秋夜一猿啼
栢樹榮新壠桃源憶故蹊若能爲休去行復草萋萋
謝先輩防記念拙詩甚多異日偶有此寄

李商隱

曉用雲添句寒將雪命篇良辰多自感作者豈皆然
熟寐初同鶴含嘶欲並蟬題時長不展得處定應偏
南浦無窮樹西樓不住煙改成人寂寂寄與路綿綿

星勢寒垂地河聲曉上天夫君自有恨聊借此中傳
祇役駱口驛喜蕭侍御書至兼觀新詩吟諷

通宵因寄八韻

白居易

日暮心無慘吏役正營營忽驚芳信至復與新詩并
是時天無雲山館有月明月下讀數遍風前吟一聲
一吟三四嘆聲盡有餘清雅哉君子文詠性不詠情
使我靈府中鄙悵不得生始知聽韶濩可使心和平

寄鄭谷

王貞白

五百首新詩緘封寄與誰祇憑夫子鑒不要俗人知
火鼠重收布水蠶乍吐絲真須天上手裁作領巾披

唐詩類苑

卷之二十九

四

宣州崔大夫閣老忽以近詩教十首見示吟
諷之下竊有所喜因成長句寄題郡齋

白居易

謝玄暉歿吟聲寢郡閣寥寥筆硯閑無復新詩題壁
上虛教遠岫列牕間忽驚歌雪今朝至必恐文星昨
夜還再喜宣城章句動飛觴遙賀敬亭山

湖州崔郎中曾長寄三癖詩自言癖在詩與

琴酒其詞逸而高今詠不足昔柳吳興亭
臯隴首之句王融書之白團扇故爲四韻
以謝之 劉禹錫

視事盡屏中自稱三癖翁管絃泛春渚旌旆拂晴虹
酒對青山月瑟韻白蘋風會書團扇上知君文字工

大理正任二十和江淹擬古詩二十章寄示

僧無可

不啻迴青眼應疑似碧雲古風真往哲雅道濫朝聞
活獄威豪右銷時賴典墳如何經濟意未克致吾君

蘇大侍御訪江浦賦八韻記異

杜甫

蘇大侍御渙靜者也旅于江側凡是不交州府之
客人事都絕久矣肩輿江浦忽訪老夫舟楫而已

唐詩類苑

卷之六十九

十五

茶酒內余請誦近時肯吟數首才力素壯詞句動
人接對明日憶其湧思雷出書篋几杖之外殷殷

雷金石聲賦八韻記異亦記老夫傾倒於蘇至矣

龐公不浪出蘇氏今有之再聞誦新作突過黃初詩

乾坤幾反覆楊馬宜同時今晨清鏡中勝食齋房芝

余髮喜却變白間生黑絲昨夜舟火滅湘娥簾外悲

百靈未敢散風破寒江遲

兵部盧郎中借示詩集以四韻謝之

鄭谷

士子風騷尋失主吾君歌誦久無聲調和雅樂歸時

正澄慮頽波到底清才大始知寰宇窄吟高何止鬼
神驚葉公好尚渾疎濶忽見真龍幾喪明

追和柳惲

李賀

汀洲白蘋草柳惲乘馬歸江頭櫨樹香岸上蝴蝶飛
酒杯箸葉露玉軫蜀桐虛朱樓通水陌沙暖一雙魚

看夢得題答李侍郎詩中有文星之句因

戲和之

白居易

看題錦繡報瓊瓊俱是人天第一才好遣文星守纒
次亦須防有客星來

碧澗寺見元九侍御和展上人詩有三生之

唐詩類苑

卷之六十九

十六

句因以和

劉禹錫

廊下題詩滿壁塵塔前松樹已皴鱗古來唯有王文

度重見平生竺道人

廣宣上人寄在蜀與韋令公唱和詩卷因以

令公手扎答詩示之

劉禹錫

碧雲佳句久傳芳曾向城都住草堂振錫常過長者

宅披衣猶帶令公香一時風景添詩思八部人天入

道場若許相期同結社吾家本自有柴桑

江陵嚴司空見示與成都武相公唱和因命

同作

劉禹錫

南荆西蜀大行臺幕府旌門相對開名重三司平水
土威雄八陣役風雷彩雲朝望青城起錦浪秋經白
帝來不是郢中清唱發誰當丞相揆天才

喜符郎詩有天縱 孟郊

念符不由級屹得文章階白玉抽一毫綠珉已難排
偷筆作文章乞墨潛磨指海鯨始生尾試擺蓬壺涸
幸當禁止之勿使恣狂懷自悲無子嗟喜妬雙喈喈

秘書省有賀監知章題詩筆力遒健風尚高

遠拂塵尋翫因此有作 溫庭筠

越溪漁客賀知章任達憐才愛酒狂鷓鴣葦花隨釣

唐詩類苑

卷之六九

七

艇蛤蜊菰菜夢橫塘幾年涼月拘華省一宿秋風憶
故鄉榮路脫身終自得福庭迴首莫相忘出籠鸞鶴
歸遼海落筆龍蛇滿壞墻李白死來無醉客可憐神
彩弔殘陽

喜陳懿老示新製 朱晝

一別一千日一日十二憶苦心無時 今夕見玉色
玉色復何異紅明含群德有文如星宿飛入我胸臆
憂愁方破壞歡喜重補塞使我心貌全且非黃金力
將攀下風手願假仙鸞翼

寫新詩寄微之偶題卷後 白居易

寫了吟看滿卷愁淺紅牋紙小銀鈎未容寄與微之
去已被人傳到越州

歐陽示新詩因貽四韻 劉威

衝憂瑤瓊得至音數篇清越應南金都由苦思無休
日已證前賢不到心風入寒松聲自古水歸滄海意
皆深欲知字字驚神鬼一氣秋時試夜吟

廣陵李僕射借示近詩因投獻

羅隱

朝論國計暮論兵餘力由隨鳳藻生語繼盤孟拋俗
格氣兼河嶽帶商聲閑尋綺思千花麗靜想高吟六

唐詩類苑

卷之六九

大

義清天柄已持堯典在更堪回首問緣情

偶以拙詩數首寄呈裴少尹侍郎蒙以盛製
四篇一時訓和重投長句美而謝之

白居易

投君之文甚荒蕪數篇價直一束芻報我之章何瑾
璨纍纍四貫驪龍珠毛詩三百篇後得文選六十卷
中無一廢麗龜絕報賽五鹿連柱難枝梧高興獨因
秋日盡清吟多與好風俱銀鈎金錯兩殊重宜上屏
風張座隅

昨以拙詩十首寄西川杜相公杜亦以新作

十首惠然報示首數雖等工拙不論

一章用伸答謝

白居易

詩家律手在成都權與尋常將相殊剪截五言兼用
鉞陶鈞六義別開爐驚人卷軸須知有隨事文章不
道無篇數雖同光價異十魚目換十驪珠

編集拙詩成一十五卷因題卷末戲贈元九

李二十

白居易

一篇長恨有風情十首秦吟近正聲每被老元偷格
律苦教短李伏歌行世間富貴應無分身後文章合
有名莫怪氣麤言語大新排十五卷詩成

唐詩類苑

卷之五十九

九

喜裴濤使君攜詩見訪醉中戲贈

白居易

忽聞扣戶醉吟聲不覺停杯倒屣迎共放詩狂同醉
癖與君別是一親情

項斯始未爲聞人因以卷謁敬之苦愛之贈

詩

楊敬之

幾度見詩詩盡好及觀標格過於詩平生不解藏人
善到處逢人說項斯

贈陸兗浙西進詩除官

章孝標

帝城雲物得陽春水國煙花失主人昨日天風吹樂

府六宮絲管一時新

贈孫百篇

方干

御題百首思縱橫半日功夫舉世名羽翼便從吟處
出珠璣續向筆頭生莫嫌黃紙官資小必料青雲道
路平才子風流復年少無愁高卧不公卿

贈李郢端公

方干

非唯孤峭與世絕吟處斯須能變通物外搜羅歸大
雅毫端剪削有餘功山川正氣侵靈府雪月清輝引
惠風別得人間上昇術丹霄路在五言中

贈岑郎中

戎昱

唐詩類苑

卷之六十九

十

童年未解讀書時誦得郎中數首詩四游煙塵猶隔
闊十年魂夢每相隨雖披雲霧逢迎杜已恨趨風拜
德遲天下無人鑒詩句不尋詩伯重尋誰

偶題

杜甫

文章千古事得失寸心知作者皆殊列名聲豈浪垂
騷人嗟不見漢道盛於斯前輩飛騰入餘波綺麗爲
後賢兼舊制歷代各清規法自儒家有心從弱歲疲
未懷江左逸多病鄴中奇駉驥皆良馬麒麟帶好兒
車輪徒已斷堂構肯仍虧設作潛夫論虛傳幼婦碑
緣情慰漂蕩抱疾屢遷移經濟惠長策飛棲假一枝

塵沙傍蜂蠆江峽繞蛟螭蕭瑟唐虞遠聯翩楚漢
聖朝兼盜賊異俗更喧卑鬱鬱星辰劍蒼蒼雲雨池
兩都開幕府萬寓插軍麾南海殘銅柱東風避月支
音書恨鳥鵲號怒怪熊羆稼穡分詩興柴荆學士宜
故山迷白閣秋水憶黃陂不敢要佳句愁來賦別離

途次華州陪錢大夫登北樓春望因覩李崔
令狐三相公唱和之什翰林舊侶繼踵華
城山外清鸞鳳翔集皆泰宿眷遂題此詩

劉禹錫

城樓西望出風塵見盡關西渭北春百二山河雄上

唐詩類苑

卷之六九

三

國一雙旌旆委名臣壁中今日題詩處天上同時草
詔人莫怪老郎呈濫吹官途離別舊情親

閒題

鄭谷

舉世何人肯白知須逢精鑑定妍媸若教嫫母臨明
鏡也道不勞紅粉施

卷末偶題三首

鄭谷

一卷疎蕪一百篇名成未敢暫忘筌何如海日生殘
夜一句能令萬古傳

七歲侍行湖外去岳陽樓上敢題詩如今寒晚無功
何以勝任國士知

一第由來是出身垂名俱爲國風陳此生君不知
雅孤官如何作近臣

題晰上人賈島詩卷

李洞

賈生詩卷惠休裝百葉蓮花萬里香供得半年吟不
足長須字字頂司倉

題許渾詩卷

韋莊

江南才子許渾詩字字清新句句奇十斛明珠量不
盡惠休虛作碧雲詞

題方干詩

羅隱

中間李建州夏汭偶同遊顧我論佳句推君最上流

唐詩類苑

卷之六九

三

九霄無鶴板雙鬢老漁舟世難方如此何當浣旅愁

詠吟

僧貫休

經天緯地物動必計天才盡日覓不得有時還自來
真風含素髮秋色入靈臺吟向霜蟾下終須神鬼哀

敘吟

朱慶餘

雅道辛勤久潛疑鬢雪侵未能酬片善難更免孤吟
有景皆牽思無愁不到心遙天一輪月幾夜見西沈

偶吟

白居易

里巷多通水林園盡不局松身爲外戶池面是中庭
元氏詩三帙陳家酒一瓶醉來狂發詠隣女應離聽

苦吟

盧延遜

莫話詩中事詩中難更無吟安一箇字
撚斷數莖須險覓天應悶狂搜海亦枯
不同文賦易爲著者之乎

苦吟

崔塗

朝吟復暮吟只此望知音舉世輕孤立
何人念苦心他鄉無舊識落日羨歸禽
況住寒江上漁家似故林

閑吟

白居易

自從苦學空門法銷盡平生種種心
唯有詩魔降未得每逢風月一閑吟

靜吟

鄭谷

騷雅荒涼我未安月和餘雪夜吟寒
相門相客應相笑得句勝於得好官

山中獨吟

白居易

人各有一癖我癖在章句萬緣皆已銷
此病獨未去每逢美景或對好親故高聲詠
一篇悅若與神遇自爲江上客半在
山中住有時新詩成獨上東巖路身寄
白石崖手攀青桂樹狂吟驚林壑猿鳥皆
窺覷恐爲世所嗤故就無人處

江樓夜吟元九律詩成三十韻

白居易

昨夜江樓上吟君數十篇詞飄朱檻底韻墜綠江前

清楚音諧律精微思入玄收將白雪麗奪盡碧雲妍

寸截金爲句雙雕玉作聯八風淒間發五彩爛相宣

冰扣聲聲冷珠排字字圓文頭交比繡筋骨軟如綿

湏湧同波浪錚鏦過管絃醴泉流出地鈞樂下從天

神鬼聞如泣魚龍聽似禪星迴疑聚集月落爲留連

鴈感無鳴者猿愁亦悄然交流遷客淚停住賈人船

聞被歌姬乞潛聞思婦傳斜行題粉壁短卷寫紅牋

肉味經時忘頭風當日痊老張知定伏短李愛應顛

道屈才方振身閑業始專大教聲烜赫理合命連遭

唐詩類苑

卷之六十九

三十四

顧我文章劣知他氣力全功夫雖共到巧拙尚相懸

各有詩千首俱拋海一邊白頭吟處變青眼望中穿

酬答朝妨食披尋夜廢眠老償文債負宿結字因緣

每嘆陳夫子常嗟李謫仙名高折人爵思苦減天年

不得當時遇空令後代憐相悲今若此湓浦與通川

酬盧仝

僧含曦

長壽寺石壁盧公一首詩渴讀卽不渴饑讀卽不饑

鯨飲海水盡露出珊瑚枝海神知貴不知價留人

聞光照夜

偷詩

孟郊

餓犬齕枯骨自喫饒饒涎今文與古文各各稱可憐
亦如嬰兒食錫桃口旋旋唯有一點味豈見逃景延
繩牀獨坐翁默覽有所傳終當罷文字別著逍遙篇
從來文字淨君子不以賢

自惜

孟郊

傾盡眼中力抄詩過與人自悲風雅老恐被巴竹嘖
零落雪文字分明鏡精神坐甘水抱晚永謝酒懷春
徒有言言舊慙無默默新始驚儒教誤漸與佛乘親
送寶九歸成都 杜甫

文章亦不盡寶子才縱橫非爾更持節何人符大名
唐詩類苑 卷之六十九 五

洛中作

盧延遜

莫怪苦吟遲詩成鬢亦絲鬢絲猶可染詩病却難醫
山暝雲橫處星沈月側時冥收不堪得一句至公知

言興

僧尚顏

砭砭被吟牽因師賈浪仙江山風月處一十二三年
雅頌在於此浮華致那邊猶慚功未至謾道近千篇

詩解

白居易

新篇日日成不是愛聲名舊句時時改無妨悅性情
但令長守郡不覓却歸城祇擬江湖上吟哦過一生

柏梁隔句韻詩

李建勳

不喜長亭柳枝枝擬送君惟憐北牕樹樹解語人
圓缺都如月東西只似雲愁看離席散歸蓋動行塵

獻爲六首

杜甫

庾信文章老更成凌雲健筆意縱橫今人嗤點流傳
賦不覺前賢畏後生

楊王盧駱當時體輕薄爲文哂未休爾曹身與君俱
滅不廢江河萬古流

縱使盧王操翰墨劣於漢魏近風騷龍文虎脊皆君
馭歷塊過都見爾曹

唐詩類苑 卷之六十九 五

才力應難跨數公凡今誰是出群雄或有翡翠蘭若
上永掣鯨魚碧海

不薄今人愛古人清詞麗句必爲隣竊攀屈宋宜方
駕恐與齊梁作後塵

未及前賢更勿疑通相祖述復先誰別裁僞體親風
雅轉益多師是汝師

解悶五首

杜甫

沈范早知何水部曹劉不待薛郎中獨賞省署開文
苑兼泛滄浪學釣翁

李陵蘇武是吾師孟子論文更不疑一飯未嘗留俗

客數篇今見古人詩

復憶襄陽孟浩然清詩句句盡堪傳即今耆舊無新語謾釣槎頭縮項鰻

陶冶性靈存底物新詩改罷自長吟孰知二謝將能事頗學陰何苦用心

不見高人王右丞藍田丘壑蔓寒藤最傳秀句懷長滿未盡風流相國能

解悶共十二首其七首 杜甫

見人部感慨

思錄舊詩於卷上淒然有感因成一首

唐詩類苑

卷之六十九

三

韓偓

緝綴小詩抄卷裏尋思閑事到心頭自吟自泣無人會腸斷蓬山第一流

小碎

元稹

小碎詩篇取次書等閑題柱意何如諸郎到處應相問畱取三行代鯉魚

和潘孟陽迴文絕句

張薦

遲遲日氣暖漫漫雪天春知君欲醉飲思見此交親春日雪以迴文絕句呈張薦權德輿

潘孟陽

春梅雜落雪發樹幾花開真須盡興飲仁里願同來

以離合詩贈秘書監張薦 權德輿

黃葉從風散暗嗟時節換忽見鬢邊霜勿辭林下觴躬行君子道辜負芳名早帳殿漢官儀巾車塞垣草交情劇斷金文律每招尋始知蓬山下如見古人心

和權載之離合詩

張薦

移居既同里多幸陪君子引雅重當期弓旌早見招植根瓊林圃直夜金闈步勸深子玉銘力競相如賦間闊向春闈日復想光儀格言信難繼木石強爲詞

和權載之離合詩

崔邠

唐詩類苑

卷之六十九

三

脉脉羨佳期月夜吟麗詞諫垣則隨步東觀方承顧林雪消豔陽簡冊漏華光坐更芝蘭室千載各芬芳節苦文俱盛卽時仍並命翩翩紫霄中羽翮相輝映

和權載之離合詩

楊於陵

校德盡珪璋才臣時所揚放情寄文律芳茂經邦術王猷符發揮十載契心期晝遊有嘉話書法無隱詞信茲酬和美言與芝蘭比昨來恣吟繹日覺祛蒙鄙

答權載之離合詩

許孟容

史才司秘府文哲今超古亦有擅風騷六聯文墨曹聖賢三代意工藝千金字化識從臣謠人推仙閣吏

如登峴閣時口誦靈真詞孫蘭下威鳳系霜瓊玉枝

和權載之離合詩

馮伉

車馬退朝後聿懷在文友動詞宗伯雄重美良史功
亦曾吟鮑謝二妙尤增價雨霜鴻淚天匝樹鳥鳴夜
覃思客縱橫早擅希代名息心欲焚硯自覲陪群英

和權載之離合詩

潘孟陽

詠歌有離合永夜觀酬答笥中操綵牋竹簡何足編
意深俱妙絕心契交情結計彼官接聯言初並清切
翔集本相隨羽儀良在斯煙雲競文藻因喜玩新詩
和權載之離合詩 武少儀

唐詩類苑

卷之六十九

三

少年暮時彥小晤文多變木鐸比群英八方流德聲
雷陳美交契雨雪音塵繼恩顧各飛翔因詩覩瑰麗
傳野絕遺賢人希有盛遷早斂風與雅日詠贈酬篇
賦

詠賦

李嶠

布義孫卿子登高楚屈平銅臺初下筆樂觀正飛纓
乍有凌雲勢時聞擲地聲造端長體物無復大夫名
字

南池宴餞辛子賦得蚪子

李峴

臨池見蚪子羨爾樂有餘不憂網與釣幸得免爲魚
且願充文字登名尺素書

奉述飛白書勢

岑文本

六文開玉篆八體曜銀書飛毫列錦繡拂素起龍魚
鳳舉崩雲絕鸞驚遊霧疎別有臨池草恩霑垂露餘

賦虞書歌

賈耽

衆書之中虞書巧體法自然歸大道不同懷素只攻
顛豈類張芝惟劄草形勢素筋骨老子子君臣相
揖抱孤青似竹更颺颺闕白如波長浩渺能方正
不墮倒功夫未至難尋與須知孔子廟堂碑便是青

唐詩類苑

卷之六十九

三

箱中至寶

李潮八分小篆歌

杜甫

蒼頡鳥跡既茫昧字體變化如浮雲陳蒼石鼓又已
訛大小二篆生八分秦有李斯漢蔡邕中間作者寂
不聞嶧山之碑野火焚棗木傳刻肥失真苦縣光和
尚骨立書貴瘦硬方通神惜哉李蔡不復得吾甥李
潮下筆親尚書韓擇木騎曹蔡有隣開元已來數八
分潮也奄有二子成三人況潮小篆逼秦相快劍長
戟森相向八分一字直百金蛟龍盤擎肉屈強吳郡
張顛誇草書草書非古空雄壯豈知吾甥不流宕丞

和中郎丈人行巴東逢李潮逾月求我歌我今衰
才力薄潮乎潮乎奈汝何

石鼓歌

韓愈

張生手持石鼓文勸我試作石鼓歌少陵無人謫仙
死才薄將柰石鼓何周綱陵遲四海沸宣王憤起揮
天戈大開明堂受朝賀諸侯劍珮鳴相磨蒐千岐陽
騁雄俊萬里禽獸皆遮羅鐫功勒成告萬里鑿石作
鼓隳嵯峨從臣才藝咸第一揀選撰刻畱山河雨淋
日炙野火燎鬼物守護煩搗呵公從何處得紙本毫
髮盡備無差訛辭嚴義密讀難曉字體不類隸與科

唐詩類苑

卷之六十九

三

年深豈免有缺畫快劍斫斷生蛟鼉鸞翔鳳翥衆仙
下珊瑚碧樹交枝柯金繩鐵索鎖鈕壯古鼎躍水龍
騰梭陋儒編詩不收入二雅褊迫無委蛇孔子西行
不到秦倚撫星宿遺義娥嗟予好古生苦晚對此涕
淚雙滂沱憶昔初蒙博士徵其年始改稱元和故人
從軍在右輔爲我量度掘臼科濯冠沐浴告祭酒如
此至寶存豈多瓊苞席裹可立致十鼓祇載數駱駝
薦諸太廟比部鼎光價豈止百倍過聖恩若許畱太
學諸生講解得切磋觀經鴻都尚填噉坐見舉國來
爭波別若別詩

與蓋覆經歷久遠期無他中朝大官老於事詎肯感
激徒媿嬰牧童敲火牛礪角誰復著手爲摩挲日消
月鑠就埋沒六年西顧空吟哦義之俗書赴姿媚數
紙尚可博白鵝繼周八代爭戰罷無人收拾理則邪
方今太平日無事柄任儒術崇丘軻安能以此上論
列願借辨口如懸河石鼓之歌止於此嗚呼吾意其
蹉跎

石鼓歌

元稹

周宣大獵今岐之陽刻石表功今煒煌煌石如鼓形
數止十風雨缺訛苔蘚濕今人濡紙脫其文既擊既
掃白黑分忽開滿卷不可識驚潛動蟄走云云喘透
迥相紕錯乃是宣王之臣史籀作一書遺此天地間
精意長存世冥冥秦家祖龍還刻石碣石之罘李斯
跡世人好古猶法傳持來比此殊懸隔

岫巖山

韓愈

岫巖山尖神禹碑字青石赤形模竒科斗拳身薤倒
披攣飄鳳泊翠虎螭事嚴跡秘鬼莫窺道人獨上偶
見之我來咨嗟涕漣漣千搜萬索何處有森森綠樹
猿猱悲

御題國子監門

宸翰符玄造榮題國子門筆鋒迴日月字勢動乾坤
簷下雲光色梁間鵲影翻張英聖莫擬索靖妙徒言
爲著盤龍跡能彰舞鳳尊更隨垂露象常以沐皇恩

酬家鷄之贈

柳宗元

日日臨池弄小雛還思寫論付官奴柳家新樣元和
脚且盡姜芽斂手徒

重贈二首

柳宗元

聞說將雛向墨池劉家還有異同詞如今試遣隈墻
問已道世人那得知

世上悠悠不識真姜芽盡是捧心人若道柳家無子
唐詩類苑 卷之六十九 三

弟往年何事乞西賓

答前篇

柳宗元

小兒弄筆不能噴浣壁書牕且賞勲聞彼夢熊猶未
兆女中誰是衛夫人

答後篇

柳宗元

昔日傭工記姓名遠勞辛苦寫西京近來漸有臨池
興爲報元常欲抗衡

疊前

柳宗元

小學新翻墨沼波羨君瓊樹散枝柯在家弄玉唯嬌
女空覺庭前鳥跡多

疊後

柳宗元

事業無成耻藝成南宮起草舊連名勸君火急添功
用趁取當時二妙聲

殷賢戲批書後寄劉連州并示孟倫二童

柳宗元

書成欲寄庾安西紙背應勞手自題聞道近來諸子
弟臨池尋已厭家雞

寄晉光

陸希聲

筆下龍蛇似有神天地雷雨變逡巡寄言昔日不龜
手應念江頭泝潁人

唐詩類苑 卷之六十九

三

殿中楊監見示張旭草書圖

杜甫

斯人已云亡草聖秘難得及茲煩見示滿目增悽惻
悲風生微綃萬里有古色鏘鏘鳴玉動落落群松直
連山蟠其間溟漲與筆力有練實先書臨池真盡墨
俊拔爲之主暮年思轉極未知張王後誰並百代則
嗚呼東吳精逆氣感清識楊公拂篋筭舒卷忘寢食
念昔揮毫端不得觀酒德

送草書獻上人歸廬山

孟郊

狂僧不爲酒狂筆自通天將書雲霞片直至清明顛

手中飛黑雷象外瀉玄泉萬物隨指顧三光爲迴旋
驟書雲霧對洗硯山晴鮮忽怒畫蛇虺噴然生風煙
江人願停筆驚浪恐傾船

草書歌行

李白

少年上人號懷素草書天下稱獨步墨池飛出北溟
魚筆鋒殺盡中山兔八月九月天氣涼酒徒詞客滿
高堂牋麻素絹排數箱宣州石硯墨色光吾師醉後
倚繩牀須臾掃盡數千張飄風驟雨驚颯颯落花飛
雪何茫茫起來向壁不停手一行數字大如斗恍恍
如聞神鬼驚時時只見龍蛇走左盤右感如驚電狀
唐詩類苑 卷之六十九 三五

懷素上人草書歌

王邕

衡陽雙峽插天峻青壁巉巖萬餘仞此中靈秀衆所
知草書獨有懷素奇懷素身長五尺四嚼湯誦呪呼
可畏銅瓶錫杖倚閑庭班管狡毫多逸意或粉壁或
綵牋蒲葵縞素何相鮮忽作風馳及雷掣更點飛花
兼散雪寒猿飲水撼枯藤壯士白眉按勁鐵君不見

張芝昔日稱獨賢君不見近日張旭爲老顛二公絕
藝人所惜懷素傳之得真跡崢嶸處出海上山突兀
狀成湖畔石一縱又一橫一歌又一傾臨江不羨飛
帆勢下筆長爲驟雨聲我牧此州喜相識又見草書
多惠力懷素懷素不可得開卷臨池轉相憶

懷素上人草書歌

戴叔倫

楚僧懷素工草書古法盡能新有餘神清骨竦意真
率時來爲我揮健筆始從破體變風姿一一花開春
景遲忽爲壯麗就枯澀龍蛇騰盤獸屹立馳豪驟墨
劇奔駟滿坐失聲看不及心手相師勢轉奇詭形怪
唐詩類苑 卷之六十九 三五

懷素上人草書歌

朱逵

幾年出家通宿命一朝却憶臨池聖轉腕推鋒增崛
崎秋毫繭紙常相隨衡陽客舍來相訪連飲百杯神
轉王忽聞風裏度飛泉紙落紛紛如跼鶩形容脫畧
貞如助一作脫落心思周遊在何處筆下惟看激電
流字成只畏盤龍去怪狀崩騰若轉蓬飛絲歷亂如
迴風長松老死倚雲壁壓浪相翻驚海鴻于今年少
尚如此歷觀遠代無倫比妙絕當能動鬼神崔蔡幽
魂更心死

懷素上人草書歌

曾收

吾觀開士多利用筆精墨妙誠堪重身上藝能無不通就中草聖最天縱有時興發逞神機抽毫點一作墨縱橫揮風聲吼烈隨手起龍蛇迸落空壁飛連拂一作濤或時頓挫縈毫髮自言轉腕無所拘大笑羲之用陣圖往來紙盡勢不盡投筆抗聲連呼信如鬼神助此道墨池未盡書已好行路談君口不容滿堂觀者空絕倒所恨時人多笑聲唯知賤實翻貴名觀爾向來三五字顛奇何謝張先生

唐詩類苑

卷之六十九

三七

懷素上人草書歌

竇冀

狂僧揮翰狂且逸獨任天機摧格律龍虎慙因點畫生雷霆却避鋒鏖疾魚鱗素且不貴只嫌局促兒童戲粉壁長廊數十間興來小豁胸一作襟氣長幼畢集賢豪至枕槽籍麴酒半醉忽然絕叫三五聲滿壁縱橫千萬字吳興張老爾莫顛葉縣公孫我何謂如熊如羆不足比如虺如蛇不足擬涵物爲動鬼神泣狂風入林花亂起殊形怪狀不易說就中枯燥尤驚絕邊風殺氣同慘烈崩摧卧木爭摧折塞草遙飛大漠霜胡天亂下陰山雪偏看能事轉新奇郡主王

公同賦詩枯藤勁鐵愧三舍驟雨寒後驚一時此僧絕藝人莫測假此常爲護持力連城之壁不可量五百年知草聖當

懷素上人草書歌

兼送周

蘇渙

張顛沒來二十年謂言草聖無人傳零陵沙門繼其後新書大字大如斗興來走筆如旋風醉後耳熱心更克忽如裴旻舞雙劍七星錯落纏蛟龍又如吳生畫鬼神魑魅魍魎驚本身鉤鎖相連勢不絕倔強毒蛇爭屈鐵西河劍舞氣陵雲孤根自振唯有君今日華堂看灑落四坐喧呼嘆佳作迴首邀余賦一章欲

唐詩類苑

卷之六十九

三八

令美價齊鍾張琅琅誦句三百字何似醉僧顛復狂忽然告我避南溟言祈亞相求大名亞相書翰凌獻之見君絕藝必深知兩中紙價當日貴只恐貪泉成墨池

懷素上人草書歌

任華

吾常好奇古來草聖無不知豈不知右軍與獻之雖有壯麗之骨恨無狂逸之姿中間張長史獨放蕩而不羈以顛爲名傾動於當時張老顛一作老顛殊不顛於懷素懷素顛乃是顛人謂爾從江南來我謂爾從天上來負顛狂之墨妙有墨一作顛狂之逸才狂僧前

日動京華朝騎王公大人馬暮宿王公大人人家誰不
造素屏誰不塗粉壁粉壁搖晴光素屏凝曉霜待君
揮灑今不可彌忘駿馬迎來客坐堂金盆盛酒竹葉
香十杯五杯不解意百杯已後始顛狂一顛一狂多
意氣大叫數聲起攘臂揮毫倏忽千萬字有時一字
兩字長丈二翁若長鯨撥刺動海島歛若長蛇成律
透深草回環繚繞相拘連千變萬化在眼前下疑飄
風驟雨相擊射速綠颯拉動簷隙擲華山巨石以爲
點掣衡山陣雲以爲畫興不盡勢轉雄恐天低而地
窄更有何處最可憐裊裊枯藤萬丈懸萬丈懸拂秋

唐詩類苑

卷之六十九

三

水映秋天或如絲或如髮風吹欲絕又不絕鋒鋸利
如歐冶劍勁直渾是并州鐵時復枯燥何穢穢忽覺
陰山突兀橫翠微中有枯松錯落一萬丈倒挂絕壁
巖枯枝千魍魎今萬魍魎欲出不可何閃閃又如浩
海日暮愁陰濃忽然躍出千黑龍天矯偃蹇亂入乎
蒼穹飛砂走石滿穹塞萬里颼颼西北風狂僧有絕
藝非數仞高墻不足以逞其筆勢或逢花牋與絹素
疑神執筆守恒度別多筋骨多情趣霏霏微微點長
露三秋月照丹鳳樓二月花開上林樹終恐絆騏驎
之足不得展千里之步狂僧狂僧爾雖有絕藝猶當

假良媒不因禮部張公將爾來如何二字一作安得聲名
一日誼九垓

懷素上人草書歌

僧貫休

張顛顛後顛非顛直至懷素之顛始是顛師不譚經
不坐一作禪筋骨一作力唯於草書妙一作狂顛狂却恐

是神仙有神助今神莫及鐵石畫今墨須入金樽竹
葉數斗餘半飲半傾山袖濕醉來把筆猛如虎粉壁
素屏不問主亂拏亂抹無規矩羅剎石上坐 伍子

胥荆通八字分一作手立對漢高祖勢崩騰今不可止天
機暗轉鋒鋸裏閃電光邊霹靂飛古柏身中旱龍死

唐詩類苑

卷之六十九

四

駭人心今目眈眈頓人足今神闢易乍如沙場大戰
後斷鎗檣箭何狼籍又似深山怪石上古病松枝挂
鐵錫月兔筆天竈墨斜鑿黃金側一作色劉玉珊瑚枝
長大如東天馬矯擢不可勒東却西南又北倒還起
斷復續忽如鄂公捉一作唱住單雄信秦王肩上搭著
棗木槊懷素師若不是星辰降瑞節必是河嶽孕靈
固宜須冷笑逸少年爭得不醉罵伯英天台古杉一
千尺崖崩岸折何崢嶸或細微仙衣縫綻金線垂或
妍媚桃花半紅公子醉我恐山爲墨海爲水天爲筆
今書大地乃能畧展狂僧意長恨師不相識一見此

空嘆息伊昔張謂任華葉季良數子贈歌豈虛識
所不足者渾未曾道著其神力石橋被燒却良玉不
土蝕錐畫沙分印印泥世人世人莫得知師雄名在
世間明月清風一何極

晉光大師草書歌

僧貫休

雪壓千峯橫枕上窮困雖多還激壯看師逸蹟兩相
宜高適歌行李白詩海上驚驅山猛獍一作海山猛獍
吹斷狂煙著沙草江樓曾見落星石幾回試發將軍
砲別有寒鵬掠絕壁提上玄猿更生力又見吳牛磨
角來舞槃盤刀初觸擊好文天子握宸翰御製本多

唐詩類苑

卷之六十九

四二

推玉案晨開水殿教題壁題罷紫衣親寵錫僧家愛
詩自拘束僧家愛畫亦局促惟師草聖藝偏高一掬
山泉心便足

張伯高草書歌

釋皎然

伯英死後生伯高朝看手把山中毫先賢草律我草
狂風雲陣發愁鍾王須臾變態皆自我寫形類物無
不可聞風遊雲千萬朵驚龍蹙踏飛欲墮更覩鄧林
落葉一作落葉朝狂風亂擾何飄飄有時凝然筆空握情
在寥天獨飛鶴有時取勢氣更高憶得春江千里濤
張生奇一作張生絕再難遇草罷臨風展輕素陰慘陽舒

如有道鬼狀醜容若可懼黃公酒壚興偏入阮籍不
嘖嵇亦顧長安酒勝醉後書此日騁君千里步

陳氏童子草書歌

釋皎然

儒家孺子有奇名天然文章令人驚僧虔老時把筆
法孺子如今皆暗合颯飛電灑眼不及但覺毫端鳴
颯颯有時作點險且能太行片石看欲崩偶然長掣
濃又燥少室孤松歌不倒夏室炎炎少人歡山軒日
色在闌干桐花飛盡子規思主人高歌興不至濁醪
不飲嫌昏沈欲翫草書開我襟龍爪狀奇鼠鬚銳水
牋白哲越人惠王家小令草最狂爲予揮灑驚騰勢

唐詩類苑

卷之六十九

四三

蕭鄴草書歌

顧况

蕭子草書人不及洞庭葉落秋風急上林花開春露
濕花枝濛濛向水垂疑見君數行之灑落石上之松
松下鶴若把君書比仲將不知誰在一作凌雲閣

文

題故元少尹集後二首

白居易

黃壤詎知我白頭徒憶君唯將老年淚一灑故人文

久三十軸軸軸金玉聲龍門原上土埋骨不埋名

寄江滔求孟六遺文

劉昫

南望襄陽路思君情轉親偏知漢水廣應與孟家隣
在日食爲善昨來聞更貧相如有遺草一爲問家人

過胡居士親王右丞遺文 司空曙

舊日相知盡深居獨一身閉門空有雪看竹永無人
每許前山隱曾憐陋巷貧題詩今尚在暫爲拂流塵

覽楊校書文卷

章孝標

跪伸霜素剖琅玕身墮瑤池魄暗寒紅錦晚開雲母
殿白珠秋寫水精盤情高鶴立崑崙峭思壯鯨跳渤
澥寬誰有軒轅古銅片爲持相並照妖看

美楊侍御清文見示

錢起

唐詩類苑

卷之六十九

聖三

伯牙道喪來絃絕無人續誰知絕唱後更有難和曲
層峯與清流逸勢競奔蹙清文不出戶彷彿皆在目
霧雪看滿懷蘭茝坐盈掬孤光碧潭月一片崑崙玉
初見歌陽春韶光變枯木再見吟白雪便覺雲蕭蕭
則知造化源方寸能展縮斯文不易遇清爽心豈足
願言書諸紳可以爲佩服

酬友人見寄新文二首

孟郊

爲客棲未定況當玄月中繁雲翳碧霄落雪和清風
郊陌絕行人原隰多飛蓬耕牛返村巷野鳥依房櫳
無饑凍憂身託蓮花宮安閑賴禪伯復得疏塵蒙

覽君郢曲文詞彩何冲融謳吟不能已頓覺形神空

二

白日照清水淺深無隱姿君子業高文懷抱多正思
砥行碧山石結交青松枝碧山無轉易青松難傾移
落落出俗韻琅琅大雅詞自非隨氏掌明月安能持
千里不可到一返無近期如何非意中良覲忽在茲
道語必疎淡儒風易凌遲願存堅貞節勿爲霜霰欺
攜新文詣張籍韓愈途中成

賈島

袖有新成詩欲見張韓老青竹未生翼一步萬里道

唐詩類苑

卷之六十九

聖四

仰望青冥天雲雪壓我腦失却終南山惆悵滿懷抱
安得西北風身願變蓬草地祇聞此語突出驚我倒
每見呂南郎中新文輒奉長句以詠所懷

白居易

雙金百鍊少人知縱我知君徒爾爲望梅閣老無妨
渴盡餅尚書不救饑白日迴頭看又晚青雲舉足躡
何遲壯年可惜虛銷擲遣把閑杯吟詠詩

碑

同觀陳十六史興碑

并序

高適

楚人陳章甫善詩而作史興碑遠自周末迫乎

隋季善惡不隱蓋國風之流未藏名山刊在樂石
僕美其事而賦是詩焉

荆衡氣偏秀江漢流不歇此地多精靈有時生才傑
伊人今獨步逸思能間發永懷掩風騷千載常矻矻
新碑亦崔巍佳句懸日月則是刊石經終然繼檣杙
我來觀雅製慷慨變毛髮季主盡荒淫前王徒貽厥
東周既削弱兩漢更淪沒西晉何披猖五胡相唐突
作歌乃彰善比物仍惡訐感嘆將謂誰對之空咄咄
觀李九少府翥樹宓子賤神祠碑

高適

唐詩類苑

卷之六十九

四

吾友吏茲邑亦嘗懷宓公安知夢寐間忽與精靈通
一見興永嘆再來激深衷賓從何逶迤二十四老翁
於焉建層碑突兀長林東作者無愧色行人感遺風
坐令高岸盡獨對秋山空片石勿謂輕斯言固難窮
龍盤色絲外鵲顧偃波中形勝駐群目堅貞指蒼穹
我非王仲宣去矣徒發蒙

羽林恩詔御書王太尉碑 張說

隴首名公石來承聖札歸魚龍生意態鉤劍動鉉輝
字得神明保詞慙少女微誰家羽林將又逐鳳書飛
送呂向補闕往西嶽勒碑 徐安貞

生作西山頌君其出使年勒碑懸日月驅傳接雲煙
寒盡函關路春歸洛水邊別離能幾許朝暮玉墀前
春初送呂補闕往西嶽勒碑

孫逖

刻石記天文朝摧谷子雲篋中緘聖札巖下揖神君
語別梅初豔爲期草欲薰往來春不盡離思莫氛氲

送翰林張司馬南海勒碑 杜甫

冠冕通南極文章落上台詔從三殿去碑到百蠻開
野館濃花發春帆細雨來不知滄海上天遣幾時迴
朱放自杭州與故里相使君立碑回因以奉

唐詩類苑

卷之六十九

四

簡吏部楊侍郎製文 劉長卿

片石羊公後淒涼江水濱好辭千古事墮淚萬家人
鵬集占書久鸞回刻篆新不堪相顧恨文字日生塵

送翰林張學士嶺南勒碑 司空曙

漢恩天外洽周頌日邊稱文獨司空羨書兼太尉能
出關逢北鴈度嶺逐南鵬使者翰林客餘春歸灞陵

讀段太尉碑 崔塗

憤激計潛成臨危豈顧生祗空持一笏便欲碎長鯨
國已酬微烈家猶從義聲不知清史上誰可計功名
錢司農宋卿立太尉碑了還江東

于鵠

追立新碑日憐君苦一身遠移深澗石助立故人
草色荒墳綠松陰古殿春平生心已遂歸去得垂綸

丁巳歲八月祠祭畢因題臨淮公舊碑

楊嗣復

齋莊修祀事旌旆出郊闌雜草軒墀狹塗墻楮聖新
諫猷期作聖風俗奉為神酌酒成坳澤持兵列偶人
非才膺寵任異代揖芳塵況是平津客碑前淚滿襟

和題臨淮公舊碑

楊汝士

古柏森然地修嚴蜀相祠一過榮異代三顧盛當時

唐詩類苑

卷之六十九

四七

功德流何遠馨香薦未歇敬名採國志飾像慰毗思

昔謁從征蓋今聞擁信旗固宜光寵下有淚刻前碑

御製段太尉碑

葉元良

多難全高節時清軫聖君園坐標石篆雨霽降天文
義激忠貞沒詞傷蘭蕙焚國人皆墮淚王府已銘勲
揭出臨新陌長畱對古墳睿情幽感處應使九泉聞

御製段太尉碑

薛有誠

葬儀從儉禮刊石荷堯君露跡垂繁字天哀灑麗文
詔深榮嗣子海變記孤墳寶思皆涵象皇心永念勲
雅詞黃絹妙渥澤紫泥分青史應同久芳名萬古聞

韓碑

李商隱

元和天子神武姿彼何人哉軒與義誓將上雪列聖
耻坐法宮中朝四夷淮西有賊五十載封狼生彘

生羅不據山河據平地長戈利矛日可麾帝得聖相

相曰度仲尼聖相賊斫不死神扶持腰懸相印作都

統陰風慘淡天王旗惣武古通作牙爪儀曹外郎載

筆隨行軍司馬智且勇十四萬眾猶虎貌入蔡斬賊

獻太廟功無與讓恩不訾帝曰汝度功第一汝從事

愈宜為辭愈拜稽首蹈且舞金石刻畫臣能為古者

世稱大手筆此事不繫於職司當仁自古有不讓言

唐詩類苑

卷之六十九

四八

訖屢領天子願公退齋戒坐小閣濡染大筆何淋漓

點竄堯典舜典字塗改清廟生民詩文成破體書在

紙清晨再拜鋪丹墀表曰臣愈昧死上詠神聖功書

之碑碑高三丈字如手負以靈鼈蟠以螭句奇語重

喻者少譏之天子言其私長繩百尺拽碑倒麤砂大

石相磨治公之斯文若元氣先時已入人肝脾湯盤

孔鼎有述作今無其器存其辭嗚呼聖皇及聖相相

與烜赫流淳熙公之斯文不示後曷與三五相攀追

願書萬本誦萬過口角流沫右手砥傳之七十有三

代以為封禪玉檢明堂基

題酸棗縣蔡中郎碑 王建

蒼苔滿字土埋龜風雨銷磨絕妙詞不向圖經中舊見無人知是蔡邕碑

讀任彥昇碑 李商隱

任昉當年有美名可憐才調最縱橫梁臺初建應惆悵不得蕭公作騎兵

王恩道碑堂下作 劉禹錫

蒼蒼宰樹起寒煙尚有威名海內傳四府舊聞多故吏幾人垂淚拜碑前

庚寅歲十一月新羅弘惠上人與本國同書

唐詩類苑 卷之六十九 四九

請日休爲靈鷲山周禪師碑將還以詩送

之 皮日休

三十麻衣弄渚禽豈知名字徹鷄林勒銘雖卽多遺草越海還能抵萬金鯨鬣曉掀峯正燒鰲晴夜沒島還陰二千餘字終天別東望辰韓淚灑襟

奉和爲靈鷲山周禪師碑 陸龜蒙

一函迢遞過東瀛祗爲先生處乞銘已得雄詞封靜檢却懷孤影在禪庭春過異國人應寫夜讀滄洲怪亦聽遙想助成新塔下盡望空碧禮文星

內狀

內狀詩寄楊白二員外 元稹

天門暗闢玉璫鑄畫送中樞曉禁清彤管內人書細膩金奩御印篆分明衝街不避將軍令跋勅兼題宰相名南省郎官誰待詔與君將向世間行

檄 李嶠

羽檄本宣明由來本聲聯翩至漢國迢遞入燕營毛義持書去張儀驅壁行曹風雖覺愈陳草始知名

朱版 李商隱

贈庾十二朱版 庾在會稽朱書版上 李商隱

唐詩類苑 卷之六十九 五十一

漆投膠不可開贈君珍重抵瓊瑰君王曉坐金鑾殿只待相如草詔來

紙 李嶠

妙跡蔡侯施芳名古伯馳雲飛錦綺落花發縹紅披舒卷隨幽顯廉方合軌儀莫驚反掌字當取葛洪規

書樂天紙 元稹

金鑿殿裏書殘紙乞與荊州元判司不忍拈將等閑用半封京信半題詩

殘

酬佳駙馬惠箋百張兼貽四韻

楊巨源

百張雲樣亂花開
七字文頭豔錦回
浮碧空從天上得
殷紅應自日邊來
捧持價重凌雲葉
封裹香深笑海苔
滿篋清光應照眼
欲題風韻愧凡才

墨

詠墨

李嶠

長安分石炭上黨結松心
連蠶初落含滋綬更深
悲絲光易染疊素彩還沈
別有張芝學書池幸見臨

訓張司馬贈墨

李白

唐詩類苑

卷之六十九

五十一

上黨碧松煙夷陵丹砂末
蘭麝凝珍墨精光乃堪掇
黃頭奴子雙鵝鬟錦囊養之懷
袖間今日贈余蘭亭去興來灑筆會稽山

筆

詠筆

李嶠

握管門庭側含毫山水隈
霜輝簡上發錦字夢中開
鸚鵡摘文至麒麟絕句來
何當遇良史左右振奇才

賦詠宣州筆

耿漳

寒竹漸虛受纖毫任幾重影端緣守直心勁懶藏鋒
落紙驚風起搖空露濃丹青與事捨此復何從

李員外寄紙筆

韓愈

題是臨池後分從起草餘
兔尖鍼莫並繭淨雪難如
莫怪殷勤謝虞卿正著書

楊尚書寄柳筆知是小生本樣令更商推使

盡其功輒獻長句

柳宗元

截玉鉅錐作妙形貯雲含霧到南溟
尚書舊用裁天詔內史新將寫道經
曲藝豈能裨損益微辭祇欲播芳馨
桂陽卿月光輝徧毫末應傳顧兔靈

硯

詠硯

楊師道

唐詩類苑

卷之六十九

五十二

圓池類壁水輕翰染煙華將軍欲定遠見葉不應賒

硯

李嶠

左思裁賦日王充作論年光隨錦文發形帶石巖圓
積潤循毫裏開池小學前君苗徒見蕤誰詠士衡篇

石硯

杜甫

平公今詩伯秀發吾所羨奉使三峽中長嘯得石硯
巨璞禹鑿餘異狀君獨見其滑乃波濤其光或雷電
聯坳各盡墨多水遞隱見揮灑容數人十手可對面
比公頭上冠正質未爲賤當公賦佳句況得終清宴
公合起草姿不遠明光殿致于丹青地知汝隨顧盼

古石硯

李山甫

追琢他山石方圓一勺深抱真唯守墨求用每虛心
波浪因文起塵埃爲廢侵憑君更研究何啻直千金

謝友生遺端溪硯瓦

李咸用

尋常濡翰次恨不到端溪得自新知已如逢舊解攜
翫餘輕照乘謝欲等懸黎靜對勝凡客閑窺憶好題
媧天補剩石昆劍切來泥著指痕猶濕停旬水未低
呵雲潤柱礎筆彩飲虹霓鵠眼工諳謬羊肝士乍刳
連漸光比鏡囚墨膩於礬書信成池黑吟須到日西
正誇憂盜竊將隱怯攀躋捧受同交印矜持過秉珪

唐詩類苑

卷之六十九

五三

草顛終近旭癩癖必無粘用合緣鸚鵡珍應負會稽
貞姿還落落寒韻或淒淒風月情相半煙花勢豈迷
宜從方袋挈枉把短行批礪小金爲斗泓澄玉作隄
遇人依我惜想爾與天齊

贈徐希仁石硯別

盧仝

靈山一片不靈石手斲成器心所惜鳳鳥不至池不
成蛟龍乾蟠水空滴青松火鍊翠煙凝寒竹風搖遠
天碧今日贈君離別心此中至淺造化深用之可以
過珪璧棄置還爲一片石

楊生寄花紫石硯歌

李賀

端州石工巧如神踏天磨刀割紫雲傭河抱水含滿
唇暗灑長弘冷血痕紗帷暈暖墨花春輕漚漂沫松
麝熏乾膩薄重立脚勻數寸光秋無日昏圓毫促點
聲靜新孔硯寬頑何足云

唐秀才贈端州紫石硯以詩答之

劉禹錫

端州石硯人間重贈我因知正草玄闕里廟堂空舊
物開方竈下豈天然玉蜍吐水霞光靜綵翰搖風絳
錦鮮此日傭工記名姓因君數致墨池前

襲美以紫石硯見贈以詩迎之

唐詩類苑

卷之六十九

五四

霞骨堅來玉自愁琢成飛燕古釵頭澄沙脆弱閒應
伏青鐵沈埋見亦羞最稱風亭批碧簡好將雲寶漬
寒流君能把贈閒吟客徧寫江南物象酬

以紫石硯寄魯望兼酬見贈

皮日休

樣如金蹙小能輕微潤將融紫玉英石墨一研爲鳳
尾寒泉半勺是龍睛騷人白芷傷心暗狎客紅筵奪
眼明兩地有期皆好用不須空把洗溪聲

詩筒

醉封詩筒寄微之

白居易

一生休戚與窮通處處相隨事事同未死又隣滄海
郡無兒俱作白頭翁展眉只仰三杯後代面唯憑五
字中爲向兩州郵吏道莫辭來去遞詩筒

與微之倡和來去常以竹筒貯詩陳協律美

而成篇因以此答

白居易

揀得琅玕截作筒緘題章句寫心胸隨風每喜飛如
馬渡水常憂化作龍粉節堅如太守信霜筠冷稱大
夫容煩君讚詠心知愧魚目驪珠同一封

書筒

唐詩類苑

卷之六十九

五五

訓宇文少府見贈桃竹書筒

李白

桃竹書筒綺繡文良工巧妙稱絕群靈心圓映三江
月彩質疊成五色雲中藏寶訣峨嵋去千里提攜長
憶君

書船

忽不貧喜盧仝書船歸洛 孟郊

貧孟忽不貧請問孟何如盧仝歸洛船崔嵬但載書
江潮清翻翻淮潮碧徐徐夜信爲朝信朝信良卷舒
江淮君子水相送仁有餘我去官色衫肩經入君盧

晴喃肩經郎言語傾琪居琪居鏗好詞鳥雀躍庭除
書船平安歸喜報鄉里間我願拾遺柴巢經於空虛
下免塵土侵上爲雲霞居日月更相鎖道義分明儲
不願空岩堯但願實工夫實空二理微分別相起予
經書荒蕪多爲君勉勉鋤勉勉不敢專傳之方在諸

文集櫃

題文集櫃

白居易

破柏作書櫃櫃牢柏復堅收貯誰家集題云白樂天
我生愛文字自幼及老年前後七十卷小大三千篇
誠知終散失未忍遽棄捐自開自鎖閉置在書帷前
身是鄧伯道世無王仲宣只應分付女畱與外孫傳

唐詩類苑

卷之六十九

五五

唐詩類苑卷第七十

明雲間張之象玄超甫纂輯

雲間黃體仁長卿甫編次

雲間王 徹叔朗甫補訂

梁谿曹仁孫伯安甫校正

武部

戰伐

古征戰

于 漬

高峰凌青冥深穴萬丈坑皇天自山谷焉得人心平
齊魯足兵甲燕趙多娉婷仍聞麗水中日日黃金生

唐詩類苑

卷之七十

苟非夷齊心豈得無戰爭

戰城南

盧照隣

將軍出紫塞冒頓在烏貪笳喧鴈門北陣翼龍城南
琯弓夜宛轉鐵騎曉參驪應須駐白日為待戰方酣

戰城南

楊 炯

塞北途遼遠城南戰苦辛幡旗如鳥翼甲冑似魚鱗
凍水寒傷馬悲風愁殺人寸心明白日千里暗黃塵

戰城南

徐九臯

塞北狂胡旅城南敵漢圍巉巖一鼓氣拔利五兵威
虜騎瞻山哭王師拓地飛不應須寵戰當遂勒金徽

戰城南

劉 駕

城南征戰多城北無饑鴉白骨馬蹄下誰言皆有家
城前水聲苦倏忽流萬古莫爭城外城城裏終閑土

戰城南

邵 謁

武皇重征伐戰士輕生死朝爭刃上功暮作泉下鬼
悲風吊枯骨明月照荒壘千載留長聲嗚咽城南水

戰城南

曹 鄴

千金畫陣圖自為弓劍苦殺盡田野人將軍猶愛武
性命換他思功成誰作主鳳凰樓上人夜夜長歌舞

戰城南

李 白

唐詩類苑

卷之七十

去年戰桑乾源今年戰葱河道洗兵條支海上波放
馬天山雪中草萬里長戰征三軍盡衰老匈奴以殺
戮為耕作古來唯見白骨黃沙田秦家築城備胡處
漢家還有烽火然烽火然不息征戰無已時野戰格
鬪死敗馬號鳴向天悲為鴛啄人腸銜飛上挂枯樹
枝士卒塗草莽將軍空爾為乃知兵者是凶器聖人
不得已而用之

苦戰行

杜 甫

苦戰身死馬將軍自云伏波之子孫干戈未定失壯
士使我歎恨傷精魂去年江南討狂賊臨江把臂難

再得別時孤雲今不飛時獨看雲淚橫臆

聞慶州趙縱使君與党項戰中箭身死

杜牧

將軍獨乘鐵驄馬榆溪戰中金僕姑死綏却是古來
有驕將自驚今日無青史文章爭點筆朱門歌舞笑
捐軀誰知我亦輕生者不得君王丈二殳

送著作佐郎崔融等從梁王東征并序

陳子昂

古者涼風至白露下天子命將帥訓甲練兵將以
外威荒戎內輯中夏時義遠矣自我大君受命百

唐詩類苑

卷之七十

三

蠻蟻伏匈奴含蒲萄之宮越裳重翡翠之貢虎符
不發象胃攸同寔欲高議靈臺偃兵天下而林胡
遺孽潰亂邊氓驅蚊蚋之師忽雷霆之伐乃竊海
裔弄燕陲皇帝哀北鄙之人罹其辛螫以東征之
義降彼偏裨猶恐威令未孚亭塞可留岐路方垂
關山成恨嗟乎朝廷好人期富貴于崇朝林嶺吾
棲學神仙而未畢曰青霞路絕朱紱途遙言此會
之何時願相逢而誰伐永懷千古豈知者之交
凡我三人盡崇不朽之迹斯文未喪題之此山同
疏六韻云爾

金天方肅殺白露始專征王師非樂戰之子慎佳兵
海氣侵南郡邊風掃北平莫賣盧龍塞歸邀麟閣名

東征至淇門答宋參軍之問

陳子昂

南星中大火將子涉清淇西林改微月征旆空自持
碧潭去已遠瑤草折遺雄若問遼陽戍悠悠天際旗

東征答朝臣相送

陳子昂

平生白雲意疲薶媿為雄君王謬殊寵旌節此從戎
校繩當繫虜單馬豈邀功孤劍將何託長謠塞上風

東征行

王建

唐詩類苑

卷之七十

四

桐栢水西賊星落梟雛夜飛林木惡相國刻日波濤
清當朝自請東南征舍人為賓侍郎副曉覺蓬萊欠
珮聲玉階舞蹈謝旌節生死向前山可穴同時賜馬
并賜衣御樓看帶弓刀發馬前猛士三百人金書左
右紅旗新司庖常膳皆得對好事將軍封爾身男兒
生殺在手裏營門老將皆憂死矐矐白日當南山不
立功名終不還

隨師東

李商隱

東征日調萬黃金幾竭中原買關心軍令未聞誅馬
謖捷書唯是報孫歆平吳之役上言得歆吳平孫尚在但須驚鷺巢

阿閣豈暇鴟鴞在泮林可惜前朝玄菟郡積骸成莽
陣雲深

東兵長句十韻

杜牧

上黨爭爲天子春邯鄲四十萬秦坑狂童何者欲專
地聖主無私豈翫兵玄象森羅搖北落詩人章句詠
東征雄如馬武皆彈劔少似終軍亦請纓屈指廟堂
無失策垂衣堯舜待昇平羽林東下雷霆怒楚甲南
來組練明卽墨龍文光照曜常山蛇陣勢縱橫落鵬
都尉萬人敵黑稍將軍一鳥輕漸見長圍雲欲合可
憐窮壘帶猶縈凱歌應是新年唱便逐春風浩浩聲

唐詩類苑

卷之七十

五

奉和裴相公東征途經女几山下作

韓愈

旗穿曉日雲霞雜山倚秋空劒戟明敢請相公平賊
後暫攜諸吏上崢嶸

李雲南征蠻詩并序

高適

天寶十一載有詔伐西南夷右相賜公兼節制之
寄乃奏前雲南太守李宓涉海自交趾擊之道路
險艱往復數萬里蓋百王所未通也十二載四月
至於長安君子是以知廟堂使能而李公効節適
忝斯人之舊因賦是詩

聖人赫斯怒詔伐西南戎肅穆廟堂上深沈節制雄
遂令感激士得建非常功料死不料敵顧恩寧顧終
鼓行天海外轉戰蠻夷中梯巘近高鳥穿林經毒蟲
鬼門無歸客北戶多南風蜂蠆隔萬里雲雷隨九攻
長驅大浪破急擊羣山空餉道忽已遠懸軍垂欲窮
精誠動白日憤薄連蒼穹野火掘田鼠晡餐兼焚僮
收兵列亭候拓地彌西東臨事耻苟免履危能飭躬
將星獨照耀邊色何溟濛瀘水夜可涉交州今始通
歸來長安道召見甘泉宮廉藺若未死孫吳知暗同
相逢論意氣慷慨謝深衷

唐詩類苑

卷之二十

六

南征怨

曹鄴

萬浪東不回昭王南征早龍舟沒何處獨樹江上老
吾欲問水濱宮殿已生草

西征軍行遇風

崔融

北風捲塵沙左右不相識颯颯吹萬里昏昏同一色
馬煩不敢進人急未遑食草木春更悲天景晝相匿
風齡慕忠勇雅尚存孤直覽史懷浸驕讀詩嘆孔棘
及茲戎馬地忝從書記職兵氣騰北荒軍聲振西極
坐覺威靈遠行看祿氛息愚臣何以報倚馬申微力
走馬川行奉送出師西征 岑參

君不見走馬川行雪海邊平沙莽莽黃人天輪臺九月風夜吼一川碎石大如斗隨風滿地石亂走匈奴草黃馬正肥金山西見煙塵飛漢家大將西出師軍金甲夜不脫半夜軍行戈相撥風頭如刀面如削馬毛帶雪汗氣蒸五花連錢旋作水幕中草檄硯水凝虜騎聞之心膽慄料知短兵不敢接車師西門佇獻捷

輪臺歌奉送封大夫出師西征

岑參

輪臺城頭夜吹角輪臺城北旄頭落羽書昨夜過渠

唐詩類苑

卷之七十

二

黎單于已在金山西戍樓西望煙塵黑漢兵屯在輪臺北上將擁旄西出征平明吹笛大軍行四邊伐鼓雪海湧三軍大呼陰山動虜塞兵氣連雲屯戰場白骨纏草根劒河風急雲片闊沙口石凍馬蹄脫亞相勸王甘苦辛誓將報主靜邊塵古來青史誰不見今見功名勝古人

夏日都門送司馬員外逸客孫員外佺北征

李乂

日逐滋南寇天威撫北陲析珪行杖節持印且分麾羽檄雙鳬去兵車駟馬馳虎旗懸氣色龍劒抱雄雌

候月期戡剪經時念別離坐聞關隴外無復引弓兒

夏日都門送司馬員外逸客孫員外佺北征

時相王爲元帥薨
大夫元忠爲副

沈佺期

二庭追虜騎六月動周師廟畧天人授軍麾相國持復言徵二妙才命重當時畫省連征橐橫門共別詞雲迎出塞馬風捲渡河旗計日方夷寇旋聞枹杜詩

送梁公昌從信安王北征

李白

入幕推英選捐書事遠戎高談百戰術鬱作萬夫雄起舞蓮花劒行歌明月宮將飛天地陣兵出塞垣通祖席留丹影征麾拂綵虹旋應獻凱入麟閣佇深功

唐詩類苑

卷之七十

八

送秦光祿北征

李賀

北虜膠堪折秋沙亂曉聲胡頻犯塞驕氣似橫霓灞水樓船渡營門細柳開將軍馳白馬豪彥騁雄材箭射攬槍落旗懸日月低榆稀山易見甲重馬頻嘶天遠星光沒沙平草葉齊風吹雲路火雪汗玉關泥屢斷呼韓頸曾燃董卓膂太常猶舊寵光祿是新齊寶玦騏驎起銀壺徘徊啼桃花連馬發綵絮撲鞍來呵臂懸金斗當脣注玉壘清蘇和碎蟻紫膩卷浮杯虎韜先蒙馬魚腸且斷犀趨趨西旅狗感額北方奚守帳燃香暮看鷹永夜棲黃龍就別鏡青塚念陽臺

周處長橋役侯調短弄衰錢塘階鳳羽正室壁鸞釵
內子攀琪樹羌兒奏落梅今朝擎劍去何日刺蛟迴

送盧管記僊客北伐

沈佺期

羽檄西北飛交城日夜聞廟堂盛徵選戎幕生光輝
鴈行度幽谷馬首向金微湛湛山川暮蕭蕭涼風稀
餞途予憫默赴敵子英威今日楊朱淚無將灑鐵衣

送趙二尚書彥昭北伐

張說

虜地河水合邊城備此時兵連紫關路將舉白雲司
題劍榮中貴銜珠盛出師日華光組練風色焰旌旗
投筆罇前起橫戈馬上辭梅花吹別引楊柳賦新詩

唐詩類苑

卷之七十

九

貽鼓吹李丞時信安王北伐李公王之所器

者也

儲光義

北伐昧天造王師示有征轅門統元律帝室命宗英
靈威方首事伏鉞按邊城膏雨被春草黃雲浮太清
文儒託後乘武旅趨前旌出車發西洛營軍臨北平
曰予深固陋志氣頗縱橫常思驃騎幕願逐嫖姚兵
惟賢美無度海內依揚聲河間舊相許車騎日逢迎
折節下謀士深心論客卿忠言雖未列庶以知君誠

征蜀聯句

韓愈

日王忿違傲有命事誅拔蜀險豁關防秦師縱橫猾

風旗市地揚雷鼓轟天殺竹兵彼彼脆鐵刃我鎗
鐵刑神咤羣施陰饒颶犀札飛霓紛偃塞塞野湏塊

北愈生倬競掣跌癡突爭填軋渴闕信危嗽奸何
噢喲更呼相簸蕩交斫雙缺鐵火發激鉉腥血漂
騰足滑愈飛徐無整陣翩鵲有邪戛江倒沸鯨鯢山
搖潰徂契中離分二三外變迷七八逆頸盡微索仇

頭恣髡鬚怒鬚猶鬚斷臂仍瓢瓢愈石潛設奇伏
穴覷騁精察中矢類妖慘跳鋒狀驚豹踴翻聚林嶺
斗起成埃垓愈施亡多空枉軸折鮮聯轄剝膚浹瘡
瘕敗面碎剗剗渾奔肆狂勦捷窺脫趨黠巖鉤踔狙

唐詩類苑

卷之七十

十

猿水漉雜鱸蟠投命開砲墮墮填隍儼密侑愈強睛死
不閉曠眼困逾恥蕤堞煇歆瘡扶門呀切闔天刀封
未圻莫膳懾前捥踰梁排郁縮闔竇揆窟窺迫脅聞
雜驅咿咿咿咿冤既愈窮區指清夷兇部坐雕鍛叩文
裁斐疊巴豔收娼姘椎肥牛呼牟載實駝鳴圓聖靈
閔頑愚壽養均草蔡下書還雄虎解罪弔孽瞎愈戰
恤時銷洗劍霜夜清刮漢棧罷置闐獠江息澎汰戍
寒絕朝乘乃暗歇宵營始去杏飛峰及歸柳嘶蜚廟
獻繁馘級樂聲洞控楫愈臺圖煥丹玄郊告儼匏稽
念齒慰徽黷視傷悼癰疽休輪任訛寢報力厚楚括

公歡鐘晨撞室宴絲曉挾杯盃酬酒醪箱篋饋巾幘
小臣昧戎經維用贊勲愈

貴主征行樂

李賀

奚騎一作黃銅連鎖甲羅旗香幹金畫葉中軍留醉
河陽城嬌嘶紫燕踏花行春營騎將如紅玉走馬枰
鞭上空綠女垣素月角咿咿牙帳未開分錦衣

征人

羅鄴

青樓一別戍金微力盡秋來破虜圍錦字莫辭連夜
織塞邊長是到春歸正憐漢月當空照不柰胡沙滿
眼飛唯有夢魂南去日胡鄉山水路依稀

唐詩類苑

卷之二十

上

同諸公送李雲南伐蠻

儲光義

昆明濱滇池蠢爾敢逆常天星耀鐵鎖吊彼西南方
冢宰統元戎太守齒軍行囊括千萬里矢謨在廟堂
耀耀金虎符一息到炎荒蒐兵自交趾菱舍出瀘陽
羣山高嶺巖凌越如鳥翔封豕驟踰伏巨象遙披攘
迴溪深天淵揭厲踰舟梁玄武掃孤蜮蛟龍除方良
雷霆隨神兵礪礪動穹蒼斬伐若草木繫縲同犬羊
餘醜隱弭河啁啾亂行藏君子惡薄險王師耻重傷
廣車設且梁太白收光芒邊吏唐詩類苑道新書行紀綱
劒關掉鞅歸武弁朝建章龍旗加命服獬豸擁秋霜

邦人頌靈旗側聽何洋洋京觀在七德林哉我神皇
次天元十載華陰發兵作時有郎官點發

儲光義

鬼方生獫狁時寇盧龍營帝念霍嫫姚詔發咸林兵
天星下文閣簡師臨我城三陌觀勇夫五餌謀長纓
雷野大車發震雲靈鼓鳴太華色莽蒼清渭風交橫
胡馬悲雨雪詩人歌旆旌闕氏爲女奴單于作邊氓
神皇麒麟閣大將不書名

發白馬

李白

將軍發白馬旌節度黃河蕭鼓聒川嶽滄溟湧潯波

唐詩類苑

卷之七十

上

武安有振瓦易水無寒歌鐵騎苦雪山飲流涸淖沱
揚兵獵月窟轉戰畧朝那倚劒登燕然邊峰畧嵯峨
蕭條萬里外耕作五原多一掃清大漠包虎戢金戈

守睢陽作

張巡

接戰春來苦孤城日漸危合圍伴月暈分守若魚麗
屢厭黃塵起時將白羽揮褰瘡猶出陣飲血更登陴
忠信應難敵堅貞諒不移無人報天子心計欲何施
和渭北劉大夫借便秋遮虜寄朝中親友

白居易

巨鎮爲邦屏全材作國楨韜鈴漢上將文墨魯諸生

豹虎關西平金湯渭北城寵深初授榮威重正陽兵
陣占山河布軍由水草行夏苗侵部落宵遁失落營
雲隊攢戈戟風行卷旆旌埃空烽火滅氣勝鼓聲鳴
胡馬辭南牧周師罷北征迴頭問天下何處有攬槍

收襄陽城二首

戎昱

悲風慘慘雨脩脩峴北山低草木愁暗發前軍連夜
戰平明旌旆入襄州

五營飛將擁霜戈百里僵屍滿澗河日暮歸來看劍
血將軍却恨殺人多

行次昭應縣道上送戶部李郎中充昭義攻

唐詩類苑

卷之七十

十三

討

李商隱

將軍大旆掃狂童詔選名賢贊武功暫逐虎牙臨故
絳遠含鷄舌過新豐魚遊沸鼎知無日鳥覆危巢豈
待風早勒勳庸燕石上佇光綸綽漢庭中

軍中行路難

辛常伯

君不見封狐雄虺自成羣憑深負固結妖氛玉璽分
兵徵惡少金壇授律動將軍將軍擁旄宣廟畧戰士
橫戈靜夷落長軀一息背銅梁直指三危登劒閣閣
道遙遙起戍樓劒門搖裔俯靈丘平關九折無平路
江水雙源有急流征役無期返他鄉歲月晚香杏白

陵出蒼蒼林薄遠途危紫蓋峰路澀青泥坂去去指

哀牢行行入不毛絕壁千里險連山四望高中外分

區宇夷夏殊風土交趾枕南荒昆彌臨北戶川源饒

毒霧谿谷多淫雨行潦四時流崩巖千歲古漂梗飛

蓬不暫安捫蘿引葛陟危巖昔時聞道從軍樂今日

方知行路難滄江綠水東流駛炎州丹徼南中地南

中南斗映星河秦關秦塞阻煙波三春邊地風光少

五月瀘中瘴癘多朝驅疲斥侯夕息倦樵歌向月彎

繁弱連星轉太阿重義輕生懷一顧東征西伐凡幾

度夜夜朝朝班鬢新年年歲歲戎衣故瀾城隅滇池

唐詩類苑

卷之七十

古

水天涯望轉積地際行無已徒覺炎涼節物非不知

關山千萬里棄置勿重陳征行多苦辛且悅清笳梅

柳曲誰憶芳園桃李人絳節紅旗分日羽丹心白刃

酌明主但令一被君王知誰憚三邊征戰苦行路難

幾千端無復歸雲憑短翰空餘望日想長安

軍中行路難

同辛常伯作

駱賓王

君不見玉關塵色暗邊庭銅鞮雜虜寇長城天子按
劒徵餘勇將軍授服事橫行七德龍韜開玉帳千里
鼙鼓疊金鉦陰山苦霧地高臺及河孤月照連營連
營去去無窮極擁旆遙遙絕國聞雲朝結晦天山

寒沙夕漲迷疎勒龍鱗水上開魚貫馬首山前振鵬翼長驅萬里聲祁連分麾三命武功宜百發烏號擣碎柳七尺龍文迴照蓮春來秋去移灰瑣蘭閨柳市芳塵斷鴈門迢遞尺書稀鴛被相思淩帶緩行路難誓今氛祲靜臯蘭但使封侯龍額貴詎隨中婦鳳樓寒

變行路難

王昌齡

向晚橫吹悲風動馬嘶合前駟引旗節千里陣雲匝單于下陰山沙礫空颯颯封侯取一戰豈復念閨閣

胡歌

岑參

唐詩類苑

卷之七十

五

黑姓蕃王貂鼠裘葡萄宮錦醉纏頭關西老將能苦戰七十行兵仍未休

代扶風主人答

王昌齡

殺氣凝不流風悲月彩寒浮埃起四遠遊子迷不歡依然宿扶風沽酒聊自寬寸心亦未理長鋏誰能彈主人就我飲對我還慨然便泣數行淚因歌行路難十五役邊城三迴討樓蘭連年不解甲積日無所餐將軍降匈奴國使沒桑乾去時三十萬獨自還長安不信沙場苦君看刀箭瘢鄉親悉零落塚墓亦摧殘仰攀青松枝慟絕傷心肝禽獸悲不去路傍誰忍看

幸逢休明代寰宇靜波瀾老馬思伏櫪長鳴力已殫少年與運會何事發悲端天子初封禪賢良刷羽翰三邊悉如此否泰亦須觀

贈王威古

崔顥

三十羽林將出身常事邊春風吹殘草獵騎何翩翩挿羽兩相顧鳴弓新上弦射麋入深谷飲馬投荒泉馬上共傾酒野中聊割鮮相看未及飲雜虜寇幽燕烽火去不息胡山高際天長驅救東北轉戰解城全報國行赴難古來皆共然

裴侍中晉公出討淮西時過女几山下刻石題詩

唐詩類苑

卷之七十

六

末句云待平賊壘報天子莫指仙山示武夫果如所言剋期平賊由是淮蔡迄今底寧殆二十年人安生業夫嗟嘆不足則詠譎之故居易作詩二百言繼題公之篇未欲使採詩者修史者後之往來觀者知公之功德本末前後也白居易

何處畫功業何處題詩篇麒麟高閣上女几小山前爾後多少時四朝二十年賊骨化為土賊壘犁為田一從賊壘平陳蔡民宴然軍驪成牛戶蔡冠號驪子軍中蔡間農者呼為牛戶鬼火變人煙生子已嫁娶種桑亦纔綿皆云公之德欲報無由緣公今在何處守都鎮三

川舊宅留永樂新居開集賢公今作何官被袞耳
蟬戰袍破猶在髀肉生欲圓襟懷轉瀟灑氣力彌精
堅登山不拄杖上馬能棹鞭利澤浸入地福降自昇
天昔號天下將今稱地上仙勿追赤松游勿拍洪崖
肩商山有遺老可以奉周旋

採桑

樂苑曰採桑羽調曲又有楊下採桑按採桑本清
商西曲也

自古多征戰由來尚甲兵長驅千里去一舉兩蕃平
按劍從沙漠歌謠滿帝京寄言天下將須立武功名

唐詩類苑

卷之七十

十七

寄董卿嘉榮十韻

杜甫

聞道君牙帳防秋近赤霄下臨千嶺雪却背五繩橋
海內久戎服京師今宴朝犬羊曾爛熳宮闕尚蕭條
猛將宜嘗膽龍泉必在腰黃圖遭汚辱月窟可焚燒
會取干戈利無令斥候驕居然雙捕虜自是一嫖姚
落日思輕騎秋天憶射鵰雲臺畫影像皆爲掃氛妖

幕府

送王著作赴淮西幕府

岑參

燕子與百勞一西復一東天空信寥廓翔集何時同
知己悵難遇良朋非易逢憐君心相親與我家又通

言笑日無度書劄凡幾封湛湛萬頃陂森森千丈松
不知有機巧無事干心胸滿堂皆酒徒豈復美王公
早年抱將畧累歲依幕中昨者從淮西歸來奏邊功
乘恩長樂殿醉出明光宮逆旅悲寒蟬客夢驚飛鴻
發家見春草却去聞秋風月色冷楚城淮光透霜空
各自務功業當須激深衷別後能相思何嗟山水重

送裴判官自賊中再歸河陽幕府

岑參

見職官部判官

送趙判官赴黔府中丞叔幕

唐詩類苑

卷之七十

十八

李白

廓落青雲心結交黃金盡富貴翻相忘令人忽自哂
蹭蹬鬢毛斑盛時難再還巨源咄石生何事馬蹄間
綠蘿長不厭却欲還東山君爲魯曾子拜揖高堂裏
叔繼趙平原偏承明主恩風霜摧獨坐旌節鎮雄藩
虎士秉金鉞蛾眉開玉樽才高幕下去義重林中言
水宿五湖月霜啼三峽猿東風吹草綠江上候歸軒
送張遙之壽陽幕府

李白

壽陽信天險天險橫荆關苻堅百萬衆遙阻八公山
不假築長城六軍在其間戰夫若熊虎破敵有餘閑

張子勇且英少輕衛霍屏投驅紫髯將千里望風顏
最爾効才畧功成衣錦還

在水軍宴贈幕府諸侍御 李白

月化五白龍翻飛凌九天胡沙驚北海電掃洛陽川
虜箭兩官闕皇輿成播遷英王受廟畧秉鉞清南邊
雲旗捲海雪金戟羅江煙聚散百萬人弛張在一賢
霜臺降羣彥水國奉戎旃繡服開宴語天人借樓船
如登黃金臺遙謁紫霞仙卷身編蓬下冥機四十年
寧知草間人腰下有龍泉浮雲在一決誓欲清幽燕
願與四座公靜談金匱篇齊心戴朝恩不惜微軀捐
唐詩類苑 卷之七十 九

送王季友赴洪州幕下 錢起

列郡皆用武南征所從誰諸侯重才畧見子如瓊枝
撫劍感知己出門方遠辭煙波帶幕府海日生紅旗
問我何功德負恩留玉墀銷魂把別袂愧爾酬明時
送華陰尉張若赴邑府使幕 張即燕公之孫
頃坐事除名

劉禹錫

昔忝南宮郎往來東觀平嘗披燕文傳登若窺三辰
翊聖崇國本像賢正朝倫高視緬今古清風夏無鄰
蘭綺照通衢一家十朱輪鄴國嗣侯絕韋卿世業貧

天子承大名少年振芳塵青袍仙掌下矯首凌煙旻
公治本非罪潘郎一爲民風霜苦搖落堅白無繒磷
一旦逢良時天光燭幽淪重爲長裾客佐彼觀風臣
分野窮禹畫人煙過虞巡不言此行遠所樂相知新
雨起巫山陽鳥鳴湘水濱離筵出蒼莽別曲多悲辛
今朝一杯酒明日千里人從此孤舟去悠悠天海春

送李侍御益赴幽州幕 韋應物

二十揮篇翰三十窮典墳辟書五府至名爲四海聞
始從車騎幕今赴嫖姚軍契闊晚相遇草感遽離羣
悠悠行子遠耿耿眇川塗分登高望燕代日夕生夏雲
唐詩類苑 卷之七十 十

司徒擁精甲誓將除國氛儒生幸持斧可以佐功勳
無言羽書急坐關相思文

送李司直赴江西使幕 韓翃

欽板辭漢庭進帆歸楚幕三江城上轉九里人家泊
好酒近宣城能詩謝康樂雨晴山西樹日出南昌郭
竹露點衣巾湖煙濕肩鑰主人蒼玉佩後騎黃金絡
高祝領八州相期同一鶚行當報知已從此飛寥廓

送石處士赴河陽幕 韓愈

長把種樹書人云避世士忽騎將軍馬自號報恩子
風雲入壯懷泉石別幽墅鉅鹿師欲老常山險猶恃

豈惟彼相憂固是吾徒耻去事方急酒行可以起

送侯參謀赴河中幕

韓愈

憶昔初第日各以少年稱君願始生鬚我齒清如水
爾時心氣壯百事謂已能一別詎幾何忽如隔晨興
我齒豁可鄙君顏老可憎相逢風塵中相視迭嗟矜
幸同學省官末路再得朋東司絕教授遊宴以爲恒
秋漁陰密樹夜博燃明燈雪逕抵樵叟風廊折談僧
陸渾桃花閒有湯沸如烝三月崧少步踟躕紅千層
洲沙厭晚坐嶺壁窮晨昇沈冥不計日爲樂不可勝
遷滿一已異乖離坐難憑行行事結束人馬何躊躇

唐詩類苑

卷之七十

五

感激生膽勇從軍豈嘗曾沈沈司徒公天子爪與肱
提師十萬餘四海欽風稜河北兵未進蔡州帥新薨
曷不請掃除活彼黎與烝鄙夫誠怯弱受恩愧徒弘
猶思脫儒冠棄死取先登又欲面言事上書求詔徵
侵官固非是妄作譴可懲惟當待責免耕斲歸溝塍
今君得所附勢若脫鞬鉤鷹檄筆無與讓幕謀職其
庸收績開史牒翰飛逐溟鵬男兒貴立事流景不可
乘歲老陰陰音庚作雲頽雪翻崩別袖拂落水征車轉
嶠陵勤勤酒不進勉勉恨已仍送君出門歸愁腸若
牽繩默坐念語笑癡如遇寒蠅策馬誰可適晤言誰

爲應席塵惜不掃殘鐙對空凝信知後會時日月屢
環絙生期理行役歡緒絕難承寄書惟在頻無悵簡
與繒

送盧汀侍御歸天德幕

孟郊

仲宣領騎射結束皆少年匹馬黃河岸射鵬清霜天
旌旗防日北道路上雲巔古雪無銷鑠新水有堆填
清溪徒聳謂白壁自招賢豈比重思者閉門方獨全

幽州賦詩見意時佐劉幕

李益

旌戍在桑乾年年薊水寒殷勤驛西路北去向長安

送朝長史赴荆南舊幕

盧綸

唐詩類苑

卷之七十

五

元瑜思舊幕幾及夢旌旆暑退兼葭雨秋生鼓角天
月明三峽路浪裏九江船

送李校書赴東浙幕府

劉長卿

方從大夫後南去會稽行祿祿滄江外青青春草生
芸香辭亂事梅吹聽軍聲應訪王家宅空憐江水平
寄洪州幕府盧二十一侍御自南昌令拜
頃同官洛陽

寄洪州幕府盧二十一侍御

韋應物

忽報南昌令乘驄入郡城同時趨府客此日望塵迎
文苑臺中妙水壺幕下清洛陽相去遠猶使故林榮
咸陽送房濟侍御歸太原幕昔嘗與濟
同遊此邑

盧綸

舊居無舊隣似見故園春復對別離酒欲成
客衣頻染淚軍旅亦多塵握手重相勉平生心所因

送李校書赴東川幕

盧綸

泥坂望青城浮雲與棧平字形知國號眉勢識山名
編簡塵封閣戈鋌雪照營男兒須聘用莫信筆堪耕

送渭南崔少府歸徐郎中幕

盧綸

葉下山邊路行人見自悲夜寒逢雪處日煖到村時
語少心長苦愁深醉自遲

唐詩類苑

卷之七十

三三

送暢當赴山南幕

盧綸

含情脫佩刀持以佐賢豪是月霜霰下伊人行役勞
事將名共易文與行空高去矣奉戎律悲君爲我曹

送王師曾協律赴湖南使幕

劉禹錫

翩翩馬上郎驅傳渡三湘橘樹沙洲暗松醪酒肆香
素風傳竹帛高價聘琳琅楚水多蘭芷何人事塞芳

送趙中丞自司金外郎轉官參山山南令狐

僕射幕府

劉禹錫

綠樹滿褒斜西南蜀路賒驛門臨白草縣道入黃花

相府開油幕門生逐絳紗行看布政後還從入京華

送元侍御還荆南幕府

李嘉祐

迢遞荊州路山多水又分霜林淡寒日朔鴈蔽南雲
八坐由持節三湘亦置軍自當行直指應不爲功勳

送崔校書赴梓幕

司空曙

碧峰天柱下荻角鎮南軍管記催飛檄蓬萊輟校文
棧霜朝似雪江霧晚成雲想出褒中望巴庸方路分

送裴補闕入河南幕

郎士元

皎然青瑣客何事動行軒苦節酬知己清吟去掖垣
秋城臨海樹寒月上營門鄒魯詩書國應無鼙鼓喧

唐詩類苑

卷之七十

五

送韋侍御赴湖南幕府

李嘉祐

執憲隨征虜逢秋出故關雨多愁郢路葉下識衡山
地遠從軍樂兵強分野閒皇家不易將此去未應還

送張郎中副使自南省赴鳳翔府幕

羊士諤

仙郎佐氏謀廷議寵元侯城郭須來貢河隍亦順流
亞夫高壘靜充國大田秋當奮燕然筆銘功向隴頭

送韋繇校書赴浙東幕

朱慶餘

丞相辟書新秋關獨去人官離芸閣早名占甲科頻
水驛迎船戶山城候騎塵湖邊寄家父到日喜榮親

送韋校書佐靈州幕 朱慶餘

共知行處樂猶惜此時分職已爲書記官曾校典墳
寒城初落葉高戍遠生雲邊事何須問深謀祗在君

走筆贈許玖赴桂州命 張祐

桂林直重德蓮幕藉殊才直氣自消瘴遠心無甕灰
劍稜叢石險箭激亂流迴莫說鴈不到長江魚盡來

送沈光赴福幕 李洞

泉齊嶺鳥飛雨熱荔枝肥南斗看應近北人來恐稀
潮浮廉使宴珠照島僧歸幕下逢遷拜何官着茜衣

送宋校書赴宣州幕 李端

浮舟歷芳草容裔逐江春遠避看書吏行當入幕賓
夜潮衝老樹曉雨破輕蘋鷺鷥多傷別樂家德在人

都亭驛送郭判官之幽州幕府 李端

幕府參戎事承明伏奏歸都亭使者出杯酒故人違
細雨霑官騎輕風拂客衣還從大夫後吾黨亦光輝

送古之奇赴安西幕 李端

疇昔十年兄相逢五校營今宵舉杯酒隴月見軍城
候火經陰絕邊人接曉行殷勤送書記虜幾時平

送從叔赴南海幕 馬戴

洞庭秋色起哀欬更難聞身往海邊郡帆懸天際雲
炎州羅翠鳥瘴嶺控蠻軍信息來非易堪悲此路分

送陸郎中歸田司空幕 李端

漢家分列宿東土佐諸侯結束還軍府光輝過御溝
農桑連紫陌分野入青州覆被恩難報西看成白頭

送李侍御歸宣州使幕 韓翃

春草東江外翩翩北路歸官齊魏公子身逐謝玄暉
山色隨行騎鶯聲傍客衣主人池上酌攜手暮花飛

送趙評事赴洪州使幕 韓翃

孤舟行遠近一路過湘東官屬張廷尉身隨杜幼公
山河映湘竹水驛帶青楓萬里思君處秋江夜雨中

送深州吳司馬歸使幕 韓翃

東門送遠客車馬正紛紛舊識張京兆新隨陸領軍
行聽看暮雨歸鴈踏青雲一去藂臺北佳聲幾日聞

送張丞歸使幕 韓翃

獨受主恩歸當朝似者稀玉壺分御酒金殿賜春衣
拂席流鶯醉鳴鞭驂馬肥滿臺簪白筆捧手戀清揮

送戴迪赴鳳翔幕府 韓翃

青春帶文綬去事魏征西上路金羈出中人玉筍齊
當歌酒萬斛看獵馬千蹄自有從軍樂何須怨解攜

送秘書謝監赴江西使幕 韓翃

謝監憶山程辭家萬里行寒衣傍楚色孤枕宿潮聲
小冠不足問新詩應漸清府公相待日引旆出江城

送崔過歸淄青幕府 韓翃

平陵車馬客海上見旌旗舊驛千山下殘花一路時
春衣過水冷暮雨出關遲莫道青州客迢迢在夢思

送趙陸司兵歸使幕 韓翃

客路青蕪遍開城白日低身趨雙節近名共五雲齊
遠水公田上春山郡舍西無因得攜手東望轉悽悽

送高員外赴淄青使幕 韓翃

唐詩類苑 卷之七十 七
遠水流春色回風送落暉人趨雙節近馬遞百花歸
山驛嘗官酒關城度客衣從來赤管筆提向幕中稀

送友人赴涇州幕 張蠙

杏園沈飲散榮別就佳招日月相期盡山川獨去遙
府樓明蜀雪關磧轉胡鵬縱有煙塵動應隨上策銷

信安王幕府詩 并序 高適

開元二十年國家有事林胡詔禮部尚書信安王
總戎大舉時考功郎中王公勳郎中劉公主客
郎中魏公侍御史李公監察御史崔公咸在幕府
詩以頌美數公見于詞

雲紀軒皇代星高太白年廟堂吞上策幕府制中權

盤石藩維固昇壇禮樂先國章榮印綬公服貴貂蟬
樂善旌深德輸忠格上玄剪桐光寵錫題劍美貞堅

聖祚雄圖廣師貞武德虔雷霆七校發旌旆五營連
華省徵羣父霜臺舉二賢豈伊公望遠曾是茂才遷

並秉鈐鈴術兼該翰墨筵帝思麟閣像臣獻栢梁篇
振玉登遼甸披金歷薊墟度河飛羽檄橫海泛樓船

北伐聲逾邁東征務以專講戎喧涿野料敵靜居延
軍勢持三畧兵戎自九天朝瞻授鉞去時聽偃戈旋

大漠風沙裏長城雨雪邊雲端臨碣石波際隱朝鮮
唐詩類苑 卷之七十 七

夜壁衝高斗寒空駐彩旂倚弓玄兔月飲馬白浪川
庶物隨交泰蒼生解倒懸四郊增氣象萬里絕風煙

關塞鴻勳著京華甲第全落梅橫吹後春色凱歌前
直道常兼濟微才獨棄捐良裾誠已矣投筆尚悽然

作賦同元淑能詩匪仲宣雪霄不可望空欲仰神仙
中丞宋公以吳兵三千赴河南軍次尋陽脫

余之囚參謀幕府因贈之 李白

獨坐清天下專征出海隅九江皆渡虎三郡盡還珠
組練明秋浦樓船入郢都風高初選將月滿欲平胡

殺氣橫千里軍聲動九區白猿慙劍術黃石借兵符
戎虜行當剪鯨鯢立可誅自憐非劇孟何以佐良圖

奉贈盧五丈參謀琚

杜甫

恭惟同自出妙選異高標入幕知孫楚披襟得鄭僑
丈人藉才地門閤冠雲霄老矣逢迎拙相於契托饒
賜錢傾府待爭米駐船遙鄰好艱難薄氓心杼軸焦
客星空伴使寒水不成潮素髮乾垂領銀章破在腰
說詩能累夜醉酒或連朝藻翰惟牽率湖山合動搖
時清非造次興盡却蕭條天子多恩澤蒼生轉寂寥
休傳鹿是馬莫信鵬爲鷁未解依依袂還斟汎汎瓢

唐詩類苑

卷之七十

元

流年疲蟋蟀體物幸鷁鶴辜負滄洲願誰云晚見招

送史司馬赴崔相公幕

岑參

崢嶸丞相府清切鳳凰池美爾瑤臺鶴高棲瓊樹枝
歸飛晴日好吟弄惠風吹正有乘軒樂初當學舞時
珍禽在羅網微命若遊絲願托周南羽相銜漢水湄

送李判官赴桂州幕

錢起

欲知儒道貴縫掖見諸侯且感千金諾寧辭萬里遊
鴈峰侵瘴遠桂水出雲流坐惜離居晚相思綠蕙秋

送宋校書赴宣州幕

盧綸

南想宣城郡清江野戍閑艤艫高映浦睥睨曲隨山

名寄圖書內威生將吏間春行板橋暮應伴庾公還

送李縱別駕加員外郎却赴常州幕

盧綸

霄漢正聯飛江湖又獨歸暫歡同賜被不待易朝衣
山雨迎軍晚蘆風候火微還當宴鈴閣謝守亦光輝

送從叔程歸西川幕

盧綸

千山冰雪晴山靜錦花明群鶴棲蓮府諸戎拜柳營
浪依巴字息風入蜀關清豈念在貧巷竹林鳴鳥聲

寶泉寺送李益端公歸邠寧幕

盧綸

唐詩類苑

卷之七十

三

參差嚴陣東雲日晃龍宮石淨非因雨松涼不爲風
戀泉將鶴並偷果與猿同眼界塵雖染心源路已通
蓮花固何限貝葉自無窮早晚登麟閣慈門欲付公

送從翁東川弘農尚書幕

李商隱

昔帝迴冲眷維皇惻上仁三靈迷赤氣萬彙叫蒼旻
刊木方隆禹陸師始創殷夏臺曾圯閉汜水敢逡巡
拯溺休規步防虞要徙薪蒸黎今得請宇宙昨還淳
續祖功宜急貽孫計甚勤降災雖有代稔惡不無因
宮掖方爲蠱邊隅忽遘屯獻書秦逐客問諫漢名臣
北伐將誰使南征決此辰中原重板蕩玄象失鈞陳

詰旦違清道銜枚別紫宸茲行殊厭勝故老遂分新
去異封於輦來寧避處曲永嘉幾失墜宜政遽酸辛
元子當傳啓皇孫合授詢時非三指讓表請再陶鈞
舊好盟還在中樞策屢遵蒼黃傳國璽遠屬車塵
鷄虎如憑怒聚龍性漫馴封崇自何等流落乃斯民
逗撓官軍亂優容敗將頻早朝披草莽夜譴達絲綸
忘戰追無及長驅氣益振婦言終未易廟畧况非神
日馭難淹蜀星旄要定秦人心誠未去天道亦無親
錦水前雲浪黃山掃地春斯文虛夢鳥吾道欲悲麟
斷續殊鄉淚存亡滿席珍魂銷季羔寶衣化子張紳

唐詩類苑

卷之七十

七

建議庸何所通班昔濫臻浮生見開泰獨得詠汀蘋

送從翁從東川弘農尚書幕

李商隱

大鎮初更帥嘉賓素見邀使車無遠近歸路更煙霄
穩放驂騑步高安翡翠巢御風知有在去國肯無聊
早忝諸孫未俱從小隱招心懸紫雲閣夢斷赤城標
素女悲清瑟秦娥弄碧簫山連玄圃近水接絳河遙
豈意聞周鐸翻然慕舜韶皆辭喬木去遠逐斷蓬飄
薄俗誰其激斯民已甚恍驚皇期一舉燕雀不相饒
敢共頽波遠因之內火燒是非過別夢時節慘驚飄

未至誰能賦中乾欲病瘳屢會紆錦繡勉欲報瓊瑤
我恐霜侵鬢君先綬挂腰甘心與陳阮揮手謝松喬
錦里差隣接雲臺閉寂寥一川虛月魄萬壑自芝苗
瘴雨龍間急離魂峽外銷非關無燭夜其奈落花朝
幾處逢鳴珮何筵不翠翹蠻僮騎象舞江市賣蛟綃
南詔知非敵西山亦屢驕勿貪佳麗地不爲聖明朝
少減東城飲時看北斗杓莫因乖別久遂逐歲寒凋
盛幕開高宴將軍問故寮爲言公玉季早日棄漁樵

送嚴維赴河南充嚴中丞幕府

劉長卿

唐詩類苑

卷之七十

七

久別耶溪客來乘使者軒用才榮入幕扶病喜同樽
山侵留何處江帆去獨翻暮情辭鏡水秋夢識雲門
蓮府開花萼桃園寄子孫何當舉嚴助徧沐漢朝恩

贈別劉長卿時起河南嚴中丞幕府

嚴維

早見登郎署同時跡下僚幾年江路末今去國門遙
文變騷人體官移漢帝朝望山吟度日接枕話通宵
萬里趨公府孤帆恨信潮匡時知己老聖代耻逃堯
從軍五湖外終是稱詩人酒後愁將別塗中過却春

送韓校書赴江西幕

朱慶餘

山橋榭葉暗水館燕巢新驛舫迎應遠京書寄自頻
野情隨到處公務日關身久共趨名利龍鍾獨滯秦

送王副使君還并州幕 李端

并州近胡地此去事風沙鐵馬垂金絡貂裘犯雪花
魯持兩郡印多比五侯家繼世新恩厚從軍舊國賒
戍煙千里直過鴈一行斜想到青油幕長謀出左車
送程劉二侍御兼獨孤判官赴安西幕府

李白

安西幕府多才雄喧喧惟道三數公繡衣貂裘明積
雪飛書走檄如飄風朝辭明主出紫宮銀鞍送別金
唐詩類苑 卷之七十

城空天外飛霜下葱海火旗雲馬生光彩胡塞塵清
幾日歸漢家草綠遙相待

南山趙行軍新詩盛稱游讌之洽因寄一絕

李商隱

連幕遙臨黑水津橐韃無事但尋春梁王司馬非孫
武且免宮人斬美人

送復夢赴韋令幕 元稹

世上如今重檢身吾徒耽酒作狂人西曹舊事多持
法慎莫吐佗丞相茵

送盧郎中赴河東裴令公幕

別時暮雨洛橋岸到日涼風汾水波荷令見君應問
我爲言秋草閉門多 白居易

送王侍御赴夏口座主幕 杜牧

君爲珠履三千客我是青衿七十徒禮數全優知隗
始討論常見念回愚黃鶴樓前春水闊一杯還憶故
人無

送李八秘書赴相公幕 杜甫

青簾白舫益州來巫峽秋濤天地迴石出倒聽楓葉
下櫓搔背指菊花開貪趨相府今晨發恐失佳期後
唐詩類苑 卷之七十

命催南極一星朝北斗五雲多處是三台

送李評事赴潭州使幕 錢起

湖南遠去有餘情蘋葉初齊白蘂生謾說簡書催物
役遙知心賞緩王程興過山寺先雲到嘯引江帆帶
月行幕下由來貴無事佇聞談笑靜黎甞

送崔琦赴宣州幕 盧綸

五馬臨流待幕賓美君談笑出風塵身閑就養寧辭
遠世難移家莫厭貧天際曉山三峽路津頭臘市九
江人何處遙知最惆悵滿湖青草鴈聲春

送李二十九兄員外赴邠寧使幕

劉禹錫

家襲韋平生業文素風清白至今聞南宮通籍新郎
吏西族從戎舊主人城外草黃秋有雪烽頭煙靜虜
無塵鼎門爲別霜天曉賸把離觴三五巡

送馮八將軍奏事畢歸滑臺幕府

崔峒

王門別後到滄州帝里相逢俱白頭自嘆馬卿常帶
疾還嗟李廣不封侯棠梨宮裏瞻龍袞細柳營中看
虎裘想到滑臺桑葉落黃河東注杏園秋

送陳校書赴蔡州幕

章孝標

唐詩類苑

卷之七十

五

天假縱橫入幕籌東南頓減一方憂行賁健筆辭天
閣坐見妖星落蔡州青草袍襟翻日脚黃金馬鐙照
旄頭此行領取從軍樂莫慮功名不拜侯

寄東蜀幕中友

李洞

官亭池碧海榴殷遙想清才倚畫欄柳絮漲天籠地
暖角聲經雨透雲寒曉侵台座香煙濕夜草軍書蠟
炬乾爲話門人吟太苦風摧蘭秀一枝殘

聞友人赴幕因以詩贈

羅鄴

稽嶺春生酒凍銷煙鬟紅袖倚嬌嬈岸邊叢雪晴香
老天上長虹晚影遙正哭長途歸未得更聞江筆赴

嘉招人間榮悴真堪恨坐想征軒鬢欲凋

送劉評事赴廣州使幕

韓翃

征南官屬似君稀才子當今劉孝威蠻府參軍趙傳
舍交州刺史拜行衣前臨瘴海無人過卻望衡陽少
鴈飛爲報蒼梧雲影道明年早送客帆歸

送敏中歸幽寧幕

白居易

六十衰翁兒女悲傍人應笑爾應知弟兄垂老相逢
日杯酒臨歡欲散時前路加餐須努力今朝盡醉莫
推辭司徒知我難爲別且過秋歸未訝遲

送李司直歸浙東幕兼寄鮑將軍

唐詩類苑

卷之七十

五

朱長文

翩翩書記早曾聞二十年來願見君今日朝廷想白
髮同時幾許在青雲人從北固山邊去水到西陵渡
口分會作王門曳裾客爲余前謝鮑將軍

送崔郎中赴幕

溫庭筠

一別黔巫似斷絃故交東去更凄然心遊目送三千
里雨散雲飛二十年發跡豈勞天上桂屬詞還得幕
中蓮相思休話長安遠江月隨人處處圓

送杜顥赴潤州幕

杜牧

少年才俊赴知音丞相門欄不覺深直道事人男子

業異鄉加飯弟兄心還須整理韋弦佩莫獨矜誇玳瑁簪若去上元懷古去謝安墳下與沈吟

唐詩類苑卷第七十一

明雲間張之象玄超甫纂輯

雲間顧成憲幼章甫編次

雲間王微叔朗甫補訂

梁谿曹仁孫伯安甫校正

武部

行營

送鄭正則徐州行營 郎士元

從軍非隴頭師在古徐州氣勁三河卒功全萬戶侯
元戎閫外略才子握中籌莫聽關山曲還生塞上愁

唐詩類苑

卷之七十一

送南特進赴歸行營 劉長卿

聞道軍書至揚鞭不問家虜雲連白草漢月到黃沙
汗馬河源飲燒羌隴城遮翩翩新結束去逐李輕車

送劉侍御赴令公行營 韓翃

東城躍紫駟西路大刀頭上客劉公幹元戎郭細侯
一軍偏許國百戰又防秋請問蕭關道胡塵早晚收

送李侍御赴徐州行營 韓翃

少年兼柱史東至舊徐州遠屬平津閣前驅博望侯
向營淮月滿吹角楚天秋客夢依依處寒山對白樓

送王使君赴太原行營 錢起

太白明無象皇威未戢戈諸侯持節鉞千里控山河
漢驛雙旌度胡沙七騎過驚烽連鴈起牧馬入雲多
不賈盧龍塞能消浩海波須傳出師頌一作莫奏式表
微歌

奉餞郎中四兄罷餘杭太守承恩加侍御史
充行軍司馬赴汝南行營

劉長卿

星使三江上天波萬里通權分金節重恩借鐵冠雄
梅吹前軍發棠陰舊府空殘春錦障外初日羽旗東
岸柳遮浮鷁江花隔避驄離心在何處芳草滿吳宮
唐詩類苑 卷之七十一 二

行營酬呂侍御時尚書問罪襄陽軍次漢東

境上侍御以州隣寇賊復有水火迫於征
稅詩以見論 劉長卿

不敢淮南卧來趨漢將營受辭瞻左鉞扶疾拜前旌
井稅鴉衣樂壺漿鶴髮迎水歸餘斷岸烽至掩孤城
晚日歸千騎秋風合五兵孔璋才素健早晚檄書成
至德二年春正月時謬蒙差攝海鹽令聞王

師收二京因書事寄上浙西節度李侍郎

中丞行營五十韻 劉長卿

天上胡星孛人間反氣橫風塵生汗馬河洛縱長鯨

本謂才非據誰防禍已萌食參將可待誅錯輒爲名
萬里兵鋒接三時羽檄驚負恩殊鳥獸流毒遍黎甿
朝市成蕪沒干戈起戰爭人心懸反覆天道暫虛盈
略地侵中土傳烽到上京王師陷魍魅帝坐逼攙搶
渭水嘶胡馬秦山泣漢兵關原馳萬騎煙火亂千甍
鳳駕瞻西幸龍樓議北征自將行破竹誰學去吹笙
白日重輪慶玄穹再造榮鬼神潛蓄憤夷狄遠輸誠
海內戎衣卷關中賊壘平山川隨戰轉草木助橫行
區宇神功立謳歌帝業成天回萬象變龍見五雲迎
小苑春猶在長安日更明星辰歸正位雷雨發殘生
唐詩類苑 卷之七十一 三

文物登前古蕭韶下太清未央新柳色長樂舊鐘聲
八使推邦彥中司按國程蒼生屬伊呂明主仗韓彭
兇醜將除蔓奸豪已負荆世危看柱石時難識忠貞
薄伐貞獺虎長驅擁旆旌吳山依重鎮江月帶行營
金石懸詞律煙雲動筆精運籌初滅寇調鼎未和羹
北虜傳初解東人望已傾池塘催謝客花木待春卿
昔忝登龍首能傷困驥鳴艱難悲伏初提握喜懸衡
巴曲誰堪聽秦臺自有情遂令辭短初仍欲請長纓
久客田園廢初官印綬輕榛蕪上初路苔蘚北山楹
嬾慢羞趨府驅馳憶退耕榴花無暇醉蓬髮帶愁繁

地僻方言異身微俗慮并家隣雙鯉斷才愧小鱗烹
滄海今猶值青陽歲又東洲香生杜若谿暖戲鵲鵲
煙雪宜春侯塞開值晚晴潮聲來萬井山色映孤城
旅夢親喬木歸心亂早鶯儻無知已在今已訪蓬瀛
送李傅侍郎劍南行營 賈島

走馬從邊事新恩受外臺勇看雙節出期破八蠻回
許國家無戀盤江棧不推移軍刁斗逐報捷劍門開
角咽獼猴叫鼙鼓霹靂來去年新甸邑猶滯佐時才
送李判官之潤州行營 劉長卿

萬里辭家事鼓聲金陵驛路楚雲西江春不肯留歸
唐詩類苑 卷之七十一 四
客草色青青送馬蹄

賀州宴行營回將 羊士諤
九劍盈庭酒滿厄戍人歸日及瓜時元戎靜鎮無邊
事盡道營中偃畫旗

得柳員外書封寄近詩書中兼報新主行營
兵馬因代書戲答 獨孤及

郎官作稼心非好儒服臨戎政已聞說劍嘗宗漆園
吏戒嚴應笑棘門軍遙知抵掌論皇道時復吟詩向
白雲百越待君言即敘相思不敢捨離群
送王誕渤海使赴李太守行營

少年結客散黃金中歲連兵掃綠林渤海名王曾折
首漢家諸將盡傾心行人去指徐州近飲馬回看泗
水深喜見明時鍾太尉功名一似舊淮陰
監軍

送趙評事攝御史監軍嶺南 孫逖

議獄持邦典臨戎假憲威風從閭闔去霜入洞庭飛
篁竹迎金鼓樓船引繡衣明年降真月南斗使星歸
送監軍李判官 韓翃

唐詩類苑 卷之七十一 五一
上客佩雙劍東城喜再游舊從張博望新事鄭長秋

踏水回金勒看風試錦裘知君不久住漢將掃旄頭
送兵

送兵到薊北 高適

積雪與天迥屯軍連塞愁誰知此行邁不為覓封侯
獨孤判官部送兵 高適

餞君嗟遠別為客念周旋征路今如此前軍猶眇然
出關逢漢壁登龍望胡天亦是封侯地期君早著鞭
送部四鎮人往單于別知故

徐九臯

天下今無事雲中獨未寧
驅更戍卒方遠送邊庭
馬飲長城水軍占太白星
國恩行可報何必守經營

送白少府送兵之隴右 高適

殘更登隴首遠別指臨洮
爲問關中事何如州縣勞
軍容隨赤羽樹色引青袍
誰斷單于臂今年太白高

乞師

代宋州將淮上乞師 耿漳

唇齒幸相依危亡故遠歸
身輕百戰出家在數重圍
上將堅深壘殘兵鬪落暉
常聞鐵劍利早晚借餘威

教戰

唐詩類苑 卷之七十一

吳宮教美人戰

顏 榮

有客陳兵畫功成欲霸吳
玉顏承將略金鈿指軍符
轉佩風雲暗鳴輦錦繡趨
雪花頻落粉香汗盡流珠
掩笑誰欺令嚴刑必用誅
至今孫子術猶可靜邊隅

吳宮教美人戰

葉季良

強吳矜霸略講武在深宮
盡出嬌娥妓先觀上將風
揮戈羅袖卷撥甲汗粧紅
掩笑分旗下含羞入隊中
鼓停行未正刑舉令纔崇
自可威隣國何勞逞戰功

昆明池水戰詞

溫庭筠

汪汪積水光連空重疊細
紋晴澈紅赤帝龍孫鮮甲

怒臨流一時生陰風鼙鼓三聲報
天子雕旌默艦凌
波起雷吼濤驚白石山石鯨眼裂
蟠蛟死溟池海浦
俱喧豕青幟白旌相次來箭羽槍
纓三百萬踏翻西
海生塵埃茂陵仙去菱花老唼唼
遊魚近煙島渺莽
殘陽釣艇歸綠頭江鴨眠沙草

觀兵

登邯鄲洪波臺置酒觀發兵

李 白

我把兩赤羽來遊燕趙間
天狼正可射感激無時閑
觀兵洪波臺倚劍望玉關
請纓不繫越且向燕然山

唐詩類苑

卷之七十一

七

風引龍虎旗歌鐘昔追攀
擊筑落高月投壺破愁顏
遙知百戰勝定掃鬼方還

九日登巴陵置酒望洞庭水軍

李 白

見歲時部九日

觀兵

杜 甫

北庭送壯士獵虎數猶多
精銳舊無敵邊隅今若何
妖氛推白馬元帥待彫戈
莫守鄴城下斬鯨遼海波

觀安西兵過赴關中待命二首

杜 甫

四鎮富精銳推鋒皆絕倫還聞獻士卒足以動風塵
老馬夜知道蒼鷹饑著人臨危經久戰用意始知神

二

奇兵不在衆萬馬救中原談笑無河北心肝奉至尊
孤雲隨殺氣飛鳥避轅門竟日留歡樂城池未覺喧

陪栢中丞觀宴將士二首 杜甫

極樂三軍士誰知百戰場無私齊綺饌久坐密金章
醉客留鸚鵡佳人指鳳凰幾時來翠節特地引紅粧

二

繡段裝簷額金花帖鼓腰一夫先舞劍百戲後歌鐮

唐詩類苑

卷之七十一

八

江樹城孤遠雲臺使寂寥漢朝頻選將應拜霍嫖姚

涇州觀元戎出師 戎昱

寒日征西將蕭蕭萬馬叢吹笳覆樓雪祝纛滿旗風
遮虜黃雲斷燒羌白草空金鏡肅天外玉帳靜霜中

朔野長城閉河源舊路通衛青師自老魏絳賞何功
槍壘依沙迴轅門壓塞雄燕然如可勒萬里願從公

宿溫城望軍營 駱賓王

虜地寒膠折邊城夜柝聞兵符關帝闕天策動將軍
塞靜胡笳徹沙明楚練分風旗翻翼影霜劍轉龍文
白羽搖如月青山斷若雲煙裊似卷漫塵滅似銷氛

按筆懷班業臨戎想召勲還應雪漢耻持此報明君

赴軍

送裴四判官赴河西軍試 劉長卿

吏道豈易愜如君誰與儔逢時將騁驥臨事無金牛
鮑叔幸相知田蘇頗同遊英資挺孤秀清論含古流
出塞佐持簡辭家擁鳴騶憲臺貴公舉幕府資良籌
武士佇明試皇華難久留陽關望天盡洗水令人愁
萬里看一鳥曠然煙霞收晚花對古戍春雪含邊州
道路難暫隔音塵那可求他時相望處明月西南樓
旅次丹陽郡遇康侍御宣慰召募兼別岑單

唐詩類苑

卷之七十一

九

父 劉長卿

客心募千里迴首煙花繁楚水渡歸夢春江連故園
羈人懷上國驕虜窺中原胡馬暫爲害漢臣多負恩
羽書晝夜飛海內風塵昏雙鬢日已白孤舟心且論
繡衣從此來汗馬宣王言憂憤激忠勇悲歡動黎元
南徐爭赴難發卒如雲屯倚劍看太白洗兵臨海門
故人亦滄洲少別堪傷魂積翠下京口歸潮落山根
如何天外帆又此波上樽空使憶君處鶯聲催淚痕
贈別于群投筆赴安西 劉長卿
風流一才子經史仍滿腹心鏡萬象生文鋒衆人服

頃遊靈臺下頻棄荆山玉踏踏空數年徘徊冀微禄
竭來投筆硯長揖謝親族且欲圖變通安能守拘束
本持鄉曲譽肯料泥塗辱誰謂命迫還遠今計反覆
西戎今未弭胡騎屯山谷坐恃龍豹韜全輕蜂蠆毒
拂衣從此去擁傳一何遠元帥許提携他人佇瞻囑
出門寡儔侶矧乃無僮僕黠虜時相逢黃沙暮宿
蕭條遠迴首萬里如在目漢境天西窮湖山海邊綠
想聞羌笛處淚盡關山曲地濶鳥飛遲風寒馬毛縮
邊愁如浩蕩離思空斷續塞上歸限賒樽前別期促
知君志不小一舉凌鴻鵠且願樂從軍功名正殊俗

唐詩類苑

卷之七十一

十一

將赴朔方早發漢武

李益

弭蓋出故關窮秋首邊路問我此何爲平生重一顧
風吹山下草繫馬河邊樹奉役良有期回瞻終未屢
去鄉幸未遠戎衣今已故豈惟幽朔寒念我機中素
去矣勿復言所酬知音遇

送王尚一嚴巖二侍御赴司馬都督軍

張說

漢掖通沙塞邊兵護草腓將行司馬令助以鐵冠威
白露鷹初下黃鷹欲飛明年春酒熟留酌二星歸
送裴使君赴荆南行軍司馬

劉長卿

盛府南門寄前程積水中月明臨夏口山晚望巴東
故節辭江郡寒笳發渚宮漢川風景好遙羨逐羊公
送常大夫加散騎常侍赴朔方

皇甫冉

故壘煙霞後新軍河塞間金貂寵漢將玉節度蕭關
澶漫沙中雪依稀漢口山人知寶車駢計日勒銘還
送游員外赴淮西

獨孤及

多君有奇略投筆佐元戎已佩郎官印兼乘御史驄
使星隨驛騎歸路有秋風莫遣無書札他年懷袖空

唐詩類苑

卷之七十一

十一

送防秋人

周賀

疋馬無窮地三年逐大軍算程淮邑遠起帳夕陽曛
浪行時漱邊笳語次聞要傳書札去應到磧東雲
餞趙尚書攝御史大夫赴朔方軍

蘇頲

勁虜欲南飛揚兵護朔垂趙亮寧易印鄧羽卽分麾
野餞迴三傑軍謀出六奇雲邊秋出塞日下愴臨岐
拔劍行人舞揮戈戰馬馳明年麟閣上充國拜於斯
送鮑中丞赴太原軍營

錢起

年壯才仍美時來道易行寵兼三獨任威肅貳師營

將略過南仲天心寄北京雲旂臨塞色龍笛出關聲
漢月隨霜去邊塵計日清漸知王事好文武用書生

送王相公赴幽州

皇甫曾

台衮兼戎律勤憂秉化元鳳池東掖寵龍節北方尊
長路山河轉前驅鼓角喧人安布時令地遠答君恩
暮日平沙漠秋風大旆翻漁陽在天末戀別信陵門

送徐大夫赴南海

皇甫曾

舊國當分閫天涯答聖私大軍傳羽檄老將拜旌旗
位重登壇後恩深弄印時何年諫獵賦今日飲泉詩
海內求民瘼城隅見島夷由來黃霸去自有上台期

唐詩類苑

卷之七十一

十一

送傅管記赴蜀軍

錢起

終童之死誰繼出燕領儒生今俊逸主將早知鸚鵡
賦飛書許載蛟龍筆峨眉王壘指霞標鳥沒天低幕
府遙巴山雨色藏征旆漢水須聲咽短簫賜璧腰金
應可料才略縱橫年且妙無人不重樂毅賢何敵能
當魯連嘯日暮黃雲千里昏壯心輕別不銷魂勸君
用却龍泉劍莫負平生國士恩

送孫潑赴雲中

韓翃

黃鵬少年舞雙戟自視旁人皆辟易百戰能誇隴上
兒一身復作雲中客寒風動地氣蒼茫橫吹先悲出

塞長敲石軍中傳夜火斧冰河畔汲朝漿前鋒直指
陰山外虜騎紛紛膽應碎匈奴破盡看歸金印酬
功如斗大

武威送劉判官赴磧西行軍

岑參

火山五月人行少看君馬上疾如鳥都護行營太白
西角聲一動胡天曉

送李副使赴磧西官軍

岑參

火山六月應更熱赤亭道口行人絕知君慣度祁連
城豈能愁見輪臺月脫鞍暫入酒家壚送君萬里西

唐詩類苑

卷之七十一

十一

擊胡功名祇向馬上取真是英雄一丈夫

送孔巢父赴河南軍

按此詩皇甫冉所作

劉長卿

江南相送隔煙波况復新秋一鴈過聞道全軍征北
虜又言詩將會南河邊心冉冉鄉人絕寒色青青戰
馬多共許陳琳工奏記知君名行未蹉跎

送友罷舉赴邊職

李洞

出剡篇章入洛文無人細讀歎俱焚莫辭秉笏隨紅
旆便好攜家住白雲過水象浮蠻境見隔關江一作猿
呌漢州聞高談闊略陳從事盟誓邊庭壯我軍

從軍

從軍行二首

虞世南

塗山烽候驚弭節度龍城冀馬樓蘭將燕犀上谷兵
劍寒花不落弓曉月逾明凜凜嚴霜節冰壯黃河絕
蔽日卷征蓬浮天散飛雪全兵值月滿精騎乘膠折
結髮早驅馳辛苦事旌麾馬困重關冷翰摧九折危
獨有西山將年年屬數奇

烽火發金微連營出武威孤城塞雲起絕陣虜塵飛
俠客吸龍劍惡少縵胡衣朝摩骨都壘夜解谷蠡圍
蕭關遠無極蒲海廣難依沙磴離旌斷晴川候馬歸

唐詩類苑

卷之七十一

古

從軍行

喬知之

南庭結白露北風掃黃葉此時鴻鴈來驚鳴催思妾
曲房理鍼線平砧搗文練鶯綺裁易成龍鄉信難見
窈窕九重閨寂寞十年啼紗牕白雲宿羅幌月光棲
雲月曉微微夜上流黃機玉霜凍珠履金吹薄羅衣
漢家已得地君去將何事宛轉結書寂寞無鴈使
平生荷恩信本爲榮華進况復落紅顏蟬聲催綠鬢

從軍行

劉希夷

秋天風颯颯群胡馬行疾嚴城晝不開伏兵暗相失

天子廟堂拜將軍凶門出紛紛晉陽道戎馬幾萬匹
軍門壓黃河兵氣衝白日平生懷仗劍慷慨卽投筆
南登漢月孤北走代雲密近取韓彭計早知孫吳術
丈夫清萬國誰能掃一室

從軍行

王昌齡

向夕臨大荒朔風颯歸慮平沙萬餘里飛鳥宿何處
虜騎獵長原胡騎傍河去邊聲搖白草海氣生黃霧
百戰苦風塵十年履霜露雖投定遠筆未坐將軍樹
早知行路難悔不理章句

從軍行

王維

唐詩類苑

卷之七十一

古

從軍行

儲光義

取小非川來朝明光殿東平不足先夢出鳳林間
夢還滄海關萬里盡陰色豈爲我離別馬上吹笛起
寒風道傍舞劍飛春雪男兒懸孤非一日君去成高
節

古從軍

王建

漢家一作逐單于日沒處河曲浮雲道傍起行子車
下宿檜城圓鼓角鳴帳後山谷馬上懸壺獎力頭

頽肉來時高堂上父母親結束迴面不見客風吹破
衣服金瘡在肢節相與拔箭鏃聞道西涼州家家婦
人哭

從軍行二首

顧况

弭節結徒侶速征赴龍城單于近突圍烽燧屢夜驚
長弓挽滿月劍華霜雪明遠道百草殞峭覺寒風生
風寒欲砭肌爭柰裘襖輕回首家不見候鴈空中鳴
笳奏逕以哀肅肅趣嚴程寄語塞外胡擁騎休橫行

二

少年膽氣麤好勇萬人敵仗劍出門去三邊正艱厄

唐詩類苑

卷之七十一

十六

怒目時一呼萬騎皆辟易殺人蓬麻輕走馬汗血滴
醜虜何足清天山坐寧謐不有封侯相徒負幽并客

從軍行

戴叔倫

丈夫四方志結髮事遠遊遠遊歷燕薊獨戍邊城陬
西風灑水寒明月關山悠飢恩仗孤劍十年弊貂裘
封侯屬何人蹉跎雪盈頭老馬思故櫪窮鱗憶深流
彈鋏動深慨浩歌氣橫秋報國期努力功名良見收

從軍行

戎昱

昔從李都尉雙鞬照馬蹄擒生黑山北殺敵黃雲西
太白沈虜地邊草復萋萋歸來邯鄲市百尺青樓梯

感激然諾重平生膺力齊芳筵暮歌發豔粉輕鬟低
半酣秋風起鐵騎門前嘶遠戎報烽火孤城嚴鼓擊
揮鞭望塵去少婦莫含啼

從軍六首

劉長卿

迴首虜騎合城下漢兵稀白刃兩相向黃雲愁不飛
手中無尺鐵徒欲穿重圍
目極鴈門道青青邊草春一身事征戰匹馬同辛勤
末路成白首功歸天下人

倚劍白日暮望歸登戍樓北風吹羌笛此夜關山愁
迴首不無意漳河空自流

唐詩類苑

卷之七十一

十七

黃沙一萬里白首無人憐報國劍已折歸鄉身幸全
單于古臺下邊色寒蒼然

落日更蕭條北風動枯草將軍追虜騎夜失陰山道
戰敗仍樹勳韓彭但空老

秋草秋塞上望見漁陽郭胡馬嘶一聲漢兵淚雙落
誰爲吮瘡者此事今人薄

從軍行

王昌齡

大將軍出戰白日暗榆關三面黃金甲單于破膽還

從軍辭二首

王維

簇甲從軍令風雲識陳難今朝拜韓信計日漸成安

二

燕領多奇相狼頭敢犯邊寄言班定遠正是立功年

從軍行五首

令狐楚

荒鷄隔水啼汗馬向風嘶終日隨征旆何時罷鼓鼙

二

孤心眠夜雪滿眼是秋沙萬里猶防塞三年不見家

三

却望水河闊前登雪嶺高征人幾多在又擬戰臨洮

四

胡風千里驚漢月五更明縱有還家夢猶聞出塞聲

唐詩類苑

卷之七十二

六

五

暮雪連青海陰霞覆白山可憐班定遠生入玉門關

從軍行

駱賓王

平生一顧念意氣溢三軍野日分戈影天星合劍文

弓絃抱漢月馬足踐胡塵不求生入塞唯畱死報君

從軍行

楊炯

烽火照西京心中自不平牙璋辭鳳闕鐵騎遶龍城

雪暗彫旗盡風多雜鼓聲寧爲百夫長勝作一書生

從軍行

李白

從軍玉門道逐虜金微山笛奏梅花曲刀開明月環

鼓聲鳴海上兵氣擁雲間願斬單于首長驅靜鐵關

從軍行

崔國輔

塞北胡霜下營州索兵救夜裏偷道行將軍馬亦瘦

刀光照塞月陣色明如畫傳聞賊滿山已共前鋒鬪

從軍行

劉庭琦

朔風吹寒塞胡沙千萬里陣雲出岱山孤月生海水

次勝方求敵銜恩本輕死蕭蕭牧馬鳴中夜拔劍起

從軍行

僧皎然

黃紙君王詔青泥校尉書誓師張虎落選將擐犀渠

霧暗津蒲失天寒塞柳疎橫行十萬騎欲掃虜塵餘

唐詩類苑

卷之七十一

九

從軍行

李約

看圖閑教陣畫地靜論邊烏壘天西戍鷹姿塞上川

路長唯算月書遠每題年無復生還望翻思未別前

從軍行

厲玄

邊草早不春劍花增野塵戰場收驥尾清瀚怯龍鱗

帆色起歸越松聲厭避秦幾時逢范蠡處處是通津

從軍行

盧綸

二十在邊城軍中得勇名卷旗收敗馬占磧擁殘兵

覆陣烏鳶起燒山草木明塞閑思遠獵師老厭分營

雪嶺無人跡冰河有馬聲空陵甘北戍何異漢公卿

從軍行

崔融

穹廬雜種亂金方，武將神兵下玉堂。
天子旌旂過細柳，匈奴運數盡枯楊。
關頭落月橫西嶺，塞下凝雲斷北荒。
漠漠邊塵飛衆鳥，昏昏朔氣聚群羊。
依稀蜀杖迷新竹，髣髴胡牀識故桑。
臨海舊來聞驃騎，尋河本自有中郎。
坐看戰壁爲平土，近待軍營作破羌。

古從軍行

李頎

白日登山望烽火，黃昏飲馬傍交河。
行人刁斗風沙暗，公主琵琶幽怨多。
野雲萬里無城郭，雨雪紛紛連大漠。
胡鴈哀鳴夜夜飛，胡兒眼淚雙雙落。
聞道玉門猶被遮，應將性命逐輕車。
年年戰骨埋荒外，空見蒲桃入漢家。

從軍行

李昂

漢家未得燕支山，征戌年年沙朔間。
塞下長驅汗血馬，雲中恒閉玉門關。
陰山浩海千萬里，此日桑河凍流水。
稽落山邊雲騎來，漁陽戍裏烽煙起。
長途羽檄何相望，天子按劍思北方。
羽林練士拭金甲，將軍校戰出玉堂。
幽陵異域風煙改，亭障連連古今在。
夜聞鴻鴈南渡河，曉望旌旗北極海。
塞沙飛淅瀝，遙裔連窮磧。
玄漠雲平初合陣，西山月出聞鳴鏑。
鏑城南百戰

多苦辛，路傍死，卧黃沙。
人戎衣不脫，隨霜雪，汗馬蹉跎。
長被鐵楊葉，樓中不寄書。
蓮花劍上空流血，匈奴未滅不言家。
驅逐行行邊徼賒，歸心海外見明月。
別思天邊夢落花，落花迴望何悠悠。
芳樹無人渡隴頭，春雲不變陽關雪。
桑葉先知胡地秋，田疇不賣盧龍策。
竇憲思勒燕然石，廉兵靜北垂此日。
交河渭欲令塞上無干戚，會待單于繫頸時。

從軍行

王宏

兒生三日掌上珠，燕頤頽肱穠李膚。
十五學劍北擊胡，羌歌燕筑送城隅。
城隅路接伊川河，河陽渡頭邯鄲陌。
可憐少年把手時，黃鳥雙飛梨花白。
秦王築城三千里，西自臨洮東遼水。
山邊疊疊黑雲飛，海畔萋萋青草死。
從來戰鬪不求勲，殺身爲君君不聞。
鳳凰樓上吹急管，落日徘徊腸先斷。

從軍行

賀朝

朔胡乘月寇邊城，軍書挿羽刺中京。
天子金壇拜飛將，單于玉塞振佳兵。
騎射先鳴推任俠，龍韜決勝佇時英。
聞有河湟客，愔愔理帷帟。
常山啓霸圖，汜水先天策。
銜珠浴鐵向桑乾，纓旗膏鼓指烏丸。
鳴鷄已報關山曉，來鴈遙傳沙塞寒。
直爲寸心從苦節，龍頭流

水鳴鳴咽邊樹蕭蕭不覺春天山漠漠長飛雪魚腥
陣接塞雲平鴈翼營通海月明始看晉幟飛鶴入旋
聞齊壘啼鳥聲自從一戍燕支山春光幾度晉陽關
金河未轉青絲騎玉筋應啼紅粉顏鴻歸燕相逐池
邊芳草綠已見氛清細柳營莫更春歌落梅曲烽沈
竈滅靜邊亭海晏山空肅已寧行望鳳京旋凱捷重
來麟閣盡丹青

從軍行

李白

百戰沙場碎鐵衣城南已合數重圍突營射殺呼延
將獨領殘兵千騎歸

唐詩類苑

卷之七十一

三

從軍辭

王維

髦頭夜落捷書飛來奏金門看賜衣白馬將軍頻破
敵黃龍戍卒幾時歸

從軍行七首

王昌齡

烽火城西百尺樓黃昏獨坐海風秋更吹羌笛關山
月無那金閨萬里愁

琵琶起舞換新聲總是關山離別情撩亂邊愁聽不
盡高高秋月照長城

關城榆葉早疎黃日暮雲沙古戰場表請回軍掩塵
骨莫教兵士哭龍荒

青海長雲暗雪山孤城遙望玉門關黃沙百戰穿金
甲不破樓蘭終不還

大漠風塵日色昏紅旗半捲出轅門前軍夜戰洮河
北已報生擒吐谷渾

胡瓶落膊紫薄汗碎葉城西秋月團明初星馳封寶
劍辭君一夜取樓蘭

玉門山嶂幾千重山北山南總是烽人依遠戍須看
火馬踏深山不見蹤

送張秀才從軍

李白

六鷲食猛虎耻從駕馬群一朝長鳴去矯蒼龍行雲
唐詩類苑

卷之七十一

三

壯士懷遠畧志存解世紛周粟猶不顧齊珪安肯分
抱劍辭高堂將投崔冠軍長策掃河洛寧親歸汝墳
當今千古後麟閣著奇勲

送韓愈從軍

孟郊

志士感恩起變衣非變性親賓改舊觀僮僕生新敬
坐作群書吟行爲孤劍詠始知出處心不失平生正

淒淒天地秋凜凜軍馬今驛塵時一飛物色極四靜
王師旣不戰廟略在無競王粲有所依元瑜初應命

一章喻微明百萬心氣定今朝旌鼓前笑別丈夫盛
李益

東髮逢世屯懷恩抱明義讀書良有感學劍慙非智
遂別魯諸生來從寶車騎追兵赴邊急絡馬黃金轡
出入燕南陲由來重意氣自經臯蘭戰又破樓煩地
西北護三邊東南留一尉時過欵如雲參差自不意
將軍失恩澤萬事從此異置酒高臺上薄暮秋風至
長戟與我歸騎來同棄置自酌還自飲非名又非利
歌出易水寒琴下雍門淚出逢平樂舊言在天階侍
問我從軍苦自陳少年貴丈夫交四海徒論身自致
漢將不封侯蘇卿勞遠使令我終此曲此曲誠不易
貴人難識心何由知忌諱

唐詩類苑

卷之七十一

五

送魏大從軍

陳子昂

匈奴猶未滅魏絳復從戎
悵別三河道言追六郡雄
鴈山橫代北孤塞接雲中
勿使燕然上獨有漢臣功

送陳七從軍

孟浩然

吾觀非常者碌碌在目前
君負鴻鵠志蹉跎書劍年
一聞邊烽動萬里忽爭先
余亦赴京闕何當獻凱還

送人之軍中

賀知章

常經絕脉塞復見斷腸流
送子成今別令人起昔愁
隴雲晴半雨邊草夏先秋
萬里長城寄無貽漢國憂

送蘇六從軍

孟浩然

才有幕中盡而無塞上勲
漢兵將滅虜王粲始從軍
旌旄邊庭去山川地脉分
平生一七首感激贈夫君

送人從軍

杜甫

弱水應無地陽關已盡天
今君渡沙磧累日斷人煙
好武寧論命封侯不計年
馬寒防失道雪沒錦鞍韉

恨從軍

于漬

不嫁白衫兒愛君新紫衣
早知遽相別何用假光輝
已聞都萬騎又道出重關
一軸金裝字致君終不歸

子從軍

于漬

男作鄉中下女作鄉男
婦南村與北里日日見父母

唐詩類苑

卷之七十一

五

豈似從軍兒一去便白首
何當鑄劍戟盡得丁男力

送駱奉禮從軍

李嶠

玉塞邊烽舉金壇廟略中
羽書資銳筆戎幕引英賓
劍動三軍氣衣飄萬里塵
琴樽留別賞風景惜離晨

笛梅含晚吹管柳帶餘春
希君勒石返歌舞入城闔

送劉校書從軍

楊炯

天將下三宮星門召五戎
坐謀資廟略飛檄佇文雄
赤土流星劍烏號明月弓
秋陰生蜀道殺氣繞湟中

風雨何年別琴樽此日同
離亭不可望溝水自西東

送族弟從軍安西

李白

漢家兵馬乘北風鼓行而西破犬戎爾隨漢將出門
去剪虜若草收奇功君王按劍望邊邑旄頭已落胡
天空匈奴繫頸類應盡明年應入蒲桃宮

送外甥鄭灌從軍

李白

六博爭雄好彩來金盤一擲萬人開丈夫賭命報天
子當斬胡頭衣錦回

丈八蛇矛出隴西彎弧拂箭白猿啼破胡必用龍韜
策積甲應將熊耳齊

月蝕西方破敵時及瓜歸日未應遲斬胡血變黃河
水梟首當懸白鵠旗

唐詩類苑

卷之七十一

三六

從軍北征

李益

天山雪後海風寒橫笛偏吹行路難積裏征人三十
萬一時回向月明看

送侯判官赴廣州從軍

張籍

年少才高求自展將身萬里赴軍門辟書遠到開呈
客公服新成著謝恩驛舫過江分白侯戍亭當嶺見
紅旛海花蠻草連冬有行處無家不滿園

送崔校書從軍

錢起

鴈門太守能愛賢麟閣書生亦投筆寧唯玉劍報知
已更有龍韜佐師律別馬迎嘶出塞人幾夜望

刀頭燕南春草傷心色剡北黃雲滿眼愁聞道輕生
能擊虜何嗟少壯不封侯

武夫詞

劉禹錫

有武夫過說余以從軍之樂翌日質於通武之善
經者則曰果有樂也夫威資而賞勞則樂用威雌
而賞競則樂橫顧其樂安出耳爭惕然作是詞

武夫何光洸衣紫襲絳裳借問胡爲爾列校在鷹揚
依倚將軍勢交結少年場探九害公吏袖刃宿名倡
家產既不事顧盼自生光酣歌高樓上袒裼大道傍
昔爲編戶不足數血汚城西一杯土南風無火楚澤

唐詩類苑

卷之七十一

三七

常山

時常山

閑夜行不鎖穆陵關策勳禮畢天下泰猛士按劍看

寄暢當

聞以子弟
被召從軍

韋應物

寇賊起東山英俊方未閑聞君新應募籍籍動京關
出身文翰場高步不可攀青袍未及解白羽挿腰間
昔爲瓊樹枝一作今有風霜頽秋郊細柳道走馬一
久還丈夫當爲國破敵如摧山何必事州府坐使蒼

毛斑

從軍夜次六胡北飲馬磨劍石爲祝殤辭

李益

我行空磧見沙之磷磷與草之羃羃半沒胡兒磨劍
石當時洗劍血成川至今草與沙皆赤我因扣石問
以言水流鳴咽幽草根君寧獨不怪陰燐吹火熒熒
又爲碧有鳥自稱蜀帝鬼南人伐竹湘山下交根接
葉滿淚痕請君先問湘江水然我此恨乃可論秦亡
漢絕三十國關山戰死知何極風飄雨灑水自流此
中有冤消不得爲之殫劍作哀吟蓬沙四起雲沈沈
滿營戰馬嘶欲盡畢昂不見胡天陰東征曾弔長平
苦往往晴明獨風雨年移代去感精魂空山月暗聞
鼙鼓秦坑趙卒四十萬未若格鬪傷戎虜聖君破胡
唐詩類苑 卷之七十一 三十一

入軍

送李秀才入軍

李山甫

弱柳貞松一地栽不因霜霰自難媒書生只是平時
物男子爭無亂世才鐵馬已隨紅旆去同人猶著白
衣來到頭功業須如此莫爲初心言重回

獻兵書

送王儲詹事西遊獻兵書 盧全

美酒撥醅酌楊花飛盡時落日長安道方寸無人知
篋中制勝術氣雄屈指算半醉千殷勤仰天一長歎
玉匣百鍊劍龜文又龍吼抽贈王將軍勿使虛白首

唐詩類苑

卷之七十一

三十一

唐詩類苑卷第七十二

明雲間張之象玄超甫纂輯

雲間顧成憲幼章甫編次

雲間王徹叔朗甫補訂

梁谿曹仁孫伯安甫校正

武部

軍中

在軍中贈先還知己

駱賓王

蓬轉俱行役瓜時獨未還魂迷金闕路望斷玉門關
獻凱多慙霍論封幾謝班風塵催白首歲月損紅顏

唐詩類苑

卷之七十二

落鴈低秋塞驚鳬起曉灣湖霜如劍鏑漢月似刀環
別後庭前樹相思幾度攀

軍中冬燕

韋應物

海滄已云晏皇恩猶念勤式燕徧恒秩柔遠及斯人
茲邦實大藩伐鼓軍樂陳是時冬服成戎士氣益振
虎竹謬朝寄英賢降上賓旋罄周旋禮媿無海陸珍
庭中九劍闌堂上歌吹新光景不知晚觥酌豈言煩
單醪昔所感大醺况同忻顧謂軍中士仰答何由申

夜發軍中

李益

邊馬櫪上驚雄劍匣中鳴半夜軍書至匈奴寇六城

中間分暗陣太乙起神兵出沒風雲合蒼黃豺虎
今日邊庭戰綠賞不緣名

夫遠征

元稹

趙卒四十萬盡爲坑中鬼趙王未信趙母言猶點新
兵更填死墳死之兵氣索秦強趙破括敵起括雖
專命起尚輕何況牽肘之人牽不已坑中之鬼妻在
營壘麻戴經鵝鴈鳴送夫之婦又行哭哭聲送死非
送行夫遠征遠征不必戍長城出門便不知死生

疲兵篇

劉長卿

驕虜乘秋下薊門陰山日夕煙塵昏三軍疲馬力已
盡百戰殘兵功未論陣雲泱泱屯塞北羽書紛紛來
不息孤城望處增斷腸折劍看時可露臆元戎日夕
且歌舞不念關山久辛苦自矜倚劍氣凌雲却笑聞
笳淚如雨萬里飄飄空此身十年征戰老胡塵赤心
報國無片賞白首還家有幾人朔風蕭蕭動枯草旌
旗獵獵榆關道漢月何曾照客心胡笳只解催人老
軍前仍欲破重圍圍裏猶應愁未歸小婦十年啼夜
織行人九月憶寒衣飲馬渾河晚更清行吹羌笛遠
歸營只恨漢家多苦戰徒遺金鏃滿長城

唐詩類苑

卷之七十二

二

行軍

行軍二首

岑參

吾竊悲此生四十幸未老一朝逢世亂終日不自保
胡兵奪長安宮殿生野草傷心五陵樹不見二京道
我身在行軍兵馬日浩浩胡雛尚未滅諸將想征討
昨聞咸陽敗殺戮淨如掃積屍若丘山流血漲豐鎬
千戈礙鄉國豺虎滿城堡村落皆無人蕭條空桑棗
儒生有長策無處豁懷抱愧然傷時人舉首哭蒼昊

二

早知逢世亂少小謾讀書悔不學彎弓向東射征胡
偶從諫官列繆向丹墀趨未能匡吾君虛作一丈夫

唐詩類苑

卷之七十二

三

撫劍傷世路哀歌泣良圖功業今已遲覽鏡悲白鬚
平生抱忠義不敢私微軀

西征軍行遇風

崔融

見天部風

蒜山津觀發軍

許渾

羽檄徵兵急轅門選將雄犬羊憂破竹貔虎極飛蓬
定繫一作猖狂虜何煩矍鑠翁更探黃石畧重振黑

山功別馬嘶營柳驚鳥散井桐低星連寶劍殘月讓
雕弓浪曉戈鋌裏山晴鼓角中甲開魚照水旗颺虎
擎風去想金河遠行聞如一作玉塞空漢庭應有問師

律在元戎

戲和微之答竇七行軍之作

白居易

旌鉞從橐鞬賓僚禮數全夔龍來要地鵷鷺下遼天
赭汗騎驕馬青娥舞醉仙合成江上作散到洛中傳
陋巷能無酒貧池亦有船春裝秋未寄謾道有閑錢

送行軍張司馬罷使廻

劉長卿

時危身赴敵事往任浮沉末路三江去當時百戰心
春風吳苑綠古木剡山深千里滄波上孤舟不可尋

送章行軍員外赴河陽

權德輿

唐詩類苑

卷之七十三

四

五年武弁侍明光輟佐中權拜外郎記事還同楚倚
相傳經遠自漢扶陽離堂處處羅簪組東望河橋壯
鞞鼓三城曉角啓轅門一縣繁花照蓮府上畧儒風
竝者稀翩翩騶騎有光輝只今左職多虛位應待他
時仗節歸

行軍

李白

驅馬新誇白玉鞍戰罷沙場月色寒城頭鐵鼓聲猶
振匣裏金刀血未乾

出軍

戎昱

龍繞旌竿獸滿旗纓營乍似雪中移中軍一隊三千

騎盡是并州遊俠兒

贈鄭員外

陶翰

驄馬拂繡裳按兵遼水陽西來鴈門騎北逐樓煩王
聞道五軍集相邀百戰場風沙暗天起虜陳森幾行
儒服揖諸將雄謀吞八荒金門求見謁朱紱生輝光
數載侍御史稍遷尚書郎人生志氣立所貴功業昌
何必守章句終年事蒼黃同時獻賦客尚在東陵傍
奉和杜相公初夏發京城作

岑參

按節辭黃閣登壇戀赤墀銜恩期報主授律遠行師
唐詩類苑 卷之七十二 五

野鵲迎金印郊雲拂畫旗叨陪幕中客敢和出車詩

奉和杜相公發益昌

岑參

相國臨戎別帝京擁旄持節遠橫行朝登劔閣雲隨
馬曉渡巴江雨洗兵山花萬朶迎征蓋川柳千條拂
去旌暫到蜀城應計日須知明主待持衡

告捷

還至張掖古城聞東軍告捷贈韋五

陳子昂

孟秋首歸路仲月旅邊亭聞道蘭山戰相邀在井陘
屢關關月滿三捷虜雲平漢軍追北地胡騎走南庭

君爲幕中士疇昔好言兵白虎鋒應出青龍陣幾成
披圖見丞相按節入咸京寧知玉門道空作隴西行
北海朱旄落東歸白露生縱橫未得意寂寞寡相迎
負劒空嘆息蒼茫登古城

太社觀獻捷

入翰林試以功字爲韻

白居易

淮海妖氛滅乾坤喜氣通班師郊社內操袂凱歌中
妙筭無遺策天兵不戰功小臣同鳥獸率舞向皇風
觀劒南獻捷

遐圻新破虜名將應

一作舊

登壇戎首西南至瓊裘君

長觀邊疆氛已息矛戟血猶殘紫陌歡聲動丹墀嘉
唐詩類苑 卷之七十二 六

氣盤唐虞方德易衛霍比功難共覩俘囚入虜歌萬
國安

河中獻捷

張隨

叛將忘恩久王師不戰通凱歌千里內嘉氣二儀中
寇盡條山下兵廻漢苑東將軍初執信明主欲論功
落日煙塵盡寒郊壁壘空蒼生幸無事自此樂堯風

平秦二首

劉禹錫

秦中秦中衆心死妖星夜落照河水漢家飛將下天
來馬箠一揮門洞開賊徒奔騰望旗拜有若羣蟄驚
春雷狂童面縛登濫車太白妖矯垂捷書相公從容

來鎮撫常侍郊迎負文弩四人歸業閭里聞小兒跳

跳舞

汝南晨鷄喔喔鳴城頭鼓角音和平路傍老人憶舊事相與感激涕零老人收泣前致辭官軍入城人不知忽驚元和十二載喜見天寶承平時

平齊行二首

劉禹錫

胡塵昔起薊北門河南地屬平盧軍詔裴代馬繞東岳嶧陽孤桐削爲角地形十二虜意驕恩澤含容歷四朝魯人皆科帶弓箭齊人不復聞蕭韶今朝天子聖神武手握玄符平九土初哀狂童襲故事文告不

唐詩類苑

卷之七十二

七

來方振怒去秋詔下誅東平官軍四合猶嬰城春來羣鳥噪且驚氣如攘山墮其庭牙門大將有劉生夜半射箭攙槍星帳中虜血流滿地門外三軍撫連臂驛騎函首過黃河城中無賊天氣和朝廷侍郎來慰撫耕夫滿野唱行歌

泰山沈冠六十年旅祭不享生愁煙今逢聖君欲封禪神使陰兵來助戰妖氛掃盡河水清日觀杲杲慶雲生開元皇帝東封時嘯曲興無窮調同詞不同願郎千萬壽長作主人翁

凱旋

軍師凱旋自邕州順流舟中

李嶠

鳴鞞入嶂口汎舸歷川湄尚想江陵陣猶疑下瀨師岸廻帆影疾風逆鼓聲遲萍葉沾蘭槳林花拂桂旗弓鳴蒼隼落劒動白猿悲芳樹吟羌管幽篴入楚詞全軍多勝策無戰在明時寄謝山東妙長纓徒自欺卧病聞常山旋師出勲宥過王澤大洽因寄

李六侍郎

劉禹錫

寂寂重寂寂病夫卧秋齋夜蛩思幽壁稿葉鳴枯堦南國異氣候火旻尚昏霾瘴煙跼飛羽沴氣傷百骸

唐詩類苑

卷之七十二

八

昨聞凱歌旋飲至酒如淮無戰陋丹水垂仁輕藁街清廟旣策勲圓丘俟燔柴車馬一以混幽遠靡不懷逐客顯賴久故鄉雲雨乖禽魚各有化予欲問齊諸

凱樂歌詞五首

受律辭元首相將討叛臣咸歌破陣樂共賞太平人

二

聖德期昌運雍熙萬寓清乾坤資化育海嶽共休明

三

闢土欣耕稼銷戈遂偃兵殊方歌帝澤執贄賀昇平

四

四海皇風被千年德永清戎衣更不著今日告功成

五

主聖開昌曆臣忠奉大猷君看偃革後便是太平秋

旋師喜捷

玄宗

邊服胡塵起長安漢將飛龍蛇開陣法貔虎振軍威
詐虜腦塗地征夫血染衣今朝書奏入明日凱歌歸

待宴旋師喜捷應制

韋安石

蜂蟻屯夷落熊羆逐漢飛忘軀百戰後屈指一年歸

厚眷紓天藻深慈解御衣興酣歌舞出朝野嘆光輝

元和癸巳歲仲秋詔發江陵偏師問罪蠻檄

唐詩類苑

卷之七十二

九

後命宣慰釋兵歸降凱旋之辰率爾成詠

寄荆南嚴司空

劉禹錫

蠻水阻朝宗兵符下渚宮前籌得上策無戰已成功

漢使星飛入夷心草偃同歡謠開竹枝拜舞戢桑弓

就日知氷釋投人念鳥窮網羅三面解章奏九門通

并服聯操袂雕題盡鞠躬降幡秋練白驛騎畫塵紅

火號休傳警機橋罷亘空登山不見虜振旆自生風

江遠煙波靜軍回氣色雄佇看聞喜後金石賜元戎

凱旋進詩

白敏中

一詔皇城四海頒醜戎無數東身還戍樓吹角人休

戰牧野嘶風馬自閒河水九盤收數曲天山千里鎖
諸關西邊北塞今無事爲報東南夷與蠻

凱旋進詩

魏扶

蕭關新復舊山川古戍秦原景象鮮戎虜乞降歸惠
化皇威漸被懾腥膻穹廬遠戍煙塵滅神武光揚竹
帛傳左衽盡知誦帝澤從茲不更備三邊

凱旋進詩

崔鉉

邊陲萬里注恩波宇宙羣方洽凱歌右地名王爭解
辦遠方戎壘盡投戈煙塵永息三秋戍瑞歲遙清九
折河共偶聖明千載運更觀俗阜與時和

唐詩類苑

卷之七十二

十

和敏中凱旋進詩

馬植

舜德堯仁化犬戎許提河隴款皇風指揮驅武皆神
算恢拓乾坤是聖功四帥有征無汗馬七關雖戍已
殲弓天留此事還英主不在他年在大中

獻封大夫破播仙凱歌六首

岑參

岑參送封大夫出師西征序曰天寶中匈奴回紇
寇邊踰花門畧金山煙塵相連侵軼海濱天子於
是授錢常清出師征之及破播仙奏捷獻凱參乃
作凱歌云按唐書封常清傳曰開元末達奚背叛

自黑山北向西趣葉其後常清破賊有功天寶六年又從高仙芝破小勃律不言播仙疑史之闕文也

漢將承恩西破戎捷書先奏未央宮天子預開麟閣待祗今誰數貳師功

官軍西出過樓闌營幕傍臨月窟寒蒲海曉霜疑馬尾葱山夜雪撲旌竿

鳴笳疊鼓擁回軍破國平蕃昔未聞丈夫鵲印搖邊月大將龍旗掣海雲

日角轅門鼓角鳴千羣西縛出蕃城洗兵魚海雲迎唐詩類苑卷之七十一十一

陣秣馬龍堆月照營

蕃軍遙見漢家營滿谷連山遍哭聲萬箭千刀一夜殺平明流血浸空城

暮雨旌旗濕未乾胡煙白草日光寒昨夜將軍連曉戰蕃軍只見馬空鞍

平蕃曲三首

劉長卿

吹角報蕃營迴軍欲洗兵已教清海外自築漢家城

二

渺渺戍煙孤茫茫塞草枯隴頭那用閉萬里不防胡

三

絕漠大軍還平沙獨戍閒空留一片石萬古在燕

平胡并序

玄宗

戎羯不虔竊我荒服命偏師之俘剪彼應期而咸殄一麾克定告捷相仍爰作是詩聊以言志

雜虜忽猖狂無何敢亂常羽書朝斷日烽火夜相望將出凶門勇兵因死地強蒙輪皆突騎接險盡鷹揚鼓角雄山野龍蛇入戰場流膏潤沙漠濺血染鋒鏑霧清玄漠漠雲開靜朔方武功今已立文德愧前王

奉和御製平胡

韓休

南牧正紛紛長河起塞氛玉兵徵選士金鉞拜將軍唐詩類苑卷之七十一十一

疊鼓搖邊吹連旌暗朔雲秋星乘夜落害氣入朝分始見幽烽警俄看烈火焚功成奏凱樂戰罷策歸勲盛德陳清廟神謨屬大君叨榮逢偃羽率舞詠時文

奉和御製平胡

裴漼

玄漠聖恩通由來書軌同忽聞窺月滿相聚寇雲中廟畧占黃氣神兵出絳宮將軍行逐虜使者亦和戎一舉輶輶滅再麾沙朔空直將威禁暴非用武爲雄飲至明軍禮疇勲錫武功干戈還再戢文德在唐風

胡無人行并序

李白

李白名播海內明皇見其神氣高朗軒然霞舉上

覺忘萬乘之尊與之如知友焉嘗製胡無人云太白入月敵可摧及祿山犯關時太白犯月皆謂之不凡耳

嚴風吹霜海草凋筋箝精堅胡馬驕漢家戰士三十萬將軍兼領霍嫖姚流星白羽腰間挿劒花秋蓮光出匣天兵照雪下玉關虜箭如沙射金甲雲龍風虎盡交回太白入月敵可摧敵可摧旄頭滅履胡之腸涉胡血懸胡青天上埋胡紫塞傍胡無人漢道昌陛下之壽三千霜但歌大風飛揚安用猛士兮守四方

滅胡曲

岑參

唐詩類苑

卷之七十一

十三

都護新滅胡士馬氣亦麤蕭條虜塵淨突兀天山孤

胡無人行

徐彥伯

十月繁霜下征人遠鑿空雲搖錦車節海照角端弓暗雪埋沙樹衝飈卷塞蓬方隨膜拜入歌舞玉門中

戰勝樂

百戰得功名天兵意氣生三邊永不戰此是我皇英

破陳樂詞二首

張說

漢兵出頓金徽照日光明鐵衣百里火燐焰燐千行雲騎駢駢感踏遼河自竭鼓譟燕山可飛正屬西方朝賀端知萬舞皇威

少年膽氣凌雲共許驍雄出羣匹馬城西挑戰單刀薊北從軍一鼓鮮卑送欣五餌單于解紛誓欲成名報國羞將開口論勲

平戎詞二首

王維

太白秋高助後兵長風夜捲虜塵清男兒解却腰間劒喜見從王道化平

捲旆生風喜氣新早持龍節靜邊塵漢家天子圖麟閣身是當今第一人

寄賀田侍中東平功成

王建

使迴高品滿城傳親見沂公在陣前百里旗幡衝卽

唐詩類苑

卷之七十一

十四

斷兩重衣甲射皆穿探知點檢兵應怯算得新移柵未堅營被數驚乘勢破將經頻敗遂生全密招殘寇防人覺遙斬元兇恐自專首讓諸軍無敢近功歸部曲不爭先開通州縣斜連海交割山河直到燕戰馬散驅還逐草肉牛齊散却耕田府中獨拜將軍貴門下兼分宰相權唐史上頭功第一春風雙節好朝天

北庭貽宗學士道別

岑參

萬事不可料歎君在軍中讀書破萬卷何事來從戎曾逐李輕車西征出太蒙荷戈月窟外環甲崑崙東兩度皆破胡朝廷輕戰功十年祇一命萬里如飄蓬

容嶺老胡塵衣裘腕邊風忽來輪臺下相見披心胃
飲酒對春草彈碁聞夜鐘今且還龜茲臂上懸角弓
平沙向旅館匹馬隨飛鴻孤城倚大磧海氣迎邊空
四月猶自寒天山雪濛濛君有賢主將何謂泣塗空
時來整六翮一舉凌蒼穹

北庭西郊候封大夫受降回軍獻上

岑參

胡地苜蓿美輪臺征馬肥大夫討匈奴前月西出師
甲兵未得戰降虜來如歸索馳何連連穹帳亦纍纍
陰山烽火滅劒水羽書稀却笑霍嫖姚區區徒爾爲
唐詩類苑 卷之七十二 五

西郊候中軍平沙懸落暉驛馬從西來雙節夾路馳
喜鵲捧金印蛟龍盤畫旗如公未四十富貴能及時
直上排青雲傍看疾若飛前年斬樓蘭去歲平月支
天子日殊寵朝廷方見推何幸一書生忽圖國士知
側身佐戎幕歛衽事邊陲自逐定遠侯亦着短後衣
近來能走馬不弱并州兒

同呂判官從哥舒大夫破共濟城迴登積石

軍多福七級浮圖

高適

塞口連濁河轅門對山寺寧知鞍馬上獨有登臨事
七級凌太清千崖列蒼翠飄飄方寓目想像見深意

高興殊未平涼風颯然至拔城陣雲合轉旆胡星墜
大將何英靈官軍動天地君懷共羽翼本欲厚騏驎
款段苦不前青冥信難致一歌陽春後三嘆終自愧
同李員外賀哥舒大夫破九曲之作

高適

遙傳副丞相昨日破西蕃作氣羣山動揚軍大旆翻
奇兵邀轉戰連弩絕歸奔泉噴諸戎血風驅死虜魂
頭飛攢萬戟面縛聚轅門鬼哭黃埃暮天愁白日昏
石城與巖險鐵騎皆雲屯長策壹言盡餘蹤百代存
威稜懾沙漠忠義感乾坤老將黯無色儒生安敢論
唐詩類苑 卷之七十二 六

解圍憑廟筭止殺報君恩唯有關河眇蒼茫空樹墩

觀范陽遞俘

儲光義

北河旄星殞鬼方彌林胡羣師舞弓矢電發歸燕墟
皇皇軒轅君贊贊暴陶謨方思壯軍實遠近遞生俘
車馬踐大達合沓成深渠牧人過橐駝校正引駒駟
烈風朝送寒雲雪靄天隅草木同一色誰能辨萊枯
四履封元戎百金耐勇夫大邦武功爵固與炎皇殊
送丘健至州勅放作時任下都尉

儲光義

太史登觀臺天街耀旄頭大君忽霆震詔爵冠軍侯

南必梁孫源西將圍崑丘河隴微擊卒虎符到我州
朝集咸林成師言亂啁啾殺氣奕木德凜凜如高秋
元戎啓神皇廟堂發嘉謨息兵業稼穡歸馬復休牛
和風開陰雪大耀中天流歡聲殷河岳涵盪非煙浮
邦牧新下車德禮彼吐謳乾坤日交泰吾亦遂優游

哥舒大夫頌德

儲光義

天紀啓真命君生臣亦生乃知赤帝子復有蒼龍精
神武建皇極文昌開將星超超渭濱器落落山西名
畫閭如受服鑿門出扞城戎人昧正朔我有軒轅兵
隴跽起豐鎬關雲隨旌河湟訓兵甲義勇方橫行

唐詩類苑

卷之七十一

七十一

韓魏多銳士屢張在幕庭大非四決軋石堡高崢嶸
攻伐若振稿孰云非神明嘉謀卽天意驟勝由師貞
枯草被西陸烈風昏太清戢戈旄頭落牧馬崑崙平
賓從儼冠蓋封山紀天聲來朝芙蓉闕鳴玉飄華纓
直道濟時憲天邦遂輕刑抗書報知己松栢亦以榮
嘉命列上第德輝照天京在車持簡墨粲粲皆詞英
顧我搶榆者莫能翔青冥遊燕非騏驎躑躅思長鳴

田侍郎歸鎮入首

王建

去處長將決勝籌廻廻身在陣前頭賊城破後先鋒
入看着紅粧不敢收

慰帖朝衣拋戰袍襲龍斑裏侍中高對時先秦牙間
將次第天恩與節旄
踏着家鄉馬腳輕暮山秋色眼前明老人上酒齊頭
拜得侍中來盡再生

上玉鞭遥指白雲莊

鼓吹旗幡道兩邊行男走女喜駢闐舊交省得當時
別指點如今却少年

廣場破陣樂初休彩纛高於百尺樓老將氣雄爭起
舞管絃廻作大纏頭

唐詩類苑

卷之七十一

七十一

笳聲萬里動燕山草白天青塞馬門觸處不如別處
樂可憐秋月照江關
將士請衣忘却貧綠窗紅燭酒樓新家家盡踏還鄉
曲明月街中不絕人

送袁郎中破賊北歸

皇甫冉

優詔親賢時獨稀中途紫綬換征衣黃香省闥登朝
去楊僕樓船振旅歸萬里長聞隨戰角十年不得偃
郊扉
但將詞賦奉恩輝

晉公破賊回重拜台司以詩示幕中賓客

韓愈

南伐旋師太華東天書夜到冊元功將軍舊歷三司
貴相國新兼五等崇鸞鷟欲歸仙仗裏能罷還入禁
營中長慙典午非材職得就閑官即至公

回軍

回軍跋者

趙微明

既老又不合始得離邊城一枝假枯木步步向南行
去時一百來時一月程常恐道路傍掩棄狐兔瑩
所願死鄉里到日不願生聞此哀怨詞念念不忍聽
惜無異人術倏忽具爾形

潤州楊別駕宅送蔣侍御收兵歸楊州

唐詩類苑

卷之七十一

九

李祐祐

沴氣清金虎兵威壯鐵冠揚旌川色暗吹角水風寒
人對輜輶醉花垂睥睨殘美歸丞相閣空望舊門欄

觀回軍

李益

行行上隴頭隴月暗悠悠萬里將軍沒回旌隴戍秋
誰令嗚咽水重入故宮流

觀軍廻戈

韋莊

關中羣盜已心離關外猶聞羽檄飛御苑綠莎嘶戰
馬禁城寒月擣征衣漫教韓信兵塗地不及劉琨嘯
解圍昨日屯軍還夜遁滿草空誠洛神歸

八陣圖

觀八陣圖

劉禹錫

軒皇傳上畧蜀相運神機水落龍蛇出平沙鵝鶴飛
波濤無動勢鱗介避餘威會有知兵者臨岐指是非

屯田

屯田詞

戴叔倫

春來耕田遍砂磧老稚欣欣種禾麥麥苗漸長天苦
晴土乾确确鉏不角新禾未熟飛蝗至青苗食盡餘
枯莖捕蝗歸來守空屋囊無寸帛餅無粟十月移屯
來向城官教去伐南山木驅牛駕車入山去霜重草

唐詩類苑

卷之七十一

三

枯牛凍死艱辛歷盡誰得知望斷天南淚如雨

戰場

沙場夜

于漬

城上更聲發城下杵聲歇征人燒斷蓬對泣沙中月
耕牛朝輓甲戰馬夜銜鐵士卒浣戎衣交河水爲血
輕裘兩都客洞房愁宿別何泥遠辭家生死猶未決

古戰場

張蠟

荒骨潛銷疊已平漢家曾說此交兵如何萬古冤魂
在風雨時聞有戰聲

唐詩類苑卷第七十二終

唐詩類苑卷第七十三

明雲間張之象玄超甫纂輯

雲間顧成憲幼章甫編次

雲間王 徹叔朗甫補訂

梁谿曹仁孫伯安甫校正

武部

烽

題祀山烽樹贈喬十二侍御

陳子昂

漢庭榮巧宦雲閣薄邊功可憐驄馬使白首為誰雄

唐詩類苑

卷之七十三

夕烽

杜甫

夕烽來不近每日報平安塞上傳光小雲邊落點殘

照秦通警急過隴自艱難聞道蓬萊殿千門立馬看

烽火

韓愈

登高望烽火誰謂塞塵飛王城富且樂曷不事光輝

勿言日已暮相見恐行稀願君熟念此秉燭夜中歸

我歌寧自感乃獨淚沾衣

旌

旌

李嶠

告善康莊側求賢市肆中旌麾分彩雉持節曳丹虹

影麗天山雪光搖朔塞風方知美周政抗旆賦直攻

旗

詠旗

李嶠

私影承宵月虹輝接曙雲縱橫齊八陣舒卷引三軍

日薄蛟龍影風翻鳥隼文誰知懷勇志蟠地幾續紛

揚旗

六月成都尹鄭公置酒觀騎士試新旗幟

杜甫

江雨颯長夏府中有餘清我公會賓客肅肅有異聲

初筵閱軍裝羅列照廣庭庭空六馬入駢駢揚旗旌

廻廻偃飛蓋蓋燭燭迸流星來纏風颭急去擘山嶽傾

材歸俯身盡妙取畧地平虹霓就掌握舒卷隨人輕

唐詩類苑

卷之七十三

三州陷犬戎但見西嶺青公來練猛士欲奪天邊城

此堂不易升庸蜀日已寧吾徒且加餐休適蠻與荆

戈

詠戈

李嶠

富父春喉日殷辛漂杵年曉霜含白刃落影駐雕鉞

夕攢金門側朝提玉塞前願隨龍影度橫闕陣雲邊

劍

詠劍

李嶠

我有昆吾劍求遇天子庭白虹時切玉紫氣夜干星

鐔上芙蓉動匣中霜雪明倚天待報國盡地取雄名

詠劍

崔融

寶劍出匣龍夾采珠五精初獻術千戶競論都
匣氣衝牛斗山形轉轆轤欲知天下貴持此問風胡

說劍

元稹

吾友有寶劍密之如密友我實膠漆交中堂共杯酒
酒酣肝膽露恨不眼前剖高唱荆卿歌亂擊相如缶
更擊復更唱更舞亦更籌白虹坐上飛青地匣中吼
我聞音響異疑是十將闔爲君再拜言神物可見不
君言我所重我自爲君取迎篋已焚香近鞘先澤手
徐抽寸寸刃漸屈彎彎肘殺殺霜在鋒團團月臨紐

唐詩類苑

卷之三

三

逡巡潛虬躍鬱律驚左右霆電滿室光蛟龍逐奮走
何人爲鑄之千將別來久鑄時近山破藏在松桂朽
幽質獄中埋神人水心守本是泥稽淬果非雷煥有
我欲評劍功願君良聽受劍可刺犀兕劍可切瓊玖
劍决天外雲劍衝日中斗劍隳妖蛇腹劍拂佞臣首
太古初斷鼉武王親擊紂燕丹卷地圖陳平縮花綬
曾被桂樹枝寒光射林藪曾經鑄農器利用剪根莠
神物終變化復爲龍牝牡晉末武庫燒脫然排戶牖
爲欲掃羣胡散作彌天帚自茲失所往豪英共爲詬
今復誰人鑄挺然千載後詎非古風胡無乃近鷗

九自我與君遊平生益自負况擎寶劍出重以雄

扣此劍何太奇此心何太厚勸君慎所寶所用無或

苟潛將辟魑魅勿但驚妾婦留斬泓下蛟莫試街中

狗古今困泥滓我亦全塵垢俗耳驚大言逢人少開

口

劍喻

李咸用

黯黯秋水寒至剛非可缺風胡不出來攝履人相蔑
縱挺倚天形誰是詢提挈願將百鍊身助我王師節

古劍

劉長卿

龍泉閑古匣苔蘚淪此地何意久藏鋒翻令世人棄

唐詩類苑

卷之三

四

鐵衣今正濯寶刀猶可試儻遇拂拭恩應知剗犀利

李都尉古劍

白居易

古劍寒黯黯鑄來幾千秋白光納日月紫氣排斗牛

有客借一觀愛之不敢求湛然玉匣中秋水澄不流

至寶有本性精剛無與儔可使寸寸折不能繞指柔

願快直士心將斷佞臣頭不願報小怨夜半刺私讐

勸君慎所用無作神兵羞

古劍行

韋應物

千年土中兩刃鐵土蝕不入金星滅沉沉青鱗甲

滿蛟龍無足蛇尾斷忽欲飛動中有靈豪士得之敵

國寶仇家舉意半夜明小兒女子不可近龍蛇變化
此中隱夏雲奔走雷闐闐恐成霹靂飛上天

利劍

韓愈

利劍光耿耿佩之使我無邪心故人念我寡徒侶持
用贈我比知音我心如水劍如雪不能刺讒夫使我
心腐劍鋒折決雲中斷開青天噫劍與我俱變化歸
黃泉

寶劍篇

劉長卿

寶劍不可得相逢幾許難今朝一度見赤色照人寒
匣裏星文動環邊月影殘自然神鬼伏無事莫空彈
唐詩類苑 卷之七十三 五

寶劍篇

李嶠

吳山開越溪涸三金冶成寶鏐淬綠水鑒紅雲五
采焰起光氛氤背上名爲萬年字胸中點作七星文
龜甲參差白蛇色輾轡宛轉黃金飾文犀中斷寧方
利駿馬羣駢未擬直風霜凜凜匣上青精氣滛滛斗
間明避災朝穿晉帝屋逃亂夜入楚王城一朝運偶
逢大仙虎吼龍鳴騰上天東谷顯昇紫微座西王佩
下赤城田承平久息干戈事僥倖得克文武備除災
辟患宜君王益壽延齡後天地

寶劍篇

郭元振

郭代公元振初尉通泉任俠使氣撥去小節武后
知所爲召欲詰責既與語奇之業索所爲文章上

寶劍篇后覽嘉歎詔示學士李嶠等

君不見昆吾鐵冶飛炎煙紅光紫氣俱赫然良工鍛
鍊凡幾年鑄得寶劍名龍泉龍泉顏色如霜雪良工
嗟咨歎奇絕瑠璃玉匣吐蓮花錯鏤金環映明月正
逢天下無風塵幸得周防君子身精光黯黯青蛇色
文章片片綠龜鱗非直結交遊俠子亦曾親近英雄
人何言中路遭棄捐零落飄淪古獄邊雖復沉埋無
所用猶能夜夜氣衝天

唐詩類苑 卷之七十三

六

仗劍行

萬齊融

昨夜星宮動紫微今年天子用武威登車一呼風雷
動遙震陰山撼巍巍胡驕子當見旄頭蝕應死願騎
單馬仗天威接取長繩縛虜歸仗劍遙叱路傍子句
奴頭血濺君衣

觀淬龍泉劍

裴夷

歐冶將成器風胡幸見逢發硎思剴玉投水化爲龍
詎昔藏深匣終期用荆鍾蓮花生寶鏐秋日勵霜鋒
鍊質纔三尺吹毛過百重聲一作磨如不倦提握願
長從

劍化為龍

張聿

古劍誠難屈，精明有所從。
沉埋方出獄，合會却成龍。
牛斗冤初歇，蛇蜒氣漸穠。
雲濤透百丈，水府躍千重。
拖尾迷蓮鐔，張鱗露錦容。
至今沙岸下，誰得覩玄蹤。

劍器

聖朝能用將，破敵速如神。
挿劍龍纏臂，開旗火滿身。
積屍川沒岸，流血野無塵。
今日當場舞，須知盡戰人。

蕃劍

杜甫

致此自僻遠，又非珠玉裝。
如何有奇怪，每夜吐光芒。
虎氣必騰上，龍身寧久藏。
風塵苦未息，持汝奉明王。

唐詩類苑

卷之十三

七

豐城劍池即事

章孝標

神物不復見，小池空在茲。
因嫌衝斗夜，未是偃戈時。
岸古魚藏穴，蒲凋翠立危。
吾皇別有劍，何必鑄金爲。

豐城劍池驛

權德輿

龍劍昔未發，泥池相晦藏。
向非張茂先，孰辨斗牛光。
神物不自達，聖賢亦彷徨。
我行豐城野，慷慨心內傷。

春坊正字劍子歌

李賀

先輩匣中三尺水，曾入吳潭斬龍子。
隙月斜明刮露寒，練帶平鋪吹不起。
蛟胎皮老蒺藜刺，鵬鶡淬花日鷗尾。
直是荆軻一片心，莫教照見春坊字。
援絲團金

懸麗殺神光，欲截藍田玉。
提出西方白帝驚，嗷嗷鬼奴秋郊哭。

劍客

賈島

十年磨一劍，霜刃未曾試。
今日把似君，誰爲不平事。

劍客

釋慕幽

去住如何處，空將一劍行。
殺人雖取次，爲事愛公平。
戟立噴龍鬚，星流忿眼晴。
曉來湘市說，拂署別遼城。

贈劍客李園聯句

韓愈

天地有靈術，得之者唯君。
郊築爐地區外，積火燒氛氲。
照海鏐幽怪，滿空歎異氛。
山磨電燄燄，水淬

唐詩類苑

卷之十三

八

龍螭螭

愈

太一裝以寶，列仙篆其文。
郊可用懾百神，豈惟壯三軍。
愈有時幽匣吟，忽似深潭聞。
郊風胡久已死，此劍將誰分。
愈行當獻天子，然後致殊勲。
郊豈如豐城下，空有斗間雲。
愈

和周侍御買劍
曹唐

將軍溢價買吳鉤，要與中原賊寇讐。
試掛懸前驚電轉，暑枕下怕泉流。
青天露拔雲霓泣，黑地潛驚鬼魅愁。
見說夜深星斗畔，等閒期剋月支頭。

書劍

元稹

淪江劍刃皆歐冶，巴吏書蹤盡子雲。
唯我心知有來

處泊船黃草夜思君

折劍頭

白居易

捨得折劍頭不知折之由一握青虬尾數寸碧峯頭
疑是斬鯨鯢不然刺蛟虬缺落泥土中委棄無人收
我有鄙介性好剛不好柔勿輕直折劍猶勝曲全鉤

和樂天折劍頭

元稹

聞君得折劍一片雄心起詎憶鉞蛟龍潛在延津水
風雲劍一合呼吸期萬里雷震山嶽碎電斬鯨鯢死
莫但寶劍頭頭非此比

刀

唐詩類苑

卷之七十三

九

詠刀

李嶠

列辟鳴鸞至惟良珮犢旋帶環疑鴈月引鑑似含泉
入夢華梁上含鋒彩筆前莫驚開百鍊特擬定三邊

荆南兵馬使太常卿趙公大食刀歌

大食國名

杜甫

太常樓船聲嗷嘈問兵刮寇超下牢牧出令奔飛百
艘猛蛟突獸紛騰逃白帝寨城住錦袍玄冬示我胡
國刀壯士短衣頭虎毛憑杆拔鞘天爲高翻風轉日
木怒號水翼雲淡傷哀猿鑄錯碧鬣鵠鵠膏鏐已
瑩虛秋濤鬼物掀掀亂坑壕蒼水復看猶赤條龍伯

國人罷釣菴芮公回首顏色勞分闔救世用賢豪趙

公玉立高歌起攬環結佩相終始萬歲持之護天子

得并亂絲與君理蜀江如線針如水荆岑彈丸心未

已賊臣惡子休干紀魍魎魍魎徒爲耳妖腰亂領敢

欣喜用之不高亦不齊不似長劍須天倚吁嗟光祿

英雄弭大食寶刀聊可比丹青宛轉麒麟裏光芒六

合無泥滓

崔五六圖屏風各賦一物得烏孫佩刀

李頎

烏孫腰間佩兩刀刀可吹毛錦爲帶握中枕宿穹廬

唐詩類苑

卷之七十三

十

室馬上割飛翳翳塞執之魍魎誰能前氣凜清風沙

漠邊磨用陰山一片玉洗將胡地獨流泉主人屏風

寫奇狀鐵銷金環儼相向回頭瞪目時一看使予心

在江湖上

難綰刀子歌

盧綸

黃金鞘裏青蘆葉麗若剪成鉞且嬰輕水薄玉狀不

分一尺寒光堪決雲吹毛可試不可觸似有蟲搜闕

裂文淬之幾墮前池水焉知不足蛟龍子割鵝刺虎

皆若空願應君心逐君指并州難綰竟何人每成此

物如有神

視刀環歌

劉禹錫

常恨言語淺不如人意深今朝兩相視脉脉百種心

吳鈎

賦得錦帶佩吳鈎

張友正

帶劍誰家子春朝紫陌遊結邊霞聚錦縣處月隨鈎
綵縷迴文出雄芒練影浮葉依花裏艷霜向鏑中秋
的鏑馬爛爛映綺裘應須待報國一勿月支頭

弓

詠弓

太宗

上弦明月半激箭流星遠落鴈帶書驚蹄猿映枝轉

唐詩類苑

卷之七十三

十一

奉和詠弓

楊師道

霜重麟膠勁風高月影圓烏飛隨帝轡鴈落逐鳴弦

詠弓

李嶠

桃文稱辟惡桑質表初生宛轉雕韃際依稀半月明
遙彎落鴈影虛引怯猿聲徒切烏號思攀龍遂不成

詠弓

章孝標

較量武藝論勳庸曾發將軍箭落鴻握內從誇彎似
月眼前還怕撇來風只知擊起穿鵬鏃不解容和射
鵠功得病自從盃裏後至今形狀怕相逢

戴光弓

見贈也

元稹

箭

詠箭

李嶠

漢甸初收羽燕城忽解圍影隨流水急光帶落星飛
夏列三成範堯沉九日輝斷蛟雲夢澤希爲識忘歸

箭鏃

箭鏃

元稹

箭鏃本求利淬礪良甚難礪將何所用礪以射凶殘
不礪射不入不射人不妥爲盜即當射寧問私與官

唐詩類苑

卷之七十三

十一

夜射官中盜中之血闌干帶箭君前訴君王悄不歡

頃曾爲盜者百箭中心攢競將兒女淚滴瀝助辛酸

君王責良師此禍誰爲端師言發矟罪不使刃稍刈

君王不忍殺逐之如送丸仍令後來箭盡可頭團團

發矟去雖遠礪鏃心不關會射蛟螭盡舟行無惡瀾

答箭鏃

白居易

矢人職司憂爲箭恐不精精在利其鏃錯磨鋒鏃成
插以青竹簞羽之赤鴈翎勿言分寸鐵爲用乃長兵
開有狗盜者晝伏夜潛行摩弓拭箭鏃夜射不待明
一盜既流血百犬同吠聲猶猶不之主人爲之驚

盜心憎主人主人不知情反責鏃太利矢人獲罪名
寄言控弦者願君少留聽何不向西射西天有狼星
何不向東射東海有長鯨不然學仁貴三矢平虜庭
不然學仲連一發下燕城胡爲射小盜此用無乃輕
徒沾一點血虛污箭頭腥

長平箭頭歌

李賀

漆灰骨末丹水沙淒淒古血生銅花白翎金鏐雨中
盡直餘三春殘狼牙我尋平原乘兩馬驛東石田蒿
塢下風長日短星蕭蕭黑旗雲濕懸空夜左覓右覓
啼肌瘦酪瓶倒盡將羊炙蟲棲鴈病蘆筍紅迴風送
唐詩類苑 卷之十三 七

弩

詠弩

李嶠

挺質本軒黃申威振遠方機張驚雉雉玉彩耀星芒
高鳥行應盡清猿坐見傷蘇秦六百步持此說韓王
彈

詠彈

李嶠

俠客持蘇合佳游滿帝鄉避丸深可請求炙遂難忘
金迸疑星落珠成似月光誰知少孺子將此見吳王

馬鞭

詠鐵馬鞭并序

李昌符

鐵馬鞭長慶二年義成軍節度使曹華進獻且曰
得之汴水有字刻云貞觀四年尉遲敬德字尚在
漢將臨流得鐵鞭鄂侯名字舊雕鏤須爲聖代無雙
物肯遂將軍卧九泉汗馬不侵誅虜血神功全見補
亡篇時來終薦明君用莫嘆沉埋二百年

賦得鐵馬鞭

戎昱

成器雖因匠懷剛本自天爲憐持寸節長擬靜三邊
未入英髦用空存鐵石堅希君剖腹取還解抱龍泉
唐詩類苑 卷之十三 七

詠馬鞭

高適

龍竹養根凡幾年工人截之爲長鞭一節一目皆天
然珠重重星連連繞指柔純金堅繩不直規不圓把
向空中捎一聲良馬有心日馳千

野節鞭

元稹

神鞭鞭宇宙玉鞭鞭騏驎緊綬野節鞭本用鞭最屬
使君鞭甚長使君馬亦利司空竝馬行司馬馬顛顛
短鞭不可施疾步無由致使君駐馬言願以長鞭遺
此遺不尋常此鞭不容易金堅無繳遠玉滑無塵膩
青蛇坼生石不剝山阿地鳥龜旋眼斑不染江頭淚

長看雷雨痕未忍駑駘試持用換所持無令等閑廢
答云君何奇贈我君所貴我用亦不凡終身保明義
誓以鞭姦頑不以鞭蹇躋指撝狡兔蹤决捷怪平龍
睡惜今寸寸折節節不虛墜因作換鞭詩詩成謂同
志而我得聞之笑君年少意安用換長鞭鞭長亦奚
爲我有鞭尺餘泥拋風雨漬不擬閑贈行唯將爛誇
醉春來信馬頭款緩花前轡願我遊似攀饒君疾如
翅

野夫採鞭於東山偶得元者

羊士諤

唐詩類苑

卷之七十三

七

追風豈無策持斧有遐想風去留孤根最懸非朽壤
苔斑自天生玉節垂雲長勿謂山之幽丹梯亦可上
劉二十八以文石枕見贈仍題絕句以將厚
意因持壁州鞭酬謝兼廣爲四韻

元稹

枕截文瓊珠綴篇野人酬贈壁州鞭用長時節君須
策泥醉風雲我要眠歌吟彩霞臨藥竈執陪仙杖引
鑪煙張翥却一知何日隨會歸期在此年

唐詩類苑卷第七十三終

唐詩類苑卷第七十四

明雲間張之象玄超甫纂輯

雲間顧成憲幼章甫編次

雲間王微叔朗甫補訂

梁谿曹仁孫伯安甫校正

人部

觀省

送許拾遺恩歸江寧拜親 岑參

詔書下青瑣駟馬還吳洲束帛仍賜衣恩波漲滄流
微祿將及親向家非遠游看君五斗米不謝萬戶侯

唐詩類苑

卷之七十四

一

適出西掖垣如到南徐州歸心望海日鄉夢登江樓
大江盤金陵諸山橫石頭楓樹隱茅屋橘林繫漁舟
種藥疏故畦釣魚垂舊鉤對月京口夕觀濤海門秋
天子憐諫官論事不肯休早來丹墀下高駕無淹留

送張秘書充劉相公通汴河判官便赴江外

觀省

岑參

前年見君時見君正泥蟠去年見君處見君已風搏
朝趨赤墀前高視青雲端新登麒麟閣適脫獬豸冠
劉公領舟楫汴水揚波瀾萬里江海通九州天地寬
昨夜動使星今旦送征鞍老親在吳郡令弟雙同官

鱸膾剩堪憶，蓴羹殊可餐。既參幕中畫，復展膝下驩。
因送故人行，試歌行路難。何處路最難？最難在長安。
長安多權貴，珂珮聲珊珊。儒生直如絃，權貴不須干。
斗酒取一醉，孤琴爲君彈。臨岐欲有贈，持此握中蘭。

客舍贈別韋九建赴任河南韋十七造赴任

鄭縣便道觀省

劉長卿

與子頗疇昔，常時仰英髦。弟兄盡公器，詩賦凌風騷。
頃者遊上國，獨能光選曹。香名冠二陸，精鑒逢山濤。
且副倚門望，莫辭趨府勞。桃花照綵服，草色連青袍。
征馬臨素澹，離人傾濁醪。華山微雨霽，祠上殘雲高。

唐詩類苑

卷之七十四

二

而我倦棲屑，別君良鬱陶。春風亦未已，旅思空滔滔。
拙分甘棄置，窮居長蓬蒿。人生未鵬化，物議如鴻毛。
迢遞兩鄉別，殷勤一寶刀。清琴有古調，更向何人操。

送杜越江佐觀省往新安江

劉長卿

去帆楚天外，望遠愁復積。想見新安江，扁舟一行客。
清流數千丈，底下看白石。色混元氣深，波連洞庭碧。
鳴根去未已，前路行可覲。猿鳥悲啾啾，杉松雨聲夕。
送君東赴歸寧期，新安江水遠相隨。見說江中孤嶼，
在此行應賦謝公詩。

送常侍舒公歸觀

蘇頌

朝聞講藝餘晨省，拜恩初訓胃尊庠。序榮親耀里閭，
朱丹華轂送班白。綺筵舒江上，春流滿還應薦躍魚。

送人觀省

張說

婚禮知無賀，承家歎有輝。親迎驥子躍，吉兆鳳雛飛。
溫席開華扇，梁門換駿衣。遙思桃李日，應賦採蘋歸。

送崔三往密州觀省

王維

南陌去悠悠，東郊不少留。同懷扇枕戀，獨入倚門愁。
路遶天山雪，家臨海樹秋。魯連功未報，且莫蹈滄洲。

送楊千牛赴歲赴汝南郡觀省便成親

唐詩類苑

卷之七十四

三

岑參

問古轉征鞍，安仁道姓潘。歸期明主賜，別酒故人歡。
珠箔障爐暖，狐裘耐臘寒。汝南遙倚望，早去及春盤。

送滕亢擢第歸州拜親

岑參

送爾姑蘇客，滄波秋正涼。橘懷三箇去，桂折一枝香。
湖上山當舍，天邊水是鄉。江村人事少，時作捕魚郎。

送弘文李校書往漢南拜親

岑參

果識已先聞，清辭果出羣。如逢稱處士，似見鮑參軍。
暗巴山雨，家迎漢水雲。慈親思愛子，幾度泣裙。

送張直公歸南鄭拜省 岑 參

夫子思何速世人皆歎奇萬言不加點七步猶嫌遲
對酒落日後還家飛雪時北堂應久待鄉夢促征期

送崔全被放歸都觀省 岑 參

夫子不自衒世人知者稀來傾阮氏酒去著老萊衣
渭北草新出關東花欲飛楚王猶自惑宋玉且將歸

送裴校書從大夫淄川觀省

岑 參

尚書東出守愛子向青州一路通關樹孤城近海樓
懷中江橘熟倚處戟門秋更奉輕軒去知君無客愁

唐詩類苑

卷之七十四

四

送韓巽入都觀省便赴舉 岑 參

見儒部赴舉

送王五觀省 孟浩然

公子戀庭闈芳歌涉海涯水乘舟楫去親望老萊歸
斜日催烏鳥清江照綵衣平生急難意遙仰鶴鵲飛

晚秋長沙蔡五侍御飲筵送殷六參軍歸渭

州觀省 杜 甫

佳士欣相識慈顏望遠遊甘從投轄飲肯作置書郵
高鳥黃雲暮寒蟬碧樹秋湖南冬不雪吾病得淹留

麓山精舍送吳侍御歸寧 張 謂

何處堪留客香林隱翠微薛羅通驛騎松竹挂朝衣

霜引臺鳥集風驚塔鴈飛飲茶勝飲酒聊以送將歸

秦中送人觀省 儲光義

二月清江外搖搖餞故人南山晴有雪東北霽無塵
騎別章臺晚舟行洛水春知君梁苑去日見白華新

洛潭送人觀省 儲光義

清洛帶芝田東流入大川舟輕水復急別望杳如仙
細草生春岸明霞散早天送君唯一曲當是白華篇

仲夏餞魏四河北觀叔 儲光義

落日臨御溝送君還北州樹涼征馬去路暝歸人愁

唐詩類苑

卷之七十四

五

吳岳夏雲盡渭河秋水流東籬摘芳菊想見竹林遊

送張七判官還京觀省 劉長卿

春蘭方可採此去葉初齊銜谷鶯聲裏秦山馬首西
庭闈新栢署門館舊桃蹊春色長安道相隨入禁闈

送邊補闕省觀 錢 起

東去有餘意春風生賜衣鳳凰銜詔下才子採蘭歸
斟酒百花裏憫人一笑稀別離須計日相望在彤闈

送陳供奉恩勅放歸觀省 錢 起

得意今如此清光不可攀臣心亮日下鄉思楚雲間
楊柳依歸棹芙蓉棲舊山采蘭兼衣錦何似買臣還

送外甥范勉赴任常州長史兼觀省

錢起

憐君展驥去能解倚門愁就養仍榮祿還鄉即畫遊
橘花低客舍尊榮繞歸舟與報垂綸叟知吾世網留

送田倉曹歸觀

錢起

青絲絡驄馬去府望梁城節下趨庭處秋來懷橘情
別筵寒日晚歸路碧雲生千里相思夜愁看新月明

送馬尚書郎君侍從歸觀太原

盧綸

玉人垂玉鞭百騎帶雲韉從賞野郵靜獻新秋果鮮

唐詩類苑

卷之七十四

六一

塞屯豐雨雪虜帳失山川遙想稱觴後唯當共被眠

送田倉曹汴州觀省

韓翃

拜慶承天寵朝來辭漢宮玉杯分湛露金勒借追風
古驛秋山下平蕪暮雨中翩翩魏公子人看渡關東

送穆侍御歸觀東都

權德輿

知君儒服貴綵繡兩相輝婉婉成名後翩翩擁傳歸
江深烟嶼沒山暗雨雲飛共待酬恩罷相將去息機

送盧評事婺州觀省

知向東陽去晨裝見綠衣客愁青眼別家喜玉人歸
漠漠水烟晚蕭蕭楓葉飛泊船處候吏拜朝威

送崔端公郎君入京觀省

權德輿

已見風姿美仍聞藝業勤清秋上國路白晝少年人
帶月輕帆疾迎霜綵服新過庭若有問一為說漳濱

送鄭秀才歸寧

張籍

桂檝彩爲衣行當令節歸夜潮迷浦遠晝雨見人稀
野艾到時熟江鷗泊處飛離琴一奏罷山雨霽餘暉

送李騎曹之靈武寧侍

郎士元

一歲一歸寧涼天數騎行河來當塞曲山遠與沙平
縱獵旗風卷聽笳帳月生新鴻引寒色迴日滿京城

送張侍御秘書江左觀省

韋應物

莫歎都門路歸無駟馬車繡衣猶在篋一作閣已
觀書沃野收紅稻長江釣白魚晨餐亦可薦名利欲

何如

送杜士瞻楚州觀省

李嘉祐

風流與才思俱似晉時人淮月歸心速江花入興新
雲深滄海暮柳暗白田春共道官猶小憐君孝養親

送李給事歸徐州觀省

孫逖

位列登青鎖還鄉復彩衣共言晨省日便是晝遊歸
春水經梁宋晴山入海沂莫愁東路遠四牡正駢騑

送度支留後若侍御之歙

便赴信州省觀

劉長卿

國用憂錢穀朝推此任難卽山榆莢變降雨稻花殘
林響朝登嶺江喧夜過灘遙知驄馬色應待倚門看

送李騎曹靈州歸觀

張籍

翩翩出上京幾日到邊城漸覺風沙起還將弓箭行
席箕侵路暗野馬見人驚軍府知歸慶應教數騎迎
送內弟韋宗仁歸信州觀省

盧綸

常嗟外族弟兄稀轉覺心孤是送歸醉掩壺觴人有
淚夢驚波浪日無輝烹魚綠岸烟迷草摘橘青溪露

唐詩類苑

卷之七十四

八

濕衣聞說江樓長卷幔幾迴風起望胡城

送恒操上人歸江外觀省

盧綸

依佛不違親高堂與寺隣問安雙樹曉求膳一僧貧
持呪過龍廟翻經化海人還同會休去儒者亦霑巾

送李潛歸綿州觀省

姚鵠

朱樓對翠微紅旆出重扉此地千人望寥天一鶴歸
雪封山崦白鳥拂棧梁飛誰比趨庭戀驪珠耀綵衣

送李舍人携家歸江東觀省

韓翃

一十青宮吏成名似者稀承顏陸郎去携手謝娘歸

夜月回孤燭秋風試夾衣扁舟楚水上來從遠如飛

送盧弘本浙東觀省

張祐

東望故山高秋歸值小舸懷中陸續橘江上伍員濤
好去寧鷄口加餐及蟬蛻知君思無倦爲我續離騷

邊上送友人歸寧

曹松

鄉路穿京過寧心去少同日斜尋閣磧春盡逐歸鴻
獨樹河聲外凝笳塞色中憐君到此處却背老萊風

送董正字歸觀毘陵

僧無可

暫辭鸞校去未發見新鴻路入江波上人歸楚邑東
山遙晴出樹野極暮連空何以念兄弟應思潔膳同

唐詩類苑

卷之七十四

九

送皇甫校書自蜀下峽歸觀襄陽

李洞

蜀道波不竭巢鳥出浪痕松陰蓋巫峽雨色徹荆門
宿寺青■盡歸林綵服翻苦吟懷凍餒爲弔浩然魂

送陸秀才歸觀

戎昱

武陵何處在南指楚雲陰花萼連枝近桃源去路深
鶯啼徒寂寂征馬已駸駸隄上千年柳條條挂我心

送太常李主簿歸觀省

盧綸

粲粲美仍都清閑一貴儒定交分玉卮登臨爲水壺
風景隨台位河山入陣圖上堂多慶樂昔古少恩

送董正字常州觀省

賈島

相逐一行鴻何時出磧中江流翻白浪木葉落青楓
輕帆浮吳國繁霜下楚空春來歡侍阻正字在東宮

送劉式洛中觀省

賈島

晴峯三十六侍立上春臺同宿別離恨共看星月迴
野鶯臨苑語河棹歷江來便寄相思札緘封花下開

送鄂州張別駕襄陽觀省

司空曙

蒼蒼峴亭路臘月漢陽春帶雪半山寺行沙隔水人

王祥因就宦萊子不違親正恨殊鄉別千條楚柳新

送張調參軍侍從歸觀荆南因寄長林司空

唐詩類苑

卷之七十四

十

十四曙

盧綸

玉勒侍行檐邨超未有髯守儒輕獵騎承誨訪沈潛
雲勢將峰襍江聲與嶼兼還當見王粲應念二毛添

送從姪滁州觀省

盧綸

愛爾似龍媒翩翩千里迴書從外氏學竹自晉時裁
擁棹逢鷗舞憑闌見雨來上堂多慶樂不醉且停杯

送衛司法河中觀省

即故王吏部
延昌外男

盧綸

出身因強學不以外家榮年少無遺事官閑有政聲
曉山臨野渡落日照軍營壯賞高堂下連仁弟與兄

送春坊董正字浙右歸觀

馬戴

去觀一作昆陵日秋殘建業中莎垂石城古山一作海
門空灌木寒檣遠一作層波皓月同何當復一作雙杪一作春

集少陽宮

送魏廣下第揚州觀省

李端

遊宦今空返浮淮一鴈秋白雲陰澤國青草遶楊州
調膳過花下張筵到水頭崑山仍有玉歲晏莫淹留

送許八拾遺歸江寧觀省

甫昔時嘗客遊此
縣於許生處乞居

館寺雜降圖
樣志諸篇末

杜甫

詔許辭中禁慈顏赴北堂聖朝新孝理祖席倍輝光

唐詩類苑

卷之七十四

十一

內帛擎偏重宮衣著更香淮陰新夜驛京口渡江航
春隔鷄人晝秋期燕子涼一作竹引趨庭賜書誇父
老壽酒樂城隍一作十年過父看盡曾饑渴追蹤恨
森茫虎頭金粟影神妙獨難忘

劉侍御朝命許停官歸侍

皇甫冉

孟孫唯問孝萊子復辭官幸遂溫清所其甘稼穡難
採芝供上藥拾槿奉晨餐棟裏雲藏雨山中暑帶寒

非時應有筍閒地盡生蘭賜告承優老長筵永日歡

送李萬州赴饒州觀省

皇甫冉

前程觀拜慶舊館情招携荀氏風流日胡家濟白齊

川迴吳岫失塞關楚雲低舉目親魚鳥驚心怯鼓鼙
入稀漁浦外灘淺定山西無限青青草王孫去不迷

送雍陶及弟歸成都寧親 賈島

不唯詩著籍兼又賦知名議論於題稱春秋對問精
半應陰陽與全賴有司平歸去峰巒衆別來松桂生
漲江流水品當道白雲坑勿以攻文捷而將學劍輕
製衣新濯錦開醞舊燒罌同日昇科士誰同膝下榮

送渾鍊歸覲却赴闕庭 盧綸

露幕擁簪裾台庭餞伯魚綵衣人競看銀詔帝親書
知子當元老爲臣餞二疎執珪期已迫捧膳步寧徐
而我誠愚者夫君豈病諸探題多決勝饌玉每分餘
榮比成功後恩同造化初既塵方欲合籠翮或將舒
榆筴錢難比楊花雪不如明朝古隄路心斷玉人車

送李明府赴睦州便拜覲太夫人 岑參

手把銅章望海雲夫人江上泣羅裙嚴灘一點舟中
月萬里煙波也夢君

送鄭大台文南覲 李商隱

黎辟灘聲五月寒南風無處附平安君懷一疋胡威
絹爭拭酬恩淚得乾

送韓十四江東省覲 杜甫

兵戈不見老萊衣嘆息人間萬事非我已無家尋弟
妹君今何處訪庭闈黃牛峽靜灘聲轉白馬江寒樹
影稀此別應須各努力故鄉猶恐未同歸

送馬員外拜官覲省 錢起

二十爲師事漢文鴛鴦驥子自爲羣筆精已許臺中
妙劍術還令世上聞歸覲屢經槐里月出師常笑棘
門軍莫言來往朝天遠看取鳴鞘入斷雲

送韋信愛子歸覲 錢起

離舟解纜到斜暉春水東流燕北飛才子學詩趨露
殿

唐詩類苑 卷之七十四

十三

冕棠花含笑侍班衣稍聞江樹啼猿近轉覺山林過
客稀借問還珠盈合浦何如鯉也入庭闈

送李尚書郎君昆季侍從歸覲滑州 盧綸

鳳雛聯翼美王孫綵服戎裝擬塞垣金鼎對筵調野
膳玉鞭齊騎引行軒水河一曲旌旗滿墨詔千峯雨
露繁更說務農將罷戰敢持歌訟慶晨昏

送崔約下弟歸淮南覲省 朱慶餘

遠憶拜親留不住出門行計與誰同程塗半是依船
上請謁多愁值雨中壩水靜連溪樹綠村邊

花紅迴期須及來春事莫便江邊逐釣翁

送國子令狐博士赴興元觀省

劉禹錫

相門學子高陽族才省清資五品官諫院過時榮棣
萼謝庭歸去踏芝蘭山頭花帶煙霞晚棧底江涵雪
水寒伯仲到家人盡賀柳營蓮府遞相歡

送郊先輩歸華陰

李洞

桂枝博得鳳枝棲歡觀家僮舞翠微僧向瀑泉聲裏
賀鳥穿仙掌指間飛休停硯筆吟荒廟承別燈籠赴
鎖關騷雅近來頽喪甚送君傍覺菊光輝

唐詩類苑

卷之七十四

送羊振文先輩往桂陽歸觀

陸龜蒙

風雅先生去一麾過庭才子趣歸期讓王門外開帆
葉義帝城中望戟枝卸路漸寒飄雪遠湘波初暖漲
雲遲靈均精魄如能問又得千年賈傅詞

奉和送羊振文先輩往桂陽

蕭觀

木

桂陽新命下彤墀彩服行當欲雪時
賦問安猶聽謫
信旗無限湘中恨

奉和送羊振文桂陽歸觀 顏 萱

高挂吳帆喜動容問安歸去指湘峯懸魚庭內芝蘭
秀馭鶴門前薜荔封紅旆正憐棠影茂綵衣偏帶桂
香濃臨岐獨有霑襟戀南巷當年共化龍

奉和送羊振文桂陽歸觀 馬 都

此去歡榮冠士林離筵休恨酒杯深雪梯萬仞初高
步月桂餘香尚滿襟鳴棹曉衝蒼靄發落帆寒動白
華吟君家祖德惟清苦却笑當時問絹心

送明素上人歸楚觀省 僧靈一

能將疎懶背時人不厭孤萍任此身江上昔年同出
唐詩類苑 卷之七十四 十五

處天涯今日共風塵平湖舊隱應殘雪芳草歸心未
隔春前路倍憐多勝事到家知慶綵衣新

送曾德邁歸寧宜春 曹 鄴

湘東山水有清輝袁水詞人得意歸幾府爭馳毛義
檄一鄉看侍老萊衣筵開灞岸臨清淺路去藍關入
翠微想到宜陽更無事併將歡慶奉庭闈

扶持

送唐州崔使君侍親赴任 白居易

連持使節歷專城獨賀崔侯最慶榮烏府一拋霜簡
去朱輪四從板輿行發時正許沙鷗遠到日方乘竹

馬迎唯慮郡齋賓友少數杯春酒共誰傾

送王十五判官扶持還黔中得開字

杜甫

大家東征逐子回風生洲渚錦帆開青竹笋迎船
出白白江魚入饌來離別不堪無限意艱危須仗濟
時才黔陽信使應稀少莫怪頻頻勸酒杯

乙酉歲舍弟扶侍歸興義莊居後獨止舍侍

替人

孟郊

誰言舊居止主人忽成客僮僕強與言相懼終脉脉
出亦何所求入亦何所索飲食迷精羸衣裳失寬窄

唐詩類苑

卷之七十四

十六

迴風卷開簾新月生空壁士有百役身官無一姓宅
丈夫耻自飾衰鬢從颯白蘭交早已謝榆景徒相迫
惟予中心鏡不語光歷歷

春日同韋郎中使君送鄒儒立少府扶侍赴

雲陽

孟郊

離思着百草綿綿生無窮側聞畿甸秀三振詞策雄
太守不韻俗諸生皆變風郡齋敞西清楚瑟驚南鴻
海畔帝城望雲陽天色中酒酣正芳景詩綴新碧叢
服綵老萊並待車江革同過隋柳顙頰入落花蒙籠
高步詎留足前在層空獨懸病鶴羽送方難崇

送張羽扶侍之睦州

此公舊任建德令

劉長卿

遙憶新安舊扁舟復却還淺深看水石來往逐雲山
入縣餘花在過門故柳閑東征隨子去皆隱薜蘿間
送洛中崔司業使君扶侍赴唐州

劉禹錫

綠野方城路殘春柳絮飛風鳴嘯嘯馬口照老萊衣
洛苑魚書至江村鴈戶歸相思望淮水雙鯉不應稀

送李戎扶侍往壽安

賈島

二千餘里路一半是波濤未曉著衣起出城逢日高

唐詩類苑

卷之二十四

十七

關山多寇盜扶侍帶弓刀臨別不揮淚誰知心鬱陶
送嚴士良侍奉詹事南遊

錢起

疏傳獨知止曾參善愛親江山侍行邁長幼出賢塵
握手想千古此心能幾人風光滿長陌草色傍征輪
日夕望荆楚鷺鳴芳杜新漁烟月下淺花嶼水中春
點翰逢相憶含情向白蘋

迎親

奉送李賓客荆南迎親

岑參

迎親辭望苑恩詔下儲闈昨見雙魚去今看四馬歸
驛帆湘水闊客舍楚山稀手把黃香扇身披萊子衣

鵲隨金印喜烏傍板輿飛勝作東征賦還家滿路輝

送李賓客荆南迎親

獨孤及

宗室劉中壘文場謝客兒當爲天北斗曾使海西陲
毛節精誠著銅樓羽翼施還申供帳別言赴倚門期
恩渥霑行李晨昏在路岐君親兩報遂不敢議傷離
送申屠正字往湖南迎親兼謁趙和州因呈

上侍郎使君并戲簡前歷陽李明府

盧綸

曉月腫朦映水關水邊因到歷陽山千艘財貨朱橋
下一曲閭閻青荻間坦腹定逢潘令醉上樓應伴庾

唐詩類苑

卷之七十四

十八

公開歡餘若問南行計知念天涯負米還

歸養

送雲陽鄒儒立少府侍奉還京師

韋應物

建中即藩守天寶爲侍臣歷觀兩都士多閱諸侯人
鄒生乃後來英俊亦罕倫爲文頗瓌麗稟度自貞醇
甲科推令名延閣播芳塵再命超王畿請告泰慈親
一鍾信榮祿可以展歡欣昆弟俱時秀長衢當自伸
聊從郡閣暇美此時景新方將極娛宴已復及離辰
一云燕後乃離
一作燕後
省署慙再入江海綿十春今日閭門

路握手子歸秦

送太常蕭博士棄官歸養赴東都時元兄罷相爲少師

仲兄爲師官
並分司洛邑

劉禹錫

兄弟盡驚鸞歸心切問安貪榮五綵服遂挂兩梁冠
侍膳曾調鼎循陔更握蘭從今別君後長憶德星看

兄弟

喜於廣陵拜觀家兄奉送發還池州

韋應物

青青連枝樹冉冉久別離客遊廣陵中俱到若有期
俯仰叙存歿哀腸發酸悲收情且爲歡累日不知饑

唐詩類苑

卷之七十四

十九

風駕多所迫復當還歸池長安三千里歲晏獨何爲
南出登閭門驚飈左右吹所別諒非遠要令心不怡

寄監察從兄

曹鄴

我祖居鄴地鄴人識文星此地星已落兼無古時城
古風旣無根千載難重生空留建安書傳說七子名
賤子生桂州桂州山水清自覺心貌古兼合古人情
因爲二雅詩出語有性靈持來向長安時得長者驚
芝草不爲瑞還共木葉落如轍中土終歲填不平
吾宗戴豸冠忽然入西京其羽冀撫若親弟兄
松根已堅牢松葉豈不榮言罷眼每淚心中如酒醒

送二兄入蜀

盧照隣

關山客子路花柳帝王城此中一分手相顧憐無聲

對雪獻從兄虞城宰

李白

昨夜梁園雪弟寒兄不知庭前看玉樹腸斷憶連枝

送兄

七歲女子

天后時有七歲女子能詩天后令賦別兄詩應聲而成

別路雲初起離亭葉正飛所嗟人異鴈不作一行歸

送二十二兄北遊尋羅中

岑參

斗柄欲東指吾兄方北遊無媒謁明主失計干諸侯

唐詩類苑

卷之二十四

二十四

夜雪入穿履朝霜凝弊裘遙知客舍飲醉裏聞春鳩

寄校書七兄

李季蘭

無事烏程縣蹉跎歲月餘不知芸閣吏寂寞竟何如

遠水浮仙棹寒星伴使車因過大雷岸莫忘幾行書

送魏羔遊長沙觀兄

司空曙

盧荻湘江水蕭蕭萬里秋鶴高看迥野蟬遠入中流

訪友多成滯携家不厭遊惠連仍有作知得從兄酬

秋寄從兄賈島

僧無可

暝蟲喧暮色愁思坐西林聽雨寒更微閑坐落葉深

昔因京邑病併起洞庭心亦是吾兄事遲迴共至今

寄從兄璞

黃滔

縱徵終不起相與避煙塵待到中興日同看上國春

新詩說人盡舊宅落花頻移覓深山住啼猿作四隣

及第後送家兄遊蜀

李遠

人誰無遠別此別意多違正鵠雖言中冥鴻不共飛

玉京烟雨斷巴國夢魂歸若過嚴家瀨殷勤看釣磯

送從兄坤載

李咸用

忍淚不敢下恐兄情更傷別離當亂世骨肉在他鄉

語盡意不盡路長愁更長那堪回首處殘照滿衣裳

送彭將軍雲中觀兄

李端

唐詩類苑

卷之七十四

七十四

聞說蒼鷹守今朝欲下韓因令白馬將兼道覓封侯

略地關山冷防河雨雪稠翻弓騁猿臂承箭惜貂裘

設伏軍謀密坑降塞邑愁報恩唯有死莫使漢家羞

書情上大尹十兄

盧綸

紫陌絕纖埃油幢千騎來剖辭紛若雨犇吏殷成雷

聖澤初憂壅群心本在台海鱗方撥刺雲翼暫徘徊

芳室芝蘭茂春溪桃李開江湖餘派少鴻鴈遠聲哀

命厭着龜誘年驚弟姪催磨鉛慙砥礪揮策愧駑駘

玉管能喧谷金爐可變灰應憐費思者銜淚亦銜枚

送中兄與邵州

韓翃

官騎連西向楚雲朱軒出餞畫紛紛百城兼領

國雙筆遙揮左君一路諸侯爭館穀洪池高會荆

臺曲玉顏送酒銅鞮歌金管留人石頭香土馬初回

江燕飛南湖春暖着春衣湘君祠對空山掩漁父焚

香日暮歸百事無留到官後重門寂寂垂高柳零陵

過贈石香溪洞口人來飲醇酒登樓暮結邵陽情萬

里蒼波烟靄生他日新詩應見報還如宣遠在安城

喜五兄自泗州至

元稹

眼中三十年來淚一望南雲一度垂慙愧臨淮李常

侍遠教形影暫相隨

唐詩類苑

卷之二十四

三

寄上大兄

白居易

秋鴻過盡無書信病戴紗巾強出門獨上荒臺東北

望日西愁立到黃昏

寄陳式五兄

白居易

年來白髮兩三莖憶別君時髭未生惆悵料君應滿

鬢當初是我十年兄

別中都明府兄

李白

吾兄詩酒繼陶君試宰中都天下聞東樓喜奉連枝

會南陌愁爲落葉分城隅綠水明秋月海上青山隔

暮雲取醉不辭留夜月鴈行中

別從兄邵

方干

展翅開帆祇待風吹噓成事古今同已呼斷鴈歸行

裏全勝枯鱗在轍中若許死前思少報終期言下命

潛通臨岐再拜無餘事願取文章達聖聰

贈從兄闕之

李商隱

悵望人間萬事違私書幽夢約忘機荻花村裏魚標

在石蘚庭中鹿跡微幽徑定携僧共入寒塘好與月

相依城中獬犬憎蘭珮莫損幽芳久不歸

奉送三兄

白居易

少年曾管二千兵晝聽笙歌夜斫營自反丘園頭盡

唐詩類苑

卷之七十四

三

白每逢旗鼓眼猶明杭州暮醉連牀臥吳郡春遊並

馬行自愧阿連官職慢只教兄作使君兄

憶舍弟

于逖

衰門少兄弟兄弟唯兩人饑寒各流蕩感念傷我神

夏期秋未來孰知無他因不怨別天長但願見爾身

茫茫天地間萬類各有親安知爾與我乖隔同胡秦

何時對形影憤懣當共陳

登黃山陵敲臺送族弟溧陽尉濟充泛舟赴

華陰

李白

鸞乃鳳之族翺翔紫雲霓文章輝五色雙在瓊樹棲

明朝各飛去鳳與鸞俱啼炎赫五月中朱曦爍河提
爾從泛舟役使我心魂懷秦地無草木南雲暄鼓鼙
君王減玉膳早起思鳴鷄漕引救關輔疲人免塗泥
宰相作霖雨農夫得耕犁靜者伏草間群才滿金闥
空手無壯士窮居使人低送君登黃山長嘯倚天梯
小舟若鳬鴈大舟若鯨鯢開帆散長風舒卷與雲齊
日入牛渚晦蒼然夕烟迷相思在何所杳在洛陽西

贈從弟宣州長史昭 李白

淮南望江南千里碧山對我行倦過之半落青天外
宗英佐雄郡水陸相控帶長川豁中流千里瀉吳會
唐詩類苑 卷之二十四 三十四
音 君心亦如此包納無小大搖筆起風霜推誠結仁
愛訟庭垂桃李賓館羅軒蓋何意蒼梧雲飄然忽相
會才將聖不偶命與時俱背獨立山海間空老聖明
代知音不易得撫劍增感慨當結九萬期中途莫先
退

尋陽送弟昌岨鄱陽司馬作

李白

桑落洲渚連滄江無雲烟尋陽非剡水忽見子猷船
飄然欲相近來遲杳若仙人乘海上月帆落湖中天
一覩無二諾朝歡更勝昨爾則吾惠連吾非爾康樂

朱紱白銀章上官 鄱陽松門拂中道石鏡迴清光
搖扇及于越水亭 氣涼與爾期此亭期在秋月滿
時過或未來兩鄉 已斷吳山對楚岫彭蠡當中州
相思定如此有窮 年愁

楚 孟郊

汝墳蒙俗 弟楚材見贈時郊將入秦楚材適
朝爲主人 心夕作行客吟汝水忽淒咽汝風流苦音
北闕秦門高南望 楚有深分淚灑自目離腸繞
青岑何以寄遠 楚有深分淚灑自目離腸繞

憶江南弟 孟郊

唐詩類苑 卷之二十四 三十四
音 白首眼垂血望爾唯夢中筋力強起時魂魄猶在東
眼光寄明星起亦東望空望空不見人江海波無窮
衰老無氣力呼吁不成風子然憶憶言落地何由通
常師共被教竟作 生離翁生離不可訴上天何曾聽
未忍對松栢自 歎殘朽躬自鞭亦何益名教亦所崇
努力拄杖來餘 生與爾同不然死後耻遺死亦有終

南行別弟 韋承慶

澹澹長江水悠悠 遠客情落花相與恨到地一無聲
南行別弟 于季子
萬里人南去三春 鴈北飛不知何處得共爾同歸

山中寄諸弟妹

王維

山中多法侶，禪誦自爲羣。城郭遙相望，唯應見白雲。

留弟遲不得送之江南

孟郊

剛有下水船，日留不得老人獨。自歸苦淚滿眼黑。

初秋懷金均兩弟

張九齡

江渚秋風至，他鄉離別心。孤雲愁自遠，一葉感何深。憂喜嘗同域，飛鳴忽異林。青山西北望，堪作白頭吟。

留別之望舍弟

宋之問

同氣有三人，分飛在此晨。西馳巴嶺徼，東去洛陽濱。強飲離前酒，終傷別後神。憐散花萼獨，赴日南春。

唐詩類苑

卷之二十四

王

寄弟

孟浩然

獻策金門去，承權綵服違。以吾一日長，念爾聚星稀。昏定須溫席，寒多未授衣。桂枝如已擢，早逐鴈南飛。

入峽寄弟

孟浩然

見地部峽

送袁十二尋弟

孟浩然

早聞牛渚咏，今日鶴鳴心。翼羽嗟零落，悲鳴別故林。蒼梧白雪遠，空水洞庭深。萬里獨飛去，南風遲爾音。

洗然弟竹亭

孟浩然

吾與二三子，平生結交深。俱懷鴻鵠志，共有鶴鳴心。

逸氣假翰翰，清風在竹林。遠是酒中趣，琴上偶然音。

還冠潭口留別舍弟

岑參

昨日山有信，祗今耕種時。遙傳杜陵叟，怪我還山遲。獨向潭上釣，無人林下棋。東溪憶汝處，閑卧對鸕鷀。

得舍弟消息

杜甫

風吹紫荆樹，色與春庭暮。花落故枝風，回反無處。骨肉恩書重，漂泊難相遇。猶有淚成河，經天復東注。

送十五弟侍御使蜀

杜甫

喜弟文章進，添余別興牽。數杯巫峽酒，百丈內江船。未息豺狼鬪，空催犬馬年。歸朝多便道，搏擊望秋天。

唐詩類苑

卷之七十四

王

憶弟二首

杜甫

喪亂聞吾弟，饑寒傍濟州。人稀書不到，兵在見何由。憶昨狂催走，無時病去憂。卽今千種恨，惟共水東流。

二

且喜河南定，不問鄴城圍。百戰今誰在，三年望汝歸。故園花自發，春日鳥還飛。斷絕人煙久，東西消息稀。

得舍弟消息

杜甫

亂後誰歸得，他鄉勝故鄉。直爲心厄苦，久念與存亡。汝曹猶在壁，汝妾已辭房。舊犬知愁恨，垂頭徬我牀。

得舍弟消息二首

杜甫

近有平陰信遙憐舍弟存側身千里道寄食一家
烽舉新酣戰啼垂舊血瘦不知臨老日招得幾人魂

二

汝懦歸無計吾衰往未期浪傳烏鵲喜深負鵲鵲詩
生理何顏面憂端且歲時兩京三十口雖在命如絲

月夜憶舍弟

杜甫

戍鼓斷人行秋邊一鴈聲露從今夜白月是故鄉明
有弟皆分散無家問死生寄書長不達況乃未休兵

送舍弟頻赴齊州三首

杜甫

岷嶺南蠻北徐關東海西此行何日到送汝萬行啼

唐詩類苑

卷之七十四

三八

絕域惟高枕清風獨杖藜危時暫相見茱白意都迷

二

風塵暗不開汝去幾時來兄弟分離苦形容老病催
江通一柱觀日落望鄉臺客意長東北齊州安在哉

三

諸姑今海畔兩弟亦山東去旁干戈覓來看道路通
短衣傍戰地匹馬逐秋風莫作俱流落長瞻碣石鴻

乘雨入行軍六弟宅

杜甫

曙角凌雲罷春城帶雨長水花分塹弱巢燕得泥忙
令弟雄軍佐凡才汙省郎萍漂忍流涕衰颯近中堂

得舍弟觀書自中都已達江陵今茲暮春月
未合行李到夔州悲喜相兼團圓可待賦

詩即事情見乎詞

杜甫

爾到江陵府何時到峽州亂離生有別聚集病應瘳
颯颯開啼眼朝朝上水樓老身須付託白骨更何憂

喜觀卽到傷題短篇二首

杜甫

巫峽千山暗終南萬里春病中吾見弟書到汝爲人
意答兒童問來經戰伐新泊船悲喜後欸欸話歸秦

二

待爾嗔烏鵲拋書示鵲鵲枝間喜不去原上急曾經

唐詩類苑

卷之七十四

三九

江閣嫌津柳風帆數驛亭應論十年事愁絕始星星

舍弟觀歸藍田迎新婦送示二首

杜甫

汝去迎妻子高秋念却回卽今螢已亂好與鴈同來
東望西江水南遊北戶開地居期靜處會有故人杯

二

楚塞難爲路藍田莫滯畱衣裳判白露鞍馬信清秋
滿峽重江水開帆八月舟此時同一醉應在仲宣樓

第五弟豐獨在江左近三四載寂無消息竟

使寄此二首

杜甫

杜甫

亂後嗟吾在羈栖見汝難草黃驥驥病沙晚鶴鳴寒
楚設關城險吳吞水府寬十年朝夕淚衣袖不曾乾

二

聞汝依山寺杭州定越州風塵淹別日江漢失清秋
影著啼猿樹魂飄結蜃樓明年下春水東盡白雲求

遠懷舍弟穎觀等

杜甫

陽翟空知處荆南近得書積年仍遠別多難不安居
江漢春風起水霜昨夜除雲天猶錯莫花萼尚蕭疎
對酒都疑夢吟詩正憶渠舊時元日會鄉黨美吾廬
續得觀書迎就當陽居止正月中旬定出三

唐詩類苑

卷之七古

峽

杜甫

自汝到荆府書來數喚吾頌椒添諷詠禁火不歡娛
舟楫因人動形骸用杖扶天旋夔子峽春近岳陽湖
發日排南喜傷神散北吁飛鳴還接翅行孝密銜蘆
俗薄江山好時危草木蘇馮唐雖晚達終覲在皇都

初至京口示諸弟

錢起

還家百戰後訪故幾人存兄弟得相見榮枯何處論
新詩添卷軸舊業見兒孫平生事焉能一門

更被奏留淮南送從弟罷使江東

劉長卿

又作淮南客還悲木葉聲寒潮落瓜步秋色上蕪城
王事何時盡滄洲美爾行青山將綠水惆悵不勝情

送舍弟之鄱陽居

劉長卿

鄱陽寄家處自別掩柴扉故里何人在滄波孤客稀
湖山春草遍雲木夕陽微南去逢回鴈應憐相背飛

洛陽道中寄弟

賈島

趨走迫流年慚經此路偏密雲埋二室積雪度三川
生類梗萍泛悲無金石堅翻鴻有歸翼極目仰聯翩

送舍弟

嚴維

疎懶吾成性才華爾自強早稱眉最白何事綬仍黃

唐詩類苑

卷之七古

寄江南諸弟

韋莊

萬里逢歸鴈鄉書忍淚封吾身不自保爾道合何從
性拙唯多蹇家貧半爲慵祇思谿影上臥看玉華峯
喜從弟激初至 盧綸

喜從弟激初至

盧綸

儒服策羸車惠然過我廬敘年慙已長稱從意何疎
作吏清無比爲文麗有餘應嗤受恩者頭白讀兵書

示弟

李賀

別弟三年後還家一日餘醪醕今夕酒細帙去時書
病骨猶能在人間底事無何須問牛馬拋擲任梟廬

示弟

許渾

自爾出門去淚痕長滿衣家貧爲客早路遠得書稀
文字何人賞烟波幾日歸秋風正搖落孤鴈又南飛
逢隴西故人憶關中舍弟戎昱

莫話邊庭事心摧不欲聞數年家隴地舍弟歿胡軍
每念支離苦常嗟骨肉分急難何日見遙哭隴西雲

送柳秀才往連州看弟

馬戴

離人非逆旅有弟謫連州楚雨霑猿暮湘雲拂鴈秋
兼葭行廣澤星月棹寒流何處江關鎖風濤阻客愁

送從弟到東歸

孟郊

唐詩類苑

卷之七十四

三三

爾去東南夜我無西北夢誰言貧別易貧別愁更重
曉色奪明月征人逐羣動秋風楚濤高旅榜將誰共
送從弟歸河朔李嘉祐

故鄉那可到令弟獨能歸諸將矜旄節何人重布衣

空城流水在荒澤舊村稀秋日平原路蟲鳴桑葉飛

合平津口別舍弟

陳子昂

江潭共爲客洲浦獨迷津思積芳庭樹心斷白眉人
同衾成楚越別島類胡秦林岸隨天轉雲峯逐望新
遙遙終不見默默坐含嚔念別疑三月經途未一句
孤舟多逸興誰共爾爲鄰

別之望後獨宿藍田山莊 宋之問

鶴鳴有舊曲調苦不成歌自嘆兄弟少常嗟離別多
爾尋北京路予臥南山阿泉晚更幽咽雲秋尚嵯峨
藥欄聽蟬噪書幌見禽過愁至願甘寢其如鄉夢何

送二季之江東

李白

初發強中作題詩與惠連多慙一日長不及二龍賢
西塞當中路南風欲進船雲峯出遠海沒影挂晴川
禹穴藏書地匡山種杏田此行俱有適遲爾早歸
旋

淮南寄舍弟

王泠然

唐詩類苑

卷之七十四

三三

昔子從不調經歲旅淮源念爾長相失何時返故園
寄書迷處所分袂隔涼溫遠道俱爲客他鄉共在原
歸情春伴鴈秋泣夜隨猿愧見高堂上朝朝獨倚門
別舍弟後月夜白居易

悄悄初別夜去住兩盤桓行子孤燈店居人明月軒

平生共貧苦未必日成歡及此暫爲別懷抱已憂煩

況是庭葉盡復思山路寒如何爲不念馬瘦衣裳單

送從弟豫貶遠州

皇甫冉

何事成遷客思歸不見鄉遊吳經萬里帶岳過三湘
水與荆巫接山通鄢郢長名嗟黃鵠是白眉良

獨結南枝恨應思北鴈行愛來沽楚酒玄髮莫凝霜

留別舍弟

王建

孤賤相長育未曾爲遠遊誰不重歡愛晨昏關珍羞
出門念衣單草木當窮秋非疾有憂歎實爲人子尤
世情本難合對面隔山丘况復干戈地懦夫何所投
與爾俱長成尚爲溝壑憂豈非輕歲月少小不勤修
從今解思量勉力謀善猷伊得成爾身衣食寧我求
固合受此訓墮慢爲身羞一作歲暮當歸來慎莫懷
遠遊

放歌行答從弟墨卿

李頎

唐詩類苑

卷之七十四

三五

小來好文耻學武世上功名不解取雖沾寸祿已後
時徒欲出身事明主柏梁賦詩不及宴長楸走馬誰
相數劒迹俛眉心自甘高歌擊節聲半苦由是蹉跎
一老夫養鷄牧豕東城隅空歌漢代蕭相國肯事霍
家馮子都徒爾當年聲籍籍濫作詞林兩京客故人
斗酒安陵橋黃鳥春風洛陽陌吾家令弟才不羈五
言破的人共推興來逸氣如濤湧千里長江歸海時
別離短景何蕭索佳句相思能間作舉頭遙望晉陽
山木葉紛紛向人落

送舍弟

李白

吾家白額駒遠別臨東道他日相思一夢君應得池
塘生春草

靈雲池送從弟

王維

金杯緩酌清歌轉畫舸輕移豔舞迴自嘆鵲鴒臨水
別不同鴻鴈向池來

閑居寄諸弟

韋應物

秋草生庭白露時故園諸弟憶相思盡日高齋無一
事芭蕉葉上獨題詩

寄諸弟

建中四年十月三日京師兵亂自涿州間道還使明年興元甲子歲五月九日使還作

韋應物

唐詩類苑

卷之七十四

三五

歲暮兵戈亂京國帛書問道訪存亡還信忽從天上
落唯知彼此淚千行

舍弟觀赴藍田取妻子到江陵喜寄三首

杜甫

汝迎妻子達荊州消息真傳解我憂鴻鴈影來連峽
內鵲鴒飛急到沙頭曉關險路今虛遠禹鑿寒江正
穩流朱紱卽當隨綵鷁青春不假報黃牛
馬度秦山雪正深北來肌骨苦寒侵他鄉就我生春
色故國移居見客心歡劇提携如意舞喜多行坐白
頭吟巡簷索共梅花笑冷蕊疏枝半不禁

度信羅含俱有宅春來秋去作誰家短牆若在從殘
草喬木如存可假花卜築應同蔣詡徑爲園須似邵
平瓜比年病酒開涓滴弟勸兄酬何怨嗟

送舍弟

李嘉祐

諸謝偏推永嘉守三何獨許水曹郎老兄鄙思難儔
匹令弟清詞堪比量疊嶂入雲藏古寺高秋背日轉
南湘定知馬上多新句早寄袁溪字八行

送從弟永任饒州錄事參軍

李嘉祐

一官萬里向千溪水宿山行漁浦西日晚長煙高岸

唐詩類苑

卷之七十四

三六

近天寒積雪連澤氏蘆花渚裏鴻相叶苦竹叢邊猿
暗啼聞道慈親倚門待到時蘭葉正萋萋

再見從弟舍人

劉兼

屈指依稀十五年鸞臺祕閣位相懸分飛淮甸鴈行
斷重見江樓蟾影圓滯跡未偕朝北闕高才方命入
西川願君通理還早拜慶慈親几杖前

別舍弟宗一

柳宗元

零落殘魂倍黯然雙垂別淚越江邊一身去國六千
里萬死投荒十二年桂嶺潭潭雲似墨洞庭波盡水
如天欲知此後相思處在何處對樹烟

寄湖州舍弟

韋莊

半年江上愴離襟把得新詩喜又吟多病似逢秦氏
藥久貧如得顧家金雲煙但有穿楊志塵土都無作
吏心何況別來詞轉麗不愁明代少知音

夏口行寄婺州諸弟

韋莊

回頭烟樹各天涯發女星邊遠寄家盡眼楚波連夢
澤滿衣春雪落江華雙雙得伴爭如鴈一一歸巢却
羨鷗誰道我隨張博望悠悠空外泛仙槎

送從弟舍人入蜀

劉兼

嘉陵江畔餞行車離袂難分十里餘慷慨莫誇心似

唐詩類苑

卷之七十四

三七

鐵留連不覺淚成珠風光川谷梅將發音信雲天鴈
未疎立馬舉鞭無限意會稀別遠擬何如

冬至日遇京使發寄舍弟

杜牧

遠信初逢雙鯉去他鄉正遇一陽生罇前豈解愁家
國輦下唯能憶弟兄旅館夜憂姜被冷暮江寒覺晏
裘輕竹門風過還惆悵疑是松牕雪打聲

贈崔司戶文昆季

李白

雙珠出海底俱是連城珍明月兩特達餘輝傍照人
英聲振名都高價動殊隣豈伊箕山故特以風期親
惟昔不自媒謫謫西入秦樂龍九天上忝列歲星臣

布衣侍丹墀密勿草絲綸才微惠渥重譏巧生緇磷
一去已十年今來復盈旬清霜入曉鬢白露生衣巾
側見綠水亭開門列華茵千金散義士四座無凡賓
欲折月中桂特爲寒者新路傍已竊笑天路將何因
垂恩儻丘山報德有微身

寄江南兄弟

白居易

分散骨肉戀趨馳名利牽一奔塵埃馬一汎風波船
忽憶分首時憫默秋風前別來朝復夕積日成七年
花落城中地春深江上天登樓東南望鳥滅煙蒼然
相去復幾許道里近三千平地猶難見况乃隔山川
唐詩類苑 卷之七十四 三

送韋仁實兄弟入關

李賀

送客飲別酒千觴無緒顏何物最傷心馬首鳴金鏢
野色浩無主秋明空曠間坐來壯膽破斷目不能看
行槐引西道青梢長攢攢韋郎好兄弟疊玉生文翰
我在山上舍一畝蒿磽田夜雨叫租吏春聲暗交關
誰解念勞勞蒼突唯南山

和韋尚書春日南亭宴兄弟

張九齡

棠棣聞餘興烏衣有舊遊門前杜城陌池上曲江流
暇日嘗繁會清風咏阻修始知西峙嶽同氣此相求

和韋尚書南亭宴兄弟 孫逖

臺閣升高位園林隔舊鄉忽聞歌棣萼還比報瓊芳
門向宜春早郊連御宿長德星常有會相望在文昌
行次鹽亭縣聊題四韻奉簡嚴遂州蓬州二

使君諮議諸昆季

杜甫

馬首見鹽亭高山擁縣青雲溪花淡淡春郭水泠泠
全蜀多名士嚴家聚德星長歌意無極好爲老夫聽
送權三兄弟 皇甫冉

淮海風濤起江關幽思長同悲鵲遶樹獨作鴈隨陽
山晚雲和雪汀寒月照霜由來濯纓處漁父愛滄浪
唐詩類苑 卷之七十四 三

同畫上人送郭秀才江南尋兄弟

孟郊

地上春色生眼前詩彩明手携片寶月言是高僧名
溪轉萬曲心水流千里聲飛鳴向誰去江鴻弟與兄
自江陵之徐州路上寄兄弟

白居易

岐路南將北離憂弟與兄關河千里別風雪一身行
夕宿勞鄉夢晨裝慘旅情家貧後事日短念前程
烟鴈翻寒渚霜鳥聚古城誰憐陟岡者西楚望南荆
寄南遊弟兄 寶華

書來未報幾時還知在三湖五嶺間獨立衡門秋水闊寒鷗飛去日銜山

棣華驛見楊八題夢兄弟 白居易

遙聞旅宿夢兄弟應爲郵亭名棣華名作棣華來早晚自題詩後屬楊家

江南送北客因憑寄徐州兄弟書

白居易

故園望斷欲何如楚水吳山萬里餘今日因君訪兄弟數行鄉淚一封書

蒼溪縣寄揚州兄弟 元稹

唐詩類苑 卷之七十四

四

蒼溪縣下嘉陵水入峽穿江到海流憑仗鯉魚將遠信鴈回時節到揚州

中橋北送穆質兄弟應制戲贈蕭二策

李益

洛水橋邊鴈影疎陸機兄弟駐行車欲陳漢帝登封草猶待蕭郎寄內書

九月九日憶山東兄弟 王維

見歲時部九日

贈劉寬夫昆季

章孝標

文聚星辰衣綵霞問誰兄弟是劉家鴈行雲慘參差

翼瓊樹風開次第花天假聲名懸日月國憑騷雅變浮華曾窮晉漢儒林傳龍虎雖多未足誇

懷汶陽兄弟 劉滄

回看雲嶺思茫茫幾度關河隔汶陽書信經年鄉國遠弟兄無力海田荒天高霜月砧聲苦風滿寒林木葉黃終日路岐歸未得秋來空羨鴈成行

自河南經亂關內阻饑兄弟離散各在一處

因望月有感聊書所懷寄上浮梁大兄於

潛七兄烏江十五兄兼示符離及下邳弟

妹 白居易

唐詩類苑 卷之七十四

四

時難年饑世業空弟兄羈旅各西東田園寥落干戈後骨肉流離道路中弔影分爲千里鴈辭根散作九秋蓬共看明月應垂淚一夜鄉心五處同

寄京闕陸郎中昆仲 羅隱

栢臺蘭署四周旋賓榻何妨鴈影連纔見玳簪歌細柳便知油幕勝紅蓮家從入洛聲名大跡爲依劉事

分偏爭奈亂離人漸少麥城新賦與誰傳

送入往蘇州觀其兄 黃滔

閩間城外越江頭兩地煙濤一葉舟到日荆枝應便茂別時珠淚不須流迎歡酒醒山當枕詠古詩成月

在樓明日樽前若相問爲言今訪赤松遊

送蔡十二之海上

高適

黯然而所爲相與悲酸幸念離別賢兄故
河流水處盡海路雪中寒皆有南飛鴈知君不

送苗員外宣直中書

包何

朝列稱多士君家有二難直爲臺裏栢芳作省中蘭
夜宿分曹間晨趨接武歡每憐雙闕下鴈序入簪鸞

送李二歸楚州

時李季弟牧楚州被訟赴急

韋應物

情人南楚別復咏在原詩忽此嗟岐路還令泣素絲

唐詩類苑

卷之七十四

四三

風波朝夕遠音信往來遲好去扁舟客青雲何處期

李四勸爲尉氏尉李七勉爲開封尉

時李七弟在開封

美之

錢起

美政惟兄弟時人數俊賢皇枝雙玉樹吏道二梅仙

自理堯唐俗唯將禮讓傳米蘭花萼聚就日鴈行聯

黃綬俄三載青雲未九遷廟堂爲宰制幾日試龍泉

奉和太原公送前楊秀才戴兼招楊正字戎

李商隱

潼關地接古弘農萬里高飛鴈與鴻桂樹一枝當白

日芸香三代繼清風仙舟尚惜垂雙美綵服何由得

盡同誰憚士龍多笑疾美髭終類晉司空

同夢得寄賀東西川二楊尚書

白居易

龍節對持真可愛鴈行相接更堪誇兩川風景同三
月千里江山屬一家魯衛定知聯氣色潘楊亦覺有
光華應憐洛下分司伴冷宴閑遊老看花

上畱田行

李白

古今樂錄曰王僧虔技錄有上畱田行今不歌崔

豹古今注曰上畱田地名也有父母死不字其

孤弟者隣人爲其弟作悲歌以風其今注曰上畱

唐詩類苑

卷之七十四

四三

田樂府廣題曰蓋漢其人也云里中有啼兒似類

親父子回車問啼兒慷慨不可止

行至上畱田孤墳何崢嶸積此萬古恨春草不復生

悲風四邊來腸斷白楊聲借問誰家地埋沒蒿里塋

古老向予言言是上畱田蓬科馬鬣今已平昔之弟

死兄不葬他人於此舉銘旌一鳥死百鳥鳴一獸走

百獸驚桓山之禽別離若欲去迴翔不能征田氏倉

卒骨肉分青天白日摧紫荆交柯之木本同形東枝

顛顛西枝榮無心之物尚如此參商胡乃尋天兵孤

竹延陵讓國揚名高風綰瓊纓波激清尺布之謠塞

耳不能聽

感懷弟妹

沈千運

今日天氣暖東風杏花拆筋力久不如却美澗中石
神仙杳難推中壽稀滿百逐世多夭傷喜見鬢顏白
杖藜竹樹間宛宛舊行跡豈非園中主却是園中客
兄弟可存半空爲亡者惜冥莫無再期哀哀望松栢
骨肉能幾年大自疎隔性情誰免此與我不相易
唯念得爾輩時看慰朝夕平生茲已矣此外盡非適

別弟妹二首

王維

兩妹日成長雙鬟將及人已能持寶瑟自解掩羅巾
唐詩類苑 卷之二十四

念昔別時小未知疎與親今來始離恨拭淚方殷勤

二

小弟更孩幼歸來不相識同居雖漸慣見人猶未覓
宛作越人語殊甘水鄉食別此最爲難淚盡有餘憶

寄洛中諸妹

元淳

舊國經年別關河萬里思題書憑鴈翼望月想蛾眉
白髮愁偏覺歸心夢獨知誰堪離亂處掩淚向南枝

唐詩類苑卷第七十四終

唐詩類苑卷第七十五

明雲間張之象玄超甫纂輯

雲間顧成憲幼章甫編次

雲間王徹叔朗甫補訂

梁谿曹仁孫伯安甫校正

人部

子嗣

驕兒詩

李商隱

衮師我驕兒美秀乃無匹文葆未周晬固已知六七
四歲知姓名眼不視梨栗交朋頗窺觀謂是丹穴物

唐詩類苑

卷之七十五

前朝尚器貌流品方第一不然神仙姿不爾燕鶴骨
安得此相謂欲慰衰朽質青春研和月朋戲渾甥姪
繞堂復穿林沸石金鼎溢門有長者來造次請先出
客前問所須含意不吐實歸來學客面闕敗秉翁笏
或謔張飛胡或笑鄧艾喫豪鷹毛崩化力劣良有猛
馬氣佶僂截得青篋簪騎走恣唐突忽復學參軍按
聲喚蒼鶻又復紗燈旁稽首禮夜佛仰鞭習蛛網俯
首飲花蜜欲爭蛺蝶輕未謝柳絮疾階前逢阿姊六
甲頗輸失疑走弄香奩拔脫金屈戌抱持多反側威
怒不可律曲躬牽牕網略唾拭琴漆有時看臨書擬

立不動勝古錦請裁衣玉軸亦欲乞請命書春勝
勝宜春日芭蕉斜卷牋辛夷低過筆爺昔好讀書
苦自著述顛顛欲四十無肉長蚤虱兒慎勿學爺讀
書求甲乙稷苴司馬法張良黃石術便爲帝王師不
假更纖悉況今西與北羌戎正狂悖誅赦兩未成將
養如探疾兒當速成大痼雛入虎窟當爲萬戶侯勿
守一經袞

吾雛

白居易

吾雛字阿羅阿羅纔七齡嗟吾不才子憐汝無弟兄
撫養雖驕驕性識頗聰明學母畫眉樣効吾詠詩聲

唐詩類苑

卷之七十五

二

我齒今欲墮汝齒昨始生我頭髮盡落汝頂髻初成
老幼不相待父衰汝孩嬰緬想古人心茲愛亦不輕
蔡邕念文姬于公嘆緹縈敢求得汝力但未忘父情

觀兒戲

白居易

鄙拙七八歲綺紈三四兒弄塵復闌草盡日樂嬉嬉
堂上長年客鬢間新有絲一看竹馬戲每憶童騃時
童騃饒戲樂老大多憂悲靜念彼與此不知誰是癡

寄男抱孫

盧仝

別來三得書書道遲離久書處甚羸殺且喜見汝手
殷十七又報汝又願新有別來纔經年鬢益未合斗

當是汝母賢日夕加訓誘尚書當畢功禮記速須到

嚶囉兒讀書何異摧枯朽尋義低作聲便可養年壽

莫學村學生羸氣強叫吼下學偷功夫新宅鋤梨莠

乘涼勸奴婢園裏耨蔥韭遠籬編榆棘近眼栽桃柳

引水灌竹中蒲池種蓮藕撈漉蛙蜍脚莫遣生科斗

竹林吾最惜新筍好看守萬籜苞龍兒攢送溢林數

吾眼恨不見心腸痛如擲宅錢都未還債利日日厚

籜龍正稱冤莫殺入汝口叮嚀囑託汝汝活籜龍不

殷十七老儒是汝父師友傳讀有疑悞輒告諮問取

兩手莫破拳一吻莫飲酒莫學捕鳩鴿莫學打鷄狗

唐詩類苑

卷之七十五

三

小時無大傷習性防已後頑發苦惱人汝母必不受

任汝惱弟妹任汝惱姨舅姨舅非吾親弟妹多老醜

莫惱添丁郎淚子作面垢莫引添丁郎赫赤日裏走

添丁郎小小別吾來久久脯脯不得喫兄兄莫撻搜

他日吾歸來家人若彈紉一百放一下打汝九十九

寄東魯二稚子

李白

吳地桑葉綠吳蠶已三眠我家寄東魯誰種龜陰田

春事已不及江行復茫然南風吹歸心飛墮酒樓前

樓東一株桃枝葉拂青烟此樹我所種別來向三年

桃今與樓齊我行尚未旋嬌女字平陽折花倚桃邊

折花不見我淚下如流泉小兒名伯禽與姊亦齊肩
雙行桃樹下撫背復誰憐念此失次第肝腸日憂煎
裂素寫遠意因之汶陽川

送蕭三十一之魯中兼問稚子伯禽

李白

見人部問訊

送崔度還吳

唐故人禮部員外郎國之子

李白

幽燕沙雪地萬里盡黃雲朝吹歸秋鴈南飛日幾羣
中有孤鳳雛哀鳴九天聞我乃重此鳥絳章五色分
胡為雛凡禽鷄鶩輕賤君舉手捧爾足疾心若火焚

唐詩類苑

卷之七十五

四

拂羽淚滿面送之吳江漬去影忽不見躊躇日將曛

見李蘇州示男阿武詩自感成咏

白居易

遙羨青雲裏祥鸞正引雛自憐滄海畔老蚌不生珠

岳州別子均

張說

離筵非燕喜別酒正消魂念汝猶童孺嗟予隔遠藩
津亭拔心草江路斷腸猿他日將何見愁來獨倚門

送李員外賢郎

王維

少年何處去負米上銅梁借問阿戎父知爲童子郎
魚牋請詩賦禮布作衣裳意以扶衰病歸來幸可將

憶幼子

杜甫

驥子春猶隔鶯歌暖正繁別離驚節換聰慧與誰論
澗水空山道柴門老樹村憶渠愁只睡炙背俯晴軒

詠孩子

嚴維

嘉客會初筵宜時醜再圓衆皆含笑戲誰不點頰憐
繡被花堪摘羅縐色欲妍將雛有舊曲還入武城絃

楊本勝說於長安見小男阿衮

李商隱

聞君來日下見我最嬌兒漸大啼應數長貧學恐遲
寄人龍種瘦失母鳳雛癡語罷休邊角青燈兩鬢絲

唐詩類苑

卷之七十五

五

璩授京兆府參軍戲書以示兼呈獨孤郎

權德輿

見爾府中趨初官足慰吾老牛還舐犢凡鳥亦將雛
喜至翻成感癡來或欲殊因慙玉潤客應笑此非夫

宗武生日

杜甫

小子何時見高秋此日生自從都邑語已伴老夫名
詩是吾家事人傳世上情熟精文選理休覓綠衣輕

潤瘵筵初秩欹斜坐不成流霞分片片涓滴就徐傾

又示宗武

杜甫

覓句新知律攤書解滿然試吟青玉案莫帶紫羅囊

暇日從時飲明年共我長應須飽經術已似愛文章
十五男兒志三千弟子行曾參與游夏達者得升堂
同豆盧峯貽主客李員外賢子裴知字韻

杜甫

鍊金歐冶子噴玉大宛兒符彩高無敵聰明達所爲
夢蘭他日應折桂早年知爛熳通經術光芒刷羽儀
謝庭瞻不遠潘省會於斯唱和將鷓鴣田翁號鹿皮

遣興

杜甫

驢子好男兒前年學語時問知人客姓誦得老夫詩
世亂憐渠小家貧仰母慈鹿門携不遂爲足繫難期
唐詩類苑 卷之七十五 六

天地軍麾滿山河戰角悲儻歸免相失見日敢辭遲

和微之道保生五日

白居易

相看鬢似絲始作弄璋詩且有承家望誰論得力時
莫與三日嘆猶勝七年遲我未能忘喜君應不合悲
嘉名稱道保乞姓號崔兒但恐持相並兼葭瓊樹枝

阿崔

白居易

謝病臥東都羸然一老夫孤單同伯道遲暮過商瞿
豈料贍成羣方看掌弄珠已衰寧望有雖晚亦勝無
蘭入前春夢系懸昨夜孤里閭多慶賀親戚共歡娛
膩削新脂髮香細小繡襦玉芽開手八酥顆點肌膚

予治將傳汝琴書勿墜吾未能知壽夭何暇慮
乳氣初離殼啼聲漸變雜何時能返哺供養白頭烏

子慶詩

孟郊

王家事已奇孟氏慶無涯獻子還生子義之又有之
鳳兮且莫歎鯉也會聞詩小小豫章甲織纖玉樹姿
人來唯仰乳母抱未知慈我欲揀其養放靡者是誰

小兒詩

情態任天然桃紅兩頰鮮乍行人共看初語客多憐
臂膊肥如瓠肌膚軟勝綿長頭纔覆額分角漸垂肩
散誕無塵慮逍遙占地仙排衙朱閣上喝道畫堂前
唐詩類苑 卷之七十五 七

合調歌楊柳齊聲踏採蓮走堤行細雨奔巷趁輕烟
嫩竹乘爲馬新蒲折作鞭鴛鴦金鏃繫猶子綵絲牽
擁鶴歸晴島驅鵝入暖泉楊花爭弄雲榆葉共收錢
錫當胸掛銀銖對耳懸頭依蒼鵲褰袖學柘檀
酒滯丹砂暖茶催小玉煎頻邀籌箸擇時乞繡針穿
寶篋擎紅荳粧奩拾翠鈿戲袍披按襖尖帽戴靴氈
展盡趨三開屏笑七賢貯懷青杏小垂額綠荷圓
盤滴沾羅淚嬌流汚錦涎倦書饒姪姪憎藥巧還延
弄帳燕綃映藏衾鳳綺纏指敲銀使鼓筋撥賽神絃
簾拂魚鈎動筆推鴈柱偏基圖添路畫笛管欠吹鱗

八

杜甫

示添丁

盧全

聞龜兒詠詩

白居易

和寶中永歲酒喜見小男兩歲

熊孺登

卷之七十五

九
一

崔侍御以孩子三日示其所生詩見示因以

二絕和之

白居易

是小子會兒誚燈詩并牒娘集衣因寄行闌

白居易

已知臘子能裁服後報龜兒解詠燈巧婦才人常命
薄莫教男女苦多能

戲題贈二小男

劉長卿

異鄉流落頻生子幾許悲歡併在身欲並老容羞白
髮每看兒戲憶青春未知門戶誰堪主且免琴書別
與人何幸暮年方有後舉家相對却沾巾

相里使君第七男生日

包何

娶妻生子復生男獨有君家衆所談荀氏八龍唯欠
一桓山四鳳已過三他時幹蠶聲名著春日懸弧宴
樂酣誰道衆賢能繼體須知箇箇出於藍

唐詩類苑

卷之七十五

談氏外孫生三日喜是男偶吟成篇兼戲呈

夢得

白居易

玉芽珠顆小男兒羅薦蘭湯浴罷時
手梧桐老去長孫枝慶傳媒氏燕先賀喜報談家鳥
預知明日貧翁具鷄黍應須酬賽引雛詩

予與微之老而無子發於言歎著在詩篇今

年冬各有一子戲作一什一以相賀一以

自朝

白居易

常憂到老部無子何况新生又是兒陰德自然宜有
慶皇天可得道無知一圓水竹今爲主百卷文章更

付誰莫慮鵲無浴處卽應重入鳳凰池

自朝

白居易

五十八翁方有後靜思堪喜亦堪嗟一珠甚小還慙
蚌八子雖多不羨鴉秋月晚生丹桂寶春風新長紫
蘭茱持盃祝願無他語慎勿頑愚似汝爺

女

送楊氏女

韋應物

永日方慙慙出門復悠悠女子今有行大江沂輕舟
爾輩况無恃撫念益慈柔幼爲長所育幼女爲楊兩氏所撫育
別泣不休對此結中腸義往難復留自小闕內訓早

唐詩類苑

卷之七十五

無事姑貽我憂賴茲託令門仁恤庶無尤貧儉誠所
尚資從豈待一作周孝恭遵婦道容止順其猷別離

在今晨見爾當何秋居閑始自遣臨感忽難收歸來
視幼女零淚綠纓流

羅子

白居易

有女名羅子生來纔兩春我今年已長日夜二毛新
顧念嬌啼面思量老病身直應頭似雪始得見成人

寄義興小女子

孟郊

江南莊宅淺所固唯疎籬小女未解行酒弟一作老
更處家中多吾語教爾遙可知山怪夜動門水妖時

弄池所憂癡酒腸不解委曲辭漁妾性強耕董手
被釐想茲爲襁褓如鳥拾柴枝我咏元魯山胸臆流
甘滋終當學自乳起坐常相隨

別李氏女子

劉長卿

念爾嫁猶近稚年那別親臨岐方教誨所貴和六姻
俛首戴荆釵欲拜妾且嘖本來儒家子莫耻梁鴻貧
漢川若可涉水清石磷磷天涯遠鄉婦月下孤舟人

童子

贈童子郎

嚴司空孫字昭郎十歲能賦詩往往有奇句書題有成人風

元稹

唐詩類苑

卷之七十五

十二

衛瓘諸孫衛玠珍可憐雛鳳好青春解拈玉葉排新
句認得金環識舊身十歲能觸婚稚子八行飛札老
成人楊公莫訝清無業家有驪珠不復貧

送司徒童子

楊巨源

衛多君子魯多儒七歲聞天竺舞雲光彩春風初轉
蕙性靈秋水不藏珠兩經在口知名小百拜垂髫稟
氣殊况復元侯旌爾善桂林枝上得鳴鶴

送童子下山

金地藏

空門寂寥沙路微別雲房下九華愛向竹欄騎竹
馬懶於金地聚金沙添瓶澗底休招月寒夜曉中罷

弄花好去不須頻下淚老僧相伴有烟霞

神童

贈趙神童

李端

聖朝殊漢令才子少登科每見先鳴早常驚後進多
獨居方寂寞相對覺蹉跎不是通家舊頻勞文舉過

贈劉神童

六歲及第

鄭谷

習讀在前生僧譚是可明還家雖解喜登第未知榮
時果曾沾賜上召於別殿親試稱旨賜以果實春闈不掛情燈前猶

惡睡寤語讀書聲

送司空神童

王建

唐詩類苑

卷之七十五

十三

杏花壇上授書時不廢中庭赴蝶飛暗寫五經收部
秩初年七歲着衫衣秋堂白髮先生別古巷青襟舊
伴歸獨向鳳城持薦表萬人叢裏有光輝

唐詩類苑卷第七十六

明雲間張之象玄超甫集

雲間顧成憲幼章甫編次

雲間王微叔明甫補訂

梁谿曹仁孫伯安甫校正

人部

宗族

對雪奉餞任城六父秩滿歸京

李白

龍虎謝鞭策駕鸞不同晨君看海上鶴何似籠中鵝

唐詩類苑

卷之七十六

獨用天地心浮雲乃吾身雖將簪組狎若與煙霞親

季父有英風白眉超常倫一官即夢寐脫履歸西秦

竇公敞華筵墨客盡來臻燕歌落胡鴈郢曲迴陽春

征馬百度嘶遊車動行塵躊躇未忍去戀此四座人

餞離駐高駕惜別空殷勤何時竹林下更與步兵隣

稍秋曉坐閣遇舟東下揚州卽事寄上族父

江陽令

盧僎

虎嘯山城晚猿鳴江樹秋紅林架落照青峽送歸流

歸流赴淮海征帆下揚州族父江陽令盛業繼前修

文淹崖亭伯德齊陳太丘時哉惜未與千載且爲憐

憶昔山陽會長懷東上遊稱觴阮林下雪賦謝庭出

道濃禮自略氣舒文轉道高情薄雲漢酣態坐芳洲

接席復連軫出入陪華輶獨善與兼濟語默奉良籌

歲月歡無已風雨暗颼颼掌憲時持節爲邦邈海頭

子人惠雖樹蒼生望且留微躬移直道神甸忝清猷

仙臺適西步蠻徼忽南浮宇內皆安樂天涯獨遠投

忠信徒堅仗神明豈黜譴觀生海漫漫稽命天悠悠

雲昏巴子峽月遠吳王樓懷昔明不寐悲今歲屬周

喟無排雲翮暫得抒離憂空灑涕江淚萬里逐行舟

獻從叔當途宰陽水

李白

唐詩類苑

卷之七十六

金鏡覆六國亡秦亂天經焉知高光起自有羽翼生

蕭曹安峴岬耿耿賈摧擣捨吾家有季父傑出聖代英

雖無三台位不惜四豪名激昂風雲氣終協龍虎精

弱冠燕趙來賢彥多逢迎曾連擅談笑季布折公卿

遙知禮數絕常恐不合并惕想結宵夢素心久已冥

顧慚青雲器謬奉玉樽傾山陽五百年綠水忽再榮

高歌振林木大笑喧雷霆落筆灑篆文崩雲使人驚

吐詞又炳煥五色羅華星秀句滿江國高才揆天庭

宰邑艱難時浮雲空古城居人若薙草掃地無纖莖

惠澤及飛走農夫盡歸畊廣漢水萬里長流玉琴聲

頌播吳越還如泰階平小子別金陵來時白下亭
群鳳憐客鳥差池相哀鳴各拔五色毛意重太山輕
贈微所費廣斗水澆長鯨彈劍歌苦寒廣風起前庭
月御天門曉霜落牛渚清長歎即歸路臨川空寄情

餞校書叔雲

李白

少年費白日歌笑矜朱顏不知忽已老喜見春風還
惜別且爲歡徘徊桃李間看花飲美酒聽鳥臨晴山
向晚竹林寂無人空閉關

春送從叔遊襄陽

李頎

言別恨非一棄置我宗英向用五經笥今爲十里行

唐詩類苑 卷之七十六

三

裏糧顧庭草羸馬詰朝鳴斗酒對寒食雜花宜晚晴
春衣采洲路夜飲南陽城客夢峴山曉漁歌江水平
楚俗少相知遠遊難稱情同人應館穀刺史在郊迎
只合侍丹宸翻今辭上京時方春欲暮歎息向流鶯
奉訓處士叔見示 韋應物

挂纓守貧賤積雪臥郊園叔父親降趾壺觴携到門
高齋樂燕罷清夜道心存即此同疎氏可以一忘言

寄上舍人叔

李端

車馬朝初下看山憶獨尋會知逢水盡且愛入雲深
殘雨開斜日新蟬發迴林阮咸雖別巷遙識此時心

送從叔劉米祗召赴都

李嘉祐

自小從游價多由戲笑偏常時矜禮數漸老荷優憐
見主承休命爲郎貴晚年伯喈文與篆虛作漢家賢
江夏使君叔席上贈史郎中

李白

鳳凰丹禁裏銜出紫泥書昔放三湘去今還萬死餘
仙郎久爲別客舍問何如迴轍思流水浮雲失舊居
多慙華省貴不以逐臣疎復如竹林下叨陪芳宴初
希君生羽翼一化北溟魚

宣州謝朓樓餞別校書叔雲

唐詩類苑

卷之七十六

四

李白

棄我去者昨日之日不可留亂我心者今日之日多
煩憂長風萬里送秋鴈對此可以酣高樓蓬萊文章
建安骨中間小謝又清發俱懷逸興壯思飛欲上青
天覽明月抽刀斷水水更流舉杯消愁愁更愁人生
在世不稱意明朝散髮弄扁舟

送從叔牧永州

盧綸

五侯軒蓋行何疾零陵太守登車日零陵太守泪盈
巾此日長安方欲春虎符龍節照岐路何若愁爲江
海人彼方韶景無時節山水諸花恣開發客投津戍

少聞鴈過瀟湘更逢雪郡齋無事好閑眠
杭稻油綠滿川浪裏爭迎三蜀貨月中喧泊九江船今朝
小阮同夷老欲問明年借幾年

送從叔赴洪州

李端

榮家兼佐幕叔父似還鄉王粲名雖重郗超髯未長
鳴橈過夏口歛笏見潯陽

感時留別後兄徐王延年從弟延陵

李白

天籟何參差噫然大塊吹玄元包囊籥紫氣何逶迤
七葉運皇化千齡光本支仙風生指樹大雅歌茲斯

唐詩類苑

卷之七十六

五

諸王若鸞虬肅穆列藩維哲兄錫茅土聖代含榮滋
九卿領徐方七步繼陳思伊昔全盛日雄豪動京師
冠劍朝鳳閣樓船侍龍池鼓鐘出朱邸金碧照丹墀
君王一顧盼選色獻蛾眉列戟十八年未曾輒遷移
大臣小暗鳴謫竄天南垂長沙不足舞貝錦且成詩
佐郡淞江西病閒絕趨馳階軒日苔蘚鳥雀噪簷帷
時乘小肩輿出入畏人知北宅聊偃憩歡愉恤惻發
羞言梁苑地烜赫耀旌旗兄弟八九人吳秦各分離
大賢達機兆豈獨慮安危小子謝麟閣鴈行忝肩隨
令弟字延陵鳳毛出天姿清英神仙骨芬馥蒹蘭蕤

夢得春草句將非惠連誰深心紫河車與我特相宜
金膏猶罔象玉液尚磷緇伏枕寄賓館宛同清漳涓
藥物多見饋珍羞亦兼之誰道溟渤深猶言淺恩慈
鳴蟬遊子意促織念歸期驕陽何火赫海水燦龍龜
百川盡凋枯舟楫閣中達策馬搖涼月通宵出郊岐
泣別目眷眷傷心步遲遲願言保明德王室佇清夷
慘袂何所道援毫投此辭

贈從兄襄陽少府皓

李白

結髮未識事所交盡豪雄却秦不受賞擊晉寧爲功
小節豈足言退耕春陵東歸來無產業生事如轉蓬

唐詩類苑

卷之七十六

六

一朝烏裘弊百鎰黃金空彈劍徒激昂出門悲路窮
吾兄青雲士然諾聞諸公所以陳片言片言貴情通
棣華儻不接甘與秋草同

狂歌行贈四兄

杜甫

與兄行年校一歲賢者是兄愚者弟兄將富貴等浮
雲弟切功名好權勢長安秋雨十日泥我曹韉馬聽
晨鷄公卿朱門未開鎖我曹已到肩相齊吾兄睡稱
方舒膝不韞不巾蹈曉日男啼女哭莫我知身上須
繒腹中實今年思我來嘉州嘉州酒重花繞樓樓頭
喫酒樓下臥長歌短詠還相酬四時八節還拘禮女

拜弟妻男拜弟幅巾盤帶不挂身頭脂足垢何曾洗
吾兄吾兄巢許倫一生喜怒長任真日斜枕肘寢已
熟啾啾唧唧何爲人

涇州送族弟錚

李白

涇州三百里若耶羞見之錦石照碧山兩邊白鷺鷥
佳境千萬曲客行無歇時上有琴高水下有陵陽祠
仙人不見我明月空相知問我何事來虛敷結幽期
蓬山振雄華繡服揮清詞江湖發秀色草木含榮滋
置酒送惠連吾家稱白眉愧無海嶠作敢闕河梁詩
見爾復幾朝俄然告將離中流漾綵鷁列岸叢金羈

唐詩類苑

卷之七十六

七

歎息蒼梧鳳分棲瓊樹枝清晨各飛去飄落天南陲
望極落日盡秋深瞑猿悲寄情與流水但有長相思
書情寄從弟邠州長史昭 李白

自笑客行久我行定幾時綠楊已可折攀取最長枝
翩翩弄春色延佇寄相思誰言貴此物意願重瓊瑤
作夢見惠連朝吟謝公詩東風引碧草不覺生華池
臨翫忽云夕杜鵑夜鳴悲懷君芳歲歇庭樹落紅滋
送族弟單父主簿靈攝宋城主簿至郭南月
橋却回棲霞山畱飲贈之 李白

吾家青萍劍操割有餘閑往來糾二邑此去何時還

鞍馬月橋南光輝岐路間賢豪將追餞却到棲霞山
羣花散芳園斗酒開離顏樂酣相顧起征馬無田攀

寄從弟宣州長史昭

李白

爾佐宣城郡守官清且閑常誇雲月好邀我敬亭山
五落洞庭葉三江遊未還相思不可見歎息損朱顏

酬秘書弟兼寄幕下諸公并高適

乙亥歲適微詣長安時侍御楊公任通事舍人詩
書起予蓋終日矣今年適自封丘尉統吏卒於青
夷途經博陵得太守賈公之政相見如舊他日之
意存焉司業張侯周旋迨茲僅三十載將疇昔是

唐詩類苑

卷之七十六

八

好匪窮達之異乎族弟秘書鴈序之白眉者風塵
一別俱東西南北之人愴然相逢適與願契旅館
之暇長懷益增因賦是詩愧非六義之流也

亞相膺時傑群才遇良工翩翩幕下來拜賜甘泉宮
信知命世奇適會非常功侍御執邦憲清詞煥春叢
末路望繡衣他時常發蒙執云三軍壯懼我彈射雄
誰謂萬里遙在我樽俎中光祿經濟器精微自深衷
前席屢榮問長城兼在躬高蹤激潏波逸翮馳蒼穹
將副節制籌欲令沙漠空司業志應徐雅度思冲融
相思三十年憶昨猶兒童今來抱青紫忽若披鵷鴻

說劍增慷慨論交持始終秘書郎吾門虛白無不通
多才陸平原碩學鄭司農獻封到關西獨步歸山東
永意久知處嘉言能亢宗客從梁宋來行役隨轉蓬
酬贈欣元弟憶賢瞻數公遊鱗戲滄浪鳴鳳棲梧桐
並負垂天翼俱乘破浪風耽耽天府間偃仰誰敢同
何意構廣厦翻然顧雕蟲應知阮步兵惆悵此窮途

贈從弟司庫員外綵

王維

少年識事淺強學干名利徒聞躍馬年苦無出人智
卽事豈徒言累官非不試既寡遂性歡恐招負時累
清冬見遠山積雪凝蒼翠皓然出東林發我遺世意

唐詩類苑

卷之七十六

九

惠連素清賞夙語塵外事欲緩携手期流年一何駛

敬寄族弟唐十八使君

杜甫

與君陶唐後盛族多其人聖賢冠史籍枝派羅源津
在今最磊落巧僞莫敢親介立實吾弟濟時肯殺身
物白諱受玷行高無汚真得罪未忝未放之五溪濱
鸞鳳有鍛翮先儒曾抱麟雷霆霹靂長松骨大却生筋
一失不足傷念子孰自珍泊舟楚宮岸戀闕浩酸辛
除名配清江厥土巫峽鄰登陸將首途筆札枉所申
歸期踴病肺叙舊思重陳春風洪濤壯谷轉頗彌旬
我能汎中流擔突鼉顚頃長年以省施慰此貞良臣

贈清漳明府姪聿

李白

我李百萬葉柯條布中州天開青雲器日爲蒼生憂
小邑且割鷄大刀佇烹牛雷聲動四境惠與清漳流
絃歌詠唐堯脫落簪組心和得天眞風俗由太古
牛羊散阡陌夜寢不扃戶問此何以然賢人宰吾土
舉邑樹桃李垂陰亦流芬河堤繞綠水桑柘連青雲
趙女不冶容提籠晝成群綠絲鳴機杼百里聲相聞
訟息鳥下階高臥披道帙蒲鞭挂簷枝示耻無樸扶
琴清月當戶人寂風入室長嘯無一言陶然上皇逸
白玉壺水水壺中見底清清光洞毛髮皎潔照群情

唐詩類苑

卷之七十六

十

趙北美佳政燕南播高名過客覽行謠因之頌德聲

宋中送族姪式顏

時張大夫貶括州使人召式顏遂有此作

高適

大夫擊東胡胡塵不敢起胡人山下哭胡馬海邊死
部曲盡公侯輿臺亦朱紫當時有勲業末路遭讒毀
轉旆燕趙間剖符括蒼裏兄弟莫相見親族遠枌梓
不改青雲心仍招布衣士平生懷感激本欲候知己
去矣難重陳飄然自茲始游梁且未遇適越今何以
鄉山西北愁竹箭東南美崢嶸縉雲外蒼莽幾千里
旅鴈愁啾啾朝昏孰云已登臨多瘴癘動息在風水

雖有賢主人終爲客行子我携一尊酒滿酌聊勸爾
勸爾惟一言家聲勿淪淪

又送族姪式顏

高適

惜君才未遇受君才若此世上五百年吾家一千里
俱遊帝城下忽在梁園裏我今行山東離憂不能已

冬至日寄小姪阿宣詩

杜牧

小姪名阿宣未得三尺長頭圓筋骨緊兩臉明且光
去年學官人竹馬遶四廊指揮群兒輩意氣何堅剛
今年始讀書下口三五行隨兄旦夕去歛手整衣裳
去歲冬至日拜我立我旁祝爾願爾貴仍且壽命長

唐詩類苑

卷之七十六

十一

今年我江外今日生一陽憶爾不可見祝爾傾一觴
陽德比君子初生甚微茫排陰出九地萬物隨開張
一似小兒學日就復月將勤勤不自已二十能文章
仕宦至公相致君作堯湯我家公相家劒珮嘗叮嚀
舊第開朱門長安城中央第中無一物萬卷書滿堂
家集二百編上下馳皇王多是撫州寫今來五紀強
尚可與爾讀助爾爲賢良經書卦根本史書閱興亡
高摘屈宋艷濃薰班馬香李杜泛浩浩韓柳摩蒼蒼
近者四君子與古爭強梁願爾一祝後讀書日日忙
一日讀十紙一月讀一箱朝廷用文治大開官職場

願爾出門去取官如駟羊吾兄苦好古學問不可曷
畫居府中治夜歸書滿牀後貴有金玉必不爲汝藏
崔昭生崔芸李兼生宿郎堆錢一百屋破散何披猖
今雖未卽死餓凍幾欲僵參軍與縣尉塵土驚動
歎一語不中治管筆身滿瘡官罷得絲髮好買百
樹桑稅錢未輸足得米不敢嘗願爾聞我語歡喜入
心腸大明帝宮闕杜曲我池塘我若自潦倒看汝爭
翱翔總語諸小道此詩不可忘

贈族姪

韓愈

我年十八九壯氣起胸中作書獻雲閣辭家逐秋蓬

唐詩類苑

卷之七十六

十一

歲時易遷次身命多厄窮一名雖云就片祿不足充
今者復何事卑棲寄除戎蕭條資用盡濩落門巷空
朝眠未能起遠懷方鬱鬱驚門者誰子問言乃吾宗
自云有奇術深妙知天工旣往悵何及將來喜還通
期吾語非佞當爲佐時雍

狂言示諸姪

白居易

世欺不識字我忝攻文筆世欺不得官我忝居班秩
人老多病苦我今幸無疾人老多憂累我今婚嫁畢
心安不移轉身泰無牽率所以十年來形神閑且逸
况當垂老歲所要無多物一裘暖過冬一餐飽終日

勿言宅舍小不過寢一室何用鞍馬多不能騎兩匹
如我優幸身人中十有七如我知足心人中百無一
旁觀愚亦見當已閑多失不敢論他人狂言示諸姪

弄龜兒

白居易

有姪始六歲字之爲阿龜有女生二歲其名曰羅兒
一始學笑語一能誦歌詩朝戲抱我足夜眠枕我衣
汝生何其晚我年行已衰物情小可念人意老多慈
酒美竟須壞月圓終有虧亦如恩愛緣乃是憂惱資
舉世同此累吾安能去之

晏忠州使君姪宅

杜甫

唐詩類苑

卷之七十六

十三

出守吾家姪殊方此日歡自須遊阮巷不是怕河灘
樂助長歌逸杯饒旅思寬昔曾如意舞牽率強爲看

示姪佐

佐草堂在東河

杜甫

多疾秋風落君來慰眼前自聞茅屋趣只想竹林眠
滿谷山雲起侵離澗水懸嗣宗諸子姪早覺仲容賢

送從姪端之東都

李嘉祐

虜近人行少憐君出城故關逢落葉寒日逐徂征
聞笛添歸思看山愜野情皇華今絕少龍額也相迎

送族姪赴任

錢起

林下不成興仲容微祿牽客程千里遠別念一片一作

帆懸欲嘆卑棲去其如勝趣偏雲山深郡郭花木淨
潮田坐嘯帷應下離居月復圓此時知小院相憶綠
鐫前

醉歌行

杜甫

陸機二十作文賦汝更小年能綴文總角草書又神
速世上兒子徒紛紛驕驕作駒已汗血鷲鳥舉翮連
青雲詞源倒流三峽水筆陣獨掃千人軍只今年纔
十六七射策君門期第一舊穿楊葉真自知暫蹶霜
蹄未爲失偶然擢秀非難取會是排風有毛質汝身
已見唾成珠汝伯何由髮如漆春光淡沲秦東亭渚
唐詩類苑 卷之七十六 十四

河之水二首寄子姪老成

韓愈

河之水去悠悠我不如水東流我有孤姪在海陬三
年不見今使我生憂日復日夜復夜三年不見汝使
我鬢髮未老而先化

河之水悠悠去我不如水東注我有孤姪在海浦三
年不見今使我心苦采蘋於山繒魚於淵我徂京師
不遠其還

酬趙少尹戲示諸姪元陽等因以見贈

盧綸

八龍三虎儼成行，瓊樹花開鶴翼張。且請同觀舞鸚鵡，何須竟灑食檳榔。歸時每愛懷朱橘，戲處常聞佩紫囊。謬入阮家逢慶樂，竹林因得奉壺觴。

贈從孫義興宰銘

李白

天子思茂宰，天枝得英才。朗然清秋月，獨出映吳臺。落筆生綺繡，操刀振風雷。蟻屈雖百里，鵬騫望三台。退食無外事，琴堂向山開。綠水寂以閑，白雲有時來。河陽富奇藻，彭澤縱名杯。所恨不見之，猶如仰昭回。

唐詩類苑

卷之七十六

十五

元惡皆滔天，疲人散幽草。驚川無活鱗，舉邑罕遺老。誓雪會稽耻，將奔宛陵道。亞相素所重，投刀應桑林。獨坐傷激揚，神融一開襟。絃歌欣再理，和樂醉人心。蠹政除害馬，傾巢有歸禽。壺漿候君來，聚舞若謳吟。農人棄蓑笠，蠶女墮纓簪。歡笑相拜賀，則知惠愛深。歷職吾所聞，稱賢爾為最。化洽一邦上，名馳三江外。峻節貫雲霄，通方堪遠大。能文變風俗，好客留軒蓋。他日一來遊，因之嚴光瀨。

示從孫濟

杜甫

半明跨驢出，未知適誰門。權門多躡躅，且復尋諸孫。

諸孫貧無事，宅舍如荒村。堂前自生竹，堂後自生萱。萱草秋已死，竹枝霜不蕃。淘米少汲水，汲多井水渾。刈葵莫放手，放手傷葵根。阿翁懶惰久，覺兒行步奔。所來為宗族，亦不為盤餐。小人利口食，薄俗難具論。勿受外嫌猜，同姓古所敦。

吾宗

杜甫

吾宗老孫子，質朴古人風。耕鑿安時論，衣冠與世同。在家常早起，憂國願年豐。語及君臣際，經書滿腹中。

寄從孫崇簡

杜甫

嗟峨白帝城，東西南有龍湫北。虎溪吾孫騎，曹不記。

唐詩類苑

卷之七十六

十六

馬業學尸鄉，多養鷄龐公。隱時盡室去，武陵春樹他。人迷與汝隣，居未相失近。身藥裹酒長，携牧叟樵童。亦無賴，莫令斬斷青雲梯。

贈羅昭威

羅隱

寒門雖得在，諸宗棲北巢。南恨不同馬，上固慙銷髀。肉幄中猶美，愈頭風蹉跎。歲月心仍切，迢遞江山夢未通。深荷吾人有知己，好將刀筆當英雄。

隣里

鄉賦後自鞏還田家隣友見過之作

盧象

鷄鳴出東邑馬倦登南巒落日見桑柘黯然丘中寒
鄰家多舊識投暝來相看且問春稅苦兼陳行路難
園場近陰壑草木易凋殘峰晴雪猶積澗深冰已圓
浮名知何用歲宴不成歡置酒共君飲當歌聊自寬

與灤溪隣里

元結

乾元元年元子將家自全於灤溪上元二年領荆
南之兵鎮於九江方在軍旅與灤溪隣里不得如
往時相見遊又知灤溪之人日轉窮困故作詩與
之

昔年苦逆亂舉族來南奔日行幾十里愛君此山村

唐詩類苑

卷之七十六

十七

峯谷呀回映誰家無泉源修竹多夾路扁舟皆到門
灤溪中曲濱其陽有閑園隣里昔贈我許之及子孫
我嘗有匱乏隣里能相分我嘗有不安隣里能相存
斯人轉貧弱力役非無竟終以灤濱訟無之天下論

喻灤溪鄉舊遊

元結

往年在灤濱人皆忘情今來遊灤鄉人見我驚
我心與灤人豈有辱與榮灤人異其心應爲我冠纓
昔賢惡如此所以辭公卿貧窮老鄉里自休還力耕
况曾經逆亂日厭聞戰爭尤愛一溪水而能存灤名
終當來其濱飲啄全此生

贈東鄉鄭少府

錢起

一聞白雪唱願見清揚久誰謂結綬來得陪
小邑藍溪上卑棲愜所偶妄言復連牆片月亦攜手
草色同春逕鶯聲共高柳美景百花時平生一杯酒
聖朝法天地以我爲芻狗秋滿歸白雲期君訪谷口

田園雨後贈隣人

錢起

安排常任性偃臥晚開戶樵客荷蓑歸向來春山雨
殘雲虹未落返景霞初吐時鳥鳴村墟新泉遶林園
竟年尚恬泊隣里成太古室邇人遂遙相思怨芳杜

延康吟

賈島

唐詩類苑

卷之七十六

八

寄居延壽里爲與延康隣不愛延康里愛此里中人
人非十年故人非九族親人有不朽語得之烟山春
遂州南江別鄉曲故人陳子昂

楚江復爲客征棹方悠悠故人憫追送置酒此南州
平生亦何恨夙昔在林丘遠此鄉山別長謠去國愁

北隣

杜甫

明府豈辭滿藏身方告勞青錢買野竹白幘岸江皋
愛酒晉山簡能詩何水曹時來訪老疾步履到蓬蒿

贈隣居齊六司舍

錢起

沈冥衆所遺咫尺絕佳期始覺衡門下翛然太古時

鷄聲共隣巷燭影隔茅茨坐惜牛羊逕芳蘿白雲裏

同柳侍郎題侯劍侍郎新昌里

盧綸

清源君子居左右滿圖書三逕春自足一瓢歡有餘
庭莎成野席闌藥是家疏幽顯豈殊迹昔賢徒病諸

贈東隣王十三

白居易

攜手池邊月開襟竹下風驅愁知酒力破睡見茶功
居處東西接年顏老少同能來爲伴否伊上作漁翁

舊國里

釋卿雲

舊居黎嶺下風景近炎方地暖生春草家貧覺歲長
唐詩類苑卷之七十六

石房雲過濕松逕雨餘香日久覺無事詩書聊自強

題隣居

于鵠

僻巷隣家少茅簷喜並居蒸梨常共竈澆菹亦同渠
傳展朝尋藥分燈夜讀書雖然在城市還得似樵漁

巴陵逢洛陽隣舍

耿湋

因君知北事流浪已忘機久客多人識一作高年衆
病歸連雲湖色遠度雪鴈聲稀又說家林盡悽悽淚

滿衣

送幽州陳參軍赴任寄呈鄉曲父老

盧照隣

薊北三千里關西二十年馮唐猶在漢樂毅不歸燕

人同黃鶴遠鄉共白雲連郭隗池臺處昭王樽酒前

故人當已老舊壑幾成田紅顏如昨日衰鬢似秋天

西蜀橋應毀東周石尚全霸池水猶綠榆關月早圓

塞雲初上鴈庭樹欲銷蟬送君之舊國揮涕獨潸然

贈西鄰盧少府

劉長卿

籬落能相近漁樵偶復同苔封三徑絕溪向數家通
犬吠寒烟裏鷄鳴夕照中時因杖藜次一作倚相

訪竹林東

旅次寄湖南張郎中

戴叔倫

唐詩類苑

卷之七十六

二十一

閉門茅底偶爲隣北阮那憐南阮貧却是梅花無世
態隔牆分送一枝春

代隣叟

竇羣

年來七十罷耕桑就煖支羸強下牀滿眼兒孫身外
事開梳白髮對斜陽

大平里尋兵部裴郎中

僧子蘭

不語淒涼無限情荒世行盡又重行昔年住此人何
在空見槐花秋草生

南隣

杜甫

錦里先生爲角巾園收芋栗不全貧慣看賓客兒童

喜得食堦除鳥雀馴秋水纔深四五尺野航恰受兩
三人白沙翠竹江村暮相送柴門月色新

湖南徐明府余之南隣久不還家因題林館

許渾

湘南官滿不歸來高閣經年掩綠苔魚溢池塘秋雨
過鳥還洲島暮雲回階前石穩棋終局牕外山高酒
滿杯借問先生何在何處遠籬疎菊又花開

以詩代書寄戶部楊侍郎勸買東隣王家宅

白居易

勸君買取東隣宅與我衡門相並開雲映嵩峯當戶

唐詩類苑

卷之七十六

三

牖月和伊水入池臺林園亦要聞閑置筋力應須及
健迴莫學因循白賓客欲年六十始歸來

贈隣里遠還

白居易

問予何故獨安然免彼饑寒婚嫁牽骨肉都盧無十
口糧儲依約有三年但能拊擲人間事便是逍遙地
上仙惟恐住還相厭賤南家有酒北家眠

欲與元八十隣先有是贈 白居易

平生心迹最相親欲隱墻東不爲身明月好同三徑
夜綠楊宜作兩家春每因暫出猶思伴豈得安居不
擇鄰可獨終身數相見子孫猶作隔牆人

姻戚

奉送崔都水翁下峽

杜甫

無數涪江筏鳴橈總發時別離終不久宗族忍相遺
白狗黃牛峽朝雲暮雨祠所過憑問訊到日自題詩

奉送卿二翁統節度鎮軍還江陵

杜甫

火旗還錦纜白馬出江城嘹唳吟笳發蕭條別浦清
寒空巫峽曙落日渭陽情留滯嗟衰疾何時見息兵

石柱

外祖在南京官七
轉名費錫記皆在

鄭谷

暴亂免遺折森羅賢達名末郎何所取叨繼外門榮

唐詩類苑

卷之七十六

三

閑吟贈皇甫郎中親家翁 白居易

誰能嗟嘆光陰暮豈復憂愁活計貧忽忽不如頭上
事時時猶憶眼中人早爲良友非交勢晚接嘉姻不
失親最喜兩家婚嫁畢一時收得尚平身

皇甫郎中親家翁赴任絳州宴送出城贈別

白居易

慕賢入室交先定結援通家好復成新婦不嫌貧活
計嬌孫同慈老心情洛橋歌酒今朝散絳路風烟幾
日行欲識離群相戀意爲君扶病出都城

閬州東樓筵奉送十一舅往青城縣得昏字

杜甫

曾城有高樓，制古丹雘存。迢迢百餘尺，豁達開四門。
雖有車馬客，而無人世喧。遊目俯大江，列筵慰別魂。
是時秋景交，節往顏色昏。天寒鳥獸休，霜露在草根。
令我送舅氏，萬感集清樽。豈伊山川間，迴首盜賊繁。
高賢意不暇，王命久崩奔。臨風欲慟哭，聲出已復吞。

寄侍御從舅

權德輿

靡靡南軒蕙，迎風轉芬滋。落落幽澗松，百尺無附枝。
世物自多故，達人心不羈。偶陳幕中畫，永負林間期。
感恩從慰薦，循性難繁維。野鶴無俗質，孤雲多異姿。

唐詩類苑

卷之七十六

三

奉送十七舅下邵桂

杜甫

絕域三冬暮，浮生一病身。感深辭舅氏，別後見何人。
縹緲蒼梧帝，推遷孟母隣。昏昏阻雲水，側望苦傷神。

巫峽弊廬奉贈侍御四舅別之澧朗

杜甫

江城秋日落，山鬼閉門中。行李淹吾舅，誅茅問老翁。
赤眉猶世亂，青眼則途窮。傳與桃源客，人今出處同。

閬州奉送二十四舅使自京赴任青城

杜甫

聞道王喬鳥，名因太史傳。如何碧鷄使，把詔紫微天。
秦嶺愁回馬，涪江醉泛船。青城漫污雜，吾舅意凄然。

赴池州拜謁舅氏留上考功郎中舅

時舅氏初貶官

州池

盧綸

孤賤易蹉跎，其如酷似何。衰榮同族少，生長外家多。
別國桑榆在，沾衣血淚和。應憐失行鴈，霜霰寄烟波。

感懷題從舅宅

李昌符

邨家庭樹下，幾度醉春風。今日花還發，當時事不同。
流言應未息，直道竟難通。徒遣相思者，悲歌向暮空。

寄舅

崔塗

唐詩類苑

卷之七十六

三

申朝軒見內久絕寧家，親白社同孤立。青雲獨併伸，
到君期折檻。舉職在埋輪，須信堯庭草猶能指佞人。

送從舅端適楚地

孟郊

歸情似泛空，飄蕩楚波中。羽扇掃輕汗，布帆篩細風。
江花折菡萏，岸影泊梧桐。元舅唱離別，賤生愁不窮。

王閬州筵奉酬十一舅惜別之作

杜甫

萬壑樹聲滿，千崖秋氣高。浮舟出郡郭，別酒寄江濤。
良會不復久，此生何太勞。窮愁但有骨，群盜尚如毛。
吾舅惜分手，使君寒贈袍。沙頭暮黃鶴，失侶自哀號。

奉送二十三舅錄事之攝柳州

杜甫

賢良歸盛族吾舅盡知名徐庶高交友劉牢出外甥
泥塗豈珠玉環堵但柴荆衰老悲人世驅馳厭甲兵
氣春江上別淚血渭陽情丹鷁排風影林鳥反哺聲
永嘉多北至勾漏且南征必見公侯復終聞盜賊平
柳州頗涼冷橘井尚淒清從役何蠻陌居官志在行
寄內兄和州崔員外十二韻

杜牧

歷陽崔太守何日不含情恩義同鍾李李膺鍾瑤中
外兄弟少相

唐詩類苑

卷之七十六

三五

善垣篋實弟兄光塵能混合璧畫最分明臺閣仁賢
譽閨門孝友聲西方像教毀南海繡衣行為嶺南折
寺副使
金索寧迴顧珠簾肯一振祇宜裁密詔何自取專城
進退無非道徊翔必有名好風初婉軟離思苦繁盈
金馬嘗遊貴桐廬春水生雨侵寒牖夢梅引凍醪傾
共祝中興主高歌唱太平

至德中贈內兄劉贊

盧綸

時難訪親戚相見喜還悲好學年空在從戎事已遲
聽琴泉落處步履雪深時惆悵多邊信青山共有期
答姨兄胡靈之見寄五十韻并序

元稹

九歲解賦詩飲酒至斗餘乃醉時方依倚舅族舅
憐不以禮數檢故得與姨兄胡靈之之輩十數人
為晝夜遊日月跳擲於今餘二十年矣其門悲歡
合散可勝道哉昨枉是篇感徹肌骨迥白翰林又
以百韻見贈余因次酬本韻以答貫珠之贈焉於
吾兄不敢變例復自城至生凡次五十一字靈之
本題兼呈李六侍御是以篇末有云

憶昔鳳翔城韶年是事榮理家煩伯舅相宅盡以引

吾兄詩律蒙親授朋游忝自迎題頭筠管綬教射角

唐詩類苑

卷之七十六

三六

予驛靈之志筆矮馬馳駿轡犂牛獸面纓對談依赴
赴送客步盈盈米枕諸賢讓蠡杯大戶傾一船席外
語三楹拍心精傳蓋加分數橫波擲目成華奴歌浙
浙媚子舞卿卿大夫張生好屬詞多妓樂歌者華
奴善歌浙語蓋又有舞者媚子
常令綢繆關設狂為好誰憂飲敗名屠過隱朱亥
樓夢古秦嬴環坐唯便草投盤暫廢觥春郊纔爛熳
夕鼓已殫轟荏苒移灰琯喧闐勸塞兵槽漿聞漸足
書劒訝無成抵壁慙虛棄彈珠覺用輕遂籠雲際鶴
來狎谷中鸞學問攻方苦篇章與太清囊疎螢易透
銚鉞股多坑筆陣戈矛合文房棟柳撐豆其才敏儔

羽獵正崢嶸岐下尋時別京師觸處行醉眠街北廟

閑遶宅南營予宅在靖安北街靈之時寓居永樂南街廟中予宅又南隣營營柳愛

凌寒軟梅憐上番驚觀松青黛空欄藥紫霞英開元觀古

松五株時安宅壯丹勳盡日聽僧講通宵詠月明正

本皆龔時遊行之地

耽幽趨樂旋被宦途繁吏賈資材枉留秦歲序更時

校秘閣自茲分散我鬢鬢數寸君髮白千莖芸閣懷

於劔讒言巧似笙但憎心可轉不解蹠如擎始効神

羊觸俄隨旅鴈征孤芳安可駐立鼎幾時烹潦倒沈

泥滓歎危踐矯衡登樓王粲望落帽孟家情龍山落帽臺去

唐詩類苑卷之七十六

府城二巫峽連天水章臺寒路荆章華臺去雨摧漁

火焰風引去竹枝聲分作屯之蹇那知困亦亨官曹

三語掾國器萬尋楨此後多述李君定交之意逸傑雄

姿迴皇王雅論評蕙依潛可習雲合定誰令原燎逢

冰井鴻流值水螢智囊推有在勇爵敢徒爭迅拔看

鵬舉高音侍鶴鳴所期人拭目焉肯自伴育鈇鈍丁

寧津燕荒展轉窮通須豹變櫻搏笑狼獾媿捧芝

蘭贈還披肺腑呈此生如未死未擬變平生一本云今日負

生

寄外兄魏澈

盧仝

何處堪惆悵情親不得親興寧樓上月辜負酒家春

陪尚書文歸履信宅因贈韋氏兄弟

元稹

紫垣騶騎入華居公子文衣護錦興眠閣書生復何

事也騎羸馬從尚書

贈吳渠州從姨兄士則

元稹

憶惜分襟童子郎白頭拋擲又他鄉三千里外巴南

恨二十年前城裏狂寧氏舅甥俱寂寞荀家兄弟半

淪亡淚因生別兼懷舊迴首江山欲萬行

送姨子弟往南郊

劉長卿

唐詩類苑卷之七十六

一展慰久濶寸心仍未伸別時兩童稚及此俱成人

那堪適會面遽已悲分首客路向楚雲河橋對衰柳

送君疋馬別河橋汝南山郭寒蕭條今我單車復西

上灞陵轉惆悵何處共傷離別心明月亭亭兩

鄉望

賈公閭貴婿曲

李賀

朝衣不須長分花對袍縫嚶嚶白馬來滿腦黃金重

今朝香氣苦珊瑚澀難枕且要弄風人暖蒲沙上飲

燕語踏簾鉤日虹屏中碧潘令在河陽無人死芳色

送子婿崔真甫李穆往揚州四首

劉長卿

渡口發梅花山中動泉脉蕪城春草生君作揚州客

二

半邏鶯滿樹新年人獨還落花逐流水共到茱萸灣

三

鴈還空渚在人去落潮翻臨水獨揮手殘陽歸掩門

四

狎鳥携稚子釣魚終老身殷勤囑歸客莫話桃源人

登遷仁樓訓塔李穆

劉長卿

臨風敞麗譙落日聽吹簫歸路空迴首新章已在腰

唐詩類苑

卷之七十六

五

非才受官謗無政作人謠儉歲安三戶餘年寄六條

春蕪先楚國古樹過隋朝賴有東床客池塘免寂寥

送子婿崔真甫歸長城

劉長卿

送君卮酒不成歡幼女辭家事伯鸞桃葉宜人誠可

詠柳花如雪若爲看心憐稚齒鳴環去身媿衰顏對

玉難惆悵暮帆何處落青山無限水漫漫

贈別從甥高五

李白

魚目高泰山不如一璵璠賢甥即明月聲價動天門

能成吳宅相不減魏陽元自顧寡籌略功名安所存

五木思一櫛如繩繫窮猿檻中駿馬空堂上醉人喧

黃金久已罄爲報故交恩聞君隴西行使我驚心理

與爾共飄飄雪天各飛翻江水流或卷此心難具論

貧家羞好客語拙覺辭繁三朝空錯暮對飯却慚寃

自笑我非夫生事多契闊蓄積萬古憤向誰得開豁

天地一浮雲此身乃毫末忽見無端倪太虛可包括

去去何足道臨岐空復愁肝膽不楚越山河亦衾裯

雲龍將相從明主會見收成功解相訪溪水桃花流

別從甥萬盈

高適

諸生曰萬盈四十乃知名宅相予偏重家丘人莫輕

美才應自料苦節豈無成莫以山田薄今春又不耕

唐詩類苑

卷之七十六

三十一

戲題示蕭氏外甥

王維

憐爾解臨池渠爺未學詩老夫何足似弊宅倘因之

蘆笋穿荷葉菱花冒鴈兒郊公不易勝莫着外家欺

送外甥

張祐

衰年生姪少唯爾最關心偶作魏舒別聊爲殷浩吟

白波舟不定黃葉落難尋自此尊中物誰當更共斟

寄訓丘拱外甥覽余舊文見寄

李端

丘遲本才子始冠卽周旋舅乏叔鑒愛君如衛玠賢

禮將金友等情向玉人偏鄙俗那勞似龍鍾却要憐

投壘聊取笑贈綺一何妍野坐臨黃菊溪行踏綠錢
巖高雲反下洞黑水潛穿僻嶺猿偷栗枯池鴈唼
身居霞外寺思發月明田猶恨繁塵網昏昏過歲年

示外甥

嚴維

牽役非吾好寬情爾在傍經過悲井邑起坐倦舟航
卜宅生應貴逢時學可強無輕吾未用世事有行藏

答重陽

韋應物

省札陳往事愴憶數年中一身朝北闕家累守田農
望山亦臨水暇日每來同性情一疎散園林多清風
忽復隔淮海夢想在澧東病來經時節起見秋塘空

唐詩類苑

卷之七十六

三十一

城郭連榛嶺鳥雀噪溝叢坐使驚霜鬢搔亂已如蓬
答個奴重陽二甥個奴趙氏甥位重陽崔氏甥補

韋應物

棄職曾守拙翫幽遂忘喧山澗依磽嶇竹樹陰清源
貧居烟火濕一作絕歲熟梨棗繁風雨飄茅屋蒿草沒
瓜園羣屬相勸悅不覺過朝昏有時看木末落日上
秋原飲酒任真性揮筆肆狂言一朝忝蘭省三載居
遠藩復與諸弟子篇翰每相敦西園休習射南池對
芳罇山藥一作茵經雨碧海榴凌霜翻念爾不同此悵
然復一論重陽守故家個子旅湘沅俱有緘中藻惻

惻動離魂不知何日見衣上淚空存

簡陟巡建三甥

盧氏生

韋應物

忽羨後生連榻話獨依寒燭一齋空時流歡笑事從
別把酒吟詩待爾同

送重表姪王珣評事使南海

杜甫

我之曾老姑爾之高祖母爾祖未顯時歸爲尚書婦
隋朝大業末房杜俱交友長者來在門荒年自餬口
家貧無供給客位但箕箒俄頃羞頗珍寂寥人散後
入怪鬢髮空吁嗟爲之久自陳剪髻鬢鬢鬢市充杯酒

唐詩類苑

卷之七十六

三十一

上云天下亂宜與英俊厚向竊窺數公經綸亦俱有
次問最少年虬髯十八九子等成大名皆因此入手
下云風雲合龍虎一吟吼願展丈夫雄得辭兒女醜
秦王時在坐真氣驚戶牖及乎貞觀初尚書踐台斗
夫人常肩輿上殿稱萬壽六官師柔順法則化妃后
室尊均嫂叔盛事傳不朽鳳雛無凡毛五色非爾曹
往者胡作逆乾坤沸嗷嗷吾客在馮翊爾家同遁逃
爭奪至徒步獨委蓬蒿逗遛熱爾腸十里却呼號
自下所騎馬右持腰間刀左牽紫遊韁飛走使我高
苟活到今日寸心銘佩牢亂離又聚散宿昔恨滔滔

水花笑白首春草隨青袍廷評近要津節制收英髦
北驅漢陽傳南沈上瀧舫家聲肯墜地利器當秋毫
番禺親賢領籌運神功操大夫出盧宋寶貝休脂膏
洞主降接武海胡舶千艘我欲就丹砂跋涉覺身勞
安能陷糞土有志乘鯨鼇或驂鸞騰天聊作鶴鳴皋

談氏小外孫玉童

白居易

外翁七十君三歲笑指琴書欲遺傳自念老夫今耄
矣因思稚子更茫然中郎餘慶鍾竿祐子幼能文似
馬遷才與不才爭料得東牀空後且嬌憐

送莫氏外甥入西軍

孟浩然

唐詩類苑

卷之七十六

三

念爾習詩禮未曾違戶庭平生早偏露萬里更飄零
坐棄二冬業行觀八陣形飾裝辭故里謀策赴邊庭
壯志吞鴻鵠遙心伴鵲鳩所從文與武不戰自應寧

唐詩類苑卷第七十七

明雲間張之象玄超甫纂輯

雲間顧成憲幼章甫編次

雲間王徹叔朗甫補訂

梁谿曹仁孫伯安甫校正

人部

交游

答盧仝結交詩

馬異

有鳥南翔口銜一書札達我山之維開緘金玉煥陸
離乃是盧仝結交詩此詩峭絕天邊格力與文星色

唐詩類苑

卷之七十七

一

相射長河拔作數條綵大華磨成一拳石莫嗟獨秀
無往還月中芳桂難追攀况值亂邦不平年迴陵倒
谷如等閑與君俛首大艱阻喙長三尺不得語因君
今日形章句美獼猴兮着衣裳悲蚯蚓兮安翅羽上
天不識察仰我爲遼天失所將吾劍今切於泥使良
驥今捕老鼠昨日脫身卑賤籠卵星借與老人峰抱
鋤斷地芸芝术偃蓋參天舊有松术與松今保身世
卧居居今起吁吁漱潺湲兮吟嚶嚶道在其中可終
歲不教辜負竟爲帝燒我荷衣摧我身迴看天地如
砥平鋼刀剉骨不辭去畢躬君子今明明俛首辭山

心慘惻白雲雖好戀不得看雲且擬直須更病風又卷西飛翼爲報覃懷新結交死生富貴存後凋我心不畏朱公叔君意須防劉孝標以膠投漆苦不早就中相去萬里道河水悠悠山之閒無由把袂攄懷抱憶全吟文能治臭蘭薰不知何處清風夕擬使張華見陸雲

與馬異結交詩

盧仝

天地日月如等閑盧仝四十無往還唯有一片心脾胃巉巖崒碑兀鬱律刀劍爲峯寧平地放著高如崑崙山天不容地不受日月不敢偷照耀神農畫八卦

唐詩類苑

卷之二十七

二

鑿破天心胃女媧本是伏羲婦恐天怒擣鍊五色石引日月之針五星之縷把天補補了三日不肯歸塔家走向日中放老鴟月裏栽桂叢蝦蟇天公發怒化一作龍蛇此龍蛇得死病神農合藥救死命天怪神農黨龍蛇罰神農爲牛頭令載元氣車不知藥中有毒藥藥殺元氣天不覺爾來天地不神聖日月之光無正定不知元氣元不死忽聞空中喚馬異馬異若不是祥瑞空中敢道不容易昨日全不同異自異是謂大同而小異今日全自同異不異是謂全不往今異不至直當中今動天地白玉璞裏斲出相思心

黃金鑛裏鑄出相思淚忽聞空中崩崖倒谷聲絕勝明珠千萬斛買得西施南威一雙婢此婢嬌饒惱殺人疑脂爲膚翡翠裙唯解畫眉朱點唇自從獲得君敲金縱玉凌浮雲却返顧一雙婢子何足云平生結交若少人憶君眼前如見君青雲欲開白日沒天眼不見此奇骨此骨縱橫奇又奇千歲萬歲枯松枝半折半殘壓山谷盤根感節成蛟螭忽雷霹靂卒風暴雨撼不動欲動不動千變萬化總是鱗皴皮此奇怪物不可欺盧仝見馬異文章酌得馬異胃中事風姿骨本恰如此是不是寄一字

唐詩類苑

卷之二十七

三

古意論交

李咸用

擇友如撈金沙盡不得寶結交如乾銀產竭不成道我生四十年相識苦草草多爲勢利朋少有歲寒操過財能幾何聞善寧相告茫然同夜行中路自不保常恐管鮑情參差忽終老今來既見君青天無片雲語直琴絃急行高山桂芬約我爲交友不覺心醺醺見義必許死臨危當指困無令後世士重廣老標文

論交

李咸用

行虧何必富節在不妨貧易得笑言友難逢終始人松篁貞管鮑桃李艷張陳少見歲寒後免爲霜雪塵

求友

王建

鑒形須明鏡療疾須良醫若無傍人見形疾安自知
世路薄言行學我棄其師每懷一飯恩千重勸勉詞
敦學既不誠朋友道日虧遂作名利交四海爭奔馳
常慕正直人生死不相離苟能成我身甘與僮僕隨
我言彼當信彼道我無疑針藥及病源以石投深池
終朝舉善道敬愛當行之縱令誤所見亦貴本相規
不求立名聲所貴去瑕玼各願貽子孫永爲後世資

求友

孟郊

北風臨大海堅冰臨河面下有大波瀾對之無由見

唐詩類苑

卷之七十七

四

求友須在良得良終相善求友若非良非良中道變
欲知求友心先把黃金鍊

擇友

孟郊

獸中有人性形異遭人隔人中有獸心幾人能真識
古人形似獸皆有大聖德今人表似人獸心安可測
雖笑未必和雖哭未必戚面結口頭交肚裏生荆棘
好人常直道不順世間逆惡人巧諂多非義苟且得
若是倣真人堅心如鐵石不諂亦不欺不奢復不溺
面無愠色容心無詐愛惕君子大道人朝夕恒的

審友

孟郊

種樹須擇地惡土變木根結交若失人中道生謗言
君子芳桂性春榮冬更繁一作春濃小人槿花心朝
在夕不在莫謂冬冰堅中有潛浪翻唯當金石交可
以堅達論

結交

孟郊

鑄鏡須青銅青銅易磨拭結交遠小人小人難姑息
鑄鏡圖鑑微結交圖相依凡銅不可照小人多是非
勸友

勸友

孟郊

至白涅不緇至交淡不疑人生靜躁殊莫厭相窺視
膠漆武可接金蘭文可思堪嗟無心人不如松柏枝

唐詩類苑

卷之七十七

五

一作青
松安

貽友人

杜牧

自是東西客逢人又送人不應相見老祇是別離頻
度日還知暮平生未識春儻無遷谷分歸去養天真

山陽貽友人

羅鄴

性僻多將雲水便山陽酒病動經年行遲暖陌花欄
馬睡重春江雨打船閑弄玉琴雙鶴舞靜窺庭樹一
孫懸結茅更莫期深隱聲價如今滿日邊

贈友人三首

李白

蘭生不當戶別是閒庭草風被霜露欺紅榮已先老

謬接瑤華枝結根君王池願無馨香美叨沐清風吹
餘芳若可佩卒歲長相隨

袖中趙匕首買自徐夫人玉匣閉霜雪經燕復歷秦
其事竟不見淪落歸沙塵持此願投贈與君同急難
荆鄉一去後壯士多催殘長號易水上爲我揚波瀾
鑿井當及泉張帆富濟川廉夫唯重義駿馬不勞鞭
人生貴相知何必金與錢

慢世薄功業非無胃中畫譴浪萬古賢以爲兒童劇
立屋如廣費匡君懷長策但苦山北寒誰知道南宅
歲酒上逐風霜鬢兩邊白蜀主思孔明晉家望安石
唐詩類苑 卷之七十七 六

時人列五鼎談笑期一擲虎伏被胡塵漁歌遊海濱
弊裘耻妻嫂長劔託交親夫子秉義義群公難與鄰
莫持西江水空許東溟臣他日青雲去黃金報主人

贈友人

賈島

五字詩成卷清新韻且偕不同狂客醉自伴律僧齋
春別和花樹秋辭帶月淮却歸登第日名近榜頭排

戲贈友人

賈島

一日不作詩心源如廢井筆硯爲轆轤吟詠作縻綆
朝來重汲引依舊得清冷書贈同懷人詞中多苦辛

寄大梁諸友

韋應物

分竹守南譙拜節過梁池雄都衆君子出錢擁河湄
燕謔始云洽方舟已解維一爲風水便但見山川馳
昨日次睢陽今夕宿符離雲樹愴重疊煙波念還期
相敦在勤事海內方勞師

寄淮南友人

李白

紅顏悲舊國青歲歇芳州不待金門詔空持寶劍遊
海雲迷驛道江月隱鄉樓復作淮南客因逢桂樹留

寄漢上友人

黃滔

襄漢多清景東遊已不能兼葭照流水風雨撲孤燈
獻賦聞新鴈思山見去僧知君北來日惆悵亦難勝

唐詩類苑 卷之七十七 七

寄友生

李咸用

交情應不變何事久離群圓月思同步寒泉憶共聞
雪霜松色在風雨鴈行分每見人來說牕前改舊文

寄友人

張籍

憶在江南日同遊三月時採茶尋遠澗闌鴨向春池
送客沙頭宿招僧竹裏碁如今各千里無計得相隨

寄友人

朱慶餘

當代知音少相思在此身一分南北路長問往來人
是處應爲客何門許掃塵憑書正惆悵蜀魄數聲新

寄友人

黃滔

君愛桃李花桃李花易飄
妾憐松柏色松柏色難凋
當年識君初指期非一朝
今辰見君意日暮何蕭條
人門有勢利孰能無賢輩

寄友人

姚鵠

西風又開菊久客意如何
舊國天涯遠清砧月夜多
明時難際會急景易蹉跎
抱玉終須獻誰言戀薜蘿

春日寄友人

周賀

春居無俗喧時立澗前
村路遠少來客山深多過猿
帶巖松色老臨水杏花繁
除憶文流外何人更可言

寄剡中友人

馬戴

唐詩類苑

卷之七十七

八

故人今在剡秋草意如何
嶺暮雲霞雜潮迴島嶼多
沃洲僧幾訪天姥客誰過
歲晚偏相憶風生隔楚波

寄山友長孫棲嶠

賈島

此時氣蕭颯琴院可應闌
鶴似君無事風吹雨遍山
松生青石上泉落白雲間
有逕連高頂心期相與還

京口閑寄京洛友人

許渾

吳門煙月昔同遊楓葉蘆花並
客舟聚散有期雲北去
浮沈無計水東流一樽酒盡青山暮
千里書回碧樹秋何處相思不相見
鳳城官闕楚江樓

江下送友人

李白

雪點翠雲裘送君黃鶴樓
黃鶴振玉羽西飛帝王州
鳳無琅玕實何以贈遠遊
徘徊相顧影淚下漢江流

送友人

李白

青山橫北郭白水遶東城
此地一爲別孤蓬萬里征
浮雲遊子意落日故人情
揮手自茲去蕭蕭班馬鳴

江西送友人之浮羅

李白

桂水分五嶺衡山朝九疑
鄉關眇安西流浪將何之
素色愁明湖秋渚晦寒姿
嘯昔紫方意已過黃髮期
君王縱疎散雲壑借巢夷
爾去之羅浮我還愁峨眉
中開道萬里霞月遙相思
如尋楚狂子瓊樹有芳枝

唐詩類苑

卷之七十七

九

送二友遊湘中

黃滔

千里楚江新雨晴同征肯恨迹
如萍孤舟泊處聯詩句
八月中旬宿洞庭爲客早悲煙草綠
移家晚失嶽峯青
今來無計相從去歸日汀洲乞畫屏

又送陸潛夫尋友

皇甫冉

登山自補屐訪友不齋糧
坐歌青楓晚行吟白日長
人煙隔水見草氣入林香
誰作招尋侶清齋宿紫陽

春夜別友人二首

陳子昂

銀燭吐青煙金樽對綺筵
離堂思琴瑟別路繞山川
明月影高樹長河沒曉天
悠悠洛陽道此曾在何年

二

紫塞白雲斷青春明月初對此芳樽夜離憂悵有餘
清冷花露滿滴瀝簷宇虛懷君欲何贈願上大臣書

別友人

于鄴

行子與秋葉各隨南北風雖非千里別還阻一歡同
過盡少年日尚如長轉蓬猶爲布衣客羞入故關中

逢友人

黃滔

彼此若飄蓬二年何所從帝都秋未入江館夜相逢
瘴嶺行衝夏邊沙住隔冬旅愁論未盡古寺扣晨鐘

和友人酬寄

黃滔

唐詩類苑

卷之七

十一

新發煙霞詠高人得以傳吟銷松際雨冷咽石間泉
大國兵戈日故鄉饑饉年相逢江海上寧免一潸然

還山留別金門知己

李白

好古笑流俗素聞賢達風方希佐明主張揖辭成功
白日在青天迴光矚微躬恭承鳳凰詔歎起雲羅中
清切紫霄迴優游丹禁通君王賜顏色聲價凌煙虹
乘興擁翠蓋扈從金城東寶馬驟絕景錦衣入新豐
倚崑望松雪對酒鳴絲桐方學楊子雲獻賦甘泉宮
天書美片善清芬播無窮歸來入咸陽談笑皆王公
一朝去金馬飄落成飛蓬賓友日疎散玉鐔亦已空

長才猶可倚不慙世上雄閒來東武吟曲盡情未終
書此謝知己扁舟尋釣翁

投所知

孟郊

苦心知苦節不容一毛髮鍊金索堅貞洗玉求明潔
自漸所業微功用如鳩拙何殊嫖母顏對彼寒塘月
君存古人心道出古人轍盡美固可揚片善亦不過
朝向公卿說暮向公卿說誰謂黃鐘管化爲君子舌
一說清嶢竹二說變嶢谷三說四說時寒花折寒木
撲撲家道路燦燦我衣服豈直輝友朋亦用慰骨肉
一暖荷疋素一飽荷升粟而况大恩思此身報得足

唐詩類苑

卷之七

七

且將食糞勞酬之作金刀

贈知己

楊諫

江南折芳草江北贈佳期江闊水復急過江常若遲
顏白蘭葉青恐度先香時美人碧雲外寧見長相思

道逢北使贈京邑親知

張九齡

征騾稍靡靡去國方遲遲路遶南登岸情慙北上旗
故人憐別日旅鴈逐歸時歲晏無芳草將何寄所思

留別長安知己

王季友

出山不見家還山見家在山前是門前此去長樵採
青谿誰招隱白髮自相待唯伴澗底松依依色不改

寄省中知己

林寬

門掩清曹晚靜將，烏府鄰花開封印。早雪下典衣頻，怪木風吹閣廢巢。時落薪每憐吾道，說向同人

投知己

秦韜玉

爐中九轉鍊雖成，教主看時亦自驚。群嶽並天先減翠，大江臨海恐無聲。歸已罷吳門釣，老仍拋楚岸耕。唯有太平方寸血，今朝盡向隄臺傾。

別同志

鄭谷

所立共寒苦，平生同與游。相看臨遠水，獨自上孤舟。天澹滄浪晚，風悲蘭杜秋。前程吟此景，爲子上高樓。

唐詩類苑 卷之七十七

十二

贈同席

李昌符

四座列吾友，滿園花照衣。一生知幾度，後到擬先歸。急管侵諸樂，嚴城送落暉。當歡莫離席，離席却難稀。

還赴蜀中貽示京邑遊好 盧照鄰

禦宿花初滿，章臺柳尚飛。如何正此日，還望昔多違。悵別風期阻，將乖雲會稀。歛衽辭丹闕，懸旗陟翠微。野禽喧戍鼓，春草變征衣。回顧長安道，關山起夕霏。

書懷貽京邑同好

孟浩然

維先自鄒魯，家世重儒風。詩禮襲遺訓，趨庭沾末躬。晝夜常自強，辭翰頗亦工。三十既成立，吁嗟命不通。

慈親向羸老，喜懼在深衷。甘脆朝不足，簞瓢夕屢空。執鞭暮夫子，捧檄懷毛公。感激遂彈冠，安能守固窮。當途訴知己，投刺匪求蒙。秦楚逸離異，翻飛何日同。

梓州罷吟寄同舍

李商隱

不揀花朝與雪朝，五年從事霍嫖姚。君緣按座交珠履，我爲分行近翠翹。楚雨含情皆有託，漳濱多病竟無憀。長吟遠下燕臺去，唯有衣香染未銷。

送同學故人

王建

各爲四方人，此地同事師。業成有先後，不得長相隨。出林多道路，緣岡復遠陂。念君辛苦行，令我形體疲。

唐詩類苑 卷之七十七

十三

黃葉墮車前，四散當此時。亭上夜蕭索，山風水離離。

山中寄及第故人

王建

長長南山松，短短北磻楊。俱承日月照，幸免斤斧傷。去年與子別，誠言暫還鄉。如何棄我去，天路忽騰驤。誰謂有雙目，識貌不識腸。豈知心內乖，着我薜蘿裳。尋君向前事，不歎今異翔。往往空室中，寤寐說珪璋。十年居此溪，松桂日蒼蒼。自從無佳人，山中不輝光。盡棄所留樂，草堂還若舊。誓已書歸我，學仙方既爲。參與辰各願，不相望。始終名利途，慎勿罹咎殃。

逢故人

杜牧

年年不相見相見却成悲教我淚如霞嗟君髮似絲
正傷携手處况值落花時莫惜今宵醉人間忽忽期

將見故人

孟郊

佳人季夏中及此百餘日無日不想思明鏡改形質
寧知仲冬時忽有相逢期振衣起躑躅顚顚躍天池

早春越中留故人

周賀

此行經歲近唯約半年迴野度人初過前山雲未開
鴈群逢燒斷林色映川來清夜蘆中客嚴家舊釣臺

寄漢陽故人

張籍

知君漢陽住煙樹遠重重歸使雨中發寄書燈下封

唐詩類苑

卷之七十七

十四

同時買江鳥今日別雲松欲問新移處青蘿最北峯

與故人夜坐道舊

權德輿

笑語歡今夕煙霞愴昔遊清羸還對月遲暮更逢秋
勝理方自得浮名不在求終當製初服相與卧林丘

送鄉中故人

方干

少小與君情不踈聽君細話勝家書如今若向鄉中
去道我垂鉤不釣魚

寄故人

張籍

靜曲閑房病客居蟬聲滿樹槿花踈故人祇在藍田
縣強半年來未得書

送故人赴江陵尋庾牧

韓翃

主人持節拜荊州走馬應從一路遊斑竹岡連山雨
暗柰柰門向楚天秋佳期笑把齋中酒遠意閒登城
上樓文體此時看又別吾知小庾甚風流

送新平故人

僧懷楚

遠聽鷓鴣思舊友又因蝴蝶夢生涯一千餘里河連
郭三十六峰寒到家陰島宜分東曉鴈晴樓高入上
陽鴉姜原廟北與君別應笑薄寒悲落花

鍾陵故人

黃滔

滕王閣下昔相逢此地今難訪所從唯愛金籠貯鸚
鵡誰論鐵柱鏤蛟龍荆榛翠是錢神染河獄期須國
士鍾一筋鱸魚千古美後人終少繼前蹤

唐詩類苑

卷之七十七

十五

太伯讓天下仲雍揚波濤清風蕩萬古跡與星辰高
開吳食東溟陸氏世英髦多君秉古節嶽立冠人曹
風流少年時京洛事遊遨腰間延陵劍玉帶明珠袍
我昔聞鷄徒連延五陵豪邀遮相組織呵嚇來煎熬
君開萬叢人鞍馬皆辟易告急清憲臺脫余北門厄
間宰江陽已剪棘樹蘭芳城門何肅穆五月飛秋霜
好鳥集珍木高才列華堂時從府中歸綵管儼成行

叙舊贈江陽宰陸調

李白

集 317-420

但苦隔遠道無由共銜觴江北荷花開江南楊梅鮮
挂席候海色乘風下長川多沽新豐醪滿載剡溪船
中途不遇人直到爾門前大笑同一醉取樂平生年

朝下過盧郎中叙舊遊

李白

君登金華省我入銀臺門幸遇聖明主俱承雲雨恩
復此休浣時間爲疇昔言却話山海事宛然林壑存
明湖思曉月疊嶂憶清猿何由反初服田野醉芳樽
憶襄陽舊遊贈濟陰馬少府巨

李白

昔爲大堤客會上太山樓開牕碧嶂滿拂鏡滄江流

唐詩類苑

卷之七十七

七十一

高冠佩雄劍長揖韓荆州此地別夫子今來思舊遊
朱顏君未老白髮我先秋壯志恐蹉跎功名若雲浮
歸心結遠夢落日懸春愁空思羊叔子墮泪峴山頭

贈舊識

韋應物

少年遊太學負氣蔑諸生蹉跎三十載今日海隅行
過故崔宅海宅與崔明秀才話舊因寄舊僚

杜趙李三掾

李商隱

絳帳思如昨烏衣事莫尋諸生空會舊僚已華簪
共入留賓驛俱分市駿金莫憑無鬼論終負託孤心

憶舊遊寄譙郡元少府

李白

憶昔洛陽董糟丘爲余天津橋南造酒樓黃金白璧
買歌笑一醉累月輕王侯海內賢豪青雲客就中與
君心莫逆迴山轉海不作難傾情倒意無所惜我向
淮南攀桂枝君留洛北愁夢思不忍別還相隨相隨
迢迢訪仙城三十六曲水迴縈一溪初入千花明萬
壑度盡松風聲銀鞍金絡倒平地漢東太守來相迎
紫陽之真人邀我吹玉笙食霞樓上動仙樂嚕然宛
似鸞鳳鳴袖長管催欲輕舉漢中太守醉起舞手持
錦袍覆我身我醉橫眠枕其股當筵意氣凌九霄星
離雨散不終朝分飛楚關山水遥余既還山尋故巢
唐詩類苑 卷之七十七 七十一
君亦歸家渡渭橋君家嚴君勇貔虎作尹并州過戎
虜五月相呼度太行摧輪不道羊腸苦行來此院歲
月深感君重意輕黃金瓊杯綺食青玉案使我醉飽
無歸心時時去向城西曲晉祠流水如碧玉浮舟弄
水簫鼓鳴微波龍鱗莎草綠興來携妓恣經過其若
楊花似雪何紅粧欲醉宜斜日百尺青潭寫翠娥翠
娥媚娟初月輝美人更唱舞羅衣清風吹歌入空去
歌曲自繞行雲飛此時行樂難再遇西遊因獻長楊
賦北闕青雲不可期東山白首還歸去渭橋南頭一
遇君鄧臺之北又離群問余別恨知多少落花春暮

爭紛紛言亦不可盡情亦不可極呼兒長跪緘此辭
寄君千里遙相憶

春望思舊游

許渾

適意一作何處極春日南臺披薜蘿花光晴漾漾山色畫
娥娥湘水一作著美人遠信陵豪客多唯憑一瓢酒彈
瑟縱高歌

陵陽春日寄汝洛舊遊

許渾

百年身世似飄蓬澤國移家疊嶂中萬里綠一作碧

波漁戀釣九重青漢鶴愁籠西池水冷春巖雪南浦

一作陌花香曉樹風縱有一作芳樽心不醉故人多在

唐詩類苑

卷之七七

十八

洛城東

投寄舊知

韋莊

却將顚顚入都門自喜煙霄足故人萬里有家留百
越十年無路到三秦摧殘不是當時貌流落空餘舊
日貧多謝青雲好知己莫教歸去重沾巾

長安交遊者贈孟郊

韓愈

長安交遊者貧富各有徒親朋相過時亦各有以娛
陋室有文史高門有笙竽何能辨榮悴且欲分賢愚

二遊詩

皮日休

吳之士有思王府參軍徐修矩者守世書萬卷優

遊自適余假其書數千卷未一年悉償夙志附錄

經史或曰晏忘飲食次有前涇縣尉任暉者其店

有深林曲沼危亭幽砌余並次以見之或退公之

暇必造以息焉林泉隱事恣用研詠大凡遊於二

君宅無浹旬之間因作詩以留贈目之曰二遊兼

寄陸魯望

徐詩

東莞爲著姓奕代皆雋詰強學取科第名聲盡孤揭

自爲方州來清操稱凜冽唯寫墳籍多必云清倬絕

宜毫利若風剡紙光於月札吏指欲肝萬通排未閱

唐詩類苑

卷之七七

十九

樓船若夏屋欲載如垤塤轉徙入吳都縱橫礙門闌

縹囊輕似霧細帙殷於血以此爲基構將斯用貽厥

重於通侯印貴却全師節我愛參卿道承家能介絜

潮田五萬步草屋十數窠微宦不能去歸來坐如削

保茲萬卷書守慎如羈繼念我曾苦心相逢無間別

引之看秘寶任得躋披閱軸閒翠鈿剥籤古紅牙折

帙解帶芸香卷開和桂屑枕兼石鋒刃榻共松瘡癩

一臥寂無誼數編看盡徹或携歸屏宇或把穿林樾

擊過太湖風抱宿支硎雪如斯未星紀悉得分毫末

竊除幽僻數滌蕩玄微窟學海正狂波予頭向中頌

鳥沒反 聖人患不學垂誠尤爲以苟昧古與今何殊瘖
共矚反 昔之慕經史有以備筆札何況遇斯文借
之不曾輟吾衣任穀繼吾食甘糠覈其道苟可光斯
文邪自伐何竹青堪殺何蒲重好截如能盈兼兩便
足訓饑渴有此競苟榮聞之兼可噉東臯擣煙雨南
嶺提薇蕨何以謝徐君公車不聞設

任詩

任君恣高放斯道能寡合一宅間林泉終身遠萬雜
嘗聞佐浩穰散性多偏俗歛爾解其綬遺之如棄輟
歸來鄉黨內却與親朋洽開溪未讓下列第方稱甲

唐詩類苑

卷之七

十一

入門約百步古木聲雲霧廣檻小山欹斜廊怪石夾
白蓮倚欄檐翠鳥綠簾押地勢似五瀉巖形若三峽
猿眠但胆肺見食時噉噉撥荇下文竿結藤紫桂機
門留醫樹客壁倚栽花鐘度歲止褐衣經旬唯白帽
多君方閉戶顧我能倒屣請題在茅棟留坐於石榻
魂從清景過衣任煙霞裏堦堦上枕席鷗方狎
沼似頗黎鏡當中見魚肥杯杓悉杉瘤盤筵盡荷葉
閒對不置罰閒弄無爭劫閒日不整冠閒風無用筴
以斯爲思慮吾道寧疲亦哀衣競繼綠鼓吹爭鞞鈴
欲者解擠排者能詬譎權豪暫翻覆刑禍相填壓

此時一圭竇不肯饒閭闔有第可棲息有書可漁獵
吾欲與任君終身以斯慙

奉和二遊詩

陸龜蒙

徐詩

嘗聞四書曰經史子集焉苟非天祿中此事無由全
自從秦火來歷代逢迍邐漢祖入關日蕭何爲政年
盡力取圖籍遂持天下權中興延嘉時教化還相宣
立石刻五經置於太學前賊莽亂王室君臣如轉圜
洛陽且煨燼載籍宜爲煙逮晉武革命生民纔息肩
惠懷亟寡昧戎羯俄腥羶已覺天地閉競爲東西遷

唐詩類苑

卷之七

十一

日既不暇給墳索何由專爾後國脆弱人多尚虛玄
任學者得謗清言者爲賢直至沈范輩沈約范雲皆
藏書數萬卷
始家藏簡編御府有不足仍令就之傳梁元渚宮日
盡取如蚍蜉兵威忽破碎焚燹無遺篇近者隋後主
搜羅勢駢闐寶函映玉軸彩翠明霞鮮伊唐受命初
載史聲連延砥柱不我助驚波湧淪連遂令因去書
半在餘浮泉貞觀購亡逸蓬瀛漸周旋旻然東壁光
與月爭流天偉矣開元中王道真平八萬五千卷
一一皆塗鉛按開元正
人人間盛傳寫海內奔窮研
自云西齋書有過東臯田吾聞徐氏子奕世皆才賢

因知遺孫謀不在黃金錢
揅架幾萬軸森森若戈矢
風吹籤牌聲滿室鏗鏘然
佳哉鹿門子好問如除瘡
條來參卿處遂得參卿憐
開懷展厨簾唯在性所便
素業已千仞今為峻雲巔
雄才舊百派相近浮日川
君抱王佐圖縱步凌陶甄
他時若報德誰在參卿先

任詩

吳之辟疆園在昔勝槩
敵前富脩竹後說紛怪石
竟陵子陸羽詩云辟疆舊林園怪石紛相向
風煙慘無主載祀將六百
草色與行人誰能問遺迹
不知清景在盡付任君宅
却是五湖光偷來傍簷隙
出門向城路車馬聲轆轤

唐詩類苑

卷之七十一

三

入門望亭隈水木氣岑寂
攀牆繞由岸勢似行無極
十步一危梁乍疑當絕壁
池容澹而古樹意蒼然僻
魚驚尾半紅鳥下衣全碧
斜來島嶼隱恍若瀟湘隔
雨靜挂殘絲煙消有餘脉
竭來任公子擺落名利役
雖將祿代耕頗愛巾隨策
秋籠支遁鶴夜榻戴顓客
說史足為師譚禪差作伯
君多鹿門思到此情便適
偶蔭桂堪堪帷縱吟苔可
席顧予真任誕雅遂中心
獲但喜醉還醒豈知玄尚
白甘閒在鷄口不貴封龍
額即此自怡神何勞謝公
屐

貧交行

杜甫

翻手飛雲覆手雨紛紛輕薄何須數
君不見管鮑貧時交此道今人棄如土

秋庭貽馬九并序

儲光義

扶風馬挺余之元伯也舍人諸昆知已之目挺克鄭鄉之賦予乃貽此詩

伊昔好觀國自鄉西入秦往復萬餘里相逢皆衆人
大君幸東岳世哲扈時巡予亦從此去閑居清洛濱
稍稍寒木直彩彩陽華新迭宿孔文學風流后季倫
妙年一相得白首定相親重此虛宿館歡言冬及春
哲兄盛文史出入馳高軌令德本同人深心重知己

唐詩類苑

卷之七十一

三

絳衣朝聖主紗帳延才子伯淮與季江清濤
孤峙群方趨泛愛萬物通情理而我信空虛提攜過杞梓
夫君美聲德直道期終始孰謂忽離居優游鄭東里
東里近玉城山連路亦平何年相去遠閑言獨淒清
萬里鴻鴈度四隣砧杵鳴其如久離別重以霜風驚

貽崔太祝

儲光義

天都分禮閣肅肅臨清渠春山照前屏高槐蔭內除
惟賢尚廩祿弟去兄來居文雅更驤首風流信有餘
中年幸從事乃遇兩吹噓何以知君子交情復淡如

送喬隨州偁

沈佺期

結交三十載同遊一萬里情爲契關生心由離別
拜恩前後人從宦差池起今爾歸漢東明珠報知已

贈任華

高適

丈夫結交須結貧貧者結交結始親世人不解結交
者唯重黃金不重人黃金雖多有盡時結交一成無
竭期君不見管仲與鮑叔至今留名名不移

僚友

戶部王曹長楊考功崔刑部二院長並同鍾

陵使府之舊因以寄贈又陪郎署甚常

寮因書所懷且叙前好 權德輿

唐詩類苑

卷之七十七

三

忽驚西江侶共作南宮郎宿昔芝蘭室今茲駕鶴行
子猷美風味左戶推公器含毫白雪飛出匣青萍利
子雲常燕居作賦似相如間成考課奏別貢院能書
子玉諒貞實持刑慎丹筆秋天鴻鵠姿晚歲松筠質
伊予誠薄才何幸復超陪偶來塵右掖空此憶中臺
時節東流駛悲歡迭往事待月登庾樓排雲上蕭寺
盡簪蓮花落帽龍沙醉極浦送風帆靈山眺煙翠
解願過江龍喻指窮精義擲管或飛章分曹時按吏
雨散與蓬飄秦吳兩寂寥方期全擁腫豈望躡扶搖
夜直分三署晨趨共九霄外庭時接武廣陌更連鑣

北極星辰拱南薰氣序調欣隨衆君子並立聖明朝

假中對雨呈縣中僚友 韋應物

邵足甘一作堪爲笑閑居夢杜陵殘鶯知夏淺杜一作時

雨報年登流麥非關忘收書獨不能自然憂曠職緘
此謝良朋

和裴司空卽事通簡舊僚 張籍

肅肅上台坐四方皆仰風當朝奉明政早日立功
獨對赤墀下密宣黃閣中猶聞動高韻思與舊僚同

右省張補闕茂樞同在諫垣連居光德新春

賦詠聊以寄懷 鄭谷

唐詩類苑

卷之七十七

三

小梅零落雪欺殘浩蕩窮愁豈易寬唯有朗吟償晚
景且無濃醉厭春寒高齋每喜追攀近麗句先憂屬
和難十五年前諸苦節知心不獨爲同官

耆老

馮叟居

劉駕

天作馮叟居山僧尚嫌僻開門因兩樹結宇倚翠壁
溪南有微徑時遇採芝客往往白雲生對面千里隔
機忘若僮僕常與猿鳥劇曬藥上小峰庭深無日色
自忘歸鄉里不見新舊感累子孫墓秋風吹古柏

洛陽有愚叟

白居易

洛陽有愚叟白黑無分別浪迹雖似狂謀身亦不拙
點檢盤中飯非精亦非懶點檢身上衣無餘亦無闕
天時方得所不寒復不熱體氣正調和不饑仍不渴
閑將酒壺出醉向人家歇野食或烹鮮寓眠多擁褐
抱琴榮啓樂荷插劉伶達放眼看青山任頭生白髮
不知天地內更得幾年活從此到終身盡爲閑日月

示鄉叟

方干

暮齒甘衰謝逢人惜別離青山前代業老樹此身移
買藥將衣盡尋方見字遲如何鑷鬢殘覽鏡變灰絲

山村叟

于漬

唐詩類苑

卷之七

三

古鑿巖居人一廬稱有產雖露巾履形不及貴門犬
驅牛耕白石課女經黃蠶茂暮宿濃畫樓人飽暖

代鄭叟言懷

白居易

人生何事心無定宿昔如今意不同宿昔愁身不得
老如今恨作白頭翁

贈田家翁

耿湣

老人迎客處籬落稻畦間蠶屋朝寒閉田家晝雨閑
門間新葺草蹊徑舊諳山自道誰相及邀予試往還

偃題齊翁

白居易

偶因夢酒尋村客聊復迴車訪薜蘿且值雪寒相慰

問不妨春暖更經過翁居山下年空老我得人間事
校多一種共翁頭似雪翁無衣食又何如

山老吟

孟郊

不行山下地唯種山上田腰斧所旅松手瓢汲家泉
詎知文字力莫記日月遷蟠木爲我身始得全天年

逢老人

僧巖

路逢一老翁兩鬢白如雪一里二里行四回五回歇

題鏡湖野老所居

馬戴

湖裏尋君去樵風往返吹樹喧巢鳥出路細對田移
漚成魚網枯根是酒卮老年唯自適生事任群兒

唐詩類苑

卷之七

七

贈江上老人

方干

潭底錦鱗多識釣未投香餌卽先知欲教魚目無分
別須學操藍染釣絲

代園中老人

耿湣

傭賃難堪一老身瞠瞠力役在青春林園手種唯吾
事桃李成陰歸別人

路旁老人

耿湣

老人獨坐倚官樹欲語潸然淚便垂陌上歸心無產
業城邊戰骨有親知餘生尚在艱難日長路多逢輕
薄兒綠水青山雖似舊如今貧後復何爲

九老會

白居易

胡吉鄭劉盧張等六賢皆多年壽予亦次焉偶於
弊居合成尚齒之會七老相顧既醉堪歡靜而思
之此會稀有因成七言六韻以紀之傳好事者懷

州司馬安定胡杲年八十九衛尉卿致仕馮翊吉
皎年八十六右龍武軍長史榮陽鄭據年七十四
慈州刺史廣平劉真年八十二御史內供奉官范
陽盧貞年八十二永州刺史清河張渾年七十四
刑部尚書致仕太原白居易年亦七十四已上七
人合五百七十歲會昌五年三月二十有一日於

唐詩類苑

卷之七十七

二十七

白家履道宅同宴宴罷賦詩時秘書監狄兼謨河
南尹盧貞以年未七十雖與會而不及列歡喜二
偈

七人五伯七十歲拖紫紵朱垂白鬚手裏無金莫嗟
歎樽中有酒且歡娛詩吟兩句神還玉酒飲三盃氣
尚蒼嵬義歌狂教婢拍娑娑醉舞還孫扶天年高過
二疎傳人數多於四皓圖除却三山五天竺人間此
會更應無

九老會

胡杲

閑居同會在三春大抵愚年最出群霜鬢不嫌盃酒

興白頭仍愛玉爐薰徘徊玩柳心猶健老大看花意
却勤鑿落滿斟判酩酊香囊高挂任氤氳搜神得句
題紅紙望景長吟對白雲今日友情何不替齊年同
事聖明君

九老會

吉皎

休官罷任已閑居林苑園亭興有餘對酒最宜花藻
發邀歡不厭柳條初低腰醉舞垂緋袖擊筇謳歌任
褐裾寧用管絃來合雜自親松竹且清虛飛觥酒到
須先酌賦詠成詩不住書借問商山賢四皓不知此
後更何如

唐詩類苑

卷之七十七

二十七

九老會

劉真

垂綵今日幸同筵朱紫居身是六年賞景尚知心未
退吟詩猶覺力完全閑庭飲酒連三月在席權豪象
七賢山茗煮時秋露碧玉盃斟處彩霞鮮臨堦花笑
如歌妓傍竹松聲當管絃臨未學窮生死訣人間豈
不是神仙

九老會

鄭據

東洛幽閒日暮春邀懽多是白頭賓官班朱紫多相
似年幾高低次第勻聯句每言松竹意停盃多說古
今人更無外事來心肺空有清虛入思神醉舞兩迴

迎勸酒狂歌一曲會余身今朝何事偏情重同作明
時列任臣

九老會

盧貞

三春已盡洛陽宮天氣初晴景象中千朵嫩桃迎曉
日萬株垂柳逐和風非論官位皆相似及至年高亦
共同對酒歌聲猶覺妙玩花詩思豈能窮先時共作
三朝貴今日猶逢七老翁但願綠醪常滿酌煙霞萬
里會應同

九老會

張渾

幽亭春盡共爲懽印綬居身是大官遁跡豈勞登遠
唐詩類苑 卷之七十七 三十

岫垂綵何必坐溪磻詩聯六韻猶應易酒飲三盃未
覺難每况襟懷同要會共將心事比波瀾風吹野柳
懸羅帶日照庭花落綺紈此 八頃鋪錦帳斯筵堪
作畫圖看

九老會

狄兼謨

得老加年誠可喜當春對酒亦宜歡心中別有歡喜
事開得龍門八節灘

九老會

盧貞

眼暗頭旋耳重聽唯餘心口尚醒醒今朝歡喜緣何
事禮徹佛名百部經

聞擊壤

石殷士

堯年聽野老擊壤復何云自謂歡由已寧知得在君
氣和閑易鳴聲賀作難分耕鑿方隨日恩威比望雲
黃桴均下調 木等南薰無落於吾事誰將帝已聞

唐詩類苑

卷之七十七

三

唐詩類苑卷第七十八

明雲間張之象玄超甫纂輯

雲間顧成憲幼章甫編次

雲間王微叔朗甫補訂

梁谿曹仁孫伯安甫校正

人部

懷思

日夕山中忽然有感

李白

久卧名山雲遂爲名山客山深雲更好賞弄終日夕
月銜樓間峰泉激階下石素心自此得真趣非外惜

唐詩類苑

卷之七十八

李白

聽啼桂方秋風滅簾歸寂緬思洪崖術欲往滄海隔
雲車來何遲撫已空難息

江南有懷

李白

青春幾何時黃鳥鳴不歇天涯失歸路江外老華髮
心飛秦塞雲影滯楚關月身世殊爛熳田園久蕪沒

歲晏何所從長歌謝金闕

雨夜有念

白居易

以道治心氣終歲得宴然何乃戚戚意忽來風雨天
既非慕榮顯又不恤饑寒胡爲悄不樂抱膝殘燈前
形影暗相問心默對以言骨肉能幾人各在天一端

吾兄寄宿州吾弟客東州南北五十里我生在中間

欲去病未能欲住心不安有如波上舟此縛而彼牽

自我向道來於今六七年練成不二性銷盡千萬緣

惟有恩愛火往往猶熬煎豈是藥無效病多難盡蠲

洛中有懷

于鄴

潺潺伊洛河寂寞少思波鸞駕不東幸洛陽春草多

同諸公有懷

皇甫冉

舊國迷江樹他鄉近海門移家南渡久童稚解方言

月夜有懷

陳子昂

美人挾趙瑟御月在西軒寂寞夜何久慙慙玉指繁

唐詩類苑

卷之七十八

二

清光委衾枕遙思屬湘沅空簾隔星漢猶夢感精魂

月夜有懷簡諸同病

駱賓王

閑庭落景盡踈簾夜月通山靈響似應水淨望如空
棲枝猶繞鵲遵渚未來鴻可歎高樓婦悲思香難終

久客臨海有懷

駱賓王

見邊塞部

將至岳陽有懷趙二

張九齡

湘浦多深林青冥晝結陰獨無謝客賞况復賈生心
色草雖云發天光或未臨江潭非所遇爲爾白頭吟

同王徵君洞中有懷

張謂

八月洞庭秋瀟湘水北流還家萬里夢爲客五更愁
不用開書帙偏宜上酒樓故人京洛滿何日復同遊

江樓有懷

崔湜

子牟懷魏闕元凱滯襄城冠蓋仍爲客池臺尚識名
山光晴後綠江色晚來清爲問東流水何時到玉京

早寒有懷

孟浩然

木落鴈南渡北風江上寒我家襄水曲遙隔楚雲端
鄉淚客中盡孤帆天際看迷津欲有問平海夕漫漫

望月有懷

李白

清泉映疎松不知幾千古寒月搖輕波流光入窓戶

唐詩類苑

卷之七十八

三

對此空長吟思君意何深無因見安道與盡愁人心

早秋西歸有懷

劉威

求歸方有計惜別更堪愁上馬江城暮出郊山戍秋
暗銷何限事白盡去年頭莫怪頻惆悵異鄉難再遊

津亭有懷

耿湜

津亭一望鄉淮海晚茫茫草沒樓洲鷺天連映浦檣
往來通楚越旦暮易漁商惆悵絨書畢何人向洛陽

陝下有懷

故國何處在零落五湖東日暮無來客天寒有去鴻
八河水徹寒高岳雪連空獨夜懸歸客迢迢永漏中

東歸有懷

溫庭筠

晴川通野陂此地昔傷離一去迹長在獨來心自知
驚眠茭葉折魚靜蓼花垂無限高秋淚扁舟極路岐

途中有懷

溫庭筠

驅車何日閑擾擾路岐間歲暮自多感客程殊未還
亭臯汝陽道風雪穆陵關臘後寒梅發誰人在故山

初發江陵有懷

張九齡

極望潯陽浦江天渺不分扁舟從此去鷗鳥自爲群
他日懷真賞中年負俗紛適來果微尚修爾會斯文
復想金閨籍何如夢渚雲我行多勝寄浩思獨氛氲

唐詩類苑

卷之七十八

四

江行有懷

孫逖

秋水明川路放舟轉石圻霜多山橘熟寒至浦禽稀
飛席乘風勢迴流蕩日暉晝行疑海若夕夢識江妃
野霽看吳盡天長望洛非不知何歲月一似暮潮歸

獨居有懷

李商隱

麝重愁風逼羅疎畏月侵怨寬迷恐斷嬌喘細疑沈
數急芙蓉帶頻抽翡翠簪柔情終不遠遙妬已先深
浦冷鴛鴦去園空蛺蝶尋蠟花長遞淚筆柱鎮移心
覓使嵩雲暮迴頭灞岸陰只聞涼葉院露井近寒砧

答王十二寒夜獨酌有懷

李白

昨夜吳中雪子猷佳興發萬里浮雲捲碧山青天中
道流孤月孤月滄浪河漢清北斗錯落長庚明懷余
對酒夜霜白玉牀金井水崢嶸人生飄忽百年內且
須酣暢萬古情君不能狸膏金距學鬪鷄坐令鼻息
吹虹霓君不能學哥舒橫行青海夜帶刀西屠石堡
取紫袍吟詩作賦北牕裡萬言不直一杯水世人聞
此皆掉頭有如東風射馬耳魚目亦笑我謂與明月
同驕驕拳跼不能食寒飈得意鳴春風折楊皇華合
流俗晉君聽琴枉清角巴人誰肯和陽春楚地由來
賤奇璞黃金散盡交不成白首爲儒身被輕一談一

唐詩類苑

卷之七十八

五

笑失顏色蒼蠅貝錦喧謗聲曾參豈是殺人者纔言
三及慈母驚與君論心握君手榮辱於予亦何有孔
聖猶聞傷鳳麟董龍更是何鷄狗一生傲岸苦不諧
恩疎媒勞志多乖嚴陵高揖漢天子何必長劍挂願
事玉階達亦不足貴窮亦不足悲韓信羞將絳灌比
襴衡耻逐屠沽兒君不見李北海英風豪氣今何在
君不見裴尚書土墳三尺蒿棘居少年早飲五湖去
見此彌將鍾鼎疎

夜泊永樂有懷

許渾

蓮渚愁紅蕩碧波吳姬齊唱採蓮歌橫塘一別千餘

里蘆葦蕭蕭風雨多

宿都庭有懷

張籍

雷雨湘江起卧龍武陵譙客躡仙蹤十年楚水楓林
下今夜初聞長樂鐘

春日登樓有懷

盧綸

花正濃時人正愁逢花却欲替花羞年來笑伴皆歸
去今日晴明獨上樓

三湘有懷

蕭靜一作蕭

柳絮飛來別洛陽梅花落後到三湘世情已逐浮雲
散離恨空隨江水長

唐詩類苑

卷之七十八

六

有懷重送斛斯判官

杜牧

蒼蒼煙月滿川亭我有勞歌二爲聽將取離魂隨白
倚三台星裏拜文星

對酒有懷寄李十九郎中

白居易

往年江外拋桃葉去歲樓中別柳枝寂寞春來一杯
酒此情惟有李君知吟君舊句情難忘風月何時是
盡時

寄懷南北故人

黃滔

秋風昨夜落芙蓉一片離心到外區南海浪高書憶
水北州城破客降胡玉牕挑鳳佳人老綺陌啼鸞碧

樹枯嶺上青嵐隴頭月時通魂夢出來無

書懷寄友人

黃滔

此生如孤燈素心挑易盡不及如頑石非與磨礱近
常思楊子雲五藏曾離身寂寞一生中千載空清芬

春日京中有懷

杜審言

今年遊寓獨遊春愁思看春不當春上林苑裏花徒
發細柳營前葉漫新公子高橋應盡興將軍西地幾
留賓寄語洛城風日道明年春色倍還人

春日懷歸

杜審言

見歲時部春

唐詩類苑

卷之七十八

七一

別元九後詠所懷

白居易

零落桐葉雨蕭條槿花風悠悠早秋意生此幽閑中
況與故人別中懷正無悰勿云不相送心到青門東
相知豈在多但問同不同同心一人去坐覺長安空

感懷寄人

魚玄機

恨寄朱絃上含情意不任早知雲雨會未起蕙蘭心
灼灼桃兼李無妨國士尋蒼蒼松與桂仍羨世人欽
月色苔堦淨歌聲竹院深門前紅葉地不掃待知音

宋州月夜感懷

儲嗣宗

鴈池衰草露沾衣河水東流萬事微寂寞青陵臺上

月秋風滿樹鵲南飛

別懷

杜牧

相別徒成泣經過總是空勞生慣離別夜夢苦西東
去路三湘浪歸程一片風他年寄消息書在鯉魚中

遠使海曲春夜多懷

駱賓王

長笑三秋晚端居萬慮盈未安蝴蝶夢遽切魯禽情
別島連環海離魂斷成城流星疑伴使行月似依營
懷祿寧期遠牽時匪徇名艱虞行已遠時迹自相驚

寒夜獨坐多懷簡知己

駱賓王

見歲時部夜

唐詩類苑

卷之七十八

八一

薊北春懷

張籍

渺渺水雲外別來音信稀因逢過江使却寄在家衣
問路更愁遠逢人空說歸今朝薊城北又見塞鴻飛

越中秋懷

李白

越水繞碧山周迴數千里乃是天鏡中分明畫相似
愛此從冥搜永懷臨湍遊一爲滄波客十見紅蕖秋
觀濤壯天險望海令人愁路遐迫西照歲晚悲東流
何必探禹穴擔將歸蓬丘不然五湖上亦可乘扁舟

書懷

黃滔

壯年逢歲歲逐貢愧行朝道在愁雖淺吟勞鬢欲凋

破村虹入井孤館客投題誰怕秋風起聽蟬度渭橋

所思

杜甫

鄭老身仍竄台州信所傳爲農山澗曲卧病海雲邊
世已疎儒素人猶乞酒錢徒勞望牛斗無計斷龍泉

所思

杜甫

苦憶荊州醉司馬謫官尊酒定常聞九江日落醒何
處一柱觀頭眠幾回可憐懷抱向人盡欲問平安無
使來故憑錦水將雙淚好過瞿塘灩澦堆

十三四時常從巫峽過他日偶然有思

沈佺期

唐詩類苑 卷之七十八

見地部峽

所思

羅隱

西土青雲未有期東浮滄海去何遲酒闌夢覺不稱
意花落月明空所思長恐病侵多事日可堪忙過少
年時聞鷄走犬五陵道惆悵輸他輕薄兒

所思

羅隱

梁王苑苑荆榛裏煬帝鷄臺夢想中只覺惘然悲謝
傳未知何以報文翁生靈不幸台星拆造化無情世
界空劃盡寒灰始堪歎滿庭霜葉一窓風

開卧有所思二首

白居易

向夕寒簾卧枕琴微涼入戶起開襟偶因明月清風

夜忽想遷臣逐客心何處投荒初恐懼誰人遠澤正

悲吟始知洛下分司坐一日安閑直萬金

權門要路是身災散地閑居少禍胎今日憐君嶺南

去當時笑我洛中來蟲全性命緣無毒木盡天年爲

不材大底吉凶多自致李斯一去二疎迴

北郭閑思

曹鄴

山前山後是青草盡日出門還掩門每思骨肉在天
畔來看野翁憐子孫

千里思

李端

唐詩類苑 卷之七十八

京州風月美遙望居延路汎汎下天雲青青綠塞樹

燕山蘇武上海島田橫住更是草生時行人出門去

春思

韋應物

野花如雪繞江城坐見年芳憶帝京闔闔曉開凝碧
樹曾陪鴛鴦聽流鶯

江湖秋思

李嘉祐

趨陪禁掖鴈行隨遷向江潭鶴鬢垂素浪遙疑入谿
水青楓忽似萬年枝嵩南春徧傷魂夢壺口雲深隔
路岐共望漢朝多需澤蒼蠅早晚得先知

寒夜思友三首

王勃

久別侵懷抱他鄉變容色月下調鳴琴相思此何極

二

雲間征思斷月下歸愁切鴻鴈西南飛如何故人別

三

朝朝翠山下夜夜蒼江曲復此遙相思清樽湛芳綠

秋思

黃滔

碧嶂猿啼夜新秋雨霽天誰人愛明月露坐洞庭船

登驛門亭懷漢川諸友

孟浩然

朝來登涉處不似艷陽時異縣殊風物羈懷多所思

剪花驚歲早看柳逐春遲未有南飛鴈裁衣欲寄誰

唐詩類苑

卷之七十八

十一

思遊邊友人

賈島

凝愁對孤燭昨日飲離杯葉下故人去天中新鴈來

連沙秋草薄帶雪暮山開苑北紅塵道何時見遠迴

郡樓懷長安親友

羊士諤

殘暑三巴地沈陰八月天氣昏高閣夢倦下簾眠

愁鬢華簪小歸心社燕前相思杜陵野溝水獨潺湲

寒夜懷二友雜體二首

王勃

北山煙霧始茫茫南津霜月正蒼蒼秋深客思紛無

已復直征鴻中夜起

複閣重樓向浦開秋風明月度江來故人故情懷故

宴相望相思不相見

和鄭仇內省眺矚思鄉友 楊炯

酬薛舍人萬年官晚景寓直懷友

上官儀

以上二首見禮部省直

冬憶友人

李洞

吟上山前數竹枝葉翻似雪落霏霏枕前明月誰動

影睡裏驚來不覺歸

秋日懷江上友人

羅鄴

行子豈知煙水勞西風獨自泛征艘酒醒孤館秋簾

唐詩類苑

卷之七十八

十一

捲月滿寒江夜笛高黃葉夢餘歸朔塞青山家在極

波濤去年今日逢君處鴈下蘆花猿正號

秋日山寺懷友人

劉滄

蕭寺樓臺對夕陰淡煙疎磬散空林風生寒渚白蘋

動霜落秋山黃葉深雲盡獨看晴塞鴈月明遙聽遠

村砧相思不見又經歲坐向松牕彈玉琴

懷江南友人

劉滄

久絕音書隔塞塵路岐誰與子相親愁中獨坐秦城

夜別後幾經吳苑春湘岸風來歡綠綺海門潮上沒

青蘋空勞兩地望明月多感斷逢千里身

思故人

羅隱

故人不可見聊復拂鳴琴
鵲遶風枝急螢藏露草深
平生四方志此夜五湖心
惆悵友朋盡洋洋漫好音

懷惻陵故人

賈島

孤城易水頭不忘舊交遊
雪壓圍碁石風吹飲酒樓
路遙千萬里人別十三秋
吟苦相思處天寒水急流

天南憶故人

于鄴

獨行千里塵軋軋轉征輪
一別已多日總看成老人
洞庭雪不下故國草應春
二月煙波煖南風生綠蘋

醉後憶山中故人

王建

唐詩類苑

卷之七

十四

花開草復秋雲水自悠悠
因醉暫無事在山難免愁
遇晴須看月聞健且登樓
暗想山中伴如今盡白頭

晚泊湘江懷故人

劉長卿

天涯片雲去遙指帝鄉憶
惆悵增暮情瀟湘復秋色
扁舟宿何處落日羨歸翼
萬里無故人江鷗不相識

月晦憶去年與曲水親友遊燕

韋應物

晦賞念前歲京國結良儔
騎出宣平里飲對曲池流
今朝隔天末空園傷獨遊
雨歇林光變塘綠鳥聲幽
涓吐積逋稅華鬢集新秋
誰言戀虎符終當還舊丘

再遊龍門懷舊侶

元稹

嘗與賓黃州洛陽韓丞澠池李丞密鄭二尉同遊
兩山鬱相對晨策方上千霄靄眺都城悠悠俯清澗
邈矣二子茲焉屢遊盤良時忽已周獨往念前歡
好鳥始云至衆芳亦未闌遇物豈殊昔慨傷自有端

憶秋浦桃花舊遊時竄夜郎

李白

桃花春水生白石今出沒搖蕩女蘿枝半桂青天月
不知舊行徑初拳幾枝蕨三載夜郎還於茲煉金骨

宿盧江寄廣陵舊遊

孟浩然

唐詩類苑

卷之七

十四

山暝聽猿愁蒼江急夜流風鳴兩岸葉月照一孤舟
建德非吾土維揚憶舊遊還將兩行淚遙寄海西頭

思江南舊遊

張籍

江皋三月時花發石榴枝歸客應無數春山自不知
獨行愁道遠迴信畏家移楊柳東西度茫茫欲問誰

登後湖亭傷春懷京師故舊

獨孤及

昨日看搖落驚秋方怨咨幾經開口笑復及看花時
世事空名束生涯素髮知山山春草滿何處不相思
秋夜會宿李永宅憶江南舊遊

耿 津

偶宿俱南客相看喜盡歸湖中話不極歲月念空違
子夜高梧冷秋陰遠漏微那無此良會惜一作在謝家稀

夏日因懷陽羨舊遊寄裴書記

喻 鳧

落日太湖西波涵萬象低藕花薰浦淑菱蔓匿鳧鷖
樹及長橋盡灘廻七里迷還應坐籌暇時一夢荆溪

左郡思舊遊 并序

岑 參

已亥歲春三月參自補闕轉起居舍人夏四月署

唐詩類苑

卷之七

七

號州長史適見秋草涼風復來昔桓譚出爲六安
永常忽忽不樂今知之矣悲州縣瑣屑思掖垣清
閑因呈左右省舊遊

幸得趨紫殿却憶侍丹墀史筆衆推直讀書人莫窺
平生恒自負重老此安卑同類皆先達非才獨後時
庭槐宿鳥亂階草夜蟲悲白髮今無數青雲未有期

憶舊遊寄劉蘇州

白居易

憶舊遊舊遊安在哉舊遊之人半白首舊遊之地多
蒼苔江南舊遊凡幾處就中最憶吳江隈長洲苑錄
柳青齊雲樓春酒一杯閨門曉嚴旗鼓出臯橋夕

開船舫廻脩娥慢臉燈下醉急管繁絃頭上催六七
年前狂爛熳三千里外思徘徊李娟張態一春夢周
五段三歸夜臺虎丘月色爲誰好娃官花枝應自開
賴得劉郎解吟詠江山氣色合歸來

海上憶洛中舊遊

獨孤及

涼風臺上三峰月不夜城邊萬里沙離別莫言關塞
遠夢魂長在子陵家

憶江南舊遊二首

牟士諤

山陰道上桂花初玉謝風流滿晉書曾作江南步從
事秋來還復憶鱸魚

唐詩類苑

卷之七

七

曲水三春弄綵毫樟亭八月又觀濤金壘幾醉烏程
酒鶴舫閑吟把蟹螯

客舍悲秋有懷兩省舊遊呈幕中諸公

岑 參

三度爲郎便白頭一從出守五經秋莫言聖主長不
用其那蒼生應未休人間歲月如流水客舍秋風今
又起不知心事向誰論江上蟬鳴空滿耳

思越中舊遊寄友

方 干

甸外山川無越國依稀只自劍門西鏡中疊浪搖星
斗城上繁花咽鼓鼙斷臂青猿啼玉笥成群白鳥下

耶溪此中曾是同遊處迢遞尋君夢不迷

春憶二林寺舊遊因寄朗滿晦三上人

白居易

一別東林三度春每春常似憶情親頭陀會裏爲通客供奉班中作老臣清淨久辭香火伴塵勞難索幻泡身最慙僧社題橋處十八名人空一人

重答汝州李六使君見和憶吳中舊遊

白居易

爲憶娃宮與虎丘翫君新作不能休蜀牋寫出篇篇好吳調吟時句句愁洛下林園終共住江南風月會

唐詩類苑

卷之七十八

七

重遊由來事過多堪惜何況蘇州勝汝州

懷江南同志

許渾

南國別經年雲晴波接天蒲深鵝鶩戲花暖鷓鴣眠竹暗湘妃廟楓陰楚客船唯應洞庭月萬里共娟娟

春懷寄秣陵知友

儲嗣宗

廬江城外柳堪攀萬里行人尚未還借問景陽臺下客謝家誰更卧東山

碧尋晏上有懷知己

曹鄴

荻花蘆葉滿溪流一簇笙歌在水樓金管曲長人盡醉玉簪恩重獨生愁女蘿力弱難逢地桐樹心孤易

感秋莫怪當歡却惆悵全家欲上五湖舟

思遠人

張籍

野橋春水清橋上送君行去去人應老年年草自生出門看遠道無信向邊城楊柳別離處秋蟬今復鳴

憶遠

張籍

行人猶未有歸期萬里初程日暮時唯愛門前雙柳樹枝枝葉葉不相離

清明日憶諸弟

韋應物

冷食方多病開襟一忻然終令思故郡煙火滿晴川杏粥猶堪食榆莢已稍煎唯恨乖親燕坐度此芳年

唐詩類苑

卷之七十八

十八

立夏日憶京師諸弟

韋應物

改序念芳辰煩襟倦日永夏木已成陰公門晝恒靜長風始飄閣疊雲纔吐嶺坐想離居人還當惜徂景

一作光景

曉至園中憶諸弟崔都水

韋應物

山郭恒悄悄林月亦娟娟景清神已澄一作澄事簡慮絕牽秋塘徧衰草曉露洗紅蓮不見心所愛茲賞豈

爲妍

夏日夜憶張二

駱賓王

伏枕憂思深擁膝獨長吟烹鯉無尺素空勞勞寸心

疎麻空有折芳桂湛無對廣庭含夕氣閑宇澹虛陰
織蟲乖夜砌驚鳥棲暝林驩娛百年促羈病一生侵
謾堪孤月夜流水入鳴琴

春中憶元二

韋應物

雨歇萬井春柔條已含綠徘徊洛陽陌惆悵杜陵曲
遊思正高下啼鳥還斷續有酒今不同思君瑩如玉

憶元九

白居易

耿耿江陵道相思遠不知近來文卷裏半是憶君詩

至滑州隔河望黎陽憶丁三寓

王維

唐詩類苑

卷之七十八

十九

隔河見桑柘藹藹黎陽川望望行漸遠孤峰沒雲煙
故人不可見河水復悠然賴有政聲遠時聞行路傳

出關懷王大

孟浩然

向夕槐煙起葱蘢池館曛客中無偶坐關外惜離群
燭至螢光滅荷枯雨滴聞永懷蓬閣友寂寞滯楊雲

憶楊十二

元稹

楊子愛言詩春天好詠時戀花從馬滯聯句放杯遲
日映金煙竹風牽卧柳絲南山更多興須作白雲期

曲江憶元九

白居易

春來無伴閑遊少行樂三分減二分何況今朝杏園

裏閑人逢盡不逢君

曲江憶李十一

白居易

李君歿後共誰遊柳岸荷亭兩度秋獨倚曲江行一
匝依前還立水邊愁

憶楊十二

元稹

去時芳藥纔堪贈看却殘花已度春只爲情深偏愴
別等閑相見莫相親

秋夜有懷高三十五適兼呈空上人

劉長卿

晚節逢君趣道深結茆栽樹近東林吾師幾度曾摩
頂高士何年遂發心北渚三更聞過鴈西城萬里動

唐詩類苑

卷之七十八

二十

寒砧不見支公與玄度相思擁膝坐長吟

病中懷王展先輩在天台

項斯

枕上用心靜唯應改舊詩強行休去早暫卧起還遲
因說來歸處却愁初病時赤城山下寺無計得相隨

宿裴氏谿居懷厲玄先輩

馬戴

樹下孤石坐草間微有霜同人不同北雲鳥自南翔
迢遞夜山色清冷泉月光西風耿離抱江海遙相望

禪房懷友人岑倫

李白

嬋娟羅浮月搖艷桂水雲美人竟獨往而我安能羣

一朝笑語隔萬里，懽情分沈吟。綵霞沒夢寐，羣芳次
歸鴻渡。三湘遊子在，百粵邊塵染。衣劍白日彫，華髮
春氣變。楚關秋聲落，吳山草木結。悲緒風沙淒，苦顏
竭來已永久。頽思如循環，飄飄限江裔。想像空留滯，
離憂每醉心。別淚徒盈袂，坐愁青天末。出望黃雲蔽，
目極何悠悠。梅花南嶺頭，空長滅征鳥。水闊無還舟，
寶劍終難託。金囊非易求，歸來儻有問。桂樹山之幽，

潼關使院懷王弋李友 岑參

王生今才人，時輩咸所仰。何當見顏色，終日勞夢想。
驅車到關下，欲往阻河廣。滿目徒春華，思君罷心賞。

唐詩類苑

卷之十八

三

開門見太華，朝日映高掌。忽覺蓮花峰，別來更如長。
無心顧微祿，有意在獨往。不負林中期，終當出塵網。

明月山懷獨孤崇魚琢 賈島

明月長在目，明月長在心。在心復在目，何得稀去尋。
試望明月人，孟夏樹蔽岑。想彼嘆此懷，樂喧忘幽林。
鄉本北嶽外，悔恨東夷深。願縮地脉還，豈待天恩臨。
非不渴隱秀，却嫌他事侵。或云岳樓鐘來繞，草堂吟
當從令尹後，再往步栢林。

懷鄭從志

賈島

西風吹陰雪，雨雪半夜收。忽憶天涯人，起看斗與牛。

故人別二年，我意如百秋。音信兩杳杳，誰云昔綢繆。
平明一封書，寄向東北舟。翩翩春歸鳥，會自爲匹儔。

夏夜憶盧嵩

韋應物

靄靄高館暮，開軒滌煩襟。不知湘雨來，蕭灑在幽林。
一作不知微蕭炎月得涼夜芳罇誰與斟故人南北
居累月間微音人生無閒日歡會在當今反側候天
旦層城苦沈沈

懷素友子西

韋應物

廣陌並遊騎，公堂接華襟。方歡遽見明，永日獨沈吟。
階暝流暗駛，氣疎露已侵。層城湛深夜，片月生幽林。

唐詩類苑

卷之十八

三

往款良未遂，來覲曠無音。恒當清觴宴，心子玉山岑。
耿耿何以寫密言，空委心。

秋日懷杓直

白居易

曉來天色好，獨出江邊步。憶與李舍人，曲江相近住。
常云遇清景，必約同幽趣。若不訪我來，還須覓君去。
開眉笑相同，把手期何處。西寺老胡僧，南園亂松樹。
攜持小酒榼，吟咏新詩句。同出復同歸，從朝直至暮。
風雨忽消散，江山眇迴互。潯陽與洛陽，相望空雲霧。
心期自乖曠，時景還如故。今日郡齋中，秋光誰共度。

憶雲之

元稹

為魚實愛泉食辛寧避夢人生既相合不復論窈窕
滄海良有窈白日非長皎何事一人心各在四方表
泛若逐水萍居為附松蒿流浪隨所之榮紆牽所繞
百齡頗踟促况復迷壽夭艾髮君已衰冠歲予非小
娛樂不及時暮年壯心少感此幽念綿遂為長悄悄
中庭草木春歷亂遞相擾奇樹花冥冥竹竿鳳裊裊
幽芳被蘭徑安得寄天抄萬里瀟湘魂夜夜南枝鳥

懷鄭泊

孟遲

風蘭舞幽香兩葉隨寒滴美人來不來前山看向夕

春日憶李白

杜甫

唐詩類苑 卷之七

三

白也詩無敵飄然思不羣清新更開府俊逸鮑參軍
渭北春天樹江東日暮雲何時一樽酒重與細論文

冬日有懷李白

杜甫

寂寞書齋裏終朝獨爾思更尋嘉樹傳不忘角弓詩
短褐風霜入還舟日月遲未因乘興去空有鹿門期

天末懷李白

杜甫

涼風起天末君子意如何鴻鴈幾時到江湖秋水多
文章憎命達魑魅喜人過應共覓規語投詩贈汨羅

懷葉縣關操姚曠韓涉李叔齊

岑參

數子皆故人一時吏宛葉經年總不見書札徒滿篋
斜日半空庭旋風走梨葉去君千里地言笑何如接

和振上人秋夜懷士會

王昌齡

白霧傷草木山風吹夜寒遙林夢親友高興發雲端
郭外秋聲急城邊月色殘瑤琴多遠思更為客中彈

憶鄭南珣

杜甫

鄭國伏毒寺瀟灑到江心石影銜珠閣泉聲帶玉琴
風杉曾曙倚雲嶠憶春臨萬里蒼茫水龍蛇只自深

春夜憶蕭子貞

孟郊

半夜不成寐燈盡又無月獨向堦前立子規啼不歇

唐詩類苑 卷之七

四

況我有金蘭忽爾為胡越爭得明鏡中久長無白髮
秋日懷孟夷庚

羅隱

秋葉黃陂下孤舟憶共誰江山三楚分風雨二妃祠
知己秦貂沒流年買鴈悲中原正兵馬相見是何時

滁上懷周賀

方干

就枕忽不寐孤懷興歎初南巢收舊曆上苑絕來書
曉雪細聲積晨鐘寒韻疎侯門音彈缺曾共食紅魚

憶夢得

白居易

齒髮各蹉跎踈慵與病和愛花心在否見酒興如何
年長風情好官高俗慮多幾時紅燭下聞唱竹枝歌

有懷在蒙飛卿

李商隱

薄宦頻移疾當年久索居哀同庾開府瘦極沈尚書
城綠新陰遠江清返照虛所思惟翰墨從古待雙魚

早春懷薛公裕

儲嗣宗

幽獨自成愚柴門日漸蕪陸機初入洛孫楚又遊吳
失意怨楊柳異鄉聞鷓鴣相思復相望春草滿南湖

懷黃頗

馬戴

有客南浮去平生與我同炎州結暹思芳杜採應空
秦鴈歸侵月湘猿戲裊楓期君翼明代未可戀山中

宿城南盛本道懷皇甫冉 戴叔倫

唐詩類苑

卷之五

三五

暑夜宿南城懷人夢不成高樓邀落月疊鼓送殘更
隔浦雲林近滿川風露清東碕不可見矯首若爲情

冬日有懷李賀長吉

戴叔倫

歲晚齋居寂情人動我思每因一樽酒重和百篇詩
月冷猿啼慘天高鴈去遲夜郎流落久何日是歸期

江北憶崔汶

盧綸

夜問江西客還知在楚鄉全身出部伍盡室逐漁商
晴日遊瓜步新年對漢陽月昏驚浪白瘴起覺雲黃
望嶺家何處登山泪幾行閩中傳有雪應且住南康

池上懷王卿

韋應物

幽居捐世事佳雨散園芳入門靄已綠水禽鳴春塘

重雲始成夕忽霽尚殘陽輕舟因風泛郡閣望蒼蒼
私燕阻外好臨歡一停觴茲遊無時盡旭日願相將

入睦州分水路憶劉長卿 李嘉祐

北闕忤明主南方隨白雲沿洄灘草色應接海鷗群
建德潮已盡新安江又分回看嚴子瀨朗詠謝安文

雨過暮山碧猿吟秋日暝吳洲不可到刷鬢爲思君

雪中憶李楫

王維

積雪滿阡陌故人不可期長安千門復萬戶何處踐
蹀黃金羈

唐詩類苑

卷之五

五

憶晦叔

白居易

遊山弄水携詩卷看月尋花把酒盃六事盡思君作
伴幾時歸到洛陽來

江上憶嚴五廣休

李商隱

征南幕下帶長刀夢筆深藏五色豪逢着澄江不敢
詠鎮西留與謝功曹

宿駱氏亭寄懷崔雍崔衮 李商隱

竹塢無塵水檻清相思迢遞隔重城秋陰不散霜飛
晚留得枯荷聽雨聲

舟行懷閩士和

僧皎然

二月湖南春草徧橫山渡口華如霞相思一日在
舟空見歸雲兩三片

春日憶司空文明

盧綸

桃李風多日欲陰百勞飛起落花深貧居靜久難逢
信知隔春山不可尋

懷齊已

僧曇域

鬢髯秋景兩蒼蒼靜對茅齋一炷香病後身心俱澹
薄老來朋友半凋殘峨眉山色侵雲直巫峽灘聲入
夜長猶喜深交有支遁時時音信到松房

寄懷南陽潤卿

皮日休

唐詩類苑

卷之七十八

七

鹿門山下捕魚郎今向江南作渴羌無事只陪看藕
樣有錢唯欲買湖光醉來渾忘移花處病起空聞焙
藥香何事對君猶有愧一蓬衝雪返華陽

奉和寄懷南陽潤卿

陸龜蒙

高抱相逢各絕塵水經山疏不離身才情未擬湯從
事玄解猶嫌竺道人霞染洞泉渾變紫雪披江樹半
和春誰憐故國無生計唯種南塘二畝芹

贈晦叔憶夢得

白居易

自別崔公四五秋因何臨老轉風流歸來不說秦中
事歇定唯謀洛下游酒面浮花應是喜歌眉斂黛不

關愁得君更有無厭意猶恨樽前欠老劉

登西樓憶行簡

白居易

每因樓上西南望始覺人間道路長礙日暮山青簇
簇浸秋水白茫茫風波不見三年面書信難傳萬
里長早晚東歸來下峽穩乘船舫過瞿塘

憶微之

白居易

與君何日出屯蒙魚戀江湖鳥厭籠分手各拋滄海
畔折腰俱老綠衫中三年隔闊音塵斷兩地飄零氣
味同又被新年勸相憶柳條黃軟欲春風

懷張喬張霞

李洞

唐詩類苑

卷之七十八

七

西風吹雨葉還飄憶我同袍隔海濤江春眺山青入
佛邊城履雪白連鵬身離世界歸天竺影挂虛空度
石橋應念無成獨流轉懶磨銅片鬢毛焦

宿淮浦憶司空文明

李端

愁心一倍長離憂夜思千重戀昔遊秦地故人成遠
夢楚天多雨在孤舟諸溪近海潮皆應獨樹邊淮葉
盡流別恨最深何處寫前程惟有一登樓

寒夜思廬山賈山

僧貫休

山兄詩僻甚寒夜更何爲覓句惟頑坐巖霜打不知
石膏粘木屐崖栗落水池近見禪僧說生涯勝往時

南亭懷辛子

孟浩然

山光忽西落池月漸東上散髮乘夕涼開軒卧閑敞
荷風送香氣竹露滴清響欲取鳴琴彈恨無知音賞
感此懷故人中宵勞夢想

閒園懷蘇子

孟浩然

見地部園

憶周秀才素上人時聞各在一方

孟郊

東西分我情魂夢安能定野客雲作心高僧月爲性
浮雲自高閑明月常空淨衣敝得古風居山無俗病

唐詩類苑

卷之七十八

无

吟聽碧雲語手把青松柄羨爾欲寄書飛禽香難倩

懷吳中馮秀才

杜牧

長洲苑外草蕭蕭却算遊程歲月遙惟有別時今不
忘暮煙秋雨過楓橋

懷楊台文楊鼎文二秀才 陸龜蒙

秋早相逢待得春崇蘭清露小山雲寒花獨自愁中
見曙角多同醒後聞釣具每隨輕舸去詩題閒上小
樓分重思醉墨縱橫甚書破羊欣白練裙

奉和懷楊台文楊鼎文二秀才次韻

皮日休

羊曇留我昔經春各以篇章關五雲賓草每容閒處
見繫琴多任醉中聞釣前青翰交加倚醉後紅魚取
次分爲說風標曾入夢上仙初著翠霞裙

春晚懷進士韋澹

崔塗

故里花應盡江樓夢尚殘半生吟欲過一命遠何難
特立珪無玷相思草有蘭二年春悵望不似在長安

秋日懷賈隨進士

羅隱

邊寇日搔動故人音信稀長纓慚賈誼孤塚憶韓非
曉匣魚腸冷春園鴨掌肥知君安未得聊且示忘機
青谿驛奉懷張員外十五兄之緒

唐詩類苑

卷之七十八

三十一

漾舟千山內日入泊荒渚我生本飄飄今復在何許

杜甫

石根青楓林援鳥取儔侶月明遊子靜畏虎不得語
中夜懷友朋乾坤此深阻浩蕩前後間佳期付荆楚

有懷台州鄭十八司戶

杜甫

天台隔三江風浪無晨暮鄭公縱得歸老病不識路
昔如水上鷗今如罟中兔性命由他人悲辛但狂顧
山鬼獨一脚蝮蛇長如樹呼號傍孤城歲月誰與度
從來禦魑魅多爲才名誤夫子嵇阮流更被時俗惡
每遇微小吏眼暗髮垂素黃帽映青袍非供折腰具

平生一杯酒見我故人遇相望無所成乾坤莽迴互

雪中懷孟武昌

元結

冬來三度雪農者歡歲稔我麥根已濡各得在倉廩
天寒未能起孺子驚人寢云有山客來簾中見冬往
燒柴爲溫酒煮鰾爲作潘客亦愛杯樽思君共杯飲
所嗟山路閑時節寒又甚不能苦相邀興盡還就枕
冬夜懷李侍御王太祝段丞

元稹

浩露煙塹盡月光閑有餘松篁細陰影重以簾牖跡
泛覽星粲粲輕河悠碧虛纖雲不成葉脉脉風絲舒

唐詩類苑

卷之七十八

三十一

丹竈熾東序燒香羅玉書飄飄魂神舉若驂鶴興
感念夙昔意華尚簪與裾簪裾詎幾許示創吞釣魚
今聞馨香道一以悟臭帑悟覺誓不惑永抱胎仙居
晝夜欣所適安知歲云除行行二三友君懷復何如
暫如臨邑至峭山湖奉懷李員外率爾成興

杜甫

野亭逼湖水歇馬高秋間鼉吼風奔浪魚跳日映山
暫遊阻詞伯却望懷青關藹藹生雲霧唯應促無還
集宿姚侍御宅懷永樂宰殷侍御

馬戴

石田虞芮接種樹白雲陰穴閉神踪古河流禹鑿深
樵人應滿郭仙鳥幾巢林此會偏相語曾供一作雪
夜吟

發鳳翔後堂中懷田少府 朱慶餘

識君春未半意欲住經秋見酒連詩句逢花跋馬頭
別來唯獨宿夢裏尚同游所在求殮過無因離得愁
龍翔寺閣夜懷渭南張少府

喻鳧

春城帶病別秋寒見除書況是神仙吏仍非塵土居
河風吹鳥迥嶽雨滴桐踈坐閣馳思夕沙東涼月虛

唐詩類苑

卷之七十八

三十一

冬中與諸公會宿姚端公宅懷永樂殷侍御

僧無可

杜史靜開筵所思何地偏故人爲縣吏五老遠峯前
賓榻寒侵樹一作曉公庭夜落泉會當隨假務一就白
雲禪

白田西憶楚州刺史君弟 李嘉祐

山陽郭裏無潮野水自向新橋魚網平鋪荇葉鷓鴣
閒步稻苗秣陵歸人惆悵楚地連山寂寥却憶士龍
賓閣清琴綠竹蕭蕭

懷杜司勳

李商隱

高樓風雨感斯文短翼差池不及群刻意傷春復
別人間惟有杜司勳

袁江口憶王司勳王吏部二郎中起居十七

弟 李嘉祐

京華不啻三千里客淚如今一萬雙若箇最爲相憶
處青楓黃竹入袁江

月夜有懷王端公兼簡朱孫二判官

僧清江

月照疎林驚鵲飛騎人此夜共無依青門旅寓身空
老白首頭陀力漸微屢向曲池陪逸少幾迴戎幕按

唐詩類苑

卷之七十八

三

玄暉四科弟子稱文學五馬諸侯是綉衣江鴈往來
曾不定野雲搖曳本無機修行未盡身將盡欲向東
風掩舊扉

酬李壹關奉使行縣憶諸公

儲光義

青風江上滄浪吟白月官中鸚鵡林非有爭清心同
道同房若斷金離居忽有雲山意清韻遙轉舟楫事
去時能憶竹園遊來時莫忘桃園記

和張大夫秋日有懷呈院中諸公

獨孤及

至公無暇日高閣閉秋天時印拘王事難花恩長年
績成心不有慮澹物猶牽竊效泉魚躍因聞郢曲好

江行夜宿龍吼灘臨眺思峨眉隱者兼寄慕

中諸公

岑參

官舍臨江口灘聲人慣聞水煙晴吐月山火夜燒雲
且欲尋方士無心戀使君異鄉何可住兄復久離群

宿東谿懷王屋李隱者

岑參

山店不鑿井百家同一泉晚來南村黑雨色和人煙

霜畦吐寒菜沙鴈噪河田隱者不可見天壇飛鳥邊

宿楊子津寄處士

孟浩然

唐詩類苑

卷之七十八

孟

所思在夢寐欲往大江深日夕望京口煙波愁我心
心馳茅山洞目極楓樹林不見少微隱星霜勞夜吟

憶吳處士

賈島

半夜長安雨燈前越客吟孤舟行一月萬水與千岑
島嶼夏雲起汀洲芳草深何當折松葉拂石剡溪陰

憶江上吳處士

賈島

閩國揚帆去蟾蜍虧復圓秋風吹渭水落葉長安
此地聚會夕當時雷雨寒蘭橈殊未返消息海雲端

懷陸龜蒙處士

釋尚顏

布褐東南隱相傳繼謝敷高譚夫子道靜看海山圖

事厄傷心否基逢敵手無關中花數內獨不具

懷求古翁

李商隱

何時粉署仙傲兀逐戎旃關塞猶傳箭江湖莫繫船
欲收基子醉竟把釣車眠謝眺真堪憶多才不忌前

懷琅邪深標二釋子

韋應物

白雲埋大壑陰崖滴夜泉應居西石室月照山蒼然

五月六日夜憶往歲秋與澈師同宿

李商隱

紫閣相逢處丹巖議宿時墮蟬翻敗葉棲鳥定寒枝
萬里飄流遠三年問訊遲炎方憶初地頻夢碧琉璃

唐詩類苑

卷之七

三五

湘漢懷傑公

僧清塞

一宿空山聽急流仍同賈客坐孤舟遠書來隔巴陵
雨雙鬢去驚彭蠡秋不擬爲才謀舊業終求斷穀隱
蒿丘吾宗尚作無憫者中夜廢吟生旅愁

雨中望海上懷鬱林觀中道侶

錢起

山觀海頭雨懸森動煙樹只疑蒼茫裏鬱鳥欲飛去
大塊怒天吳驚潮蕩雲路群真儼盈想一葦不可渡
惆悵赤城期願假輕鴻馭

使院憶山中道侶兼懷李約

崔備

松竹去名嶽衡茅思舊居山君水上印天女月中書
舊帙芸香在空奩藥氣餘褐衣寬易攬白髮少難梳
病柳傷催折殘花惜掃除憶巢同倦鳥避網甚跳魚
阮巷慙交絕商畧愧跡踈與君非宦侶何日共樵漁

唐詩類苑

卷之七

三五

唐詩類苑卷第七十九

明雲間張之象玄超甫箋

雲間顧成憲幼章甫箋

雲間王微叔明甫箋

梁溪曹仁孫伯安甫校正

人部

懷思

思歸引

于瀆

不耕南畝田爲愛東堂桂身同樹上花一落又經歲
交親日相薄知已恩潛替日開十二門自是無歸計

唐詩類苑

卷之七十九

早春邊城懷歸

崔湜

見邊塞部

思歸

趙微明

爲別未幾日去日如三秋猶疑望可見日日上高樓
唯是分手處白蘋滿芳州寸心寧死別不忍生離憂

思歸樂

元稹

我作思歸樂盡作思歸鳴爾是此山鳥安得失鄉名
應緣此寄迹自古離人征陰愁感和氣俾爾從此生
我雖失鄉去我不失鄉情憐舒在方寸寵辱何足
浮生居大塊尋丈可寄身身安卽形樂豈獨樂咸京

命者道之本死者天之平安問遠與近何言殤與彭

君看趙工部八十支體輕交州二十載始對長安城

長安不須更復作交州行交州又累歲移鎮值江陵

歸朝新天子濟濟爲上卿肌膚無瘡色飲食康且寧

人生如晝夜死者如霄星喪車四門出何關炎瘴繁

況我三十餘年來未半程江陵道途近楚俗雲水清

遐想玉泉寺久欲登斯亭此去盡綿歷豈無心賞并

紅餐日充腹碧澗朝析醒釀酒待賓客寄書安弟兄

閑窮四聲韻悶閱九部經身外無所求眼前隨所營

此意久已定誰能苟求榮所以官甚小朝野已勢傾

唐詩類苑

卷之七十九

傾心豈不易巧詐神之形萬物有本性况復人至靈

金埋無土色玉墜無瓦聲劒折有寸利銳破有片明

我可爲我我爲我我心終不死金石貫以誠

此誠惠不立雖困道亦亨微哉滿山鳥叫噪何足聽

和思歸樂

白居易

山中不棲鳥夜半聲嚶嚶似道思歸樂行人掩泣聽

皆疑此山路遷客多南征憂憤氣不散結化爲精靈

我謂此山鳥本不困人生人心自懷土想作思歸鳴

孟嘗平居時娛耳琴冷泠雍門一言感末奏淚沾纓

銅雀妓日與歡樂并一旦西陵望欲歌先涕零

峽猿亦無意隴水復何情爲入愁人耳
請看元侍御亦宿此郵亭因聽思歸鳥神氣獨安寧
問君何以然道勝心自平雖爲南遷客如在長安城
云得此道來何慮復何營窮達有前定憂喜定交爭
所以事君日持憲立天庭雖有迴天力撓之終不傾
况始三十餘年少有直名心中志氣大眼前爵祿輕
君恩若雨露君威若雷霆退不苟難免進不曲求營
任火辨玉性經霜識松貞展禽在三黜靈均長獨醒
獲戾自東洛貶官向南荆再拜辭闕下長揖別公卿
荆州又非遠驛路半月程漢水照天碧楚山插雲青

唐詩類苑

卷之七十九

三

江陵橘似珠宜城酒如錫誰謂謫去未妨遊賞行
人生百歲內天地暫寓形太倉一稊米大海一浮萍
身委逍遙篇心付頭陀經尚達生死觀寧爲寵辱驚
中懷苟有主外物安能縈任意思歸樂聲聲啼到明

思歸

白居易

養無晨昏膳隱無伏臘資遂求及親祿僂俛來京師
薄俸未及親別家已經時冬積溫席戀春違採蘭期
夏至一陰生稍稍夕漏遲塊然抱愁者夜長獨先知
悠悠鄉關路夢去身不隨坐惜時節變蟬鳴槐花枝

湘中憶歸

劉長卿

終日空理棹經年猶別家頃來行已遠獨覺天無涯
白雲意自深滄海夢難隔迢遞萬里帆飄颻一行客
獨憐西江外遠寄風波裏平湖流楚天孤鴈渡湘水
湘流澹澹空愁予猿啼啾啾滿南楚扁舟泊處聞此
聲江客相看淚如雨

早秋桐廬思歸示道諺上人

僧皎然

桐江秋信早憶在故山時靜夜風聲無人竹掃墀
猿來觸淨水鳥不啄寒梨可卽關吾事歸心自有期

思歸

李商隱

唐詩類苑

卷之七十九

四

固有樓堪倚能無酒可傾嶺雲春沮如江月夜晴明
魚亂書何託猿哀夢易驚舊居連上苑北節正遷鶯

思歸

許渾

疊嶂平蕪外依依識舊邦氣高詩易怨愁極酒難降
樹暗支公院山寒謝守牕殷勤樓下水幾日到荆江

憶歸

杜牧

新城非故里終日想柴局興罷花還落愁來酒欲醒
何人初髮白幾處亂山青遠憶湘江上漁歌對月聽

思歸

顧况

不能經綸大經甘作草萊臣青鎖應須長別白雲

漫與相親

和高平朱參軍思歸作 韓 翃

髯參軍髯參軍身為北州吏心寄東山雲坐見萋萋
芳草綠遙思往日晴江曲刺船頻向剡中回捧被曾
過越人宿花裏鶯啼白日高春樓把酒送車螯狂歌
好愛陶彭澤佳句唯稱謝法曹平生樂事多如此忍
爲浮名隔千里一鴈南飛動客心思歸何待秋風起

春日思歸

王 翰

楊柳青青杏發花年光誤客轉思家不知湖上菱歌
女幾處春舟在若耶

唐詩類苑

卷之七十九

五

渭上思歸

孟 郊

獨訪千里信回臨千里河家在一作吳楚鄉淚寄東
南一作流波

江外思歸

韋 莊

年年春日異鄉悲杜曲黃鶯可得知更被夕陽江岸
上斷腸烟柳一絲絲

時平後春日思歸

劉長卿

一尉何曾及布衣時平却憶臥柴扉故園柳色催南
客春日桃花待北歸

懷歸

杜 牧

塵埃終日滿牕前水態雲容思浩然爭得便歸湘浦
去却持竿上釣魚船

覽董評事思歸之什因以詩贈

劉禹錫

幾年油幕佐征東却泛滄浪狎釣童歌枕醉眠成戲
蝶抱琴閑望送歸鴻文儒自襲膠西相倚杖能齊塞
上翁更說扁舟動鄉思青菰已熟祭秋風

歸思

黃 滔

薊北風煙空漢月湘南雲水半蠻邊寒爲旅鴈暖還
去秦越離家可十年

唐詩類苑

卷之七十九

六

思歸

韋 莊

暖思無力自悠揚牽引東風斷客腸外地見華終寂
寞異鄉聞樂更淒涼紅垂野岸櫻還熟綠染汀草
又芳舊里若爲歸去好子期凋謝呂安亡

冬日登越王臺懷歸

許 渾

月沈高岫宿雲開萬里歸心獨上來河畔雪飛楊子
宅海邊花盛越王臺瀧分桂嶺魚難過瘴近衡峯鴈
却回鄉信暫稀人漸老只應頻看北枝梅

聞斛斯六官未歸

杜 甫

故人南郡去去索作碑錢本賣文爲活翻令室倒懸

荆扉深蔓草土銼冷疎烟老罷休無賴歸來省醉眠

歸

杜甫

東帶還騎馬東西却渡船林中才有地峽外絕無天
虛白高人靜喧卑俗累牽他鄉悅遲暮不敢廢詩篇

懷山

并序

王勃

客有自幽山來者起予以林壑之事而烟霞在焉
思解纓紱永詠山水神與道超跡為形滯故書其
事焉

鶴岑有奇徑鱗淵富仙家紫泉漱珠液玄巖列丹葩
常希披塵網眇然登雲車鸞情極霄漢鳳想疲烟霞

唐詩類苑

卷之七十九

七

道存蓬瀛近意愜朝市賒無為坐惆悵虛此江上華

思山詠

鄭雲叟

因賣丹砂下白雲塵裘惟惹九衢塵不如將耳入山
去萬是千非愁殺人

秋夜獨坐懷故山

李白

小隱慕安石遠遊學子平天書訪江海雲臥起咸京
入侍瑤池宴出陪玉輦行誇胡新賦作諫獵短書成
但奉紫霄顧非邀青史名莊周空說劍墨翟耻論兵
拙簿遠疎絕歸閑事偶耕顧無蒼生望空愛紫芝榮
寥落暝霞色微茫舊壑清秋山綠蘿月今夕為誰明

初出京邑有懷舊林

盧僊

見地部林

懷南山林泉

張九齡

見水部泉

憶故山

方干

舊山長繫念終日臥邊亭道路已知遠夢魂空再經
秋泉涼好飲乳鶴靜宜聽獨上高樓望蓬身且

懷故山寄賈島

馬戴

心偶美明代學詩觀國風自從來闕下未勝在山中
丹桂日應老白雲居九空誰能謝時去聊與此生同

唐詩類苑

卷之七十九

八

憶故山贈司空文明

李端

漢王金門正召才馬卿多病自遲迴舊山覽別老將
至芳草欲闌歸去來雲在高天風會起年如流水月
長催知君素有棲禪意歲宴蓬門遲爾開

秋日思舊山

釋子蘭

咸言上國繁華豈謂帝城羈旅十點五點殘螢千聲
萬聲秋雨白雲江上故鄉月下風前吟處欲去不去
遲遲未展平生所佇

懷舊山

僧皎然

一坐西林寺從來未下山不因尋長者無事到人間

宿雨愁爲客寒花笑未還空懷舊山月童子念經閒

秘書省中憶舊山

白居易

厭從薄宦校青簡悔別故山思白雲猶喜蘭臺非傲吏歸時應免動移文

春滯沅湘有懷山中

李白

沅湘春色還風暖烟草綠古之傷心人於此腸斷續予非懷沙客但美採菱曲所願歸東山寸心於此足

落日憶山中

李白

雨後烟景絲晴天散餘霞東風隨春歸發我枝上花花落時欲暮見此令人嗟願遊名山去學道飛丹砂

唐詩類苑

卷之七十九

九

憶在山中時

僧貫休

憶在山中時丹桂花葳蕤紅泉浸瑤草日夕生華滋
箬屋開地爐翠塋挂藤衣看經竹牕邊白猿三四枝
東峯有老人眼碧頭骨奇種薤煮白石旨趣如嬰兒
月上來打門月落方始歸授我微妙訣恬然無所爲
別來六七年只恐白日飛

憶山中寄舊友

錢起

數歲白雪裏與君同采薇樹深烟不散溪靜鷺忘飛
更憶東巖趣殘陽破翠微脫巾花下醉洗藥月前歸
風景今還好如何與世違

憶東山二首

李白

不向東山久薔薇幾度花白雲他自散明月落誰家

二

我今携謝妓長嘯絕人羣欲報東山客開關掃白雲

重憶

李白

欲向江東去定將誰舉杯稽山無賀老却掉酒船回

思天台

許渾

赤城雲雪深山客負歸心昨夜西齋宿月明琪樹陰

郡齋暇日憶廬山草堂兼寄二林僧社皆叙

貶貶官已來出處之意 白居易

唐詩類苑

卷之七十九

十

諫諍知無補遷移分所當不堪匡聖主只合事空王
龍象投新社鷓鴣失故行沈吟辭北闕引向西方
便住雙林寺仍開一草堂平治行道路安置坐禪牀
手板支爲枕頭巾閣在牆先生烏几寫居士白衣裳
竟歲何曾悶終身不擬忙滅除殘夢想換盡舊心腸
世界多煩惱形神久損傷正從風鼓浪轉作日銷霜
吾道尋知止君恩偶未忘忽蒙頒鳳詔兼謝剖魚章
蓮靜方依水葵枯重仰陽三車猶夕會五馬已晨裝
去似尋前世來如別故鄉眉低出鵲嶺腳重下蛇崗
漸望廬山遠彌愁峽路長香鑪峰隱隱巴字水茫茫

瓢挂留庭樹經收在屋梁春拋紅藥圃夏憶白蓮房
唯擬捐塵事將何答寵光有期追永遠無致繼龔黃
南國秋猶熱西齋夜暫涼閑吟四句偈靜對一爐香
身老同丘井心空是道場覓僧爲去伴留伴作歸糧
爲報山中侶憑着竹下房會應歸去在松菊莫教荒

憶洞庭觀步十韻

皮日休

前時登觀步暑雨正錚鏦上戍看綿蕪登村度石砭
菴花時有簇溪鳥不成雙遠樹點黑稍遙峯露碧幢
巖根瘦似殺杉腹破如腔夜行漁人服荷簷野店牕
多携白木鐺愛買紫泉缸仙犬聲音古遺民意緒厖

唐詩類苑

卷之七十九

十一

何文堪緯地底策可經邦自此將妻子歸山不姓龐

奉和龔美憶洞庭觀步次韻

陸龜蒙

聞君遊靜境雅具更撝撝竹傘遮雲徑藤鞋踏蘚砭
杖班花不一樽大癭成雙水鳥行沙嶼山僧禮石幢
已甘三秀味誰念百年腔遠棹投何處殘陽到幾牕
仙謠珠樹曲村餉白醅缸地里方吳會人風似冉厖
探幽非遜世尋勝肯迷邦爲讀江南傳何賢過二龐

憶九華

羅隱

九華巉崿廕柴扉長憶前時此息機黃菊倚風村酒

熱淥蒲低雨釣魚歸干戈已是三年別塵土那堪
事違回首佳期恨多少夜闌霜露又沾衣

過三鄉望女几山早歲有卜築之志

羊士諤

女几山頭春雪消路傍仙杏發柔條心期欲去知何
日惆悵回車上野橋

婺州和陸諫議將赴闕懷陽羨山居

韋莊

望闕路仍遠子牟魂欲飛道開燒藥鼎僧寄臥雲衣
故國饒芳草他山挂夕暉東陽雖勝地王粲奈思歸

唐詩類苑

卷之七十九

十一

下外江舟中懷終南舊居

岑參

杉冷曉後悲楚客心欲絕孤舟已山雨雨里陽臺月
水宿已淹時蘆花白如雪顏容老難赭把鏡悲鬢髮
早年好金丹方士傳口訣弊廬終南下久與眞侶別
道書誰更開藥竈烟遂滅頃來厭塵網安得有仙骨
嚴壑歸去來公卿是何物

靜憶溪邊宅知君許謝公曉霜凝未耜初日照梧桐
澗鼠喧藤蔓山禽窺石藂白雲當嶺雨黃葉遶塔風
野果垂橋上高泉落水中歡榮來自間羸賤賞會作
難通月滿珠藏海天晴一作鶴在籠餘陰如可寄願

得隱墻東

南池夜宿思王屋青蘿舊齋

岑參

池上臥煩暑不櫛復不巾有時清風來自謂羲皇人
天晴雲歸盡雨洗月色新公事常不閑道書日生塵
早年家王屋五別青蘿春安得還舊山東溪垂釣綸

憶朝陽峯前居

項斯

每憶閑眠處朝陽最上峯溪僧來自遠林路出無蹤
敗褐粘苔遍新題出石重霞光侵曙發嵐翠近秋濃
健美機能破安危道不逢雪殘到閣庭午鶴離松

唐詩類苑

卷之七十九

十三

此地虛爲別人間久未容何時無一事却去養疎慵

晚秋有懷鄭中舊隱

白居易

天高風嫋嫋鄉思繞關河寥落歸山夢殷勤採蕨歌
病添心寂寞愁入鬢蹉跎晚樹蟬鳴少秋階日上多
長閑羨雲鶴久別愧烟蘿其奈丹墀上君恩未報何

秋日同朱慶餘懷少室舊隱

僧清塞

曾居少室黃河畔秋夢長懸未到回扶病十年離水
石思歸一夜隔風雷荒齋幾度曾眠起晚菊頻經塵
路來燈下此心誰共說傍松幽徑幾多苔

登龍尾道南望憶廬山舊隱

白居易

龍尾道邊來一望香爐峯下去無因青山舉眼三千
里白髮平頭五十人自笑形骸紆組綬將何言語掌
絲綸君恩壯健猶難報况被年來老逼身

憶廬山舊隱及洛下新居

白居易

形骸僂僂班行內骨肉勾留俸祿中無奈攀緣隨手
長亦知恩愛到頭空草堂久閉廬山下竹院新拋洛
水東自是未能歸去得世間誰要白頭翁

和友人憶洞庭舊居

劉滄

唐詩類苑

卷之七十九

十四

客舍經時益苦吟洞庭猶憶在前林青山殘月有歸
夢碧落片雲生遠心谿路烟開江月出草堂門掩海
濤深因君話舊起愁思隔水數聲何處砧

下第後懷舊居

劉滄

幾到青門未立名芳時多負故鄉情雨餘秦苑綠無
合春盡灞原白髮生每見山泉長屬意終期身事在
歸耕蘋花覆水曲谿暮獨坐釣舟歌月明

雨後懷湖山居

許渾

前山風雨涼歇馬坐垂楊何處芙蓉落南葉秋水香

憶洛中所居

白居易

忽憶東都宅春來自宛然雪銷行徑聚水上卧房前
厭綠裁黃竹嫌紅種白蓮醉教鶯送酒閑遣鶴看船
幸是林園主慙爲食祿牽宦情薄似紙鄉思急於弦
豈合姑蘇守歸休更待年

憶澧上幽居

韋應物

一來當復去猶此厭樊籠况我林栖子朝服坐南宮
唯獨問啼鳥還如澧水東

懷錦水居止二首

杜甫

軍旅西征僻風塵戰伐多猶聞蜀父老不忘舜謳歌
危險終難立柴門豈重過朝朝巫峽水遠遠錦江波

唐詩類苑

卷之七十九

五

二

萬里橋西宅百花潭北莊層軒皆面水老樹飽經霜
雪嶺界天白錦城曛日黃惜哉形勝地回首一茫茫

雲陽館懷谷口

韋應物

清泚階下流云自谷口源念昔白衣士結廬在石門
道高杳無累景靜得忘言山夕綠陰滿世移清賞存
吏役豈遑暇幽懷復朝昏雲泉非所濯蘿月不可援
長往遂真性暫遊恨卑喧出身既事世高躅難等論

懷鄉

喻鳧

秋風江上家釣船泊蘆花斷一作岸綠楊蔭疎籬紅

槿遮鼉鳴積雨窟鶴步夕陽沙抱寒竹心
月斜

始夏南園思舊里

韋應物

夏首雲物變雨餘草木繁池荷初貼水林花已掃園
繁叢蝶尚亂依閣鳥猶喧對此殘芳月憶在漢陵原

春懷故園

柳宗元

九扈鳴已晚楚鄉農事春悠悠故池水空待灌園人
憶故園

顧况

惆悵多山人復稀杜鵑啼處淚沾衣故園此去千餘
里春夢猶能夜夜歸

唐詩類苑

卷之七十九

十六

憶故州

張籍

累石爲山作野夫自收靈藥讀仙書如今身是他州
客每見青山憶舊居

想歸田園

白居易

戀他朝市求何事想取丘園樂此身千首惡詩吟過
日一壺好酒醉銷春歸鄉年亦非全老罷郡家仍未
苦貧快活不知如我者人間能有幾多人

過酒泉憶杜陵別業

岑參

昨夜宿祁連今朝過酒泉黃沙西際海白草北連天
愁裏難消日歸期尚隔年陽關萬里夢知處杜陵田

巴南舟中思陸渾別業 岑參

瀘水南州遠巴山北客稀
嶺雲撩亂起溪鷺等閒飛
鏡裏愁衰鬢舟中換旅衣
夢魂知憶處無夜不先歸

早發焉耆懷終南別業 岑參

曉笛引鄉淚秋水鳴馬啼
一身虜雲外萬里胡天西
終日見征戰連年聞鼓鼙
故山在何處昨夜夢清溪

宿蒲關東店憶杜陵別業 岑參

關門鎖歸路一夜夢還家
月落河上曉遙聞秦樹鴉
長安二月歸正好杜陵樹
邊純是花

夕戍邊城有懷京邑 駱賓王

唐詩類苑 卷之七十九 七

擾擾風塵地遑遑名利圖
盈虛一易舛心迹兩難俱
弱齡小山志寧期大丈夫
九微光賁玉千仞忽彈珠
棘寺遊三禮蓬山造八儒
懷鉛慙後進投筆願前驅
北走非通趙西之似化胡
錦車朝促候刁斗夜傳呼
戰士青絲絡將軍黃石符
連星入寶劍半月上雕弧
拜井開疎勒鳴桴動蜜須
戎機習短蓐秋稷淨長榆
季月炎初盡邊亭草早枯
層陰籠古木窮色變寒蕪
海鶴聲嘹唳城烏尾畢逋
葭繁秋色引桂滿夕輪虛
待役風霜久鄉園夢想孤
瀾池遙夏國秦海望陽紆
沙塞三千里京城十二衢
楊溝連鳳關槐路擬鴻都

壁殿規宸象金隄法斗樞
雲浮西北界月照東南隅

寶帳垂連理銀牀轉輶輪
廣庭留上客豐饌引中厨

漏緩金徒箭嬌繁玉女壺
秋濤飛喻馬春水泛仙臚

意氣風雲合言忘道術趨
共矜名已泰詎肯沫相濡

有志慙凋朽無庸類散樗
關山暫超忽形影歎艱虞

結網空知羨圖榮豈自誣
忘情同塞馬比德類駘駒

隴坂肝腸絕陽關亭障迂
迷魂驚落鴈離恨斷飛鳬

春去客華盡年來歲月無
邊愁傷郢調鄉思繞吳歊

河氣通中國山途限外區
相思若可寄冰泮有銜蘆

晚度天山有懷京邑 駱賓王

唐詩類苑 卷之七十九 六

忽上天山路依然想物華
雲疑上苑葉雪似御溝花

行嘆戎麾遠坐令衣帶賒
交河浮絕塞弱水浸流沙

旅思徒漂梗歸期未及瓜
寧知心斷絕夜夜泣胡笳

經廬岳迴望江山想洛川有作 劉允濟

劉允濟

龜山帝始營龍門禹初鑿
出入經變化俯仰憑寥廓

未若茲山功連延並巫霍
東北流巨象西南距坤絡

宏阜自鬱盤高操復迴薄
勢入柴桑渚陰開彭蠡壑

九江杳無際七澤紛相錯
雲雨散吳會風波騰鄢郢

跡隨造化久利與乾坤博
吟蛩精氣通紛綸潛怪錯

石渠忽見踐金房安可託地入天子都巖有仙人藥
二門幾迢遞三宮何儵爚咫尺窮杳冥跬步皆恬漠
才驚羽翰幽居靜龍蛇蟻明牧振雄詞地華殊灼灼
盛業匡西夏深謀贊南臺黃雲覆鼎飛絳氣橫川躍
佐曆符賢運人期茂天爵禮樂富垂髻詩書成舞勺
清輝靖巖電利器騰霜鏐遊聖挹衡樽隣畿恭木鐸
牆仞包武侯波瀾控文若旋聞刈薪楚遽覩折葵藿
稷尚序揆圖良平公輔略重臣資出守英藩諒求瘼
豫章觀偉材江州訪靈嶠陽岫曉氛氲陰崖暮蕭索
潛伏屢鯨奔雄飛更驚搏驚鶴透烟霞騰猿亂枝格

唐詩類苑

卷之七十九

九

故園有歸夢他山非行樂帝鄉徒可遊湟澗終旅泊
景物觀淮海雲霄望河洛城闕紫微星圖書玄扈閣
神功多粉繒元氣猶斟酌丞相下南宮將軍越北落
橫簪並附蟬烈鼎俱調鶴四郊時迷路五月先投翰
池榭宣瓊管風花亂珠箔遊勞夢寐新知無悅樂
天寒欲贈言歲暮期交約夜琴清玉柱秋灰變緹幕
風雲動翰林宮徵調文簫言泉激爲浪恩緒飛成繳
千里輝珠璣五采含丹雘鐘鼓旋驚鷄瑾瑜俄抵鵲
竊價慚庸怠叨聲逾寂寞長望限南溟居然翳東郭

安西館中思長安

岑參

家在日出處朝來起東風風從帝鄉來不異家信通
絕域地欲盡孤城天遂窮彌年但走馬終日隨飄蓬
寂寞不得意辛勤方在公胡塵淨古塞兵氣宅邊空
鄉路眇天外歸期如夢中遙憑長房術爲縮天山東

江路憶郡

張說

霧歛江早明星翻漢將沒臥聞峽猿響起視榜人發
倚棹攀岸條憑船弄波月水宿厭洲渚晨光屢揮忽
林澤來下窮烟波去無歇結思筇筍里遙情遊俠窟
年貌不暫留歡愉及玄髮雲涓戀山海禽馬懷燕越
自非行役人安知慕城闕

唐詩類苑

卷之七十九

十

懷灞上游

杜甫

悵望東陵道平生灞上游春濃停野騎衣宿敞雲樓
離別復誰在經過老自休眼前今古意江漢一歸舟

思江南

方干

昨日草枯今日青羈人又動望鄉情夜來有夢登歸
路不到桐廬已及明

憶江南詞三首

白居易

江南好風景舊曾諳日出江花紅勝火春來江水綠
如藍能不憶江南

江南憶最憶是杭州山寺月中尋桂子郡亭枕上看

潮頭何日更重遊

江南憶其次憶吳公吳酒一杯春竹葉吳娃雙小
芙蓉早晚復相逢

憶齊安郡

杜牧

平生睡足處雲夢澤南州一夜風欺竹連江雨送秋
格卑常汨汨力學強悠悠終掉塵中手瀟湘釣漫流

思越州山水寄朱慶餘

章孝標

牕戶潮頭雪雲霞鏡裏天島桐秋送雨江艇暮搖烟
藕折蓮芽脆茶挑茗眼鮮還將歐冶劍更淬若耶泉

憶長洲

許渾

唐詩類苑

卷之七十九

主

香徑小船通菱歌遠故宮魚沈秋水靜鳥宿暮山空
荷葉橋邊雨蘆花海上風歸心無處託高枕盡屏中

懷鹿門縣名離合二首

皮日休

山瘦更培秋後桂溪澄閒數晚來魚臺前過鴈盈千
百泉石無情不寄書

十里松蘿陰亂石門前幽事雨來新野霜濃處憐殘
菊潭上花開不見人

奉和懷鹿門縣名離合二首

陸龜蒙

雲容覆枕無非白水色侵磯直是藍田種紫芝餐可

蕭春來何事戀江南

竹溪深處後同宿松閣秋寒客共登封徑古苔修石
鹿城中誰解訪山僧

早春憶蘇州寄夢得

白居易

吳苑四時風景好就中偏好是春天霞光曙後殷於
火水色晴來嫩似烟士女笙歌宜月下使君金紫稱

花前誠知歡樂堪留戀其奈離鄉已四年

廣陵春日憶池陽有寄

羅隱

煙水濛濛接板橋數年經歷駐征橈醉凭危檻波千
頃愁倚長亭柳萬條別後故人冠獬豸病來知己賞

唐詩類苑

卷之七十九

主

鶴鵲清流夾宅千家住會待閑乘一信潮

憶夏口

羅隱

漢陽渡口蘭為舟漢陽城下多酒樓當年不得盡一
醉別夢有時還重遊襟帶可憐吞鴈塞風烟好是冷
江鷗月明更想會行處吹笛橋邊木葉秋

想東遊五十韻

白居易

太和三年予病免官後憶遊浙右數郡兼思到越
一訪微之故兩浙之間一物已上想皆在吟吟且
成篇不能自休盈五百字亦猶孫興公想天台山

而賦之也

海內時無事江南歲有秋生民皆樂業地主盡賢侯
郊靜銷戎馬城高逼斗牛平河七百里沃壤二三州
坐有湖山趣行無風浪憂食寧妨解纜寢不廢乘流
泉石諸天竺烟霞識虎丘餘芳認蘭澤遺詠思蘋洲
菡萏紅塗粉菰蒲綠潑油鮮差漁戶舍綺錯稻田溝
紫洞藏仙窟玄泉貯怪秋精神昂老鶴姿彩媚潛蚪
靜閱天工妙閑窺物狀幽投竿出比目擲果下獼猴
味苦蓮心小漿甜蔗節稠橘苞從自結藕孔是誰鍤
逐日移潮信隨風變棹謳遞夫交烈火候吏次鳴騶
梵塔形疑踊閭門勢欲浮客迎携酒榼僧待置茶甌

唐詩類苑

卷之七十九

王

小宴閑談笑初筵雅獻酬稍催朱蠟炬徐動碧牙籌
圓盞飛蓮子長裾曳石榴柘枝隨畫鼓詞笑從香毬
幕卷雲飄檻簾褰月露鈎舞繁紅袖去歌切翠眉愁
絃管靈容歇杯盤未許收良辰宜酩酊卒歲好優游
鰕鱖鮮仍細蓴絲滑自柔飽餐爲日計穩睡是身謀
名愧空虛得官知止足休自嫌猶屑屑衆笑大悠悠
物表疎形役人寰足悔尤蛾須遠燈燭免勿近罍罍
幻世春來夢浮生水上鷗百憂中莫入一醉外何求
未死癡王湛無見老鄧攸蜀琴安勝上周易在牀頭
去去無程客行行不繫舟勞君頻問訊勸我少淹留

雲雨多分散關山苦阻修一吟江月別七見日星周
珠玉傳新什鵷鸞念故儔懸旌心宛轉東楚意綢繆
驛舫粧青雀官槽餗紫駟鏡湖期遠泛禹穴約冥搜
預掃題詩壁先開望海樓飲思親履舄宿憶並余綢
志氣吾衰也風情子在不應須相見後別作一家遊
早春憶遊思黯南莊因寄長句

白居易

南莊勝處心常憶借問軒居早晚遊美景難忘竹廊
下好風爭柰柳橋頭水消見水多於地雪霽看山盡
入樓若待春深始同賞鶯殘花落却堪愁

唐詩類苑

卷之七十九

王

不見

杜甫

不見李生久佯狂真可哀世人皆欲殺言意獨憐才
敏捷詩千首飄零酒一杯匡山讀書處頭白好歸來
久不見韓侍郎戲題四韻以寄之

白居易

近來韓閣老疎我我心知量大嫌甜酒才高笑小詩
靜吟乖月夜閑醉曠花時還有愁同處春風滿鬢絲
久不得張喬消息

鄭谷

天末去程孤沿淮復向吳亂離何處甚安穩到家無
樹盡雲垂野檣稀月滿湖傷心遠村落應少舊耕夫

君不來

方干

開花未零落心緒已紛紛久客無人見新禽何處聞
舟隨一水過路出萬山分夜月生愁望孤光必照君

君不來

方干

遠路東西欲問誰寒來無處寄寒衣去時初種庭前
樹樹已勝巢人未歸

寓題

黃滔

吳中煙水越中山莫把漁樵漫自寬歸泛扁舟可容
易五湖高士是拋官

恨別

杜甫

唐詩類苑

卷之七十九

五

洛城一別四千里胡騎長驅五六年草木變衰行劍
外兵戈阻絕老江邊思家步月清宵立憶弟看雲白
日眠聞道河陽近乘勝司徒急爲破幽燕

寄贈柳九隴

盧照隣

于時春也慨然有江湖之思寄贈柳九隴

提琴一萬里負書三十年晨攀偃蹇樹暮宿清冷泉
翔禽鳴我側旅獸過我前無人且無事獨酌還獨眠
遙聞彭澤宰高弄武城絃筋骸寄文墨意氣託神仙
我有壺中要題爲物外篇將以貽好道道遠莫致旃
相思勞日夜相望阻風烟坐惜春華晚徒令客思懸

水去東南地氣凝西北天關山悲蜀道花鳥憶秦川
天子何時問公卿本亦憐自哀還自樂歸藪復歸田
海屋銀爲棟雲車電作鞭倘遇鸞將鶴誰論貂與蟬
萊洲頻度淺桃實幾成圓寄言鳬鳥客歲宴同聯翩

贈唐祖二子

王翰

鴻飛遵枉渚鹿鳴思故羣物情尚勞愛况乃予別君
別時花始發別後蘭再熏瑤觴滋白露寶瑟凝涼氛
徘徊北林月悵望南山雲雲月渺千里音徽不可聞

古意贈孫翊

涂仁友

唐詩類苑

卷之七十九

五

送辛大不及

孟浩然

雲日落廣廈鶯花對孤琴琴中多苦調悽切誰復尋
送君不相見日暮獨愁緒江上空徘徊天邊迷處所
郡邑經樊鄧河山入嵩汝滿輪去漸遙石徑徒延佇

洛中秋日

許渾

故國無歸去官閑憶遠遊吳僧秣陵寺楚客洞庭舟
久病先知雨長貧早覺秋壯心能幾許伊水更東流

和贈遠

獨孤及

憶得去年春風至中庭桃李映瑣牕美人挾瑟對芳
樹玉顏亭亭與花雙今年新花如舊時去年美人不

在茲借問離居恨深淺祗應獨有庭花知

腸

李商隱

有懷非惜恨不奈寸腸何卽席回彌久前時斷固多
熱應翻急燒冷欲徹空波隔樹漸漸雨通池點點荷
倦程山向背望國闕差巖故念飛書及新歡借夢過
桑筠休伴淚繞雪莫追歌

卽事

喻鳧

抱杖立溪口迎秋看塞門連山互蒼翠二水各清渾
笛發孤烟戍鷄歸夕照村萋萋芳草色終是憶一作思

王孫

唐詩類苑

卷之七十九

三七

如有

李商隱

如有瑤臺客相難復索歸芭蕉開綠扇茜茜薦紅衣
浦外傳光遠烟中結響微良宵一寸艷回首是重幃

明日

李商隱

天上叅旗過人間燭焰銷誰言整頓便便是隔三橋
知處黃金鑲曾來碧綺寮凭欄明日意池閣雨蕭蕭

絕句

喻鳧

銀地無塵金菊開紫梨紅棗墮莓苔一泓秋水一輪
月今夜故人來不來

題貂黃嶺官軍

韋莊

散騎蕭蕭下太行遠從吳會去陳倉斜風細雨江亭
上盡日凭欄憶楚卿

初起

李商隱

想像咸池日欲光五更鐘後更迴腸三年苦霧巴江
水不爲離人照屋梁

昨日

李商隱

昨日紫姑神去也今朝青鳥使來賒未容言語還分
散少得團圓足怨嗟一八月輪蟾影破十三絃柱鴈
行斜平明鐘後更何事笑倚牆邊梅樹花

唐詩類苑

卷之七十九

三七

唐詩類苑卷第八十

明雲間張之象玄超南纂輯

雲間顧成憲幼章甫編次

雲間王 徹叔朗甫補訂

梁谿曹仁孫伯安甫校正

人部

尋訪

訪皇甫七

白居易

上馬行數里逢花傾一杯更無停泊處還是覓君來

過賈六

蘇 晉

唐詩類苑

卷之八十

一

主人病且間客來情彌適一酌復一笑不知日將夕

昨來屬歡遊於今盡成昔努力持所趣空名定何益

使迴次柳楊過元八所居 劉長卿

君家楊柳渡來往落帆過綠竹經寒在青山欲暮多

薜蘿誠可戀婚嫁復如何無奈開門外漁翁夜夜歌

訪陳二

白居易

曉垂朱綬帶晚著白綸巾出去爲朝客歸來是野人

兩餐聊過日一榻足容身此外皆閑事時時訪老陳

過李揖宅

王 維

閑門秋草色終日無車馬客來深巷中犬吠寒林下

散髮時未簪道書行尚把與我同心人樂道安貧者

一罷宜城酌還歸洛陽社

杜 甫

鷄鳴風雨交久旱雨亦好杖藜入春泥無食起我早

諸家憶所歷一飢跡便掃蘇侯得數過歡喜每傾倒

也復可憐人呼兒具梨棗濁醪必在眼盡醉攄懷抱

紅稠屋角花碧委墻隅草親賓絕談謔喧鬧慰衰老

况蒙需澤垂糧粒或自保妻孥隔軍壘撥棄不擬道

晦日尋崔戢宅封

杜 甫

朝光入甕牖尸寢驚弊裘起行視天宇春氣漸和柔

唐詩類苑

卷之八十

二

興來不暇懶今晨梳我頭出門無所待徒步覺自由

杖藜復恣意免值公與侯晚定崔李交會心真罕儔

每過得酒傾二宅可淹留喜結仁里懼况因令節求

李生園欲荒舊竹頗脩脩引客看掃除隨事成獻酬

崔侯初筵色已畏空尊愁未知天下士至性有此不

草芽既青出蜂聲亦煖遊思見農器陳何當甲兵休

上古葛天氏不貽黃屋憂至今阮籍等熟醉爲身謀

威鳳高其翔長鯨吞九州地軸爲之翻百川皆亂流

當歌欲一放淚下恐莫收濁醪有妙理庶用慰沈浮

雪晴訪趙嘏街西所居三韻

杜牧

命代風騷將誰登李杜壇少陵鯨海動翰苑鶴天寒
今日訪君還有意三條水雪獨來看

夏晚尋于政世置酒賦韻 陳子良

聊從嘉遁所酌醴共抽簪以茲山水地留連風月心
長榆落照盡高柳暮蟬吟一返桃源路別後難追尋

送人尋裴斐 儲光義

柱史迴清憲謫居臨漢川遲君千里駕方外賞雲泉
路斷因春水山深遊暝煙湘江見遊女寄摘一枝蓮

訪許用晦 張祐

唐詩類苑 卷之八十 三

遠郭日曛曛停撓一訪君小橋通野水高樹入江雲
酒興曾無敵詩情舊逸群恠來音信少五十我無聞

尋李暹 于鵠

任性常多出人來得見稀市樓逢酒住野寺送僧歸
簷下懸秋葉籬頭曬褐衣門前南北路誰肯入柴扉

訪李甘原居 賈島

原西居處靜門對曲江開石縫銜枯草查根上淨苔
一作清 翠微泉夜落紫閣鳥時來仍憶尋淇岸同行

探蕨迴

尋賈島所居 朱慶餘

求閒身未得此日到京東獨在鐘聲外相逢 邑中

誰言人漸老所向意皆同月上因留宿移牀對藥叢

西山尋辛諤 孟浩然

漾舟乘水便因訪故人落清川裏誰言獨羨魚
石潭窺洞徹沙岸歷紆餘竹嶼見垂釣茅齋聞讀書

疑言忘景夕清興屬涼初回也一瓢飲賢哉常晏如

夜尋司空文明逢深上人因寄晉侍御

李端

鶴裘筇竹杖語笑過林中正是月明夜陶家見遠公

自嫌山客務不與漢官同

唐詩類苑 卷之八十 四

訪許顏 杜牧

門近寒谿窻近山枕山流水日潺湲長妹世上浮雲
客老向塵中不解顏

過李生 白居易

蘋小蒲葉短南湖春水生子近湖邊住靜境稱高情

我為郡司馬散拙無所營使君知性野衙退任閑行

行攜小榼出逢花輒獨傾半酣到子舍下馬扣柴荆

何以引我步繞籬竹萬莖何以醒我酒吳音吟一聲

須更進野飯飯稻茹芹英白甌青竹筍儉潔無羶腥

欲去復徘徊夕鴉已飛鳴何當重遊此待君湖水平

檀谿尋故人

孟浩然

花半栽龍竹池分躍馬谿田園人不見疑向洞中栖

過雍秀才居

賈島

夏木鳥巢邊終南嶺色鮮就涼安坐石煮茗汲隣泉
鐘遠清霄半蜩稀暑雨前幽齋如葺罷約我一來眠

同盧拾遺章給事過東山別業

王維

給事首春休沐維已陪遊及乎是行亦預聞命會

無車馬不果斯諾

託身侍雲陞昧早趨華軒遂陪鵷鴻侶霄漢同飛翻

唐詩類苑

卷之八十

五

君子垂惠顧期我於田園側聞景龍際親降南面尊
萬乘駐山外順風祈一言高陽多夢龍荆山積璵璠
盛德啓前烈大賢鍾後昆侍郎文昌官給事東坡垣
謁帝俱來下冠蓋盈丘樊閨風首邦族庭訓延鄉村
采地包山河樹井竟川原巖端迴綺檻谷口開朱門
階下群峰首雲中瀑水源鳴玉滿春山列筵先朝暎
會舞何颯踏擊鐘彌朝昏是時陽和節清晝猶未暄
謁謁樹色深嚶嚶鳥聲繁顧已負宿諾延頸慙芳蓀
蹇步守窮巷高駕難攀援素是獨往客脫冠情彌敦
博晉鄭太守自廬山千里相尋入江夏北市

門見訪却之武陵立馬贈別

李白

大梁貴公子氣蓋蒼梧雲若無三千客誰道信陵君
救趙復存魏英威天下聞邯鄲能屈節訪博從毛薛
夷門得隱淪而與侯生親仍要鼓刀者乃是袖鎚人
好士不盡心何能保其身多君重然諾意氣遙相託
五馬入市門金鞍照城郭都忘虎竹貴且與荷衣樂
去去桃花源何時見歸軒相思無終極腸斷明江猿

送高司直尋封閬州

杜甫

丹雀銜書來暮栖何鄉樹驛驛事天子辛苦在道路

唐詩類苑

卷之八十

六

司直非冗官荒山甚無趣借問泛舟人胡爲入雲霧
與子姻婭間既親亦有故萬里長江邊邂逅一相遇
長卿消渴再公幹沈綿屢清談慰老夫開卷得佳句
時見文章士欣然淡情素伏枕聞別離矚能忍漂寓
良會苦短促谿行水奔注熊羆咆空林游子慎馳驚
西謁巴中侯艱險如跬步主人不世才先帝常特顧
拔爲天軍佐崇大王法度淮海生清風南翁尚思慕
公官造廣厦木石乃無數初聞伐松栢猶卧天一柱
我瘦書不成成字讀亦誤爲我問故人勞心練征戍
過王判官西津所居

岑參

勝跡不在遠愛君池館幽素懷巖中諾先得塵外遊
何必到清谿忽來見滄洲潛移岷山石暗引巴江流
樹密晝先夜竹深夏已秋沙鳥上筆牀谿花簷簾釣
夫子賤簪冕注心向林丘落日出公堂垂綸乘釣舟
賦詩憶楚老載酒隨江鷗翛然一傲吏獨在西津頭
夏日尋藍田唐丞登高宴集

儲光義

東望春明門駕言聊出遊南行小徑盡綠竹臨清流
君出罷六安居此淡忘憂園林與城市間井隨人幽
披顏闢衡闔置酒登崇丘山河臨咫尺宇宙窮寸眸
唐詩類苑 卷之八十 七

是時春載陽佳氣滿皇州宮殿碧雲裏鴛鴦初命儔
良辰方在茲志士安得休成名苟有地何必東陵侯

尋楊七郎中宅卽事

岑參

萬事信蒼蒼機心久已忘無端來出守不是厭爲郎
雨滴芭蕉赤霜催橘子黃逢君開口笑何處有他鄉
九月一日過孟十二倉曹十四主簿

杜甫

藜杖侵寒露蓬門啓曙煙力稀經樹歇老困撥書眠
秋覺追隨盡來因孝友偏清談見滋味爾輩可忘年

汝南過訪田評事

方干

移家近漢陰不復問華簪買酒宜城遠燒田夢澤深
暮山逢鳥入寒水見魚沈與物皆無異終年恆本心

過錢員外

司空曙

爲郎頭已白跡向市朝稀移病居荒宅安貧著敗衣
野園隨客醉雪寺伴僧歸自說東風下松蘿滿故扉

過谷口元贊善所居

李端

入谷訪君來秋泉已難涉林間人獨坐月下山相接
重露濕蒼苔明燈照黃葉故交一不見素髮何稠疊

春日過李侍御

盧綸

高柳滿春城東園有鳥聲折花朝露滴漱石野泉清

唐詩類苑 卷之八十 八

心許陶家醉詩逢謝客呈應憐末行吏曾是曾諸生

僻居謝何明府見訪

伍喬

公退琴堂動逸懷閑披煙靄訪微才馬嘶窮巷蛙聲
息輟到衡門草色開風引柳花當坐起日將林影入

庭來滿齋塵土一牀蘚多謝從容水飯迴

尋人偶題

邵真

日晏不復午落花難歸樹人生能幾何莫厭相逢遇

秋日訪同人

李咸用

忽憶金闕友攜琴去自由遠尋寒澗碧深入亂山秋
見後却無語別來長獨愁幸逢三五夕露坐對冥搜

收南京後還上都兼訪一二親故

方干

離堂千里客歸騎五陵人路轉幽關晚煙開上苑新
天涯將野眼闕下見鄉親問得存亡事裁書寄海濱

和金吾裴將軍使往河北宣慰因訪張氏昆

季舊居燕寄趙侍郎趙卿拜陵未迴

盧綸

飛軒不駐輪感激漢儒臣氣攝千夫勇恩傳萬里春
古原牧野燎寒笛怨空隣書此達良友五陵風雨頻

城南訪裴氏昆季

李約

唐詩類苑

卷之八十

九

相思起中夜夙駕訪柴荆早霧桑柘隱曉光豁澗明
村蹊高棘間往往斷新耕貧野煙火微盡無鳥鶯聲
田頭逢餉人道君南山行南山千里峰盡是相思情
野老無拜揖村童多躑躅相呼看車馬顏色喜相驚
荒圃鷄豚樂雨牆禾莠生欲君知我來壁上空書名

訪隱

李商隱

路到層峯斷門依老一作樹開月從平楚轉泉自上

方來薤白羅朝饌松黃暖夜杯相留笑孫綽空解賦

天台

策杖尋隱士

王績

策杖尋隱士行行路漸賒石梁橫澗斷土室映山
孝然疑集作有舍威輦遂無家置酒燒枯葉披書坐
落花新垂滋水釣舊結茂陵且歲歲長如此方知輕
世華

易州過郝逸人居

賈島

每逢詞翰客邀我共尋君果見閒居賦未曾流俗聞
也知隣市井宛似出囂氛却笑巢由輩何須隱白雲

尋裴處士

孟郊

涉水更登陸所向皆清真寒草不藏徑靈峰知有人
悠哉鍊金客獨與煙霞親曾是欲輕舉誰言空隱淪

唐詩類苑

卷之八十

十

遠心寄白月一作華髮迴青春對此欽勝事胡為勞
我身

夜尋盧處士

耿漳

月高鷄犬靜門掩向寒塘夜竹深茅宇秋庭冷石牀
住山年已遠服藥壽偏長虛棄如吾一作者逢君益

自傷

尋北崗韓處士

周賀

相過值早涼松篁掃山牀坐石泉痕黑登城鮮色黃
逆風沈寺磬初日曬隣桑幾處逢僧說期來宿北崗

過鄭處士

白居易

聞道移居村塢間竹林多處獨開關故來不是求他
事暫借南亭一望山

尋高鳳石門山中元丹丘 李白

尋幽無前期乘興不覺遠蒼崖渺難涉白日忽欲晚
未窮三四山已歷千萬轉寂寂聞猿愁行行見雲收
高松來好月空谷宜清秋谿深古雪在石斷寒泉流
峰巒秀中天登眺不可盡丹丘遙相呼顧我忽而哂
遂造幽谷間始知靜者閒留歡達永夜清曉方言還

憑李睦州訪徐凝山人 白居易

郡守輕詩客鄉人薄釣翁解憐徐處士唯有李郎中

唐詩類苑

卷之十

十一

武威同諸公過楊七山人 高適

幕府日多暇田家歲復登相知恨不早乘興乃無恒
窮巷在喬水深齋垂古藤邊城唯有醉此外更何能

尋少室張山人聞與偃師周明府同入都

岑參

中峰鍊金客昨日遊人間葉縣見共去葛陂龍暫還
春雲湊深水秋雨懸空山寂寂青谿上空餘丹竈閒

尋魯城北范居士失道落蒼耳中見范置酒

摘蒼耳作

李白

鴈度秋色遠日靜無雲時客心不自得浩漫將何之

忽憶范野人閒園養幽姿茫然起逸興但恐行來遲
城壕失往路馬首迷荒陂不惜翠雲裘遂爲蒼耳欺
入門且一笑把臂君爲誰酒客愛秋蔬山盤薦霜梨
他筵不下筋此席忘朝餓酸棗垂北郭寒瓜蔓東籬
還傾四五酌自詠猛虎詞近作十日歡遠爲千載期
風流自簸蕩誰浪偏相宜酣來上馬去却笑高陽池

陪王郎中尋孔徵君

韋應物

俗吏間居少同人會面難偶隨香署客來訪竹林觀
暮館花微落春城雨暫寒癡間聊共酌莫使宦情闌
贈鄭徵君家匡山首春與丞相贊皇公遊止

唐詩類苑

卷之十

十一

溫庭筠

一拋蘭棹逐燕鴻曾向江湖識謝公每到朱門還悵
望故山多在畫屏中

訪山友

曹松

一逕通高屋重雲翳兩原山寒初宿頂泉落未知根
急雨洗荒壁驚風開靜門聽君吟廢夜苦却建谿猿

尋南谿常山道人隱居

劉長卿

一路經行處一作苔見履痕白雲依靜渚春草閉
閑門過雨看松色隨山到水源谿花與禪意相對亦

忘言

春日尋柳先生

耿漳

言是商山老塵心莫問年白髯垂短策烏帽據梧偏
酒熟飛巴雨丹成見海田疎雲披遠水景動石牀前

晚到盤屋耆老家

盧綸

老翁曾舊識相引出柴門苦話別時事因尋谿上村
數年何處客近日幾家存冒雨看禾黍逢人憶子孫
亂藤穿井口流水到籬根惆悵不堪住空山月又昏

尋龍井楊老

劉長卿

柴門草舍絕風塵空谷耕田學子真泉咽恐勞經隴
底山深不覺有秦人手栽松樹蒼蒼老身卧桃園寂

唐詩類苑

卷之八十

三

寂春唯有胡麻當雞黍白雲來往未嫌貧

尋香山湛上人

孟浩然

朝游訪名山山遠在空翠氛氲亘百里日入行始至
谷口聞鐘聲林端識香氣杖策尋故人解鞍暫停騎
石門殊豁險篁筵轉森邃法侶欣相逢清談曉不寐
平生慕真隱累日探奇異野老朝入田山僧暮歸寺
松泉多逸響苔壁饒古意願言投此山身世兩相棄

陪栢臺友訪聰上人

孟浩然

欣逢栢臺舊共謁聰公禪石室無人到繩牀見虎眠
陰厓常抱雪松澗爲生泉出處雖云異同權在法筵

尋雍尊師隱居

李白

群峭碧磨天逍遙不記年撥雲尋古道倚樹聽流泉
花暖青牛臥松高白鶴眠語來江色暮獨自下寒煙
和武三思於天中寺尋復禮上人之作

蘇味道

潘戚三雍暇禪居二室隈忽聞從桂苑移步踐花臺
敏學推多藝高談屬辨才非寧滯著空有掠嫌猜
五行幽機暢三番妙鍵開味同甘露灑香似逆風來
砌古留方石池清辨燒灰人尋鶴州返月逐虎谿迴
連躅瞻飛蓋攀游想玉杯願陪爲善樂從此去塵埃

唐詩類苑

卷之八十

十四

訪鑒玄師姪

賈島

維摩青石講初休緣訪親宗到普州我有軍持憑弟
子岳陽谿裏汲寒流

罷章陵令山居過中峰道者二首

錢起

寧辭園令秩不改淵明調解印無與言見山始一笑
幽人還絕境誰道苦奔峭隨雲剩渡谿出門更垂釣
吾廬青霞裏窓樹玄猿嘯微月清風來方知散髮妙

二

丘壑趣如此暮年始栖偃願遇無心雲不笑歸來晚

鳴鳩拂紅枝初服傍清畎昨日山僧來猶嫌嘉遁
託君紫陽家路滅心更遠梯雲創其居抱犢上絕巘
杏田谿一曲霞境峰幾轉路石掛飛泉謝公應在眼
願言攜手去採藥長不返

尋西山隱者不遇

丘爲

絕頂一茆茨直上三十里叩關無僮僕窺室唯案几
若非巾柴車應是釣秋水蹉跎不相見僂俛空仰止
草色新雨中松聲晚窓裏及茲契幽絕自足盪心耳
雖無賓主意頗得清淨理興盡方下山何必待之子
薊門不遇王之渙郭密之因以留贈

唐詩類苑

卷之八十

十五

高適

適遠登薊丘茲晨獨搔屑賢交不可見吾願終難說
迢遞千里遊羈離十年別才華仰清興功業嗟芳節
曠蕩阻雲海蕭條帶風雪逢時事多謬失路心彌折
行矣勿重陳懷君但愁絕

尋山僧不遇作

李白

石徑入丹壑松門閉青苔開塔有鳥跡禪室無人開
窺窓見白拂掛壁生塵埃使我空嘆息欲去仍徘徊
香雲徧山起花雨後天來已有空樂好况聞清猿哀
了然絕世事此地方悠哉

訪陸羽處士不遇

僧皎然

太湖東西路吳王古山前所思不可見歸鴻自翩翩
何山賞春茗何處弄春泉莫是滄浪子悠悠一釣船
往丹陽尋陸處士不遇 僧皎然

遠客殊未歸我來幾惆悵叩關一日不見人繞屋寒
華笑相向寂寂寒花徧荒阡柳色蕭蕭愁暮蟬行人
無數不相識獨立雲陽古水邊鳳翅山中思古寺魚
竿村口望歸船歸船不見見寒煙離心遠水共悠然
他日相期那可定閒僧著處卽經年

洛中訪袁拾遺不遇

孟浩然

唐詩類苑

卷之八十

十六

洛陽訪才子江嶺作流人見說梅花早何如此地春

過白鶴觀尋岑秀才不遇

劉長卿

不知方外客何事鏤空房應向桃源裏教他喚阮郎
同諸公尋李方直不遇 包何

聞說到楊州吹簫憶舊游人來都不見莫是上迷樓

明月灣尋賀九不遇二首

劉長卿

楚水日夜綠傍江春草滋青青遙滿目萬里傷心歸

春草滋 云春色深
傷心歸 云傷心歸

故人川上復何之明月灣南空所思故人不在明月
在誰見孤舟來去時

玄元觀尋李先生不遇 魏知古

羽客今何在空尋伊洛間忽聞歸舊縣復想入函關
未作千年別猶應七日還神僊不可見寂寞返蓬山

訪戴天山道士不遇 李白

犬吠水聲中桃花帶雨濃樹深時見鹿谿午不聞鐘
野竹分青靄飛泉挂碧峰無人知所去愁倚兩三松

尋洪尊師不遇 劉長卿

古木無人地來尋羽客家道書堆玉按僊帙疊青霞
鶴老難知歲梅寒未作花山中不相見何處化丹砂

尋胡處士不遇 韓翃

唐詩類苑 卷之八十 七
到來心自足不見亦相親說法思居士忘機憶丈人
微風吹藥案晴日照茶巾幽興殊未盡東城飛暮塵

泛舟尋鬱林寺道玄上人遇雨而返因寄 許渾

禪扉倚石梯雲濕雨淒淒草色分松逕泉聲咽稻畦
棹移灘鳥沒鐘斷嶺猿啼入夜花如雪迴舟憶剡谿

王秀才自越見訪不遇題詩而回因以酬寄 許渾

南齋知數宿半爲木蘭開晴閣留詩遍春帆載酒回
望深揚子宅雲斷越王臺自有孤舟興無妨更一來

訪僧不遇 于鄴

人間唯此道長得綠苔衣及戶無行跡游方應未歸
平生何限事到此盡知非獨倚松門久陰雲昏翠微

過龍灣五王閣訪友人不遇 戴叔倫

野橋秋水落江閣暝煙微白日又欲午高人猶未歸
青林依石塔虛館靜柴扉久坐思題字翻憐柿葉稀

訪陸鴻漸不遇 僧皎然

移家雖帶郭野徑入桑麻近種籬邊菊秋來未著花
叩門無犬吠欲去問西家報道山中去歸時每日斜

與韓侍御同尋李七舍人不遇題壁留贈 獨孤及

三徑何寂寂主人山上山亭空簷月在水落釣磯閑
藥院雞犬靜酒壚苔蘚班知君少機事當待暮雲還

訪友人不遇 李咸用

出門無至友動即到君家空掩一庭竹去看何寺花
短僮應捧杖稚女學擎茶吟罷留題處苔階日影斜

與袁補闕尋蔡拾遺不遇一首會此公出行 張九齡

後蔡有五韻詩見贈以此篇答焉

轍迹陳家巷詩書孟子鄰偶來乘興者不值草玄人
契是忘年合情非累日申聞君還薄暮見眷及茲辰
贈我如瓊玖將何報所親

至饒州尋陶十七不在寄贈

劉長卿

謫宦投東道逢君已北轅孤蓬向何處五柳不開門
去國空迴首懷賢欲訴冤梅枝看嶺嶠竹路過湘源
月下高秋鴈天南獨夜猿離心與流水萬里共朝昏

草堂村尋羅生不遇

岑參

數株谿柳色依依深巷斜陽暮鳥飛門前雪滿無人
唐詩類苑卷之八十

十九

迹應是先生出未歸

嵩山尋馮鍊師不遇

崔曙

青谿訪道凌煙曙王子儂成已飛去更值空山雲雨
時雲林薄暮歸何處

訪李卿不遇

錢起

畫戟朱樓映晚霞高門寒柳度飛鴉門前不見歸軒
至城上愁看落日斜

休假日訪王侍御不遇

韋應物

九日驅馳一日閒尋君不遇又空還恹來詩思清人
骨門對寒流雪滿山

訪韓司空不遇

李嘉祐

圖書風流似長康文詞體格效陳王蓬萊對去歸常
晚叢竹間飛滿夕陽

訪隱者不遇成二絕

李商隱

秋水悠悠浸野扉夢中來數覺來稀玄蟬去盡黃葉
落一樹冬青人未歸

城郭休過識者稀哀猿啼處有柴扉滄江白石樵漁
路日暮歸來雨滿衣

訪潯陽友人不遇

韋莊

不見安期海上樓寂寞人對鷺鷥愁蘆花雨急江煙
唐詩類苑卷之八十

二十一

暝何處潺潺獨棹舟

晚出尋人不遇

白居易

籃輦不乘乘晚涼相尋不遇亦無妨輕衣隱馬槐陰
下自要閑行一兩坊

詣紅樓院尋廣宣不遇留題

李益

柿葉翻紅霜景秋碧天如水倚江樓隔窓愛竹無人
問遣向鄰房覓戶鉤

春日與裴迪過新昌里訪呂逸人不遇

王維

春日與裴迪過新昌里訪呂逸人不遇

桃源一向絕風塵，柳市南頭訪隱淪。到門不敢題凡鳥，看竹何須問主人。城外青山如屋裏，東家流水入西鄰。閉戶著書多歲月，種松皆作老龍鱗。

春日同王右丞過新昌里訪呂逸人不遇

裴迪

恨不逢君出荷簑，青松白屋更無他。陶令五男曾不有，蔣生三逕枉相過。芙蓉曲沼春流滿，薜荔成帷晚靄多。聞說桃源好迷客，不如高卧聘庭柯。

尋司空李郎中不遇

錢起

知己知音同舍郎，如何咫尺阻清揚。每恨兼葭傍芳

唐詩類苑

卷之八十

王

樹多慚新燕，入華堂重花。不隔陳蕃榻，脩竹能深夫。子墻唯有早朝趨，鳳閣朝時，伶羽接鸞行。

尋李山人不遇

王建

山客長須少在時，谿中放鶴洞中基。生金有氣尋還遠，仙藥成窠見即移。莫爲無家陪寺食，應緣將米寄人炊。從頭石上留名去，獨向南峰問老師。

尋趙尊師不遇

姚鵠

羽客朝元晝掩扉，松中一逕霧中微。松陰逸院鶴相對，山色滿樓人未歸。盡日獨思風馭返，寥天幾望野雲飛。憑高目斷無消息，自醉自吟愁落輝。

尋郭道士不遇

白居易

郡中乞暇來相訪，洞裏朝元去不逢。看院祇留雙白鶴，入門唯見一青松。藥爐有火丹應伏，雲碓無人水自舂。欲問參同契，中事更期何日得從容。

訪別韋隱居不值

并序

許渾

余行至雙巖溪，訪韋隱居，已榜舟謁開元寺水閣，見送棹回，已晚，因題是詩留別。

犬吠雙巖碧樹間，主人朝出半開關。湯師閣上留詩別，杜叟橋邊載酒還。櫟塢炭煙晴過嶺，蓼村漁火夜移灣。故鄉蕪沒兵戈後，憑向溪南買一山。

唐詩類苑

卷之八十

王

與張道士同訪李隱居不遇

許渾

千巖萬壑獨攜琴，知在陵陽一作陽不可尋。去轍已平秋草遍，空一作寒齊長掩暮雲深。霜寒橡栗留嚴一作霜供山鼠，月冷菰蒲散水禽。唯有西鄰張仲蔚，坐來同

愴別離心

匡城尋薛閑秀才不遇

劉滄

音容一別近三年，往事空思意浩然。疋馬東西何處客，孤城楊柳晚來蟬。路長草色秋山綠，川闊晴光遠水連。不見故人勞夢寐，獨吟風月過南燕。

趙十四兄見訪

王昌齡

客來舒長簾開閣延清風但有無絃琴共君盡樽中
晚來常讀易墳者獨還嵩世事何須道黃精且養蒙
嵇康殊寡識張翰獨知終忽憶鱸魚膾扁舟往江東

王迥見尋

孟浩然

閑歸日無事雲臥晝不起有客欸柴扉自云巢居子
居閑好芝朮采藥來城市家在鹿門山常遊澗澤水
手持白羽扇脚步青芒履聞道鶴書徵臨流還洗耳

夏日李公見訪

杜甫

遠林暑氣薄公子過我遊貧居類村塢僻近城南樓
唐詩類苑 卷之八十

唐詩類苑

卷之八十

傍舍頗淳朴所願亦易求隔屋喚西家借問有酒不
墻頭過濁醪展席俯長流清風左右至客意已驚秋
巢多衆鳥闌葉密鳴蟬稠苦遭此物聒孰謂吾廬幽
水花晚色靜庶足充淹留預恐罇中盡更起爲君謀

答韋司業垂訪五首

蕭穎士

呦呦食苹鹿常飲清泠川但悅豐草美寧知牢饌鮮
主人有幽意將以充林泉羅網幸免傷蒙君復羈牽
高堂列衆賓廣坐鳴清絃俯仰轉驚惕徘徊獨憂煎
緬懷雲巖路欲往無由緣物各有所好違之傷自然

二

神龜在南國緬邈湘川陰遊止蓮葉上歲時嘉樹林
毒蟲且不近斤斧何由尋錯落負奇文榮耀耀并金
江山萬里餘淮海阻且深獨保貞素質不爲寒暑侵
一逢盛明代應見通靈心

三

晉代有儒臣當年富辭藻立言寄清史將以贊王道
遼落緬歲時辛勤歷江島且言風波倦探涉豈爲寶
不遇庾征西云誰展懷抱士貧乏知己安得成所好

四

彭陽昔遊說願謁南郢都王果尚未達况從夷節謨
唐詩類苑 卷之八十

唐詩類苑

卷之八十

豈知晉叔向無罪嬰囚拘臨難俟解紛獨知祁大夫
舉讐且不棄何必論親疎夫子覺者也其能遺我乎

五

關西一公子年貌獨青春披褐來上京翳然聲未振
中郎何爲者倒屣驚座賓詞賦豈不佳盛名亦相因
爲君奏此曲此曲多苦辛千載不可誣孰言今無人
李侍御河北使迴至東京相訪

劉長卿

故人南臺秀夙擅中朝美擁傳從北來飛霜日千里
貧居幸相訪顧我柴門裏却訝繡衣人仍交布衣士

王程遽爾迫別戀從此始濁酒未暇斟清文頗垂示
迴瞻驄馬速但見行塵起日暮汀洲寒春風渡流水
草色官道邊桃花御溝裏天涯一鳥夕惆悵知何已

謝李輶再到

孟郊

等閒拜日晚夫妻猶相瘡况是賢人冤何必哭飛揚
昨夜夢得劍為君藏中腸會將當風烹血染布衣裳
勞君又扣門詞句失尋常我不忍出廳血字濕土牆
血字耿不滅我心懼惶惶會有鏗鏘夫見之目生光
生光非等閑君其且安詳

酬思黯相公見過弊居戲贈

唐詩類苑

卷之八十

五

白居易

軒蓋光照地行人為徘徊呼傳君子出乃是故人來
訪我入窮巷引君登小臺臺前多竹樹池上無塵埃
貧家何所有新酒三兩杯疑曲語上馬從容復遲迴
留守不外宿日斜宮漏催但留金刀贈未接玉山頽
家醞不敢惜待君來即開村妓不辭出恐君驟然哈

舟中李山人訪宿

白居易

日暮舟悄悄煙生水沈沈何以延宿客夜酒與秋琴
來客道門子來自嵩高岑軒軒舉人貌豁豁開清襟
得意言語斷入玄滋味深默然相顧哂心適而忘心

友人夜訪

白居易

簷間清風簾松下明月杯幽意正如此况乃故人來

蕭庶子相過

白居易

半日停車馬何人在白家慙慙蕭庶子愛酒不嫌茶

喜祖三至留宿

王維

門前洛陽客下馬拂征衣不枉故人駕平生多掩扉
行人返深巷積雪帶餘暉早歲同袍者高車何處歸

答王維留宿

祖詠

四年不相見相見復何為握手言未畢却令傷別離
升堂還駐馬酌醴便呼兒語嘿自相對安用傍人知

唐詩類苑

卷之八十

五

鄭果州相過

王維

麗日照殘春初晴草木新牀前磨鏡客樹下灌園人
五馬驚窮巷雙童逐老身中厨辦麤飯當恕阮家貧

裴司士見尋

孟浩然

府僚能枉駕家醞復新開落日池上酌清風松下來
厨人具雞黍稚子摘楊梅誰道山翁醉猶能騎馬迴

王竟攜酒高亦同過

杜甫

臥病荒郊遠通行小徑難故人能領客攜酒重相看
自愧無鮭菜空煩卸馬鞍移時勸山簡頭白恐風寒

徐九少尹見過

杜甫

晚景孤村僻行軍數騎來交新徒有喜禮厚愧無才
賞靜憐雲竹忘歸步月臺何當看花藥欲發照江梅

范二負外選吳十侍御郁特枉駕闕展侍聊

寄此作

杜甫

覽往北鄰去空聞二妙歸幽棲誠簡略衰白已光輝
野外貧家遠村中好客稀論文或不愧重肯欸柴扉

過客相尋

杜甫

窮老真無事江山已定居地幽忘盥櫛客至罷琴書
挂壁移篴果呼兒問煮魚時聞繫舟楫及此問吾廬

有客

杜甫

唐詩類苑 卷之八十

王

患氣經時久臨江卜宅新喧卑方避俗疎快頗宜人
有客過茅宇呼兒正葛巾自鋤稀菜甲小摘為情親
王十五司馬弟出郭相訪兼遺營草堂貲

杜甫

客裏何遷次江邊正寂寥肯來尋一老愁破是今朝
憂我營茅棟攜錢過野橋他鄉唯表弟還往莫辭遙

謝友人見訪留詩

僧懷楚

軒車誰肯到泉石自相親暮雨凋殘寺秋風悵望人
庭新一片葉衣故十年塵賴有瑤華贈清吟愈病身

郭虛舟相訪

白居易

朝暖就南軒暮寒歸後屋晚酒一兩杯夜棋三四局
寒灰埋暗火曉燭凝殘燭不嫌貧冷人時來同一宿

夢得因病攜酒相尋先以此寄

白居易

病來知少客何可以為娛日宴開門未秋寒有酒無
自宜相慰問何必待招呼小疾無妨飲還須挈一壺

張常侍相訪

白居易

西亭晚寂寞鶯散柳陰繁水戶簾不捲風牀席自翻
思聞車馬客來訪蓬蒿門况是張常侍安得不開樽

長孫霞李湊自紫閣白閣二峰見訪

唐詩類苑

卷之八十

天

賈島

寂寞吾廬貧同來二閣人所論唯野事招作一作住
雲隣古寺期秋宿平林散早春漱流今已矣巢許豈
堯臣

夜喜賀蘭三見訪

賈島

漏鐘仍夜淺時節欲秋分泉聒棲松鶴風除翳月雲
踏苔行引興枕石臥論文即此尋常靜來多祇是君

僻居無可上人相訪

賈島

自從居此地少有事相關積雨荒隣圃秋池照遠山
硯中枯葉落枕上斷雲閑野客將禪子依依偏往還

徐侍郎素未相識時攜酒命饌兼命諸詩客

同訪會稽山居

馬戴

忽道僊翁至幽人學拜迎華簪窺窺牖珍味代藜羹
洗硯魚仍戲移樽鳥不驚蘭亭攀叙却會此越中營

友生攜脩睦上人詩見訪

李咸用

雪中敲竹戶袖出岳僧詩語盡景皆活吟闌角獨吹
意如將俗背業必少人知共酌冰銷日雲邊訪所思

秋夜喜盧司直嚴少府訪宿

耿漳

寂寂閉層城悠悠此夜情早涼過鬢髮秋思入柴荆

唐詩類苑

卷之八十

三

嚴子多高趣盧公有盛名還如杜陵下暫拂蔣元卿

山中枉張宙員外書期訪衡門

秦系

常恨相知晚朝來枉數行臥雲驚聖代拂石候仙郎

時果連枝熟春醪滿甕香貧家仍有趣山色滿湖光

河南嚴尹弟見宿敝廬訪別人賦十韻

王維

上客能論道吾生學養蒙貧交世情外才子古人中

冠上方簪豸車邊已畫熊拂衣迎五馬垂手憑雙童

花醪和松屑茶香透竹叢薄霜澄夜月殘雪帶春風

古壁蒼苔黑寒山遠燒紅眼看東侯別心事北川同
爲學輕先輩何能訪老翁欲知今日後不樂爲車公

至日荷李常侍過郊居

熊孺登

賤子守柴荆誰人記姓名風雲千騎降草木一陽生
禮異江河動歡殊里巷驚稱觴容侍坐看竹許同行

遇覺滄溟淺恩疑太嶽輕盡搜天地物無論此時情

喜侯十七校書見訪

耿漳

東城獨屏居有客到吾廬發廩因春黍開畦復剪蔬
許酣令乞酒辭宴任無魚徧出新成句更通未悟書

藤絲秋不長竹粉雨仍餘誰爲須張燭涼空有望舒

唐詩類苑

卷之八十

三

喜韓樽相過

岑參

三月灞陵春已老故人相逢耐醉倒甕頭春酒黃花
脂祿米只充沽酒資長安城中足年少獨共韓侯開

口笑桃花點地紅班班有酒留君且莫還與君兄弟

日攜手世上虛名好是閑

高軒過

韓員外愈皇甫侍御

李賀

華裾織翠青如葱金環壓轡搖玲瓏馬蹄隱耳聲隆隆
墮入門下馬氣如虹云是東京才子文章鉅公二十

八宿羅心賀元精耿耿貫當中殿前作賦聲摩空筆

補造化天無功龐眉書客感秋蓬誰知死草生華風

我今垂翅附冥鴻他日不羞蛇作龍

喜園田韓少府見訪

胡令能

忽聞梅福來相訪笑著荷衣出草堂兒童不慣見車馬爭入蘆花深處藏

姚侍御見過戲贈

白居易

晚起春寒慵裹頭客來池上偶同遊東臺御史多提舉莫按金章繫布裘

曲江夜歸聞元八見訪

白居易

自入臺來見面稀班中遙得揖容輝早知相憶來相訪悔待江頭明月歸

唐詩類苑

卷之八十

三

嚴中丞枉駕見過

杜甫

元戎小隊出郊坰問柳尋花到野亭川合東西瞻使節地分南北任浮萍扁舟不獨歸張翰皂帽應兼似管寧寂寞江天雲霧裏何人道有少微星

嚴公仲夏枉駕草堂攜酒饌得寒字

杜甫

竹裏行厨洗玉盤花邊立馬簇金鞍非關使者徵求急自識將軍禮數寬百年地僻柴門迥五月江深草閣寒看弄漁舟移白日老農何有罄交歡

有客

杜甫

幽栖地僻經過少老病人扶再拜難豈有文章驚海內謾勞車馬駐江干竟日淹留佳客坐百年麤糲腐儒餐不嫌野外無供給乘興還來看藥欄

客至

杜甫

舍南舍北皆春水但見群鷗日日來花遲不曾緣客掃蓬門今始爲君開盤餐市遠無兼味尊酒相逢只舊醅肯與隣翁相對飲隔籬呼取盡餘杯

山中酬楊補闕見過

錢起

日煖風恬種藥時紅泉翠壁薜蘿垂幽谿鹿過苔還靜深樹雲來鳥不知青瑣同心多逸興春山載酒遠相隨却慚身外牽纓冕未勝杯前倒接離

唐詩類苑

卷之八十

三

酬淮南廖參謀秋夕見過之作

劉禹錫

揚州從事夜相尋無限新詩月下吟初服已驚玄髮長高情猶向白雲深語餘時舉一杯酒坐久方聞四處砧不逐繁華訪閑散知君擺落俗人心

鮑方員外見尋因書情呈贈

秦系

少小爲儒不自強如今懶復見侯王覽鏡已知身漸老買山應作計偏長荒涼鳥獸同三徑繚亂琴書共

一牀猶有郎官來問疾時人莫道我狎狂

病假中龐少尹攜魚酒相過

白居易

宦情牢落年將暮病假聯綿日漸深被老相催雖白
首與春無分未甘心閑停茶碗從容語醉把花枝取
次吟勞動故人龐閣老提魚攜酒遠相尋

令狐尚書許過弊居先贈長句

白居易

不矜軒冕愛林泉許到池頭一醉眠已遣平治行藥
逕兼教掃拂釣魚船應將筆硯隨時主定有笙歌伴

唐詩類苑

卷之八十

七

酒仙祇候高情無別物蒼苔石笋白花蓮

客至

許渾

得路逢津更俊才可憐鞍馬照春來殘花幾一作日

小齋閑大笑一聲幽抱開袖拂碧谿寒繚繞冠歌紅

樹晚徘徊相逢少一作別更堪恨何必秋風江上臺

喜郎員外見尋不遇

錢起

軒騎來相訪漁樵悔晚歸更怜垂露跡花裏點牆衣

訓嚴少尹徐舍人見過不遇

王維

公門暇日少窮巷故人稀偶值乘藍輦非關避白衣

不知炊黍否誰解掃荆扉君但傾茶碗無妨騎馬歸

酬田逸人見尋不遇題居隱里壁

陳子昂

遊人獻書去薄暮返靈臺傳道尋仙友青囊賣卜來
聞鶯忽相訪題鳳久徘徊石髓空盈握金經閉不開
還疑縫掖子復似洛陽才

酬趙給事相尋不遇留贈

錢起

誰憶顏生窮巷裏能勞馬跡破春苔忽看童子掃花
處始愧夕郎題鳳來斜景適隨詩興盡好風纔送珮
聲回豈無雞黍期他日惜此殘春阻綠杯

唐詩類苑

卷之八十

七

屐步訪魯望不遇

皮日休

雪晴墟里竹欹斜蠟屐徐吟到陸家荒徑掃稀堆栢
子破扉開澁染苔花壁閒定欲圖雙檜厨靜空如飯

一麻擬受太玄今不遇可憐道恨似侯芭

奉和襲美見訪不遇

龜蒙

爲愁煙岸老神囂扶病呼兒斲翠茗祗道府中持簡
牘不知林下訪漁樵花盤小墖晴初壓葉擁疎籬凍

未燒倚杖徧吟春照牛一池冰段幾多消

婺州屏居蒙右省王拾遺車枉降訪病中延

候不得因成寄謝

韋莊

三年流落卧漳濱王粲思家拭淚頻畫角莫吹殘月
夜病心方憶故園春自爲江上樵蘇客不識天邊侍
從臣怪得白鷗驚去盡綠羅門外有朱輪

唐詩類苑

卷之八十

三五

唐詩類苑卷第八十一

明雲間張之象玄超甫纂輯

雲間陳繼儒仲醇甫編次

雲間王徹叔朗甫補訂

梁谿曹仁孫伯安甫校正

人部

參謂

送綦毋三謂房給事 李頎

夫子大名下家無鐘石儲惜哉湖海上曾校蓬萊書
外物非本意此生空淡如所思但乘興遠適維單車

唐詩類苑

卷之八十一

高道時坎圻故交願吹噓徒言青瑣闥不愛承明廬
百里人戶滿片言謬訟疎手持蓮花經目送飛鳥餘
晚景南路別炎雲中伏初此行儻不遂歸食蘆洲魚
送虞城劉明府謁魏郡苗太守

高適

天官蒼生望出入承明廬蕭蕭領舊藩皇皇降璽書
茂宰多感激良將復吹噓永懷一言合誰謂千里疎
對酒忽命駕茲情何起予炎天晝如火極目無行車
長路出雷澤浮雲歸孟諸魏郡十萬家歌鐘喧里閭
傳道賢君至閉關常宴如君將挹高論定是問樵漁

今日逢明聖君爲陶隱居

送張秀才謁高中丞并序 李白

余時繫尋陽獄中正讀留侯傳秀才張孟熊蘊藏
胡之策將之廣陵謁高中丞余喜子房之風感激
於斯人因作是詩以送之

秦帝淪玉鏡留侯降氛氲感激激黃石老經過滄海君
壯士揮金槌報讐六合聞智勇冠終古蕭陳難與群
兩龍爭鬪時天地動風雲酒酣舞長劍倉卒解漢紛
宇宙初倒懸鴻溝勢將分英謀信奇絕夫子揚清芬
胡月入紫微三光亂天文高公鎮淮海談笑廓妖氛
唐詩類苑 卷之八十一 二
採爾幕中畫戡難光殊勲我無燕霜感玉石俱燒焚
但灑一行淚臨岐竟何云

送殿中楊監赴蜀見相公 杜甫

去水絕還波洩雲無定姿人生在世間聚散亦暫時
離別重相逢偶然豈定期送子清秋暮風動長年悲
豪俊貴勲業邦家頻出師相公鎮梁益軍事無子遺
解榻再見今用才復擇誰況子已高位爲郡得固辭
難拒供給費慎哀漁奪私干戈未甚息紀綱正所持
汎舟巨石橫登陸草露滋山門日易久當念居者思
送僧及南謁柳員外 劉禹錫

昔日廬山遠精舍虎溪東朝陽照瀑水樓閣虹霓中

聘望美雲游振衣若秋蓬舊房閉秋月遠思吟江風
古寺歷頭陀奇峰板祝融南登小樓嶺却望歸塞鴻
衣裊貯文章自言學雕蟲搶掄念陵厲覆簣而穹崇
遠郡多暇日有詩訪禪宮石門崇峭絕竹院含空濛
幽響滴巖溜晴芳飄野叢海雲懸颶母山果屬狙公
忽憶吳興郡白蘋正惹龍願言挹風采逸若窺華松
桂水多夏瀾急火消焰紅三衣濡菌露一錫飛煙空
勿謂翻譯徒才爲文雅雄古來賞音者燋燋得孤桐
錢雍聿之潞州謁李中丞 韋應物

唐詩類苑 卷之八十一 三

鬱鬱雨相遇出門草青青酒酣拔劍舞慷慨送子行
驅馬涉大河日暮懷洛京前登太行路志士亦未平
薄遊五府都高步振英聲主人才且賢重士百金輕
絲竹促飛觴夜醺達晨星娛樂易淹暮諒在執高情
送沈芳謁李觀察 周萬

往日長安路歡遊不惜年爲貪盧女曲用盡沈郎錢
身老方投刺途窮始著鞭猶聞有知己此去不徒然
送高勝重謁曹王 司空曙

江上青楓岸陰陰萬里春朝辭郢城酒暮見洞庭人
興比乘舟訪思懷倒屣親想君登舊樹重喜掃芳塵

送王牧往吉州謁王使君叔

李嘉祐

細草綠汀洲王孫耐薄遊年華初冠帶文體舊弓裘
野渡花爭發春塘水亂流使君憐小阮應念倚門愁

送李校書適越謁杜中丞

劉長卿

江風處處盡暮水空波搖落行人去雲山向越多
陳蕃懸榻待謝客枉帆過相見耶溪路逶迤入薜蘿

送李七之祚水謁張相公

劉長卿

惆悵青春晚慙慙濁酒壚後時長劍澀斜日片帆孤
東閣邀才子南昌老腐儒梁園舊相識誰憶臥江湖

唐詩類苑

卷之八十一

四

送李溟謁宥州李權使君

賈島

英雄典宥州迢遞苦吟遊風宿驪山下月斜瀾水流
去時初落葉回日定無秋太子攜才子看鵬百尺樓

送進七陳曉往睦州謁馮郎中

章孝標

孤帆幾日程投刺水邊城倚棹逢春老登筵見月生
飲酣杯有浪茶散漏無聲太守憐才子者從容禮不輕

送顏推官遊銀夏謁韓大夫

盧綸

叫塞笛滿眼寒山壽才子樽前畫將軍石上銘

獵聲雲外響戰血雨中腥苦樂從來事因君一涕零

送李觀之宣州謁袁中丞

張衆甫

古渡大江濱西南拒要津自當舟楫路應濟往來人
翻浪驚飛鳥迴風起綠蘋君看波上客晚歲獨垂綸

送孔周之南海謁王尚書

楊衡

泛棹送流萍桂寒山更青望雲生碧看日下滄溟
潮盡收珠母沙開拾翠翎自趨龍戟下再爲頌芳馨

送人之九江謁郡侯苗員外紳

鄭谷

澤國尋知己南浮不偶游溢城分楚塞廬嶽對江州

唐詩類苑

卷之八十一

五

曉飯臨孤嶼春帆入亂流雙旌相望處月白庾公樓

送張判官歸兼謁鄂州大夫

杜牧

處士聞名早遊秦獻疏迴腹中書萬卷身外酒千杯
江雨春波闊園林客夢催今君拜旌戟凜凜近霜臺

送班少府入謁荊州南盧尚書

方干

束書成遠去還計莫經春倒篋唯求醉登船自笑貧
波移彭蠡月樹沒漢陵人試吏曾趨府旌幢易得親

送皇甫曾遊襄陽山水兼謁韋太守

李頎

峴山枕襄陽滔滔江漢長山深卧龍宅水爭斬蛟鄉
元凱春秋傳昭明文選堂風流滿今古煙島思微茫
白鴈暮衝雪青林寒帶霜蘆花獨戍晚柑實萬家香
舊國欲茲別輕舟眇未央百花亭漫漫一柱館蒼蒼
按俗荆南牧持衡吏部郎逢君立五馬應醉習家塘
奉送漪叔遊潁川兼謁淮陽太守

李頎

罷吏今何適辭家方獨行嵩陽入歸夢潁水半前程
聞道淮陽守東南卧理清郡齋觀政日人馬望鄉情
唐詩類苑 卷之八十一 六

送鄭說之歙州謁薛侍郎 劉長卿

疊嶺雪初霽寒砧霜後鳴臨川嗟拜手寂寞事躬耕
漂泊來千里謳謠滿百城漢家尊太守魯國重諸生
俗變人難理江傳水至清船經危石住路入亂山行
老得滄洲趣春傷白首情嘗聞馬南郡門外有康成
送從弟游江淮兼謁鄱陽劉太守

李頎

都門柳色朝朝新念爾今爲江上人穆陵關帶清風
遠彭蠡湖連芳草春泊舟借問西林寺曉聽猿聲在
山翠潯陽北望鴻鴈回湓水東流客心醉須知聖代

舉賢良不使遺才滯一方應見鄱陽虎符守思歸共
指白雲鄉

重送鴻舉師赴江陵謁馬逢侍御

劉禹錫

西北秋風凋蕙蘭洞庭波上碧雲寒茂陵才子江陵
去乞取新詩合掌看

道州送戴簡處士往賀州謁楊侍郎

呂溫

羸馬孤童鳥道微三千客散獨南歸山公念舊偏知
我今日因君淚滿衣

唐詩類苑

卷之八十一

七

送史采滑州謁賈僕射 盧綸

朱門洞啓儼行車金鑄裝囊半是書君向東州問徐
胤牟公何事滅吹魚

送劉萱之道州謁崔大夫 劉長卿

沅水悠悠湘水春臨岐南望一沾巾信陵門下三千
客君到長沙見幾人

送秦侍御外甥張篆之福州謁鮑大夫秦侍

御與大夫有舊

劉長卿

萬里閩中去渺然孤舟水上入寒煙轅門拜首儒衣
弊貌似牢之豈不憐

江西投謁所知頗爲典客所阻因賦一絕

劉魯風

萬卷書生劉魯風煙波萬里謁文翁無錢乞與韓知
客名紙毛生不肯通

送盧徹之太原謁尚書

司空曙

榆落鵬飛關塞秋黃雲畫角見并州翩翩羽騎雙旌
後上客親隨郭細侯

洛中送處厚入關使遊蜀謁韋令公

劉禹錫

洛陽秋日正淒淒君去西秦更向西舊學三冬今轉

唐詩類苑

卷之六十一

八

富曾傷六翮養初齊王城曉日窺丹鳳蜀路晴天見
碧雞早識臥龍應有分不妨從此躡丹梯

謁翰林劉學士不遇

李山甫

夢繞清華宴地深洞宮橫鎖曉沈沈鵬飛碧海終難
見鶴入青霄豈易尋六尺羈魂迷定止兩行愁血謝
知音平生只恥凌風翼隨得鳴珂上禁林

送張厚漸東修謁

許渾

涼露清蟬柳泊空故人遙指淞江東青山有雪松當
間碧落無雲鶴出籠齊喝離歌愁晚月獨看征棹愁
秋風定知洛下聲名士共說唐門得孔融

招致

太一居紫崖日潭舊廬招王學士

岑參

驟雨鳴淅瀝颼颼溪谷寒碧潭千餘尺下見蛟龍蟠
石門吞衆流絕岸呀層巒幽趣倏萬變奇觀非一端
偶逐千祿徒十年皆小官抱板尋舊圃弊廬臨迅湍
君子滿清朝小人思掛冠釀酒漉松子引泉通竹竿
何必濯滄浪不能釣嚴灘此地可遺老勸君來考槃

鄂渚招王昌齡張儉

常建

刈蘆曠野中沙上飛黃雲天晦無精光茫茫悲遠君

唐詩類苑

卷之六十一

九

楚山隔湘水湖畔落日曛春鴈又北飛音書固難聞
謫居未爲歎讒枉何由分午日逐蛟龍宜爲弔冤文
翻覆古共然名宦安足云貧士任枯槁捕魚清江濱
有時荷鋤犁曠野自耕耘不然春山隱溪澗花氤氳
山鹿自有場賢達亦顧群二賢歸去來世上徒紛紛
至陵陽山登天柱石訓韓侍御見招隱黃山

李白

韓衆騎白鹿西往華山中玉女千餘人相隨在雲空
見我傳秘訣精誠與天通何意到陵陽游目送飛鴻
天子昔避狄與君亦乘驄雍兵五陵下長策馭胡戎

時泰解繡衣脫身若飛蓬鸞鳳翻羽翼啄栗坐樊籠
海鶴一笑之思歸向遼東黃山過石柱巘嶠上攢叢
因巢翠玉樹忽見浮丘公又引王子喬吹笙舞松風
朗詠紫霞篇請開藥珠官步綱繞碧落倚樹招青童
何日可攜手遺形入無窮

招孟武昌

并序

元結

溫叟作退谷銘指曰千進之客不得遊之作
銘指曰為人厭者勿泛杯湖孟士源嘗黜官無
干進在武昌不為人厭可遊退谷可泛杯湖故作
詩招之

唐詩類苑

卷之八十一

十一

風霜枯萬物退谷如春時窮冬涸江海杯湖澄清漪
湖盡到谷口單船近堦墀湖中更何好坐見大江水
歌石爲水涯半山在湖裏谷口更何好絕壑流寒泉
松桂蔭茅舍白雲生坐邊武昌不干進武昌人不厭
退谷正可遊杯湖任來泛湖上有水鳥見人不飛鳴
谷口有山獸往往隨人行莫將軍馬來令我鳥獸驚
招陶別駕家陽華作

元結

海內厭兵革騷十二年陽華洞中人似不知亂焉
誰能家此地終老可自全草堂背巖洞幾峰軒戶前
清渠匝庭堂出門仍灌田半崖盤石徑高亭臨極顚

引望見何處逶迤隴北川杉松幾萬株蒼蒼滿前山
巖高暖華陽飛溜何潺潺洞深迷遠近但覺多洄淵
晝游興未盡日暮不欲眠探燭飲洞中醉昏漱寒泉
始知天下心耽愛各有徧陶家世高逸公恐不獨然
無或畢婚嫁竟爲俗務牽

招楊之果

韓愈

柏生兩石間萬歲終不大野馬不識人難以駕車蓋
柏移就平地馬羈入廐中馬思自由悲柏有傷根容
傷根柏不死千丈日以至馬悲罷還樂振迅矜鞍轡
之果南山來文字得我驚館置使讀書日有求歸聲

唐詩類苑

卷之八十二

十一

我令之果歸失得柏與馬之果別我去計出柏馬下
我自我之果歸入門思而悲之果別我去能不思我爲
灑掃縣中居引水經竹間置譚所不及何異山中間
前陳百家書食有肉與魚先王遺文章綴緝實在余
禮稱獨學陋易貴不遠復作詩招之果晨夕抱饑渴
羅氏花下奉招陳侍御

孟郊

眼在枝上春落地成埃塵不是風流者誰爲攀折人
寧辭波浪濶莫道往來頻拾紫豈宜晚掇芳須及晨
勞收買生淚強起屈平身花下本無俗酒中別有神
遊蜂不飲故戲蝶亦爭新萬物盡如此過時非所珍

招蕭處士

白居易

峽內豈無人所逢非所思門前亦有客相對不相知
仰望但雲樹俯顧惟妻兒寢食起居外端然無所爲
東郊蕭處士聊可與開眉能飲滿杯酒善吟長句詩
庭前吏散後江畔路乾時請君攜竹枝一赴郡齋期

招東隣

白居易

小榼二升酒新簾六尺牀能來夜話否池畔欲秋涼

邀花伴

孟郊

邊地春不足十里見一花及時須遨遊日暮饒風沙

春興思南山舊廬招柳建正字

唐詩類苑

卷之六十一

岑參

終歲不得意春風今復來自憐蓬鬢改羞見梨花開
西掖誠可戀南山思早回園廬幸接近相與歸蒿萊

郡齋南池招楊驥

岑參

郡僻人事少雲山遮眼前偶從池上醉便向舟中眠
與子居最近同官情又偏閑時耐相訪正有牀頭錢

高官谷口招鄭鄩

岑參

谷口來相訪空齋不見君澗花然暮雨潭樹暖春雲
門徑稀人迹簷峰下鹿群衣裳與枕席山靄碧氛氲
期盧嵩枉書稱日暮無馬不赴以詩答

韋應物

佳期不可失終願在衡門南陌人猶度西林日未昏
庭前空倚杖花裏獨留鐫莫道無來駕知君有短轡

送李秀才赴廬州招

僧皎然

山開江上色孤賞去應遲綠水延吳榜秋風入楚辭
猿清獨宿夜木落遠行時見說東陽守登樓爲爾期

招王質夫

白居易

濯足雲水客折腰簪笏身誼閑跡相背十里別經旬
忽因乘逸興莫惜訪巖壑前故栽竹與君爲主人

夜招周協律兼答所贈

白居易

唐詩類苑

卷之六十一

韋應物

滿眼雖多客開眉復向誰少年非我伴秋夜與君期
落魄俱耽酒殷勤共愛詩相憐別有意彼此老無兒

招文士飲

孟郊

曹劉不免死誰敢負年華文士莫辭酒詩人命屬花
退之如放逐李白自矜夸萬古忽將似一朝同嘆嗟
何言天道正獨使地形斜南士愁多病北人悲去家

梅芳已流管柳色朱藏鷄相勸罷吟雪相從愁飲霞
醒時不可過愁海浩無涯

林下招胡長官

朱慶餘

語低清貌似休糧稱著朱衣入草堂銷暑近來無別

物桂陰當午滿繩牀

九月十日雨中過張伯佳期柳鎮未至以詩

招之

李益

柳吳興近無消息張長公貧苦寂寥唯有角巾雷雨至手持殘菊向西招

招周居士

張籍

閉門秋雨濕墻莎俗客來稀野思多已掃書齋空
竈山人作意早經過

戲招諸客

白居易

黃醅綠醕迎冬熟絳帳紅爐逐夜開誰道洛中多逸
唐詩類苑 卷之八十一 七

客不將書喚不曾來

東樓招客夜飲

白居易

莫辭數數醉東樓除醉無因破得愁唯有綠樽紅燭
下暫時不似在忠州

招客遊寺

張登

江城吏散倦春陰山寺鳴鐘隔雨深招取遺民赴僧
社竹堂分坐靜看心

文謙招潤卿博士辭以道侶將至因書一絕
寄之

陸龜蒙

仙客何時下鶴翎芳瞳如水腦華清不過傳達楊君
夢從許人間小兆聽

奉和招潤卿博士

皮日休

燠木櫺前地肺圖爲君偏輟俗功夫靈真散盡光來
此莫戀安妃在後無

再招潤卿

陸龜蒙

遙知道侶譚玄次又是文交麗事時雖是寒輕雲重
日也留花簾待徐摘

奉和招潤卿

皮日休

飄御已應歸杳眇博山猶自對氛氲不知入夜能來
唐詩類苑 卷之八十一 五

否紅蠟先教刻五分

招客

白居易

日午微風且暮寒春風冷峭雪乾殘碧氈帳下紅爐
畔試爲來嘗一盞看

王十七侍御掄許攜酒至草堂奉寄此詩便

請邀高使君同到

杜甫

老夫臥穩朝慵起白屋寒多暖始開江鶴巧當幽徑
浴鄰雞還過短牆來繡衣屢許攜家醞皂蓋能忘折

野梅戲假霜威促山簡須成一醉習池回

宿神龜招李二十八馮十七

韓愈

荒山野水照斜暉，啄雪寒鴉趁始飛。
夜宿驛亭愁不睡，幸來相就益征衣。

北亭招客

白居易

疎散郡丞同野客，幽閒官舍抵山家。
春風北戶千莖竹，晚日東園一樹花。
小盞吹醅嘗冷酒，深爐敲火炙新茶。
能來盡日宮基否？太守知慵放晚衙。

夜招晦叔

白居易

庭草留霜池結冰，黃昏燈絕凍雲凝。
碧紗帳上正飄雪，紅火爐前初炷燈。
高調秦箏一兩弄，小花蠻榼二

唐詩類苑

卷之六十一

七

三升爲君更奏湘神曲，夜就儂來能不能。

江樓夕望招客

白居易

海天東望夕茫茫，山勢川形闊復長。
燈火萬家城四畔，星河一道水中央。
風吹古木晴天雨，月照平沙夏夜霜。
能就江樓銷暑否？此君茅舍校清涼。

自題新昌居因招楊郎中小飲

白居易

地偏坊遠巷仍斜，最近東頭是白家。
宿雨長齊鄰舍柳，晴光照出夾城花。
春風小榼三升酒，寒食深爐一碗茶。
能到南園同醉否？笙歌隨分有些些。

湖南正初招李郢秀才 杜牧

行樂及時時已晚，對酒當歌歌不成。
千里暮山重疊翠，一谿寒水淺深清。
高人以飲爲忙事，浮世除詩盡強名。
看著白蘋牙欲吐，雪舟相訪勝開行。

訓岑勲見尋就元丹丘對酒相待以詩見招

李白

黃鶴東南來，寄書寫心曲。
倚松開其緘，憶我腸斷續。
不以千里遙，命駕來相招。
相逢元丹丘，登嶺宴碧霄。
對酒忽思我，長嘯臨清飈。
寒余未相知，茫茫綠雲垂。
俄然素書及，解此長渴饑。
策馬望山月，途窮造塔墀。

唐詩類苑

卷之六十一

七

喜茲一會面，若覩瓊樹枝。
憶君我遠來，我歡方速至。
開顏酌美酒，樂極忽成醉。
我情既不淺，君意方亦深。
相知兩相得，一顧輕千金。
且向山客笑，與君論素心。

答裴侍御先行至石頭驛以書見招期月滿

泛洞庭

李白

君至石頭驛，寄書黃鶴樓。
樓開緘識遠，意速此南行。
舟風水無定，準湍波或滯。
留憶昨新月，生西簷。
若瓊鉤今來何所似，破鏡懸清秋。
恨不三五月，明乎湖泛澄。
流此歡竟莫，遂笑殺王季羣。
巴陵定近遠，持贈解人憂。

訓崔十五見招

李白

爾有鳥跡書招琴谿飲手跡尺素中如天落雲錦
讀罷向空笑疑君在我前長吟字不減懷袖且三年

酬楊侍御寺中見招

皇甫冉

貧居依柳市閒步在蓮宮高閣宜春雨長廊好嘯風
誠如雙樹下豈比一丘中

襲美以小宴見招因代書寄之

陸龜蒙

早雲纔破漏春陽野客晨興喜又忙自與酌量煎藥
水別教安置曬書牀依方釀酒愁遲去借樣裁巾怕
索將唯待數般幽事了不妨還入少年場

唐詩類苑

卷之八十一

太

偶成小酌招魯望不至以詩爲解因次韻酬

之

皮日休

醉侶相邀愛早陽小筵催辦不勝忙衝深柳駐吳娃
憶倚短花排羯鼓牀金鳳欲爲鸞引去鈿蟬疑被蝶
勾將如何共是忘形者不見漁陽叅一場

唐詩類苑卷第八十一終

唐詩類苑卷第八十二

明雲間張之象玄超甫纂輯

雲間陳繼儒仲醇甫編次

雲間王徹叔朗甫補訂

梁谿曹仁孫伯安甫校正

人部

會遇

夜泊越州逢北使

沈佺期

天地降雷雨放逐還國都重以風潮事年月戒回艫
容顏荒外老心想域中愚憇泊在茲夜炎雲逐斗樞

唐詩類苑

卷之八十二

一

隨處紫海若霹靂耿天吳鼉抃群島失涼吞衆流輸
偶逢金華使握手淚相濡饑共噬齊棗眠共席秦蒲

既北思攸濟將南睿所圖往來固無咎何忽憚前杼

春遇南使貽趙知音

岑參

端居春心醉襟背思樹萱美人在南州爲爾歌北門

北風吹煙物戴勝鳴中園枯楊長新條芳草滋舊根

網絲結實琴塵埃被空樽適遇江海信聊與南客論

魯郡途中遇徐十八錄事高適

誰謂高穎客遂經鄒魯鄉前臨少昊墟始覺東蒙長
獨行豈吾心懷古激中腸聖人久已矣游夏遙相望

徘徊野澤間左右多悲傷日出見關里川平如汶陽
弱冠負高節十年思自強終年不得意去去任行藏

宋中遇陳二

高適

常參鮑叔義所期王佐才如何守苦節獨此無良媒
離別十年外飄飄千里來安知罷官後惟見柴門開
窮巷隱東郭高堂詠南陔離根長花草井口生莓苔
伊昔望霄漢今倦蒿萊男兒命未達且進手中杯

湖城東遇孟雲卿復歸劉顥宅宿宴飲散因

爲醉歌

杜甫

疾風吹塵暗河縣行子隔手不相見湖城城南一開

唐詩類苑

卷之八十二

二

眼駐馬偶識雲卿面况非劉顥爲地主迴鞭轡成
高宴劉侯嘆我携客來置酒張燈促華饌且將款曲
終今夕休語艱難尚酣戰照室紅爐促曙光紫牕素
月垂文練天開地裂長安陌寒盡春生洛陽殿豈知
驅車復同軌可惜刻漏隨更箭人生會合不可常庭
樹雞鳴淚如綫

山中逢道士雲公

孟浩然

春餘草木繁耕種滿田園酌酒聊自勸農夫安與言
忽聞前山子時出桃花源採樵過北谷賣藥來西村
村煙日云夕榛路有歸客杖策前相逢依然是疇昔

邂逅觀觀止殷勤叙離隔謂予搏扶桑輕舉振六翮
奈何偶昌運獨見遺草澤既笑接輿狂仍憐孔丘厄
物情趨勢利吾道貴閑寂偃息西山下門庭罕人迹
何時還清溪從爾鍊丹液

越中逢太一子

孟浩然

仙穴逢羽人停轡向前拜問予涉風水何處行
登陸尋天台順流下吳會茲山夙所尚安得問靈怪
上通青天高俯臨滄海大鷄鳴見日出每與神仙會
來去赤城中逍遙白雲外莓苔異人間瀑布作空界
福庭長自然華頂舊稱最永懷從此遊何當濟所屈

唐詩類苑

卷之八十二

三

金陵江上遇蓬池隱者

李白

心愛名山遊身隨名山遠羅浮麻姑臺此去或未返
遇君蓬池隱就我石上飯空言不成懽強笑惜日晚
綠水向鴈關黃雲蔽龍山嘆息兩客鳥徘徊吳越間
共諧一執手留連夜將久解我紫綺裘且換金陵酒
酒來笑復歌興酣樂事多水影弄月色清光奈愁何
明晨掛帆席離恨滿滄波

贈衛八處士

杜甫

人生不相見動如參與商今夕復何夕共此燈燭光
少壯能幾時鬢髮各已蒼訪舊半爲鬼驚呼熱中腸

焉知二十載重上君子堂昔別君未婚兒女忽成行
怡然敬父執問我來何方問客未及已兒女羅酒漿
夜雨剪春韭新炊間黃粱主稱會面難一舉累十觴
十觴亦不醉感子故意長明日隔山岳世事兩茫茫
寄韋南陵水余江上乘興訪之遇尋顏尚書

笑有此贈

李白

南船正東風北船來自緩江上相逢借問君語笑未
了風吹斷聞君携妓訪情人應爲尚書不顧身堂上
三千珠履客甕中百斛金陵春恨我阻此樂淹留楚
江濱月色醉遠客山花開欲然春風狂殺人一日劇
唐詩類苑 卷之十二 四一

湖上遇鄭田

劉長卿

故人青雲器何意常窘迫三十猶布衣憐君頭已白
誰言此相見暫得話嘯昔舊業今已無還鄉返爲客
扁舟伊獨往斗酒君自適滄洲一作海不可涯孤帆去
無跡杯中忽復醉湖上生月一作新魄湛湛江色寒濛
濛水雲夕風波易迢遞千里如咫尺迴首人已遙南
看楚天隔

季夏逢朝客

于瀆

澹水桃李熟杜曲芙蓉老九天休沐歸腰玉垂楊道
避路回綺羅迎風嘶騾馬豈知山谷中日日吹瑤草

大梁亭會李四栖梧作

韋應物

梁王昔愛才千古化不泯一作平至今蓬池上遠集八方
賓車馬平明合城郭滿埃塵逢君一相許豈要平生
親入仕三十載如何獨未伸英聲久籍籍臺閣多故
人置酒發清彈相與一作將樂佳辰孤亭得長望白日
下廣津富貴良可取一作求竭來西入秦秋風旦夕起
安得客梁陳

逢楊開府

韋應物

少事武皇帝無賴恃恩私身作里中橫家藏亡命兒
朝持樽蒲局暮竊東鄰姬司隸不敢捕一作在立在一一作白
玉墀驪山風雪夜長楊羽獵時一字都不識飲酒肆
頑癡武皇升仙去憔悴被人欺讀書事已晚把筆學
題詩兩府始收跡南宮謬見推非才果不容出守撫
牌樓忽逢楊開府論舊涕俱垂坐客何由識唯有故
人知

長安遇馮著

韋應物

客從東方來衣上灞陵雨問客何爲來一作來采山
因買斧真花正開一作滿颺颺燕新乳昨別今已春

鬢絲生幾縷

廣陵遇孟九雲卿

韋應物

雄藩本帝都遊士多俊賢夾河樹鬱鬱華館千里連

新知雖滿堂中意頗未宜忽逢翰林友歡樂斗酒前

高文激頽波四海靡不傳西施且一笑衆女安得妍

明月滿淮海哀鴻逝長天所念京國遠我來君欲

還一作旋

逢江南故畫上人會中鄭方回

上人往年手札五十篇

贈云以爲

孟郊

相逢失意中萬感因語至追思東林日掩仰北邙淚

唐詩類苑

卷之八十二

六

篋篋有遺文江山舊清氣塵生逍遙注墨故飛動字

荒毀碧澗居虛無青松位珠沈百泉暗死群衆悶

永謝平生言知音豈容易

江中遇黃領子劉隆

張說

危石江中起孤雲嶺上還相逢皆得意何處是鄉關

秋夜遇王處士

王績

北場耘耔罷東臯刈黍歸相逢秋月滿更值夜螢飛

見京兆韋參軍量移東陽

李白

潮水還歸海流人却到吳相逢問愁苦泪盡日南珠

逢謝偃

高適

紅顏創爲別白髮始相逢唯餘昔時慮無復舊時容

遇劉五

李頎

洛陽一別梨花新黃鳥飛飛逢故人攜手當年共爲

樂無驚蕙草惜殘春

逢舊

白居易

久別偶相逢俱疑是夢中即今歡樂事放盞又成空

留盧秦卿

司空曙

知有前期在難分此夜中無將故人酒不及石尤風

華下逢楊侍御

馬戴

巨靈掌上月玉女盆中泉柱史息車看孤雲心浩然

唐詩類苑

卷之八十二

七

遊交郡逢孔君自衛來欣然相遇若舊

駱賓王

遊人自衛返客背隔淮來傾蓋金蘭合忘筌玉葉開

繁花明月柳疎藥落風梅將期重交態時慰不然灰

喜遇冀侍御珪崔司議泰之二使

陳子昂

余獨坐一隅孤憤五蠹雖身在江海而心馳魏闕

歲時仲夏幽卧未起忽聞二星入井四牡臨亭邀

使者之車乃故人之駕隱几一笑把臂入林旣聞

朝廷之樂復此琴樽之事山林幽寂鍾鼎舊遊語

默譚詠今復一得况北堂夜永西軒月微巴山有望別之嗟洛陽無寄載之客江關離會三千餘里各位寵辱一百年中歡娛何如日月其邁不爲目前之賞以增別後之思蟋蟀笑人夫子何嘆

謝病南山下幽卧不知春使星入東井云是故交親惠風吹寶瑟微月憶清眞憑軒一留醉江海寄情人稠桑驛喜逢嚴河南中丞便別

岑參

駟馬映花枝人人夾路窺離心且莫問春草自應知不謂青雲客猶思紫禁時別君能幾日看取鬢成絲

唐詩類苑

卷之八十二

八

中峰居喜見苗發

祖詠

自得中峰住深林亦閉關經秋無客到入夜有僧還暗澗泉聲小荒園樹影閒高牕不可望星月滿空山

永嘉浦逢張子容

孟浩然

逆旅相逢處江村日暮時衆山遙對酒孤嶼共題詩解宇鄰鮫室人煙接島夷鄉園萬餘里失路一相悲

裴明府席遇張房

孟浩然

河縣柳林邊河橋晚泊舫文叨才子會官喜故人吟李話同今夕輕肥異往年晨風理歸棹吳楚各依然登敬亭北二小山余時客逢崔御史並登此

李白

送客謝亭北逢君縱酒還屈盤戲白馬大笑上青山迴鞭指長安西日落秦關帝鄉三千里香在碧雲間

逢唐興劉主簿第

杜甫

分手開元末連年絕尺書江山且相見戎馬未安居劍外官人冷關中驛騎踈輕舟下吳會主簿意何如

淮上遇洛陽李主簿

韋應物

結茅臨古渡卧見長淮流窓裏人將老門前樹已秋寒山獨過鴈暮雨遠來舟日夕逢歸客那能忘舊遊

路逢崔元二侍御避馬見招以詩戲贈

唐詩類苑

卷之全三

九

韋應物

一臺稱二妙歸路望行塵俱是攀龍客空爲避馬人見招翻踟躕相問良殷勤日日吟趨府彈冠豈有因

將發楚州經寶應縣訪李二忽于州館相遇

月夜書事因簡李寶應

韋應物

孤舟欲夜發祗爲訪情人此地忽相遇留連意更新停盃嗟別久對月言家貧一問臨叩令如何待上賓

喜友人再面

盧延遜

一別幾寒暄迢迢隔塞垣相思長有事及見却無言靜坐將茶試閑書把葉翻依依又留宿圓月上東軒

長安逢故人

郎士元

數年音信斷不意在長安馬上相逢久人中欲認難
一官今懶道雙鬢竟羞看莫問生涯事只應持釣竿

巴陵逢洛陽鄰舍

耿漳

因君知北事流浪已忘機久客多人識高年衆病歸
連雲湖色遠度雪鴈聲稀盡說家林盡悽傷淚滿衣

宣城逢張二南史

耿漳

全家宛陵客文雅世難逢寄食年將老干時計未從
秋來句曲水雨後敬亭峰西北長安遠登臨恨幾重

塞上逢故人

王建

唐詩類苑

卷之八

十一

百戰一身在相逢白髮生何時得鄉信每日算歸程
走馬登寒壘驅羊入廢城羌笳三兩曲人醉海西營

揚州偶會前洛陽盧耿主簿

應物前洛陽尉耿常與之遊

韋應物

楚塞故人稀相逢本不期猶存袖裏字忽怪鬢中絲
客舍盈樽酒江行滿篋詩更能連騎出還似洛橋時

淮上喜會梁川故人

韋應物

江漢曾爲客相逢每醉還浮雲一別後流水十年間
歡笑情如舊蕭疎鬢已班何因北一作不歸去淮上對

一作秋山

逢漳州崔使君北歸

張翥

在郡多殊稱無人不望回離城携客去度嶺擔簦來
障寫經冬藥瓶絨落暑梅長安有歸宅歸見鎖青苔

雲朔逢山友

張翥

會面却生疑居然似夢歸塞深行客少家遠識人稀
戰馬分旗牧驚禽曳箭飛將軍雖異禮難便一作使脫

麻衣

巴中逢故人

項斯

勞思空積歲偶會更無由以分難相舍將行且暫留
路岐何處極江峽半猿愁到此分南北離懷豈易收

唐詩類苑

卷之八

十一

漢南遇友人

項斯

此身西復東何計此相逢夢盡吳越水恨深襄漢鐘
積雲開去路曙雪疊前峰誰即知非舊憐君忽見容

荊州夜與友親相遇

項斯

山海兩分岐停舟偶似期別來何限意相見却無辭
坐永神凝夢愁繁鬢欲絲趨名易遲晚此去莫經時

途中逢周朴

僧貫休

東西南北路相遇共興哀世獨無知己子從何處來
菊衰芳草在程遠宿煙開倘遇中興主還應不用媒

與友人會

李昌符

蟬吟槐藥落的的是愁端病覺離家遠貧知處事難
直交無所隱深語有餘歡未必聞歌吹羈心得暫寬

江上喜逢司空文明

李端

秦人江上見握手淚沾巾落日見秋草暮年逢故人
非夫長作客多病淺謀身臺閣舊親友誰曾見苦辛

逢王泌自東京至

李端

逢君自鄉至雪涕問田園幾處生喬木誰家在舊村
山峰橫二室水邑映千門愁見游從處如今花正繁

途中逢李道實遊蔡州

張祐

送出南溪日離情不忍看漸遙猶顧首帆去意難判

唐詩類苑

卷之全

十一

最恨歸行夜相期幾百般但能存歲節終久得同歡

早春會王逵主人

李端

今年華鬢色半在故人中欲寫無窮恨先期一醉同
綠叢猶覆雪紅萼已凋風莫負歸山契君看陌上蓬

途中逢友人

項斯

長大有南北山川各所之相逢孤館夜共憶少年時
爛醉百花酒狂題幾首詩來朝又分袂後會應應絲

龍州與韓將軍夜會

項斯

庭綠草纖纖邊州白露沾別歌綠劍起客淚是愁添
見月鵲啼樹避風雲滿簾將酒樓上賦星占

客夜與故人偶集

戴叔倫

天秋月又滿城闕夜千重還作江南會翻疑夢裏逢
風枝驚暗鵲露草覆寒蛩羈旅常堪最相留畏曉鐘

秋夕與友人同會

崔塗

章句積微功星霜二十空僻應如我少吟喜得君同
月上僧歸後詩成客夢中更聞栖鶴警清露滴青松

開元觀遇張侍御

錢起

碧落忘歸處佳期不厭逢晚涼生玉井新暑避煙松
欲一作醉流霞酌還醒度竹鐘更憐琪樹下歷歷見

遙峰

唐詩類苑

卷之八

十一

尋徐山人遇馬舍人

儲光羲

泊舟伊川右正見一作遇野人歸日暮春山綠我心清
且微巖聲風雨度水氣雲霞飛復有金門客來參羅

薛衣

雪謗後逢李叔度

盧綸

相逢空握手往事不堪思見少情難盡愁深語自遲
羣生分路處雨散出山時強得寬離恨唯當說後期

逢舊識

賈島

幾歲阻干戈今朝勸酒歌羨君無一作白髮走馬過
黃河舊宅兵燒盡新宮日奏多妖星還有角數尺鐵

重磨

逢張十八員外籍

白居易

旅思正茫茫相逢此道傍晚嵐林葉闇秋露草花香
白髮江城守青衫水部郎客亭同宿處忽似夜歸香

留北客

白居易

峽外相逢遠樽前一會難即須分手別且強展眉歡
楚岫蕭條舞巴絃趣數彈笙歌隨分有莫作帝鄉看

新豐路逢故人

白居易

望土長路晚風煙廢宮秋相逢立馬語盡日此橋頭
知无不得意鬱鬱來西遊惆悵新豐店何人識馬周

唐詩類苑

卷之八

五

途中逢劉知遠

羅隱

吳煙波裏巢由季孟間只言無事貴人道致身閑
別渚連根斷歸心桂樹頑空勞鍾璞意塵世隔西關

亂後逢友人

羅隱

滄海去未得倚舟聊問津生靈寇盜盡方鎮改更頻
夢裏舊行處眼前新貴人從來事如此君莫獨沾巾

途中逢進士許巢

方干

聲望去已遠門人無不知義行相識處貧過少年時
妨寐夜吟苦愛閒身達遲難求君者我去更逢誰

金陵逢張喬

楊夔

殊鄉會面時辛苦兩情知有志年空過無媒命共奇

吟餘春漏急話舊酒巡遲天爵如堪倚休驚鬢上絲

重園中逢蕭校書

韋莊

相逢俱此地此地是何鄉側目不成語撫心空自傷
劍高無鳥度樹暗有兵藏底事征西將年年戍洛陽

和友人盤石寺逢舊友

溫庭筠

楚寺上方宿滿堂皆舊遊月溪逢遠客煙浪有歸舟
江館白蘋夜水關紅葉秋西風吹暮雨汀草更堪愁

逢故人

杜牧

故交相見稀相見倍依依塵路事不盡雲巖閑好歸
唐詩類苑 卷之八 五

故人消壯志徇俗變真機又落他鄉淚風前一滿衣

關口逢徐邁

盧綸

廢寺連荒壘那知見子真關城夜有雪冰渡曉無人
酒裏唯多病山中願作鄰常聞兄弟樂誰肯信家貧

嶺外逢故人

張籍

過嶺萬餘里旅遊經此稀相逢去家遠共說幾時歸
海上見花發瘴中唯鳥飛炎州望鄉伴自識北人衣

逢柳州使因寄鄭協律

劉長卿

相思楚天外夢寐楚猿吟更落淮南葉難爲江上心
衡陽問人遠湘水向君深欲逐孤帆去茫茫何處尋

江上暫別蕭四劉三旋欣接遇

陳子昂

昨夜滄江別言乖天漢遊寧期此相遇尚接武陵洲
結綬還逢育銜杯且對劉波潭一瀾瀾臨望幾悠悠
山水丹青雜煙雲紫翠浮終愧神仙友來接野人舟
秋日遇荊州府崔兵曹使讌并序

陳子昂

若夫尊卑位隔榮賤途分使卿士大夫倚軒裳而
傲物山棲木食負林壑而驕人未有能屈富貴于
沈冥雜薜蘿于簪笏天人坐并相從雲霧之遊風

唐詩類苑

卷之全十

六

雨不疲高縱琴樽之賞崔兵曹紫庭公曾青雲貴
人以鐘鼎不足以致奇才煙霞可以交名士皇華
昭國懷鳳綽而高尋白桂追遊邀兎且而下顧大
矣哉生平未識一見而交道遂存此日披懷千載
之風期坐合支道林之雅論妙理沈微崔子玉之
雄才斯文未喪屬乎金龍掌氣石鴈驚秋天沈寥
而煙日無光野寂寞而山川變色芸其黃矣悲白
露於蒼葭木葉落兮慘紅霜於綠野爾其高興洽
芳酒闌頰羲和而不留顧華堂而欲晚長歌何託
思傳稽古之文爰命小人率記當時之事人探一

字六韻成篇

輜軒鳳凰使林藪鵲鷄冠江湖一相許雲霧坐交歡
興盡崔亭伯言忘釋道安秋光稍欲暮歲物已將闌
古樹蒼煙斷虛庭白露寒瑤琴山水曲今日爲君彈

爲汴州司戶喜逢宋之問 李夔

答李司戶

宋之問

以上二首見職官部司戶

若耶溪逢孔九

綦毋潛

見水部溪

鄭駙馬池臺喜遇鄭廣文同飲

唐詩類苑

卷之全十

七

杜甫

不謂生戎馬何知共酒盃燃臍郾塢敗旌節漢臣回
白髮千莖雪丹心一寸灰別離經死地披寫忽登臺
重對秦簫發俱過阮宅來留連春夜舞淚落強徘徊
太常魏博士遠出賦庭江外相逢因叙其事

皇甫冉

烽火驚戎塞豺狼犯帝畿川原無稼穡日月翳光輝
里社枌榆毀宮城騎吏非群生被慘毒雜虜耀輕肥
毀士從芳餌唯君識禍機心同合浦葉命寄首陽薇
耻作纖鱗煦方隨高鳥飛山經商嶺出水泛漢池歸

離別霜凝髮逢迎淚迸衣京華長路絕江海故人稀
秉節身常苦求仁志不違祗應窮野外耕種且相依

新豐主人

儲光羲

新豐主人新酒熟舊客還歸舊堂宿滿酌香含北砌
花盈尊色泛南軒竹雲散天高秋月明東家少女解
秦箏醉來忘却巴陵道夢中疑是洛陽城

白沙亭逢吳叟歌

韋應物

龍池官裏上皇時羅衫寶帶香風吹滿朝豪士今已
盡欲話舊遊人不知白沙亭上逢吳叟愛客脫衣且
沽酒問之執戟亦先朝零落艱難却負樵親觀文物

唐詩類苑

卷之八

十八

蒙雨露見我昔年侍丹霄冬狩春祠無一事歡遊洽
宴多頒賜嘗陪夕月竹宮齋每返溫泉瀾陵醉星歲
再周十二辰爾來不語箇爲君盛時忽云良可恨一
生坎壈何足云

逢姚校書因送之河中

耿漳

十年相見少一歲又還鄉去住人惆悵東西路渺茫
古陵無茂草高樹有殘陽委葉秋來稻凋疎採後桑
月輪生舜廟河水出關牆明日過閭里光輝芸閣郎

洛陽客舍逢祖詠留宴

蔡希寂

綿綿鐘漏洛陽城客舍相逢意更清酒因成

醉醉後焉知世上情

逢入京使

岑參

故園東望路漫漫雙袖龍鍾淚不乾馬上相逢無紙
筆憑君傳語報平安

東魯見狄博通

李白

去年別我向何處有人傳道遊江東謂言掛席度滄
海却來應是無長風

江南逢李龜年

杜甫

岐王宅裏尋常見崔九堂前幾度聞正是江南好風
景落花時節又逢君

唐詩類苑

卷之八

十九

出山逢耿曄

盧綸

雲雪離披千萬重別來曾住最高峰暫到人間歸不
得長安陌上又相逢

洪州逢熊孺登

白居易

靖安院裏辛夷下醉笑狂吟氣最粗莫問別來多少
苦低頭看取白髭鬚

逢賈島

張籍

僧房逢着款冬花出寺行吟日已斜十二街中春雪
遍馬蹄今去入誰家

越中逢孫百篇

方干

上才乘醉到山陰日日成篇字字金鏡水周迴千萬
頃波瀾倒瀉入君心

逢故人

張籍

山東一十餘年別今日相逢在上都說盡向來無限
事相看盡是白髭鬚

喜逢鄭三遊山

盧仝

相逢之處花茸茸石壁攢峰千萬重他日期君何處
好寒流石上一株松

隴上逢江南故人

崔塗

三聲戍角邊城暮萬里鄉心塞草春莫學少年輕遠
唐詩類苑 卷之全 干

別隴關西少向東人

逢王建有贈

張籍

年狀皆齊初有髭鵲山漳水每追隨使君座下朝聽
易處士庭中夜會詩新作句成相借問閑求義盡共
尋思經今三十餘年事却說還同昨日時

蕭相公宅遇自遠禪師有感而贈

白居易

宦途堪笑不勝悲昨日榮華今日衰轉似秋蓬無定
處長于春夢幾多時半頭白髮懸蕭相滿面紅塵問
遠師應是世間緣未盡欲拋官去尚遲疑

錢唐見蒨逢

羅隱

蔡倫池北鴈峰前雁亂相兼十九年所喜故人猶會
面不堪良牧已重泉醉思把觴歌歌席狂憶判身入
酒船今日與君贏得在戴家灣裏兩瞠然

魏成逢故人

羅隱

一年兩度錦城游前值東風後值秋芳草有情皆礙
馬好雲無處不遮樓山將別恨心和斷水遞離聲入
夢流今日因君試迴首淡煙喬木隔縣州

九江逢盧員外

韋莊

前年風月宿琴堂大媚仙山近帝鄉別後幾沾新雨
唐詩類苑 卷之全 王

露亂來猶記舊篇章陶潛豈是銅符吏田風終爲錦
帳郎莫怪相逢倍惆悵九江煙月似瀟湘

江上逢故人

韋莊

前年送我曲江西紅杏園中醉似泥今日逢君越谿
上杜鵑花發鵲鵲啼來時舊里人誰在別後滄波路
幾迷江畔玉樓多美酒仲宣懷土莫凄凄

與東吳生相遇

韋莊

十年身事各如萍白首相逢淚滿纓老去不知花有
態亂來唯覺酒多情貧疑陋巷春偏少貴想豪家月
最明且對一樽開口笑未衰應見泰階平

湘中見進士喬詡

羅隱

吳公臺下別經秋，破虜城邊暫駐留。
一笑有時堪解夢，數年無處不同遊。
雲牽楚思橫漁艇，柳送鄉心入酒樓。
且酌松醪依舊醉，誰能相見向春愁。

京口見李侍郎

羅隱

僥僥江柳欲矜春，鐵瓮城邊見故人。
屈指不堪言甲子，披風常記是庚申。
別來且喜身俱健，亂後休悲業盡貧。
還有杖頭沽酒物，待尋山寺話逡巡。

灞上逢元處士東歸

許渾

瘦馬頻嘶灞水寒，灞南高處望長安。
何人更結王生疋，羈此客虛彈貢氏冠。
江上蟹螯沙渺渺，塢中蝸殼雪漫漫。
舊交已變一作盡，新知少却伴漁郎把釣竿。

唐詩類苑

卷之全

三

長慶寺遇常州阮秀才

許渾

高閣晴軒對一峰，毗陵書客此相逢。
晚收紅葉題詩遍，秋待黃花釀酒濃。
山館日斜喧鳥雀，石潭波動戲魚龍。
上方有路應知處，踈磬寒蟬樹幾重。

逢博陵故人彭兵曹

賈島

曲陽分散會京華，見說三年住海涯。
別後解餐蓬蘽子，向前未識牡丹花。
遇逢日者教求祿，終傍泉聲擬置家。
踏雪携琴相就宿，夜深聞戶斗牛斜。

長安逢友人

劉滄

上國相逢塵滿襟，傾杯一話昔年心。
荒臺共望秋山立，古寺多同雪夜吟。
風度重城宮漏盡，月明高柳禁煙深。
終期白日青雲路，休感鬢毛霜雪侵。

北歸入至德界偶逢洛陽鄰家李光宰

劉長卿

生涯心事已蹉跎，舊路依然此重過。
近北始知黃葉落，向南空見白雲多。
炎州日日人將老，寒渚年年水自波。
華髮相逢俱若是，故園秋草復如何。

邊館逢賀秀才

馬戴

唐詩類苑

卷之全

三

貧病無疎我，與君不知何事久離群。
鹿裘共弊同爲客，龍闕將移擬獻文。
空館夕陽鴉繞樹，荒城寒色鴈和雲。
不堪吟斷邊笳曉，葉落東西客又分。

江上逢柳中庸

李端

舊住衡山曾夜歸，見君江客憶荆扉。
星沈嶺上人行早，月過湖西鶴唳稀。
弱竹萬株煩礙憤，新泉數步一寒衣。
今來唯有禪心在，鄉路翻成向翠微。

相從行贈嚴二別駕

杜甫

我行入東川，十步一回首。
成都亂罷氣蕭瑟，浣花草堂亦何有。
梓州豪俊大者誰，本州從事知名久。
把臂

開樽飲我酒酒酣擊劍蛟龍吼烏帽拂塵青螺粟紫
衣將炙緋衣走銅盤燒蠟光吐日夜如何其初促膝
黃昏始叩主人門誰謂俄頃膠在漆萬事盡付形骸
外百年未見歡娛畢神傾意豁真佳士久客多憂今
愈疾高視乾坤又可愁一軀交態同悠悠垂老遇君
未恨晚似君須向古人求

戲贈閬鄉秦少府短歌

杜甫

去年行宮當太白朝迴君是同舍客同心不減骨肉
親每語見許文章伯今日時清兩京道相逢苦覺人
情好昨夜邀歡樂更無多才依舊能潦倒

唐詩類苑

卷之八

三

短歌行

杜甫

前者途中一相見人事經年記君面後生相勸何寂
寥君有長才不貧賤君今起柁春江流余亦沙邊具
小舟幸爲達書賢府主江花未盡會江樓

話舊

晚夏逢友人話舊

李昌符

一別同袍友相思已十年長安多在客久病忽聞蟬
驟雨纔沾地陰雲不偏天微涼堪話舊移榻晚風前
岐陽逢曲陽故人話舊

馬戴

異地還相見平生分可知壯年俱欲暮往事盡堪悲

道路頻艱阻親朋久別離解兵逃白刃謁帝值明時
淹疾生涯故因官事一作業移鷄鳴關月落鴈度朔
風吹客淚翻岐下鄉心落海湄積愁何計遣滿酌浣
相思

與僧話舊

劉滄

巾烏同時下翠微舊遊因話事多違南朝古寺幾僧
在西嶺空林唯鳥歸沙徑晚煙凝竹塢石池春色染
苔衣此時相見又相別卽是關河朔鴈飛

智新上人話舊

李洞

蟋蟀燈前話舊遊師經幾夜我經秋金陵市合月光

唐詩類苑

卷之八

五

裏甘露門開峰朵頭晴眺遠帆飛入海夜禪陰火吐
當樓相看未得東歸去滿壁寒濤瀉白甌

與重幽上人話舊

劉滄

雲飛天末木空流省與師同別異州庭樹蟬聲初入
夏石牀苔色幾經秋燈微靜室生鄉思月上嚴城話
旅遊自喜他年接巾烏滄浪地近虎溪頭

和元九與呂二同宿話舊感贈

白居易

見君新贈呂君詩憶得同年行樂時爭入杏園齊馬
首漸過柳曲闌蛾眉八人雲散俱遊宦七度花開盡

別離聞道秋娘猶且在至今時復問微之

唐詩類苑

卷之八十一

六

唐詩類苑卷第八十三

明雲間張之象玄超甫纂輯

雲間陳繼儒仲醇甫編次

雲間王微叔朗甫補訂

梁谿曹仁孫伯安甫校正

人部

寓宿

行從方秀川與劉文同宿 張說

方秀美盤遊頻年降天旱水共伊川接山將闕門斷
捧日照恩華攀雲引疲散野宿霜入帳孤衾寒不煖

唐詩類苑

卷之八十三

一

靜聞官漏疎臥視庭月滿開爐命溫酌中夜發清管
風送關山長氣道星歲短寓言情思愜適興真意坦
寰中病羈挂方外嫌縱誕願君樂盛時無嗟帶纓綬
之廣陵宿常二南顧北宮 李白

綠水接柴門有如桃花源忘憂或假草滿院羅叢萱
暝色湖上來微雨飛南軒故人宿茅宇夕鳥歸楊園
還惜詩酒別深爲江海言明朝廣陵道獨憶此傾樽
下終南山過斛斯山人宿置酒 李白

暮從碧山下山月隨人歸却顧所來徑蒼蒼橫翠微

相携及田家童稚開荆扉綠竹入幽軒青蘿拂行衣
歡言得所憩美酒聊共揮長歌吟松風曲盡河星稀
我醉君復樂陶然共忘機

酬張十八訪宿見贈

白居易

昔我爲近臣君常稀到門今我官職冷唯君來往頻
我受狷介性立爲頑拙身平生雖寡合合卽無緇磷
況君秉高義富貴視如雲五侯三相家眼冷不見君
問其所與游獨言韓舍人其次卽及我我愧非其倫
胡爲謬相愛歲晚逾勤勤樂然顏簷下一話夜連晨
床單食味薄亦不嫌我貧日高上馬去相顧猶逡巡

唐詩類苑

卷之八

二

長安久無雨日赤風昏昏君將病眼爲我犯埃塵
遠從延康里來訪曲江濱所重君子道不獨愧相親

聞崔十八宿予新昌弊宅時予亦宿崔家依

仁新亭一宵偶同兩興暗合因而成詠聊

以寫懷

白居易

陋巷掩弊廬高居敞華屋新昌七株松依仁萬莖竹
松前月臺白竹下風池綠君向我齋眠我在君亭宿
平生有微尚彼此多幽獨何必本主人兩心聊自足

喜友至留宿

白居易

村中少賓客柴門多不開忽聞車馬至云是故人來

况值風雨夕愁心正悠哉願君且同宿盡此手中杯
人生開口笑百年都幾迴

村中留李三固言宿

白居易

平生早遊宦不道無親故如我與君心相知應有數
春明門前別金氏陂中遇村酒兩三杯相留寒日暮
勿嫌村酒薄聊酌論心素請君少踟躕繫馬門前樹
明年身若健便擬江湖去他日縱相思知君無覓處
後會既茫茫今宵君且住

同宿聯句

韓愈

自從別君來遠出遭巧譖愈斑斑落春淚浩浩浮秋

唐詩類苑

卷之八

三

浸如毛奇觀象犀羽怪見鵬鴒愈朝行多危棧夜卧
饒驚枕如生榮今分踰死棄昔情住愈鵝行參綺陌
鷄唱聞清禁如山晴指高標槐密驚長陰愈直辭一
以薦巧舌千皆齡如匡鼎惟說詩桓譚不讀識愈逸
韻何嘈噉高名俟沽賃如紛葩歡屢填曠朗憂早滲
愈爲君開酒腸顛倒舞相飲如曦光霽曙物景曜鏗
宵侵愈儒門雖大啓奸首不敢闖義泉雖至近盜索
不敢沁清琴試一揮白鶴叫相暗欲知心同樂雙爾
抽作絃如

再至界圍巖遂宿巖下

柳宗元

發春念長違中夏欣再覩是時值物秀香若臨玄圃
歆陽訝垂氷白日驚雷雨笙簧潭際起鸛鶴雲間舞
古苔凝青枝陰草濕翠羽蔽空素彩列激浪寒光聚
的皪沈珠淵鏘鳴指佩浦幽巖畫屏倚新月玉鈞吐
夜涼星滿川忽疑眠洞府

宿清溪主人

李白

夜到清溪宿主人碧巖裏簷楹掛斗星枕席響風水
月落西山時啾啾夜猿起

友人會宿

李白

唐詩類苑 卷之八
四
滌蕩千古愁留連百壺飲良宵宜清談皓月未能寢
醉來卧空山天地即衾枕

宿玄武二首

盧照鄰

方池開曉色圓月下秋陰已乘千里興還撫七絃琴

庭搖北風柳院繞南溟禽宿思方重窮秋漢不深

同褒子秋齋獨宿

韋應物

山月皎如燭風霜時動竹夜半鳥驚栖窓間人獨宿

宿永陽寄聚律師

韋應物

遙知郡齋夜凍雪封松竹時有山僧來懸燈獨自宿

宿五松山下荀媪家

李白

我宿五松下寂寥無所歡田家秋作苦鄰女夜春寒
曉進彫胡飯月光明素盤令人慙漂母三謝不能餐

宿雲門寺閣

孫逖

香閣東山下煙花象外幽懸燈千嶂夕捲幔五湖秋
畫壁餘鴻鴈紗牕宿斗牛更疑天路近夢與白雲遊

宿陳留李少府宅

祖詠

相如有叔卿訟簡夜彌清旅宿倦愁卧空堂聞曙更
風簾搖竹影秋雨帶蟲聲歸思那堪說悠悠恨洛城

秋夜宿嚴維宅

皇甫冉

唐詩類苑 卷之三
五
昔聞玄度宅門向會稽峰君往東湖下清風繼舊蹤
秋深臨水月夜半隔山鐘世故多離別良宵詎可逢

酬盧十一過宿

皇甫冉

乞遠方未遂日夕望雲林况復逢春草何勞問此心
閒門公務散枉策故情深夜他鄉酒同君梁甫吟

客舍喜崔補闕司空拾遺訪宿

盧綸

步月訪諸鄰逢居宿近臣弊裘先醉客清鏡早朝人
壞壁煙垂網香街火照塵悲榮俱是分吾亦樂君貧

就可松宿

賈島

十里尋幽寺寒流數派分僧同雪夜坐鴈向草堂聞
靜語終燈焰餘生許嶠雲猶來多抱疾聲不達明君

就峰公宿

賈島

河出鳥宿後螢火白露中上人坐不倚共我論量空
殘月華曉暖遠水響玲瓏爾時無了夢茲宵方未窮

爭業寺與前鄆縣李廓少府同宿

賈島

來從城上峰京寺暮相逢往往語復默微微雨洒松
家貧初罷吏年長畏聞蛩前日猶拘束披衣起曉鐘

宿成湘林下

賈島

唐詩類苑

卷之八十三

六

相訪夕陽時千株木末衰石泉流出一作出谷山雨滴

栖鴟漏向燈聽數酒因客寢遲今宵不盡興更有月

明期

示全真元常

元常趙氏生

韋應物

余辭郡符去爾爲外事牽寧知風雪夜復此對牀眠
始話南池飲更詠西樓篇無將一會易歲月坐推遷

宿昭應

張喬

開元事變京里巷間薄煙通魏闕明月照驪山
半壁空宮閑連天白道閑清晨更迴首獨向灞陵還

宿長安蘇雍主簿廳

李洞

縣對數峰雲官清主簿貧聽更池上鶴伴直岳陽人
并鎖煎茶水廳關擣藥塵往來多屣步同舍卽諸鄰

同劉秀才宿見贈

僧無可

浮雲流水心只是愛山林共恨多年別相逢一夜吟
既能持苦節勿謂少知音憶就西池宿月圓松竹聲

暮秋宿友人居

僧無可

招我郊居宿開門但苦吟秋眠山燒盡暮歇竹園深
寒浦鴻相叫風牕月欲沈翻嫌坐禪石不在此松陰

冬夜宿余正字靜恭里閑居

喻鳧

唐詩類苑

卷之八十三

七

每來多便宿不負白雲言古木朔風動寒城疎雪翻
微燈懸刻漏舊夢返湘沅先是琴邊起知爲閣務繁

雪夜與眞上人宿韓協律宅

朱慶餘

斜雪微霰砌空堂夜語清逆風聽漏短回燭向樓明
鹽湫隨禪伴謳吟得野情此歡那敢忘世丈夫名

與賈鳧顧非熊無可上人宿萬年姚少府宅

朱慶餘

莫厭通宵坐貧中會聚難堂虛雪氣入燈在漏聲殘
役思因生病當禪豈覺寒開門各有事非不惜餘歡

答鄭時友同宿見示 馬戴

為客自堪悲風塵日滿衣承明無計入舊隱但懷歸
雪積孤城暗燈殘曉角微相逢喜同宿此地故人稀

宿山寺思歸 李端

僧房秋雨歇愁卧夜更深欹枕聞鴻鴈迴燈見竹林
歸螢入草盡落月映牕沈拭淚無人覺長謔向壁陰

吳明府自遠而來留宿 戴叔倫

出門逢故友衣服滿塵埃歲月不可問山川何處來
綺城容弊宅散職寄靈臺自此留君醉相歡得幾迴

宿岐山姜明府廳 耿緯

暮詩類卷之六
夕色休群動秋齋遠客情細風和雨氣寒竹度簾聲
日覺蹉跎近天教懶慢成誰能謁卿相朝夕算浮榮

與清江上人及諸公宿李八昆季宅 耿緯

湯公多外友洛社自相俟遠客還登會秋懷欲忘歸
驚風林果少驟雨砌蟲稀更過三張價東遊愧陸機

秋夜喜盧司直嚴少府訪宿 耿緯

寂寂閉層城悠悠此夜情早涼過鬢髮秋思入柴荆
嚴子多高趣盧公有盛名還如杜陵下暫拂蔣元卿

同朱慶餘宿邕西上人房 周賀

溪僧還共謁相與坐中天屋雪凌高嶺山茶稱遠泉
夜清更徹寺空澗鴈衝天莫怪多時話重來又隔年

冬中與諸公會宿姚端公宅懷永樂殷侍御 僧無可

柱史靜開筵所思何地偏故人為縣吏五老遠峰前
賓榻寒侵燒公庭夜落泉會當隨假務一就白雲禪

宿嚴維宅簡章八元 僧清江

佳期曾不遠甲第即南鄰惠愛偏相及經過豈厭頻
秋光林葉動夕霽月華新莫話羈栖事平原是主人

早秋宿葉隨所居 羅隱

池荷葉正圓長層報時彈曠野雲蒸熱空庭雨始寒
蠅蚊猶得志簾席若為安浮世知誰是勞歌共一歡

秋夜宿西林寄賈島 僧無可

暗蟲喧暮色默思坐西林聽雨寒更盡開門落
葉深昔因示邑病併起洞庭心亦是吾兄弟遲回共
至今

夜宿孟司功宅 白居易

潯陽白司馬夜送孟功曹江閣管絃思樓明燈火高
湖波翻似箭霜草殺如刀且莫開征棹陰風正

怒號

宿姚合宅寄張司業籍

賈島

開宵因集會柱史話先生身愛無一事心期往四明
松枝影搖動石磬響寒清誰伴南齋宿月高一作霜
滿城

偶宿山中憶暢當

盧綸

深山夜雪晴坐憶曉山明讀易罷三卷彈琴當五更
薜蘿枯有影崑壑凍無聲此夕一相望君應知我誠

司馬廳獨宿

白居易

荒涼滿庭草偃亞侵簷竹府吏下廳簾家僮關被幘
唐詩類苑 卷之八十三 十一

數聲城上漏一點牕間燭官曹冷似水誰肯來同宿

秋夜梁七兵曹同宿二首

錢起

一笑不可得同心相見稀摘菱頻貰酒待月未扃扉
星影低驚鵲蟲聲傍旅衣卑棲歲已晚共羨鴈南飛

二

好欲棄吳道今宵又遇君老夫相勸酒稚子待題文
月下誰家笛城頭幾片雲如何此幽興明日重離群

宿東溪李十五山亭

王季友

上山下山入山谷溪中落日留我宿松石依依當主
人主人不在意亦足名花出地兩重階絕頂平天一

小齋本意由來是山水何用相逢語舊懷

宿迴溪翁宅

元結

長松萬株遶茅舍怪石寒泉近簷下老翁八十猶能
行將領兒孫行拾稼吾羨老翁居處幽吾愛老翁無
所求時俗是非何足道得似老翁吾即休

宿丹崖翁宅

元結

扁舟欲到龍口湍春水湍瀧上水難投竿來泊丹崖
下得與崖翁盡一歡丹崖之亭當石顛破竹半山引
寒泉泉流掩映在木杪有若白鳥飛林間往往隨風
作霧雨濕人巾履滿庭前丹崖翁愛丹崖棄官幾年
唐詩類苑 卷之全 十一

崖下家兒孫棹船抱酒甕醉裏長歌揮釣車吾將求
退與翁遊學翁歌醉在魚舟官吏隨人往未得却望

丹崖慙復羞

宿府吏

張籍

野水尋花共作期今朝出郭不相隨待君公事有閑
日此地春風應過時

張蕭遠雪夜同宿

張籍

數卷新遊蜀客詩長安僻巷得相隨草堂雪夜攜琴
宿况似青城館裏時

答元奉禮同宿見贈

白居易

相逢俱嘆不閑身，眞日常多齋日頻。
曉鼓一聲分散去，明朝風景屬何人。

劉十九同宿

時淮寇初破

白居易

紅旗破賊非吾事，黃紙除書無我名。
唯共嵩陽劉處士，圍棋賭酒到天明。

宿楊家

白居易

楊氏弟兄俱醉卧，披衣獨起下高齋。
夜深不語中庭立，月照藤花影上階。

喜王六同宿

張籍

十八年來恨別離，唯同一宿詠新詩。
更相借問詩中意，語共說如今勝舊時。

唐詩類苑

卷之八

士

宿昭應

顧況

武帝祈靈太乙壇，新豐樹色遶千官。
那知今夜長生殿，獨閉空山月影寒。

秋宿長安韋主簿廳

李洞

水木清涼夜直廳，愁人樓上唱寒更。
坐勞同步簾前月，鼠動牀頭印鎖聲。

自商山宿陶令舊隱

蘇廣文

聞道花源堪避秦，尋幽數日不逢人。
煙霞洞裏無鷄犬，風雨林中有鬼神。
黃公石上三芝秀，陶令門前五

柳春醉卧白雲閑，入夢不知何物是吾身。

鄂州寓館嚴澗宅

在

元稹

鳳有高梧鶴有松，偶來江外寄行蹤。
花枝滿院空啼鳥，塵榻無人憶卧龍。
心想夜閑唯足夢，眼看春盡不相逢。
何時最是思君處，月入斜窻曉寺鐘。

奉酬崔員外副使携琴宿宿使院見示

李益

忽聞此夜携琴宿，遂歎常時塵吏喧。
庭木已衰空月滿，城砧自急對霜繁。
猶持副節留軍府，未薦高詞直掖垣。
誰問南飛長繞樹，官微同在謝公門。

唐詩類苑

卷之八

士

春日宿崇賢里

羅鄴

柳暗偷飛春日深，水邊門巷獨來尋。
舊山共是經年別，新句相逢竟夕吟。
枕近禁街聞曉鼓，月當高竹見樓禽。
勞歌莫問秋風計，恐起江河垂釣心。

鍾陵崔大夫罷鎮攀隨再經匡廬寺宿

羅鄴

一拋文戰學從公，兩逐旌旗宿梵宮。
酒醒月移廳影畔，夜涼身在水聲中。
侯門聚散真如夢，花界登臨轉悟空。
明發不堪山下路，幾程愁雨又愁風。

宿武安山有懷

羅鄴

野店暮來山畔逢寒蕪漠漠露華濃牕間燈在犬驚吠溪上月沈人罷春遠別只愁添雪鬢此生何計隱雲峰離心却羨南飛翼獨過吳江更數重

謝諸公宿鏡水宅

僧貫休

幸免低頭向府中貴將藜藿與君同陽鴈叫霜來枕上寒山映月在湖中詩書何德名夫子草木推年長數公聞道漢家偏長少此身那比訪芝翁

喜與楊六侍御同宿

白居易

岸幘靜言明月夜匡牀閑卧落花朝三三晨饒春睡七八年來不早朝濁水清塵難會合高鵬低鷁各

唐詩類苑

卷之八

五

逍遙眼看又上青雲去更卜同衾一兩宵

待候

見南山夕陽石監師不至 宋之問

夕陽黯黯暮山翠互明滅此中意無限要與開士說徒鬱仲舉思唯迴道林轍孤興欲待誰待此湖上月龍門西峯曉望劉十八不至

李頎

春臺臨永路跂足望行子片片雲觸峰離離鳥渡水叢林遠山上霽景雜花裏不見携手人下山採綠芷宿業師山房待丁公不至 孟浩然

夕陽度西嶺群壑條已暝松月生夜涼風泉滿清聽樵人歸欲盡煙鳥棲初定之子期宿來孤琴候羅逕

善福精舍秋夜遲諸君

元稹

廣庭獨開步夜色方湛然丹閣已排雲皓月更一作高懸繁露降秋節蒼林鬱芊芊仰觀天氣涼高詠古人篇撫已亮無庸結交賴群賢屬予翹思時方子中夜眠相去隔城關佳期屢徂遷如何日夕待見月三四圓

灞橋待李將軍

長孫無忌

颯颯風葉下遙遙煙景曛霸陵無醉尉誰滯李將軍

唐詩類苑

卷之八

五

西郊期滌武不至書示

韋應物

山高鳴過雨澗樹林云落殘花非關春不待當由期自賒

同德閣期元侍御李博士不至各投贈二首

韋應物

庭樹忽已暗故人那不來祇應厭煩暑永日坐霜臺

二

官榮多所繫閑居亦憊期高閣猶相望青山欲暮時使往天平軍為約與陳子昂新鄉為期及還而不相遇 宋之問

入衛期之子吁嗟不少留情人去何處淇水日悠悠

恒碣青雲斷衡漳白露秋知君心許國不是愛封侯

號州南池候嚴中丞不至 岑參

池上日相待知君殊未回徒交柳葉長漫使梨花開

駟馬去不見雙魚空往來相思不解說孤負舟中杯

待儲光義不至 王維

重門朝已啓起坐聽車聲要欲聞清珮方將出戶迎

晚鐘鳴上苑疎雨過春城了自不相顧臨堂復空情

遊精思觀貽王先生 孟浩然

出谷未亭午至家日已曛迴瞻山下路但見牛羊群

唐詩類苑 卷之六 七

樵子暗相失草蟲寒不聞衡門猶未掩佇立待夫君

渝州候嚴六侍御不到先下峽 杜甫

聞道乘驄發沙邊待至今不知雲雨散虛費短長吟

山帶烏蠻濶江連白帝深船過一柱觀留眼共登臨

西閣三度期大昌嚴明府同宿不到 杜甫

問子能來宿今疑索故要匣琴虛夜夜手板自朝朝

金吼霜鐘徹花催蠟炬銷早見江檻底雙影謾飄飄

寄酬李博士永寧主簿叔廳見待

解鞍先幾日欵曲見新詩定向公堂醉遲憐獨去時

葉霑寒雨落鐘度遠山遲展策已云整當同林下期

藍上茅茨期王維補闕 錢起

山中人不見雲去夕陽過淺瀨寒魚少叢蘭秋蝶多

老年疎世專幽性樂天和酒熟思才子溪頭望玉珂

高臺一悄望 一作遠樹間朝暉但見東西騎坐令心

賞違始霽郊園綠暮春啼鳥稀徒然對芳物何能獨

醉歸 唐詩類苑 卷之六 七

行人路不同花落到山中水暗兼葭露月明楊柳風

年華驚已擲志業颯然空何必龍鍾後方期事遠公

期友人阻雨不至 魚玄機

鴈魚空有信雞黍恨無期閉戶方籠月寒簾已散絲

近泉鳴砌畔遠浪漲江湄鄉思悲秋客愁吟五字詩

山中期張芬不至 李端

古堤春草碧雙燕向西飛悵望雲天暮佳人何處歸

藥欄蟲網遍苔井水痕稀誰道稻康頤山亭自掩扉

和季中丞醉中期王徵君月夜同遊滌水舊

居

項斯

醉後情俱遠難忘素澹間照花深處月當戶舊時山
事想同清話歡期一破頽風流還愛竹此夜尚恩閑
題興善寺隋松院與人期不至

崔塗

青青伊澗松移值在蓮宮薊色前朝雨秋聲半夜風
長閑應未得暫賞亦難同不及禪棲者相看老此中
集宿姚殿中宅期僧無可不至

馬戴

殿中日一作殿內相命開樽話舊時餘鐘催鳥絕積雪
唐詩類苑卷之八十三

阻僧期林靜寒光一作聲遠天陰曙色遲今夕復何夕
人去難追

夜集姚合宅期可公不至 賈島

公堂秋雨夜已是念園林何事疾病日重論山水心
孤澄明臘夜微雪下更深釋子乖來約泉西寒磬音

月夜期友人不至 許渾

坐待故人宿月華清興秋管誰處醉池館此時愁
風過渚蒲動露含山桂幽孤吟不可一作覺曙昨夜共
登樓

秋晚與沈十七舍人期遊樊川不至

杜牧

邀侶以官解泛然成獨遊川光初媚日山色正矜秋
野竹疎還密巖泉咽復流杜村連潏水晚步見垂鉤
期徐道者不至 羅隱

遼鶴虛空語冥鴻未易親偶然來即是必擬見無因
霜霰窮冬冷杯盤旅舍貧只應蒯子訓醉後懶分身

皇甫主簿期遊山不及赴 賈島

休官疋馬在新意入山中更住應難遂前期恨不同
集蟬苔樹僻留客雨堂空深夜誰相訪惟當清淨翁

期王山人陳七不至 孟浩然

唐詩類苑卷之八十三

九

搖艇候明發花源弄晚春在山懷綺季臨漢憶荀陳
上巳期三月浮杯興十旬坐歌空有待行樂恨無鄰
日晚蘭亭客煙花曲水濱浴蠶逢姹女采艾值幽人
石壁堪題序沙塲好解神群公望不至虛擲此芳辰
朝邑蔡主簿期不會二首 儲光羲

下位日趨走久之賓會疎空遲偶詞賦所愧比園廬
朝念池上酌暮逢林下書方將固封守暫欲混畋漁
表柳隱長路秋雲滿太虛遙遙望左右日入未迴車

日入清風至知君在西偏車輿既成列賓僕復能賢

迢遞下虛坂逍遙看井田蒼山起暮雨極浦浮長煙
服義大如志交歡數盡年寧言十餘里不見空來還

合源溪期張計不至 李益

霜露肅時序緬然方獨尋暗溪遲仙侶寒澗聞松禽
寂歷茲夜永清明秋序深微波澹澄夕煙景含虛林
素志久淪否幽懷方自吟

東溪待蘇戶曹不至 張萬頃

洛陽城東伊水西千花萬竹使人迷臺人柳枝臨岸
低門前荷葉與橋齊日暮待君君不見長風吹雨過
青溪

唐詩類苑 卷之八

久雨期王將軍不至 杜甫

大雨瀟瀟滯茅屋空山無以慰幽獨銳頭將軍來何
遲令我心中苦不足數看黃霧亂玄雲時聽嚴風折
喬木泉源冷冷雜猿狖泥潭漠漠饑鴻鵠歲暮窮秋
耿未已人生會面難再得憶爾腰下鐵絲箭射殺林
中雪色鹿前者坐皮因問毛知子歷險人馬勞異獸
如飛星宿落應弦不礙蒼山高安得突騎只五千岸
然眉骨皆爾曹走平亂世相催促一豁明主正鬱陶
憶昔范增碎玉斗未使吳兵著白袍昏昏闔閭閉氛
祲十月荆南雷怒號

期宿客不至 白居易

風飄雨洒簾帷故竹映松遮燈火深宿客不來嫌冷
落一樽酒對一張琴

夜期嘯客不至 賈島

逸人期宿石牀中遣我開扉對晚空不知何處嘯秋
月閑著一作松門一夜風

期李二十文畧王十八質夫不至獨宿仙遊寺 白居易

文畧也從牽吏役質夫何故戀巖塵始知解愛中山
宿千萬人中無一人

唐詩類苑 卷之八

會友不至 成文幹

王孫還是負佳期玉馬追遊日漸西獨上郊原人不
見鷓鴣飛過落花溪

奉待嚴大夫 杜甫

殊方又喜故人來重鎮還須濟世才常怪偏裨終日
待不知旌節隔年回欲辭已微啼鸞合遠下荆門去
艦催身老時危思會面一生懷抱向誰開

十字水期韋潘侍御同年不至時韋寓居水

次故郭汾寧宅 李商隱

伊水濺濺相背流朱欄書閣幾人游漆燈夜照眞無

數蠟炬晨炊竟未休顧我有懷同大夢期君不至更
沈憂西園碧樹今誰主與近高牕卧聽秋

問候

答黃宣供奉問蘭陵居

李益

居北有朝路居南無住人勞師問家弟山色是南鄰

崔十四宅問候

錢起

曉日早鶯啼江城旅思迷微官同寄傲移疾阻招携
遠水間閭內青山堆堞西王孫莫久卧春草欲萋萋

山中崔大夫有書相問

秦系

客在煙霞裏閒閒逐狎鷗終年常艱足連日半蓬頭

唐詩類苑

卷之八十三

二五

帶月乘魚艇迎寒綻鹿裘已於人事少多被掛冠留
素業堆千卷清風至一丘蒼黃倒藜杖僂僂覩銀鈎
跡愧巢由隱才非管樂儔從來自多病不是傲王侯

唐詩類苑卷第八十四

明雲間張之象玄超甫纂輯

雲間陳繼儒仲醇甫編次

雲間王微叔明甫補訂

梁谿曹仁孫伯安甫校正

人部

宴集

冬夜宴蕭十丈因餞殷郭二子西上并序

息夫牧

冬十有二月家君宰邑許下夫子問津類上二賢

唐詩類苑

卷之八十四

一

將馳會府皆適茲土夜處狹室列座有位尊卑儼
如或捧觴上壽或摳衣請益始崇詩以閱禮終講
信以脩睦然後文飽於德義潤其身頃夫子升堂
之後若盧賈劉尹之徒半紀間接武鳴躍實夫子
訓之導之期至也今殷郭二子天資才幹而加之
鏃羽上觀王庭俯拾地芥其誰曰不然飛霜謁林
寒氣總至月落匝戶夜將向晨座隅謙謙畢醉溫
克則知孔門宴集異於他日二三子終身識之夫
子以家君政事百里無事命門弟子賦詩鳴琴亦
以釋低離之怨焉小子不敏忝居門人之末敢不

敬書其事

有琴斯鳴于宰之庭君子蒞止其心孔平政既告成
德以永貞鳴琴有術于穎之畔彼之才髦其年未冠
聞詩聞禮斐子粲粲鳴琴其怡于穎之湄二子翰飛
言戾京師有鬱者桂載攀其枝琴既鳴矣宵旰既清矣
烘燂有煒酒醴惟旨喟我寢歎吁其別矣

夕宴房主簿舍

并序

張說

旅聽清館崇局巖鑰巖雲暗山微月白夜悄群動
之俱息感孤鴻之遠音有美房公霞海其量友我
以綵竹好我以罇俎紆蘊結之雅懷豁幽曠之陳

唐詩類苑

卷之八古

二

意滿堂既醉同賦是詩

歲晏關雍空風急河渭水薄遊羈物役微尚慙遠憑
旅館候月宿永思閑雲局伊人美修夜明酒惠來稱
交談既清雅琴吹亦淒凝不逢君蹇澗幽意長鬱蒸
宴韋司戶山亭院

高適

人幽想靈山意慙憐遠水習靜務為適所居還復爾
汲流漲華池開酌宴君子苦徑試窺踐石屏可攀倚
入門見中峯携手如萬里橫琴了無事垂釣應有以
高館何沈沈颯然涼風起

秋日魯郡堯祠亭上宴別杜補闕范侍御

李白

我覺秋興逸誰云秋興悲山將落日去水與晴空宜
魯酒白玉壺送行駐金羈歇鞍憩古木解帶挂橫枝
歌鼓川上亭曲度神飈吹雲歸碧海夕鴈沒青天時
相失各萬里茫然空爾思

宴包二融宅

孟浩然

閑居枕清洛左右接人野門庭無雜賓車轍多長者
是時方盛夏風物自瀟灑五日休沐歸相携竹林下
開襟成歡趣對酌不能罷煙暝棲鳥還予亦歸白社
襄陽公宅飲

孟浩然

唐詩類苑

卷之古

三

窈窕夕陽在丰茸春色好欲覺淹留處無過狹斜道
綺席卷龍鬚香杯浮瑪瑙北林積修樹南池生別島
手撥金翠花心迷玉芝草談笑光六藝發論明三倒
座非陳子驚門還魏公掃榮辱應無問歡娛當共保
劉侍御月夜讌會

并序

元結

兵興已來十一年矣獲與同志歡醉達旦詠歌取
適無一二焉乙巳歲彭城劉靈源在衡陽逢故人
或有在者日昔相會第歡遠遊始與諸公待月而
笑語竟與諸公愛月而歡醉詠歌夜久賦詩言懷
於戲文章道喪益久矣詩之作者煩雜過多歌兒

舞女且相喜愛系之風雅誰道是耶諸公常欲變
時俗之淫靡爲後生之規範今夕豈不能道達情
性成一時之美乎

我從蒼梧來將耕舊山田踟躕爲故人且復停歸船
日夕得相從轉覺和樂全愚愛涼風來明月正滿天
河漢望不見幾是猶粲然中夜興欲酣改坐臨清川
未醉恐天旦更歌促繁絃歡娛不可逢請君莫言旋

冬日宴于庶子宅各賦一字得歸

許敬宗

倦游嗟落拓短翮慕追飛周醪忽同醉牙絃乃共揮

唐詩類苑

卷之八十四

四

油雲澹寒色落景靄霜霏累日方投分茲夕諒無歸

冬日宴于氏宅賦得趣字 令狐德棻

高門聊命賞群英於此遇放曠山水情留連文酒趣
夕煙起林蘭霜枝殞庭樹落景雖已傾歸軒幸能駐

冬日宴于氏宅賦得節字 杜正倫

李門余妄進徐榻君恒設清論暢玄言雅琴飛白雪
寒雲暖落景朔風淒暮節方欣授轄情且駐當歸別

冬日宴于氏宅賦得孟字 于志寧

陋巷朱旂擁衡門綈騎來俱裁七步詠同傾三雅盃
色動迎春柳花發犯寒梅賓筵半未醉驪歌不用催

奉和同郎中韋使君郡齋雨中宴集

顧况

好鳥依嘉樹飛雨灑高城况與數君子列坐分兩楹
文雅一何麗林塘含餘清我公未歸朝游子不待晴
白雲帝鄉遠滄江楓葉鳴拜手欲無言零淚如酒傾
寸心已摧折別離在骨驚安得凌風翰蕭蕭賓天京

古宴曲

于濟

雉扇合蓬萊朝車回紫陌重門集嘶馬言宴金張宅
燕娥奉卮酒低鬟若無力十戶手胼胝鳳凰釵一隻
高樓齊下視日照羅衣色笑指負薪人不信生中國

唐詩類苑

卷之八十四

五

樂燕行

韋應物

良辰且樂燕樂往不再來趙瑟正高張音響清塵埃
一彈和妙謳吹去繞瑤臺艷雪凌空散舞羅起徘徊
輝輝發衆顏灼灼歎今才當喧既無寂中飲亦停杯
華燈何遽升馳景忽西頽高節亦云立安能滯不迴

劉氏館集隱客歸和子元及之子蒙晦之

元稹

濕墊綠竹徑寥落護岸冰偶然沽市酒不越四五升
詩客愛時景道人話升騰笑言各有趣悠哉古孫登

郡中春讌因贈諸客

白居易

僕本儒家子待詔金馬門應泰親近地孤負聖明恩
一旦奉優詔萬里牧遠人可憐島夷師自稱爲使君
身騎牂牁馬口食金江鱗蘭淡緋衫故爛斑白髮新
是時歲二月玉曆布春分頒條示皇澤命宴及良辰
冉冉趨府吏蚩蚩聚州民有如蟄蟲鳥亦應天地春
薰草席鋪座藤枝酒注樽中庭無平地高下隨所陳
鼓蠻聲坎坎巴女舞蹲蹲使君居上頭掩口語衆賓
勿笑風俗陋勿欺官府貧蜂巢與蟻穴隨分有君臣
與友生野飲效陶體

韋應物

携酒花林下前有千載墳於時不共酌柰此泉下人

唐詩類苑

卷之八十四

六

始自翫芳物行當念徂春聊舒遠世蹤坐望還山雲
且遂一懽笑焉知賤與貧

訓元偉過洛陽夜燕

韋應物

三載寄關東所懽背遠違思懷方耿耿忽得觀容輝
親燕在良夜歡携關中闔問我猶杜門不能奮高飛
明燈照四隅炎炭正可依清觴雖云酌所媿乏珍肥
晨裝復當行寥落星已稀何以慰心曲佇子西還鄉

會合聯句

韓愈

離別言無則會合意彌重病添兒女戀老喪丈夫
勇心知未死詩思猶孤聳郊愁去劇箭飛謹來

若泉涌術析言多新貫據抱無昔壅籍念難須勤追

悔易勿輕踵愈吟巴山學密音說楚波堆壘郊馬辭

虎豹怒并出蛟鼉恐微狂鯨時孤軒幽狄雜百種愈

瘴衣常腥膩蠻器多踈冗籍剥苔弔斑林角飯餌沈

塚愈忽爾銜遠命歸歟舞新寵郊鬼窟脫幽妖天居

覲清拱愈京遊步方振謫夢意猶恟籍詩書諱舊知

酒食接新奉愈嘉言寫清越瘡病失肱腫郊夏陰偶

高庇宵魄接虛擁愈雪絃寂寂聽茗盃纖纖捧郊馳

輝燭浮螢幽響泄潛菴愈詩老獨何心江疾有餘蘊

郊我家本瀝穀有地介皐輦休跡憶深冥峨冠慚關

唐詩類苑

卷之八十四

七

瞬愈升朝高轡逸振物群聽悚從言濯幽泌誰與雅

荒茸籍朝紳鬱青綠馬飾曜珪珙國譬不銷鑠我志

蕩叩隴郊君才誠倜儻時論方洵溶音格言多彪蔚

懸解無桔音張生得淵源寒色拔山豕堅如撞群

釜眇若抽獨音伊余何所擬跛鼈詎能踴塊然墮

岳石飄爾哥音龍旆垂天衛雲韶凝禁脔君

胡眠安然朝鼓聲洵洵愈

同年春燕

孟郊

少年三十士嘉會良在茲高歌搖春風醉舞摧花枝
意蕩晚晚景喜凝芳非時焉跡攢腰最樂聲韻參差

視聽改舊趣物象含新姿紅雨花上滴綠煙柳際垂
淹中講精義南皮獻清詞前賢與今人千載爲一期
明鑒有皎潔澄玉無磷緇永與沙泥別各整雲漢儀
盛氣自中積英名日四馳寒鴻絕儔匹海月難等夷
鬱抑忽已盡親朋樂無涯幽衡發空曲芳杜綿所思
浮跡自聚散壯心誰別離願保金石志無令有奪移
秦中歲晏馬舍人宅晏集 儲光義

冬暮久無樂西行至長安故人處東第清夜多新歡
廣庭竹陰靜華池月色寒知音盡詞客方見交情難
夜集 孟郊

唐詩類苑

卷之八

八

好鳥無雜棲華堂有嘉携琴樽互傾奏歌賦相和諧
但嘉魚水合莫令雲雨乖一爲睢鷄彈再鼓壯士懷
初景待誰曉新春逐一作還君來願言良友會高駕不
知迴

山陽燕中郊樂錄

陸龜蒙

淮上能無雨回頭總是情蒲帆渾未織爭得一歡成

訓李益端公夜宴見贈

盧綸

戚戚一西東十年今始同可憐歌酒夜相對兩衰翁

令狐員外宅宴寄中丞

韓翃

寒色凝羅幕同人清夜期玉杯留醉處銀燭送歸時

獨坐隔千里空吟對雪詩

春夜韋明府宅宴

駱賓王

酌柱陶芳夜披薜嘯幽人雅琴馴魯雉清歌落范塵
宿雲低迥蓋殘月上虛輪幸此承恩洽聊當故鄉春

初秋於寶六郎宅宴

并序

駱賓王

六郎道合采葵嘯懸鵲而契賞諸君情諧伐木仰
登龍以締交于時一葉驚寒下陳柯而捲翠百花
凝照淡虛騰以披紅旣而俱欣得兔之情共掩亡
羊之淚物我雙致匪石席以言蘭心口兩齊混汗
隆而酌桂雖志筌戴笠與交態於靈臺而擲管操

唐詩類苑

卷之八

九

觚叶神心於勝氣盍陳六義請賦一言卽事凝毫
成者先唱

千里風雲契一朝心賞同意盡深交洽神靈俗累空

草帶銷寒翠花枝發夜紅唯將淡若水長揖古人風

秋夜宴臨津鄭明府宅

杜審言

行止皆無地招尋獨有君酒中堪累月身外卽浮雲

露白宵鐘徹風清曉漏聞坐携餘興往還似未離群

幽州夜飲

張說

涼風吹夜雨蕭瑟動寒林正有高堂宴能忘遲暮心
軍中宜舞劍塞上重笳音不作邊城將誰知恩遇深

行軍雪後夜宴王卿家 岑參

子夜雪華餘卿家月影初酒香薰枕席爐氣暖軒除
晚歲宦情薄行軍歡宴疎相逢剩取醉身外盡空虛
早春陪崔中丞同泛浣花溪宴

岑參

旌節臨溪口寒郊陟覺暄紅亭移酒席畫舸逗江村
雲帶歌聲颺風飄舞袖翻花間催秉燭川上欲黃昏
奉陪封大夫宴得征字時封公兼鴻臚卿

岑參

西邊虜盡平何處更專征幕下人無事軍中政已成
唐詩類苑 卷之八十四 十

坐參殊俗語樂雜異方聲醉裏東樓月偏能照列卿

陪封大夫宴瀚海亭納涼 岑參

細管雜清絲千杯倒接羅軍中乘興出海上納涼時
日沒鳥飛急山高雲過遲吾從大夫後歸路擁旌旗

虢州西亭陪端公宴集 岑參

紅亭出鳥外駿馬繫雲端萬嶺牕前睥千家肘底看
開瓶酒色嫩踏地葉聲乾爲逼霜臺使重裘也覺寒

與盧象集朱家 王維

主人能愛客終日有逢迎貰得新豐酒復開秦女箏
柳條疎客舍槐葉下秋成語笑且爲樂吾將達此生

雲陽驛陪崔使君邵道士夜宴

張子容

一尉東南遠誰知此夜歡諸侯傾皂蓋仙客整黃冠
染翰燈花滿飛觴雪氣寒欣承國士遇更借美人看

宴張明府宅

孟浩然

瑞雪初盈尺寒宵始半更列筵邀酒伴刻燭限詩成
香炭金爐暖嬌絃玉指清醉來方欲卧不覺曉鷄鳴

集衛明府帝

孟浩然

言避一時暑池亭五月開喜逢金馬客同飲玉人杯
舞鶴乘軒至遊魚擁劍來座中殊未已簫管莫相催

唐詩類苑 卷之八十四 十一

王十五前閣會

杜甫

楚岸收新雨春臺引細風情人來石上解綸出江中
鄰舍煩書札肩輿強老翁病身虛俊味何幸飫兒童

陪李金吾花下飲

杜甫

勝地初相引徐行得自娛見輕吹鳥毳隨意數花鬚
細草稱偏坐香醪懶再沽歸應犯夜可怕李金吾

宴胡侍御書堂

杜甫

江湖春欲暮牆宇日猶微闌闌書籍滿輕輕花絮飛
翰林名有素墨客興無違今夜文星動吾儕醉不歸

春夜峽州田侍御長史津亭留宴

杜甫

北斗三更席西江萬里船
杖藜登水榭揮翰宿春天
白髮須多酒明星惜此筵
始知雲雨峽忽盡下牢邊
陪王侍御宴通泉東山野亭

杜甫

江水東流去清樽日復斜
異方同宴賞何處是京華
亭景臨山水村煙對浦沙
狂歌遇形勝得醉卽爲家
宴王使君宅題二首

杜甫

漢主追韓信蒼生起謝安
吾徒自飄泊世事各艱難
逆旅招邀近他鄉意緒寬
不才甘朽質高卧豈泥蟠

唐詩類苑

卷之八

十二

二

沉憂容霜鬢留歡上夜關
自吟詩送老相勸酒開顏
戎馬今何地鄉園獨在山
江湖墮清月酩酊任扶還
崔附馬山亭宴集

杜甫

蕭史幽棲地林間踏鳳毛
湫流何處入龍石閉門高
客醉揮金椀詩成得錦袍
清秋多宴會終日困香醪
宴戎州楊使君東樓

杜甫

勝絕驚身老情忘發興奇
座從歌妓密樂任主人爲
重碧拈春酒輕紅壁荔枝
樓高欲愁思橫笛未休吹
季秋蘇五弟纓江樓夜宴崔十三評事韋少

府姪三首

杜甫

峽險江驚急樓高月迴明
一時今夕會萬里故鄉情
星落黃姑渚秋辭白帝城
老人因酒病堅坐看君傾

二

明月生長好浮雲薄漸遮
悠悠照遠塞悄悄憶京華
清動盃中物高隨海上查
不眠瞻白兔百過落烏紗

三

對月那無酒登樓况有江
聽歌驚白鬢笑舞拓秋窻
樽蟻添相續沙鷗並一雙
盡憐君醉倒更覺片心降
劉九法曹鄭取丘石門宴集

唐詩類苑

卷之八

十三

杜甫

秋水清無底蕭然淨客心
掾曹乘逸興鞍馬去相尋
能吏逢聯壁華筵直一金
晚來橫吹好泓下亦龍吟
與鄠縣源大少府宴漢陂

杜甫

應爲西陂好金錢罄一餐
飮抄雲子白瓜嚼水精寒
無計迴船下空愁避酒難
主人情爛熳持答翠琅玕
和江陵宋大少府暮春雨後同諸公及舍弟

杜甫

宴書齋
渥洼汗血種天上麒麟兒
才士得神秀書齋聞雨爲
棗華晴雨好綵服暮春宜
朋酒日歡會老夫今始知

夜宴左氏莊

杜甫

風林纖月落衣露淨琴張暗水流花逕春星帶草堂
檢書燒燭短看劍引盃長詩罷聞吳詠扁舟意不忘

陪譙湖州公堂

耿漳

謝公爲楚郡坐客是瑤林文府重門奧儒源積浪深
壺觴邀薄醉笙磬發高音末至才仍短難隨白雪吟

華亭夜宴庾侍御宅

韓翃

世故他年別心期此夜同千峯孤燭外片雨一更中
酒客逢山簡詩人得謝公自憐驅匹馬拂曙向關東

夜會李太守宅

于鵠

唐詩類苑

卷之八

十四

郡齋常夜掃不卧獨吟詩把燭迎幽客升堂戴接離
微風吹凍葉餘雪落寒枝明日逢山伴須令隱者知

夜宴虢縣張明府宅逢宇文評事

李端

號田留古宅入夜足秋風月影來牕裏燈光落水中
徵詩逢謝客飲酒得陶公更愛踈籬下繁霜濕菊叢

早春夜集耿拾遺宅

李端

如何道客會忽在侍臣家新草猶停雪寒枝未着花
銜盃鷄欲唱逗月鴈應斜年齒俱顚頽誰堪故國吟

同州冬日陪吳常侍開宴

馬戴

中天白雲散集客郡齋時陶性聊飛爵看山忽罷琴
雪花凝始散木葉脫無遺靜理良多暇招邀愜所思

陪范宣城北樓夜讌

張祐

華軒敞碧流官妓擁諸侯粉項高叢鬢檀粧慢裹頭
亞身催蠟燭斜眼送香毬何處偏堪恨千迴下客籌

冬夜集張尹後閣

李端

乘龜兼戴豸白面映朱衣安石還須起泉明不得歸
鷹門常吏在登席舊寮稀遠客長先醉那知亞相威

奉和顏使君脩韻海畢州中重宴得雙字

僧皎然

唐詩類苑

卷之六

十五

世學高南郡身封盛魯邦九流宗韻海七字揖文江
惜賞雲歸壑留歡月在窓不知名教樂千載與誰雙

早春宴高陵滑少府得昇字

耿漳

且寬沈簿領應賴酒如澗春夜霜猶下東城月未昇
清言饒醉客亂舞避寒燈名字書仙籍諸生病未能

郭司徒廳夜宴

錢起

秋堂復夜闌舉目盡悲端霜蟬鳥聲苦更樓月色寒
美人深別意斗酒少留歡明發將何贈平生雙玉盤

陪考功王員外城東池亭宴

錢起

無雙錦帳郎絕境有林塘鶴靜疎群羽蓮開失衆芳
晴山看不厭流水趣何長日晚催歸騎鐘聲下夕陽

秋夕與梁鎰文宴

錢起

客到衡門下林香蕙草時好風能自至明月不須期

秋日翻荷影晴光脆柳枝留歡美清夜寧覺曉鐘遲

一作微官是底
物許日廢言詩

河清與趙氏昆季讌集得擬杜工部

李商隱

勝繁殊江右佳名逼渭川虹收青嶂雨鳥沒夕陽天

唐詩類苑

卷之六

李商隱

客覺行如此滄波坐眇然此中真得地漂蕩釣魚船

偶宴有懷

白居易

遇興尋文客因歡命酒徒春遊憶親故夜會似京都

詩思開仍在鄉愁醉甕無狂來欲起舞慚見白髭鬚

飲散夜歸贈諸客

白居易

鞍馬夜紛紛香街起闇塵廻鞭招飲妓分火送歸人

風月堪應惜杯觴莫厭頻明朝三月盡忍不送殘春

郡樓夜宴留客

白居易

北客勞相訪東樓爲一開寒簾待月出把火看潮來

艷聽竹枝曲香傳蓮子盃寒天殊未曉歸騎且遲迴

酒筵上答居士

白居易

但要前塵減無妨外相同雖過酒肆上不離道場中
絃管聲非實花田色是空何人知此夜唯有淨名翁

宴散

白居易

小宴迢涼散平橋步月迴笙歌歸院落燈火下樓臺

殘暑蟬催盡新秋鴈戴來將何迎睡興臨卧舉殘杯

奉陪相公西亭夜宴陸郎中

蕭祐

弘閣陳芳宴嘉賓此會難交逢貴日重醉得少時歡

欽黛凝歌思求音足筆端一聞清佩動珠玉夜珊珊

唐詩類苑

卷之六

蕭祐

奉陪相公西亭夜宴陸郎中

獨孤及

仙良膺上才夜宴接三台燭引銀河轉花連錦帳開

靜看歌扇舉不覺舞腰回寥落東方曙無辭盡玉杯

奉陪相公西亭夜宴陸郎中

盧士政

華堂良宴開星使自天來舞轉朱絲絃一作絃逐歌餘素

扇回水光凌曲檻夜色靄高臺不在賓階末何曲接

上台

軍城夜會

姚合

軍城夜禁樂飲酒每題詩坐穩吟難盡寒多醉覺遲

鐘驚漏壓微月被燈欺此會誠堪惜天明是別離

冬晚與諸文士會太僕田卿宅

僧無可

從容

一作客

啓華館饌玉復燒蘭是歲茲句盡清宵幾

刻殘燈迴松竹動人息斗牛寒別後思吟集須期月

再團

趨慈和寺移宴

許渾

高寺移清宴漁舟繫綠蘿潮平秋水闊雲歛暮山多

廣檻停簫鼓繁絃散綺羅西樓半牀月莫問待如何

唐詩類苑

卷之六

九

夜宴得人字

張謂

北斗回新歲東園值早春竹風能醒酒花月解留人

邑宰陶元亮山家鄭子真平生頗同道相見日相親

閨春宴花溪嚴侍御莊

戎昱

一團青翠色云是子陵家山帶新晴雨溪留閨月花

瓶開巾漉酒地坼笋抽芽

承顏面朝朝賦白華

冬日宴梁十三廳

戎昱

故人能愛客秉燭會吾曹家爲朋徒聲心綠翰墨勞

夜寒銷臘酒霜冷重綈袍醉卧西牕下時聞鴈響高

同劉給事城南宴集

張說

水竹幽深地簪纓近侍臣雍容乘暇日瀟灑出羣塵

樹定思朋鳥池深入養鱗管絃高逐吹歌舞妙含春

老子叨專席歡遊隔縉紳此中情不淺遙寄賞心人

岳州宴姚紹之

并序

張說

姚司馬往在栢臺每欽骨鯁及茲荒服偶得官聯

復有令弟美胤芬芳襲予山寺外廬幽深形勝重

冠是集歡言賦詩

杞梓滯江濱光華向日新難兄金作友媚子玉爲人

山水含秋興池亭借善隣簷松風送靜院竹鳥來馴

翠羊吹黃菊瑀盤膾紫鱗緩歌將醉舞爲拂繡衣塵

唐詩類苑

卷之八

九

濟州過趙叟家宴

王維

雖與人境接閉門成隱居道言莊叟事儒行魯人餘

深巷斜暉靜閑門高柳疎荷鋤修藥園散帙曝農書

上客搖芳翰中厨饋野蔬夫君第高飲景晏出林閭

宴張記室宅

孟浩然

甲第金張館門庭車騎過家封漢陽郡文會楚才多

曲島浮觴酌前山入詠歌妓堂花映發書閣柳逶迤

玉指調箏柱金泥飾舞羅寧知書劍者年歲獨蹉跎

寒夜文宴聯句

皮日休

文星今夜聚應在斗牛間

載石人方至乘槎客未

還寄送觴繁露曲徵句白雲顏龜節奏唯聽竹從容

只話山休理窮傾秘藏論猛折玄關貴鄴酒分中綠

巴牋壁處殷龜清言聞後醒強韻壓來閒休犀柄當

風揖瓊枝向月攀貴松吟方際際泉夢憶潺潺龜一

會文章草昭明不可刪休

不赴光風亭夜宴贈周繇 段成式

屏開屈膝見吳娃蠻臘同心四照花姹女不愁難管

領斬新鈿裏得黃牙

和成式不赴光風亭夜宴 周繇

玉樹瓊筵映彩霞澄虛樓閣似仙家只緣存想歸蘭

唐詩類苑 卷之六十四 廿一

室不向春風看夜花

廣陽公宴成式速罷馳騁坐觀化艷或有眼

飽之嘲因賦此詩 周繇

感鞠且徒爲寧如目送時報讎慙選更存想恨逶遲

促坐疑辟耳銜盃強采願恣情窺窈窕曾恃好風姿

色授應難奪神交願莫辭請君看曲講不負少年期

陪南省諸公宴殿中李監宅

錢起

將門高勝霍相子寵過韋宦貴攀龍後心傾待士時

臺塲開雅宴鴛鴦眷相隨舞退燕姬曲歌徵謝朓詩

晚鐘過竹靜醉客出花遲莫惜留餘興良辰不可追

韋賓客與諸博士宴集 權德輿

累抗乞身章湛恩北上庠賓筵徵稷嗣家法自扶揚

簪組歡言久琴壺雅興長陰嵐冒苔石輕籟韻風篁

佩玉三朝貴揮金百慮忘因知卧商雒豈勝白雲鄉

和李右相賞會昌林亭 孫逖

賢相初陪蹕靈山本降神作京雄近縣開閣寵平津

地勝林亭好時清宴賞頻百泉榮草木萬井布郊畛

德與春和盛功將造化鄰還嗤渭濱叟歲晚獨垂綸

春日晉祠同聲會集得疎字韻

唐詩類苑 卷之六十四 三十一

李益

風壤瞻唐本山祠閱晉餘水亭開帝幕巖榭引簪裾

地綠苔猶少林黃柳尚疎菱荇生皎鏡金碧照澄虛

翰苑聲何舊賓筵醉止初中州有遼鴈好鳥繫邊書

春夜宴任六昆季宅 錢起

際晚綠煙起入門芳樹深不才叨下客喜宴齒諸簪

夜月仍携妓清風更在林彩毫揮露色銀燭動花陰

自接通家好應知待士心向隅逢故識茲夕願披襟

陪郭常侍令公東亭宴集 錢起

盛業山河列重名劍履榮珥貂爲相子開閣引時英

美景池臺色佳期宴賞情詞人載筆至仙妓出花迎
暗竹朱輪轉迴塘玉珮鳴舞衫招戲蝶歌扇隔啼鶯
飲德心皆醉披雲興轉清不愁懽樂盡積慶在和羹
南潭上亭讌集以疾後至因而抒情

李商隱

馬卿聊應召謝傳已登山歌發百花外樂調深竹間
鷁舟縈遠岸魚鑰啓重關鸞蝶如相引煙蘿不暇攀
佳人啓玉齒上客領朱顏肯念沈疴士俱期倒載還
陪少師李相國崔賓客宴居守狄僕射

許渾

唐詩類苑

卷之八十四

三

池色似瀟湘一作三湘仙舟日正長燕飛驚蛟蝶魚戲動
鴛鴦雲聚一作定歌初轉風迴舞欲翔暖醅松葉嫩寒
粥杏花香羅綺留春色笙歌送晚光何須明月夜一作
下紅燭在華堂

夏宴張兵曹東堂

李頎

重林華屋堪避暑况乃烹鮮會佳客主人三十朝大
夫滿座森然見矛戟北牕卧簾連心花竹裏蟬鳴西
日斜羽扇搖風却珠汗玉盆貯水割甘瓜雲鬢峨峨
自承雲坐對芳樽不知熱醉來但挂葛巾眠莫道明
朝有離別

梁州館中與諸判官夜集 岑參

彎彎月出掛城頭城頭月出掛梁州梁州七里十萬
家胡人半解彈琵琶琵琶一曲腸堪斷風蕭蕭今夜
漫漫河西暮中多故人故人別來三五春花門樓前
見秋草豈能貧賤相看老一生大笑能幾回斗酒相
逢須醉倒

酬鄭從事四年九月宴望海亭次用舊韻

元稹

海亭樹木何籠葱寒光透坼秋玲瓏湖山四面爭氣
色曠望不與人間同一拳墮伏東武小龜山兩山闕別名

唐詩類苑

卷之八十四

三

構秦望兩峯爲秦望望秦二山嵌空古墓失文種臺在州城西山圖經湖水到山迎棺柩入海今所存唯古穴耳骨元怪石疑防風舟船駢比
有宗侶水雲滄泱無始終雪花布遍稻隴白日脚挿
入秋波紅興餘望劇酒四坐歌聲舞豔煙霞中酒酣
從事歌送我歌云此樂難再逢良時年少猶健美使
君况是頭白翁我聞此曲深歎息唧唧不異秋草蟲
憶年十五學構厦有意蓋覆天下窮安知四十虛富
貴朱紫束縛心志空粧梳妓女上樓榭止欲歡樂微
茫躬雖無趣尚慕賢聖幸有心目知西東欲將滑甘
柔藏府已被鬱壘衝喉嚨君今勸我酒太醉醉語不

復能冲融勸君莫學虛富貴不是賢人難變通一本富貴人通

夜會問答十首

皮日休

寒夜清日休問簾外迢迢星斗明况有蕭閒洞中客

吟爲紫鳳呼鳳聲時華陽廣文先生在此

瘦木杯龜蒙問杉資種痛剝得來莫怪家人畔邊笑

渠心祇愛黃金壘

落霞琴日休問寥寥山水揚清音玉仙馭碧雲遠

空使松風終日吟

蓮花燭龜蒙問亭亭嫩藥生紅玉不知含淚怨何人欲

唐詩類苑卷之八十四

問無由得心曲

金火障日休問紅獸飛光射羅幌夜來斜展掩深爐

半睡芙蓉香蕩漾

憶山月龜蒙問前溪後溪清復絕看看又是桂花時

空寄子規啼處血

錦鯨薦龜蒙問碧香紅賦承君宴幾度閒眠却覺來彩

鱗飛出雲濤面

懷溪雲日休問漠漠閒籠鷗鷺群有時日暮碧將合

遠被漁舟來觸分

霜中笛龜蒙問落梅一曲堪華滴不知青女是何人

三秦未終頭已白

月下橋日休問風外拂殘衰柳條倚欄干處獨自立

青翰何人吹玉簫

譙客詞

張籍

上客不用顧金馬主人酒君莫違請君看取園中

花池上漸多枝上稀山頭樹影不見石溪水無風應

更碧人人齊醉起舞時誰覺翻衣與倒幘明朝花盡

人已去此地獨來空繞樹

宴春源

王昌齡

源向春城春幾重江明深翠引諸峯與君醉失松溪

唐詩類苑卷之八十四

路山館寥寥傳曉鐘

龍標野宴

王昌齡

沅溪夏晚足涼風春酒相携就竹叢莫道絃歌愁遠

謫青山明月不曾空

宴城東莊

崔敏童

一年又過一年春百歲曾無百歲人能向花中幾回

醉十年沽酒莫辭貧

奉和宴城東莊

崔惠童

一月主人笑幾回相逢相值且銜杯眼前春色如流

水今日殘花昨日開

書堂飲既夜復邀李尚書馬月下賦絕句

杜甫

湖上林風相與清殘樽下馬復同傾久拚野鶴如雙鬢遮莫鄰鷄下五更

夜燕福建盧侍御宅因送之鎮

劉禹錫

暫駐旌旗洛水隄綺筵紅燭醉蘭闥美人美酒長相逐莫怕猿聲發建溪

和長安郭明府與友人縣中會飲

張籍

唐詩類苑 卷之八

三六

一樽清酒兩人同好在家西水縣中自恨病身相去遠此時閑坐對秋風

鄆城晚飲奉贈副使馬侍郎及馮李二員外

韓愈

城上赤雲呈勝氣眉間黃色見歸期幕中無事惟須飲卽是連鐮向關時

過大梁聞河亭方讌贈孫子端

杜牧

築園縱翫歸少小賦雪搜才去必頻板路豈緣無罰酒不教客右更添人

揚州春夜李端公益張侍御登段侍御平路

容縣李少府囑祕書張正字復元同會於

水館對酒聯句追刻燭擊銅鉢故事遲輒

舉觥以飲之逮夜艾群公沾醉紛然枕就

余偶獨醒因題詩於段君枕上以志其事

劉禹錫

寂寂獨看金燼落紛紛只見玉山頽自羞不是高陽

侶一夜星星騎馬回

湖州韓使君置宴

朱慶餘

老大成名仍足病縱聽絲竹也無歡高情太守容閑

唐詩類苑 卷之八

三六

坐借與青山盡日看

劉補闕西亭晚宴

朱慶餘

蟲聲已盡菊花乾共立松陰向晚寒對酒看山俱惜去不知斜月下欄干

夜集烏行中所居

賈島

環爐促席復持杯松院雙扉向月開座上同聲半先達名山獨入此心來

華州周大夫宴席

西鈴

李商隱

郡齋何用酒如泉飲德先時已醉眠若共門人推禮分藏崇爭得及彭宣

裴令公席上贈夢得

白居易

老年高官多別離轉難相見轉難思雪銷酒盡梁王起便是鄒枚分散時

盧尹賀夢得會中作

白居易

病聞川守賀筵開起伴尚書飲一杯任意少年長笑我老人自負老人來

鄭附馬潛曜宅宴洞中

杜甫

主家陰洞細煙霧留客夏簾青琅玕春酒盃濃琥珀薄冰漿碗碧碼碯寒誤疑茅堂過江麓已入風磴靈雲端自是秦樓壓鄭谷時聞雅珮聲珊珊

唐詩類苑

卷之六

天

晚春陪王員外東塘遊宴

劉威

水綠山青春日長政成因暇泛回塘初移柳岸笙歌合欲過蘋洲羅綺香共濟已驚依玉樹隨流還許醉金觴一城畫角嚴城暮雲雨分時滿路光

春宴河亭

劉兼

柳擺輕絲拂嫩黃檻前流水滿池塘一筵金翠臨芳岸四面煙花出粉牆舞袖逐風翻綉浪歌塵隨燕下雕梁蠻箋象管休凝思且放春心入醉鄉

陪浙西王侍郎夜宴

章碣

深鎖雷門宴上才旋看歌舞旋傳盃黃金鸚鵡當筵

睡紅錦薔薇映燭開稽嶺好風吹玉佩鏡湖殘月樓臺小儒末座頻傾耳祇怕城頭畫角催

新迴車院筵上作

劉兼

迴車院了未迴車三載疲民詠袴襦借寇已承英主詔乞骸須上老臣書黃金蜀柳籠朱戶碧玉湘筠映綺疏因問滿筵詩酒客錦江何處有鱸魚

陪河南李中丞宴隱溪亭

曹松

竹林啼鳥不知秋羅列飛橋水亂流飄散柳絲回玉勒約開蓮葉上蘭舟酒邊舊侶真何遜歌裏新聲是莫愁若值主人嫌晝短應陪秉燭夜深遊

唐詩類苑

卷之六

天

行朝早春侍師門宴西溪席上作

殷文珪

西溪水色淨於苔畫鷁橫風絳帳開絃筦旋飄蓬鳥去公卿皆似葉宮來金鱗擲浪錢翻行玉爵粘香雪泛梅三勝生徒逾七十豈期龍坂納非才

聞州中有讌寄崔大夫兼簡都群評事

許渾

簫管筵間列翠蛾玉盃金液耀金波池邊雨過飄帷幕海上風來動綺羅顏子巷深青草遍庾君樓迥碧山多甘心不及同年友卧聽行雲一曲歌

陪宣城大夫崔公泛後池兼北樓讌二首

許渾

陪泛芳池醉北樓
水花繁艷照膺舟
亭臺陰合樹初
晝弦管韻高山
欲秋皆賀號巖終
選傳自傷燕谷未
逢鄒昔時恩遇今
能否一尉滄洲已
白頭
江上西來共鳥飛
剪荷浮汎似輕肥
王珣作簿公曾
喜劉表爲邦客
盡依雲外輕
牕通早景風前
簫鼓送
殘暉宛陵行樂
金陵住遙對家
山未憶歸

七月二十九日崇讓宅讌作

李商隱

唐詩類苑

卷之八

手

露如微霰下前池
月過迴塘萬竹悲
浮世本來多聚
散紅蕖何事亦離披
悠揚歸夢唯燈見
獲落生涯獨
酒知豈到白頭長
只爾嵩陽松雪有
心期

田侍中宴席

王建

香薰羅幕暖成煙
火照中庭燭滿筵
整頓舞衣呈玉
腕動搖扇露金鈿
青娥側座一作華
調雙管彩鳳
斜飛入五絃
雖是沂公門下客
爭將肉眼看雲天一作

同夢得訓牛相公初到洛中小飲見贈

白居易

淮南揮手拋紅旆
洛下迴頭向白雲
政事堂中老丞
相制科場裏舊將軍
宮城煙月饒全占
關塞風光請
半分詩酒放狂猶
得在莫欺白叟與
留君

春夜宴席上戲贈裴淄州

白居易

九十不衰真地仙
六旬猶健亦天憐
今年相遇鶯花
月此夜同歡飲酒
筵四座齊聲和綵
竹兩家隨分
金鈿留君到曉無
他意圖向君前作
少年

和韋庶子遠坊赴宴未夜先歸之作兼呈裴

員外

白居易

促席留歡日未曛
遠坊歸思已紛紛
無妨按轡行乘

唐詩類苑

卷之八

手

月何必逃孟走似雲
銀燭忍拋楊柳曲
金鞍潛送石
留裙到時常晚歸
時早笑樂三分校
一分

府中夜賞

白居易

櫻桃廳院春偏好
石井欄堂夜更幽
白粉牆頭花半
出緋紗燭下水平
流閑留賓客嘗新
酒醉領笙歌上
小舟舞袖飄飄棹
容與忽疑身是夢
中遊

夜宴惜別

白居易

笙歌綺筵曲終頭
轉作離聲滿座愁
筆怨朱絃從此
斷燭啼紅淚爲誰
流夜長似歲歡宜
盡醉未如泥飲
莫休何兄鷄鳴即
須別門前風雨冷
脩脩

白居易

夜聞賈常州崔湖州茶山境會想羨歡宴因

寄此詩

白居易

遙聞境會茶山夜珠翠歌鐘俱遶身盤下中分兩州
界歷前合作一家春青娥遞舞應爭妙紫萼齊嘗各
關新自歎花時北窻下蒲黃酒對病眠人

燕李錄事

韋應物

唐詩類苑

卷之八

三

與君十五侍皇闈，曉拂爐煙上赤墀。
花開漢苑經過處，雪下驪山沐浴時。
近臣零落今猶在，一作在仙駕飄飄不可期。
此日相逢_{逢一作思}思_{一作非}舊日一杯成喜亦成悲。

又一作成悲

偶留羊振文先輩及一二文友小飲口休以

眼病初平不敢飲酒遣侍密歡因成四韻

皮目休

謝莊初起怯花晴強侍紅筵不避觥久斷孟孟華蓋
喜忽聞歌吹谷神驚襪襪王重新開柳咕嚕難通乍
轉罵猶有僧虔多密炬不辭相伴到天明

奉和襲美見留小憺次韻
羊昭業

澤國春來少遇晴有花開日且飛航王戎似電休推
病周顗纔醒衆却驚芳景漸濃偏熟酒暖風初暢欲
調鶯知君不肯燃官燭爭得華筵徹夜明

襲美留振文小宴龜蒙抱病不赴猥示倡和

因次韻仰酬

陸龜蒙

綺席風開照露晴祇將荼薺伐雲觥繁絃似玉紛紛
碎佳妓如鴻一一驚毫健幾多飛藻客羽寒寥落映
花鶯幽人獨自西牕晚閒凭香檉反照明

病中聞相府夜宴戲贈集賢盧學士

唐詩類苑

卷之八

三

滿筵紅蠟照香鈿一夜歌鐘聲沸天華裊亂飛金錯
落月中爭認繡連乾罇前莫話詩三百醉後寧辭酒
十千無那兩三新進士風流長得飲徒憐

秋日零陵與幕下諸賓遊河夜宴

鄭史

湘月蘋風乍暢襟。燭前江水練千尋。新秋宋玉能爲賦，永夕袁宏好共吟。輦下翠鵝須強展，罇中綠蟻且徐斟。汀沙漸有珠凝一作露，緩棹蘭橈任夜深。

羊欄浦下陪宴會

杜牧

戈檻營中夜未央
雨沾雲惹侍襄王
毬來香袖依稀暖
酒凸觥心泛灩
光紅絃高繁聲聲急
珠唱鋪圓裊裊長
自比諸生最無取
不知何處亦升堂

寒夜文宴

得泉字

皮日休

分明競襲七香牋
王朗風姿盡列仙
盈篋共開華頂藥
滿餅同坼惠山泉
蟹因霜重金膏溢
橘爲風多玉腦鮮
吟罷不知詩數首
隔林明月過中天

寒夜文宴

得鶯字

陸龜蒙

名將寒調觸詩情
旋見微漸入硯生
霜月滿庭人暫起
汀洲半夜鴈初驚
三清每爲仙題想
一日多因累

唐詩類苑

卷之八十四

三十五

句傾千里建康衰
草外含毫誰是憶
昭明

李倉曹宅夜飲

王昌齡

霜天留飲故情歡
銀燭金爐夜不寒
欲問吳江別來意
青山明月夢中看

陪金陵府相中堂夜宴

韋莊

滿耳笙歌滿眼花
滿樓珠翠勝吳娃
因知海上神仙窟
只似人間富貴家
繡戶夜攢紅燭市
舞衣晴曳碧天霞
却愁宴罷青蛾散
楊子江頭半月斜

東齋夜宴酬紹之起居見贈

楊發

龍門八上不知津
唯有君臣因益親
白社追遊名自遠
青袍相映道逾新
十年江海魚緘盡
一夜笙歌鳳吹頻
漸老舊交情更重
莫將美文一作酒負良辰

同諸公會太府韓卿宅

姚合

九寺名卿才思雄
邀歡筆下與孟空一作中
六街鼓盡塵埃息
四座筵開語笑同
焰焰蘭膏明狹室
丁丁玉漏發深宮
唯愁卽是鷄催曉
唱一作鷄曉吏事相牽西復東

陪李郎中夜宴

方干

間世仙郎夜宴時
丁丁寒漏滴聲稀
琵琶絃促千般語
鸚鵡杯聲四散飛
偏請王容歌白雪
高燒紅蠟照朱衣
人間盛事猶如此
爭遣漁翁戀釣磯

唐詩類苑

卷之八十四

三十五

江州夜宴獻陳員外

黃滔

多少歡娛簇眼前
潯陽江上夜開筵
數枝紅蠟啼香淚
兩面青娥拆瑞蓮
清管徹時斟玉醕
碧籌回處擲金船
因知往歲樓中月
占得風流是偶然

唐詩類苑卷第八十四終

唐詩類苑卷第八十五

明雲間張之象玄超甫纂輯

雲間陳繼儒仲醇甫編次

雲間王 徹叔朗甫補訂

梁谿曹仁孫伯安甫校正

人部

行樂

襄陽曲二首

崔國輔

蕙草嬌紅夢時光舞碧雞城中美年少相見白銅鞮

二

唐詩類苑

卷之八十五

一

少年襄陽地來往襄陽城城中輕薄子知妾解秦箏

襄陽曲四首

李白

襄陽行樂處歌舞白銅鞮江城迴綠水花月使人迷

二

山翁醉酒時酩酊離陽下頭上白接離倒著還騎馬

三

峴山臨漢江水綠沙如雪上有墮淚碑青苔久磨滅

四

且醉習家池莫看墮淚碑山公欲上馬笑殺襄陽兒

襄陽曲

李白

爲憶南移人移家大堤住千帆萬帆來過盡門前去

襄陽歌

李白

落日欲沒峴山西倒著接羅花下迷襄陽小兒齊拍手

欄街爭唱白銅鞮傍人借問笑何事笑殺山翁醉

似泥鷓鴣杓鸚鵡杯百年三萬六千日一日須傾三

百杯遙看漢水鴨頭綠恰似蒲萄初醱醅此江若變

作春酒壘麴便築糟丘臺千金駿馬換少妾笑坐雕

鞍歌落梅車傍側掛一壺酒鳳笙龍管行相催咸陽

市中歎黃犬何如月下傾金壘君不見晉朝羊公一

片石龜頭剝落生莓苔淚亦不能爲之墮心亦不能

唐詩類苑

卷之八十五

二

爲之哀清風明月不用一錢買玉山自倒非人推舒

州杓力士鎗李白與爾同死生襄王雲雨今安在江

水東流猿夜聲

大堤曲

張柬之

南國多佳人莫若大堤女玉牀翠羽帳寶裯蓮花炬

魂處自目成色授開心許迢迢不可見日暮空愁予

大堤曲

李白

漢水臨襄陽花開大堤暖佳期大堤下淚向南雲滿

春風復無情吹我夢魂散不見眼中人天長音信斷

大堤行寄萬七

孟浩然

大堤行樂處車馬相馳突歲歲春草生踏青二三月
王孫挾珠彈遊女矜羅襪攜手今莫同江花爲誰發

洛陽道五首

獻呂四郎中

儲光義

洛水春水開洛城春樹綠朝看大道上落花亂馬足

二

大道直如髮春日佳氣多五陵貴公子雙雙騎三珂

三

春風二月時道傍柳堪把上枝覆官閣下枝拂車馬

四

洛水照千門千門碧空裏少年不得志走馬遊新市

唐詩類苑

卷之八十五

三

五

劇孟不知名千金買寶劍出入平津邸自言嬌且艷

同儲十二洛陽道中

孟浩然

珠彈繁華子金羈遊俠人酒酣白日暮走馬入紅塵

洛陽陌

李白

白玉誰家郎回車渡天津看花東陌上驚動洛陽人

洛陽道

沈佺期

九門開洛邑雙闕對河橋白日春道軒裳半下朝

乘羊稚子看拾翠美人嬌行樂對恒晚香塵撲地遙

朝罷邀賓客談諧

李適之

朱門長不開親友恣相過年今將半百不樂復如何

、翫月金陵城西孫楚酒樓達曙歌吹日晚乘

醉著紫綺裘烏紗巾與酒客數人棹歌秦

淮往石頭訪崔四侍御 李白

昨翫西樓月青天垂玉鉤朗沽金陵酒歌吹孫楚樓

忽憶繡衣人乘船往石頭草裏烏沙巾倒被紫綺裘

兩岸拍手笑疑是王子猷酒客十數公崩騰醉中流

謔浪棹海客喧呼傲陽侯半道逢吳姬捲簾出揶揄

我憶君到此不知狂與羞月下一見君三杯便迴橈

拾舟共連袂行上南渡橋興發歌淥水秦客爲之謳

唐詩類苑

卷之八十五

四

鷄鳴復相招清宴逸雲霄贈我數百字字字凌風飄

繫之衣裘上相憶每長謠

花遊曲

并序

李賀

寒食日諸王妓遊賀入座因採梁簡文詩調賦花

遊曲與妓彈唱

春柳南陌能冷花寒露姿今朝醉城外拂鏡濃掃眉

煙濕愁車重紅油覆盡衣舞袿香不暖酒色上來遲

踏青鐫前

李建勳

期君速行樂不要旋還家永日雖無雨東風自落花

詩毫粘酒淡歌袖向人斜薄暮忘歸路垂楊噪亂鴉

夜飲朝眠曲

李賀

觴醉出座東方高腰橫半解星勞勞柳苑鴉啼公主
醉薄露壓花蕙蘭氣玉轉濕絲牽曉水熟粉生香琅
玕紫夜飲朝眠斷無事楚羅之幃卧皇子

冬白紵

元稹

吳宮夜長宮漏疑簾幕四垂燈焰暖西施自舞王自
管雪紵翻翻鶴翎散促節牽繁舞腰嬾舞腰嬾王
罷飲蓋覆西施鳳花錦身作匡牀臂爲枕朝珮挾王
王晏寢寢醒聞報門無事子胥死後言爲諱近王之
臣論王意共笑越王窮惴惴夜夜抱冰寒不睡

唐詩類苑

卷之六十五

五

勸行樂

白居易

少年信美何曾久春日雖遲不再逢勸笑勝愁歌勝
哭請君莫道等頭空

城東卽事

章碣

閒尋香陌鳳城東時暫開襟向遠風玉笛一聲芳草
外錦鴛雙起碧流中苑邊花竹濃如繡渭北山川澹
似空回首漢宮煙霧裏天河金閣未央宮

快活

白居易

可惜鶯啼花落處一壺逐酒送殘春可憐月好風涼
又一部清商伴老身飽食安眠消日月閑談冷笑接

交親誰知將相王侯外別有優游快活人

咸通

韋莊

咸通時代物情奢歡殺金張許史家破產競留天上
樂鑄山爭買洞中花諸郎宴罷銀燈合僊子遊迴璧
月斜人意似知今日事急催絃管送年華

訪飲妓不遇招酒徒不至 劉兼

小橋流水接平沙何處行雲不在家畢卓未來輕竹
葉劉晨重到殢桃花琴樽冷落春將盡悵恍蕭條日
又斜回首却尋芳草路金鞍拂柳思無涯

追歡偶作

白居易

唐詩類苑

卷之六十五

六

追歡逐樂少閑時補帖平生得事遲何處花開曾後
看誰家酒熟不先知石樓月下吹簫管金谷風前舞
柳枝一聽春啼變鶯舌三嫌老醜換蛾眉樂天一過
難知分猶自咨嗟兩鬢絲

俠少

古遊俠呈軍中諸將

崔顥

少年負膽氣好勇復知機仗劍出門去孤城逢合圍
殺人遼水上走馬瀟陽歸錯落金鎖甲蒙茸貂鼠衣
還家行且獵弓矢速如飛地迴鷹犬疾草深狐兔肥
腰間帶兩綬轉盼生光輝願謂今日戰何如隨建威

俠客行

李白

趙客綬胡纓吳鉤霜雪明銀鞍照白馬颯沓如流星
十步殺一人千里不留行事了拂衣去深藏身與名
開過信陵飲脫劍膝前橫將炙啖朱亥持觴勸侯嬴
三杯吐然諾五嶽倒爲輕眼花耳熱後意氣素霓生
救趙揮金槌邯鄲先震驚千秋二壯士烜赫大梁城
縱死俠骨香不慙世上英誰能書閣下白首太玄經

俠客行

元稹

俠客不怕死怕在事不成事成不可藏姓名我非竊
賊誰夜行白日堂堂殺素益九衢草草人面青此客

唐詩類苑

卷之八十五

七

此心師海鯨海鯨露背橫滄溟海波分作兩處生分
海滅海力俠客有謀人不識測三尺鐵蛇延二國

逢俠者

錢起

燕趙悲歌士相逢劇孟家寸心言不盡前路日將斜

遊俠行

孟郊

壯士性剛決火中見石裂殺人不起頭輕生如暫別
豈知眼有淚肯向頭上髮平生無恩酬劍閑一百月

俠客行

溫庭筠

欲出鴻都門陰雲蔽城闕寶劍黯如水微紅濕餘血
白馬夜頻驚三更灞陵雪

游俠兒

李山甫

好把雄姿渾世塵一場閑事莫因循荆軻只爲閑言
語不與燕丹了得人

結客少年場行

虞羽客

幽并俠少年金絡控連錢竊符方救魏擊筑正憐燕
輕生辭鳳闕揮袂上祁連陸離橫寶劍出沒驚徂旃
蒙輪恒顧敵超乘忽爭先摧枯逾百戰拓地遠三千
骨都鬼已散樓蘭首復傳龍城含曉霧瀚海隔遙天
歌吹金微返振旅玉門旋烽火今已息非復照甘泉

結客少年場行

虞世南

唐詩類苑

卷之八十五

八

韓魏多奇節倜儻遺聲利共矜然諾心各負從橫意
結交一言重相期千里至綠沈明月弦金絡浮雲轡
吹蕭入吳市擊筑遊燕肆尋源博望侯結客遠相求
少年懷一顧長驅背隴頭燄燄戈霜動耿耿劍虹浮
天山冬夏雪交河南北流雲起龍沙暗木落鴈門秋
輕生徇知己非是爲身謀

結客少年場

盧照鄰

長安重游俠雒陽富才雄玉劍浮雲騎金鞍明月弓
關鷄過渭北走馬向關東
不遇千金爵誰論萬里功將軍下天上虜騎入雲中

烽火夜如月兵氣曉成虹橫行詢知已負羽遠從戎
龍旌昏朔霧鳥陣捲胡風追奔滄海咽戰罷陰山空
歸來謝天子何如馬上翁

結客少年場

孔紹安

結客佩吳鉤橫行度隴頭鷹在弓前落雲從陣後浮
吳師驚燧象燕將警奔牛轉蓬飛不息冰河結未流
若使三邊定當封萬戶侯

結客少年場行

李白

紫綬黃金瞳啾啾搖綠髮平明相馳逐結交洛門東
少年學劍術凌轢白猿公珠袍曳錦帶七首插吳鴻

唐詩類苑

卷之八十五

九

由來萬夫勇挾此生雄風託交從劇孟買醉入新豐
笑盡一杯酒殺人都市中羞道易水寒從今日貫虹
燕丹事不立虛沒秦帝宮舞陽死灰人安可與成功

少年行

張昌宗

少行不識字落託遊韓魏珠軒流水車玉勒浮雲騎
從橫意不一然諾心無二白璧贈穠直黃金奉毛遂
妙舞飄龍管清歌吟鳳吹三春小苑遊千日中山醉
直言身可沈誰論名與利依倚孟嘗君自知能市義

贈新平少年

李白

韓信在淮陰少年相次凌風若無骨壯心有所憑

一遭龍顏君嘯咤從此興千金答漂母萬古共嗟稱
而我竟胡爲寒苦坐相仍長風入短袂兩手如懷冰
故友不相惜新交寧見矜摧殘檻中虎羈紲上鷹
何時騰風雲搏擊中所能

少年行

邵謁

丈夫十八九膽氣欺韓彭報讎不用劍輔國不用兵
以目爲水鑑以心作權衡願君似堯舜能使天下平
何必走馬誇弓矢然後致得人心爭

城傍少年

李益

生長邊城傍出身事弓馬少年有膽氣獨獵陰山下

唐詩類苑

卷之八十五

十一

少年子

李白

青雲少年子挾彈章臺左鞍馬四邊開突如流星過
金丸落飛鳥夜入瓊樓臥夷齊是何人獨守西山餓

少年行

崔國輔

遺却珊瑚鞭白馬驕不行章臺折楊柳春日路傍情

嘲少年

韓愈

直把春償酒都將命乞花祇知閑信馬不覺誤隨車

少年行

李嶷

十八羽林郎戎衣事漢王臂鷹金殿側挾彈玉輿傍

馳道春風起陪遊出建章

侍獵長楊下承恩更射飛塵生馬影滅箭落鴈行稀
薄暮隨天伏聯翩入鎖闥

玉劍肱邊橫金杯馬上傾朝遊茂陵道夜宿鳳凰城
豪吏多猜忌母勞問姓名

少年行

李白

擊筑飲美酒劍歌易水涓經過燕太子結託并州兒
少年負壯氣奮劍自有時因擊魯勾踐爭博勿相欺

少年行

鄭愔

頽川豪橫客咸陽輕薄兒田園方貴幸趙李新相知
唐詩類苑卷之八十五十一

軒蓋終朝集笙竿此夜吹黃金盈篋箭白日忽西馳

少年行

王昌齡

西陵俠少年送客短長亭青槐夾兩路白馬如流星
聞道羽書急單于寇井陘氣高輕赴難誰願燕山銘

少年行

芮挺章

任氣稱張放銜恩在少年玉階朝就日金屋夜昇天
軒騎青雲際笙歌綠水邊建章明月好留醉伴風煙

邯鄲少年行

鄭錫

震鞍金口驕豹袖紫貂裘家住叢臺下門前漳水流
喚人呈楚舞借客試吳鉤見說秦兵至甘心赴國讐

少年行

王貞白

遊讌不知厭杜陵狂少年花時輕暖酒春服薄裝綿
戲馬上林苑闌雞寒食天魯儒甘被笑對策聲騰然

長安少年行十首

李廓

金紫少年郎繞街鞍馬狂身從左中尉官屬右春坊
剡戴楊州帽重薰異國香垂鞭踏青草來去杏園芳

二

追逐輕薄伴閑遊不着緋長櫳出獵馬數換打毬衣
曉日尋花去春風帶酒歸青樓無畫夜歌舞歡時稀

三

唐詩類苑卷之八十五

十一

日高春睡足帖馬賞年華倒揮銀魚袋行隨金犢車
還携新市酒遠醉曲江花幾度歸伊黑金吾送到家

四

好勝耽長夜天明燭滿樓留人看獨脚賭馬換偏頭
樂奏曾無歇盃巡不暫休時時搖令笑怪客有

五

邀遊携艶妓裘束似男兒盃酒逢花住笙歌簇馬吹
鶯聲催曲急春色送歸遲不以聞街鼓華筵待月移

六

賞春唯逐勝大宅可曾歸不樂還逃席多狂慣祕衣

歌人踏日起語驚卷簾飛婦好唯相妬倡樓不醉歸

七

戟門連日閉苦飲惜殘春開鎖通新客教姬屈醉入
清歌牽白馬自舞踏紅茵時輩皆相訝平生不負身

八

新年高殿上始見有光輝玉鴈排方帶金鵝立伏衣
酒深和梳賜馬疾打珂飛朝下人爭看香街意氣歸

九

遊市慵騎馬隨姬入座車樓邊聽歌吹簾外中釵花
樂眼從人開歸心畏日斜蒼頭來去報飲伴到倡家

唐詩類苑

卷之八五

十三

十

小婦教鸚鵡頭邊喚酒醒犬嬌眠玉簾鷹掣撼金鈴
碧地攢花障紅泥待客亭雖然長按曲不飲不曾聽

少年行

林寬

柳煙侵御道門映夾城開白日莫空過青春不再來
報讐衝雪去乘醉臂鷹迴看取歌鐘地殘陽滿壞臺

少年行

劉長卿

射飛誇侍獵行樂愛聯鷹枕青蛾豔鳴白馬驕
曲房珠翠合深巷絃調日晚春風裏衣香滿路飄

少年子

李百藥

少年飛翠蓋上路動金鑣始酌文君酒新吹弄玉簫
少年不歡樂何以盡芳朝千金笑裏面一擲掌中腰
掛冠豈憚宿迎拜不勝嬌寄語少年子無辭歸路遙

少年行

杜牧

官爲駿馬監藏帥羽林兒兩綬藏不見落花何處期
獵敲白玉鐙恕袖紫金鎗田寶長留醉蘇辛曲讓岐
豪持出塞節笑別遠山眉捷報雲臺賀公卿拜壽卮

邯鄲少年行

高適

邯鄲城南遊俠子自矜生長邯鄲裏千場縱博家仍
富幾處報讐身不死宅中歌笑日紛紛門外車馬如

唐詩類苑

卷之八五

十四

雲也未知肝膽向誰是令人却憶平原君君不見今
人交態薄黃金用盡還疎索以茲感歎辭舊遊更於
時事無所求且與少年飲美酒往來射獵西山頭

渭城少年行

崔顥

洛陽三月梨花飛秦地行人春憶歸揚鞭走馬城南
陌朝逢驛使秦川客驛使前日發章臺傳道長安春
早來棠梨宮中燕初至葡萄館裏花正開念此使人
歸更早三月便達長安道長安道上春可憐搖風蕩
日曲江邊萬戶樓臺臨渭水五陵花柳滿秦川秦川
寒食盛繁華遊子春來不見家聞鷄下社塵初合走

章臺日半斜章臺帝城稱貴里青樓日晚歌鐘起
貴里豪家白馬驕五陵年少不相饒雙雙挾彈來金
市兩兩鳴鞭上渭橋渭城頭酒新熟金鞍白馬誰
家宿可憐錦瑟琴琵琶玉壺新酒就君家小婦春來
不解羞嬌歌一曲楊柳花

少年行

李白

君不見淮南少年遊俠客白日毬獵夜擁擲呼盧百
萬終不惜報讎千里如咫尺少年遊俠好經過渾成
裝束皆綺羅蘭蕙相隨喧妓女風光去處滿笙歌驕
矜自言不可有俠士堂中養來久好鞍好馬乞與人

唐詩類苑

卷之八十五

七五

十千五千旋沽酒赤心用盡爲知己黃金不惜裁挑
李桃李裁來幾度春一回花落一回新何縣盡爲門
下客王侯皆是平交人男兒百年且樂命何須須
受貧病男兒百年且榮身何須須甘風塵衣冠半
是征戰士窮儒浪作林泉民遮莫枝根長百丈不如
當代多還往遮莫親姻連帝城不如當身自簪纓看
取富貴眼前者何用悠悠身後名

嘲少年

李賀

青驄馬肥金鞍光龍腦入縷羅衫香美人扶坐飛瓊
觴貧人嘆云天上郎別起高樓臨碧條絲曳紅鱗出

深沼有時半醉百花前背把金丸落飛鳥自說生來
未爲客一身美妾過三百豈知斷地種田家官稅頻
催没人織長金積玉誇豪毅每揖間人多意氣生來
不讀半行書只把黃金買身貴少年安得長少年海
波尚變爲桑田榮枯遞傳急如箭天公豈肯於公偏
莫道韶華鍾長在髮白面皺專相待

少年行

張籍

少年從獵出長楊禁中新拜羽林郎獨到輦前射雙
虎君王手賜黃金璫日日闔雞都市裏贏得寶刀重
刻字百里報讐夜出城平明還在娼樓醉遙聞虜到

唐詩類苑

卷之八十五

七六

平陵下不待詔書行上馬斬得名王獻桂宮封侯起
第一日中不爲六郡良家子百戰始取遠城功

少年行

李白

五陵年少金市東銀鞍白馬度春風落花踏盡遊何
處笑入胡姬酒肆中

少年行四首

王維

新豐美酒斗十千咸陽遊俠多少年相逢意氣爲君
飲繫馬高樓垂柳邊
出身仕漢羽林郎初隨驃騎戰漁陽孰知不向邊庭
苦縱死猶聞俠國香

一身能擘兩雕弧虜騎千重只似無偏坐金鞍調白羽紛紛射殺五單于

漢家君臣歡宴終高議雲臺論戰功天子臨軒賜侯印將軍佩出明光宮

少年行

吳象之

承恩借獵小平津使氣常遊中貴人一擲千金渾是膽家無四壁不知貧

少年行三首

杜甫

莫笑田家老瓦盆自從盛酒長兒孫傾金注玉驚人眼共醉終同卧竹根

唐詩類苑

卷之八十五

七

巢燕養雛渾去盡江南結子也無多黃衫年少來宜

數不見堂前東逝波

馬上誰家白面郎臨階下馬坐人牀不通姓字鹿豪

甚指點銀瓶索酒嘗

少年行四首

令狐楚

少小邊城慣放狂驕騎蕃馬射黃羊如今年老無筋力

猶倚營門數鷹行

家本清河住五城須憑弓箭覓功名等閑飛鞚秋原上

猶向寒雲試射聲

弓背霞明劍照霜秋風走馬出咸陽未收天子河源

地不擬回頭望故鄉

霜滿庭中月滿樓金樽玉柱對清秋當年稱意須爲樂不到天明未肯休

少年行

杜牧

連環羈玉聲光碎綠錦蔽泥虬卷高春風細雨走馬去珠落唯唯白麝袍

贈少年

溫庭筠

江海相逢客恨多秋風葉下洞庭波酒酣夜別淮陰市月照高樓一曲歌

少年行

僧皎然

唐詩類苑

卷之八十五

十八

翠樓春酒蝦蟆陵長安少年皆共矜紛紛半醉綠槐道躑躅花駿驕不勝

少年行

韓翃

千點爛熳玉勒總青絲結尾繡纏驥揮鞭晚出章臺路

葉葉春衣楊柳風

少年

李商隱

外戚平羌第一功生年二十有重封直登宣室螭頭上

橫過甘泉豹尾中別館覺來雲雨夢後門歸去蔥

蘭叢灞陵夜獵隨田寶不識寒郊自轉蓬

少年行

章孝標

平明小獵出中軍異國名香滿袖薰盡檻倒懸鸚鵡
翳花衫對舞鳳凰文手擡白馬嘶春雪臂竦青散入
暮雲落日胡姬樓上飲風吹簫管滿樓聞

少年行

雍陶

不倚軍功有俠名可憐毬獵少年情
鈴健鶻隨聲下撼珮驕驄弄影行
覓匠裏裝燕客劍對人新按越
姬箏豈知儒者心偏苦吟向秋風白髮生

貴遊行

元稹

漢帝外家子恩澤少封侯垂楊拂白馬曉日上青樓
上有顏如玉高情世無儔一作非無儔輕居含碧煙窈窕

唐詩類苑

卷之八十五

九

似雲浮良時無還景促節爲我謳忽聞陽曲四坐
亦已柔賓友仰稱歎一生何所求平明擊鼓食入夜
樂未休風雨憊歲候兵戎橫九州焉知坐上客草草
心所憂

貴遊

劉兼

綉衣公子宴池塘淑景融融萬卉芳珠翠照天春未
老管絃臨水日初長風飄柳線金成穗雨洗梨花玉
有香醉後不能離綺席擬憑青帝繫斜陽

壯士行

劉禹錫

陰風振寒郊猛虎正咆哮徐行出燒地連吼入黃茅

壯士走馬去鐙前彎玉弰叱之使人立一發如鼓交
悍晴忽星墮飛血濺林梢彪炳爲我席羶腥充我庖
里中欣害除賀酒紛呶號明月長橋上傾城看斬蛟

猛士行

李廓

戰鼓驚沙惡天色猛士虬鬚眼前黑單于衣錦日行
兵陣頭走馬生擒得幽并少年不敢輕虎狼窟裏空
手行

幽州胡馬客歌

李白

幽州胡馬客綠眼虎皮冠笑拂兩隻箭萬人不可干
彎弓若轉月白鴈落雲端雙雙棹鞭行遊獵向樓蘭

唐詩類苑

卷之八十五

十

出門不顧後報國死何難天驕五單于狼戾好兇殘
牛馬散北海割鮮若虎餐雖居燕支山不道朔雪寒
婦女馬上笑顏如頰玉盤飜飛射鳥獸花月醉雕鞍
旄頭四光芒爭戰若蜂攢白刃洒赤血流沙爲之丹
名將古誰是疲兵良可歎何時天狼滅父子得閑安

臨江王節士歌

李白

洞庭白波木葉稀燕鴻始入吳雲飛吳雲寒燕鴻苦
風號沙宿瀟湘浦節士悲秋泪如雨白日當天心照
之可以事明主壯士憤雄風生安得倚天劍跨海斬
長鯨

扶風豪士歌

李白

洛陽三月飛胡沙，洛陽城中人怨嗟。天津流水波赤
血，白骨相撐如亂麻。我亦東奔向吳國，浮雲四塞道
路賒。東方日出啼早鴉，城門人開掃落花。梧桐楊柳
拂金井，來醉扶風豪士家。扶風豪士天下奇，意氣相
傾山可移。作人不倚將軍勢，飲酒豈顧尚書期。雕盤
綺食會賓客，吳歌趙舞香風吹。原嘗春陵六國時，開
心寫意君所知。堂中各有三千士，明日報恩知是誰。
撫長劍，一揚眉。清水白石何離離，脫吾帽向君笑飲
君酒。爲君吟，張良未遂赤松去，橋邊黃石知我心。

唐詩類苑

卷之六十五

主

貴游

羅隱

館陶園外雨初晴，繡轂香車入鳳城。八人家僮三尺
筆，何知高祖要蒼生。

灞上輕薄行

孟郊

長安無緩步，況值天景暮。相逢灞滻間，親戚不相顧。
自嘆方拙身，忽隨輕薄倫。常恐失所避，化爲車轍塵。
此生白髮疾走亦未歇。

輕薄篇

李益

豪不必馳千騎雄，不在垂簾曉。天生俊氣自相逐，出
與鵬鷃同飛翮。朝行九衢不得意，下鞭走馬城西原。

忽聞燕鴈一聲去，回鞍挾彈平陵園。歸來青樓曲未
卒，美人玉色當金尊。淮陰少年不相下，酒酣半笑倚
市門。安知我有不平色，白日欲落紅塵昏。死生容易
如反掌，得意失意由一言。少年但飲莫相問，此中報
讐亦報恩。

輕薄怨

李咸用

花聰蹀躞遊龍驕，連連寶節揮長鞘。鳳雛麟子皆至
交，春風相逐垂楊橋。拾坐軟玉開素苞，盡樓閃閃紅
裾搖。碧蹄偃蹇連金鑣，狂情十里飛相燒。西母青禽
輕飄飄，分環破壁來往勞。黃金千鎰新一宵，少年心

唐詩類苑

卷之六十五

主

事風中毛明朝何處逢，嬌嬌門前桃樹空。天天

輕薄行

邵謁

薄薄身上衣，輕輕浮雲質。長安一花開，九陌馬蹄疾。
誰言公子車，不是天上力。

相逢行

李白

朝騎五花馬，謁帝出銀臺。秀色誰家子，雲車珠箔開。
金鞭遙指點，玉勒近遲回。夾轂相借問，疑從天上來。
感入青綺門，當謠共銜盃。銜盃映歌扇，似月雲中見。
相見不得親，不如不相見。相見情已深，未語可知心。
胡爲守空閨，孤眠愁錦衾。錦衾與羅帷，纏綿會有時。

春風正澹蕩暮雨來何遲願因三青鳥更報長相思
光景不待人須臾髮成絲當年失行樂老去徒傷悲
持此道密意無令曠佳期

相逢行

韋應物

二十登漢朝英聲邁今古適從東方來又欲謁明主
猶酣新豐酒尚帶灞陵雨邂逅兩相逢別來問寒暑
寧知白日晚暫向花間語忽聞長樂鐘走馬東西去

相逢行

李白

相逢紅塵內高揖黃金鞭萬戶垂楊裡君家婀娜邊

相逢行

崔顥

唐詩類苑

卷之八

三

妾年初二八家住洛橋頭玉戶臨馳道朱門近御溝
使君何假問夫婿大長秋女弟新承寵諸兄近拜侯
春生百子殿花發五城樓出入千門裏年年樂未休

結襪子

李白

燕南壯士吳門豪筑中置鉛魚隱刀感君恩重許君
命泰山一擲輕鴻毛

緩歌行

李頎

小來託身攀貴遊傾家破產無所募暮擬經過石渠
署朝將出入銅龍樓結交杜陵輕薄子謂言可生復
可死一沈一浮會有時棄我翻然如脫屣男兒立身

自強十年閉戶穎水陽業就功成見明主擊鐘鼎
食坐華堂二八蛾眉梳墮馬美酒清歌曲房下文昌
官中賜錦衣長安陌上退朝歸五陵賓從莫敢視三
省官僚揖者稀始知今日讀書是悔作從來狂俠非

隴頭吟

王維

長城少年游俠客夜上戍樓看太白隴頭明月迴
關隴上行人吹夜笛關西老將不勝悲駐馬聽之幾
淚流身經大小百餘戰麾下偏裨萬戶侯蘇武才爲
典屬國節旄空盡海西頭

鴻門行

袁瑰

唐詩類苑

卷之八

三

少年賁意氣百金不辭費學劍西入秦結交北遊魏
秦魏多報人與代亦殊倫由來不相識皆是暗相親
寶馬青絲轡狐裘貂鼠服晨過劇孟遊暮投咸陽宿
然諾本云云諸侯莫不聞猶思百戰術更逐李將軍
始從灞陵下遙遙度朔野北風聞楚謠南庭見胡馬
胡馬秋正肥相邀夜合圍戰酣烽火滅路斷救兵稀
白刃縱橫逼黃塵飛不息虜騎血灑衣單于淚沾臆
獻凱雲臺中自言塞上雄將軍行失勢卻曲遂無功
新人不如舊舊人不相救萬里長飄飄十年計不就
棄置難重論驅馬度鴻門行看楚漢事不覺風塵昏

寶劍中夜撫悲歌聊自舞此曲不可終曲終淚如雨

羽林行

王建

長安惡少出名字樓下切商樓上醉天明下直明光
宮散入五陵松栢中百迴殺人身合死赦書尚有收
城功九衢一日消息定鄉吏籍中重改姓出來依舊
屬羽林立在殿前射飛禽

長安遊

于鵠

久卧長安春復秋五侯長樂客長愁繡簾朱轂逢花
住錦幘銀珂觸雨遊何處少年吹玉笛誰家鸚鵡語
紅樓年年只是看他貴不及南山任白頭

唐詩類苑

卷之八十五

三五

獨漉篇

李白

獨漉水中泥水濁不見月不見月尚可水深行人沒
越鳥從南來胡鷹亦北渡我欲彎弓向天射惜其中
道失歸路落葉別樹飄零隨風客無所託悲與此同
羅幃舒卷似有人開明月直入無心可猜雄劍挂壁
時時龍鳴不斷犀象繡澀苔生國耻未雪何由成名
神鷹夢澤不顧鳴鳶爲君一擊鵬搏九天

玉壺吟

李白

烈士擊玉壺壯士惜暮年三杯拂劍舞秋月忽倏然
高詠涕泗漣鳳凰初下紫泥詔謁帝稱觴登御筵掄

揚九重萬乘主諱浪赤墀青鎖賢朝天數換飛龍馬
敕賜珊瑚白玉鞭世人不識東方朔大隱金門是謫
仙西施宜笑復宜顰醜女効之徒累身君王雖愛蛾
眉好無柰官中妬殺人

白鼻騮

李白

銀鞭白鼻騮綠地障泥錦細雨春風花落時揮鞭直
就胡姬飲

古意

李頎

男兒事長征少小幽燕客賭勝馬蹄下由來輕七尺
殺人莫敢前鬚如蝟毛磔黃雲隴底白雪飛未得報

唐詩類苑

卷之八十五

三五

思不能歸遼東小婦年十五慣彈琵琶解歌舞今爲
羌笛出塞聲使我三軍淚如雨

榮華樂

李賀

爲肩公子二十餘齒編貝唇激朱氣如虹霓飲如建
瓴走馬夜歸叫嚴更徑穿複道遊椒房龍裘金玦雜
花光玉堂調笑金樓子臺下戲學邯鄲倡口吟古話
稱女郎錦袂繡面漢帝旁得明珠十斛白璧一雙新
詔垂金曳紫光煌煌馬如飛人如水九卿六官皆望
履將迴日月先反掌欲作江河唯畫地戕戕虎冠上
切雲竦劍晨趨凌紫氛繡段千尋貽阜隸黃金百鎰

家臣十二門前張大宅晴春煙起連天碧金鋪綴
日維紅光銅龍窗環似爭力姪姬凝醉卧芳席海素
寵牕空下隔丹穴取鳳充行庖獲獲如拳那足食金
蟾呀呀蘭燭香軍裝武妓聲琅璫誰知花雨夜來過
但見池臺春草長嘈嘈絃吹匝天開洪厓簫聲遶天
來天長一矢貫雙虎雲泥絕騁駘早雷亂袖交竿管
兒舞吳音綠鳥學言語能教刻石平紫金解送刻毛
寄新兔三皇皇后七貴人五十校尉二將軍當時飛
去逐彩雲化作今日京華春

雜詩

崔國輔

唐詩類苑

卷之八十五

二十七

逢着平樂兒論交鞍馬前與酣一斗酒恰用十千錢
後余在關內作事多迍邐何處肯相救徒聞寶劍篇

雜興

王昌齡

握中銅匕首粉剉楚山鐵義士頻報讎殺人不留缺
可悲燕丹事終被狼虎滅一舉無兩全荆軻遂爲血
誠知匹夫勇何取萬人傑無道喬諸侯坐見九州裂

城傍曲

王昌齡

秋風鳴桑條草白狐兔驕邯鄲飯來酒未消城北原
平掣皂雕射殺空營兩勝虎迴身却月佩弓消

樂府新詞

劉言史

花顏鬚髮一何偏綠槐香陌欲朝天仍嫌衆裏嬌行
疾傍銚深藏白玉鞭

噴沫團香小桂條玉鞭兼賜霍嫖姚弄影便從天禁
出碧啼聲碎五門橋

張公子行

常建

日出乘釣舟嫋嫋持釣竿涉淇傍荷花驄馬閑金鞍
俠客白雲中腰間懸轆轤出門事嫖姚爲君西擊胡
胡兵漢騎相馳逐轉戰孤軍西海北百尺旌竿沈黑
雲邊笳落日不堪聞

梁公子

李賀

唐詩類苑

卷之八十五

二十八

風形出蕭家本是萑蒲花南城蓮子熟洗馬走江沙
御牋銀沫冷長簾鳳窠斜種柳營中暗題書賜館娃

寄襄陽王公子

馬戴

君馬勒金羈君家貯玉筭白雲登峴首碧樹醉銅鞮
澤廣荊州北山多漢水西鹿門知不隱芳草白萋萋

公子

李商隱

一盞新羅酒凌晨恐易銷歸應衝鼓半去不待笙調
歌好唯愁和香穠豈惜飄春場鋪艾帳下馬雉媒嬌

公子行

韓琮

紫袖長衫色銀蟬半臂花帶裝盤水玉鞍繡坐雲霞

別殿承恩澤飛龍賜渥注控羅青梟鑊象碧重葩
意氣催歌舞闌珊走細車袖障雲縹緲釵轉鳳欹斜
珠卷迎歸箔紅籠晃醉紗唯無難夜日不得似仙家

公子行

顧况

輕薄兒面如玉紫陌春風纏馬足雙鞵懸金縷鶻飛
長衫刺雪生犀束綠槐夾道陰初成珊瑚幾節敵流
星紅肌拂拂酒光凝當街背拉金吾行朝遊繁鼓
聲發暮遊繁鼓聲絕入門不肯自升堂美人扶踏
金堦月

公子行

劉希夷

唐詩類苑 卷之六十五

二九

天津橋下陽春水天津橋上繁華子馬聲迴合青雲
外人影搖動綠波裏綠波清迴玉爲砂雲離披錦
作霞可憐楊柳傷心樹可憐桃李斷腸花此日遨遊
邀美女此時歌舞入娼家娼家美女鬱金香飛去飛
來公子傍的朱簾白日映娥娥玉顏紅粉妝花際
徘徊雙蛺蝶池邊顧步兩鴛鴦傾國傾城漢武帝爲
雲爲雨楚襄王古來容光人所羨况復今日遙相見
願作輕羅着細腰願爲明鏡分嬌面與君相向轉相
親與君雙棲共一身願作貞松千歲古誰論芳槿一
朝新百年同謝西山日千秋萬古北邱塵

貴公子行

秦韜玉

堦前莎毬綠不捲銀龜噴香挽不斷亂花織錦柳然
線粧點池臺畫屏展主人公業傳國初六親聯亂馳
朝車闐鷄走狗家世事抱來皆佩黃金魚却笑儒生
把書卷學得顏回忍飢面

公子行

朱慶餘

閑從結客冶遊時忘却紅樓薄暮期醉上黃金堤上
去馬鞭梢斷綠楊絲

公子行

羅鄴

金鞍玉勒照花明過後春風特地生半醉五侯門裏
唐詩類苑 卷之六十五

三

出月高猶在禁街行

公子行

雍陶

公子風流嫌輕一作錦綉新裁白紵作春衣金鞭留當
誰家酒拂柳穿花信馬歸

公子行

于鵠

少年初拜大長秋半醉垂鞭見列侯馬上抱鷄三市
關袖中携劍五陵遊玉簫金管迎歸院錦袖紅裝擁
上樓更向苑西新買宅月波春水入門流

貴公子

韋莊

大道青樓御苑東玉欄鬱谷壓枝紅金鈴犬吠梧桐

阮朱鬣馬嘶楊柳風流水帶華穿巷陌夕陽和樹入
簾櫳瑤池宴罷歸來醉笑說君王在月宮

公子家二首

李山甫

曾是皇家幾世侯入雲高第照神州柳遮門戶橫金
鎖花擁絃歌咽盡樓錦袖妬姬爭巧笑玉街嬌馬索
閑遊麻衣酷獻平生業醉倚春風不點頭
柳底花陰壓露塵醉煙輕罩一團春鴛鴦口水能噴
客鸚鵡嫌籠解解罵人腰裏似龍隨日換輕盈如燕逐
年新不知買盡長安笑活得蒼生幾戶貧

劉生

弘執恭

唐詩類苑

卷之六十五

三十一

樂府解題曰劉生不知何代人齊梁已來爲劉生
辭者皆稱其任俠豪放周遊五陵三秦之地或云
抱劍專征爲符節官所未詳也按古今樂錄曰梁
鼓角橫吹曲有東平劉生歌疑卽此劉生也

英名張關右雄氣逸江東遊俠五都內來去三秦中
劍照七星影馬控千金驄縱橫方未息因茲定武功

劉生

盧照鄰

劉生氣不平抱劍欲專征報恩爲豪俠死難在橫行
翠羽裝劍鞘黃金鑲馬纓但令一顧重不悵百身輕

劉生

楊炯

卿家本六郡年長入三秦白璧酬知己黃金謝主人

劍鋒生赤電馬足起紅塵日暮歌鐘發喧喧動四鄰

劉生

柳莊

四坐驚稱孟一作座驚稱孟字英雄道姓劉廣陌通朱邸大

路起青樓要賢驛已置留客轡仍投光斜日下露庭

陰月上鉤

贈武十七諤

并序

李白

門人武諤深於義者也質木沈悍慕要離之風潛

釣川海不數數於世間事聞中原作難西來訪余

余愛子伯禽在魯許將冒胡兵以致之酒酣感激

唐詩類苑

卷之六十五

三十一

援筆而贈

馬如一匹練明日過吳門乃是要離客西來欲報恩

笑開燕匕首拂拭竟無言狄犬侵伊洛天津成塞垣

愛子隔東魯空悲腸斷猿林回棄白璧千里阻同奔

君爲我致之輕賫涉淮源精誠合天道不愧遠遊魂

送侯十一

李白

朱亥已擊晉侯嬴尚隱身時無魏公子豈貴抱關人

余亦不火食遊梁同在陳空餘湛盧劍贈爾託交親

魯郡堯祠送張十三游河北

李白

猛虎伏尺草雖藏難蔽身有如張公子骭解在風塵
豈無橫腰劍屈彼淮陰人擊筑向北燕燕歌易水濱
歸來泰山上當與爾爲鄰

贈李果毅

盧綸

向日磨金鏃當風着錦衣上城邀賊語走馬截鵝飛

劉頴詩

元稹

昌平人劉頴其上有三世有義烈頗少落行陣二十
解屬文舉進士科試不就負氣俠路間病罷車載
柩盡碎之聲囊酬直而去南歸唐州爲吏所軋勢
不支氣屈自火其居出契書投火中繇是以氣聞

唐詩類苑

卷之八十五

三十五

予聞風四五年而後見因以詩許之

一言感激士三世義忠臣破甕嫌妨路燒莊耻屬人
迴分遼海氣閑踏洛陽塵儻使權由我還君曰馬津

贈張建

韓翃

結客平陵下當年倚俠遊傳看轆轤劍醉脫驕驍裘
翠羽雙鬟妾珠簾百尺樓春風坐相待晚日莫淹留

秦宮詩并序

李賀

漢人秦宮將軍梁冀之妻也秦宮得寵內含故
以驕名大譟於人秦宮得寵內含故
事相爲對望又云昔有之詩

越羅衫袂迎春風玉刻麒麟腰帶紅樓頭曲宴仙人
語帳底吹笙香霧濃人間酒煖春茫茫花枝入簾白
日長飛牕複道傳籌飲十夜銅盤膩燭燭黃禿衿小袖
調鸚鵡紫繡麻霞踏哮虎斫桂燒金待曉筵白鹿青
蘇夜半煮桐英永巷騎新馬內屋深屏生色畫開門
爛用水銜銀卷起黃河向身瀉皇天厄運猶曾裂秦
宮一生花裏活鸞篋奪得不還人醉睡罷飢滿堂月

唐兒歌

李賀

唐詩類苑

卷之全五

三十五

半臂東家嬌娘求對值濃笑盡空作唐字眼大心雄
知所以莫忘作歌人姓李

豪華

豪家

劉駕

九陌槐葉盡青春在豪家嬌鶯不出城長宿庭上花
高樓登夜半已見南山多恩深勢自然不是愛驕奢

豪家

秦韜玉

扁鵲通渠引御波綠槐陰裏五侯家地衣鎮角香獅
子簾額侵鈎繡辟邪按徹清歌天未曉飲回深院漏
猶餘四鄰池館吞將盡尚自堆金爲買花

唐詩類苑卷第八十六

高齋起華堂遠遠引流水糞土視金珍猶嫌未奢侈
陋巷滿蓬蒿誰憐有顏子

賁宅

曹 鄴

入門又到門到門戟相對玉簫聲尚遠疑似人不在
公子厭花繁買藥栽庭內望遠不上樓牕中見天外
此地日烹羊無異我食菜自是愁人眼見之若奢泰

唐詩類苑

卷之八十五

三五

唐詩類苑卷第八十六

明雲間張之象玄超甫纂輯

雲間陳繼儒仲醇甫編次

雲間王 徹叔朗甫補訂

梁谿曹仁孫伯安甫校正

人部

醉

醉後贈王歷陽

李 白

書禿千兔毫詩裁兩牛腰筆縱起龍虎舞袖拂雲霄
雙歌二胡姬更奏遠清朝舉酒挑朔雪從君不見饒

唐詩類苑

卷之八十六

洞庭醉後送絳州呂使君果流澧州

李 白

昔別若夢中天涯忽相逢洞庭破秋月縱酒開愁容
贈劍刻玉字延平兩蛟龍送客不盡意書及鴈迴峯

對酒醉題屈突明府廳

李 白

陶令八十日長歌歸去來故人建昌宰借問幾時迴
風落吳江雪紛紛入酒杯山翁今已醉舞袖爲君開

酬樂天勸醉

元 稹

神翅清濁酒吐丹深淺花少年欲相飲此樂何可涯
沈機造神境不必悟楞伽願返童貌安用或十砂

劉伶稱酒德所稱良未多願君聽此曲我爲盡稱
一杯顏色好十盞膽氣加半酣得自恣醕酏歸太和
共醉真可樂飛觥撩亂歌獨醉亦有趣兀然無與他
美人醉燈下左右流橫波王孫醉牀上顛倒眠綺羅
君今勸我醉勸醉意如何

和思黯居守獨飲偶醉見示六韻時夢得和
篇先成頗爲麗絕因添兩韻繼而美之

白居易

宮漏滴漸開城烏啼復歇此時若不醉爭奈千門月
主人中夜起妓燭前羅列歌袂默收聲舞鬟低赴節

唐詩類苑

卷之六十六

二

絃吟玉桂品酒透金杯熱朱顏忽已醺清奏猶未闋
妍詞黯先唱逸韻劉繼發鏗然雙雅音金石相磨戛

醉後

韓愈

煌煌東方星奈此衆客醉初喧或忿爭中靜雜嘲戲
淋漓身上衣顛倒筆下字人生如此少酒賤且勤置

醉贈張秘書

韓愈

人皆勸我酒我若耳不聞今日到君家呼酒持勸君
爲此座上客及余各能文君詩多態度高詩春空雲
東野功驚俗天葩吐奇芬張籍學古淡軒鶴避雞群
阿買不識字月夜書八分詩成使之寫亦足張吾軍

所以欲得酒爲文俟其醺酒味既冷冽酒氣又氛氲
性情漸浩浩諧笑方云云此誠得酒意餘外徒縝紛
長安衆富兒盤饌羅羶葷不解文字飲惟能醉紅裙
雖得一餉樂有如聚飛蚊今我及數子固無猶與薰
險語破鬼膽高詞姬皇墳至寶不雕琢神功謝鋤耘
方今向太平元凱承華勛吾徒幸無事庶以窮朝暉

秋醉歌

張爲

金風颭已起還是招漁翁携手天姥岑自彈嶧陽桐
脫却登山履赤脚靚青筠泉聲掃殘暑猿臂攀長松
翠微泛罇綠苔蘇分煙紅造化處術內相對數壺空

唐詩類苑

卷之六十六

三

醉眠嶺上草不覺夜露濃一夢到天曉始覺一醉中
皎然夢中路直到瀛洲東初平把我臂相與騎白龍
三留對上帝王流十二重上帝賜我酒送我敲金鐘
寶閣香歛再琪樹寒玲瓏動葉如笙簧音律相怡融
玆重此一醉百骸出天長如此夢魂永謝名與

醉中作

張說

醉後樂無極彌勝未醉時動容皆是舞出語總成詩

醉題王漢陽

李白

我似鷓鴣鳥南遷嶺北飛時尋漢陽令取醉月中歸
醉後送張子赴鎮西

岑參

醉後未能別醒時方送君看君走馬去直上天山雲

醉後

王績

阮籍醒時少陶潛醉日多百年何足度乘興且長歌

醉後贈高四

孟浩然

四海重然諾吾嘗聞白眉秦城遊俠客相待半酣時

銅官山醉後絕句

李白

我愛銅官樂千年未擬還要須迴舞袖拂盡五松山

魯中都東樓醉起作

李白

昨夜東樓醉還應倒接離阿誰扶上馬不省下樓時

翫花與衛象同醉

司空曙

唐詩類苑

卷之六

四

衰鬢千莖白他鄉一樹花今朝與君醉忘卻在長沙

醉行

元稹

秋風方索漠霜貌足睽携今日騎驄馬街中醉踏泥

澧上醉題寄條武

韋應物

芳園知夕燕西郊已獨還誰言不同賞俱是醉花間

村醉

盧仝

昨夜村飲歸從倒三四五摩挲青莓苔莫道驚著汝

常夜醉卧街犯禁乃爲詩 裴儵然

遮莫繁華動須傾清滿盃金吾如借問但道玉山頹

丹陽作

朱

暫入新豐市猶聞舊酒香抱琴沽一醉盡日卧垂陽

醉題

杜牧

金鑷洗霜鬢銀觥敵露桃醉頭扶不起三丈日還高

醉眠

杜牧

秋醪雨中熟寒齋落葉中幽人本多睡更酌一罇空

暮春醉中寄李千

馬異

歡異且交親酒生開甕春不須愁犯卯且乞醉過申

折草爲籌筋鋪花作錦裯嬌鴛解言語留客也慙慙

醉中戲贈鄭使君 時使君先歸留妓樂重

飲

白居易

唐詩類苑

卷之六

五

密座移紅氍毹顏照綠杯雙娥留且住五馬任先迴

醉耳歌催醒愁眉笑引開平生少年興臨老斲重來

春醉

許渾

酒釀花一樹何暇卓文君客坐長先飲公閑半已曛

水鄉春足雨山郭夜多雲何以參禪理榮枯盡不聞

晚春酒醒尋夢得

白居易

料合同惆悵花殘酒亦殘醉心忘老易醒眼別春難

獨出雖慵懶相逢定喜歡還携小蠻去試覓老劉看

小名也

小院酒醒

白居易

酒醒閑獨步小院夜深涼一領新秋簾三間明月廊
未收殘盞杓初換熟衣裳好是幽眠處松陰六尺牀

燒藥不成命酒獨醉

白居易

白髮逢秋玉丹砂見火空不能留姪女爭免作衰翁
賴有盆中綠能爲面上紅少年心不遠只在半酣中
銷盧戡與予數約遊三寺戡獨沈醉而不行

元稹

乘興無羈束閑行信馬蹄路幽穿竹遠野迴望雲低
素帚茅花亂圓珠稻實齊如何盧進士空戀醉如泥

醉後重贈晦叔

白居易

唐詩類苑

卷之六十六

六

老伴知君少歡情向我偏無倫踈與數相見輒欣然
各以詩成癖俱因酒得仙笑迴青眼語醉並白頭眠
豈是今投分多宜宿結緣人間更何事攜手送衰年

分司洛中多暇數與諸客宴遊醉後狂吟偶

成十韻因招夢得賓兼呈詩黯奇章公

白居易

性與時相遠身將世兩忘寄名朝士籍寓與少年場
老豈無談笑貧猶有酒漿隨時求伴侶逐日用風光
數數遊何爽些些病未妨天教榮啓樂人恕接輿狂
改業爲逋客移家住醉鄉不論招夢得兼擬誘奇章

要路風波險權門市井忙世間無可戀不是不思量

酬李六醉後見寄口號

元稹

元稹

頓愈頭風疾吟口號詩文章紛似繡珠玉布如絳
健羨觥飛酒蒼黃日映籬命童寒色倦撫稚晚啼饑
潦倒慙相識平生頗自奇明公將有問林下是靈龜
崇讓宅東亭醉後汚然有作

李商隱

曲岸風雷罷東亭霽日涼新秋仍酒困幽興暫江鄉
搖落眞何遽交親或未亡一帆彭蠡月數鴈塞門霜
俗態雖多累仙標發近狂聲名佳句在身世玉琴張

唐詩類苑

卷之六十六

七

萬古山空碧無人鬢免黃驂騶憂老大鷄鳴妬芬芳
密竹沈虛籟孤蓮汨晚香如何此幽勝淹卧劇清漳
餘杭醉歌贈吳山人

丁仙芝

曉幙紅襟鷺春城白項烏只來梁上語不向府中趨
城頭坎坎鼓聲曙滿庭新種櫻桃樹桃花昨夜撩亂
開當軒發色映樓臺十千兌得餘杭酒二月春城長
命杯酒後留君待明月還將明月送君迴

醉後贈從甥高鎮

李白

馬上相逢揮馬鞭客中相見客中憐欲邀擊筑悲歌
飲正值無家傾酒錢江東風光不借人枉殺落花空

自春黃金逐手快意盡昨夜破產今朝貧丈夫何事
空嘯傲不如燒却頭上巾君爲進士不得進我被秋
霜生旅鬢時清不及英豪人三尺兒童重廉蔭匣中
盤劍裝鰐魚閑在腰間未用渠且將換酒與君醉醉
歸托宿吳真諸

醉爲馬陸諸公携酒相看 杜甫

甫也諸侯老賓客罷酒酣歌拓金戟騎馬忽憶少年
時散蹄迸落瞿塘石白帝城門水雲外低身直下八
千尺粉堞電轉紫遊韁東得平岡出天壁江村野堂
爭入眼垂鞭鞞凌紫陌向來皓首驚萬人自倚紅

唐詩類苑

卷之六

八

顏能騎射安知決臆追風足未汗驂驪猶噴玉不虞
一蹶終損傷人生快意多所辱職當憂小伏衾枕况
乃遲暮加煩促朋知來問腆我顏杖藜強起依僮僕
語盡還成開口笑提携別掃清谿曲酒肉如山又一
時初筵哀絃動豪竹共指西日不相貸喧呼且覆杯
中祿何必走馬來爲問君不見嵇康養生被殺戮

醉歌行

贈公安顏少府
請顧入題壁

杜甫

神仙中人不易得顏氏之子才孤標天馬長鳴待駕
馭秋鷹整翮當雲霄君不見東吳顧文學君不見西
漢杜陵老詩家筆勢君不嫌詞翰升堂爲君掃是

霜風東七澤烏蠻落照銜亦壁酒酣耳熱忘頭白感
君意氣無所惜一爲歌行歌主客

醉時歌

贈廣文館
學士鄭虔

杜甫

諸公衮衮登臺省廣文先生官獨冷甲第紛紛厭梁
肉廣文先生飯不足先生有道出羲皇先生有文過
屈宋德尊一代常坎軻名垂萬古知何用杜陵野客
人更嗤被褐短窄鬢如絲日糴太倉五升米時赴鄭
老同襟期得錢卽相覓沽酒不復疑忘形到爾汝痛
飲真吾師清夜沈沈動春酌簷前細雨燈花落但覺
高歌有鬼神焉知餓死填溪壑相如有才親滌器子
唐詩類苑 卷之六 九

醉歌行

杜甫

見本部宗族

石魚湖上醉歌

有序

元結

漫叟以公田米釀酒因休暇則載酒於湖上時取
一醉歡醉中據湖岸引臂向魚取酒使舫載之徧
飲坐者意疑倚巴丘酌於君山之上諸環洞庭而
生酒舫泛泛然觸波濤而往來者乃作歌以長之

石魚湖似洞庭夏水欲滿君山青山爲樽水爲沼酒
徒歷歷坐洲島長風連日作大浪不能廢人運酒觴
我持長瓢坐巴丘酌飲四坐以散愁

酒泉太守席上醉後作 岑參

琵琶長笛曲相和羌兒胡雛齊唱歌
渾炙犁牛烹野麋交河美酒歸臣羅
三更醉後軍中寢無柰秦山歸夢何

醉後走筆酬劉五主簿長句之贈兼柬張大

賈二十四先輩昆季 白居易

劉兄文高行孤立十五年前名翕習是時相遇在符
唐詩類苑 卷之六 十一

離我年二十君三十得意忘年心迹親寓居同縣日
知聞衡門寂寞朝尋我古寺蕭條暮訪君朝來暮去
多携手窮巷貧居何所有秋燈夜寫聯句詩春雪朝
傾暖寒酒俾湖綠愛白鷗飛灘水清憐紅鯉肥偶語
閑攀芳樹立相扶醉踏落花歸張賈弟兄同里巷乘
閑數數來相訪雨天連宿草堂中月夜徐行石橋上
我年漸長忽自驚鏡中冉冉髭鬚生心畏後時同勳
忘身牽前事各求名問我栖栖何所適鄉人薦爲
鳴客二千里別謝交遊三十韻詩慰行役出門可憐
唯一身窮囊篋馬入咸秦聚聚街鼓紅塵聞晚到長

安無主人二賈二張與余弟驅車遞迎來相繼操詞
握賦爲干戈鋒銳森然勝氣多齊入文場同苦戰五
人十載九登科二張得雋名居甲美退爭雄重告捷
棠棣輝榮並桂枝芝蘭芬馥和荆葉唯有沅犀屈未
伸握中目謂駭鷄珍三年不鳴鳴必大豈獨駭鷄當
駭人元和運啓千年聖同遇明時余最幸始辭秘閣
吏王畿遽列諫垣升禁闥蹇步何堪鳴佩玉衰容不
稱着朝衣閭閻是開朝百辟冕旒不動香煙碧步登
龍尾上虛空立去天顏無咫尺宮花似雪從乘輿禁
月如霜坐直廬身賤每驚隨內宴才微常愧草天書
唐詩類苑 卷之六 十一

幾家去東林舊院何人住武里村花落復開流溝山
色應如故感此酬君千字詩醉中分手又何之須知
通塞尋常事莫歎浮沈先後時慷慨臨歧重相勉殷
勤別後加餐飯君不見買臣衣錦還故鄉五十身榮
未爲脫

醉後狂言酬贈蕭殷二協律

白居易

餘杭邑客多騶貧其間甚者蕭與殷天寒身上猶衣
葛日高甕中未拂塵江城山寺十一月北風吹砂雪
紛紛賓客不見綈袍惠黎庶未霑襦袴恩此時太守

唐詩類苑

卷之八十六

十二

自慙愧重衣複衾有餘溫因命染人與針女先製兩
裘贈二君吳綿細軟桂布密柔如狐腋白似雲勞將
詩書投贈我如此小慰何足論我有大裘君未見寬
廣和暖如陽春此裘非繒亦非纈裁以法度絮以仁
刀尺鈍拙製未出畢亦不獨裹一身若令在郡得五
考與君展覆杭州人

秋日與張賓客舒著作同遊龍門醉中狂歌

凡三百三十八字

白居易

秋天高高秋光清秋風嫋嫋秋蟲鳴高峯餘霞錦綺
卷伊水細浪鱗甲生洛陽閑客知無數少出遊山多

在城商嶺老人自追逐遂丘逸士相逢迎南世鼎門
十八里莊店遷迤橋道平不寒不熱好時節鞍馬穩
快衣衫輕並轡踟躕下西岸扣舷容與遶中汀開懷
曠達無所繫觸目勝絕不可名荷衰欲黃待猶綠魚
樂自躍鷗不驚翠藻蔓長孔雀尾彩船櫓急寒鴈聲
家醞一壺白玉液野花數把黃金英朝遊回看西日
暮夜話坐及東方明暫停盃觴輒吟咏我也狂言君
試聽丈夫一生有二志兼濟獨善難得并不能救療
生民病卽須先濯塵土纓況吾頭白眼已暗終日戚
促何所成不如展眉開口笑龍門醉卧香山行

唐詩類苑

卷之八十六

十三

戲醉客

白居易

莫言魯國書生懦莫把杭州刺史欺醉客請君開眼
望綠楊風下有紅旗

醉歌示妓人商玲瓏

白居易

罷胡琴掩秦瑟玲瓏再拜歌初畢誰道使君不解歌
聽唱黃鸝與白日黃鸝催曉丑時鳴白日催年酉前
沒腰間紅綬繫未穩鏡裏朱顏看似失玲瓏玲瓏奈
老何使君歌了汝更歌

醉留東野

韓愈

昔年因讀李太白杜甫詩長恨二人不相從吾與東野

生並世如何復躡二子蹤東野不得官白首誇龍鐘
韓子稍姦黠自慚青蒿倚長松低頭拜東野願得終
始如駉蛩東野不迴頭有如寸蓬撞鉅鐘我願身為
雲東野變爲龍四方上下逐東野雖有離別無由逢
常掛一花瓢及曲竹枝醉則歌

許宣平

負薪朝出賣沽酒日西歸路人莫問歸何地穿白雲
行入翠微

醉中贈崔膺

李涉

與君兄弟住嶺故與君相逢楊子渡白浪南分吳塞
唐詩類苑卷之八

十四

寒綠楊深入隋宮路隋家文物今雖改舞館歌臺基
尚在煬帝陵邊草木深沛河流水空歸海古今悠悠
人自別此地繁華終未歇大道青樓夾翠煙瓊墀繡
帳開明月與君一言兩相許外捨形骸中爾女楊州
歌酒不可追洛神映箔湘妃語白馬黃金爲身置誰
能獨羨他人醉暫到香爐一夕間展愁眉百世事
君看白日光如箭一度別來顏色變早謀侯印佩腰
間莫遣看花鬢如霰

醉歌

溫庭筠

簷柳初黃燕新乳曉碧芊綿過微雨樹色深含臺榭

情鶯聲功作煙花主錦袍公子陳巧觴撥醅百甕春
酒香入門下馬問誰在降塔握手登華堂臨叩美人
連山眉低抱琵琶含怨思朔風繞指我先笑明月入
懷君自知勸君莫惜金樽酒年少須臾如覆手辛勤
到老慕簞瓢於我悠悠竟何有洛陽盧仝一作生稱文
房妻子脚秃春黃糧阿耋光頭不識字指麾豪傑如
驅羊天犀壓斷朱鸞鼠瑞錦驚飛金鳳凰其餘豈足
需牙齒欲用何能報天子驚馬垂頭搶墮塵驂騑一
日行千里但有沈冥醉客家支願瞪目持流霞唯恐
南國風雨落碧蕪狼籍棠梨花

唐詩類苑

卷之八

十五

垂花塢醉後戲題

賦得此字
簡有序

獨孤及

莊周臺南十許步有丘一成上有樛藤垂花而蔓
草荒之且隔大溝路不可步道士張太和伐薪爲
堰封土以壅澮余亦命雍氏治蕪穢而剗宿莽遂
闢爲登賦之位位廣二席席間足以函樽酒二簋
三月戊子及群英由堰而升焉諸花倒垂下拂杯
案紫葩繡綖如釵如旒衆君子瞻弄之不足故秉
燭進酒以繼落日欲稱醉而不能也因命其地曰
垂花塢堰曰絳花堰亦飾之以詩云

紫萸青條覆酒壺落花時與竹風俱歸時自負花前
醉笑向儵魚問樂無

縣中惱飲席

李商隱

晚醉題詩贈物華罷吟還醉忘歸家若無江氏五色
筆爭奈河陽一縣花

花下醉

李商隱

尋芳不覺醉流霞倚樹沈眠日已斜客散酒醒深夜
後更持紅燭賞殘花

焦籬店醉題

時看弄
邵翁伯

盧綸

洛下渠頭百卉新滿筵歌笑獨傷春何須更弄邵翁

唐詩類苑

卷之八十六

十六

伯即我此身如此人

醉醒

元稹

積善坊中前度飲謝家諸婢笑扶行今宵還似當時
醉半夜覺來聞哭聲

先醉

元稹

今日樽前敗飲名三杯未盡不能傾怪來花下長先
醉半是春風蕩酒情

獨醉

元稹

一樹芳菲也當春漫隨車馬擁行塵桃花解笑顰能
語自醉自眠那藉人

宿醉

元稹

風引春心不自由等閑衝席飲多籌朝來始向花前
覺度却醒時一夜愁

懼醉

答盧子蒙

元稹

聞道秋來怯夜寒不辭泥水為杯盤殷勤懼醉有深
意愁到醒時燈火關

羨醉

元稹

綺陌高樓競醉眠共期顚顚不相憐也應自有尋春
日虛度而今正少年

憶醉

元稹

唐詩類苑

卷之八十六

十七

自歎旅人行意速每嫌杯酒緩歸期今朝偏偶醒時
別淚落風前憶醉時

病醉

張作吳吟贈盧十九經
張十三四弘辛丈丘度

元稹

醉伴見儂因酒病道儂無酒不相窺那知下藥還沾
底人去人來剩一卮

擬醉

與盧子蒙飲於廣
九首于蒙叙為別卷自此王狂醉皆是

夕所賦

元稹

九月開宵初向火一樽清酒始行盃憐君城外遙相
憶冒雨衝泥黑地來

勸醉

元稹

竇家能釀銷愁酒但是愁人便與銷願我共君俱寂寞只應連夜復連朝

任醉

元稹

本怕酒醒渾不飲因君相勸覺情來殷勤滿酌從聽醉乍可欲醒還一盃

同醉

元稹

相樹臺中推事人杏花壇上鍊真形心源一種閑如水同醉櫻桃林下春

狂醉

元稹

一自柏臺爲御史二年臺負兩京春峴亭今日顛狂醉舞引紅娘亂打人

仁風李著作作園醉後寄李十

元稹

隴明春月照花枝花下音聲是管兒却笑西京李員外五更騎馬赴朝時

醉吟二首

白居易

空王百法學未得姹女丹砂燒卽飛事事無成身老也醉鄉不去欲何歸

兩鬢千莖新似雪十分一盞欲如泥酒狂又引詩魔

發日午悲吟到日西

同李十一醉憶元九

白居易

花時同醉破春愁醉折花枝作酒籌忽憶故人天際去計程今日到涼州

醉中留別楊六兄弟三月二十日

白居易

春初携手春深散無日花開不醉狂別後何人堪共醉猶殘十日好風光

縣南花下醉中留劉五

白居易

百歲幾迴同醉酺一年今日醉芳菲願將花贈天台女留取劉郎到夜歸

醉後戲題

白居易

自知清冷似冬凌每被人呼作律僧今夜醉醺羅綺暖被君融盡玉壺冰

東樓醉

白居易

天涯生啖無人地歲暮窮陰欲夜天不向東樓時一醉如何擬過二三年

候仙亭同諸客醉作

白居易

謝安山下空携妓柳憚洲邊只賦詩爭及湖亭今日會嘲花詠水贈蛾眉

醉後

白居易

酒後高歌且放狂，門前閑事莫思量。
猶嫌小戶長先醒，不得多時住醉鄉。

醉中重留夢得

白居易

劉郎劉莫先，起蘇臺蘇臺隔雲水。
酒盞來從一百分，馬頭去便三千里。

醉後贈人

白居易

香毬趁拍巡環匝，花盞拋巡取次飛。
自入春來未同醉，那能夜去獨先歸。

醉後却寄元九

白居易

唐詩類苑 卷之八十六
三
蒲地村裏匆匆別，澧水橋邊兀兀迴。
行到城門殘酒醒，萬重離恨一時來。

醉戲諸妓

白居易

席上爭飛使君酒，歌中多唱舍人詩。
不知明日休官後，逐我東山去是誰。

戲和賈常州醉中二絕句 白居易

聞道毘陵詩酒興，近來積漸學姑蘇。
愁頭新令從偷去，刮骨清吟得似無。

越調管吹留客曲，吳吟詩送暖寒盃。
娃宮無限風流事，好遣孫心暫學來。

遊江淮間常醉吟

許碯

閨苑花前是醉鄉，拈翻王母九霞觴。
群仙拍手嫌輕脫，謫向人間作酒狂。

醉後題僧院

杜牧

離心忽忽復悽悽，雨晦傾瓶取醉泥。
可羨高僧共心語，一如攜穉往東西。

醉中戲贈襲美

陸龜蒙

南北風流舊不同，僖吳今日若相通。
病來猶伴金杯酒，欲得人呼小褚公。

奉酬次韻

皮日休

唐詩類苑 卷之八十六
三
春吳風俗昔難同，唯有才情事事通。
剛戀水雲歸不得，前身應是太湖公。

醉中寄魯望一壺井一絕 皮日休

門巷寥寥空紫苔，先生應渴解醒杯。
醉中不得親相倚，故遣青州從事來。

走筆次韻奉酬

陸龜蒙

酒痕衣上雜莓苔，猶憶紅螺一兩杯。
正被繞籬荒菊笑，日殘還有白衣來。

更次來韻寄魯望

皮日休

蕭蕭紅葉擲蒼苔，玄雲先生欠一杯。
從此問君還酒

債顏延之送幾錢來

又和次韻

陸龜蒙

堦下饑禽啄嫩苔野人方倒病中杯寒蔬賣却還沽
喫可有金貂換得來

醉中襲美先起因成戲贈 李 穀

休文雖卽逃瓊液阿鶯還須掩玉闌月落金鷄一聲
後不知誰悔醉如泥

走筆奉酬次韻

皮日休

麝煙冉冉生銀兔蠟淚漣漣滴繡闌舞袖莫欺先醉
去醒來還解驗金泥

唐詩類苑

卷之八十六

三十一

奉和次韻

張 賁

何事桃源路忽迷唯留雲雨怨空閨仙郎共許多情
調莫遣重歌濁水泥

又和次韻

張 賁

莫唱艷歌凝翠黛已通仙籍在金闥他時若寄相思
淚紅粉痕應伴紫泥

醉着

韓 偓

萬里清江萬里天一村桑姑一村煙漁翁醉着無人
喚過午醒來雪滿船

醉後呈崔大夫

杜 牧

謝傳秋涼閱管絃徒教賤子侍華筵溪頭正雨歸不
得辜負南牕一覺眠

醉贈薛道封

杜 牧

飲酒論文四百科水分雲隔二三年男兒事業知公
有賣與明君值幾錢

陝州醉贈裴四同年

杜 牧

淒風洛下同羈思遲日棠陰得醉歌自笑與君三歲
別頭銜依舊鬢絲多

醒後

劉 駕

醉卧芳草間酒醒日落後壺觴半傾覆客去應已久

唐詩類苑

卷之八十六

三十一

不記折花時何得花在手

醉倒

杜 牧

日晴空樂下仙雲俱在涼亭送使君莫辭一盞卽相
請還是三年更不聞

醉中歸盤屋

白居易

金光門外是明路半醉騰騰信馬迴數日非關王事
繫牡丹花盡始歸來

醉後寄山中友人

于 鵠

昨日山家春酒濃野人相勸久從容獨憶卸冠眠細
草不知誰送出深松都忘醉後逢廉度不省歸時見

曾忝知已尚嫌身酩酊路人應恐笑龍鍾

醉贈劉二十八使君

白居易

爲我引杯添酒飲請君把筋擊盤歌詩稱國手徒爲爾命壓人頭不奈何舉眼風光長寂寞滿朝官職獨蹉跎亦知合被才名折三十三年折太多

曲江醉後贈諸親故

白居易

郭東丘墓何年客江畔風光幾日春只合殷勤逐孟酒不須踈索向交親中天或有長生藥下界應無不死人除却醉來開口笑世間何事更關身

醉吟

白居易

唐詩類苑

卷之六

五

醉來忘渴復忘饑冠帶形骸杳若遺耳底齋鐘初過後心頭卯酒未消時臨風朗詠從人聽无雪閑行任馬遲應被衆疑公事慢承前府尹不吟詩

早飲醉中除河南尹敕到

白居易

雪擁衡門水滿池溫爐卯後煖寒時綠醅新酎嘗初醉黃紙除書到不知厚俸自來誠忝濫老身欲起尚遲疑應須了却丘中計女嫁男婚三徑資

水堂醉卧問杜三十一

白居易

聞君洛下住多年何處春流最可憐爲問魏王堤岸下何如同德寺門前無妨水色堪開甃不得泉聲伴

醉眠那似此堂簾幕低連明連夜碧潺湲

早春醉吟寄太原令狐相公蘇州劉郎中

白居易

雪夜閑遊多秉燭花時覽出亦提壺別來少遇新詩敵老去難逢舊飲徒大振威名降北虜勤行惠化活東吳不知歌酒騰騰興得似河南醉尹無

醉送李二十常侍赴鎮浙東

白居易

靖安客舍花枝下共脫青衫典濁醪今日洛橋還醉別金杯翻汗麒麟袍喧闐夙駕若脂轄醉酺離筵我唐詩類苑

卷之六

五

籍槽好去商山紫芝伴珊瑚鞭動馬頭高

醉別程秀才

白居易

五度龍門點額廻却緣多藝復多才貧泥客路粘難出愁鎖鄉心掣不開何必更遊京國去不如且入醉鄉來吳絃楚調瀟湘弄爲我殷勤送一盃

夜宴醉後留獻裴侍中

白居易

九燭臺前十二姝主人留醉任歡娛翩翩舞袖雙飛蝶宛轉歌聲一索珠坐久欲醒還睡夜深初散又踟躕南山賓客東山妓此會人間曾有無

家醪新熟等閒醉芳姪等勸令小飲

長句以論之

白居易

君應怪我朝朝飲不說向君君不知身上幸無疼痛處
處竄頭正是撒嘗時劉妻勸諫夫休醉王姪分疎叔
不癡六十三翁頭雪白假如醒欲何爲

藍田劉明府携酎相過與皇甫郎中卯時同

飲醉後贈之

白居易

蠟月九日寒暖客卯時十分空腹孟玄晏舞狂烏帽
落藍田醉倒玉山頽貌偷花色老慙去歌踏柳枝春
暗來不爲劉家賢聖物愁翁笑口大難開

醉中酬殷協律

白居易

唐詩類苑

卷之八

三

泗水城邊一分散浙江樓上重遊陪揮鞭二十年前
別命駕三千里外來醉袖放狂相向舞愁眉和笑一
時開留君夜住非無分且盡青娥紅燭臺

飲後夜醒

白居易

黃昏欲散歸來臥夜半人扶強起行枕上酒容和睡
醒樓前海月伴潮生將歸梁燕還重宿欲滅寒燈却
復明直至曉來猶妄想耳中如有管絃聲

長齋月滿携酒先與夢得對酌醉中同赴令

公之宴戲贈夢得

白居易

齋宮前日滿三旬酒盡今朝一拂塵乘興還同訪戴

客解醒仍對姓劉人病心湯沃寒灰活老面花生朽
木春若怕平原怪先醉知君未慣吐車茵

醉中卽席贈潤卿博士

皮日休

適越遊吳一散仙銀餅玉柄兩脩然茅山頂上携書
簾笠澤心中漾酒舫桐木布溫吟倦後桃花飯熟醉
醒前謝安四十餘方起猶自高閒得數年

奉和襲美醉中卽席次韻

張賁

桂枝新下月中仙學海詞鋒譽藹然文陣已推忠信
甲窮波猶認孝廉船清標稱住羊車上俗韻慙居鶴
筆前共許逢蒙快弓箭再穿楊葉在明年

唐詩類苑

卷之八

三

奉和襲美醉中卽席次韻

陸龜蒙

共是虛皇簡上山清詞如羽欲飄然登山凡著幾量
屐破浪欲乘千里船遠夢得留丹井畔閒吟多在酒
旗前誰知海上無名者只記漁歌不記年

醉中偶作呈魯望

皮日休

谿雲澗鳥本吾儕剛爲浮名事事乖十里尋山爲思
役五更看月是情差分將吟咏華雙鬢力以壺觴固
百骸爭得草堂歸卧去共君同作太常齋

奉和襲美醉中偶作次韻

陸龜蒙

海鶴飄飄韻莫儕在公猶與俗情乖初呈酒務次專

判合禱山詞請自差永夜譚玄侵周象一生交態忘
形骸憐君醉墨風流甚幾度題詩小謝齋

唐詩類苑

卷之八十六

三

唐詩類苑卷第八十七

明雲間張之象玄超甫纂輯

雲間陳繼儒仲醇甫編次

雲間王 徹叔朗甫補訂

梁谿曹仁孫伯安甫校正

人部

夢

夢天

李賀

老兔寒蟾泣天色雲樓半開壁斜白玉輪軋露濕團
光鸞珮相逢桂香陌黃塵清水三山下更變千年如

唐詩類苑

卷之八十七

一

走馬遙望齊州九點煙一泓海水杯中瀉

夢遊仙

王勃

僕本江上客牽跡在方內寐寤霄漢間居然有靈對
翕爾登霞首依然躡雲背電策驅龍光煙途儼鸞態
乘月披金帔連星解瓊珮浮識俄易歸真竟莫難再
寥廓沈遐想周遑奉遺誨流俗非吾鄉何當釋塵昧

夢遊仙

項斯

夢游飛上天家樓珠箔當風掛玉鉤鸚鵡隔簾呼再
拜水仙移鏡懶梳頭丹霞不是人間曉碧樹仍逢岫
外秋將謂便長於此地鷄聲入耳所堪愁

夢仙

項斯

昨宵魂夢到仙津得見蓬山不死人雲葉許裁成野
服玉漿教喫濯愁身紅樓近月宜寒水綠杏搖風占
古春次第引看行未遍浮光牽入世間塵

夢太白西峯

常建

夢寢昇九崖香雷逢元君遺我太白峯寥寥辭垢氛
結宇在星漢宴林閑氤氲簷檻覆餘翠中鳥生片雲
時往溪水間孤亭晝仍曛松峯引天影石瀨清霞文
恬目緩舟趣霽心投鳥群春風又搖權潭島花紛紛
夢遊天姥吟留別 李白

唐詩集

卷之六

二

海客談瀛洲煙濤微茫信難求越人語天姥雪霓明
滅或可覩天姥連天向天橫勢拔五嶽掩赤城天台
四萬八千丈對此欲倒東南傾我欲因之夢吳越一
夜飛度鏡湖月湖月照我影送我至剡谿謝公宿處
今尚在淥水蕩漾清猿啼脚著謝公屐身登青雲梯
半壁見海日空中聞天鷄千崑萬轉路不定迷花倚
石忽已暝熊咆龍吟殷泉慄深林兮驚層巒雲青
青兮欲雨水澹澹兮生煙列缺霹靂丘巒崩摧洞天
石扇訇然中開青冥浩蕩不見底日月照耀金銀臺
霓爲衣兮鳳爲馬雲之君兮紛紛而來下虎鼓瑟兮

鸞回車仙之人兮列如麻忽覺悸以魄動恍驚起而
長嗟惟覺時之枕席失向來之煙霞世間行樂亦如
此古來萬事東流水別君去今何時還且放白鹿青
崖間須行即騎訪名山安能摧眉折腰事權貴使我
不得開心顏

夢上嵩山時足病未平

白居易

夜夢上嵩山獨携藜杖出千巖與萬壑遊覽皆周畢
夢中足不病健是少年日既悟神返初依然舊形質
如知形神內形病神無疾形神兩是幻夢寤俱非實
晝行雖蹇澁夜步頗安逸晝行既平分其間何得失
唐詩類苑 卷之六

酬茶母校書夢遊耶溪見贈

儲光義

校文在仙掖每有滄洲心况以北牕下夢遊清溪陰
春看湖水漫夜入迴塘深往往纜垂葛出舟望前林
山人松下飯釣客蘆中吟小隱何足貴長年固可尋
還居首東道惠言若南金以我採薇意傳之天姥岑

同吉中孚夢桃源二首

盧綸

春雨夜不散夢中山亦陰雲中碧潭水路暗紅花林
花水自深淺無人知古今

夜靜春夢長夢逐仙山客園林滿芝朮鷄犬鳴煙

幾處花下人看予笑頭白

夢謝亭

朱慶餘

夢後何人見孤亭似舊時
寒開誠得地真感竟因詩
不往過應少悲來下獨遲
顧慙非謝客靈貺杳難追

中書夜直夢忠州

白居易

閣下燈前夢巴南城底遊
覓花來渡口尋寺到山頭
江色分明綠猿聲依舊愁
禁鐘驚睡覺唯不上東樓

夢蘇州水閣寄馮侍郎

白居易

楊州驛裏夢蘇州夢到花橋水閣頭
覺後不知馮侍御此中昨夜共誰遊

唐詩類苑

卷之八十七

四

夢入關

韋莊

夢中乘傳過關亭南望蓮峯簇簇青
馬上正吟歸去好覺來江月滿前庭

夢井

元稹

夢上高原原上有深井登高意枯渴願見深泉冷
裴徊遶井顧自照泉中影沈浮落井瓶井上無懸綆
念此瓶欲沈荒忙爲求請遍入原上村村空犬仍猛
還來遶井哭哭聲通復哽哽聲夢忽驚覺來房舍靜
燈焰碧隴隴淚光凝固固鐘聲夜方半堅卧心難整
忽憶咸陽原荒田萬餘頃土厚壤亦深埋魂在深淺

境深安可越魂通有時逞
今宵泉下人化作瓶相誓
感此涕洟瀾沈瀾涕霑領
所傷覺夢間便覺死生境
豈無同穴期生期諒綿永
又恐前後魂安能兩知省
尋環意無極坐見天將曙
吟此夢井詩春朝好光景

夢鄉

章孝標

家住吳王舊苑東屋頭山水勝屏風
尋常夢在秋江上釣艇游揚藕葉中

歸夢

杜甫

道路時通塞江山日寂寥
偷生唯一老伐叛已三朝
雨急青楓暮雲深黑水遙
夢歸歸未得不用楚辭招

唐詩類苑

卷之八十七

五

題歸夢

李賀

長安風雨夜書客夢昌谷怡怡中
堂笑小弟栽澗菜家門厚重意望我飽
饑腹勞勞一寸心燈花照魚目

歸夢

羅隱

陸海波濤漸漸深一迴歸夢抵千金
路傍草色休多事牆外鷓鴣聲肯有心
日晚向隅悲斷梗夜闌澆酒哭知音
貪財敗陣誰相悉鮑叔如今不可尋

夢歸故園二首

劉兼

桐葉飛霜落井欄菱花藏雪助衰顏
夜聽颼颼撼寒竹秋枕迢迢夢故山
臨水釣舟橫畫岸隔溪禪侶結

紫關覺來依舊三更月離緒鄉心起萬端

舊館秋寒夜夢長水簾疎影入迴塘宦情率爾拖魚艇客恨依然在燕梁白鷺獨飄山面雪紅渠全謝鏡心香起來不語無人會醉倚東軒半夕陽

待漏假寐夢歸江東舊居因寄惠閣黎茅處

士

權德輿

十年江浦卧郊園閒夜分明結夜魂舍下煙蘿通古寺湖中雲雨到前軒南宗長老知心法東郭先生識化源覺後忽聞清漏曉人隨簪珮入君門

旅夢

羅隱

唐詩類苑

卷之八

六

旅夢無遷次窮愁有嘆嗟子鵝金口遠粳米會稽賒漏澁纔成滴燈寒不作花出門聊一望蟾桂向人斜

和夢遊春詩一百韻

井序

白居易

微之既到江陵又以夢遊春詩七十韻寄予且題其序曰斯言也不可使不知吾者知知吾者亦不可使不知樂天知吾也吾不敢不使吾子知予辱斯言三復其旨大抵悔既往而悟將來也然予以爲苟不悔不寤則已若悔於此則宜悟於彼也反於彼而悟於妄則宜歸於真也況與足下外服儒風內宗梵行者有日矣而今而後非覺路之返也

非空門之歸也將安反乎將安歸乎今所和者其

卒章指歸於此夫感不甚則悔不熟感不至則悟

不深故廣足下七十韻爲一百韻重爲足下陳夢

遊之中所以甚感者叙婚仕之際所以至感者欲

使曲盡其妄周知其非然後返乎真歸乎實亦猶

法華經序火宅偈化城維摩經入娑舍過酒肆之

義也微之微之予斯文也猶不可使不知吾者知

幸藏之

昔君夢遊春夢遊仙山曲恍若有所遇似愜平生欲

因尋菖蒲水漸入桃花谷到一紅樓家愛之看不足

唐詩類苑

卷之八

七

池流渡清泚草嫩蹋綠蓓門柳闇全低簷櫻紅半熟轉行深深院過盡重重屋烏龍卧不驚青鳥飛相逐漸聞玉珮響始辨珠履躑遙見牕下人娉婷十五六霞光抱明月蓮艷開初旭縹緲雲雨仙氛氲蘭麝馥風流薄梳洗時世寬裝束袖輒異文綾裙輕單絳殺裙腰銀線壓梳掌金筐感帶纈紫葡萄袴花紅石竹凝情都未語付意微相矚眉歛遠山青髮低片雲綠帳牽翡翠帶被解鴛鴦襪秀色似堪食穠華如可掬半卷錦頭席斜鋪繡腰襦朱唇素指勻粉汗紅綿撲心驚睡易覺夢斷魂難續寵委獨棲禽劒分連理木

存誠期有感誓志貞無黷京洛八九春未曾花裏宿
壯年徒自棄佳會應無復鸞歌不重聞鳳兆從茲上
韋門女清貴裴氏甥賢淑羅扇夾花燈金鞍攢綉轂
既傾南國貌遂坦東牀腹劉阮心漸忘潘楊意方睦
新修履信第初食尚書祿九醞備聖賢八珍窮水陸
秦家重蕭史彥輔憐衛叔朝饌饋獨盤夜醪傾百斛
親賓盛輝赫妓樂紛曄煜宿醉纔解醒朝歡俄枕麴
飲過君子爭令甚將軍酷酩酊歌鷓鴣顛狂舞鵲鵲
月流春夜短日下秋天速謝傳隙過駒蕭娘風送燭
全凋薜花折半死梧桐禿閨鏡對孤鸞哀絃留寡鵠
唐詩類苑 卷之八 八
妻妻隔幽顯冉冉移寒燠萬事此時休百身何處贖
提携小兒女將領舊姻族再入朱門行一傍青樓哭
撫空無廐馬水涸失池鷺搖落廢井梧荒涼故離菊
莓苔上几閣塵土生琴筑舞榭綴蠅蛸歌梁聚蝙蝠
嫁分紅粉妾賣散蒼頭僕門客思徬徨家人泣咿噢
心期正蕭索宦序仍拘跼懷策入嶠函驅車辭郊廓
逢時念既濟聚學思大畜端詳筮仕藎磨拭穿揚鏃
始從離校職首中賢良目一拔侍瑤墀再升紆繡服
誓酬君王寵願使朝廷肅密勿奏封章清明操憲牘
鷹韝中病下豸角當邪觸紕謬盡東周申冤動南陽

危言詆閹寺直氣忤鈞軸不忍曲作鈞乍能折爲玉
捫心無愧畏騰口有謗譏只要明是非何曾虞禍福
車摧太行路劍落鄴城獄襄漢問脩途荆蠻指殊俗
謫爲江府掾遣事荊州牧趨走謁麾幢喧煩視鞭扑
簿書常自領縲囚每親鞠竟日坐官曹經旬曠休沐
宅荒渚宮草馬瘦畬田粟薄俸等涓毫微官同桎梏
月中照形影天際辭骨肉鶴病翅羽垂獸窮爪牙縮
行看鬢間白誰勸杯中綠時傷大野麟命問長沙鵬
夏梅山雨漬秋瘴海雲毒巴水白茫茫楚山青簇簇
吟君七十韻是我心所蓄既去誠莫追將來幸前勗
唐詩類苑 卷之八 九
欲除憂惱病當取禪經讀須悟事皆空無令念將屬
請君遊春夢此夢何閃倏艷色卽空花浮生乃焦穀
良姻在佳偶頃刻爲單獨入仕欲榮身須臾成黜辱
合者離之始樂今憂所伏愁恨僧祇長歡榮刹那促
覺悟因傍喻速執由當局膏明誘闇蛾陽焱奔癡鹿
貪爲苦聚落愛是悲林麓水蕩無明波輪迴死生輻
塵應甘露灑垢待醍醐浴障要智燈燒魔須慧刀戮
外熏性易染內戰心難弔法句與心王期君日三復
春夢 岑參
洞庭昨夜春風起遙憶美人湘江水枕上片時春夢

中行盡江南數千里

秋夢

杜牧

寒空動高吹，月色滿清砧。殘夢夜魂斷，美人邊。思深孤鴻秋出塞，一葉暗辭林。又寄征衣去，迢迢天外心。

秋夢行

盧仝

客行一夜秋風起，客夢南遊渡湘水。湘水泠泠澈底清，二妃怨處無限情。娥皇不語啓嬌靨，女英目心慙。長眉入鬢何連娟，肌膚白玉秀且鮮。徘徊共詠東方日，沈吟再理南風絃。聲斷續思綿綿中，含幽意兩不宜殷。勤纖手驚破夢中宵，寂寞心悽然心悽然。

唐詩類苑

卷之八十七

十一

腸亦絕，寐不寐。今玉枕寒夜深夜，今霜似雪鏡中不見。雙翠眉臺前空掛纖纖月，纖纖月盈後缺娟娟似眉意難訣。願此眉兮如此月，千里萬里光不滅。

寶曆一年八月三十日夜夢後作

白居易

塵纓忽解誠堪喜，世網重來未可知。莫忘全吳館中夢，嶺南泥雨步行時。

畫夢

杜甫

二月饒睡昏昏然，不獨夜短晝分眠。桃花氣暖眼自醉，春渚日落夢相牽。故鄉門巷荆棘底，中京君臣豺

虎邊安得務農息，戰鬪普天無吏橫。索錢

同參軍宋之問夢趙六贈盧陳二子

陳子昂

曉霽望崑岳，白雲半崑足。氛氲含翠微，宛如瀛臺曲。故人昔所尚，幽琴歌斷續。變化竟無常，人琴遂兩亡。白雲失處所，夢想暖容光。疇昔疑緣業，儒道兩相妨。前期許幽報，迨此尚茫茫。晤言既已失，感恨情何一。始憶携手期，雲臺與峨眉。達兼濟天下，窮獨善其時。諸君推管樂之子，慕巢夷。奈何蒼生望，卒爲黃綬欺。銘鼎功未立，山林事亦微。撫孤一流慟，懷舊且睽違。

唐詩類苑

卷之八十七

十一

盧子尚高節，終南卧松雪。宋侯逢聖君，驟馭遊青雲。而我獨蹭蹬，語默道猶屯。征戍在遼陽，蹉跎歲再黃。丹丘恨不及，白露已蒼蒼。遠聞山陽賦，感涕下霑裳。

夢李白二首

杜甫

死別已吞聲，生別常惻惻。江南瘴癘地，逐客無消息。故人入我夢，我長相憶恐。非平生魂，路遠不可測。魂來楓林青，魂返關塞黑。君今在羅網，何以有羽翼。落月滿屋梁，猶疑照顏色。水深波浪濤，無使蛟龍得。浮雲終日行，遊子久不至。三夜頻夢君，情親見君意。

告歸常局促苦道來不易江湖多風波舟楫恐失墜
出門搔白首苦負平生志冠蓋滿京華斯人獨顛顛
孰云網恢恢將老身反累千秋萬古名寂寞身後事

夕次檐石湖夢洛陽親故 劉長卿

天涯望不盡日暮愁獨去萬里雲海空孤帆向何處
寄身煙波裏頗得湖山趣江氣和楚雲秋聲亂楓樹
如何異鄉縣日復懷親故遙與洛陽人相逢夢中路
不堪明月裏更值清秋暮倚棹對滄波歸心共誰語

夢與李七庾三十三同訪元九

白居易

唐詩類苑

卷之八十七

十二

夜夢歸長安見我故親友損之在我左順之在我右
云是二月天春風出攜手同過靖安里下馬尋元九
元九正獨坐見我笑開口還指西院花仍開北亭酒
如言各有故似惜歡難久神合俄頃間神離久伸後
覺來疑在側求索無所有殘燈影閃牆斜月光穿牖
天明西北望萬里君知否老去無見期踟躕搔白首

夢尋西山準上人

錢起

別後秋泉聲至今猶在耳何嘗魂夢去不見雲山子
新月隔林時千峯翠微裏言念心更寂跡滅雲自起

代別後夢別

長孫佐輔

別中還夢別悲後更生悲覺夢俱千里追期難再期
翻思夢裏苦却恨覺來遲縱是非真事何妨夢會時

夢裴相公

白居易

五年生死隔一夕魂夢通夢中如往日同直金鑾宮
髣髴金紫色分明冰玉容勤勤相眷意亦與平生同
既寤知是夢惘然情未終追想當時事何殊昨夜中
自我學心法萬緣成一空今朝爲君子流涕一沾曾

夢劉二十八因詩問之

白居易

昨夜夢夢得初覺思踟躕忽忘來汝郡猶疑在吳都
吳都三千里汝郡二百餘非夢亦不見近與遠何殊
尚能齊近遠焉用論榮枯但問寢與食近日兩何如
病後能吟否春來曾醉無樓臺與風景汝又何如蘇
相思一相報勿復慵爲書

七月二十八日夜與王鄭二秀才聽雨後夢

作

李商隱

初夢龍宮寶焰燃瑞霞明麗滿晴天旋成醉倚蓬萊
樹有箇神仙拍我肩少頃遠聞吹細管聞聲不見隔
飛煙逡巡又過瀟湘雨雨打湘靈五十絃瞥見馮夷
殊悵望鮫綃休賣海爲田亦逢毛女無慘極龍伯擎
將華岳連恍惚無倪刃又暗低迷不已斷還連覺來

正是平階雨未肯寒燈枕手眠

夢舊

白居易

別來老大苦脩道鍊得離心成死灰平生憶念消磨盡昨夜因何入夢來

含山店夢覺作

韋莊

曾爲流離慣別家等閑揮袂各天涯燈前一覺江南夢惆悵起來山月斜

贈雲禪師夢中作

白居易

五年不入慈恩寺今日尋師始一來欲知火宅焚燒苦方寸如今化作灰

唐詩類苑

卷之七

五

夢成之

元稹

燭暗船風獨夢驚夢君頻問向南行覺來不語到明坐一夜洞庭湖水聲

梁州夢

是夜宿漢川驛夢與竹直樂天同游曲江兼入慈恩寺諸院倏然而寤則

遞乘及塔郵吏已傳呼報曉矣

元稹

夢君同遠曲江頭也向慈恩院院遊亭吏呼人排去

馬忽驚身在古梁州

長灘夢李紳

元稹

孤吟獨寢意千般合眼逢君一夜歡慙愧夢魂無遠近不辭風雨到長灘

夢令狐學士

李商隱

山驛荒涼白竹扉殘燈向曉夢清暉左銀臺路雪三尺鳳詔裁成當直歸

夢亡友劉太白同遊彰敬寺

白居易

三千里外白江州十五年前哭老劉昨夜夢中彰敬寺死生魂魄暫同遊

和樂天夢魂亡友劉太白同遊二首

元稹

君詩昨夜到通州萬里知君一夢遊閑坐思量小來事祇應元是夢中遊

唐詩類苑

卷之七

五

老來東郡復西州行處生塵爲喪劉縱使劉君魂魄在也應至死不同遊

夢微之

白居易

晨起臨風一惆悵通州湓水斷相聞不知憶我因何事昨夜三迴夢見君

酬樂天頻夢微之

元稹

山水萬重書斷絕念君憐我夢相聞我今因病魂顛倒唯夢閑人不夢君

夢微之

白居易

夜來携手夢同遊晨起盈巾淚莫收漳浦老身三度
病咸陽宿草八迴秋君埋泉下泥鋪骨我寄人間雪
滿頭阿衛韓郎相次去夜臺茫昧得知不

感夢

韋應物

歲月轉蕪漫形影長寂寥髮髯觀微夢感嘆起中宵
綿思靄流月驚魂颯迴颯誰念茲夕永坐令顏鬢凋

感夢

元稹

行吟坐嘆知何極影絕魂銷動隔年今夜商山館中
夢分明同在後堂前

感夢

元稹

唐詩類苑

卷之八十七

十六

十月初二日我行蓬州西三十里有館有館名芳溪
荒郵屋舍壞新雨田地泥我病百日餘肌體顧若割
氣填暮不食早早掩竇主陰寒筋骨病夜久燈火低
忽然寢成夢宛見顏如珪似歎久離別嗟嗟復悽悽
問我何病痛又歎何栖栖答云痰滯久與世復相睽
重云痰小疾良藥固易擠前時奉橘丸攻疾有神功
何不善和療豈獨頭有風予明起痰與風論月不差
日而愈今夢中復飲前殷勤平生事款曲無不終悲
歡兩相極以是半日中言罷相與行行行古城裏同
行復一人不識誰氏子逡巡急吏來喚呼願且止馳

至相君前再拜復再起啓云更有奉奉命傳所旨事

有大驚忙非君不能理答云久就閑不願見勞使多

謝致勤勤未敢相唯唯我因前獻言此事愚可料亂

熱由靜消理繁在知要君如冬月陽奔走不必召君

如銅鏡明萬物自可照願君許蒼生勿復高體調相

君不我言顧我再三笑行行及城戶默黯餘日輝相

君不我言我手一本命我從此歸不省別時語但省涕

淋漓覺來身體汗坐卧心骨悲悶悶燈背壁膠膠鷄

去時倦童顛倒寢我淚縱橫垂淚垂啼不止不止啼

且聲啼聲覺僮僕僮僕撩亂驚問我何所苦問我何

唐詩類苑

卷之八十七

十七

所思我亦不能語慘慘卽路岐前經新政縣今夕復
明辰寘寘滿心氣不得說向人奇哉趙明府怪我眉
不伸云有北來僧住此月與旬自言辨貴骨謂若識
天真談游費悶景何不與逡巡僧來爲予語語及昔
所知自言有奇中裴相未相時讀書靈山寺住處接
園籬指言他日貴畧刻似不移我聞僧此語不覺淚
歔歔因言前夕夢無人一相謂無乃裴相君念我曾
中氣遣師及此言使我盡前事僧云彼何親言下涕
不已我云知我深不幸先我死僧云裴相君如君思
有幾我云滔滔衆好直者皆是唯我與白生感遇同

寄桐花詩悵然感懷因以此寄

白居易

唐詩類苑

大

永壽寺中語新昌坊北分歸來數行淚悲事不悲君
悠悠藍田路自去無消息計君食宿程已過商山北
昨夜雲四散千里同月色晚來夢見君應是君相憶
夢中握君手問君意何如君言苦相憶無人可寄書
覺來未及說叩門聲槩槩言是商州使送君書一封
枕上忽驚起顛倒着衣裳開緘見手札一紙十三行
上論遷謫心下說離別腸心腸都未盡不暇叙炎涼
云作此書夜夜宿商州東獨對孤燈坐陽城山館中
夜深作書畢山月向西斜月前何所有一樹紫桐花
桐花半落時復道正相思殷勤書背後兼寄桐花詩

記夢

韓愈

夜夢神官與我言羅縷道妙角與根挈攜陬維口瀾
翻百二十刻須臾聞我聽其言未云足捨我先度橫
山腹我徒三人共追之一人前度安不危我亦平行
踖蹴切丘召 齷齪生召 神完骨蹠脚不掉側身上視溪谷
盲杖撞玉版聲彭舩神官見我開顏笑前對一人壯
非少石壇坡陀可坐卧我手承頰肘拄座隆樓傑閣
磊嵬高天風飄飄吹我過壯非少者哦七言六字常

唐詩類苑

卷之八十七

九

語一字難我以指撮白玉丹行且咀嚙行詰盤口前
截斷第二句綽虐顧我顏不歡乃知仙人未賢聖誰
短憑愚邀我敬我能屈曲自世間安能從女巢神山

疑夢一首

白居易

莫驚寵辱虛憂喜莫記恩讐浪苦辛黃帝孔丘無處
問安和不是夢中身

鹿疑鄭相終難辨蝶化莊生詎可知假使如今不是夢能長於夢幾多時

迷夢

李德裕

賦命誠非薄良時幸已遭君當嘉舜日官接鳳凰

目睇煙霄潤心驚羽翼高此六句夢中作椅梧連鶴禁埤堦

接龍輶內署北連春宮我後憐詞客先後朝曾宣諭

吾僚並雋髦著書同陸賈待詔比王褒重價隣玄壁

英辭淬寶刀泉流初落澗文城稱言泉露滴更濡毫

赤豹忻來獻彤弓喜暫橐時西戎乞盟幽鎮二師束

虛樓散鬱陶學士院有一室西南花光晨豔豔松韻

晚騷騷畫壁看飛鶴山圖見巨鰲內署垣牆皆有畫

海內魚龍山憲宗欲傍簷陰藥樹落格蔓葡萄此八

臨幸中使懼而圖焉荷靜蓬池澹水寒鄧水醪每上陽

是內署物色唯曾遊者依然可想也

唐詩類苑卷之八十七

食皆蓬萊池魚贈夏至後領賜水及燒香荔枝來自

遠盧橘賜常叨先朝初臨御南方曾獻荔枝麝氣隨

蘭澤霜華入杏膏恩光唯覺重後以道遠寵獻麝氣隨

綵翟雕起颺銀條轡待奚綵攬書期蜀客操盡規徒

蹇蹇退舍尚怵怵此八句遊戲聚散俄成昔

袍御溝楊柳弱天廐驢驢豪屢換青春直閑隨上苑

悲愁益自熬每懷仙駕遠更望茂陵號地接三茅嶺

川迎伍子濤代河海濤是五花迷瓜步暗石固赫山

牢蘭野凝青管海洲動翠管泉魚驚綠枝溪鳥避千

旌感舊心猶絕思歸首更搔無聊燃密炬誰復勸金

舫余到此絕無夜宴酒器中大者呼爲舫嵐氣朝生

棟城陰暝入濛望煙歸海嶠送鴈渡江臯宛馬嘶寒

樞吳鉤在錦襖未能追狡兔空覺長江蒿水國逾千

里風帆過萬艘閔川終古恨唯見暮滔滔

江陵三夢元稹

平生每相夢不省兩相知况乃幽明隔夢魂徒爾爲

情知夢無益非夢見何期今夕亦何夕夢君相見時

依稀舊糲服曉淡昔容儀不道間生死但言將別離

分張碎針線攝疊故幘幘撫稚再三囑淚珠千萬垂

唐詩類苑卷之八十七

囑云唯此女自歎總無兒尚念嬌且驥未禁寒與饑

君復不憚事奉身猶脫遺况有官縛束安能長顧私

他人生間別婢僕多謾欺君在或有託出門當付誰

言罷泣幽噎我亦涕淋漓驚悲忽然寤坐卧若狂癡

月影半牀黑蟲聲幽草移心魂生次第覺夢久自疑

寂默深想像淚下如流漸百年永已訣一夢何太悲

悲君所嬌女棄置不我隨長安遠於日山川雲間之

縱我生羽翼網羅生繫維今宵淚零落半爲生別滋

感君下泉魄動我臨川思一水不可越黃泉况無涯

此懷何由極此夢何由追坐見天欲曙江風吟

唐詩類苑卷之八十七

唐詩類苑卷之八十七

樹枝

二

古原三丈穴深葬一枝瓊崩剝山門壞煙綿瘳草生
久依荒隴坐却望遠村行驚覺滿牀月風波江上聲

三

君骨久爲土我心長似灰百年何處盡三夜夢中來
逝水良已矣行雲安在哉坐看朝日出衆鳥雙徘徊
龍州韋郎中先夢六赤後因打葉子以詩上

李洞

紅蠟香煙撲畫楹梅花落盡更樓清光輝圓魄銜山
唐詩類苑 卷之八

圭

冷彩鏤方牙着腕輕寶帖牽來獅子鎮金盆引出鳳
凰傾微黃喜兆莊周夢六赤重新擲印成

續夢中十韻 并序

鄭顥

顥宰相細之孫以起居郎尚宣宗女萬壽公主有
器識宣宗時恩寵無比因壽昌節上壽回夢一宮
殿與十數人納涼聯句夢中得句云石門霧露白
玉殿莓苔青續成長句杜甫集中詩也既悟省石
門之句十字以爲不詳不數日宣宗召劍上仙方
悟其事續此十韻未幾顥亦卒

間歲流虹節歸軒自共扁舟波流畏景蕭洒夢殊庭

境象非曾到崇嚴昔未經日斜烏欽翼風動鶴踈翎

異苑人爭集涼臺筆不停石門霧露白玉殿莓苔青

若匪灾先兆何緣思入冥御爐虛仗馬華蓋負云亭

白日成千古金縢閱九齡小臣衰絕筆湖上泣青萍

花非花

白居易

花非花霧非霧夜半來天明去來如春夢幾多時去
似朝雲無覓處

因夢有悟

白居易

交友淪歿盡悠悠勞夢思平生所厚者昨夜夢見之
夢中幾許事枕上無多時欸曲數盃酒從容一局碁

唐詩類苑 卷之八

圭

初見韋尚書金紫何輝輝中遇李侍郎笑言甚怡怡
終爲崔常侍意色苦依依一夕三改變夢心不驚疑

此事人盡怪此理誰得知我粗知此理聞於竺乾師

識行妄分別智隱迷是非若轉識爲智菩提其庶幾

無夢

白居易

老眼花前暗春衣雨後寒舊詩多忘却新酒且嘗看
抵定於身隱慵應趁伴難漸消名利想無夢到長安

賦得至人無夢

蔣防

已曠希微里知將盡默憐坐忘寧有夢跡滅示疑神
化蝶誠知知一作幻微爾匪契其抱玄雖解帶守一自

離塵寥郭壺中曉虛明洞裏春
脩然碧霞客那比滌
園人

沐浴

因沐感髮寄詩上人二首 白居易

年長身轉慵百事無所欲
乃至頭上髮經年方一沐
沐稀髮苦落一沐仍半落
短鬢經霜蓬老面辭春沐
強年過猶近衰相來何速
應是煩惱多心焦血不足

二

漸少不滿把漸短不盈尺
況茲短少中日夜落復白
既無神仙術何除老死籍
祇有解脫門能度衰苦厄

唐詩類苑

卷之六

五

掩鏡望東寺降心謝禪客
衰白何足言剃落猶不惜

香山寺石樓潭夜浴

白居易

炎光晝方熾暑氣宵彌毒
搖扇風甚微寒裳汗霖霖
起向月中行來就潭上浴
平石爲浴牀窪石爲浴斛
綃巾薄露頂草屨輕乘足
清涼詠而歸歸上石樓宿

新沐浴

白居易

形適外無恙心恬內無憂
夜來新沐浴肌髮舒且柔
寬裁夾烏帽厚絮長白裘
裘溫裹我足謂足覆我頭
先進酒一杯次舉粥一甌
半酣半飽時四體春悠悠
是月歲陰暮慘冽天地愁
白日冷無光黃河凍不流

何處征戍行何人羈旅遊
窮途絕糧客寒獄無燈
勞生彼何苦遂性我何優
撫心但自愧孰知其所由

沐浴

白居易

經年不沐浴塵垢滿肌膚
今朝一澡濯衰瘦頗有餘
老色頭鬢白病形肢體虛
衣寬有騰帶髮少不勝梳
自問今年幾春秋四十初
四十已如此七十復何如

和櫛沐寄道友

白居易

櫛沐事朝謁中門初動關
盛服去尚早假寐須臾間
鐘聲發東寺夜色藏南山
停驂待五漏人馬同自閑
高星燦金粟落月沈玉環
出門向闕路坦坦無阻艱

唐詩類苑

卷之六

五

始出里北閤稍轉市西閤
晨燭照朝服紫爛復朱殷
由來朝廷士一入多不還
因循擲白日積漸彫朱顏
青雲已難致碧落安能攀
但且知止足尚可銷憂患

唐詩類苑卷第八十七終

唐詩類苑卷第八十八

明雲間張之象玄超甫纂輯

雲間陳繼儒仲醇甫編次

雲間王 徹叔朗甫補訂

梁谿曹仁孫伯安甫校正

人部

應辟

送闔家赴東川辟

韋應物

水炭俱可懷孰云熱與寒何如結髮友不得攜手歡

晨登嚴霜野送子天一端祗承簡書命俯仰多角冠

唐詩類苑

卷之八十八

上陟白雲嶠下冥玄壑滿離群自有託歷險得所安

常念反窮巷登朝成慨嘆

送林復夢赴韋令辟

元稹

蜀路危於劍憐君自坦途幾回曾啖炙千里遠銜珠

野性便於飲時風忌酒徒相門多禮讓前後莫相踰

送鄭谷先輩赴汝州辟命

張喬

看花興未休已散曲江遊載筆離秦甸從軍過洛州

嵩雲將雨去汝水背城流應念依門客蒿萊滿徑一作

秋

送司封從叔員外赴華州裴尚書辟

鄭谷

如何拋錦帳蓮府對蓮峯舊有雲霞約暫留鵲鷺蹤

敷溪秋雪岸樹谷夕陽鐘盡入新吟境歸朝興莫慵

送鄭侍御赴汴州辟命

張喬

官從諫署清暫去佐戎旌朝客多相戀吟僧欲伴行

河水天際白嶽雪眼前明即是東風起梁園聽早鶯

送友人上峽赴東山辟命

白居易

見說瞿塘峽斜銜灩澦根難於尋鳥路險過上龍門

羊角風頭急桃花水色渾山迴若鰲轉舟入似鯨吞

岸合愁天斷波跳恐地翻憐君經此去爲感主人恩

唐詩類苑

卷之八十八

醉送李協律赴湖南辟命因寄沈八中丞

白居易

富陽山底樟亭畔立馬停舟飛酒杯曾共中丞情繼

繼暫留協律語踟躕紫微星北承恩去青草湖南稱

意無不美君官美君幕幕中收得阮元瑜

洛陽送張曼容赴上黨召

杜牧

歌闌鐔殘恨起偏憑君不用設離筵未趨雉尾隨元

老且驀羊腸過少年七葉漢貂裘真密近一枝詵

徒然羽書正急徵兵地須遣頭風處處痊

贈韋况徵君

戎昱

身欲逃名名自隨鳳銜丹詔降茅茨苦節難違
命真心唯有老松知回看藥竈封題密強入蒲輪
步遲今日巢由舊冠帶聖朝風化勝堯時

還山

春歸終南山松龕舊隱

李白

我來南山陽事事不異昔却尋溪中水還望巖下石
薔薇緣東窻女蘿遶北壁別來能幾日草木長數尺
且復命酒樽獨酌陶永夕

送裴十八圖南歸嵩山二首

李白

唐詩類苑

卷之十八

三

何處可爲別長安青騎門胡姬招素手延客醉金樽
臨當上馬時我獨與君言風吹芳蘭折日沒鳥雀喧
舉手指飛鴻此情難具論同歸無早晚潁水有清源

二

君思潁水綠忽復歸嵩岑歸時莫洗耳爲我洗其心
洗心得真情洗耳徒買名謝公終一起相與濟蒼生

送韓準裴政孔巢父還山

李白

獵客張兔置不能挂龍虎所以青雲人浩歌在巖戶
韓生本英彥裴子含清真孔侯復秀出俱與雲霞親
峻節凌遠松同衾卧盤石斧水漱寒泉三子同二履

時時或乘興往往雲無心出山揖牧伯長嘯輕衣
昨宵夢裏還雲弄竹溪月今晨魯東門悵飲與君別
雪崖滑去馬羅逕迷歸人相思若煙草歷亂無冬春

贈別王山人歸布山

李白

王子折道論微言破秋毫還歸布山隱興入天雲高
爾去安可遲瑤草恐衰歇我心亦懷歸屢夢松上月
傲然遂獨往長嘯開巖扉林壑久已蕪石道生薔薇
願言弄笙鶴歲晚來相依

送丘員外還山

韋應物

長棲白雲表暫訪高齋宿還辭郡邑誼歸泛松江淥

唐詩類苑

卷之十八

四

結茅隱蒼嶺伐薪響深谷同是山中人不知往來躡
靈芝非庭草遼鶴委池鷺終當署里門一表高陽族

奉酬使君送歸山之作

丘丹

側聞郡守至偶乘黃犢出不別桃源人一見經累日
蟬鳴念秋稼蘭酌動離瑟臨水降塵幃野艇繞容膝
參差碧山路日一作送江帆疾涉海得珠棲梧慙
鳳質媿非鄭公里歸歸索籠室

重送丘二十二還臨平山居

韋應物

歲中始再覲方來又解攜纔留夜艇語已憶故山樓
幽澗人夜汲深林鳥長啼還持郡齋酒慰子一作霜露淒

奉酬重送歸山

丘丹

賣藥有時至自知往來疎遽辭池上酌新得山中書
步出芙蓉府歸乘轂車狼蒙招隱作豈媿班生廬

送吉中孚校書歸楚州舊山十一首

盧綸

青袍芸閣郎談笑挹侯王舊錄藏雲穴新詩滿帝鄉

二

唐詩類苑 卷之八十八

五

名高閑不得到處人爭識誰知冰雪顏已襍風塵色

三

此去復如何東臯岐路多藉芳臨紫陌迴首憶滄波

四

年來倦蕭索但說淮南樂並撥湖上遊連櫓月中泊

五

公溜入閣門千燈夜市喧喜逢隣舍什遙語問鄉園

六

下淮風自急樹杪分郊邑送客隨岸行離人出帆立

七

漁村繞水田澹澹隔晴煙欲就林中醉先期石上眠

八

林昏天未曙但向雲邊去暗入無路山心知有花處

九

登高日轉明下望見春城河裏草空長塚邊人自耕

十

寥寥行異境過盡千峰影露色凝古壇泉聲落寒井

十一

仙成不可期多別自堪悲爲問桃源客何人見亂時

歸山

劉希夷

唐詩類苑 卷之八十八

六

歸去嵩山道煙花覆青草草綠山無塵山青楊柳春

日暮松聲合空歌思殺人

送戴徵士還山

李端

柔桑錦臆雉相送到煙霞獨隱空山裏閑門幾樹花

草生楊柳岸鳥轉竹林家不是謀生拙無爲末路蹉

送張五歸山

王維

送君盡惆悵復送何人歸幾日同攜手一朝先拂衣

東山有茅屋幸爲歸荆扉當亦謝官去莫令心事違

送故人歸山

杜牧

三清洞裏無端別又拂塵衣欲計雲霞看桂苑迷處

所北山蘿月在溪文

送趙舒處士歸廬山

李咸用

歸岫香鑪碧行吟步益遲諸侯師不得樵客偶相隨
思舊江雲斷談玄岳月移祗應張野輩異代作心知

送廬山人歸林慮山

皇甫冉

無論行遠近歸向舊煙林寥落人家少青冥鳥道深
白雲長滿目芳草自知心山色連東海相思何處尋

送錢契明尊師歸廬山

李咸用

瘦倚青竹杖鑪峰指欲歸霜粘行日履風暖到時衣
凭檻雲還在攀松鶴不飛何曾有別恨楊柳自依依

唐詩類苑

卷之八十八

七

天竺寺送堅上人歸廬山

白居易

錫杖登高寺香鑪憶舊峯偶來舟不繫忽去鳥無蹤
豈要留離偈寧勞動別容與師俱是夢夢裏暫相逢

送韋逸人歸廬山

郎士元

逸人歸路遠弟子出山迎服藥顏猶駐耽書癖已成
柴扉多歲月藜杖見公卿更作儒林傳應須載姓名

送韋邕少府歸鍾山

李嘉祐

祁門官罷後負笈向桃源萬卷長開帙千峰不閉門
綠楊垂野渡黃鳥傍山村念爾能高枕丹墀曾一論

春日送盧處士歸龍山

僧無可

愛弟直霜臺家山美獨迴出門時返顧何日更西來

柳亦臨關發花應到越開漁舟誰伴上依舊恣公閑

送王先生歸南山

司空曙

儒中年最老獨有濟南生愛子方傳業無官自耦耕
竹通山舍遠雲接雪田平願作門人去相隨隱姓名

送蘇處士歸西山

項斯

南遊何所爲一篋又空歸守道安清世無心換白衣
深林蟬噪暮絕頂客來稀早晚重相見論詩更及微

送趙真長歸夏縣舊山依陽徵君讀書

盧綸

臨悲忽泫然非是惡離絃塵陌望松雪我衰君少年
曲僧曝山果寒鹿守冰泉感物如有待况依回也賢

歲初歸舊山

錢起

欲知愚谷好又別與春還鶯暖初歸樹雲晴却戀山
石田耕種少野客性情閑求仲應難見殘陽俱掩關

梁燭處士辭金陵相國杜公歸舊山因以寄

贈

鄭谷

相庭留不得江野有苔磯兩浙尋山徧孤舟載鶴歸
世間書讀盡雲外客來稀諫署搜賢急應難惜布衣

送僧歸舊山

僧棲白

唐詩類苑

卷之八十八

八

談空與破邪獻壽復營家白日得何偈青天落彩霞
傳燈皆有分化宿獨無涯却入中峰寺還知有聚沙

送宋徵君讓官還山

錢起

至人無滯跡謁帝復思玄魏闕辭花綬春山有杏田
紫霞開別酒黃鶴舞離絃今夜思君夢遙遙入洞天

歸山與友人別

李端

野客本無事此來非有求煩君徵藥錢一作徵未免
一作憶山愁紅燭侵明月青蟲促白頭童心久已盡

豈爲艷歌留

歸山相王達

李端

唐詩類苑

卷之八十八

九

日長原路靜杖策趨幽巖雖離麥苗陰蝶飛溪早晚
我生好閑放此去殊未反自是君不來非關遠山遠

送丹霞子阮芳顏上人歸山

孟郊

松色不肯秋玉性不可柔登山須正路飲水須直流
傳鶴附書信索雲作衣裘仙村莫道遠枉策招交遊

送友人歸山

張籍

出山成北首重去結茅廬移石修廢井掃龕盛舊書
開田留杏樹分洞與僧居長在幽峰裏樵人見亦疎

晚歸藍田酬王維給事贈別

錢起

早棲却得性每與白雲歸徇祿仍懷橘看山免採薇
一作別山如昨日春露已霑暮禽先去馬新月待開
衣采薇頻盈手看花空歌歸麻霄漢時回首知音青鎖闥

送朱休歸劍南

賈島

劍南歸受賀太學賦聲雄山路長江岸朝陽十月中
芽新抽雪茗枝重集猿楓卓氏琴臺廢深蕪想逕通

還山宅

楊師道

暮春還舊嶺徙倚玩年華遙巡無芳草空山正落花
垂藤掃幽石卧柳礙浮槎鳥散茅簷靜雲披澗戶斜

唐詩類苑

卷之八十八

十

依然此泉路猶是昔煙霞

酬故人還山

宋鼎

舉棹乘春水歸山撫歲華碧潭宵見月紅樹晚開花
肅穆輕風度依微隱徑斜危亭暗松石幽澗落雲霞

思鳥鳴高樹遊魚戲淺沙安知餘興盡相望紫煙賒

謝真人還舊山

范傳正

塵蓋從仙府笙歌入舊山水流丹竈缺雲起草堂開
白鹿行爲衛青鸞舞自閑種松鱗未立移石蘚仍斑

望路煙霞外迴輿巖岫間豈唯遼西鶴空歎令威還

送友人歸山歌二首

王維

山寂寂兮無人又蒼蒼兮多木群龍兮滿朝君何爲
今空谷文寡和兮思深道難知兮行獨悅石上兮流
泉與松間兮草屋入雲中兮養鷄上山頭兮抱犢神
與棗兮如爪虎賣杏兮收穀愧不才兮妨賢嫌既老
兮貪祿誓解印兮相從何詹尹兮可卜

山中人兮欲歸雲冥冥兮雨霏霏水驚波兮翠管靡
白鷺忽兮飜飛君不可兮寒衣山萬重兮一雲混天
地兮不分樹掩曖兮氛氲猿不見兮空聞忽山西兮
夕陽見東臯兮遠村平蕪綠兮千里眇惆悵兮思君
賦得吟送沈四山人 高適

唐詩類苑

卷之八十八

十一

還山吟天高日暮寒山深送君還山識君心人生老
大須恣意看君解作一生事山間偃仰無不至石泉
淙淙苦風雨桂花松子常滿地賣藥囊中應有錢還
山服藥又長年白雲勸盡杯中物明月相隨何處眠
眠時憶問醒時意夢魂可以相周旋

下途歸石門舊居

李白

吳山高越水清握手無言傷別情將欲辭君挂帆去
離魂不散煙郊樹此心辭悵誰能論有愧叨承國士
恩雲物共傾三月酒歲時同餞五侯門美君素書常
滿案金房白霞色爛余嘗學道窮冥筮夢中往往

遊仙山何當脫屣謝時去壺中別有日月天俛仰人
間易凋朽鍾磬五雲在軒牖惜別愁窺玉女牕歸來
笑把洪崖手隱居寺隱居山陶公鍊液棲其間靈神
閉氣昔登攀恬然但覺心緒閑數人不知幾甲子昨
來猶帶冰霜顏我離雖則歲物改如今了然識所在
別君莫道不盡歡懸知樂客遙相待石門流水徧桃
花我亦曾到秦人家不知何處得鷄豕就中仍見繁
桑麻翛然遠與世事間裝鸞駕鶴又復遠何必長從
七貴遊勞生徒聚萬金產挹君去長相思雲遊雨散
從此辭欲知悵別心易苦向暮春風楊柳絲

唐詩類苑

卷之八十八

十三

鳴臯歌奉餞從翁清歸五崖山居

李白

昨憶鳴臯夢裡還手弄素月清潭間覺時枕席非碧
山側身西望阻秦關麒麟閣上春還早著書却憶伊
陽好青松來風吹古道綠蘿飛花覆煙草我家仙翁
愛清真才雄草聖凌古人欲卧鳴臯絕世塵鳴臯微
茫在何處五崖峽水橫樵路身披翠雲裘袖拂紫煙
去去時應過嵩少間相思爲折三花樹

送褚校書歸舊山歌

韋應物

握珠不返泉匣玉不歸山明皇重士亦如此忽得褚

生何得還方稱羽獵賦未拜蘭臺職漢篋亡書已暗
傳嵩丘遺簡還能識朝朝待詔青鑲闌中有萬年之
樹蓬萊池世人仰望棲此地生獨徘徊意何爲故山
可往薇可採一自人間星歲改藏書壁中苔半侵洗
藥泉中月還在春風欲餞灞陵原莫厭歸來朝市喧
不見東方朔避世從容金馬門

送餞從叔辭豐州幕歸嵩陽舊居

盧綸

白鬚宗孫侍坐時願持壽酒前致詞鄙詞何所擬請
自邊城始邊城貴者李將軍戰鼓遙疑天上聞屯田

唐詩類苑

卷之八十八

十三

布錦周千里牧馬攢化溢萬群白雲本是喬松伴來
遶青營復飛散三聲畫角咽不通萬里蓬根一時斷
豐州聞說似涼州沙塞晴明部落稠行客已去依獨
戍主人猶自在高樓夢親旌旆何由見每值清風一
回面洞裏先生那怪遲人天無路自無期砂泉丹井
非同味桂樹榆林不並枝吾翁致身殊得計地仙亦
是三千歲莫着戎衣期上清東方曼倩逢人輕

送張山人歸嵩陽

白居易

黃昏慘慘天微雪修竹坊西鼓聲絕張生馬瘦衣且
單夜扣柴門與我別勸君冒寒來別我爲君沽酒張

燈火酒酣火暖與君言何事入關又出關答云前年
偶下山四十餘月客長安長安古來名利地空手無
金行路難朝遊九城陌肥馬輕車欺殺客暮宿五侯
門殘茶冷酒愁殺人春明門前便是嵩山路幸有
雲泉客此身明日辭君且歸去

歸山作

顧况

心事數莖白髮生涯一片青山空林有雪相待古道
無人獨還

送暢當還舊山

盧綸

常逢明月馬塵間是夜照君歸處山山中松桂花發
唐詩類苑

卷之八十八

十四

盡頭白屬君如等閑

送齊山人歸長白山

韓翃

舊事山人白兔公掉頭歸去又乘風柴門流水依然
在一路寒花萬木中

亂後入洪州西山

曹松

寂寂陰溪水漱苔塵中將得苦吟來東風道士如相
問縣令而今不姓梅

送履霜上人還金陵西山

僧皎然

攜錫西山步綠莎禪心未了李情何湘夢才寄清秋
外月落風悲松栢多

小江驛送陸侍御歸湖上山

陳羽

鶴唳天邊秋水空
荻花蘆葉起西風
今夜渡頭何處宿
會稽山在月明中

夜歸華山因寄幕府

蘇廣文

山村寥落野人稀
竹裏衡門掩翠微
溪路夜隨明月入
亭臯春伴白雲歸
嵒康懶慢仍耽酒
范蠡逋逃久拂衣
汀畔數鷗閑不起
只應知我也忘機

送潤卿博士還華陽

皮日休

雪打蓬舟離酒旗
華陽居士半酣歸
逍遙只恐逢雲

唐詩類苑

卷之八十八

五

將恬澹真應降月妃
仙市鹿胎如錦嫩
陰宮燕肉似蘇肥
公車草舍蒲輪壞
爭不教他白日飛

奉和送潤卿博士還華陽

陸龜蒙

何事輕舟近臘迴
茅君兄弟欲歸來
封題玉洞虛無奏
點檢霜壇沆瀣杯
雲肆先生分氣調
山圖公子愛詞才
殷勤爲向東鄉薦
灑掃含真雪後臺

賦得送軒轅先生歸羅浮山

李洞

舊山歸隱浪搖青
綠鬢山童一帙經
待帖布帆猿鳥看
藥煎金鼎鬼神聽
洞深頭上聆仙語
船靜鼻中聞

海腥此處先生應不住
吾君南望漫勞形

茅山贈洪拾遺

方干

聖代諫臣停諫舌
求歸故里傲雲霞
溪頭講樹纔漁艇
篋裏朝衣輸酒家
但愛身閑辭祿俸
那嫌藏計在桑麻
我來幸與諸生異
問答時容近絳紗

廬山人自巴蜀由湘潭歸茅山因贈

許渾

太一靈方鍊紫荷
紫荷飛盡髮皤皤
猿啼巫峽曉雲薄
鴈宿洞庭秋月多
導引豈如桃葉舞
步虛寧比竹枝歌
華陽舊隱莫歸去
水沒芝田生綠莎

唐詩類苑

卷之八十八

十六

送嶺南盧判官罷職歸華陰山居

許渾

曾事劉琨鴈塞空
十年舊劔似一作
飄蓬東堂逢屈一作
移山志南國新留煮海功
還掛一帆青草畔
更開三迳碧蓮中
關西舊親一作
友應如一作
相問已許滄浪伴
釣翁

贈李伊闕

并序

許渾

前伊闕李師晦侍御辭秩歸山過余所止醉圖二
室於屋壁亦招隱之旨也因而有贈焉
桐履如飛不可尋
一壺佳釀陽琴升
橫野渡寒風

急門掩荒山夜雪深貧笑白駒無去意病慙黃鵠有
歸心雲間二室勞君畫水墨蒼蒼半壁陰

送唐大夫寵餞歸山

王建

年少平戎先學仙表求骸骨乞生全不堪腰下懸金
印已向雲西寄玉田旌旗抱歸官路上公卿送到國
門前人問鷄犬同時去遙望笙歌隔水煙

送孫逸歸廬山

劉長卿

鑪峰絕頂楚雲銜楚客東歸棲北巖一作彭蠡河邊
香橘柚潯陽郭外暗楓杉青山不斷三湘水飛鳥空
隨萬里帆常愛此中多勝事新詩他日佇開緘

唐詩類苑

卷之八十八

七

送道者朝見後歸山

殷文珪

暫隨蒲帛謁金鑾瀟灑風儀傲漢官天馬難將朱索
絆海鰲寧覺碧濤寬松壇月作尊前畔竹篋書爲教
外歡神鼎已乾龍虎伏一條真氣出雲端

送唐大夫讓節歸山

于鵠

年老功成乞罷兵玉階匍匐進雙旌朱門鴛瓦爲仙
觀白領狐裘出帝城侍女休梳宮樣髻舊童新改道
家名到時浸髮春泉裏猶夢紅樓簫管聲

送韓侍御歸山

張籍

聞君久卧在雲間爲佐嫖姚未得還新結茅廬招隱

逸獨騎驄馬入深山九靈洞口行應到五粒松枝醉
亦攀明日河聲出城去家僮不復掃柴關

送王十八歸山寄題仙遊寺

白居易

曾於太白峰前住數到仙遊寺裏來黑水澄時潭底
出白雲破處洞門開林間暖酒燒紅葉石上題詩掃
綠苔惆悵舊遊無復到菊花時節羨君迴

佐還山後寄

杜甫

山晚浮雲合歸時恐路迷澗寒人欲到村黑鳥應栖
野客茅茨小田家樹木低舊諳疎懶叔須汝故相攜

唐詩類苑

卷之八十八

六

二

白鷺黃梁熟分張素有期已應春得細頗覺寄來遲
味豈同金菊香宜配綠一作紫葵老人他日愛正想滑
流匙

三

幾道泉澆圃交橫落幔坡歲蕤秋葉少隱映野雲多
隔沼連香菱通林帶女蘿甚聞霜蘆白重惠意如何

唐詩類苑卷第八十八終

唐詩類苑卷第八十九

明雲間張之象玄超甫纂輯

雲間陳繼儒仲醇甫編次

雲間王 徹叔朗甫補訂

梁谿曹仁孫伯安甫校正

人部

山中

天津橋南山中

李 益

野坐分苔席山行遶菊叢雲衣惹不破秋色望來空

山中

沈千運

唐詩類苑

卷之八十九

棲隱別無事所願早離塵不辭城邑遊禮樂拘來人
邇來歸山林庶事皆吾身何者爲形骸誰是智與仁
寂寞了閑事然後知天真咳唾矜榮華迂俯相屈伸
如何巢與由天子不得臣

山中寄韋子春秘書

王季友

出山秘芸署山木已再春食我山中藥不憶山中人
中誰余密白髮日相親雀鼠晝夜無知我厨廩貧
有情盡捐棄上石爲周身依依舍北松不厭我南隣
夫子質千尋天澤枝葉新今以不材壽非智免斧斤

山中春仲寄汝上王恒穎川沈冲

錢 起

隱者守恬泊春山日深淨誰知蟠木材得性無人境
座隅泉出洞竹上雲起嶺饑欲入山厨飲虹過藥井
前溪堪放逸仲月好風景遊目來遠思摘芳寄汝穎

山中貽崔六琪華

儲光羲

恍惚登高嶺徘徊看落日遙想仲長園如親幼安室
春渚菖蒲花山中撥穀鳴相思不道遠太息未知情
意君來此地時復疎林薄中夜掃閑門迎晨閉菌閣
屣履清地上家童奉信歸憂隨落花散目送孤雲飛
故交在天末新知復千里無人暫往來獨作中林士

唐詩類苑

卷之八十九

山中依韻答劉書記見贈

李山甫

幽居少人事三徑草不開隱几虛室靜閑雲入坐來
至道非內外詎言才不才寶月當秋空高潔無纖埃
心減百慮滅詩成萬象回亦有吾廬在寂寞舊山隈
從容未歸去滿地生青苔謝公寄我詩清奇不可陪
白雪飛不盡碧雲欲成堆驚風出地戶號號似震雷
吟哦山欲動令人心膽摧思君覽章句還復如望梅
慷慨追古意曠望登高臺何當陶淵明遠臨勸傾杯
流年將老來華髮自相催野寺連屏幃左右相徘徊

山中答劉書記寓懷

李山甫

寶門多冠冕日與榮辱並山中有獨夫笑傲出
正直任天真鬼神亦相敬之子貢丘園戶牖松蘿
骨將槁木齊心同止水淨筆頭指金波座上橫玉柄
芙蓉出秋渚繡段流清詠高古不稱時沉默豈相競
窮搜萬籍忘危坐千峰靜林僧繼嘉唱風前亦為幸

山中夜宿

顧况

涼月掛層峰蘿牀落葉重掩關深畏虎風起撼長松

山中

曹松

此地似商嶺雲霞空往還衰條難定鳥缺月易依山
野色耕不盡溪容釣自閑分因多卧退百計少相關

唐詩類苑

卷之八十九

三

山中言事

曹松

嵐靄潤牕櫺吟詩得冷癢教餐有效藥多媿獨行僧
雲濕煎茶水火封汲井繩片扉深著掩經國自無能

山中興作

馬戴

高高丹桂枝嫋嫋女蘿衣密葉浮雲幽陰暮鳥歸
月和風翠動花落瀑泉飛欲剪蘭為佩中林露未晞

山中寄韋鉉

于鵠

嬾成身病日因醉卧多時送客出谿少讀書終卷遲
幽牕聞墜葉晴景見遊絲早晚來收藥門前有紫芝

山中寄姚合員外

馬戴

朝與城闕別暮同麋鹿歸鳥鳴松觀靜人過石橋

木葉搖山翠泉痕入澗扉敢招仙署客暫此拂朝衣

山中寄時校書

錢起

蓬萊紫氣溫如玉唯予知爾陽春曲別來幾日芳蓀
綠百花酒滿不見君青山一望心斷續

山中贈拾遺耿漳兼寄兩省故人

秦系

數片荷衣不蔽身青山白鳥豈知貧如今非是秦時
也更隱桃花亦笑人

宿石邑山中

韓翃

唐詩類苑

卷之八十九

四

浮雲不共此山齊山靄蒼蒼望轉迷曉月暫飛高樹
裏秋荷隔在數峰西

山中贈諸暨丹丘明府

秦系

荷衣半破帶莓苔笑向陶潛酒甕開縱醉還須上山
去白雲那肯下山來

山中

顧况

野人愛向山中宿況在葛洪丹井西庭前有箇長松
樹夜半子規來上啼

山中書懷寄張建封大夫

秦系

昨日年催白髮新身如槁鹿不知貧時時亦被羣兒

笑賴有南山四老人

山中作

馬戴

侵齒無泥竹策輕莓苔梯滑夜難行獨開石室松門
裏月照前山空水聲

山中奉寄錢起員外兼簡苗發員外

秦系

空山歲計是胡麻窮海無梁泛一槎稚子唯能覓梨
栗逸妻相共老煙霞閑吟麗句驚巢鶴閑閉春風看
落花借問省中何水部今人幾箇屬詩家

山中枉皇甫溫大夫見招書

唐詩類苑

卷之八十九

五

秦系

十年木屐步苔痕石上松間水自喧三畝草堂仍被
褐數行書札忽臨門卧多共息嵇康病才劣虛同郭
隗尊亞相已能憐潦倒山花笑處莫啼猿

山中寄梁判官

李山甫

歸卧東林計偶諧柴門深向翠微開更無塵事心頭
起還有詩情象外來康樂公應頻結社寒山子亦患
多才星郎雅是道中侶六藝拘牽在隗臺

山中效陶

曹鄴

洛弟非有罪茲山即歸止山猿隔雲住共飲山中水

讀書時有興坐石忘却起西山忽然暮往往道巾履
經時一出門兼俟僮僕喜常被山翁笑求名豈如此
齒髮老未衰何如且求已

山中有招

劉駕

朗朗山月西塵中事由生人心雖不閑九陌夜無行
學古以求聞有如石上耕齊姜早作婦豈識閨中情
何如此幽居地僻人不爭嘉樹自昔有茅屋因我成
取薪不出門采藥於前庭春花雖無種枕席芙蓉馨
君求食葵藿天爵豈不榮

山中夜坐

劉駕

唐詩類苑

卷之八十九

六

半夜山雨過起來滿山月落盡醉處花荒溝水泱泱
愴然惜春去似與故人別誰遣我多情壯年無鬢髮
桐廬山中贈李明府

孟郊

靜境無濁氣清雨零碧雲千山不隱響一葉動亦聞
卽此佳志士精微誰相羣欲識楚

一作章句袖中蘭

荏蕕

疊韻山中吟

陸龜蒙

瓊英輕明生石脉滴瀝碧玄鉛仙偏憐白幘客亦惜

疊韻山中吟

皮日休

穿煙泉潄潄觸竹續殷諫荒篁香繡匡熟鹿伏屋曲

山中宿

白居易

獨到山中宿靜向月中行何處水邊碓夜春雲

山中

方干

散拙亦自遂粗將猿鳥同飛泉高瀉月獨樹遠含風
果落盤盂上雲生篋笥中未甘明聖日終作釣漁翁

山中即事

方干

趨世未身事山中適性情野花多異色幽鳥少凡聲
樹影搜涼臥苔光破碧行間尋採藥處仙路漸分明

山中送從叔簡

孟郊

莫以手中瓊言邀世上名莫以山中迹久向人間行

唐詩類苑

卷之六十九

七

松栢有霜操風泉無俗聲應憐枯巧質驚此別離情

魯望示廣文先生吳門二章情格高散可醒

俗態因追想山中風度次韻屬和存於詩

編魯望之命也

皮日休

我見先生道休思鄭廣文鶴翻希作伴鷗却覓爲羣
逸好冠清月高宜著白雲朝廷未無事爭任醉醺醺

二

能諳肉芝樣解講隱書文終古神仙宿窮年麋鹿羣
行厨著白石卧具拂青雲應在雷平上支頤後半醺

山中寄王員外

白居易

爲問幽蘭桂空山復若何芬芬終日有採折更誰過

望在軒堦近恩霑雨露多移居倘得地長願接瓊柯

羈卧山中

盧照隣

卧壑迷時代行歌任死生紅顏意氣盡白璧故交輕
澗戶無人迹山窻聽鳥聲春色緣岩上寒光入溜平

雪盡松帷暗雲間石路明夜伴饑鼯宿朝隨馴雉行

度溪猶憶處尋洞不知名紫書常日閱丹藥幾年成

扣鐘鳴天鼓燒香厭地精倘遇浮丘鶴飄飄陵太清

山中寄吳礪十韻

方干

莫問終休石林中事已成盤餐憐火種歲計付刀耕

唐詩類苑

卷之六十九

八

掬水皆花氣聽松似雨聲書空翹足卧避險側身行

果傍閑軒落蒲連濕岸生禪僧知見理妻子笑無名

更擬教書苦何曾待酒清石溪魚不大月樹鵲多驚

砌下通樵路窻間見縣城雲山任重疊難隔故交情

山中作

僧處默

簾簾高挂枕高欹門掩垂蘿蘸碧溪閑把史書眠一

覺起來山月過松西

山中五絕

白居易

遊嵩陽見五物各有所感感興不同隨興而吟因

成五絕

嶺上雲

嶺上白雲朝未散田中青麥早將枯
自生自滅成何事能逐東風作雨無

石上苔

漠漠斑斑石上苔幽芳靜綠艷纖埃
路傍凡草榮遭遇曾得七年車輾來

林下檇

香檀文桂苦雕鐫生理何曾得自全
知有無材老檇杏一枝不損盡天年

澗中魚

唐詩類苑 卷之八十九 九
海水桑田欲變時風濤翻覆沸天池
鯨吞蛟鬪波成血深澗遊魚樂不知

洞中蝙蝠

千年鼠化白蝙蝠黑洞深藏避網羅
遠害全身誠得計一生幽暗又何如

山中言事二首

方干

日與村家事漸同燒松噉茗學鄰翁
池塘月撼芙蓉浪窻戶涼生薜荔風
書幌晝昏風氣裏巢枝夜折雪聲中
山陰釣興無知已窺鏡擣多鬢欲空
欽枕亦吟行亦醉歸吟行醉更何營
貧交猶有故琴

在老去不過新髮生山鳥踏枝紅果落
家童引釣白魚驚潛夫自有孤雲侶可
要王侯知姓名

隱逸

招隱詩

僧曇翼

連峰數千里修林帶平津雲起遠山翳
風至萸荒榛茅茨隱不見鷄鳴知有人
躡蹻踐其跡處處見遺薪乃知百代下
固有上皇民

中隱

白居易

大隱住朝市小隱入丘樊丘樊太冷落
朝市太囂譁不如作中隱隱在留司官
似出亦似處非忙亦非閑

唐詩類苑

卷之八十九

十

不勞心與力又免饑與寒終歲無公事
隨月有俸錢君若好登臨城南有秋山
君若好遊蕩城東有春園君若欲一醉
時出赴賓筵洛中多君子可以恣歡言
君若欲高卧但自深掩關亦無車馬客
造次到門前人生處一世其道難兩全
賤即若凍餒貴則多憂患唯此中隱士
致身吉且安窮通與豐約正在四者間

小隱吟

孟郊

我飲不在醉我歡長寂然酌溪四五盞
聽彈兩三絃鍊性靜棲白洗清深寄玄
一作號怒路傍子貪敗不貪全

韋居守晚歲常言退休之志因署其居曰大
隱洞命予賦詩因贈絕句

元稹

謝公潛有東山意已向朱門啓洞門大隱猶疑戀朝
市不如名作罷歸園

送楊銷歸隱

錢起

悔作掃門事還吟招隱詩今年芳草色不失故山期
遙想白雲裏采苓春日遲溪花藏石徑巖翠帶茅茨
九轉莫飛去三迴良在茲還嗤茂陵客貧病老明時
送從兄歸隱藍溪三首 許渾

唐詩類苑

卷之八十九

十一

名高猶向

一作素衣

一作素衣

窮巷掩荆扉漸老故人

少父貧豪客稀寒雲橫劒望山月抱琴歸幾日藍溪
醉藤花拂釣磯 一作莫道藍溪路青苔滿釣磯

二

京洛多高蓋憐兄劇斷蓬身隨一劒老家入萬山空
夜憶蕭關月行悲易水風無人知此意甘卧白雲中

三

燕鴈下秋塘田家自此忙移蔬通遠水收果待繁霜
野碓春舂滑山厨焙茗香客來還有酒隨事宿茅堂

養拙

白居易

鐵系不爲劒木曲不爲輅今我亦如此愚蒙不及門
甘心謝名利滅跡歸丘園坐卧茅茨中但對琴與樽
身去韁鎖累耳辭朝市喧逍遙無所爲時窺五千言
無憂樂性場寒欲清心源始知不才者可以探道根

林詩

岑參

偶得魚鳥趣復茲水木涼遠峯帶雨色落日搖川光
白中西山藥袖裏淮南方唯愛隱几時獨遊無何鄉

屏跡三首

杜甫

衰年甘屏跡幽事供高卧鳥下竹根行龜開萍葉過
年荒酒價乏日併園蔬課猶酌甘泉歌歌長擊樽破

唐詩類苑

卷之八十九

十二

二

用拙存吾道幽居近物情桑麻深雨露燕雀半生成
村鼓時時急漁舟箇箇輕杖藜從白首心迹喜雙清

三

晚起家何事無營地轉幽竹光團野色含影漾江流
失學從兒懶長貧任婦愁百年渾得醉一月不梳頭

買山吟

于鵠

買得幽居屬漢陽槿籬疎處種桃柳唯有獼猴來往
燕弄人拋果滿書堂

幽棲

元稹

野人自愛幽棲所近對長松遠是山盡日望雲心不
繫有時看月夜方閑壺中天地乾坤外夢裡身名且
暮間遼海若思千歲鶴且留城市會飛還

貽阮隱君

杜甫

陳留風俗衰人物世不數塞上得阮生迥繼先父祖
貧知靜者性自益毛髮古車馬入鄰家蓬蒿翳環堵
清詩近道要識字用心苦尋我草徑微褰裳踏寒雨
更議居遠村避喧甘猛虎足明箕穎客榮貴如糞土

懷西峰隱者

周賀

灌木藏岑色天寒望即愁高齋何日去遠瀑入城流

唐詩類苑

卷之八十九

十三

臘近溪書絕燈殘夜雪稠邇來相憶處枕上苦吟休

寄隱者

白居易

賣藥向都城行憩青門樹道逢馳驛者色有非常懼
親族走相送欲別不敢住私怪問道傍何人復何故
云是右丞相當國握樞務祿厚食萬錢恩深日三顧
昨日延英對今日崖州去由來君臣間寵辱在朝暮
青青東郊草中有歸山路歸去卧雲人謀身計非誤

隱士

孟郊

本末一相返漂浮不還真山野多餒士市井無饑人
虎豹忌道當虞鹿知燕身奈何貪競者日與患害親

顏貌歲歲改利心朝朝新孰知富生禍取富不取貧
寶玉忌出璞出璞先為塵松栢忌出山出山先為薪
君子隱石壁道書為我鄰寢興思其義澹泊味始真
陶公自放歸尚平去有依草木擇地生禽鳥順性飛
青青與冥冥所保各不違

題灞西駱隱士

許渾

磻溪連灞水商嶺接秦山青漢不回駕白雲長一作空
掩關雀喧知鶴靜鳬戲識一作鷗閑却笑南昌尉悠
悠城市間

懷南岳隱士二首

孟郊

唐詩類苑

卷之八十九

十四

見說祝融峰擎天勢似騰藏千尋布水出十八高僧
古路無人迹新霞吐石稜終居將爾叟一一共余登

二

千峰映碧湘真叟此中藏飯不煮石喫眉應似髮長
楓根檣酒甕鶴虱落琴牀雖效忘機者斯人尚未忘

隱者

張籍

先生已得道市井亦容身救病自行藥得錢多與人
問年長不定傳法又非真常見鄰家一作說時間一作
使鬼神

贈隱者

于鵠

石室掃無塵人寰與此分飛來南浦樹半是華

浮世幾多事先生應不聞寒川滿西日空照鴈成羣

贈隱者

儲嗣宗

盡室幽居谷亂山爲四隣霧深知有術牕靜似無人
鶴語松上月花明雲裏春生涯更何許尊酒與垂綸

贈隱者

溫彥珣

茅堂對薇蕨爐煖一裘輕醉後楚山夢覺來春鳥聲
採茶溪樹綠煮茗石泉清不問人間事忘機過此生

懷紫閣隱者

賈島

寂寥思隱者孤燭坐秋霖梨栗猿喜熟雲山僧說深

唐詩類苑

卷之八十九

十五

寄書應不到結伴擬同尋廢寢方終夕迢迢紫閣心

寄紫閣隱者

張籍

紫閣氣沈沈先生住處深有人時得見無路可相尋
夜鹿伴茅屋秋猿守栗林唯應採靈藥更不別營心

夏日寄東溪隱者

耿渾

白華泛野水草色合遙空處處山依舊年年事不同
閑由孤壘外暑雨片雲中惆悵多塵累無由訪釣翁

題太白山隱者

項斯

高居在幽嶺人得見時稀寫錄倚虛白尋僧到翠微
掃壇星下宿收藥雨中歸從服小還後自疑身解飛

陪鄭先輩華山羅谷訪張隱者

李山甫

白雲閑洞口飛蓋入嵐光好鳥共人語異花迎客香
谷風聞鼓吹苔石見文章不是陪仙侶無因訪阮郎

寄嵩陽隱者

李咸用

昔年江上別初入亂離中我住匡山北君之少室東
信來經險道詩半憶皇風何事猶高卧巖邊夢未通

寄嵩陽隱者

崔塗

四十年高夢生涯指一丘無人同久住有鶴對冥修
草雜芝田出泉和石髓流更嫌庭樹老疑是世間秋

唐詩類苑

卷之八十九

十六

送華陰隱者

項斯

往往到城市得非徵藥錢世人空識面弟子莫知年
自說能醫死相期更學仙近來移住處毛女舊峰前

貽終南山隱者

許渾

中巖多少隱提榼抱琴遊潭冷薜蘿晚山香松桂秋
飄閑高樹掛杯急曲池流獨有迷津客東西南北愁

憶盧常侍寄華山鄭隱者

張籍

獨住三峰下年深學煉丹一間松葉屋數片石花冠
酒待山中飲琴將洞裏彈開門移遠竹剪草出幽蘭

荒碧通泉架晴崖羈繫壘壘寄知騎省客長向白雲閑

懷華山隱者

劉昭禹

先生入太華杳杳絕良音秋夢有時見孤雲無處尋
神清峰頂立衣冷瀑泉吟應笑于名者六街塵土深

題嵩高隱者居

鄭谷

豈易訪仙蹤雲蘿千萬重他年來卜隱此景願相容
亂水林中路深山雪裏鐘見君琴酒樂迴首興何慵
歸故山路逢隱居隱者

錢起

握手雲棲路潸然恨幾重誰知綠林盜長占彩霞峰
心死池塘草聲悲古徑松無因芳杜月琴酒更相逢
寄廬山隱者

楊衡

唐詩類苑

卷之八十九

七

風鳴雲外鐘鶴宿千年松相見杳不見月出山重重
尋隱者不遇

僧貫休

松下問童子言師採藥去只在此山中雲深不知處
贈漢陽隱者

錢起

當年不出世知子餐霞人樂道復安土遺榮長隱身
衡茅古林曲杭稻清江濱桂棹爲漁暇荷衣禦暑新
欸顏行在役幽興惜今晨分首天涯去再來芳杜春

過鳴皋隱者

錢起

磻石老紅鮮徵君卧幾年飛一作泉出林下一徑過
崖巔鷄犬逐人靜雲霞宜地偏終朝數峰勝不

遠一壺前仲月暮卷雨香風生藥田丹溪不可別
草色芊芊

丁隱君歌

陸龜蒙

華陽道士南遊歸手中半卷青羅衣一作自言通客

持賜我乃是前塘丁翰之連江一作更大抵多奇岫獨

話君家最孤秀盤燒天竺春筍肥琴倚洞庭秋石瘦

草堂暗引龍泓溜老樹根株若蹲獸霜濃果熟未容

收往往兒童雜猿狖去歲猖狂有黃冠官軍駭散無

人闕滿城奔送翰之閑祗把枯松塞圭竇前度相逢

正賣文一錢不直虛云云今來利作採樵客以可拋

唐詩類苑

卷之八十九

八

身麋鹿群丁隱君昂一作頭且莫變名氏即日便尋

丁隱君

寄桐江隱者

許渾

潮去潮來洲渚春山花如繡草如茵嚴陵臺下桐江

水解釣鱸魚能幾人

送隱者

杜牧

無媒徑草路蕭蕭自古雲林遠市朝公道世間唯白

髮貴人頭上不曾饒

贈隱者

劉滄

何時止此幽棲處獨掩衡門長綠苔臨水靜聞靈鶴

語隔原時有至人來五湖仙島幾年別九轉藥爐深夜開誰識無機養真性醉眠松石枕空杯

贈天台隱者

劉滄

靜者多依猿鳥衡門野色四郊通天開宿霧海生
日水泛落花山有風迴望一巢懸未獨尋危石坐
巖中看書飲酒餘無事自樂樵漁多釣翁

贈華陰隱者

方干

少微夜夜當仙掌更有何人在此居花月舊應看浴
鶴松蘿自在伴刪書素琴醉去經宵枕衰髮寒來向
日梳故國多年歸未遂因逢此地憶吾廬

唐詩類苑

卷之八十九

十九

商山贈隱者

黃滔

誰不相逢話息機九重城裏自依依蓬萊水淺有人
說商洛山高無客歸數隻珍禽寒月在千株古木熱
時稀西牕昨夜鳴蛩盡知夢芝翁起扣扉

唐詩類苑卷第九十

明雲間張之象玄超甫纂輯

雲間陳繼儒仲醇甫編次

雲間王微叔朗甫補訂

梁谿曹仁孫伯安甫校正

人部

隱逸

贈丹陽橫山周處士惟長 李白

周子橫山隱開門臨城隅連峯入戶牖勝槩凌方壺
時枉白紵詞放歌丹陽湖水色傲溟渤川光秀荻蒲

唐詩類苑

卷之九十

一

當其得意時心與天壤俱閑雲隨舒卷安識身有無
抱石耻獻主沈泉笑探珠羽化如可作相携上清都

贈張公洲華處士

李白

列子居鄭圃不將衆庶分華侯遁南浦常恐楚人聞
抱甕灌秋蔬心閒遊天雲每將瓜田叟耕種漢水濱
時登張公洲入獸不亂群井無桔槔事門絕刺繡文
長揖二千石遠辭百里君斯爲真隱者吾黨慕清芬

過緱山王處士黑石谷隱居

岑參

舊居緱山下偏識緱山雲處士久不還見雲如見君

別來逾十秋兵馬日紛紛青溪開戰場黑谷屯行軍
遂令巢由輩遠逐麋鹿群獨有南澗水潺湲如昔聞

贈閭丘處士

李白

賢人有素業乃在沙塘陂竹影掃秋月荷衣落古池
閒讀山海經散帙臥遙帷旦耽田家樂遂曠林中期
野酌勸芳酒園蔬烹露葵如能樹桃李爲我結茅茨

貽余處士

儲光義

故園至新浦遙復未百里北望是他邦紛吾卽遊士
潮來津門啓罷楫信流水客意乃成歡舟人亦相喜
遲遲菱荇上泛泛菰蒲裏漸聞商旅喧猶見鳥鷺起

唐詩類苑

卷之九十一

二一

市亭忽雲構方物如山峙吳王昔喪元隋帝又滅祀
停艫一以眺太息興亡理秋苑故池田宮門新柳杞
我行苦炎月乃及清昊始此地日逢迎終思隱居子
莫言異舒卷形音在心耳

貽王處士子文

儲光義

春草生洞渚春風入上林春臯有黃鵠撫翮未傷音
王屋嘗嘉遁伊川復陸沈張弦鷄弄閑室蓬蒿深
避地歌三樂遊山賦九吟大君思左右無乃化黃金

送王處士

白居易

王門豈無酒侯門豈無肉主人貴且驕待客禮不足

望塵而拜者朝夕走碌碌王生獨拂衣遐舉如雲鶴
寧歸白雲外飲水卧空谷不能隨衆人歛手低眉目
扣門與我別沽酒留君宿好去采薇人終南山正綠

贈宣州元處士

杜牧

陵陽北郭隱身世兩忘者蓬蒿三畝居寬於一天下
罇酒對不酌默與玄相話人生自不足愛嘆遭逢寡

送楊處士反初卜居曲江

楊炯

鴈門歸去遠垂老脫袈裟蕭寺休爲客曹溪便寄家
綠琪千歲樹黃檗四時花別怨應無限門前桂水斜

寄鏡湖朱處士

李頎

唐詩類苑

卷之九十一

三

澄霽晚流闊微風吹綠蘋鱗鱗遠峯見淡淡平湖春
芳草日堪把白雲心所親何時可爲樂夢裏東山人

留別龔處士

李白

龔子棲閒地都無人世喧柳深陶令宅竹暗辟疆園
我去黃牛峽遙愁白帝猿贈君卷施草心斷竟何言

贈程處士

王績

百年長擾擾萬事悉悠悠日光隨意樂河水任情流
禮樂因姬日詩書傳孔丘不如高枕上時取醉消愁

寄題方干處士

鄭谷

山雪照湖水漾舟湖畔歸松篁調遠韻臺榭發清輝

野岫分閑徑漁家並掩扉暮年詩力在折句更幽微

送袁處士

劉長卿

開田北川下靜者去躬耕萬里空江焚孤舟過郢城
種荷依野水移柳待山鶯出處安能問浮雲豈有情

送崔處士先適越

劉長卿

山陰好雲物此去又春風越鳥聞花裏曹娥想鏡中
小江潮易滿萬井水皆通徒羨扁舟客微官事不同

寄處士梁燭

張喬

賢哉君子風諷與古人同採藥楚雲裏移家湘水東
星霜秋野闊雨電夜山空早晚相招隱深耕老此中

唐詩類苑

卷之九十

四

題華山麻處士

于鰲

貴賤各擾擾皆逢朝市間到此馬無跡始知君獨閑
冰破聽數水雪時看華山西風寂寞地唯我坐忘還

尋劉處士

權德輿

幾年人不見林下掩柴關留客當清夜逢君話舊山
隔城寒杵急帶月早鴻還南浦雖相近其如隱者閑

夜尋盧處士

耿湋

月高鷄犬靜門掩向寒塘夜竹深茅宇秋庭冷石牀
住山年已遠服藥壽偏長虛棄如吾者過君益自傷

答裴處士二首

韋應物

遺民愛精舍乘犢入青山來署高陽里不遇日衣還

禮賢方化俗聞風自款關況子逸群士栖息蓬蒿間

二

春風駐遊騎晚景澹山暉一問清冷子獨掩荒園扉
草木雨來長里間人到稀方從廣陵宴花落未言歸

浙右贈陸處士

曹松

靜節灌園餘得非成隱居長當戾子曰獨拜五經書
白浪吹亡國秋霜洗大虛門前是京口身外不營儲

贈胡處士

曹松

年光離母色帶疾臥南原白日與無事俗人嗔閉門

唐詩類苑

卷之九十

五

樵笛臨片水野鹿入荒園莫問榮華事清霜點髮根

春日尋滄川王處士

馬戴

碧草徑微斷白雲扉晚開罷琴松韻發鑒水月光來
宿鳥排花動樵童澆竹迴與君同露坐澗石拂青苔

寄富春孫路處士

項斯

平生醉與吟誰是見君心上國一歸去滄江閑至今
鐘繁秋寺近峯閣晚濤深疎放長如此何人長得尋

寄鏡湖方子處士

僧貫休

賀監舊山川空來近百年聞君與琴鶴終日在漁船
烏鵲深秋石湖澄半夜天雲門幾回去題偏好林泉

送耿處士

賈島

一瓶離別酒未盡即言行萬水千山路孤舟幾月程
川原秋色靜蘆葦晚風鳴迢遞不歸客人傳處隱名

贈高處士

許渾

宅前雲水滿高興一書生垂釣有深意望山多遠情
夜棋留客宿春酒勸僧傾未作干時計何人問姓名

尋戴處士

許渾

車馬長安道誰知大隱心蠻僧留古鏡蜀客寄新琴
曬藥竹齋暖擣茶松院深思君一相訪殘雪似山陰

贈王處士

許渾

唐詩類苑 卷之九十

歸卧養天真鹿裘烏角巾茂陵閑久病彭澤醉長貧
冠蓋西園夜笙歌北里春誰憐清渭曲又老釣魚人

贈崔處士

李商隱

真人塞其內夫子入於機未肯投竿起唯歎負米歸
雪中東郭履堂上老萊衣讀偏先賢傳如君事者稀

寄方干處士

釋尚顏

格外綴清詩詩名獨得知閑居公道日醉臥牡丹時
海鳥和濤望山僧帶雪期仍聞禰處士聖主肯相違

贈鄭處士

溫庭筠

飄然隨釣艇雲水是天涯紅葉下荒井碧梧侵古槎

醉收陶令菊貧賣邵平瓜更有相期處南籬一樹花

贈蔡處士

鄭谷

無著復無求平生不解愁鬢疏貧淨潔中酒病風流
旨趣陶山禪詩篇沈隱侯小齋江色裏籬柱繫漁舟

贈武處士

韋莊

一身唯一室高靜若僧家掃地留疎影穿池浸落霞
綠蘿臨水合白道向村斜賣藥歸來醉吟詩倚釣查

過終南柳處士

盧綸

王老正相尋圍棋到煮金石催丹井閉月過洞門深
猿鳥三時下藤蘿十里陰綠泉多草氣青壁少花林

唐詩類苑 卷之九十

暮春尋終南柳處士

李端

麗眉一居士鶉服隱堯時種豈初成畝還丹舊日師
入溪花逕遠向嶺鳥行遲紫葛垂青菰映柳絲
偶來塵外事暫與素心期終恨遊春客同爲歲月悲

過終南柳處士

司空曙

雲起山蒼蒼林居蘿薜荒幽人老深境素髮與青囊
雨條葳蕤綠風搖松桂香洞泉分溜淺巖筍出叢長
敗屨安松砌餘春在石牀書名一爲別還路已堪傷

贈王處士

王建

松樹當軒雪滿池青山掩障一作碧紗幮鼠來案下

長偷水鶴在牀前亦看棋道士寫將行氣法家童授
與步虛詞世間有似君應少便乞從今作我師

贈別晉三處士

高適

有人家住清河源渡河問我遊梁園手持道經注已
畢心知內篇口不言盧門十年見秋草此心惆悵誰
能道知已從來不易知慕君為人與君好別時九月
桑葉疎出門千里無行車愛君且欲君先遠今上求
賢早上書

送許處士

張籍

唐詩類苑

卷之九十

八

高情自與俗人疎獨向藍谿選僻居會到白雲長取
醉不能慙下讀閑書

贈何處士

許渾

東別茅峯北去秦梅仙書裏說知人白頭主印青山
下雖遇唐生不敢親

送宋處士

許渾

賣藥修琴歸去遲山風吹落桂花時世間甲子須更
過一作逢着仙人莫看棋

宿鄆郊贈羅處士

李洞

川靜星高櫟已枯南山落石水聲觀白雲釣客牕中

宿臥數嵩峯聽五湖

題玉筍山強處士

方干

酒裏藏身巖裏居刪繁自是一家書世人呼爾爲漁
叟爾學釣璜非釣魚

贈梅處士

張籍

早聞聲價滿京城頭白江湖放曠情講易自傳新註
義題詩不着舊官名近移馬跡山前住多向牛頭寺
裏行天子如今議封禪應將束帛請先生

寄梅處士

張籍

擾擾人間是與非官閑自覺省心機六行班裏身常
下九列符中事亦稀市客慣曾賒賤藥家童驚見着

唐詩類苑

卷之九十

九

新衣君今獨得居山樂應喜多時未辦歸

贈鄭謨處士

李商隱

浪跡江湖白髮新浮雲一片是吾身寒歸山觀隨棋
局暖入汀州逐釣綸越桂留烹張翰繪蜀薑供煮陸
機尊相逢一笑憐疎放他日扁舟有故人

贈鄭處士

許渾

道傍年少莫誇誇心在重霄鬢未華楊子可曾過北
里魯人何必敬東家寒雲曉散千峯雪暖雨晴開一
徑花且賣湖田釀春酒與君書劍是生涯

寄李處士

秦韜玉

呂望甘羅道已彰只憑時數爲門張世塗必竟皆應
定人事都來不在忙要路強干情本薄舊山歸去意
偏長因君指似封侯骨漸擬回頭別醉鄉

送元處士遊天台

朱慶餘

青冥路口絕人行獨與僧期上赤城樹列烟嵐春更
好溪藏冰雪夜傳明空山雉不苗短野館風來竹
氣清若過石橋看瀑布不妨高處便題名

寄落星史虛白處士

伍喬

白雲峯下古溪頭曾與提壺爛熳遊登閣共看彭蠡
浪圍爐同憶杜陵秋棋玄不厭通宵筭句妙多容隔

歲酬別後相思時一望暮山空碧水空流

贈中巖王處士

方干

垂楊裏裏草芊芊氣象清虛學洞天援筆便成鸚鵡
賦洗花須用桔槔泉商於在世堪同日渭曲逢時必
有年直恐剛腸間未得醉吟爭開被才牽

寄毘陵魏處士朴

皮日休

文籍先生不肯官絮巾衝雪把魚竿一堆方冊爲侯
印三級幽巖是將壇醉少最因吟月冷瘦多偏爲臥
雲寒兔皮衾暖蓬舟穩欲共誰遊七里灘

奉和寄毘陵魏處士朴

陸龜蒙

經苑初成墨沼開何人林下肯尋來若非宗測圖山
後卽是韓康賣藥回溪籟自吟朱鷺曲沙雲還作白
鷗媒唯應地主公田熟時送君家麴藥材

寄贈孫路處士

鄭谷

平生詩譽更誰過歸老東吳命若何知己凋零垂白
髮故園寥落近滄波酒醒蘚砌花陰轉病起漁舟驚
跡多深入富春人不見閑門空掩半庭莎

寄贈楊夔處士

鄭谷

結茅祇約釣魚臺澗水鷗鷺去又回春臥甕邊聽酒
熟露吟庭際待花開吳江勝景遨遊適百氏群書講
貫來國步未安風雅薄可能高尚揆天才

賈來國步未安風雅薄可能高尚揆天才

贈黃處士

方干

閉戶先王無是非竹灣松樹藕苗衣愁吟密雪思難
盡醉倒殘花臥不歸若出薜蘿迎鶴簡應拋舴艋別
漁磯到頭苦節終何益空改文星作少微

贈錢塘湖上唐處士

方干

我愛君家自洞庭衝灣發岸夜波聲蟾蜍影裏清吟
苦舴艋舟中白髮生常共酒杯爲伴侶復聞紗帽見
公卿莫言舉世知已自有孤雲識此情

送鄭台處士歸絳巖 方干

榮啓先生挾琴去，厭羣靈勝憶巖。樓白猿垂樹，曉月紅鯉驚釣竹。外溪慣採藥，苗資寄饌。曾書蕉葉寄新題，古賢猶滄河梁別，未可忽忽便解携。

贈南嶽馮處士二首 曹唐

白石溪邊自結廬，風泉滿院稱幽居。烏啼深樹斷靈藥，花落開牕看道書。烟嵐晚過鹿裘濕，水月夜明山舍虛。支願冷笑緣名出，終日王門強曳裾。

寂寥深木閉烟霞，洞裏相知有幾家。笑看潭魚吹水沫，醉噴溪鹿喫蕉花。穿厨歷歷泉聲細，繞屋悠悠樹影斜。夜靜著灰封釜竈，自添文武養丹砂。

春日訪李十四處士 溫庭筠

花深橋轉水潺潺，角里先生自閉關。看竹已知行處好，望雲空得暫時閑。誰言有策看經世，自是無錢可買山。一局殘棋千點雨，綠萍池上暮方還。

送包處士 李洞

秋思枕月卧瀟湘，寄宿慈恩竹裏房。性急却於棋上慢，身閑未免藥中忙。休拋手網驚龍睡，曾挂頭巾拂鳥行。聞說石門君舊隱，寒風滿榻掃書堂。

贈盧徵君昆弟 李白

按盧徵君名鴻，字顯然。玄宗開元初，備禮徵，再不至。五年，再詔徵，至東都，謁見，拜諫議大夫，固辭，制許還山，賜隱居服官管草堂，及卒，帝賜萬錢，鴻所居室自號寧極云。

明王訪賢逸雲泉，今已空。二廬竟不起，萬乘高其風。河上喜相得，壺中趣每同。滄洲卽此地，觀化遊無窮。水落海上清，鰲背覩方蓬。與君弄倒景，携手凌星虹。

答田徵君 宋之問

山遊杳何處，遲回伊洛間。歸寢終成夢，宛在嵩丘山。贈秦系徵君 劉長卿

群公誰讓位，五柳獨知貧。惆悵青山路，烟霞老此人。陶令辭彭澤，梁鴻入會稽。我尋高士傳，君與古人齊。雲臥留丹壑，天書降紫泥。不知楊伯起，早晚向關西。

贈錢徵君少陽 李白

白玉一杯酒，綠楊三月時。春風餘幾日，兩鬢各成絲。秉燭唯須飲，投竿也未遲。如逢渭水獵，猶可帝王師。

送孔徵士 權德輿

谷口山多處，君歸不可尋。家貧清史在身老，白雲深掃雪開松徑，疏泉過竹林。余生資丘壑，相送六何心。

題贈平泉韋徵君拾遺 白居易

箕穎千年後唯君得古風仕留丹陛下身入白雲中
躁靜心相背高低跡不同籠鷄與梁燕不信有冥鴻

贈別沈四逸人 高適

沈侯未可測其况信浮沈十載常獨坐幾人知此心
乘舟蹈滄海買劍投黃金世務不足煩有田西山岑
我來遇知己遂得開清襟何意閭閻間沛然江海深
疾風掃秋樹濶上多鳴砧耿耿尊酒前聯鴈飛愁音
平生重離別感激對孤琴

送盧逸人 李頎

洛陽爲此別攜手更何時不復人間見抵應海上期

清溪入雲木白首臥茅茨共惜盧敖去八邊望所思

送朱逸人 皇甫冉

時人多不見出入五湖間寄酒全吾道移家愛遠山
更看秋草暮欲共白雲還雖在風塵裏陶潛身自閒

贈陳逸人 朱慶餘

樂道辭榮祿安居桂水東得閑多事外知足少年中
藥圃無凡草松庭有素風朝昏吟步處琴酒與誰同

送孫逸人 賈島

衣屨猶同俗妻兒亦宛然不餐能累月無病已多年

是藥皆諸性令人漸信仙杖頭書數卷荷入翠微烟

寄華嶽孫逸人 李商隱

靈嶽幾千仞老松逾百尋攀崖仍躡壁散葉復眠陰
海上呼三島齋中戲五禽唯應逢阮籍長嘯作鸞音

和孟逸人林下道情 賈島

四時相陶鑄中庸道豈銷夏雲生此日春色盡今朝
陋巷貧無悶毗耶疾未調已栽天末栢合抱豈非遙

寄邢逸人 鄭常

美君無外事日與世情稀地僻人難到溪深鳥自飛
儒衣荷葉老野針藥苗肥疇昔江湖意如今憶共歸

贈盧逸人 僧善生

高眠巖野間至藝敵應難詩苦無多首藥靈惟一丸
引泉魚落釜攀果露沾冠已得嵇康趣逢迎事每闌

寄陳陶處士 釋尚顏

鍾陵城外住喻侶玉沈泥道直貧嫌殺神清語亦低
雪深加酒債春盡減詩題記得曾遊宿山茶又更携

寄劉逸士 釋尚顏

無愁無累者偶向市朝遊此後乘孤艇依前入亂流
高眠歌聖日下釣坐清秋道不離方寸而能混俗求

玄都壇歌寄元逸人 杜甫

故人昔隱東蒙峯已佩含景蒼精龍故人今居子午
谷獨在陰崖結茅屋屋前太古玄都壇青石漠漠常
風寒子規夜啼山竹裂王母畫下雲旗翻知君此計
誠長往芝草琅玕日應長鉄鑠高垂不可攀致身福
地何蕭爽

東湖送朱逸人歸

劉長卿

山色湖光併在東扁舟歸去有樵風莫道野人無外
事開田鑿井白雲中

送張逸人

鄭谷

人間疎散更無人浪兀孤舟酒兀身蘆笋鱸魚拋不
得五陵珍重五湖春

唐詩類苑

卷之九十

十六

贈段逸人

張嶺

張嶺

長筇自擔藥兼琴話着名山卽擬尋從聽世人權似
火不能燒得臥雲心

寄南城韋逸人

羅隱

杜甫詩中韋曲花至今無賴尚家家美人晚折露沾
袖公子醉時香滿車萬里丹青傳不得二年風雨悵
無涯美他南澗高眠客春去春來住物華

寄喬逸人

羅隱

南經湘浦北楊州別後風帆度幾游春酒誰家禁爛

慢野花何處最淹留欲憑尺素邊鴻懶未定雕梁海
燕愁長短此行須入手更饒君占一年秋

題袁溪張逸人所居

羅隱

蒲梢健健燕差差數里溪光日落時芳樹文君機上
錦遠山孫壽鏡中眉鷄鶩夜靜開書卷魚檻春深展
釣絲若使浮名拘絆得世間何處有男兒

送張逸人

羅鄴

自說歸山人事賒素琴丹竈是生涯牀頭殘藥鼠偷
盡溪上破門風擺斜石井晴垂青葛葉竹籬荒映白
茅花遙知此去應稀出獨臥晴牕夢曉霞

唐詩類苑

卷之九十

十七

宋中遇林慮楊十七山人因而有別

高適

昔余涉漳水驅車行鄴西遙見林慮山蒼蒼晏天倪
邂逅逢爾曹說君彼巖棲蘿徑垂野蔓石房倚雲梯
秋非何青青藥苗數百畦栗林隘谷口枯樹森迴溪
耕耘有山田紡績有山妻人生苟如此何必組與珪
誰謂遠相訪曩情殊不迷簷前舉醇醪竈下烹隻鷄
朔風忽振蕩昨夜寒蜚啼遊子益思歸罷琴傷解携
出門盡原野白日黯已低始驚道路難終念言笑談
因聲謝岑壑歲暮一攀躋

送郭處士往萊蕪兼寄荀山人

高適

君爲東蒙客往來東蒙畔雲臥臨嶧陽山行窮日觀
少年詞賦皆可聽秀眉白面風清冷身上未嘗染名
利口中獨未知羶腥今日還山意無極豈辭世路多
相識歸見萊蕪九十翁爲論別後長相憶

寄弄月溪吳山人

李白

嘗聞龐德公家住洞湖水終身棲鹿門不入襄陽市
夫君弄明月滅景清淮裏高蹤邈難追可與古人比
清揚杳莫覩白雲空望美待號辭人間攜手訪松子

唐詩類苑

卷之九十

十八

送李山人往湘中

黃滔

漢渚往湘川乘流入遠天新秋無岸水明月有琴船
露坐應通曉萍居恐隔年嶽峯千萬仞知上嶺猿嶺

送蔡山人

李白

我本不棄世世人自棄我一乘無倪舟八極縱遠拖
燕客期躍馬唐生安敢譏採珠勿驚龍大道可暗歸
故山有松月遲爾翫清暉

寄山中

溫庭筠

月中一雙鶴石上百尺松素琴入爽籟山酒和春容
幽瀑有時斷片雲無所從何事蘇明坐擲手東南峯

寄任山人

錢起

天階崇黼黻世路有趨競獨抱中孚爻誰知苦寒詠
行潦難朝海散材空遇聖豈無鳴鳳時其如問津命
所思青山郭再夢綠蘿逕林泉春可遊羨爾得其性

贈別褚山人

高適

攜手贈將行山人道姓名光陰蘇子訓才術褚先生
牆上梨花白罇中桂酒清洛陽無二價猶是暮風聲

春日訪山人

戴叔倫

遠訪山中客分泉謾煮茶相携林下坐共惜鬢邊華
歸路逢殘雨沿溪見落花候門童子問遊樂到誰家

唐詩類苑

卷之九十

十九

贈王鳳二山人

李洞

山兄望鶴信山弟聽烏占養藥同開鼎休棋各枕奩
相逢九江底共到五峯尖願許爲三友羞將白髮捫

贈唐山人

李洞

垂鬚長似髮七十色如蠶醉眼青天小吟情太華低
千年松遶屋半夜雨連溪一作房琪離海日舟陷落潮沈叩蜀路無

送侯山人赴會稽

崔峒

仙客辭蘿月東來就一官且歸滄海住猶向白雲看
猿叫江天暮蟲聲時浦寒時遊鏡湖裏爲我把魚竿

禁中送任山人

李泌

子去非長往君恩取大還補天留綵石縮地入青山
獻壽千年外來朝數月閑莫拋殘藥物切欲駐童顏

贈殷山人

李遠

有客抱琴宿值予多怨懷啼鳥絃易斷嘯鶴調難諧
曲罷月移幌韻清風滿齋誰能將此妙一爲奏金堦

賣藥人處得南陽朱山人書

皇甫冉

賣藥何爲者逃名市井居唯通遠山信因致逸人書
已報還丹効全將世事疎秋風景溪裏蕭散寄樵漁

唐詩類苑

卷之九十

壬

贈韋山人

耿湣

失意成逋客經年獨掩扉無機狎鷗慣多病見人稀
流水知行藥孤雲伴採薇空齋莫閒笑心事與時違

贈鄭山人

皇甫冉

白首滄洲客陶然得此生龐公採藥去萊氏與妻行
乍見還州里全非隱姓名枉帆臨海嶠賁酒秣陵城
伐木吳山曉持竿越水清家人恣貪賤物外任衰榮
忽爾辭林壑高歌至上京避喧心已慣念遠夢頻成
石路寒花發江田臘雪明玄纁儻有命何以遂躬耕

贈殷山人

張籍

鬱鬱山中客知名四十年恓惶身獨隱寂寞性應便

世業公侯籍生涯黍稷田藤懸讀書帳竹繁網魚船

已種千頭橘新開數脉泉閑遊携酒遠出語向僧偏

入洞題松過看花選石眠避喧長汨沒逢勝卽留連

自古多高跡如君少比肩耕耘此辛苦章句已流傳

昔日交遊盛當時省閣賢同袍還共弊連轡每推先

講序居重席群儒願執鞭滿堂虛左待衆目望喬遷

才異時難用情高道自全畏人顏慘澹疎物勢迥迥

賢者聞知命吾生復禮玄深藏報恩劔久降養生篇

憔悴衆夫笑經過郡守憐夕陽悲舊鶴霜氣動饑鷄

唐詩類苑

卷之九十

壬

處士誰能薦窮途世所捐伯鸞堪寄食元叔苦無錢

策蹇秋塵裏吟詩黃葉前故裘餘白領慈斷朱絃

志氣終猶在逍遙任自然家貧念婚嫁身老戀雲烟

放蕩棲巖鹿清虛飲露蟬鄭逃秦谷口嚴愛越溪邊

舊漢京猶阻榮枯子不牽山城一相遇感激意難宣

送蔡山人

高適

東山布衣明古今自言獨未逢知音識者閱見一生

事到處豁然千里心看書學劍長辛苦近日方思謁

明主斗酒相留醉復醒悲歌數年淚如雨丈夫遭遇

不可知買臣主父皆如斯今贈蹕無所以看爾別

騰何若爲

別楊山人

高適

不到嵩陽動十年舊時心事已徒然一二故人不復見三十六峯猶眼前夷門二月柳條色流鶯數聲淚沾臆鑿井耕田不我招知君以此忘帝力山人好去嵩陽路惟余眷眷長相憶

寄西嶽山人李岡

岑參

君隱處當一星蓮花峯頭飯黃精仙人掌上演丹經鳥可到人莫攀隱來十年不下山袖中知書誰爲遠華陰道士賣藥還

唐詩類苑

卷之九十

三

山人勸酒

李白

蒼蒼雲松落落綺皓春風爾來爲阿誰蝴蝶忽然滿芳草秀眉霜雪顏桃花骨清髓綠長美好稱是秦時避世人勸酒相歡不知老各守麋鹿志耻隨龍虎爭歛起佐太子漢皇乃復驚顧謂戚夫人彼翁羽翼成歸來商山下泛若雲無情舉觴酬巢由洗耳何獨清浩歌望嵩嶽意氣還相傾

憶金鵝山沈山人二首

盧仝

君家山頭松樹風適來入我竹林裏一片新茶破鼻香請君速來助我喜莫合九轉大還丹莫讀二十六

部大洞經開來共我說真意齒下領取真長生不須服藥求神仙神仙意智或偶然自古聖賢放入土淮南鷄犬驅上天白日上昇應不惡藥成且輒一丸藥暫時上天少問天地頭蠋尾誰安著

君愛鍊藥藥欲成我愛鍊骨骨已清試自比校得仙者也應合得天上行天門九重高崔嵬清空鑿出黃金堆夜叉守門晝不啓夜半醮祭夜半開夜叉喜懽動關鎖鎖聲撮地生風雷地上禽獸重血食性命血化飛黃埃太上道君蓮花臺九門隔闔安在哉嗚呼沈君大藥成兼須巧會見物情無求長生喪厥生

唐詩類苑

卷之九十

三

贈金鵝山人沈師魯

盧仝

金鵝山中客來到楊州市買藥牀頭一波顏撇然便有上天意日月高挂玄關深金膏切淬肌骨異人皆食穀與五味獨食太和陰陽氣浩浩流珠走百關綿綿若存有深致種玉不耕山外非內粹鑿儒關決文泉影風雅因君不復墜光不外照刃不磨迴避人間惡富貴三日四日五六日盤礴化完搜萬類書飲與酣陶天和夜話造微精魅示我插血不死方賞我風格不肥膩肉眼不識天上書小儒安敢窺與秘崑崙路隔西北天三山後浮不着地君到頭上憶我時

金簡爲吾鐫一字

金逸人歌贈李山人

張楚

上有堯今下有由
民當陽今漱潁流
其貌古其心幽
浩歌一曲今林壑
秋道險可驚今人
莫用樂天知命
今守巖洞時擊磬
今嗟鳴鳳吾欲知
往古之不可追
目悠悠於元夢

寄孫山人

儲光義

新林二月孤舟還
水滿清江花滿山
借問故園隱君子
時時來往住人間

送張山人

朱放

唐詩類苑 卷之九十

五

知君住處足風烟
古寺荒村在眼前
便欲移家逐君去
唯愁未有買山錢

贈強山人

郎士元

或棹輕舟或杖藜
尋常適意釣前溪
草堂竹徑在何處
落日孤烟寒渚西

寄朱闕二山人

張籍

爲箇朝章束此身
眼看東路去無因
歷陽舊客今應少
轉憶隣家二老人

贈韓山人

盧綸

見君何事不慙顏
白髮生來不到山
更嘆無家又無

藥往來唯在酒徒間

題李山人

白居易

厨無烟火室無妻
雛落蕭條屋舍低
每日將何療饑渴
井華雲粉一刀圭

春日過田明府遇焦山人

蘇廣文

陶公歸隱白雲溪
買得春泉溉藥畦
夜靜林間風虎嘯
月明竹上露禽棲
陳倉邑吏驚烽火
太白山人訝鼓鼙
相見只言秦漢事
武陵溪裏草萋萋

贈徐山人

李洞

徐生何代降坤維
曾伴園公採紫芝
瓦礫變黃憂世

唐詩類苑 卷之九十

五

換髭鬚放白怕人疑
山房古竹麝於樹
海島靈童壽等龜
知歎有唐三百載
光陰未抵一先淇

贈徐山人

戴叔倫

亂餘山水半凋殘
江上逢君春正闌
針自指南天宵宵
星猶拱北夜漫漫
漢陵帝子黃金盃
晉代神仙白玉棺
回首風塵千里別
故園烟雨五峰寒

送曲山人之衡州

司空曙

白石先生眉髮光
已分甜雪飲紅漿
衣巾半染烟霞氣
語笑兼和藥草香
茅洞玉聲流暗水
衡山碧色映朝陽
千年城郭如相問
誰表峨峨有夜霜

贈顓頊山人

劉滄

浩氣含真玉片輝著書精義入玄微洛陽紫陌幾曾
醉少室白雲時一歸松雪月高唯鶴宿烟嵐秋霽到
人稀知君濟世有長策莫問滄浪隱釣磯

贈牛山人

賈島

二十年中餌茯苓致書半是老君經東都舊住商人
宅南國新修道士亭鑿石養蜂休買蜜坐山秤藥不
爭星古來隱者多能卜欲就先生問丙丁

贈王山人

許渾

賈酒携琴訪我頻始知城市有閑人君臣藥在寧憂
病子母錢成豈患貧年長每勞推甲子夜寒初共守
庚申近來聞說燒丹處玉洞桃花萬樹春

贈李山人

黃滔

野步愛江濱江僧得見頻新文無古集往事有清塵
松竹寒時雨池塘勝處春定應雲雨內陶謝是前身

題石山人

白居易

騰騰兀兀在人間貴賤賢愚盡往還羶膩筵中唯飲
酒歌鍾會處獨思山存神不許三尸住混俗無妨兩
鬢班除却餘杭白太守何人更解愛君閑

送徐山人歸睢州舊隱

雍陶

君在桐廬何處住草堂應與戴家鄰初歸山大翻驚
主久別江鷗却避人終日欲爲相逐計臨時空羨獨
行身秋風釣艇遙相憶七里灘西片月新

贈五牙山人洗脩白

方干

變通唯在片時閑此事全由一粒丹莫取壽長延至
易如嫌地遠縮何難先生闊別能輕舉弟子纔來學
不餐篋裏生塵是閑藥外沾猶可救衰殘

幽人

杜甫

孤雲亦羣遊神物有所歸麟鳳在赤霄何當一來儀
往與惠詢輩中年滄洲期天高無消息垂我忽若遺

唐詩類苑

卷之九十

內懼非道流幽人在瑕疵洪濤隱語笑世蓬萊池
崔嵬扶桑日昭曜珊瑚枝風帆倚翠蓋暮把東皇衣
嚙嗽元和津所思烟霞微知名未足稱局促南山芝
五湖復浩蕩歲暮有餘悲

幽人

李商隱

丹竈三年火蒼崖萬歲藤樵歸說逢虎棋罷正留僧
星斗同秦分人烟接漢陵東流清渭苦不盡照衰興

贈泗口苗居士

鄭谷

歲宴樂園林維摩契道心江雲寒不散庭雪夜方深
酒勸漁人飲詩憐稚子吟四鄰多壘日勉我捨朝簪

題王居士

許渾

筇杖倚柴關，都城賣卜還。
雨中耕白水，雲外斲青山。
有藥身長健，無機性自閑。
即應生羽翼，華表在人間。

題杜居士

許渾

松偃石牀平，何人識姓名。
溪冰寒棹響，巖雪夜牕明。
機盡心孤伏，神閑意馬行。
應知此來客，身世兩無情。

寄廬山樸衣居士

韋應物

兀兀山行無處歸，山中猛虎識樵衣。
俗客欲尋應不遇，雲溪道士見猶稀。

敷溪高士

鄭谷

唐詩類苑

卷之九十

天

敷溪南岸掩柴荆，挂却朝衣愛靜名。
閑得園林栽樹法，喜聞兒姪讀書聲。
眠牕日暖添幽夢，步野風清散酒醒。
謫去徵還何擾擾，片雲相伴看衰榮。

寄丹丘子

李白

聞丹丘子於城北營石門幽居，中有高風遺跡，僕離羣遠懷，亦有棲遁之志，因敘舊以寄之。

春華滄江月，秋色碧海雲。
離居盈寒暑，對此長思君。
思君楚水南，望君淮水北。
夢魂雖飛來，會面不可得。
疇昔在嵩陽，同衾卧羲皇。
綠蘿笑簪綬，丹壑美巖廊。
晚途各分析，乘興任所適。
僕在鴈門關，君爲峨眉客。

心懸萬里外，影滯兩鄉隔。
長劍復歸來，相逢洛陽陌。

陌上何喧喧，都令心意煩。
迷津覺路失，託勢隨風翻。

以茲謝朝列，長嘯歸故園。
故園恣閑遊，求古散繚帙。

久欲入名山，婚娶殊未畢。
人生信多故，世事豈惟一。

念此憂如焚，悵然若有失。
聞君卧石門，宿昔契彌敦。

方從桂樹隱，不羨桃花源。
高風起遐曠，幽人跡復存。

松風清瑤瑟，溪月湛芳樽。
安居偶佳賞，丹心期此論。

白鶴飛天書，南荆訪高士。
五雲在現山，果得參寥子。

駢辭辭故園，昂藏入君門。
天子分玉帛，百官接話言。

唐詩類苑

卷之九十

三九

毫墨時灑落，探玄有奇作。
著論窮天人，千春秘麟閣。

長揖不受官，拂衣歸林壑。
余亦去金馬，藤蘿同所攀。

相思在何處，桂樹青雲端。

盧郎中雲夫寄示送盤谷子詩兩章，歌以和之。

昔尋李愿向盤谷，正見高崖巨壁爭開張。
是時新晴天井溢，誰把長劒倚太行。

衝風吹破落天外，飛雨白日灑洛陽。
東蹈燕川食曠野，有饋木蔌芽滿筐。

馬頭溪深不可厲，借車載過水入箱。
平沙綠浪榜方口，鴈鴨飛起穿垂楊。

窮探極覽頗恣橫，物外日月本不忙。

歸來辛苦欲誰爲坐令再往之許墮眇芒閉門長安
三日雪推書撲筆歌慷慨旁無壯士遺屬和遠憶盧
老詩顛狂開緘忽親送歸作字向紙上皆軒昂又知
李侯竟不顧方冬獨入崔嵬藏我今進退幾時決十
年蠹齋隨朝行家請官供不報答何異雀鼠偷太倉
行抽手版付丞相不待彈劾還耕桑

訓裴雲客

元結

身厭久荒浪於時無所任耕釣以爲事來家樊水陰
甚醉或漫歌甚閑亦漫吟不知愚僻意稱得雲客心
雲客方持斧與人正相臨符印隨坐起守位常森森
唐詩類苑 卷之九十 三十
縱能有相招豈暇來山林

遇冲和先生

高適

冲和生何代或謂遊東溟三命謁金殿一言拜銀青
自云多方術往往通神靈萬乘親問道六宮無敢聽
昔云限霄漢今來覩儀形頭戴鷗鳥冠手搖白鶴翎
終日飲醇酒不醉復不醒猶憶鷄鳴山每誦西昇經
拊背念離別依然出戶庭莫見今如此曾爲一客星

贈劉先生閑居先生及第後爲進士居太清

宮又從戎而後歸

儲光義

高第後歸道乃居玉華宮遙遙人間世不異浮丘公

甘寢何秉羽出門忽從戎方將遊崑崙又欲小崆峒
進退既在我歸來長安中焚香東海君侍坐西山童
善行無轍跡吾亦安能窮但見神色閑中心如虛空
期之此天老真德輔帝鴻

周先生

寥寥空山岑冷冷風松林流月垂鱗光懸泉揚高音
希夷周先生燒香調琴心神功盈三千誰能還黃金

贈丘先生

鄭巢

雲泉心不爽垂日坐柴關硯取簷前雨一作圖開異
國山原僧招過宿沙鳥伴長閑地與中峰近殘陽獨
唐詩類苑 卷之九 三十一
不還

贈栢巖老人

錢起

日與麋鹿群賢哉買山叟麗眉忽相見避世一何久
林棲古崖曲野事佳春後瓠葉覆荆扉栗苞垂甕牖
獨歌還獨酌不耕亦不耦磽田隔雲溪多雨長稂莠
烟霞得情性身世同芻狗寄謝營道人天貞此翁有

擊磬老人

王昌齡

雙峯褐衣久一磬白眉長誰識野人意徒看春草芳

贈山老人

李端

白首獨一身青山爲四隣雖行故鄉陌不見故鄉人

栢崖老人號無名先生男削髮女黃冠

雲泉獨樂命予賦詩 錢起

古也憂婚嫁君能樂性場一作場長男棲月宇少女炫
霓裳問爾餐霞處春山芝桂旁鶴前飛九轉壺裏駐
三光與我開龍嶠披雲靜藥堂胡麻兼藻綠石髓隔
花香帝力言何有椿年喜漸長官然高象外寧不傲
羲皇

贈太白老人

張籍

日觀東峯幽客住竹巾藤帶亦逢迎暗修黃籙無人
見深種胡麻共犬行洞裏仙家常獨往壺中靈藥自
唐詩類苑 卷之九十 三

爲名春泉四面遶茅屋日日唯聞杵臼聲

過野叟居

馬戴

野人閑種樹樹老野人前居止白雲內漁樵洽海邊
呼兒採山藥放犢飲溪泉自著養生論無煩憂暮年

空靈山應田叟

常建

湖南無村落山舍多黃茆淳朴如太古其人居鳥巢
牧童唱巴歌野老亦獻嘲泊舟問幾口言語皆啞咬
士俗不尚農豈暇論肥瘠莫怪射禽獸浮客烹魚鮫
余亦累置人獲慶今尚苟敬君中園來願以充其厄
日入聞虎聞空山滿野叟人雖共安異域終難交

白水可洗心采薇可爲穀拽策背落日江風鳴稍稍

贈田叟

李商隱

荷蓀衰翁似有情相逢攜手遶村行燒畬曉映遠山
色伐樹暝傳深谷聲鷗鳥忘機翻浹洽交親得路昧
平生撫躬道直誠感激在野無賢心自驚

紫溪翁歌

陸龜蒙

一丘之木其棲深也屋吾客不辱一溪之石其居平
也席吾勞以息一竇之泉其音清也絃吾方在懸得
乎人得乎天吾不知所以然而然先生側弁而廣之
日采江之魚今朝船有鱸采江之蔬今暮僅有蒲左
唐詩類苑 卷之九十 三

圖且書右琴與壺壽歟天歟貴歟賤歟歌闕而去

贈溪翁

王建

溪田借四隣不省解憂身看日和仙藥書符救病人
伴僧齋過夏中酒臥經旬應得丹砂一作霜力春來黑
髮新

與李十二白同尋范十隱居

杜甫

李侯有佳句往往似陰鏗余亦東蒙客憐君如弟兄
醉眠秋共被攜手日同行更想幽期處還尋北郭生
入門高興發待立小童清落景聞寒杵屯雲對古城

向來吟橘頌誰與討尊羹不願論簪笏悠悠滄海情

送陳元初卜居麻源

僧靈一

欲向麻源隱能尋謝客踪空山幾千里幽谷第二重
巖宇寧須葺荷衣不待縫因君見往事爲我謝喬松

靖安窮居

元稹

喧靜不由居遠近大都車馬就權門野人住處無名
利草滿空階樹滿園

僻居酬友人

伍喬

僻居雖愛近林泉幽徑閑園任薜蘿連向竹掩扉隨鶴
息就溪安石學僧禪古瑟帶月首聲正山果經霜氣

唐詩類苑

卷之九十

三

味全多謝故交憐朴野隔雲時復寄佳篇

歲暇題茅茨

錢起

谷口逃名客歸來遂野心薄田供歲酒喬木待新禽
溪路春雲重山厨夜火深桃源應漸好仙客許相尋

送李十四山東遊

一作山東遊
韋應物

聖朝有遺逸披膽謁至尊豈是留榮寵誓將救元元
權豪非所便書奏寢禁門高歌長安酒忠憤不可吞

歛來客河洛日與靜者論濟世翻小事丹砂駐精魂
東遊無復繫梁楚多大蒼高論動侯伯疎懷脫塵喧
送君都門野飲我林中樽立馬望東道白雲滿梁園

脚厨欲何贈空是平生言

贈聶曉

鄭薰

密雪松桂寒書牕導餘清風滅水玉碎階前琴磬聲
榻靜几硯潔帙散縑細明高論展僧肇精言資輩生
立意加玄虛析理分縱橫萬化悉在我一物安能驚
江海何所動丘山常自平遲速不相關後先徒起爭
鏡照各妍醜秤稱分重輕顏容寧入鑑銖兩豈關衡
蘊微道超忽剖證音冷冷紙上掣牢鍵舌端搖利兵
圓澈保真性客塵排妄情有住即非住無行方是行
疎越拾吳典朱絃鄙秦箏淡蕩貴無味羊斟慙大羹

唐詩類苑

卷之九十

三

包乾坤幽宵潛沈冥罔煩跬步舉頓達萬里程
廬遠尚莫曉隱留曾誤聽直須持妙說共詣毗耶城

酬楊北部員外暮宿琴堂朝躋書閣率爾見

贈之作

盧照隣

閑拂簷塵看鳴琴候月彈桃源迷漢姓松徑有秦官
空谷歸人少青山背日寒美君栖隱處遙望在雲端

贈孟浩然

李白

吾愛孟夫子風流天下聞紅顏棄軒冕白首卧松雲
醉月頻中聖迷花不事君高山安可仰徒此揖清芬

澗南卽事

孟浩然

弊廬在郭外素產惟田園左右林野曠不闢城事
釣竿垂北澗樵唱入南軒書取幽棲事將尋靜者言

嚴陵釣臺貽行宮

許渾

故人天下定歸釣碧巖幽舊跡隨苔古高名寄水流
鳥喧群木晚蟬急衆山秋更待新安月憑君暫駐舟

贈任懶

張籍

未肯求科第深坊且隱居勝遊尋野客高卧看丘書
點藥醫閑馬分泉灌遠蔬漢庭無得意誰擬薦相如

酬李十六岐

王季友

鍊丹文武火未成賣藥販屨俱逃名出入迷行洛陽

唐詩類苑

卷之九十

三

道乘流醉卧滑臺城城下故人久離怨一歡適我兩
家願朝飲杖懸沽酒錢暮餐囊有松花飯於何車馬
日憧憧李膺門館爭登龍千賓揖對江流水五經發
難如扣鐘下筆新詩行滿壁立談古人坐在席問我
草堂有臥雲知我山儲無儋石自耕自刈食爲天如
鹿如麋飲野泉亦知世上公卿貴且養丘中草木年

湖山歌送許鳴謙

并序

皇甫冉

夫子隱者也耕於湖山之田孤雲無心飛鳥無跡
伯仲邈邈家人怡怡貞白之風旁行於澆俗矣始
惠然而去又爲湖山歌春曰雪餘具物饒結我

幽夢湖間一峯酒而歌歌之以送遠

湖中之山今波上青桂颯颯今雨冥冥君歸今春早
滿山今碧草晨春暮汲今心何求澗戶巖扉今身自
老東嶺西峯今同白雲鷄鳴犬吠今時相聞幽芳媚
景今當嘉月踐石捫蘿今恣超忽空山寂寂今頽陽
人旦夕孤雲隨一身

春山三竭來

李涉

釣魚竭來春日暖松溪不厭舟行緩野竹初栽碧玉
長澄潭欲下青絲短昔人避世兼避仇霖栢雲外兼
悠悠我今無事亦如此亦鮓忽到長竿頭汎汎隨波

唐詩類苑

卷之九十

三

凡幾里碧沙如烟沙似砥瘦壁橫空怪石危山花闌
日禽爭水有時帶月歸扣舷身閑自是漁家仙
山上竭來採新茗新花亂發前山頂瓊英動搖鍾乳
碧叢高下隨崖嶺未必蓬萊有仙藥能向鼎中雲
漠漠越隴遙見梨鼻香欲覺身輕騎白鶴
採藥竭來藥苗盛藥生只傍行人徑世人重耳不重
目指似藥苗心不足野客住山三十載妻兒共寄浮
雲外小男學語便分別已辨君臣知匹配都市廣長
開大鋪疾來求者多相悅見說韓康舊姓名識之不
識先相怒

偶題

鄭雲叟

似鶴如雲一箇身不憂家國不憂貧擬將枕上日高睡賣與世間榮貴人

偶吟

白居易

人生變改故無窮昔是朝官今野翁久寄形於失紫內漸抽身入蕙荷中無情水任方圓器不繫舟隨去住風猶有鱸魚葦菜興來春或擬往江東

唐詩類苑

卷之九十一

三八一

唐詩類苑卷第九十一

明雲間張之象玄超甫纂輯

雲間高承祚元錫甫編次

雲間王徹叔朗甫補訂

梁谿曹仁孫伯安甫校正

人部

閑適

詠閑

白居易

但有閑銷日都無事繫懷朝眠因客起午飯伴僧齋樹合陰交戶池分水夾階就中今夜好風月似江淮

唐詩類苑

卷之九十一

二

逍遙詠

白居易

亦莫戀此身亦莫厭此身此身何足戀萬劫煩惱根此身何足厭一聚虛空塵無戀亦無厭始是逍遙人

閑園卽事寄贈韋侍御

蘇頲

結廬東城下直望江南山青靄遠相接白雲來復還拂筵紅蘚上開謾綠條間物應春偏好情忘趣轉閑
憲臣饒美政聯事惜徂顏有酒空盈酌高車不可攀
常與大理丞裴公太府丞田公偶詣一所林
木尤勝因並坐其次相得甚歡遂賦詩焉
以詠其事

張九齡

方駕與吾友同懷不異尋偶逢池竹處便會江湖心
夏近林方密春餘水更深清華兩輝映閑步亦窺臨
蘋藻復佳色鳥鷺亦好音韶芳媚洲渚蕙氣襲衣襟
蕭散皆爲樂徘徊徒所欽謂予成夙志歲晚共抽簪

與生公尋幽居處

張九齡

同方久厭俗相與事遐討及此雲山去官然巖徑好
疑入武陵源如逢漢陰老清諧欣有得幽閑歛盈地
我本玉塔侍偶訪金仙道茲焉求卜築所過皆神造
歲晚林始敷日晏選方杲不種綠嶺竹豈植臨潭草
卽途可淹留隨日成黼黻斯爲靜者說曾是終焉保

唐詩類苑

卷之九十一

二

今爲簡書長祇令歸思浩

南山下舊居閑放

張九齡

祇役已云久乘閑返服初塊然屏塵事幽獨坐林間
清曠前山遠紛喧此地疎喬木凌青靄修篁媚綠渠
耳和繡翼鳥目暢錦鱗魚寂寞心還閒飄飄體自虛
興來命旨酒臨罷閱仙書但樂多幽意寧知有毀譽
尚想爭名者誰云要路居都忘下流歎傾軋竟何如

灞上閑居

王昌齡

鴻都有歸客偃卧滋陽村軒冕無枉顧清川照我門
空林網夕陽寒鳥赴荒園廓落時得意懷哉莫與言

庭前有孤鶴欲啄常翻翻爲我銜素書弔彼顏與原
二君旣不朽所以慰其冤

閑居

儲光羲

薄遊何所愧所愧在閑居親故不來往中園時讀書
步欄滴餘雪春塘抽新蒲梧桐漸覆井時鳥自相呼
悠然念故鄉乃在天一隅安得如浮雲來往方須臾

閑居自題

白居易

門前有流水牆上多高樹竹逕遶荷池紫迥不餘步
波閑戲魚鼈風靜下鷗鷺寂無城市喧渺有江湖趣
吾廬在其上偃卧朝復暮洛下安一居山中亦慵去

唐詩類苑

卷之九十一

三一

時逢過客愛問是誰家住此是白家翁閑門終老處

湖上閑居

竇叅

避影將息陰自然知音稀向來深林中偶亦有所窺
飛鳥口銜食引鵲上高枝高枝但各有安知宜不宜
止止復何云物情何自私

閑居寄包何

錢起

去名卽棲遁何必歸滄浪種藥幽不淺杜門喧自忘
林眠多曉夢鷗散驚初陽片雪幽雲至迴風隣果香
佳期碧天末惆悵紫蘭芳

春日閑居三首

白居易

陶云愛吾廬吾亦愛吾屋屋中有琴書聊以慰幽獨
是時三月半花落庭蕪綠舍上晨鳩鳴牕間春睡足
睡足起閑坐景晏方櫛沐今日非十齋庖童饋魚肉
饑來恣餐歡冷熱隨所欲飽竟快搔把筋骸無檢束
豈徒暢肢體兼欲遺耳目便可傲松喬何假杯中綠

二

廣池春水平羣魚恣游泳新林綠陰成衆鳥欣相鳴
時我亦瀟灑適無累與病魚鳥人則殊同歸於遂性
緬思山梁雉時哉感孔聖聖人不得所慨然歎時命
我今對麟羽取樂成謠訪得所乃得時吾生一何幸

屋詩類苑

卷之九十一

四

三

勞者不覺歌歌其勞苦事逸者不覺歌歌其逸樂意
問我逸何如閑居多興味問我樂如何閑官少憂累
又問俸厚薄百千隨月至又問年幾何七十行欠二
所得皆過望省躬良可愧馬閑無羈絆鶴老有祿位
設自爲化工優饒只如是安得不歌詠默默受天賜
常樂里閑居偶題十六韻兼寄劉十五公與

王十一起呂二吳呂四穎崔十八玄亮元
九稹劉三十二敦質張十五仲元時爲校

書郎

白居易

帝都名利場鷄鳴無安居獨有懶慢者日高頭未梳
工拙性不同進退迹遂殊幸逢太平代天子好文儒
小才難大用典校在秘書三旬兩入省因得養頑疏
茅屋四五間一馬二僕夫俸錢萬六千月給亦有餘
既無衣食牽亦少人事拘遂使少年心日日常晏如
勿言無知己躁靜各有徒蘭臺七八人出處與之俱
旬時阻談笑旦夕望軒車誰能讐校間解帶卧吾廬
牕前有竹翫門外有酒沽何以待君子數竿對一壺

閑居

白居易

空腹一盞粥饑食有餘味南簷半牀日暖卧因成睡

屋詩類苑

卷之九十一

五

錦袍擁兩膝竹几支雙臂從晨直至昏身心亦無事
心足卽爲富身閑乃當貴富貴在此中何必居高位
君看裴相國金紫光照地心苦頭盡白纔年四十四
乃知高蓋車乘者多憂畏

昭國閑居

白居易

貧閒日高起門巷晝寂寂時暑放朝叅天陰少人客
槐花滿田地僅絕人行跡獨在一牀眠清涼風雨夕
勿嫌坊曲遠近卽多牽役勿嫌祿俸薄厚卽多憂責
平生尚恬曠老大宜安適何以養吾真官閑居處僻

閑居

白居易

深閉竹間扉靜掃松下地獨笑晚風前何人知此意
看山盡日坐枕帙移時睡誰能從我遊使君心無事

閑居

白居易

肺病不飲酒眼昏不讀書端然無所作身意閑有餘
鷄栖籬落晚雪映林木疎幽獨已云極何必山中居

閑居偶吟招鄭庶子皇甫郎中

白居易

自哂此迂叟少迂老更迂家計一不問園林聊自娛
竹間琴一張池上酒一壺更無俗物到但與秋光俱
古石蒼錯落新泉碧縈紉焉用車馬客卽此是吾徒

唐詩類苑

卷之九十一

六

猶有所思人各在城一隅杳然愛不見搔首方踟躕
玄晏風韻遠子真雲貌孤誠知厭朝市何必憶江湖
能來小澗上一聽潺湲無

閑居贈友

韋應物

補吏多下遷罷歸聊自度園廬旣蕪沒煙景空澹泊
閑居養痾瘵守素甘葵藿顏贊日衰耗冠帶亦寥落
青苔已生路綠筠始分籜夕氣下遙陰微風動疎薄
草玄良見諄杜門無請託非君好事者誰來一作能顧

寂寞

幽居

韋應物

貴賤雖異等出門皆有營獨無外物牽遂此幽居情
微雨夜來過不知春草生青山忽已曙鳥雀繞舍鳴
時與道人偶或隨譙者行自當安蹇劣一作拙誰謂薄
世榮

閑居

高適

都中閑居

王美門

柳色驚心事春風厭索居方知一杯酒猶勝百家書
君王巡海內北闕下明臺雲物天中少煙花歲後來
河從御苑出山向國門開寂寥果居裏空留賈誼才

輞川閑居

王維

唐詩類苑

卷之九十一

七

一從歸白社不復到青門時向簷前樹遠看原上村
青菰臨水映白鳥向山翻寂寞於陵子桔槔方灌園
輞川閑居贈裴秀才迪 王維

寒山轉蒼翠秋水日潺湲倚杖柴門外臨風聽暮蟬
渡頭餘落日墟里上孤煙復值接輿醉狂歌五柳前

閑居

常建

青苔常滿路流水復入林遠與市朝隔日聞鷄犬聲
寥寥丘中想渺渺湖上心嘯傲轉無欲不知成陸沈

閑居寄薛據

于良史

隱几讀黃老閑齋耳目清僻居人事少多病道心生

雨洗山林濕鷓鴣鳴池館清晚來因廢卷行樂至西坡

秋日閑居

僧修睦

是事不相關誰人似此閑卷簾當白晝移榻對青山
野鶴眠松上秋苔長雨間嶽僧頻有信昨日得書還

閑居

張籍

東城南北塵紫幃與朱輪盡說無多事能閑有幾人
唯教推甲子不信守庚申誰見衡門裏終朝自在貧

嘉會里閑居

韋莊

豈知城關內有地出紅塵草占一坊一作綠樹藏千
古春馬嘶遊寺客大吹探花人寂寂無鐘鼓槐行接

唐詩類苑

卷之九十一

八

紫宸

閑居

李遠

塵事久相棄沈浮皆不知牛羊歸古巷燕雀遶疎籬
買藥經年曬留僧盡日基唯憂釣魚伴秋水隔波相

閑居即事

朱慶餘

深嶂多幽景閑居野興清滿庭秋雨過連夜綠苔生
石面橫琴坐松陰採藥行超然塵事外不似絆浮名

燕居

羊士諤

秋齋膏沐暇旭日照軒窗露重芭蕉葉香橘柚枝
簡書隨吏散寶騎與僧期報國得何力流年已覺衰

春日閑居三首

秦系

一似桃源隱時令過客迷礙冠門柳長驚夢院鶯啼
澆藥泉流細圍碁日影低舉家無外事共愛草萋萋

二

長謡朝復暝幽獨幾人知老鶴兼鷄弄叢篁帶笋移
白雲將袖拂青鏡出簷窺邀取漁家叟花間把酒卮

三

寂寂池亭裏軒窗間綠苔遊魚牽荇沒戲鳥數花催
小逕僧尋去高峰鹿下來中年曾屢辟多病復遲違

閑居二首

元稹

唐詩類苑

卷之九十一

九

曉淡洲煙白籬籬日脚紅江喧過雲雨船泊打頭風
艇子收魚市鴉兒噪荻叢不堪堤上立滿眼是蚊蟲

二

青衫經夏黜白髮望鄉稠雨冷新秋簾星稀欲曙樓
連鴻盡南去雙鯉本東流北信無人寄蟬聲滿樹頭

閑居寄苗發

司空曙

漸向浮生老前期竟若何獨身居處靜未夜坐時多
厭逐青林客休吟白雪歌支公有遺寺重與謝安過

閑居即事

王建

老病貪光景尋常不下簾妻然就酒僻人怪考詩嚴

小婢偷紅紙嬌兒弄白髻有時看舊卷未免意中熱

燕居卽事

韋應物

蕭條竹林院風雨叢蘭折幽鳥林上啼青苔人跡絕
燕居日已永夏木紛成結几閣積羣書時來北牕閱

閑居作

皇甫冉

多病辭官罷閑居作賦成圖書唯藥錄飲食止烹羹
學謝淹中術詩無鄴下名不堪趨建禮詎足厭承明
已輕金門步方從石路行遠山期道士高柳覓先生
性懶尤因疾家貧自少營鍾苗雖尚短穀價幸全輕
篇詠投康樂壺觴就步兵何人肯相訪開戶一逢迎

唐詩類苑

卷之九十一

十一

閑居自題戲招宿客

白居易

水畔竹林邊閑居二十年健常攜酒出病卽掩門眠
解綬收朝珮寒裳出野船屏除身外物擺落世間緣
報曙窗何早知秋簟最先微風深樹裏斜日小窗前
渠口添新石籬根寫亂泉欲招同宿客誰解愛潺湲

閑居寄端及重陽

韋應物

山明野寺曙鐘微雪滿幽林人跡稀閑居寥落生高
興無事風塵獨不歸

長安閑居

白居易

風竹松煙畫掩關意中長似在深山無人不怪長安

住何獨朝朝暮暮閑

閑居雜題五首

以題十五
字離合

陸龜蒙

鳴蜩早

閑來倚杖柴門口鳥下深枝啄晚蟲周步一池銷半
日十年聽此聲如蓬

野熊真

君如有意耽田里予亦無機向藝能心跡所便唯是
直人間聞道最先憎

松間斟

子山園靜憐幽木公幹詞清詠華門月上風微瀟灑
唐詩類苑 卷之九十一

甚斗醪何惜置盈樽

飲巖泉

已甘茅洞三君食欠買桐江一朵山巖子瀨高秋浪
白水禽飛盡釣舟還

當軒鶴

自笑與人乖好尚田家山客共柴車干時未似棲廬
雀鳥道間攜相爾書

奉和雜題五首

皮日休

晚秋吟

東臯煙雨歸耕日免去玄冠手刈禾火滿酒爐詩在

口今人無計奈儂何

好詩景

青盤香露傾荷女子墨風流更不言寺寺雲蘿堪度
日京塵到死撲候門

醒聞櫓

解洗餘醒晨半酉星星仙吹起雲門耳根莫厭聽佳
木會盡山中寂靜源

寺鐘暝

百緣斗數經塵土寸地章煌欲布金擊蒲牢吟山
日冥冥煙樹靚棲禽

唐詩類苑

卷之九十一

十三

砌思步

灑灑古薛綳危石切切陰蟬應晚田心事萬端何處
止少夷峯下舊雲泉

洛下閑居寄山南令狐相公

白居易

已收身向園林下猶寄名於祿仕間不鍛嵇康彌懶
靜無金疎傳更貧閑支分門內餘生計謝絕朝中舊
往還唯是相君未忘得時思漢水夢巴山

閑居即事

費冠卿

生計唯將三尺僮學它賢者隱墻東照眠夜後多因

月掃地春來祗籍風幾處旌旗驅戰士一園春草伴
衰翁子房先去孔明死更有何人解指縱

新昌閑居招楊郎中兄弟 白居易

槐花雨潤新眠翁忙少閑多誰與同但有雙松當砌
下更無一事到心胸金章紫綬看如夢皂蓋朱輪別
似空暑月貧家無所有客來唯贈北牕風

和劉評事未樂閑居見寄 李商隱

白社幽閑君暫居青雲器業我全疎看封諫草歸
披尚黃衙門待鶴書蓮聳碧峰關路近荷翻翠扇水
堂虛自探典籍忘名利欹枕時驚落蠹魚

唐詩類苑

卷之九十一

十三

閑居

白居易

風雨蕭條秋少客門庭冷靜晝多關金鴨駱馬近賣
却羅袖柳枝尋放還書卷暑尋聊取睡酒杯淺把粗
開顏眼昏入夜休看月脚重經春不上山心靜無妨
喧處寂機忘兼覺夢中閑是非愛惡銷停盡唯寄空
身在世間

山中閑卧即事

蘇頌

息燕歸簷靜飛花落院門不愁愁自若誰道憶鄉關

秋涼閑卧

白居易

殘暑書窗長早涼犬吠露荷散清香風竹含疎韻

幽閑竟日卧衰病無人問薄暮宅門前槐花深一寸

閑卧寄劉同州

白居易

軟褥短屏風昏昏醉卧翁鼻香茶熟後暖日暘中
伴老琴長在迎春酒不空可憐閑氣味惟欠與君同

閑卧二首

白居易

薄食當齋戒散班同隱淪佛容爲弟子天許作閑人
唯置牀臨水都無物近身清風散髮卧兼不要紗巾

二

盡日前軒卧神閑竟亦空有山當枕上無事到心中
簾卷侵牀日屏遮入座風望春春未到應在海門東

唐詩類苑

卷之九十一

十四

閑眠

白居易

煖牀斜卧日曛腰一覺閑眠百病銷盡口一餐茶兩
椀更無所要到明朝

睡起晏坐

白居易

後亭晝眠足起坐春景暮新覺眠猶昏無思心正佳
淡寂歸一性慮閑遺萬慮了然此時心無物可譬喻

本是無有鄉亦名不用處行和史坐忘同歸無異路

北牕閑坐

白居易

虛牕兩叢竹靜室一爐香紅塵合城中白日忙
無煩尋道士不要學仙方自有延年術心閑歲月長

閑坐二首

白居易

婆娑放鷄犬嬉戲任兒童獨坐槐陰下開襟向晚風
漚麻池水裏聯棗日陽中人物何相稱居然田舍翁

二

煖擁紅爐火閑搔白髮頭百年慵裏過萬事醉中休
有室同摩詰無兒比鄧攸莫論身在日身後亦無憂

飽食閑坐

白居易

紅粒陸渾稻白鮮伊水魴庖童呼我食飯熟魚鮮香
筋筋適我口匙匙克我腸八珍與五鼎無復心思量

捫腹起盥漱下階振衣裳遶庭行數匝却上簷下牀

唐詩類苑

卷之九十一

十五

箕踞擁裘坐半身在日暘可憐飽煖味誰肯來同嘗
是歲大和入兵銷時漸康朝廷重經術草澤搜賢良

堯舜求理切夔龍啓沃忙懷才抱智者無不走遑遑
唯此不才叟頑慵戀洛陽飽食不出門閑坐不下堂

子弟多寂寞僮僕少精光衣食雖克給神意不揚揚
爲爾謀則短爲吾謀甚長

晚起閑行

白居易

瞢然一老子擁裘仍隱几坐穩夜忘眠卧安朝不起
起來無可作閑目時叩齒靜對銅爐香煖漱銀瓶水

午齋何儉潔餅與蔬而已西寺請楞伽閑行一隨喜

洛陽堰閑行

白居易

洛陽堰上新晴日長夏門前欲暮春遇酒卽沽逢樹歇七年此地作閑人

傍水閑行

裴度

閑餘何事覺身輕暫脫朝衣傍水行鷗鳥亦知人意靜固來相近不相驚

閑行

白居易

五十年來思慮熟忙人應未勝閑人林園傲逸真成實衣食單疎不是貧專掌圖書無過地遍尋山水自由身儻年七十猶強健尚得閑行十五春

唐詩類苑

卷之九十一

六

林下閑步寄皇甫庶子

白居易

扶杖起病初策馬立未任旣懶出門去亦無客來事以此遂成閑閑步遶園林天曉煙景淡樹寒鳥雀深一酌池上酒數聲竹間吟寄言東曹長當知幽獨心

春江閑步贈張山人

白居易

江景又妍和牽愁發浩歌晴砂金屑色春水翹塵波紅簇交枝杏春含卷葉荷藉莎憐輭暖樹愛婆娑音信朝賢斷知音野老多相逢不閑語爭奈日長何

春朝閑步

楊師道

見歲時部春

閑出

白居易

身外無羈束心中少是非被花留便住逢酒醉方歸人事行時少官曹入日稀春寒遊正好穩馬薄綿衣

閑出

白居易

兀兀出門何處外新昌街晚樹陰斜馬蹄知意緣行熟不向楊家卽庾家

湖上閑望

白居易

藤花浪拂紫茸條菰葉風翻綠剪刀閑弄水芳生楚思時時合眼詠離騷

閑適

白居易

祿俸優饒官不卑就中閑適是分司風光煖助遊處雨雪寒供飲燕時肥馬輕裘還且有公歌薄酒亦相隨微躬所要今皆得只是蹉跎得校遲

閑意

白居易

不爭榮耀任沈淪日與時疎共道親北省朋僚音信斷東林長老往還頻病停夜食閑如社慵擁朝裘緩似春漸老漸諳閑氣味終身不擬作忙人

閑遊二首

韓愈

雨後來更好繞池偏青青柳花閑度竹菱歌穿萍獨坐殊未厭孤斟詎能醒持竿至日暮歸欲誰聽

二

茲遊苦不數再到遂經旬萍蓋汙池淨藤籠老樹新
林鳥鳴訝客岸竹長遮鄰子雲祇自守奚事九衢塵

城中閑遊

劉禹錫

借問池臺主多居要路津千金買絕境末日屬閑人
竹逕繁紆入花林委曲巡斜陽衆客散空鎖一園春

閑遊

李建勳

攜酒復攜觴朝朝一似忙馬諳頻到路僧借舊眠牀
道勝他圖薄身閑白日長扁舟動歸思高處見滄浪

閑遊

李商隱

唐詩類苑

卷之九十一

十八

危亭題竹粉曲沼嗅荷花數日同攜酒平明不在家
尋幽殊未極得句總堪誇強下西樓去口樓倚暮霞

閑遊

白居易

外事因慵發中懷與靜期尋泉上山遠看笋出林遲
白石磨樵斧青竿理釣絲澄清深淺好最愛夕陽時

春未夏初閑遊江郭二首

白居易

閑出乘輕屐徐行蹋軟沙觀魚傍湓浦看竹入楊家
林迸穿籬笋藤飄落水花雨埋釣舟小風颺酒旗斜
嫩刺青菱角濃煎白茗芽淹留不知夕城樹欲栖鴉

二

柳影繁初合鶯聲漸稀早梅迎夏結殘絮送春飛
西日韶光盡南風暑氣微展張新小簾熨帖舊生衣
綠蟻杯香嫩紅絲鱸縷肥故園無此味何必苦思歸

閑遊即事

白居易

郊野遊行熟村園次第過鷺山尋浥澗踏水渡伊河
寒食青青草春風瑟瑟波逢人共杯酒隨馬有笙歌
勝事經非少芳辰過亦多還須自知分不老擬如何

城東閑遊

白居易

寵辱憂歡不到情任他朝市自營營獨尋秋景城東
去白鹿原頭信馬行

唐詩類苑

卷之九十一

十九

與賈島閑遊

張籍

水北原南草色新雪消風煖不生塵城中車馬應無
數能解閑行有幾人

閑遊

張籍

終日不離塵土間若爲能見此身閑今朝暫共遊僧
語更恨趨時別舊山

閑遊

張籍

老身不計人間事野寺秋晴每獨過病眼校來猶斷
酒却嫌行處菊花多

勉閑遊

白居易

天時人事常多故一歲春能幾處遊不是塵埃便風
雨若非疾病卽悲愁貧窮心苦多無興富貴身忙不
自由唯有分司官恰好閑遊雖老未能休

閑詠

白居易

步月憐清景眠松愛綠陰早年詩思苦晚歲道情深
夜學禪多坐秋牽興暫吟悠然兩事外無處更留心

自詠

白居易

隨宜飲食聊克腹取次求裘亦暖身未必得年非瘦
薄無妨長福是單貧老龜豈美犧牲飽蟠木曾爭桃
李春隨分自安心自斷是非何用問閑人

唐詩類苑

卷之九十一

十一

閑吟二首

白居易

留司老賓客春盡興如何官寺行香少僧房寄宿多
閑傾一盞酒醉聽兩聲歌憶得陶潛語羲皇無以過

二

閑遊來早晚已得一周年嵩洛供雲水朝廷乞俸錢
長歌時獨酌飽食後安眠聞道山榴發明朝向玉泉

閑吟

白居易

貧窮汲汲求衣食富貴營營役心力人生不富卽貧
窮光陰易過閑難得我今幸在窮富間自有朝廷不
入山看雪尋花說風月洛陽我來七年閒

晏坐閑吟

白居易

昔爲京洛聲華客今作江湖潦倒翁意氣銷磨羣動
裏形骸變化百年中霜侵殘鬢無多黑酒伴衰顏只
暫紅賴學禪門非想定千愁萬念一時空

閑樂

白居易

坐安卧穩興平肩倚杖披衫遶四邊空腹三杯卯後
酒曲肱一覺醉中眠更無忙苦閑吟樂恐是人間自
在天

辭閑中好

白居易

閑中好盡日松爲侶此趣人不知輕風僧語閑中
好塵務不縈心坐對當牕木看移三陰閑中好幽
磬度鐘遲卷上論題筆畫中僧姓支

營閑事

白居易

自笑營閑事從朝到日斜澆畦引泉脉掃徑避蘭芽
暖變牆衣色晴催木筆花桃根知酒渴晚送一甌茶

閑忙

白居易

奔走朝行內棲池林野間多因病後退少及健時還
班白霜侵鬢蒼黃日下山閑忙俱過日忙校不如閑

閑思

戴叔倫

伯勞東去鶴西還雲總無心亦度山何似嚴陵灘上

客一竿長伴白鷗閑

楊六尚書頻寄新詩詩中多有思閑相就之

志因書鄙意用報而諭之

白居易

君年殊未及懸車未合將閑逐老夫身健正宜金印
綬位高方稱白髭鬚若論塵事何由了但問雲心自
在無進退是非俱是夢丘中闕下亦何殊

樂靜

張祐

引手強簪巾徐徐起病身遠心羣野鶴閑話對村人
發匣琴微靜開瓶酒味真縱聞兵賦急原憲本家貧

唐詩類苑

卷之九十一

三

和陸司業習靜寄所知

張籍

幽室獨焚香清晨下未央山開登竹閣僧到出茶堂
收拾新琴譜尋封舊藥方逍遙無別事不似在班行

約心

白居易

黑鬢思雪侵青袍塵土汙兀兀復騰騰江城一上佐
朝就高齋上薰然負暄卧晚下小池前澹然臨水坐
已約終身心長如今日過

自在

白居易

杲杲冬日光明煖直可愛移榻向陽坐擁裘仍解帶
小奴搥我足小婢搥我背自問我爲誰胡然獨安泰

安泰良有以與君論梗槩心了事未了饑寒迫於外
事了心未了念慮煎於內我今實多幸事與心和會
內外及中間了然無一礙所以日陽中向君言自在

晏起

白居易

鳥鳴庭樹上日照屋簷時老去慵轉極寒來起猶遲
厚薄被適性高低枕得宜神安體穩煖此味何人知
睡足仰頭坐兀然無所思如未鑿七竅若都遺四肢
緬想長安客早朝霜滿衣彼此各自適不知誰是非

晚起

白居易

起晚憐春暖歸遲愛月明放慵長飽睡聞健且閑行

唐詩類苑

卷之九十一

三

北闕停朝簿西方入社名唯吟一句偈無念是無生

晚起

白居易

爛熳朝眠後頻伸晚起時暖爐生火早寒鏡裏頭遲
融雪煎香茗調酥點乳糜慵還自哂快活亦誰知
酒性溫無毒琴聲淡不悲榮公三樂外仍弄小男兒

晝寢

白居易

坐整白單衣起穿黃草屨朝餐鹽齏畢徐下堦前步
暑風微變候晝刻漸加數院靜地陰陰鳥鳴新葉樹
獨行還獨卧夏景殊未暮不作午時眠日長安可度

晝卧

白居易

抱枕無言語空房獨悄然誰知盡日卧非病亦非眠

安穩眠

白居易

家雖日漸貧猶未苦饑凍身雖日漸老幸無急病痛
眼逢闌處合心向閑時用既得安穩眠亦無顛倒夢

日高卧

白居易

怕寒放懶日高卧臨老誰言牽率身夾幕繞房深似
洞重裯襯枕暖於春小青衣動挑根起嫩綠醅浮竹
葉新未裏頭前傾一盞何如衝雪趁朝人

睡起作

僧修睦

長空秋雨歇睡起覺精神看水看山坐無名無利身

唐詩類苑

卷之九

偈吟諸祖意茶碾去年春此外誰相識孤雲到砌頻

殘酌晚餐

白居易

閑傾殘酒後煖擁小爐時舞看新翻曲歌聽自作詞
魚香肥潑火飯細滑流匙除却慵饒外其餘盡不知

老慵

白居易

豈是交親向我疎老慵自愛閉門居近來漸喜知閑
斷免惱嵇康索報書

早出晚歸

白居易

早起或因攜酒出晚歸多是看花迴若拋風景長閑
坐自問東京作底來

不出門

白居易

彌月不出門未日無來賓食飽更拂牀睡覺一頻伸
輕簾白鳥羽新篳青箭筠方寸方丈室空然兩無塵
披衣腰不帶散髮頭不巾祖趾北窻下葛天之遺民
一日亦自足況得以終身不知天壤內目我爲何人

不出

白居易

簾前新葉覆殘花席上餘杯對早茶好是老身銷日
處誰人騎馬傍人家

不出門

白居易

不出門來又數旬將何消日與誰親鶴籠開處見君
唐詩類苑

卷之九

五

子書卷展時逢古人自靜其心延壽命無求於物長
精神能行便是真修道何必降魔調伏身

洛下卜居

白居易

三年典郡歸所得非金帛天竺石兩片華亭鶴一雙
飲啄供稻梁包裹用茵席誠知是勞費其奈心愛惜
遠從餘杭郭同到洛陽陌下擔拂雲根開籠展霜翮
貞姿不可維高性宜其適遂就無塵坊仍求有水宅
東南得幽境樹老寒泉碧池畔多竹陰門前少人跡
未請中庶祿且脫雙鵝易豈獨爲身謀安居鶴與石

所居

李商隱

月下尋書細溪邊坐石平水風醒酒病霜日曝衣輕
鷄黍隨人設蒲魚得地生前賢無不謂容易即遺名

端居

李商隱

遠書歸夢兩悠悠只有空牀敵素秋
樹雨中寥落月中愁

春日獨酌二首

李白

東風扇淑氣木木榮春輝
日照綠草落花散且飛
孤雲還空山衆鳥各已歸
彼物皆有託吾生獨無依
對此石上月長醉歌芳菲

我有紫霞想緬懷滄洲間思對一壺酒
淡然萬事間

唐詩類苑

卷之九十一

王

橫琴倚高松把酒望遠山
長空去鳥沒落日孤雲還
但悲光景晚宿昔成秋顏

獨遊

王昌齡

林卧情每閑獨遊景常晏
時從灞陵下隨釣往南澗
手攜雙鯉魚目送千里鴈
悟彼非有適知此罹憂患
放之清冷泉因得省疎慢
永懷青岑客迴首白雲澗
超然無遺事豈繁名與宦

獨遊

元稹

遠地難逢侶閑人且獨行
上山隨老鶴接酒待殘鶯
花當西施面泉勝衛玠
清春野無限好同聲

獨坐敬亭山

李白

衆鳥高飛盡孤雲獨去閑
相看兩不厭只有敬亭山

獨坐

王績

問君尊酒外獨坐更何須
有客談名理無人索地租
三男婚令族五女嫁賢夫
百年隨分了未羨陟方壺

江畔獨步尋花七首

杜甫

江上被花惱不徹無處告訴只顛狂
走覓南鄰愛酒伴經旬出飲獨空牀

稠花亂葉衆江濱行步歛危實
怕春詩酒尚堪驅使在末須料理白頭人

唐詩類苑

卷之九十一

王

江深竹靜兩三家多事紅花映
白花報答春光知有處應須美酒送生涯

東望少城花滿煙百花高樓更可憐
誰能載酒開金盞喚取佳人舞繡筵

黃師塔前江水東春光懶困倚微風
桃花一簇開無主可愛深紅愛淺紅

黃四娘家花滿蹊千朵萬朵壓枝低
留連戲蝶時時舞自在嬌鶯恰恰啼

不是愛花即欲死只恐花盡老相催
繁枝容易紛紛落嫩葉商量細細開

獨覺

柳宗元

覺來牕牖空寥落雨聲曉良遊怨遲暮末事驚紛擾
爲問經世心古人誰盡了

獨行

白居易

聞誦黃庭經在口閑攜青竹杖隨身晚花新筍堪爲
伴獨入林行不要人

暇日獨處寄魯望

皮日休

幽慵不覺耗年光羣柄金微亂一牀野客共爲賒酒
計家人同作惜書忙園蔬預遣分僧料廩粟先教筭
鶴糧無限高情好風月不妨猶得事吾王

唐詩類苑

卷之九十一

王

奉和暇日獨處

陸龜蒙

謝府殷樓少暇時又拋清宴入書帷三十餘歲上下
古八十一家文字奇司馬遷書上下紀三千餘歲
太玄有八十一家率多奇字冷
夢漢臯懷鹿隱靜憐煙島覺鴻離知君滿篋前朝事
鳳諾龍奴借與窺

郡舍南有園畦雜樹聊以末日

張九齡

爲郡久無補越鄉空復深苟能秉素節安用叨華簪
却步園畦裏追吾野逸心形骸拘俗吏光景賴閑林
內訟誠知止外言猶匪忱成蹊謝李逕衛足感葵陰

榮達豈不偉孤生非所任江城何寂歷秋樹亦蕭森

下有北流水上有南飛禽我願從歸翼無然坐自沈

遺書

元稹

密竹有清陰曠懷無塵滓况乃秋日光玲瓏曉閣裏
旬休聊自適今辰日高起櫛沐坐前軒風輕鏡如不
開卷恣誅語望雲閑徒倚新菊媚鮮妍短萍陸離靡
掃除田地靜摘掇園蔬美幽翫篋詩流空堂稱居士
客來傷寂寞我念遺煩鄙心跡兩相忘誰能驗行止

西閣曝日

杜甫

凜冽倦玄冬負喧嗜飛閣羲和流德澤顚頊愧倚薄

唐詩類苑

卷之九十一

王

毛髮具自和肌膚潛沃若太陽信深仁衰氣歛有託
歛煩煩注眼容易收病脚流離木杪後飭僊山顛
朋知若聚散哀樂日已作卽事會賦詩人生忽如昨
古來遭喪亂賢聖盡蕭索胡爲將暮年憂世心力弱

野老曝背

李頎

百歲老翁不種田惟知曝背樂殘年有時捫虱獨騷
面目送歸鴻籬下眠

三適贈道友

白居易

褐綾袍厚暖卧蓋行坐披紫氍毹寬穩蹇步頗相宜
足適已忘履身適已忘衣况我心久適兼忘是與非

三適合爲一怡怡復熙熙那不動處混沌未鑿時
此固不可說爲君強言之

適意二首

白居易

十年爲旅客常有饑寒愁三年作諫官復多尸素羞
有酒不暇飲有山不得遊豈無平生志拘牽不自由
一朝歸渭上泛如不繫舟置心世事外無喜亦無愁
終日一蔬食終年一布裘寒來彌懶放數日一梳頭
朝睡足始起夜酌醉卽休人心不過適適外復何求
二

早歲從旅遊頗諳時俗意中年忝班列備見朝廷事

唐詩類苑

卷之九十一

三

作客誠已難爲臣猶不易况予方且介舉動多忤累
直道速我尤詭遇非吾志胸中十年內消盡浩然氣
自從返田畝頓覺無憂愧蟠木用難施浮雲心易遂
悠悠身與世從此兩相棄

懶放二首呈劉夢得吳方之

白居易

青衣報平旦呼我起盥櫛今早天氣寒郎君應不出
人無賓客至何以銷閑日已向微陽前暖酒開詩帙

二

朝憐一牀日暮愛一爐火壯暖日高眠爐溫夜深坐

雀羅門懶出鶴髮頭慵裹除却劉與吳何人來問我

老來生計

白居易

老來生計君看取白日閑行夜醉吟陶令有田唯種
黍鄧家無子不留金人間榮耀因緣淺林下幽閑氣
味深煩慮漸消虛白長一年心勝一年心

琴茶

白居易

兀兀寄形羣動內陶陶任性一生間自拋官後春多
醉不讀書來老更閑琴裏知聞唯淥水茶中故舊是
蒙山窮通行止長相伴誰道吾今無往還

山讌月夜作

蕭穎士

唐詩類苑

卷之九十一

三

獻書嗟棄置疲拙歸田園且事計然策將符公治言
桑榆清暮景鷄犬應遙村蠶罷里閭晏麥秋田野喧
澗聲連枕席峰勢入堦軒未奏東山妓先傾北海樽
隴瓜香早熟庭果落初繁更愜野人意農談朝竟昏

偶作

賈島

野步隨吾意那知是與非稔年時雨足閨月暮蟬稀
獨樹依岡老遙峰出草微園林自有主宿鳥且同歸

偶作

白居易

張翰一杯酒榮期三樂歌聰明傷混沌煩惱汗頭陀
簞冷秋生早堦閑日上多近來門更靜無雀可張羅

偶作

白居易

盤昇出卽忘歸舍柴戶昏猶未掩關聞客病時慙體
健見人忙處覺身閑清涼秋寺行香去和暖春城拜
表還木鴈一篇須記取致身才與不才間

睡覺偶吟

白居易

官初罷後歸來夜天欲明前睡覺時起坐思量更無
事身心安樂復誰知

偶吟二首

白居易

眼下有衣兼有食心中無喜亦無憂正如身後有何
事應向人間無所求靜念道經深閉目閑迎禪客小

唐詩類苑

卷之九十一

圭

低頭猶殘少許雲泉興一歲龍門數度遊

晴教晒藥泥茶竈閑看斜松洗竹林活計縱貧長爭
潔池亭雖小頗幽深厨香炊黍調和酒窗暖安絃拂
拭琴老去生涯祗如此更無餘事可勞心

長吟

杜甫

江渚翻鷗戲官橋帶柳陰江飛競渡日草見踏青心
已撥形骸累真爲爛熳深賦詩欲句穩不免自長吟

徐步

杜甫

整屐步青蕪荒庭日欲曛片泥隨燕背花藥上蜂鬚
把酒從衣濕吟詩信杖扶敢論才見忌實有醉如愚

自遣

李白

對酒不覺暝落花盈我衣醉起步溪月鳥還人亦稀

遣意二首

杜甫

轉枝黃鳥近泛渚白鷗輕一徑野花落孤村春水生
衰草催釀黍細雨更移橙漸喜交游絕幽居不用名

二

簷影微微落津流脉脉斜野船明細火宿鴈聚圓沙
雲掩初弦月香傳小樹花鄰人有美酒稚子亦能賒

水檻遣興二首

杜甫

去郭軒盈敞無村眺望賒澄江平少岸幽樹晚多花

唐詩類苑

卷之九十一

圭

二

細雨魚兒出微風燕子斜城中十萬戶此地兩三家
蜀天常夜雨江檻已朝晴葉潤林塘密衣乾枕席清
不堪祗老病何得尚浮名淺把涓涓酒深憑送此生

卽事

白居易

見月連宵坐聞風盡日眠室香羅藥氣籠暖焙茶煙
鶴啄新晴地鷄栖薄暮天自看淘酒米倚杖小池前

卽日

韓偓

書牆暗記移花日洗瓮先知醒酒期須信閑人有忙
事早來衝雨覓漁師

卽日

李商隱

小鼎煎茶面曲池白鬚道士竹間基何人書破蒲葵
扇記着南塘移樹時

西行

白居易

衣裘不單薄車馬不羸弱藹藹三月天閑行亦不惡
壽安流水館硤石青山郭官道柳陰陰行宮花漠漠
常聞俗間語有錢在處樂我雖非富人亦不苦寂寞
家童解絃管騎從攜杯杓時向春風前歇鞍開一酌

東歸

白居易

翩翩肩舁中有醉老夫膝上展詩卷竿頭懸酒壺

唐詩類苑

卷之六十一

五

食宿無定程僕馬多緩驅臨水歇半日望山傾一盃
籍草坐嵬峩攀花行踟躕風將景共暖體與心同舒
始悟有營者居家如在途方知無繫者在道如安居
前夕宿三堂今旦遊申湖殘春三百里送我歸東都

贈子直花下

李商隱

池光忽隱墻花氣亂侵房屏綠蝶留粉窻油蜂印黃
官書推小吏侍史從清郎並馬更吟去尋思有底忙

且遊

白居易

手裏一杯滿心中百事休春應唯仰醉老更不禁愁
弄水迴船尾尋花信馬頭眼看筋力減遊得且須遊

山中

盧綸

饑食松花渴飲泉偶從山後到山前陽坡草軟厚如
織因一作與鹿麕相伴眠

臨水坐

白居易

昔爲東掖垣中客今作西方社內人手持楊枝臨水
坐閑思往事似前身

絕句九首

杜甫

日出籬東水雲生舍北泥竹高鳴翡翠沙僻難鳴

二

藹藹花葉亂飛飛蜂蝶多幽棲身懶動客至欲如何

唐詩類苑

卷之六十一

五

三

急雨梢溪足斜暉轉樹腰隔巢黃鳥並翻藻白魚跳

四

鑿井交櫻葉開渠斷竹根扁舟輕裊纜小逕曲通村

五

舍下筍穿壁庭中藤刺簷地晴絲冉冉江白草纖纖

六

江動月移石溪虛雲傍花鳥栖知故道帆過宿誰家

七

聞道巴山裏春船正好行欲將百年與一望九江城

八

水檻溫江口茅堂石筍西移船先主廟洗藥浣花溪

九

謾道春來好狂風大放顛吹花隨水去翻却釣魚船

絕句七首

杜甫

堂西長筍別開門塹北行椒却背村梅熟許同朱老

喫松高擬對阮生論

欲作魚梁雲覆湍因驚四月雨聲寒青溪先生有詩龍

窟竹石如山不敢安

兩箇黃鸝鳴翠柳一行白鷺上青天牕含西嶺千秋雪

唐詩類苑

卷之九十一

美一

雪門泊東吳萬里船

藥條藥甲潤青青色過棕亭入草亭苗滿空山慙取

譽根居隙地怯成形

楸樹馨香倚釣磯斬新花藥未應飛不知醉裏風吹

盡可忍醒時雨打稀

門外鷓鴣久不來沙頭忽見眼相猜自今已後知人

意一日須來一百迴

無數春筍滿林生柴門密掩斷人行會須上番看成

竹客至從噓不出迎

唐詩類苑卷第九十一終

唐詩類苑卷第九十二

明雲間張之象玄超甫纂輯

雲間高承祚元錫甫編次

雲間王微叔朗甫補訂

梁谿曹仁孫伯安甫校正

人部

寄

當塗界寄裴宣州

張九齡

故人宣城守亦在江南偏如何分虎竹相與間山川

章綬胡爲者形骸非自然含情津渡闊倚望脰空延

唐詩類苑

卷之九十二

一

遠近聞佳政平生仰大賢推心徒有屬會面良無緣

日夕遵前渚江村投暮煙念行祇意默懷遠豈言宜

委曲風波事難爲尺素傳

和張九齡當塗界見寄

裴耀卿

茂先實王佐仲舉信時英氣覩衝天發人將下榻迎

挂符肅有命江國遠徂征九派期方越千鈞或可輕

高帆出風迥孤嶼入雲平適遇嗟千役離憂空自情

飭簪陪早歲接壤厠專城橫川心彌軫宏規意轉傾

徒然限饑渴况乃諷瑤瓊

東京寄萬楚

李頎

獲落久無用隱身甘采薇仍聞薄宦者還事田家衣
潁水日夜流故人相見稀春山不可望黃鳥東南飛
濯足豈長往一罇聊可依了然潭上月適我胸中機
在昔同門友如今出處非優游白虎殿偃息青瑣闥
且有薦君表當看攜手歸寄書不代面蘭茝空芳菲

寄萬齊融

李頎

名高不擇仕委世隨虛舟小邑常款屈故鄉行可遊
青楓半村戶香稻盈田疇為政日清淨何人同海鷗
搗巾北林夕把菊東山秋對酒池雲滿向家湖水流
岸陰止鳴鵠山色映潛虬靡靡俗中理蕭蕭川上幽

唐詩類苑

卷之九十二

二

昔年至吳郡常隱臨江樓我有一書札因之芳杜洲

至大梁却寄匡城主人

岑參

一從棄魚釣千載干明王無由謁天階却欲歸滄浪
仲秋至東郡遂見天雨霜昨夜夢故山蕙草色已黃
平明辭鐵丘薄暮遊大梁仲秋蕭條景拔刺飛鵝鵠
四郊陰氣閉萬里無晶光長風吹白茅野火燒枯桑
故人南燕吏猶籍名更香聊以玉壺贈置之君子堂

奉寄韋太守陟

王維

荒城自蕭索萬里山河空天高秋日迥嘹唳聞歸鴻
寒塘映衰草高館落疎桐臨此歲方晏顧景詠悲翁

故人不可見寂寞平林東

潼關鎮國軍句覆使院早春寄王同州

岑參

胡寇尚未盡大軍鎮關門旌旗遍草木兵馬如雲屯
聖朝正用武諸將皆承恩不見征戰功但聞歌吹喧
儒生有長策開口不敢言昨從關東來思與故人論
何為廊廟器至今居外藩黃霸寧淹留蒼生望騰騫
卷簾見西岳仙掌明朝暎昨夜聞春風戴勝過後園
各自限官守何由敘涼溫離憂不可忘襟背思樹萱

江夏寄漢陽輔錄事

李白

唐詩類苑

卷之九十二

三

誰道此水廣狹如一匹練江夏黃鶴樓青山漢陽縣
大語猶可聞故人難可見君草陳琳檄我書魯連箭
報國有壯心龍顏不回春西飛精衛鳥東海何由填
鼓角徒悲鳴樓船習征戰抽劒步霜月夜行空庭徧
長呼結浮雲埋沒顧榮扇他日觀軍容投壺接高宴

江上寄元六林宗

李白

霜落江始寒楓葉綠未脫客行悲清秋永路苦不達
滄波眇川汜白日隱天末停棹依林巒驚猿相叫聒
夜分河漢轉起視溟漲闊涼風何蕭蕭流水鳴活活
浦沙淨如洗海月明可掇交空懷思瓊樹詎解渴

勗哉滄洲心歲晚庶不奪幽賞頗自得興遠與誰豁

遊水西簡鄭明府

李白

天宮水西寺雲錦照東郭清湍鳴迴溪綠水繞飛閣
涼風日瀟灑幽客時憇泊五月思貂裘謂言秋霜落
石蘿引古蔓岸笋開新籜吟翫空復情相思爾佳作
鄭公詩人秀逸韻宏寥廓何當一來遊愜我雪山諾

寄許三郎中掾

杜甫

人生無賢愚飄飄若埃塵自非得神仙誰免危其身
與子俱白頭役役常苦辛雖爲尚書郎不及村野人
憶昔村野人其樂難具陳藹藹桑麻交公侯爲等論

唐詩類苑

卷之九十二

四

天未厭戎馬我輩本常貧子尚客荊州我亦滯江濱
峽中一卧病瘡癘終冬春春復加肺氣此病蓋有因
早歲與蘇鄭痛飲情相親二公化爲土嗜酒不失真
予今委修短豈得恨命屯聞子心甚壯所過信席珍
上馬不用扶每扶必怒噴賦詩賓客間揮灑動八垠
乃知蓋代手才力老益神寄草洞庭湖東浮滄海滑
君山可避暑况足采白蘋子自無扁舟往復江漢津
我未下瞿塘空念禹功勤聽說於陵仲子樂攬衣巾
高秋却束帶鼓枻視清旻鳳池日遠碧濟濟多士新
余病不能起健者勿遠巡

寄閻防

劉昫

青冥南山口君與緇錫隣深路入古寺亂花隨暮春
紛紛對寂寞往往落衣巾松色照空水經聲時有人
晚心復南望山遠情獨親應以修往業亦惟立此身
深林度空夜煙月資清真莫嘆文明日彌年徒隱淪

寄韋子春

王季友

出山秋雲曙山水只再春食我山中藥不憶山中人
山中惟余密白髮惟相親雀鼠晝夜無知我厨廩貧
依依北舍松不厭吾南隣有情盡棄捐土石爲同身

寄源休

并序

元結

唐詩類苑

卷之九十二

五

辛丑中元結爲族弟源休皆爲尚書郎在荊南府
幕休以曾任湖南又理長沙結以曾遊江州將兵
鎮九江自春及秋不得相見故抒所懷以寄之
天下未偃兵儒生預戎事功勞安可問且有忝官累
昔常以荒浪不敢學爲吏况當在兵家言之豈容易
忽然向三嶺境外爲偏師時多尚矯詐進退多欺貳
縱有一直方則上似姦智誰爲明信者能辨此勞畏
海上寄蕭五
獨孤及
朔風剪塞草寒露白始結客行屆瀛壖歸思生莫節
驛樓見萬里延首望遼碣遠海入大荒平蕪際窮髮

舊國在夢想故人且胡越契闊阻風期往再成雨別
海西望京口兩地各天末索居動經秋再笑知曷月
目窮南雲盡唯見飛鳥滅青塵未易得何以慰饑渴

寄宇文判官

岑參

殊行西未已東望何時還終日風與雪連天沙復山
二年領公事兩度過陽關相憶不可見別來頭已斑

江上寄巴東故人

李白

漢水波浪遠巫山雲雨飛東風吹客夢西落此中時
覺後思白帝佳人與我違瞿塘饒賈客音信莫令稀

寄當塗趙少府炎

李白

唐詩類苑

卷之九十二

六

晚登高樓望木落雙江清寒山饒積翠秀色連州城
月送楚雲盡心悲胡鴈聲相思不相見迴首故人情

江行寄遠

李白

剡木出吳楚危樯百餘尺疾風吹片帆日暮千里隔
別時酒猶在已爲異鄉客思君不可得愁見江水碧

沙丘城下寄杜甫

李白

我來竟何事高卧沙丘城城邊有古樹日久連秋聲
魯酒不可醉齊歌空復情思君若汶水浩蕩寄南征

冬夜寓居寄儲大祝

薛據

自爲洛陽客夫子吾知音愛義能下士時人無此心

柰何離居夜巢鳥飛空林秋坐至月上復聞南陵砧

寄張徵古

沈如筠

寂歷遠山意微冥半空碧綠蘿無冬春彩煙竟朝夕
張子海內奇耐爲巖中客聖君勞夢想安得老松石

寄朱放

李季蘭

望水試登山山高湖又闊相思無曉夕相望經年月
鬱鬱山木榮綿綿野花發別後無限情相逢一時說

寄高雲

皇甫冉

南徐風日好悵望毗陵道毗陵有故人一見恨無因
獨戀青山久唯令白髮新每嫌持手板時見着頭巾

唐詩類苑

卷之九十二

七

煙景臨寒食農桑接仲春家貧仍嗜酒生事今何有
芳草遍江南勞心憶攜手

寄孟協律

賈島

我有弔古泣不泣向路岐揮淚灑暮天滴者一作桂
樹枝別後冬節至離心北風吹坐孤雪屏夕泉落石

橋時不驚猛虎嘯難辱君子詞欲酬空覺老無以堪

遠持茗甕倚角牕王屋懸清思

方平曾東遊以詩寄之

皇甫冉

出郭離言多迴車始知遠寂然層城暮更念前山轉
縱轡越城皋浮舟背梁苑朝朝勞延首往往若在眼

落日孤雲還邊愁迷楚關如何激花發復對遊子頻
古寺杉栢裏連檣洲渚間煙生海西岸雲見吳南山
驚風掃蘆荻翻浪連天白正是揚帆時偏逢江上客
由來許佳句况乃愜所適差殺天姥峰翠色春更碧
氣淒湖上雨月淨剡中夕釣艇或相逢江離又堪摘
迢迢始寧野蕪沒謝公宅朱槿攢列墻蒼苔徧幽石
顧子任疎懶期爾振羽翮滄洲未可行須售金門策

寄隱客

元稹

我年三十二鬢有八九絲非無官次第其如身早衰
今人夸貴富肉食與妖姬而我俱不樂貴富亦何爲

唐詩類苑

卷之九十二

八

况逢多士朝賢俊若布基班行次第立朱紫相參差
謨猷密勿進羽檄縱橫馳監察官甚小發言無所裨
小官仍不了譴奪亦已隨時成不之棄得不自棄之
陶君喜不遇顧我復何疑潛書周隱士白雲今有期

寄吳士矩端公五十韻

江陵士
曾時作

元稹

昔在鳳翔日十歲卽相識未有好文章逢人賞顏色
可憐何郎面吳生小字何郎二十纔冠飾短髮予近梳羅衫
紫蟬翼伯舅各驕縱仁兄未推抑事業若盃盤詩書
甚微縵西州戎馬地賢豪曾時作百萬時可贏十千

良易惜寒食桐陰下春風柳林側藉草送遠遊列筵
酬傳塞菱艇雲幕翠瑤爛紅茵葩繪縷輕似絲香醅
膩如織將軍頻下城佳人盡傾國媚語嬌不聞纖腰
軟無力歌詞妙宛轉舞態能刻刻箏弦玉指調粉汗
紅綃拭手時最年少專務酒中職未能媿生獐偏矜
任狂直曲庇桃根蓋橫講捎雲式亂布關分用惟新
間讒慝耻作最先吐羞言未朝食醉眼漸紛紛聲
頻餒餒愛黑反扣節參差亂飛觥往來織強起相維持
翻成兩匍匐邊霜颯然降戰馬鳴不息但喜秋光麗
誰憂塞雲黑常隨獵騎走多在豪家匿夜飲天旣明

唐詩類苑

卷之九十二

九

朝歌日還昇荒狂在歲云久名利心潛逼時輩多得途
親朋屢相救閑因適農野忽復愛稼穡平生中聖人
翻然腐腸賊亦從酒仙去便被書魔惑脫跡壯士場
甘心豎儒域矜持翠筠管敲斷黃金勒屢益蘭膏燈
猶研兔枝墨崎嶇來掉蕩矯枉事沉默隱笑甚艱難
歛容還芳前與君始分散勉我勞修飾歧路各營營
別離長惻惻行看二十載萬事絲何極相值或須臾
安能洞胸臆昨來陝郊會悲歡兩難克問我新相知
但報長相憶豈無新知者不及小相得亦有生歲游
同年不同德爲別詎幾時伊予墜溝洫大江鼓風浪

遠道參荆棘往事返無期前途浩難測一旦得自由
相求北山北

滄川寄進士劉駕

曹鄴

我家不背水君身不向越自是相憶苦忽如經年別
山家草木寒石上有殘雪美人望不見迢迢雲中月

寄遠

馬戴

坐想親愛遠行嗟天地闊積疹甘毀顏沈憂更銷骨
迢迢游子心望望歸雲沒喬木非故里高樓共明月
夜深秋風多聞鴈來天未

寄賈島

馬戴

唐詩類苑

卷之九十二

十一

海上不同來關中俱久住尋思別山日老盡經行樹
志業人未聞時光鳥空度風悲漢苑秋雨滴秦城暮
佩玉與鐙金非親亦非故朱顏枉自毀明代空相遇
歲晏各能歸心知舊岐路

勿執古寄韓潮州

劉義

古人皆執古不辭凍餓悲今人亦執古自取行坐危
老菊凌霜葩癡松抱雪姿武王亦至明寧哀首陽饑
仲尼豈非聖但爲互鄉嗤寸心生萬路今古夢若絲
逐逐行不盡茫茫休者誰來恨不可遏去悔何足追
玉石共笑唾驚驥相奔馳請君勿執古執古徒自墮

爲郎分司寄上都同舍 劉禹錫

籍通金馬門家在銅駝陌省闕盡無塵宮樹朝疑碧
荒街淺深轍古渡潺湲石唯有嵩丘雲堪誇早朝客

寄遠

劉駕

雪花豈結子徒滿連理枝嫁與征人妻不得長相隨
去年君點行賤妾是新婦別早見未熟入夢無定姿
悄悄空閨中蛩聲遶羅帷得書喜猶甚况復見君時

寄李侍御

劉長卿

舊國人未歸芳洲草還碧年年湖上亭悵望江南客
驄馬入關西白雲獨何適相思煙水外唯有心不隔

唐詩類苑

卷之九十二

十一

澧上寄幼遐

韋應物

寂寞到城闕惆悵返柴荆端居無所爲念子遠徂征
夏晝人已息我懷獨未寧忽從東齋起兀兀尋澗行
晉里叢榛密披翫孤花明曠然西南望一極山水情
周覽同遊處逾恨阻音形壯圖非旦夕君子勤令名
勿復久留燕蹉跎在北京

寄子西

韋應物

夏景已難度懷賢思芳續喬樹落疎陰微風散煩燠
傷離枉芳札忻遂見心曲一作已成田家用一作託鄰素多欲一作殘秩猶見東日夕

原綠

寄馮著

韋應物

春雷起萌蟄土壤日已疎胡能遭盛明才俊伏里閭
偃仰遂真性所求唯斗儲披衣出茅屋盥漱臨清渠
吾道亦自適退身保玄虛幸無職事牽且覽校上書
親友各馳騁誰當訪弊廬思君在何夕明月照廣除

寄盧庾

韋應物

悠悠遠離別分此歡會難如何兩相近反使心不安
亂髮思一櫛垢衣思一浣豈如望友生對酒起長
嘆時節異京洛孟冬天未寒廣陵多車馬日夕自遊
唐詩類苑 卷之九十二 十三
盤獨我何耿耿非君誰爲歡

因省風俗與從姪成緒遊山水中道先歸寄

示

韋應物

累宵同燕酌十舍攜征騎始造雙林寂遐搜洞府祕
群峰繞盤鬱懸泉仰特一作時異陰壑雲松埋陽崖煙
花媚每慮觀省牽中垂遊踐志我尚山水行子歸棲
息地一操臨流袂上聳干雲轡獨往倦危途懷冲一作
州寡幽致賴爾還都期方將登樓遲

寄李益少監兼送張實遊幽州

王建

寄劉栖楚

賈島

趨走與偃卧去就自殊分當牕一重樹上有萬里雲
離披不相顧髮髯類人群友生去更遠來書絕如焚
蟬吟我爲聽我歌蟬豈聞歲暮儻旋歸晤言桂氣氤

寄丘儒

賈島

地近輕數見地遠重一面一面如何重重甚珍寶片
自經失歡笑幾度騰霜霰此心鎮懸懸天象固迴轉
長安秋風高子在東甸縣儀形信寂茂風雨豈乖間
憑人報消息何易憑筆硯俱不盡我心終須對君宴

寄遠

賈島

別腸多鬱紆豈能肥肌膚始知相結密不及相結疎
疎別恨應少密難袪門前南流水中有北飛魚

魚飛向北海可以寄遠書不惜寄遠書故人今在無
況此數尺身阻彼萬里途自非日月光難以知子軀

寄山中王叅

賈島

我看嶽西雲君看嶽北月長懷燕城南相送十里別
別來千餘日日憶不歇遠寄一紙書數字論白髮

寄友人

賈島

同人半年別一別寂來音賴有別時文相思時一吟
我常倦投跡君亦知此矜筆硯且勿棄蘇張曾陸沈
但存舌在口當冀身遂心君看明月夜松桂寒森森

寄元九

白居易

唐詩類苑

卷之九十二

十四

身爲近密拘心爲名檢縛月夜與花時少逢盃酒樂
唯有元夫子閑來同一酌把手或酣歌展眉時笑謔
今春除御史前月之東洛別來未開顏塵埃滿樽杓
蕙風晚香盡槐雨餘花落秋意一蕭條離容兩寂寞
况隨白日老共負青山約誰識相念心羈鷹與籠鶴

寄元九

白居易

晨鷄纔發聲夕雀俄歛翼晝夜往復來疾如出入息
非徒改年貌漸覺無心力自念因念君俱爲老所迫
君年雖校少顚顚謫南國三年不放歸炎瘴銷顏色
山無殺草雪水有含沙蜮健否遠不知書多隔年得

願君少愁苦我亦加餐食各保金石軀以慰長相憶

寄張十八

白居易

餓止一簞食渴止一壺漿出入止一馬寢興止一牀
此物無長物於我有若亡胡望不知足名利心遑遑
念茲彌懶放積習遂爲常經旬不出門竟日不下堂
同病者張生貧僻住延康慵中每相憶此意未能忘
迢迢青槐街相去八九坊秋來未相見應有新詩章
早晚同來宿天氣轉清涼

寄李十一建

白居易

外事牽我形外物誘我情李君別來久褊悵從中生

唐詩類苑

卷之九十二

十五

憶昨訪君時立馬扣柴荆有時君未起稚子喜先迎
連步笑出門衣翻冠或傾掃堦苔紋綠拂榻藤陰清
家醒及春熟園葵乘露烹看山東亭坐待月南原行
門靜唯鳥語坊遠少鼓聲相對盡日言不及利與名
分手來幾時明月三四盈別時殘花落及此新蟬鳴
芳歲忽已晚離抱悵未平豈不思命駕更職坐相榮
前時君有期訪我來山城心賞久云阻言約無自輕
相去幸非遠走馬一日程

寄盧少卿

白居易

老悔心不亂莊誠形太勞生命既能保死籍亦可逃

嘉穀與旨酒信是腐腸膏艷聲與麗色眞爲伐性刀
補養在精功如裘集衆毛將欲致千里可得差一毫
顏回何爲者單瓢纔自給肥醲不到口年不登三十
張蒼何爲者染愛浩無際妾媵填後房竟壽百餘歲
蒼壽有何德回天有何辜誰謂具聖體不如肥醲驅
遂使世俗心多疑仙道書寄問盧先生此理當何如
秋霖中奉裴令公見招早出赴會馬上先寄

六韻

白居易

雨暗三秋日泥深一尺時老人平旦出自問欲何之
不是尋醫藥非干送別離素書傳好語絳帳赴佳期

唐詩類苑

卷之九十二

十六

續借桃花馬催迎楊柳姬只愁張録事罰我怪來遲

寄楊六

白居易

青宮官冷靜赤縣事繁劇一閑復一忙動作經時隔
清觴又廢酌白日頓虛擲念此忽躊躇悄然心不適
豈無舊交結又則或遷易亦有新往還相見多形迹
唯君於我分堅久如金石何況老大來人情重姻戚
會稀歲月急此事真可惜幾迴開笑口便到髭鬚白
公門苦鞅掌晝日無閑隙待賓來暝來靜言同一夕

春晚寄微之

白居易

三月江水闊悠悠桃花波年芳與心事此地共蹉跎

南國方譴謫中原正兵戈眼前故人少頭上白髮多
通州更迢遞春盡復如何

寄微之三首

白居易

江州望通州天涯與地末有山萬丈高有江千里闊
間之以雲霧飛鳥不可越誰知千古險爲我二人設
通州君初到鬱鬱愁如結江州我方去迢迢行未歇
道路日垂隔音信日斷絕因風欲寄語地遠聲不徹
生當復相逢死當從此別

二

君遊襄陽日我在長安住今君在通州我過襄陽

唐詩類苑

卷之九十二

十七

襄陽九里郭樓雉連雲樹顧此稍依依是君舊遊處
蒼茫蒹葭水中有潯陽路此去更相思江西少親故

三

去國日已遠喜逢物似人如何含此意江上坐思君
有如河嶽氣相合方氛氲狂風吹中絕兩處成孤雲
風迴終有時雲合豈無因努力各自愛窮通我爾身

別李十一後重寄

白居易

秋日正蕭條驅車出蓬華迴望青門道目極心鬱鬱
豈獨戀鄉土非關慕簪紱所愴別李君平生同道術
俱承金馬詔聯秉諫臣筆共上青雲梯中途一相失

江湖我方往朝廷君不出蕙帶與華簪相逢是何日

寄元九

白居易

一病經四年親朋書信斷窮通合易交自笑知何晚
元君在荆楚去日唯雲遠彼獨是何人心如石不轉
憂我貧病身書來唯勸勉上言少愁苦下道加餐飯
憐君爲謫吏窮薄家貧偏三寄衣食資數盈二十萬
豈是貪衣食感君心縷縷念我口中食分君身上暖
不因身病久不因命多蹇平生親友心豈得知深淺

寄行簡

白居易

爵爵眉多歛默然口寡言豈是願如此舉目誰與歡

唐詩類苑

卷之九十二

六

去春爾西征從事巴蜀間今春我南謫抱疾江海壖
相去六千里地絕天邈然十書九不達何以開憂顏
渴人多夢飲饑人多夢餐春來夢何處合眼到東川

寄樂天

元稹

賢愚類相交人情之大率然自古今來幾人號膠漆
近聞屈指數元某與白乙旁愛及弟兄中歡避家室
松筠與金石未足喻堅密在車如輪轅在身如肘腋
又如風雲會天使相召匹不似勢利交有名而無實
頃我在杭歲值君之越日望愁來儀遲宴惜流景疾
坐耀黃金帶酌醅頽玉卮酣歌口不停狂舞衣相拂

平生賞施展十未一會笑始啞啞離嗟乃唧唧

餞筵纔收拾征棹遽排比後恨苦綿綿前歡何卒卒
居人色慘澹行子心紆鬱風袂去時揮雪帆望中失
宿醒和別思目眩心忽忽病魂黯黯銷老淚淒其出
別君只如昨芳歲換六七俱是官家身後期難自必

寄皇甫賓客

白居易

名利既兩忘形體方自遂卧掩羅雀門無人驚我睡
睡足抖擻衣閑步中庭地食飽摩挲腹心頭無一事
除却玄晏翁何人知此味

寄庾侍郎

白居易

唐詩類苑

卷之九十二

九

一雙華亭鶴數片太平石巉巖蒼玉峰矯矯青雲翮
是時歲云暮淡薄煙景夕庭霜封石稜池雪印鶴跡
幽致竟誰別閑靜聊自適懷哉庾順之好是今宵客

寄崔少監

白居易

微微西風生稍稍東方明入秋神骨爽琴曉絲桐清
彈爲古宮調玉水寒泠泠自覺絃指下不是尋常聲
須臾羣動息掩琴坐空庭直至月出後猶得心和平
惜哉意未已不使崔君聽

寄王質夫

白居易

憶始識君時愛君世緣薄我亦吏王畿不爲名利著

春尋仙遊洞秋上雲居閣樓觀水潺潺龍潭花漠漠
吟詩石上坐引酒泉邊酌因話出處心期老巖壑
忽從風雨別遂被簪纓縛君作出山雲我爲人籠鶴
籠深鶴殘賴山遠雲飄泊去處雖不同同負平生約
今來各何在老去隨所託我守巴南城君佐征西幕
年顏漸衰颯生計仍蕭索方舍去國愁且美從軍樂
舊遊疑是夢往事思如昨相憶春又深故山花正落

南賓郡齋卽事寄楊萬州 白居易

山上巴子城山下巴江水中有窮獨人強名爲刺史
時時竊自哂刺史豈如是倉粟餒家人黃練裹妻子

唐詩類苑

卷之九十二

壬

莓苔翳冠帶露雨靈樓雉衙鼓暮復朝郡齋歸還起
迴頭望南浦亦在煙波裏而我復何嗟六君猶滯此

覽皮先戴盛製因作十韻以寄用伸歎仰

崔璐

河嶽挺靈異星辰精氣殊在人爲英哲與國作禎符
襄陽得奇士俊邁貞龍駒勇果魯仲由文賦蜀相如
渾浩江海曠葩華桃李敷小言入無間大言塞空虚
幾人遊赤水夫子得玄珠與秘天地借洪鑪
既有曾參行仍慕君子意將使居黃樞
好保千金體須爲萬壽謀

寄張籍

孟郊

夜鏡不照物朝光何時昇黯然秋思來一作黯然走
入志士膺志士惜時逝一宵三四興清漢徒自朗濁
河終無澄舊愛忽已遠新愁坐相凌君其隱壯懷我
亦逃名稱古人貴從晦君子忌黨朋傾敗生所競保
全歸情惜一作惜浮雲何當來潛虬會飛騰

寄暢當

韋蘇州

寇賊起東山英俊方未閑聞君新應募籍籍動京關
出身文翰場高步不可攀青袍未及解白羽挿腰間
昔爲瓊樹枝今有風霜顏秋郊細柳道走馬一夕還

唐詩類苑

卷之九十二

壬

丈夫當爲國破敵如摧山何必事州府坐使鬚毛斑

寄院中諸公

孟郊

奕奕秋水傍駸駸綠雲蹄月仙有高曜靈鳳無卑棲
翠色遙雲容碧華凝句溪竹林遞歷覽雲寺行攀躋
冠豸猶屈蟠匣龍期朝犀千山驚月曉百里聞霜聲
庾府多秀異謝公期相攜因之仰羣彥養拙固難齊

寄洛州李大夫

孟郊

自從蒞師反中國事紛紛儒道一失所賢人多在軍
鳥巢憂迸射塵耳駭驚聞劒折唯恐匣一作恐匣弓食不
讓勳方知百事將動必謝前羣羣陣常先罷魚符最

晚分步閑洛水曲笑激太行雲詩叟未相識竹兒爭
見君殷勤越談說記盡士風文

寄盧虔使君

孟郊

霜露再相換遊人猶未歸歲新月改色客久線斷衣
有鶴水在翅竟久力難飛千家舊素沼昨日生綠輝
春色若不一一作借爲君步芳菲

寄崔純亮

孟郊

百川有餘水大海無滿波器量各相懸賢愚不同科
羣辯有咨語衆歡無一作行歌唯餘洛陽子鬱鬱恨
常多時讀過秦篇爲君涕滂沱

唐詩類苑

卷之九十二

孟郊

汴州離亂後憶韓愈李翱 孟郊

會合一時哭別離三斷腸殘花不待風君盡各飛揚
懼去收不得悲來難自防孤門清館夜獨卧明月牀
忠直血白刃道路聲蒼黃食恩三千士一旦爲豺狼
海島士皆直夷門士非良人心既不類天道亦反常
自殺與彼一作被殺未知何者臧

寄張籍

孟郊

未見天子面不如雙盲人賈生對文帝終日猶悲辛
夫子亦如育所以空泣麟有時獨齋心髣髴夢稱臣
夢中稱臣言覺後眞埃塵東京有眼富不如西京無

眼貧西京無眼猶有耳隔牆時聞天子車一作轡
麟麟轡車聲輟水玉南郊壇上禮百神西明寺後窮
瞎張太祝縱爾有眼誰爾珍天子咫尺不得見不如
閉眼且養真

爲魏州從事寄耿拾遺

姚合

小在兵馬間長還繫戎職鷄飛不得遠豈要生羽翼
三年城中遊與君最相識應知我衷腸不苟念衣食
主人樹功名欲滅天下賊愚雖乏智謀願陳一夫力
人生須氣健饑凍縛不得睡當一席寬覺乃千里窄
古人不懼死徒死亦無益至交不可合一合難離拆

唐詩類苑

卷之九十二

孟郊

君嘗相勸勉苦語毒曾臆百年心知聞誰限河南北

寄皇甫湜

韓愈

敲門驚晝睡問報睦州吏手把一封書上有皇甫字
拆書放牀頭涕淚垂泗昏昏還就枕惘惘夢相值
悲哉無奇術安得生兩翅

寄崔二十六立之

韓愈

西城員外丞心跡兩屈奇往歲戰詞賦不將勢力論
下驢入省門左右驚紛披傲兀坐試席深叢見孤龍
文如翻水成初不用意爲四座各低面不敢拔頭
窺升階揖侍郎歸舍日未款佳句噴泉口考官

卷之九十二

音

旌麾摧腸

卷之九十一

備

對舉

寄韓樽

岑參

夫子素多疾別來未得書北庭苦寒地體內今何如

寄王長史

祖詠

汝穎俱宿好往來託層巒終日何寂寞繞籬生蕙蘭

因崔五侍御寄高彭州適一絕

杜甫

百年已過半秋至轉饑寒爲問彭城牧何時救急難

寄友

僧貫休

聞說到揚州吹簫有舊遊人來多不見莫是上揚州

天長路別朱大山路却寄李驪

朱慶餘

驛騎難隨伴尋山半憶君蒼崖殘月路猶數過溪雲

唐詩類苑

卷之九十二

圭

別李侍御後亭夜坐却寄朱慶餘

已作亭下別未忘燈下情吟多欲就枕更漏轉分明

寄淮上柳十

顧况

葦蕭中關戶相映綠淮流莫訝春潮闊鷗邊可泊舟

和李二主簿寄淮上綦母三

韋應物

滿城憐傲吏終日賦新詩請登報淮陰客春帆浪作

音期

寄二嚴

士良安牧

韋應物

絲竹久已懶今日遇君又破蜘蛛千道網總爲鶴

鵲兩箇嚴

寄盧陟

韋應物

柳葉遍寒塘曉霜凝高閣累日此留連別來成寂寞

寄令狐相公

賈島

策杖馳山驛逢人問梓州長江那可到行客替生愁

寄李相公

白居易

漸老只謀歡雖貧不要官唯求造化力試爲駐青春

重寄元九

白居易

蕭散弓驚鴈分飛劍化龍悠悠天地內不死會相逢

寄遠人

杜牧

唐詩類苑

卷之九十二

圭

終日求人卜迴迴道好音那時離別後入夢到如今

寄正秘書

白居易

霜菊花萎日風梧葉碎時怪來秋思苦綠詠秘書詩

有寄

杜牧

雲閣煙深樹江澄水浴秋美人何處在明月萬山頭

寄遠

賈島

家住錦水上身征遠海邊十書九不到一到忽輕年

奉寄皇甫補闕

皇甫冉

京口情人別久揚州估客來疎潮至潯陽來去相思

無處道書

唐詩類苑卷第九十二終

唐詩類苑

卷之九十二

壬

唐詩類苑卷第九十三

明雲間張之象玄超甫纂輯

雲間高承祚元錫甫編次

雲間王徹叔朗甫補訂

梁谿曹仁孫伯安甫校正

人部

寄

寄楊公

李百藥

公子盛西京光華早著名分庭接遊士虛館待時英
高閣浮香出長廊寶劍鳴匣花無隔笑歌扇不障聲

唐詩類苑

卷之九十三

寄荊州張丞相

王維

所思竟何在悵望深荆門舉世無相識終身思舊恩
方將與農圃藝植老丘園目盡南無鴈何由寄一言

寄盧象

崔顥

客從巴南度傳爾泝行舟是日風波霽高唐雨半收
青山滿蜀道綠水向荊州不作書相問誰能慰別愁

途中寄徐錄事

高適

落日風雨至秋天鴻鴈初離憂不堪比旅館復何如
君又幾時去我知音信疎空多篋中贈長見右軍書

秋山寄衛尉張卿及王徵君

李白

何以折相贈白花青桂枝月華若夜雪見此令人思
雖然剗豁興不異山陰時明發懷二子空吟招隱詩

寄王漢陽

李白

南湖秋月白王宰夜相邀錦帳郎官醉羅衣舞女嬌
笛聲諠汜郭歌曲上雲霄別後空愁我相思一水遥

見京兆韋參軍量移東陽

李白

聞說金華渡東連五百灘全勝若耶好莫道此行難
猿嘯千谿合松風五月寒他年一攜手搖艇入新安

江上寄崔少府

孟浩然

唐詩類苑

卷之九十三

二

春堤楊柳發憶與故人期草木本無意榮枯自有時
山陰定遠近江上日相思不及蘭亭事空吟祓禊詩

秦中感秋寄遠上人

孟浩然

一丘常欲卧三逕苦無資北土非吾願東林懷我師
黃金燃桂盡壯志逐年衰日夕涼風至聞蟬但益悲

南還舟中寄袁大祝

孟浩然

公沂非便習風波厭苦辛忽聞遷谷鳥來報武陵春
嶺北廻征棹巴東問故人桃源在何處遊子正迷津

行至汝墳寄盧徵君

孟浩然

行思子駕依然見汝墳洛川方罷雪嵩嶂有殘雲

曳曳半空裏容容五色分聊題一時興因寄盧徵君

寄高三十五詹事

杜甫

安穩高詹事兵戈久索居時米如宦達歲晚莫情疎
天上多鴻鴈池中足鯉魚相看過半百不寄一行書

奉簡高三十五使君

杜甫

當代論才子如公復幾人驂騮開道路鷹隼出風塵
行色秋將晚交情老更親天涯喜相見披豁對吾真

寄高適

杜甫

楚隔乾坤遠難招病客魂詩名唯我共世事與誰論
北闕更新主南星落故園定知相見日爛熳倒芳樽

唐詩類苑

卷之九十三

三

寄邛州崔錄事

杜甫

邛州崔錄事聞在果園坊久待無消息終朝有底忙
應愁江樹遠怯見野亭荒浩蕩風煙隔知酒熟香

重簡王明府

杜甫

甲子西南異冬來只薄寒江雲何夜靜蜀雨幾時乾
行李須相問窮愁豈有寬君聽鴻鴈響恐致稻粱難

廣州段功曹到得楊五長史書功曹却歸聊

寄此詩

杜甫

衛青開幕府楊僕將樓船漢節梅花外春城海水邊
銅梁書遠及珠浦使將旋貧病公知老煩君萬里傳

寄高三十五書記

杜甫

嘆息高生老新詩日又多美名人不及佳句法如何
主將收才子崆峒足凱歌聞君已朱紱且得慰蹉跎

寄賀蘭鈺

杜甫

朝野歡娛後乾坤震蕩中相隨萬里日總作白頭翁
歲晚仍分袂江邊更轉蓬勿云俱異域飲多後同風

官亭夕坐戲簡顏十少府

杜甫

南國調寒杵西江浸日車客愁連蟋蟀亭古帶蘼蕪
不返青絲鞵虛燒夜燭花老翁須地主細細酌流霞

寄楊五桂州

杜甫

五嶺皆炎熱宜人獨桂林梅花萬里外雪片一冬深
聞此寬相憶爲邦復好音江邊送孫楚遠附白頭吟

聞惠子過東谿

杜甫

惠子白駒瘦歸谿唯病身皇天無老眼空谷滯斯人
崖蜜松花熟山杯竹葉春柴門了生事黃綺未稱臣

寄杜位

杜甫

寒日經簷短窮猿失木悲峽中爲客恨江上憶君時
天地身何往風塵病敢辭封書兩行淚霑灑裏新詩

戲寄崔評事表姪

杜甫

戲寄崔評事表姪崔參軍弟常太少府諸姪
崔甫

隱豹深愁雨潛龍故起雲泥多仍徑曲心醉阻賢群

忍待江山麗還披鮑謝文高樓憶疎豁秋興坐氤氳

赴青城縣出城都寄陶王二少尹

杜甫

老被樊籠役貧嗟出入勞客情投異縣詩態憶吾曹
東郭滄江合西山白雪高文章差底病迴首興滔滔

路逢襄陽少府入城戲呈楊負外綰

杜甫

寄語楊負外山寒少茯苓歸來稍暄暖當爲斷青真
翻動神仙窟封題鳥獸形兼將老藤杖扶汝醉初醒

奉寄李十五秘書二首

杜甫

避暑雲安縣秋風早下來暫留魚腹浦同過楚王臺
猿鳥千崖窄江湖萬里開竹枝歌未好畫舸且遲回

行李千金贈衣冠八尺身飛騰知有策意度不無神

張謂

班秋兼通貴公侯出異人玄成負文彩世業豈沈淪

寄李侍御

張謂

柱下聞周史書中慰越吟近看三歲字遙見百年心
價以吹噓長恩從顧盼深不栽桃李樹何日得成陰

道意寄崔侍郎

李季蘭

道意寄崔侍郎

李季蘭

莫道戀浮名應須薄宦情百年齊旦暮前事盡虛盈
愁鬢行看白童顏學未成無過天竺國依止故先生

寄韓湘

賈島

過嶺行多少潮州漳滿川花開南去後水東北歸前
望鷺吟登閣聽猿淚滴船相思堪面話不著尺書傳

寄令狐絢相公

賈島

官高頻勅授老色把犁鋤一主長江印三封東省書
不無濠上思唯食圃中蔬夢幻將泡影浮生事只如

寄李存穆

賈島

聞道船中病似憂親弟兄信來從水路身去到柴城
唐詩類苑 卷之九十三 六

久別長鬚鬢相思書姓名忽然消息絕頻夢却還京

寄喬侍郎

賈島

大寧猶未到曾渡北浮橋曉出爬船寺手擎紫栗條
差池不相見悵望至今朝近日營家計繩懸一小瓢

寄顧非熊

賈島

知君歸有處山水亦難齊猶去瀟湘遠不聞猿狖啼
穴通茅嶺下潮滿石頭西獨立生遙思秋原日漸低

寄魏少府

賈島

來時乖面別一作傷終日使人慚易記卷中句難忘
燈下談濕苔枯樹癭瀑布濺房菴音信如相惠移居

古井南

寄宋州田中丞

賈島

古郡近南徐關河萬里餘相思深夜後未答去秋書
自別知音少難忘識面初舊山期已久門掩數畦蔬

寄柳舍人宗元

賈島

格與功俱造何人意不降一宵三夢柳孤泊九秋江
擢第名重列冲天字幾雙誓爲仙者僕側託孤風

寄會稽公徐侍郎

劉長卿

搖落淮南葉秋風想越吟那枚入梁苑逸少在山陰
老鶴無衰貌寒松有本心聖朝難稅駕惆悵白雲深

唐詩類苑 卷之九十三 七

寄劉侍御

賈島

永多苔蘚痕猶擬更趨門自夏雖無病經秋不過原
積泉畱岱鳥疊岫隔巴猿琴月西齋集如今豈復言

寄胡遇

賈島

一自殘春別經炎復到涼螢從枯樹出蛩入破堦藏
落葉書勝紙閑砧坐當牀東門因送客相訪也何妨

寄朱錫珪

賈島

遠泊與誰同來從古木中長江人釣月曠野火燒風
夢澤吞楚大閩山扼海叢此時檣底水濤起屈原通

寄葉衡

李商隱

別地蕭條極如何更獨來秋應爲紅葉雨不厭青苔
沈約只能瘦潘仁豈是才離情堪底寄惟有冷於灰

寄劉八

皇甫冉

東臯若近遠苦雨隔還期閨歲風霜晚山田收穫遲
茅簷燕去後焦路菊黃時平子遊都久知君坐見嗤

秋夜寄所思

皇甫冉

寂寞坐遷夜清風何處來天高散騎省月冷建章臺
鄰笛哀聲急城砧朔氣催芙蓉已委絕誰復可爲媒

寄王密卿

李端

酒樂今年少僧期近日頻買山多爲竹卜宅不緣貧

唐詩類苑

卷之九十三

八

志業歸初地文章寄此身嵇康雖有病猶得見情人

寄華州馬戴

僧無可

三峰待秋上鳥外掛衣巾猶見無窮景應非暫住身
水寒仙掌路山遠華陽人欲問壇邊月尋思缺復新

過杏谿寺寄姚員外

僧無可

門徑衆峰頭盤巖復轉溝雲僧隨樹老杏水落江流
峽狹有時到秦人今日遊謝公多晚望此景在南樓

寄盧載

張祐

故人盧氏子十載曠佳期少見雙魚信多聞八米詩
休儒他甚飽欸段爾應羸勿謂今劉二相逢不熟槌

寄魏郎中

李建勳

碌碌但隨群蒿蘭任不分未嘗矜有道求遇向吾君
逸駕秋尋寺長歌醉望雲高齋紙屏古塵暗北山文

寄飛卿

魚玄機

堦砌亂蛩鳴庭柯煙露清月中隣樂響樓上遠山明
珍簾涼風著瑤琴寄恨生檣君懶書札底物慰秋情

題寄王祕書

朱慶餘

唯求買藥價此外更無機扶病看紅葉辭官著白衣
斷離通野徑高樹陰鄰扉時復留僧宿宿餘人得見稀

中春愴懷寄二三知己

僧齊已

唐詩類苑

卷之九十三

九

眼暗心還白逢強凭欄因聞積夜雨却憶舊山寒
竹撼煙叢滑花燒露朵乾故人相會處處話此衰殘

出關後寄賈島

周賀

故國知何處西風已度關歸人值落葉遠路入寒山
多難喜相識久貧寧自閑唯將往來信遙慰別離顏

寄太常王少卿

李山甫

別後西風起新蟬坐卧聞秋天靜如水遠岫碧侵雲
雅飲純和氣清吟水雪文相思重回首梧葉下紛紛

闕下偶書寄孫員外

李建勳

長安驅馳地貴賤共悠悠白日誰相促勞生自不休

鳳翔雙闕曉蟬噪六街秋獨有南宮客時來話釣舟

冬日寄友人

喻 鳧

空爲梁甫吟誰竟知音風雪坐關夜鄉園來舊心
滄江孤棹迴落日一鐘深君子久忘我此誠甘自沈

寄劉錄事

喻 鳧

城西青島寺累夜漱寒泉今在提綱所應難掃石眠
風沙榆塞迴波浪橘洲偏重整瀟湘棹心期更幾年

寄盧式

項 斯

到處久南望未知何日回寄書頻到海得夢忽聞雷
嶺日當秋暗蠻花近臘開白身居瘴癘誰不惜君才

唐詩類苑

卷之九十三

十

寄友人

于 鄴

長安清渭東游子跡重重此去紅塵路難尋君馬蹤
昔時輕一別漸老貴相逢應戀嵩陽住嵩陽饒古松

寄楊尚

李 端

麥秀草芊芊幽人好晝眠雲霞生嶺上猿鳥下林前
顏子方敦行支郎久住禪中林輕暫別約略已經年

寄膳部李郎中

昌符

鄭 谷

鄭郊陪野步早歲偶因詩自後吟新句長愁減舊知
靜燈微落燼寒硯旋生澌夜夜冥搜苦那能發不衰

寄北客

于 鄴

窮邊足風慘何處醉樓臺家去幾千里月圓十二回
寒牛隨日遠雪路向城開游子久無信年年空鴈來

金陵道中寄

曹 松

忍苦待知音無時省廢吟始爲分路客莫問向隅心
嶠翠藏幽瀑枝風下曉禽憶君秋欲盡馬上秣陵砧

寄雍陶先輩

姚 鵠

知音杳何處書札寄無由獨宿月中寺相思天畔一
半樓露凝衰草白螢度遠煙秋悵望難歸枕吟夢生

夜愁

寄朗州徐員外

張 祐

一嶺昔飄蓬人間值俊雄關西今孔子城北舊徐公
清夜游何處良辰此不同傷心幾年事一半在湖中

唐詩類苑

卷之九十三

十二

寄姚合郎中

周 賀

轉刺名山郡連年別省曹分題得客少著價買書高
晚柳蟬和角寒城燭照濤都谿卧疾者未獲後乘騶

相次尋舉客寄佳人

周 賀

停撓因舊識白髮向波濤以我往來倦知君耕稼勞
渚田臨舍盡坂路出簷高游者還南去終期伴爾曹

出關寄賈島

周 賀

舊鄉無子孫誰共老青門迢迢直路別離深夜村

伊流背遠客岳響答啼猿去後期招隱何當復此言

旅次寄賈島兼簡無可上人

馬戴

相思邊草長迴望水連空鴈過當行次蟬鳴復客中
壯年看即改羸病計多同儕宿林中寺深憑問遠公

分司東都蒙襄陽李司徒相公書問因以奉

寄

劉禹錫

早忝金馬客晚爲商洛翁知名四海內多病一生中
舉世往還盡何人心事同幾時登峴首恃舊掛三公

寄友人

張蠟

唐詩類苑

卷之九十三

三

戀道欲何如東西遠索居長疑卽見面翻致久無書
旬麥深藏雉淮苔淺露魚相思不我會明月屢盈虛

別後寄友生

張蠟

上馬如飛鳥飄然隔去塵共看今夜月獨作異鄉人
就養江田孰移居并賦新襄陽所上隱應與孟家鄰

西陵寄二公

權德輿

西陵過風處自古是通津終日空江上雲山若待人
汀洲寒事早魚鳥興情新西望稽山路吾心有所親

寄劉員外長卿

權德輿

南憶新安郡千山帶夕陽斷猿知夜久秋草助江長

疎髮應成素青松獨耐霜愛才稱漢主題柱待回鄉

寄張象甫

權德輿

悲風還舊浦雲嶺隔東田伏臘同雞黍柴門閉雪天
孤村明夜火稚子候歸船靜者心相憶離居畏度年

寄楊協律

韋應物

吏散門閣掩鳥鳴山郡中遠念長江別俯覺座隅空
舟泊南池雨簾卷北樓風併罷芳樽燕爲愴昨時同

水上寄樂天

元稹

眼前明月水先入漢江流漢水流江海西江過庾樓
庾樓今夜月君豈在樓頭萬一樓頭望還應望我愁

唐詩類苑

卷之九十三

三

寄胡靈之

元稹

早歲顛狂伴城中共幾年有時潛步出連夜小亭眠
月影侵牀上花叢在眼前今宵正風雨空宅楚江邊

簡恒燦

韋應物

室一作臺虛多涼氣一作風天高屬秋時空庭夜風雨草
木曉離披簡書日云曠文墨誰復持聊因遇澄靜一

與道人期

簡盧陟

韋應物

可憐白雪曲未遇知音人恹惶戎旅下蹉跎淮海濱
澗樹含朝雨山鳥啼餘春我有一瓢酒可以慰風塵

迎寄韓魯州詹同年

李商隱

積雨晚騷騷相思正鬱鬱不知人萬里時有燕夢高
冠盜纏三輔時興元賊起三川兵出梅苔滑百牢聖朝推衛霍
歸日動仙曹

寄羅劭興

李商隱

棠棣黃花發忘憂碧葉齊人閑微病酒燕重遠嫌泥
混沌何由鑿青冥未有梯高陽舊徒侶時復一相攜
寄昭應王中丞

張籍

借得西街宅開門渭水頭長貧唯要健漸老不憂愁
獨凭藤書案空懸竹酒鉤春風石甕寺作意共君遊

唐詩類苑

卷之九十三

十五

宿廣德寺寄從舊

張籍

古寺客堂空開簾四面風移牀動栖鶴倚燭聚飛蟲
閑卧逐涼處遠愁生靜中林西微月色思與甯家同
寒食夜寄姚侍御

張籍

貧官多寂寞不異野人居作酒和山藥教兒寫道書
五湖歸去遠百事病來疎况憶同懷者寒庭月上初
奉和陝州十四翁中丞寄雷州二十翁司戶

張籍

聯飛獨不前迥落海南天賈傳竟行矣邵公唯泫然
瘴開山更遠路極水無邊沈劣本多感况聞原上篇

酬裴僕射朝回寄韓吏部

張籍

獨愛南關裏山晴竹杪風從容朝早退瀟灑客常通
案曲新亭上移花遠寺中唯應有吏部詩酒每相同
遠寄

白居易

欲忘忘未得欲去去無由兩腋不生翅二毛空滿頭
坐看新葉落行上最高樓暝色無邊際茫茫盡眼愁
寄皇甫七

白居易

孟夏愛吾廬陶潛語不虛花樽飄落酒風案展開書
鄰女偷新果家童澆小魚不知皇甫七池上興何如
寄費冠卿

顧非熊

唐詩類苑

卷之九十三

十五

先生九華隱鳥道隔塵埃石室和雲住山田引燒開
久閑仙客降高臥詔書來一入深林去人間更不回
寄虔州薛大夫

羅隱

祝融峰下別三載夢魂勞地轉南康重官兼亞相高
海鵬終負日神馬背眠槽會得窺成績幽窓染兔毫
秋寄張坤

羅隱

庭樹已黃落閉門俱寂寥未知棲托處空羨聖明朝
酒醒鄉心闊雲情客思遙吾徒自多感顏子只簞瓢
寄李播評事

杜牧

子列光殊價明時恐自高寧無好計微不泛惡日滯

大翼終難戩奇峯且自輯春來唾者上幾事雪霜毛

寄山中友人

溫庭筠

惟昔有歸趣今茲固願言嘯歌成往事風雨坐涼軒
時物信佳節歲華非故園固知春草色何意爲王孫

二

從小識賓卿恩深若弟兄相逢在何日此別不勝情
紅粉座中客絳游江上城尚平婚嫁累無路

寄臺院孫端公

鄭谷

才拙道仍孤無何捨釣徒班雖沾玉笋香不近金爐
雨露瞻雙闕煙波隔五湖唯君應是念曾共伏青蒲

唐詩類苑

卷之九十三

十六

寄陸龜蒙

羅隱

龍樓李丞相昔歲仰高文黃閣尋無主青山竟未聞
夜船乘海月秋寺伴江雲却恐塵埃裏浮名點汙君

秋日寄狄補闕

羅隱

紅塵擾擾間立馬看南山謾道經年往何妨逐日閑
病中霜葉赤愁裏鬢毛班不爲良知在驅車已出關

寄易定公乘億

羅隱

謝舞仍宮柳高奇世少雙侍中生不到園令死須降
班秩通烏府罇罍奉碧幢昭王有餘烈試爲禱迷邦

寄大理徐郎中

羅隱

佐棘竟誰同因思證聖中事難忘顯報理合有陰功
官序就枝老幽塵范甌空幾時潘好禮重與話清風

寄蘇拾遺

羅隱

早歲長楊賦當令諫獵書格高時輩伏言巧宦情疎
慷慨傳丹桂艱難保舊居退朝應藁章能望馬相如

寄許融

羅隱

多病仍疎掘唯君與我同帝鄉年共老江外業俱空
燕冷辭華屋蠶涼咽晚叢白雲高幾許全屬採芝翁

寄崔鈞

杜牧

緘書報子玉爲我謝平津自愧掃門士誰爲乞火人

唐詩類苑

卷之九十三

十七

詞臣陪羽獵戰將騁駢隣兩地差池恨江汀醉送君

病中寄鄭十六兄

司空曙

倦枕欲徐行開簾秋日明手便筇杖今頭喜葛巾輕
綠草前侵水黃花半上城虛銷此風景不見十年兄

晚寄張十八助教周郎博士

韓愈

日薄風景曠出歸偃前簷晴雲如壁絮新月似磨鎌
田野興偶動衣冠情久厭吾生可攜手難息歲將淹

寄前黃州寶使君

趙嘏

池上笙歌寂不聞樓中愁殺碧虛雲玉壺凝盡重重

汨寄與風流舊使君

涇州寄進士劉駕

曹鄴

我家不肯水君身不向越自是相憶苦忽如經年別
山家草木寒石上有殘雪美人望不見迢迢雲中月

寄司勳張員外學士

鄭谷

平昔偏知我司勳張外郎昨來聞傲擾憂甚欲顛狂
煙暝搔愁鬢春陰賴酒鄉江樓倚不得橫

寄錢郎中

僧法照

閉門深樹裏閑足鳥來過五馬不復貴一僧誰奈何
藥苗家自有香飯乞時多寄語嬋娟客將心向薜蘿

唐詩類苑 卷之九十三

寄賈島

姚合

漫向城中住兒童不識錢甕頭絕寒酒能額燒無煙
狂發吟如哭愁來坐似禪新詩有首旋被衆人傳

寄裴使君

姚合

新詩盈道路清韻似敲金調格江山峻功夫日月深
蜀賸方入寫越客始銷吟後輩難知處朝日在用

寄李頻

姚合

性疎常似病一作開門院開一作推長庭莎朋友來看
少詩書卧讀多命隨才苦一作薄愁與酒相和

珍重君名字新登甲乙科

友人南遊不回因而有寄 姚合

相思春樹綠千里亦依依鄴杜月頻滿瀟湘人不歸
桂花風畔落煙草蝶雙飛一別無消息水南車跡稀

途中寄朱特

方干

登車誤相遠談笑亦何因路入瀟湘樹書隨巴蜀人
飲永寒犯雪傾篋病看春莫負髫年志清朝有獻臣

寄李頻

方干

衆木又搖落望君還不還軒車在何處雨雪滿前山
思苦文星動卿遙釣渚聞明年見名姓唯我獨何顏

中路寄喻昆

方干

唐詩類苑 卷之九十三

九

求名如未遂白首亦難歸送我樽前酒典君身上衣
寒蕪隨楚盡落葉渡淮稀莫欲于時晚前心豈便非

瓜州寄柳中庸

李端

懷人同不寐清夜起論文月魄正出海鴈行斜上雲
寒潮來灩灩秋葉下紛紛便送江東去徘徊只待君

寄白閣默公

賈島

已知歸白閣山遠晚晴看石室人心靜冰潭月影殘
微雲分片滅古木落薪乾後夜誰聞磬西峰絕頂寒

寄董武

賈島

雖同一城裏少省得從容門掩園林僻日高巾幘慵

孤鴻來半夜積雪在諸峰正憶毘陵客聲聲隔水鐘

寄天鄉寺仲儀上人富春孫處士

許渾

詩僧與釣翁千里兩情通雲帶鴈門雪水連漁浦風
心期榮辱外名挂是非中歲晚爾歸去田園清洛東

寄錢庶子

賈島

曲江春水滿北岸掩柴關祇有僧隣舍全無物快山
樹陰終日掃藥債隔年還猶記聽琴夜寒燈竹屋間

寄許八

張說

萬類春皆樂但顏獨不怡年來人更老花發意先衰

唐詩類苑

卷之九十三

十一

乳雀穿墻畫巢蜂觸網絲平生美容色宿昔影中疑
遠道何由夢同心在者誰西風欲寄語惘然遂無詞

寄孟五

高適

秋風落窮巷離憂兼暮蟬後時已如此高興亦徒然
知君念淹泊憶我屢周旋征路見來鴈歸人悲遠天
平生感千里相望在真賢

敘寄貢半千

駱賓王

薄宦三河道自負十餘年不應驚若厲祇爲直如絃
坐歷山川險吁嗟陵谷遷長吟空抱膝短翮詎冲天
魂歸滄海上望斷白雲前釣名勞拾紫隱迹自談玄

不學多能聖徒思鴻寶仙斯志良難已此道豈徒然

嗟爲刀筆吏耻從繩墨牽岐路情雖狎人倫地本偏

長揖謝時事獨往訪林泉寄言二三子生死不來旋

寄岳州賈司馬六丈巴州嚴八使君兩閣老

五十韻

杜甫

衡岳啼猿裏巴州鳥道邊故人俱不利謫宦兩悠然
開闢乾坤正榮枯雨露偏長沙才子遠釣瀨客星懸
億昨趨行殿殷憂捧御筵討胡愁李廣奉使待張騫
無復雲臺仗虛修水戰船蒼茫城七十流客劍三千
畫角吹秦晉旄頭俯澗瀍小儒輕董卓有識笑苻堅

唐詩類苑

卷之九十三

十一

浪作禽填海那堪血射天萬方思助順一鼓氣無前
陰散陳倉北晴熏太白顛亂麻屍積衛磔竹勢臨燕
法駕還雙闕王師下八川此時雷奉引佳氣拂周旋
貔虎開金匣麒麟受玉鞭侍臣諳入仗廐馬解登僊
花動朱樓雪城凝碧樹煙衣冠心慘愴故老淚潺湲
哭廟悲風急朝正暮景鮮月分梁漢米春得水衡錢
內藥繁於纈官花軟勝綿恩榮同拜手出入最隨肩
晚著華堂醉寒重繡被眠戀齊兼秉燭書狂滿懷牋
每覺昇元輔深期列大賢秉鈞方咫尺鍛翮再聯翩
禁掖朋從改微班性命全青蒲甘受戮白髮竟誰憐

弟子貧原憲諸生老伏虔師資謙未達鄉黨敬何先
舊好腸堪斷新愁眼欲穿翠乾危棧竹紅膩小湖蓮
賈筆論孤憤嚴君賦幾篇定知深意苦莫使衆人傳
貝錦無停織朱絲有斷絃浦鷗防碎首霜鶻不空拳
地僻昏炎瘴山稠隘石泉且將基度日應用酒爲年
典郡終微眇治中實棄捐安排求傲吏比興展歸日
去去才難得蒼蒼理又玄古人稱逝矣吾道卜終焉
隴外翻投迹漁陽復控弦笑爲妻子累甘與歲時遷
親故行稀少兵戈動接聯他鄉饒夢寐失侶自迢迢
多病加淹泊長吟阻靜便如公盡雄俊志在必騰鶩

唐詩類苑

卷之九十三

主一

寄李十二白二十韻

杜甫

昔年有狂客號爾謫仙人筆落驚風雨詩成泣鬼神
聲名從此大汨沒一朝伸文彩承殊渥流傳必絕倫
龍舟移棹晚獸錦奪袍新白日来深殿青雲滿後塵
乞歸優詔許遇我宿心親未負幽栖志兼全寵辱身
劇談憐野逸嗜酒見天真醉舞梁園夜行歌泗水春
才高心不展道屈善無鄰處士禰衡俊諸生原憲貧
稻粱求未足意欲謗何煩五嶺炎蒸地三危放逐臣
幾年遭鵬鳥獨泣向麒麟蘇武先還漢黃公豈事秦
楚筵辭醴日梁獄上書辰已用當時法誰將此義陳

老吟秋月下病起暮江濱莫怪恩波隔乘槎與問津
秋日夔府詠懷奉寄鄭監李賓客一百韻

杜甫

絕塞鳥蠻北孤城白帝邊飄零仍百里消渴已三年
雄劍鳴開匣群書滿繫船亂離心不展衰謝日蕭然
筋力妻孥問菁華歲月遷登臨多物色陶冶賴詩篇
峽束滄江起巖排石樹圓拂雲霾楚氣潮海蹴吳天
黃井爲鹽速燒畝度地偏有時驚疊嶂何處覓平川
鷓鴣雙雙舞獼猴壘壘懸碧蘿長似帶錦石小如錢
春草何曾歇寒花亦可憐獵人吹戍火野店引山泉

唐詩類苑

卷之九十三

主一

喚起搔頭急扶行幾屐穿兩經猶薄產四海絕隨肩
幕府初交辟郎官幸備員瓜時猶旅寓萍泛若黃緣
藥餌虛狼籍秋風灑靜便開襟驅瘴癘明日掃雲煙
高宴諸侯禮佳人上客前哀箏傷老大華屋豔神仙
南內開元曲常時弟子傳法歌聲變轉滿坐涕潺湲
吊影夔州僻回腸杜曲煎卽今龍廐水莫帶犬戎羶
耿賈扶王室蕭曹供御筵秉威滅蜂蠆戮力効鷹鷂
舊物森猶在凶徒惡未悛國須行戰伐人憶止戈鋌
奴僕何知禮恩榮錯與權胡星一彗孛黔首遂拘攣
哀痛絲綸切煩苛法令蠲業成陳始王兆喜出于旼

宮禁經綸密台階翊戴全能兼戴呂望鴻鴈美周宣
側聽中興主長吟不世賢音微一柱數道里下牢千
鄭李光時論文章並我先陰何尚清省沈宋歛聯翩
律比崑崙竹音知燥濕絃風流俱善價愜當久忘筌
置驛常如此登龍蓋有馬雖云隔禮數不敢墜周旋
高視牧人表虛心味道玄馬來皆汗血鶴淚必青田
羽翼商山起蓬萊漢閣連官寧紗帽爭江令錦袍鮮
東郡時題壁南湖日扣舷遠遊臨絕境佳句染華牋
每欲孤飛去徒爲百慮牽生涯已寥落國步尚屯遷
食枕成蕪沒池塘作棄捐別離憂坦坦伏臘涕漣漣
露菊斑斑豐鎬秋蔬影澗瀍共誰論昔事幾處有新阡
富貴空回首喧爭懶著鞭兵戈塵漠漠江漢月娟娟
局促看秋燕蕭疎聽晚蟬雕蟲蒙記憶烹鯉問沈綿
卜羨君平杖屨存子敬瓊囊虛把釵釧米盡折花鈿
甘子陰涼葉茅齋八九椽陣圖沙北岸市暨漢西巔
羈絆心嘗折棲遲病卽痊紫收岷嶺芋白種陸家蓮
色好梨勝頰穠多栗過拳勑厨唯一味求飽或三鱸
兒去看魚筍人來坐馬羈縛柴門窄窄通竹溜洧洧
塹抵公畦稜村依野廟孺缺籬將棘拒倒石賴藤纏
借問頻朝謁何如穩晝眠誰云行不逮自覺坐能堅

霖雨銀章濯馨香粉署妍紫鸞無遠近黃雀任翻翔
困學違從衆明公各勉旃聲華夾宸極早晚到星躔
懇諫留匡鼎諸儒引服虔不逢輸鯁直會是正陶甄
宵旰憂虞軫軫元病苦駢雲臺終自畫青簡爲誰編
行路難何有招尋興已專由來具飛檄暫擬控鳴弦
身許雙峰寺門求七祖禪落帆追宿昔永褐向真詮
安石名高晉昭王客赴燕途中非阮籍檀上似張騫
披拂雲寧在淹留景不延風期終破浪水怪莫飛涎
他日辭神女傷春怯杜鵑淡交隨聚散澤國遶迴旋
本自依迦葉何曾籍倕佺鑪峰生轉盼橘井尚高寒
東走窮歸鶴南征盡跼蹐晚聞多妙教辛踐寒前愆
顧愷丹青列頭陀琬琰鏤衆香深黯黯幾地肅阡阡
勇猛爲心極清羸任體辱金篋空刮眼鏡象未離銓
寄張十二山人彪三十韻 杜甫
獨臥嵩陽客三違潁水春艱難隨老母慘澹向時人
謝氏尋山屐陶公漉酒巾群兇彌宇宙此物在風塵
歷下辭姜被關西得孟鄰早通交契密晚接道流新
靜者心多妙先生藝絕倫草書何太古詩興不無神
曹植休前輩張芝更後身數篇吟可老一字買堪貧
將恐曾防寇深潛託所親寧聞倚門夕盡力索晨餐

疎懶為名誤驅馳喪我真索居猶寂寞相遇益愁辛
流轉依邊微逢迎念席珍時來故舊少亂後別離頻
世祖修高廟文公賞從臣商山猶入楚渭水不離秦
存想青龍秘騎行白鹿馴耕巖非谷口結草在河濱
肘後符應驗囊中藥未陳旅懷殊不愜良覲眇無因
自古皆悲恨浮生有屈伸此邦今尚武何處且依仁
鼓角凌天籟關山倚月輪官場羅鎮鎮賊火近洮岷
簫瑟論兵地蒼茫關將辰大軍多處所餘孽尚紛綸
高興知籠鳥斯文起獲麟窮秋正搖落迴首望松筠
弊廬遣興奉寄嚴公
杜甫

唐詩類苑

卷之九十三

三

野水平橋路春沙映竹村風輕粉蝶喜花暖蜜蜂喧
把酒宜深酌題詩好細論府中瞻暇日江上憶詞源
跡忝朝廷舊情依節制尊遠思長者轍恐避席為門
寄韋有夏郎中
杜甫

省郎憂病士書信有柴胡飲子頻通汗懷君想報珠
親知天畔少藥餌峽中無歸棹生衣卧春鷗洗翅呼
猶聞上急水早作取平塗萬里皇華使為僚記腐儒
奉寄河南韋尹丈人
杜甫

有客傳河尹逢人問孔融青囊仍隱逸重甫尚西東
鼎食為門戶詞場繼國風尊榮瞻地絕疎放憶途窮

濁酒尋陶令丹砂訪葛洪江湖漂短褐霜雪滿飛蓬
牢落乾坤大周流道術空謬慙知薊子真怯笑楊雄
盤錯神明懼謳歌德義豐尸鄉餘土室難說祝雞翁
甫故廬在偃師承韋
公頻訪問故有下句

寄彭州高三十五使君適虢州岑二十七長
史參三十韻
杜甫

故人何寂寞今我獨悽涼老去才難盡秋來興未長
物情尤可見詞客未能忘海內知名士雲端各異方
高岑殊緩步沈鮑得同行意愜關飛動篇終接混茫
舉天悲富駭近代惜盧王似爾官仍貴前賢命可傷

唐詩類苑

卷之九十三

三

諸侯非棄擲半刺已翱翔詩好幾時見書成無使將
男兒行處是客子關身疆羈旅推賢聖沈綿抵咎殃
三年猶瘡疾一鬼不銷亡隔日搜脂髓增寒抱雪霜
徒然潛隙地有覩屢鮮粧何太龍鍾極於今出處妨
無錢居帝里盡室在邊疆劉表雖遺恨龐公至死藏
心微傍魚鳥內瘦怯豺狼隴草蕭蕭白洮雲片片黃
彭門劍閣外號咭鼎湖傍荆玉簪頭冷巴戕染翰光
烏麻蒸續曬丹橘露應嘗豈異神仙宅俱兼山水鄉
竹齋燒藥竈花嶼讀書牀更得清新否遙知對屬
舊官軍改漢淳俗本歸唐濟世宜公等安貧亦士常

蚩尤終戮辱胡羯漫猖狂會待妖氛靜論文暫裹糧

寄袁州李嘉祐員外

錢起

誰謂江山阻心親夢想偏容輝常在目離別任經年
郡國通流水雲霞共遠天行春鶯幾轉遲客月頻圓
鴈有歸鄉羽人無訪戢船願徵黃霸入相見玉階前

寄上禮部李侍郎

崔峒

吳楚相逢處江湖共泛時任風舟去遠待月酒行遲
白髮常全嘆青雲本要期貴來君却少秋至老偏愁
玉佩明朝盛蒼苔陋巷滋追尋恨無路唯有夢相思
潞州張大宅病酒過江使寄上十四兄

唐詩類苑

卷之九十三

李賀

秋至昭關後當知趙國寒繫書隨短羽寫恨破長箋
病客眠清曉疎桐墜綠鮮城鴉啼粉堞軍吹壓
岸憤縈紗幌枯塘卧折蓮木牕銀跡盡石磴水痕錢
旅酒侵愁肺離歌繞懦絃詩封兩條淚露折一枝蘭
莎老沙雞泣松乾瓦獸殘覺騎燕地馬夢載楚船
椒桂傾長席鱸魴斫玳筵豈能忘舊路江島滯佳年
逢南中使因寄嶺外故人 盧綸
見說南來處蒼梧接桂林過秋天更暖邊海日長陰
巴路綠雲出蠻鄉入洞深信迴人自老夢到月應沈

碧水通春色青山寄遠心炎方難久客爲爾一沾巾

寄賀蘭朋吉

賈島

往往東林下花香似火焚故園從小別夜雨近秋聞
野菜連寒水枯株簇古墳泛舟同遠客尋寺入幽雲
斜日扉多掩荒田徑細分相思蟬幾處偶坐蛺蝶成群
會宿曾論道登高省議文苦吟遙可想邊葉向紛紛

寄彬州李相公

許渾

高樓王與謝逸韻比南金不遇銷憂日埃塵誰復尋
曠懷君得喪失意縱登臨彩檻浮雲迴綺窓明月深
虬龍壓滄海鴛鴦思鄧林青雲傷國器白髮轉鄉心

唐詩類苑

卷之九十三

李賀

功高恩自洽道直謗徒侵應笑靈均恨江畔獨行吟

東南行一百韻寄通州元九侍御澧州李十

一舍人果州崔二十二使君開州韋大貲

外庾三十二補闕杜十四拾遺李二十助

教員外賓七校書

白居易

南去經三楚東來過五湖山頭看候館水面問征途
地遠窮江界天低極海隅飄零同落葉浩蕩似乘桴
漸覺鄉原異深知土產殊夷音語嘲嘶蠻態笑睢盱
水市通閩閩煙村混舳舻吏徵漁戶稅人納火田租
亥日饒蝦蟇寅年足虎貆成人男作事鬼女爲巫

樓閣攢娼婦隄喧簇販夫夜船論鋪賃春酒斷甌沽
見果多盧橘聞禽悉鷓鴣山歌猿獨叫野哭鳥相呼
嶺徼雲成棧江郊水當郭月橋翹柱鶴風泛颭橋鳥
鰲磯潮無信蛟驚浪不虞鼉鳴泉窟室蜃結氣浮圖
樹裂山魃穴沙含水弩樞喘牛犁紫芋羸馬放青菰
繡面誰家婢鵲頭幾歲奴泥中採菱茨燒後拾樵蘇
鼎臙愁烹鰲盤腥厭膾鱸鍾儀徒戀楚張翰浪思吳
氣序涼還熱光陰旦復晡身方逐萍梗年欲近桑榆
渭北田園廢江西歲月徂憶歸恒慘澹懷舊忽踟躕
自念咸秦客嘗爲鄒魯儒蘊藏經國術輕棄度關繻

唐詩類苑

卷之九十三

三十

賦力凌鸚鵡詞鋒敵輓轡戰文重掉鞅射策一彎弧
崔杜鞭齊下元韋轡並驅名聲逼揚馬交分過蕭朱
世務經磨揣周行竊覲覲風雲皆會合雨露各霑濡
共偶昇平代偏慙固陋軀承明連夜直建禮拂晨趨
美服頒王府珍羞降御厨議高通白虎諫切伏青蒲
栢殿行陪宴花樓走看酬神旗張鳥獸天籟動笙竽
九劍星芒耀魚龍電策驅定場排漢旅促座進吳歛
縹緲疑仙樂嬋娟勝畫圖歌鬟低翠羽舞汗墮紅珠
別選閑遊伴潛招小飲徒一杯愁已破三盞氣彌羸
軟美仇家酒幽閑葛氏姝十千方得斗二八正當壚

論笑杓胡律談憐鞏聶李酣尤短寶更醉更焉迂
鞍馬呼教住骰盤喝遣輸長驅波卷白連擲采成盧
籌併頻逃席觥嚴別置孟滿卮那可灌顏玉不勝扶
入視中樞草歸乘內廐駒醉曾衝宰相驕不揖金吾
日近恩雖重雲高勢却孤翻身落霄漢失脚到泥塗
博望移門籍潯陽佐郡符時情變寒暑世利等銷銖
卽日辭雙闕明朝別九衢播遷分郡國次第出京都
秦嶺馳三驛商山上二卬峴陽亭寂寞夏口路崎嶇
大道全生棘中丁盡執爨江關未徹警淮寇尚稽誅
林對東西寺山分大小姑廬峰連刻削湓浦帶繁紆

唐詩類苑

卷之九十三

三十

九派吞青草孤城覆綠蕪黃昏鐘寂寂清曉角嗚嗚
春色辭門柳秋聲到井梧殘芳悲鷓鴣暮節感茱萸
藥圻金英菊花飄雪片蘆波紅日斜沒沙白月平鋪
幾見林抽笋頻驚燕引雛歲華何倏忽年少不須臾
眇默思千古蒼茫想八區孔窮緣底事顏夭有何辜
龍智猶經醢龜靈未免剝窮通應已定聖哲不能逾
況我身謀拙逢他厄運拘漂流隨大海鋌鍛任洪爐
險阻嘗之矣栖遲命也夫沈冥消意氣窮餓耗肌膚
防瘴和殘藥迎寒補舊襦書牀鳴蟋蟀琴匣網蜘蛛
貧室如懸磬端憂劇守株時遭人指點數被鬼揶揄

兀兀都疑夢昏昏半是愚女驚朝不起妻怪夜長吁
萬里拋煙侶三年隔友于自然悲聚散不是恨榮枯
去夏微之瘡今春席八殂天涯書達否泉下哭知無
謾寫詩盈卷空盛酒滿壺只添新悵望豈復舊歡娛
壯志因愁減衰容與病俱相逢應不識滿頭白髭鬚
潯陽歲晚寄元八郎中庾三十三員外

白居易

閱水年將暮燒金道未成丹砂不肯死白髮事須生
病肺慙林滿衰顏忌鏡明春深舊鄉夢歲晚故交情
一別浮雲散雙瞻列宿榮螭頭塔下立龍尾道前行
唐詩類苑 卷之九十三 三
封事頻聞奏除書數見名虛懷事僚友平步取公卿
漏盡雞人報朝迴幼女迎可憐白司馬老在湓城
求分司東都寄牛相公十韻

白居易

忽忽心如夢星星鬢似絲縱貧長有酒雖老未拋詩
儉薄身都慣疎頑性頗宜針麤餐亦飽被暖起常遲
萬里歸何得三年伴是誰華亭鶴不去天竺石相隨
王尹黃將馬田家賣與池開門閑坐日遶水獨行時
懶慢交遊許衰癯相府知官寮幸無事可惜不分司

低作寄明之

白居易

歷想爲官日無如刺史時歡娛接賓客飽暖及妻兒
自到東都後安閑更得宜分司勝刺史致仕勝分司
何况園林下欣然得朗之仰名同舊識爲樂卽新知
有雪先相訪無花不作期關關乾醞酒誇妙細吟詩
里巷千來往都門五別離岐分兩迴首書到一開眉
葉落槐亭院水生竹閣池雀羅誰問訊鶴鵲罷追隨
身與心俱病容將力共衰老來多健忘惟不忘相思

秋暮山中寄李益端公

舊事與日遠酒花仍舊香前年繡衣客此節過此堂
侍臣不自高笑解繡衣裳眠雲有餘態入鳥不亂行
唐詩類苑 卷之九十三 三
我恐雲風色損君鞍馬光君言此何言且共覆前觴
古人重一笑買日輕金裝日盡秉燭遊十年不能忘
君言此何言明日皆異鄉明日非今日山下道路長
一從山下去天地再炎涼此期果難得夢君馬玄黃

寄贈齊公

杜淹

冠蓋遊梁日詩書同志年佩蘭長坂上攀桂小山前
結交淡若水履道直如絃此觀終未極千茲獨播遷
緒衣登蜀道白首別秦川淚隨溝水逝心逐曉旌懸
去去逾千里悠悠隔九天郊野間長薄城關隱凝煙
關門共月對山路與雲連此時寸心裏難用尺書傳

寄陝府鄧一作給事

孟郊

陝城臨大道館宇屹幾鮮候謁隨芳一作語鏗詞芬

蜀牋從來鏡目下見盡道心前自謂古詩量異一作

將新學偏憚人年六十每月請三千不敢等閒用願

為長壽錢非關亦潔爾將以救然孤省癡絞皎默

吟寫綿綿病書憑畫目驛信寄宵鞭疾訴將何論肆

鱗今倒懸塵鯉見枯浪土鬣思乾泉感感無緒湯愁

愁作一作邊貞元文祭酒公比一作學韋玄滿坐無風

襟當朝雅獨全見知囑徐孺公賞句類陶淵一顧

生鴻羽再言將鶴翩宣揚隘車馬君子湊駢關曾是

唐詩類

卷之九十三

手

此同卷至今應賜憐磨墨零落淚楷字貢仁賢

寄渚宮遺民弘里生

溫庭筠

柳弱河堤曲離疎水巷深酒闌初促席歌罷欲分襟

波月期華燭汀雲潤故琴鏡清花並蒂牀冷簾連心

荷疊平橋閣萍稀敗舫沈城頭五通鼓窻外萬家砧

異縣魚投浪當年鳥共林八行書未滅千里夢難尋

未肯睽良願空期嗣好音他時因詠作猶得比南金

寄王度

姚合

顛悴王居士顛狂不稱時天公與貧病時輩便輕欺

茅屋隨時賃一作盤餐逐日移一作瘰癧官似夢珍

重酒如師無竹裁蘆看思山壘石為靜聰邀客睡一作話客古寺覓僧棋瘦馬寒來死羸童餓得癡唯尋阮籍傳

寄李群玉

姚合

九衢名與利無擾一作閑人道遠輕欺世才高貴重身

后脂稀勝乳玉粉細於塵骨換肌膚膩心虛一作氣

色真嵩山高倒日洛水煖如春居住應安穩黃金幾

電新

寄費冠卿

姚合

逍遙繒繳外高鳥與潛魚闕下無朝籍林間有詔書

唐詩類

卷之九十三

手

夜眠幽洞石曉飯白雲蔬四海人空老九華君獨居

此心誰復識日與世相疎

禱言寄李白

任華

古來文章有能奔逸氣聳高格清人心神驚人魂魄

我聞當今有李白大獵賦鴻猷文嗤長卿笑子雲班

張所作瑣細不入耳未知卿雲得在嗤笑限登廬山

觀瀑布海風吹不斷江月照還明余愛此兩句登天

台望渤海雲垂大鵬飛山壓巨鰲背斯言亦好至于

他作多不拘常律振擺超騰既俊且逸或醉中操紙

或興來走筆手下忽然片雲飛眼前劃見孤峰出而

我有時白日忽欲睡睡覺忽然起攘臂任生知有君
君也知有任生未中間聞道在長安及余戾止君已
江東訪元丹邂逅不得見君面每常把酒向東望良
久見說往年在翰林胸中矛戟何森森新詩傳在官
人口佳句不唯明主心身騎天馬多意氣目送飛鴻
對豪貴承恩召入凡幾迴待詔歸來仍半醉權臣如
盛名群犬多吠聲有勅放君歸隱滄高歌大笑出門
去且向東山爲外臣諸侯交逐馳朱輪白壁一雙買
交者黃金百鎰相知人平生傲岸其志不可測數十
年爲客未嘗一日低顏色八詠樓中坦腹眠五侯門

唐詩類苑

卷之九十三

三

下無心憶繁花越臺上細柳吳宮側綠水青山知有
君白雲明月偏相識養高兼養閑可望不可攀莊周
萬物外范蠡五湖間又聞訪道滄海上丁令王喬時
還往蓬萊經是曾到來方丈豈惟方一丈伊余每欲
乘興遠相尋江湖擁隔勞寸心今朝忽遇東飛翼寄
此一章表胸臆倘能報我一片言但訪任華有人識

雜言寄杜甫

任華

杜拾遺名甫第二才甚奇任生與君別來已多時何
嘗一日不相思杜拾遺知不知昨日有人誦得數篇
黃綃詞吾怪異奇特借問果然稱是杜二之所爲勢

搜虎豹氣騰蛟螭滄海無風似鼓蕩華岳平地欲奔
馳曹劉俯仰慙大敵沈謝逡巡稱小兒昔在帝城中
盛名君一箇諸人見所作無不心膽破郎官叢裏作
狂歌丞相閣中常醉臥前年皇帝歸長安承恩闊步
青雲端積翠扈遊花匠披香寓直月團欒英才特
達承天曉公卿無不相欽羨只綠汲黯好直言遂使
安仁却爲稼如今避地錦城隅尊府寒寮每日相就
提玉壺半醉起舞擣髭鬚乍低乍昂傍若無古人制
禮但爲防俗士豈得爲君設之乎而我不飛不鳴亦
何以只待朝廷有知己已曾讀却無限書拙詩一句

唐詩類苑

卷之九十三

老

兩句在人耳如今看之總無益又不能崎嶇傍朝市
且當事耕稼豈得便徒爾南陽葛亮爲朋友東山謝
安作隣里閑常把琴弄悶卽攜樽起駕帝二月三月
時花發千山萬山裏此中幽曠無人知火急將書憑
驛使爲報杜拾遺

寄岑嘉州

杜甫

不見故人十年餘不道故人無素書願逢顏色關塞
遠豈意出守江城居外江三峽且相接斗酒新詩終
自疎謝眺每篇堪諷誦馮唐已老聽吹噓泊船秋夜
經春莫伏枕青楓限玉除眼前所寄選何物贈子雲

安雙鯉魚

寄栢學士林居

杜甫

自胡之反持干戈天下學士亦奔波嘆彼幽栖載典籍蕭然暴露向山阿青山萬里靜散地白雨一洗空垂蘿亂代飄零予到此古人成敗子如何荆揚春冬異風土巫峽日夜多雲雨赤葉楓林百舌鳴黃泥野岸天鷄舞盜賊縱橫甚密邇形神寂寞甘辛苦幾時高議排金門各使蒼生有環堵

寄狄明府

杜甫

梁公曾孫我姨弟不見十年官濟濟大賢之後竟陵遲浩蕩今古同一體比看伯叔四十八有才無命百僚底今者兄弟一百人幾人卓絕秉周禮在汝更用文章爲長兄白眉復天啓汝門請從曾公說太后當朝多巧計狄公執政在末年濁河終不汙清濟國嗣初將付諸武公獨廷諍守丹陛禁中冊決詔房陵前朝長老皆流涕太宗社稷一朝正漢官威儀重昭洗時危始識不世才誰謂茶苦甘如薺汝曹又宜裂土食身使門戶多旌祭胡爲飄泊岷漢間干調王侯頗歷詆況乃山高水有波秋風蕭蕭露泥泥虎之饑下巉巖蛟之橫出清泚早歸來黃污人衣眼易眯

厚齋類定

卷之九十三

三

蘇端薛復筵簡薛華醉歌

杜甫

文章有神交有道端復得之名譽早愛客滿堂盡豪傑開筵上日思芳草安得健步移遠梅亂插繁花向晴昊千里猶殘舊冰雪百壺且試開懷抱垂老惡聞戰鼓悲急觴爲緩憂心擣少年努力縱談笑看我形容已枯槁座中薛華善醉歌歌辭自作風格老近來海內爲長句汝與山東李白好何劉沈謝力未工才兼鮑照愁絕倒諸生頗盡新知樂萬事終傷不自保氣酣日落西風來願吹野水添金盃如澆之酒常快意亦知窮愁安在哉忽憶雨時秋井塌古人白骨生

厚齋類定

卷之九十三

三

寄韓諫議注

杜甫

今我不樂思洛陽身欲奮飛病在牀美人娟娟隔秋水濯足洞庭望八荒鴻飛冥冥日月白青楓葉赤天雨霜玉京群帝集北斗或騎麒麟翳鳳凰芙蓉旌旗煙霧樂影動倒景搖瀟湘星宮之君醉瓊漿羽人稀少不在傍似聞昨者赤松子恐是漢代韓張良昔隨劉氏定長安帷幄未改神慘傷國家成敗吾豈敢色難腥腐餐楓香周南留滯古莫惜南極老人應壽昌美人胡爲隔秋水焉得置之貢玉堂

投簡成華兩縣諸子

杜甫

赤縣官曹擁材傑，軟裘快馬當冰雪。長安苦寒誰獨悲，杜陵野老骨欲折。南山豆苗早荒穢，青門瓜地新凍裂。鄉里兒童項領成，朝廷故舊禮數絕。自然棄擲與時異，況乃疎頑臨事拙。飢卧動即向一旬，弊裘何啻聯百結。君不見空牆日色晚，此老無聲淚垂血。

寄裴施州

杜甫

廊廟之具裴施州，宿昔一逢無此流。金鑪大鑪在東序，冰壺玉衡懸清秋。自從相遇減多病，三歲為客寬邊愁。竟有四岳明至理，漢二千石真分憂。幾度寄書

唐詩類苑

卷之九

早

白鹽北苦寒，贈我青羔裘。霜雪迴光避，錦袖蛟龍動。篋蟠銀鈎紫衣使，者辭復命再拜故人。討佳政將老已，失子孫憂後來。況接才華盛。

君不見簡蘇侯

杜甫

君不見道邊廢棄池，君不見前者推折桐。百年死樹中，瑟瑟一斛舊水藏蛟龍。丈夫蓋棺事始定，君今幸未成老翁。何恨憔悴在山中，深山窮谷不可處。霹靂飈飈無狂風。

巴陵寄李二戶部張四禮部

賈至

江南芳草初羃羃，愁殺江南獨愁客。秦中楊柳也應春，轉憶秦中相憶人。萬里鶯花不相見，登高一望淚沾巾。

山中與元九書因題書後

白居易

憶昔封書與君夜，金鑒殿後欲明天。今夜封書在何處，廬山菴裏曉燈前。籠鳥檻猿俱未死，人間相見是何年。

耳順吟寄敦詩夢得

白居易

三十四十五慾牽，七十八十百病纏。五十六十却惡恬淡清靜心，安然已過愛貪聲利後。猶在病羸昏

唐詩類苑

卷之九

早

老前未無筋力，尋山水尚有心。情聽管絃開新酒，嘗數盞醉憶舊詩。吟一篇敦詩夢得且相勸，不用嫌他耳順年。

寄韋珣

柳宗元

初拜柳州出東郊，道旁相送皆賢豪。迴眸炫晃別群玉，獨赴異域穿蓬蒿。炎煙六月煙口鼻，胸鳴肩舉不可逃。桂州西南又千里，灘水關石麻蘭高。陰森野葛交蔽日，懸蛇結虺如蒲萄。到官數宿賊滿野，縛壯殺老啼且號。饑行夜坐設方略，籠銅枹鞞鼓手所操。奇瘡釘骨狀如箭，鬼手脫命爭纖毫。今年噬毒得瘡疾，

支心攬腹戟與刀爾來氣少筋骨露蒼白漸泊盈顛
毛君今吃吃又竄逐辭賦已復窮詩騷神兵廟略頻
破虜四溟不日清風濤聖恩儻忽念行葦十年踐踏
久已勞幸因解網入鳥獸畢命江海終遊遨願言未
果身益老起望東北心滔滔

寄盧全

韓愈

王川先生洛城破敗聞而已矣一奴長領不裹
頭一婢赤脚老無齒辛勤奉養十餘人上有慈親下
妻子先生結髮憎俗徒閉門不出動一紀至今鄰僧
乞米送僕忝縣尹能不耻俸錢供給公私餘時致薄

唐詩類苑

卷之九十三

聖一

少助祭祀勸參畱守謁大尹言語緩及輒掩耳水北
山人得名聲去年去作幕下士水南山人又繼往鞍
馬僕從塞間里少空山人索價高兩以諫官微不起
彼皆刺口論世事有未免遭驅使先生事業不可
量惟用法律自繩已春秋三傳束高閣獨抱遺經究
終始往年弄筆嘲同異怪辭驚衆謗不已近來自說
尋坦途猶上虛空跨騶駟去年生兒名添丁意令與
國充耘耔國家下口連四海豈無農夫親耒耜先生
抱才終大用宰相未許終不住假如不在陳力列立
言垂範亦足恃苗裔當蒙十世宥豈能無基址

故知忠孝生天性潔身亂倫安足擬昨晚長鬚來下
狀隔牆惡少惡難似每騎屋山下窺闕渾舍驚怕走
折趾憑依婚媾欺官吏不信令行能禁止先生受屈
未曾語忽此來告良有以嗟我身為赤縣令操權不
用欲何俟立召賊曹呼伍伯盡取鼠輩尸諸市先生
又遣長鬚來如此處置非所喜況又時當長養節都
邑未可猛政理先生是余所異度量不敢窺涯涘
放縱是誰之過與效尤戮僕愧前史買羊沽酒謝不
敏偶逢明月曜桃李先生有意許降臨更遣長鬚致
雙鯉

唐詩類苑

卷之九十三

聖三

寄蕭二十三慶中

盧全

蕭乎蕭乎憶蕭者嵩山之盧盧楊州蕭歙州相思過
春花鬢毛生麥秋千災萬怪天南道惺惺鸚鵡皆人
言山魃吹火蟲入枕鳥呪咀蛇吐涎就中南瘴欺
北客憑君數磨犀角喚我憶君心千百間千百間君
何時還使我夜夜勞魂魄

河上寄故人

韓翃

河流曉天漢水清煙日暖昆吾臺上春深顯項城邊
鶯聲亂凋鴻花片細點龍泉西望情人早至猶應
得醉芳年

唐詩類苑卷第九十四

明雲間張之象玄超甫纂輯

雲間高承祚元錫甫編次

雲間王微叔朗甫補訂

梁谿曹仁孫伯安甫校正

人部

寄

西江寄越弟

王昌齡

南浦逢君嶺外還沅溪更遠洞庭山堯時恩澤如春

雨夢裏相逢同入關

唐詩類苑

卷之九十四

寄河上段十六

王維

與君相見即相親聞道君家在孟津爲見行舟試借

問客中時有洛陽人

寄在朝鄭曹孤李四同年

李商隱

昔歲陪遊舊跡多風光今日兩蹉跎不因醉本蘭亭

在兼忘當年舊永和

寄廣文張博士

王建

春明門外作卑官病友經年不得看莫道長安近於

日昇天却易到城南

道州奉寄襄陽張相公

呂溫

悠悠世路自浮沈
豈問仁賢待物心
最憶過時留宴處
豔歌催酒後亭深

江樓對面寄杜書記

王建

竹煙花雨細相和
看著閑書睡更多
好是主人無事日
應持小酒按新歌

寄宋景

張籍

詔發官兵取亂臣
將軍弓箭不離身
君今獨在征東府
莫遣功名屬別人

寄宋次都

許渾

唐詩類苑 卷之九十四

宋檻煙霜夜坐勞
美人南國舊同袍
山長水遠無消息
瑤瑟一彈秋月高

憑李忠州寄書樂天

元稹

萬里寄書將上峽
却憑水峽寄江州
傷心最是江頭月
莫把書將上庾樓

寄劉頴二首

元稹

平生嗜酒顛狂甚
不許諸公占丈夫
唯愛劉君一片膽
近來還敢似人無

前年碣石煙塵起
共看官軍過洛城
無限公卿因戰得
與君依舊綠衫行

寄庾敬休

元稹

小來同在曲江頭
不省春時不共游
今日江風好暄暖
可憐春盡古湘州

寄浙西李大夫四首

元稹

柳眼梅心漸欲春
白頭西望憶何人
金陵太守曾相伴
共踏銀臺一路塵

藥珠深處少人知
網索西臨太液池
浴殿曉聞天語後
步廊騎馬笑相隨

禁林同直話交情
無夜無曾不到明
最憶西樓人靜後
玉晨鐘磬兩三聲

唐詩類苑 卷之九十四

由來鵬化便圖南
浙右雖雄我未甘
早渡西江好歸去
莫拋舟楫滯春潭

寄權器

皇甫冉

露濕青蕪時欲晚
水流黃葉意無窮
節近重陽念歸否
眼前雛菊帶秋風

寄李渤

張籍

五度溪頭躑躅紅
嵩陽寺裏講時鐘
春山處處行應好
一月看花到幾峯

寄徐晦

張籍

郭陂魚美酒偏濃
不出琴齋見雪峯
應勝昨來趨府

日簿書林上亂重重

登樓寄胡家兄弟

張籍

獨上西樓盡日閑
林煙演漾鳥蠻蠻
謝家兄弟重城裏
不得同看雨後山

寄樂天

元稹

無身尚擬魂相就
身在那無夢往還
直到他身亦相覓
不能空記樹中環

寄江陵韓少尹

羊士諤

別來玄髮共成霜
雲起無心出帝鄉
蜀國魚箋數行字
憶君秋夢過南塘

唐詩類苑

卷之九十四

四

寄裴校書

羊士諤

登高何處見瓊枝
白露黃花自繞離
唯有樓中好山色
稻畦殘水入秋池

偶題寄獨孤使君

羊士諤

病起淮陽自有時
秋來未覺長年悲
坐逢在日唯相望
望嫋嫋涼風滿桂枝

寄劉駕

曹鄴

一川草色青裊裊
遶屋水聲如在家
悵望美人不攜手
牆東又發數枝花

寄周惲

于鵠

家在荒陂長似秋
蓼花萍葉水蟲幽
去年相伴尋山客
明月今宵何處遊

出城寄權璩楊敬之

李賀

草暖雲昏萬里春
官花拂面送行人
自言漢劍當飛去
何事還車載病身

寄裴鄆州

韓翃

烏紗靈壽對秋風
悵望浮雲濟水東
官樹陰陰鈴閣暮
州人轉憶白頭翁

寄楊侍御

包何

一官何幸得同時
十載無媒獨見遺
今日不論腰下

唐詩類苑

卷之九十四

五

組請君看取鬢邊絲

過烏公山寄錢起員外

李嘉祐

雨過青山猿呌時
愁人淚點石榴枝
無端王事還相繫
腸斷兼葭君不知

寄令狐郎中

李商隱

嵩雲秦樹久離居
雙鯉迢迢一紙書
休問梁園舊賓客
茂陵秋雨病相如

偶逢姚校書憑附書達河南鄭推官因以戲贈

贈

盧綸

寄書常切到常遲
今日憑君莫寄辭
若問玉人殊

識蓮花府裏最清羸

寄成都高苗二從事時二公從事
商隱座主府

李商隱

紅蓮幕下紫梨新命斷湘南病渴人
今日問君能寄否二江風水接天津

西南行却寄相送者
李商隱

百里陰雲覆雪泥行人只在雪雲西
朝驚破還鄉夢定是陳倉碧野鷄

寄成都高苗二從事
李商隱

家近紅渠曲水濱全家羅襪起秋塵
莫將越客千絲網網得西施別贈人

唐詩類苑 卷之九十四

寄蜀客
李商隱

君到臨邛問酒壚近來還有長卿無
金徽却是無情物不許文君憶故夫

寄惱韓同年時韓住蕭洞二首

李商隱

簾外辛夷定已開開時莫放豔陽迴
年華若到經風雨便是胡僧話劫灰

龍山晴雪鳳樓霞洞裏迷人有幾家
我爲傷春心自醉不勞君勸石榴花

寄明州于駙馬使君三絕句

白居易

有花有酒有笙歌其奈難逢親故何
近海饒風春足雨白鬚太守悶時多

平陽音樂隨都尉畱滯三年在浙東
吳越聲邪無法用莫教偷入管絃中

何郎小妓歌喉好嚴老呼爲一串珠
海味腥鹹損聲氣聽看猶得斷腸無

寄楊六侍郎
白居易

西戶最榮君好去左馬雖穩我慵來
秋風一筋鱸魚膾張翰搖頭喚不迴

唐詩類苑 卷之九十四

吟前篇寄微之
白居易

君顏貴茂不清羸君句雄華不苦悲
何事遣君還似我髭鬚早白亦無兒

寄潮州繼之
白居易

相府潮陽俱夢中夢中何者是窮通
他時事過方應悟不獨榮空辱亦空

寄黔州馬常侍
白居易

閑看雙節信爲貴樂飲一杯誰與同
可惜風情與心力五年拋擲在黔中

寄陸補闕

白居易

忽憶前年科第後此時鷄鶴暫同群
秋風惆悵須吹散鷄在庭中鶴在雲

寄隨州周員外

韓愈

陸孟丘楊久作塵同時存者更誰人
金丹別後知傳得乞取刀圭救病身

寄杜子二首

杜牧

不識長楊事北胡且教紅袖醉來扶
狂風烈焰雖千尺豁得平生俊氣無

武牢關吏應相笑箇底年年往復來
若問使君何處

唐詩類苑 卷之九

去爲言相憶首長迴

別王十後遣京使累路附書

杜牧

重關曉度宿雲寒羸馬緣知步步難
此信的應中路見亂山何處拆書看

寄友人

陳標

杜甫在時貪入蜀孟郊生處却歸秦
如今始會麻姑意借問山川與後人

于東林寺寄陳丘二侍郎

釋靈澈

年老心閑無外事
年

好林下何曾見一人

寄同年韋校書

皮日休

二年疎放飽江潭水物山容盡足耽
唯有故人憐未替欲封乾餿寄終南

奉和寄同年韋校書

陸龜蒙

萬古風煙滿故都清才搜括妙無餘
可中寄與芸香客便是江南地聖書

舟中喜遇從叔簡別後寄上時從叔初擢第

歸江南郊不從行

孟郊

一意兩片雲暫合還却分南雲乘慶歸
北雲與誰群

唐詩類苑 卷之九

寄聲千里風相喚聞不聞

寄寶澤處士二首

羅隱

蘭亭醉客舊知聞欲問平安隔海雲
不是金陵錢太尉世間誰肯更容身

龍背樓臺拂白榆此中槎客亦踟躕
牢山道士無仙骨却向人間作酒徒

寄牛相公

杜牧

漢水橫衡蜀浪分危樓點點拂孤雲
六年仁政謳歌去柳遠春隄處處聞

寄遠

一牧

前山極遠碧雲合清夜一聲白雪微欲寄相思千里月溪邊殘照雨霏霏

柳州寄京中親故

柳宗元

林邑山聯瘴海秋牂牁水向郡前流勞君遠問龍城地正北三千到錦州

銅魚使赴都寄親友

柳宗元

行盡關山萬里餘到時間并是荒墟附庸唯有銅魚使此後無因寄遠書

寄劉長卿

李穆

處處雲山無盡時桐廬南望轉參差舟人莫道新安

唐詩類苑

卷之九十四

十

近欲上潺湲行自遲

詔追赴都迴寄零陵親故

柳宗元

每憶鮮鱗遊尺澤翻愁弱羽上丹霄岸傍古堠應無數次第行看別路遙

寄江南逐客

韋莊

二年音信阻湘潭花下相思酒半酣記得竹齋風雨夜對牀孤枕話江南

寄李十員外

王仲舒

百丈懸泉舊卧龍欲將肝膽贊時雍唯愁又入煙霞去知在廬峯第幾重

寄謝麟

方干

越國雲溪秀發時蔣京詞賦謝麟詩後來若要知優劣學圃無過老圃知

與長洲陳子美長官

方干

枕上愁多百緒牽常時睡覺在溪前人間盡是交親力莫道升沈總信天

寄贊冠卿

蕭建

見說九華峯上寺日宮猶在下方開其中幽境客難到請爲詩中圖畫來

因許八奉寄江寧旻上人

杜甫

唐詩類苑

卷之九十四

十一

不見旻公三十年封書寄與淚潺湲舊來好事今能否老去新詩誰與傳碁局動隨尋澗竹袈裟憶上泛湖船聞君話我爲官在頭白昏昏只醉眠

寄杜位

杜甫

近聞寬法離新州想見歸懷尚百憂逐客雖皆萬里去非君已是十年流干戈况復塵隨眼鬢髮還應雪滿頭玉壘題書心緒亂何時更得曲江遊

寄韋徵君

杜甫

白水青山空復春徵君晚節傍風塵楚妃堂上色殊衆海鶴塔前鳴向人萬事紛紛絕粒一官羈絆實

藏身開州入夏知涼冷不似雲安毒熱新

寄崔侍御

李白

宛溪霜夜聽猿愁去國長爲不繫舟獨憐一鴈飛南海却羨雙溪解北流高人屢解陳蕃榻過客難登謝眺樓此處別離同落葉朝朝分散敬亭秋

暮登西安寺鐘樓寄裴十杜甫

暮倚高樓對雪峯僧來不語自鳴鐘孤城返照紅將斂近市浮煙翠且重多病獨愁常間寂故人相見未從容知君苦思緣詩瘦太向交遊萬事慵

使次安陸寄友人

劉長卿

唐詩類苑

卷之九古

十一

新年草色遠萋萋久客將歸失路蹊暮雨不知須口處春風共到穆陵西孤城盡日空花落三戶無人自鳥啼君在江南相憶否門前五柳幾枝低

寄韓八壽州

劉禹錫

風獵紅旗入壽春滿城歌舞向朱輪八公山下清淮水千騎塵中白面人桂嶺雨餘多鶴迹茗園晴望似龍鱗聖朝方用敢言者次第應須舊諫臣

寄楊虢州與之舊姻

劉禹錫

避地江湖知幾春今來本郡擁朱輪阮郎無復里中舊楊僕却爲關外人各繫一官難命駕每還前

沾巾玉城山裏多靈藥慵落功名且養神

寄樂天

元稹

莫嗟虛老海壖西天下風光數會稽靈汜橋前百里鏡石帆山嶠五雲溪水消田地蘆雖短春入枝條柳眼低安得故人生羽翼飛來相伴醉如泥

寄浙東皇甫中丞

秦系

閒閒麋鹿或相隨一兩年來鬢始衰琴硯共依春酒甕雲霞覆著破柴籬注書不向時流說種藥空令道者知久帶紗巾仍舊草山中那得見朝儀

餘姚奉寄鮑參軍

嚴維

唐詩類苑

卷之七古

十一

童年獻賦在皇州方寸唯思君與侯萬事無成新白首兩春虛擲對滄流歌詩盛賦文星動簫管新亭晦日遊知已欲依何水部鄉人今正賤東丘

寄李儋元錫

韋應物

去年花裏逢君別今日花開又一年世事茫茫難自料春愁黯黯獨成眠身多疾病思田里邑有流亡愧俸錢聞道欲來相問訊西樓望月幾迴圓

從軍後寄山中友人

王建

愛仙無藥住溪貧脫却山衣事漢臣夜半聽鷄梳白髮天明見道人江村賣酒逢春去始覺食野鵝高飛避

俗人勞動先生還相示別來弓箭不離身

寄汴州令狐相公

王建

三軍江口擁雙旌虎帳長開自教兵機鑠惡徒狂寇
盡恩驅老將壯心生水門向晚茶商開橋市通宵酒
客行秋日梁王池閣好新歌散入管絃聲

寄鄭七綱

盧綸

小來落托復迢遞一辱君知二十年捨去形骸容傲
慢引隨兄弟共團圓羈遊不定同雲聚薄宦相縈若
網牽他日吳公如記問願將黃綬比青氈

寄司空曙

戴叔倫

唐詩類

卷之九十四

十四

細雨

愁向來詩句若爲酬林花落處頻中

酒海燕飛時
北郭晚晴山更遠南塘春盡水
爭流可能相別還相憶莫遣楊花笑白頭

寄劉禹錫

戴叔倫

謝相園西石徑斜知君習隱暫爲家有時出郭行芳
草長日臨池看落花春去能忘詩共賦客來應是酒
頻賒五年不見西山色悵望浮雲隱落霞

寄萍鄉唐稟正字

僧齊己

新書聲價滿皇都高卧林中更起無春興酒香熏肺
腑夜吟雲氣濕鬚同登水簷皆別共上漁船鶴

亦孤長憶前年送行
洞門殘日照菖蒲

寄韓司兵

周賀

多病十年無舊識滄州戰後始逢君已知罷秩辭瀧
水相勸移家近音雲泗上旅郵侵疊浪雪中歸路踏
荒墳若爲此別終期老書札何因寄北軍

寺居寄楊侍御

周賀

雨過北林空晚涼院閑人去掩斜陽十年多病度落
葉萬里亂愁生夜牀終欲返耕甘性拙久慚他事興
身忙還知謝客名先重肯爲詩篇問楚狂

寄衛別駕

李山甫

唐詩類

卷之九十四

十五

曉屐歸來岳寺深嘗思道侶會東林昏沈天竺看經
眼蕭索爭名老病心雲蓋數重橫隴首苔花千點遍
松陰知君超達悟空旨三徑閑行抱素琴

寄長安鄭員外

劉兼

屈指良交十四人隙駒風燭漸爲塵當初花下三秦
客只有天涯二老身乘醉幾同遊北內尋芳多共謁
東隣此時阻隔關山遠月滿江樓淚滿巾

寄友人

章碣

謝家山水屬君家曾共持鉤擲歲華竹裏竹鷄眠蘚
石溪頭鷺鷥踏金沙登樓夜坐三層月接果春看五

色花昨日西風動歸思滿船涼葉在天涯

寄江東道友

章 碣

野亭歌罷指西秦避俗爭名興各新碧帶黃麻呈縹緲短竿長線弄因循夜潮分卷三江月曉騎齊驅九陌塵可惜人間好聲勢片帆羸馬不相親

山中寄苗員外

李 端

鳥鳴花發空山裏衡岳幽人藉草時既近淺流安筆硯還因平石布著龜千尋楚水橫琴望萬里秦城帶酒思聞說潘安方寓直與君相見漸難期

寄何紹餘

林 寬

唐詩類苑

卷之九十四

十六

鴈過君猶未入城清賢門下知名風波東馬遙逢見革索饑僮尚挈行住在閑坊無轍迹別來何寺有泉聲芙蓉苑北曲江岸期看終南新雪晴

寄遠

劉 滄

西園楊柳暗驚秋寶瑟朱絃結遠愁霜落鴈聲來紫塞月明人夢在青樓蕙心迢遞湘雲暮蘭思繁迴楚水流錦字織成添別恨關河萬里路悠悠

寄梁淑

戎 昱

長憶江頭執別時論文未有不相思鴈過經秋無尺素人來終日見新詩心思食藥何由展家似流萍任

所之悔學秦人南避地武陵原上又徵師

寄成都元十八侍御

戎 昱

不見元生已數朝浣花溪路去非遙客舍早知渾寂翼交情豈謂更蕭條空有寸心思會面恨無單酌遣相邀驂騑幸自能馳驟何惜揮鞭過柞橋

寄樂天二首

元 稹

榮辱升沈影與身世情誰是舊雷陳唯應鮑叔猶憐我自保曾參不殺人山入白樓沙苑暮潮生滄海野塘春老逢佳景唯惆悵兩地各傷何限神

論才賦命不相干鳳有文章雉有冠羸骨欲銷猶被

唐詩類苑

卷之九十四

十七

刻瘡痕未沒又遭彈劍頭已折藏須蓋丁字雖剛屈莫難休學州前羅剎石一生身敵海波瀾

簡監儒

劉 兼

蹄涔豈信有滄浪螢火何堪並太陽淵奧未曾探禹穴矜誇便擬越丘墻小巫神氣終須怯下俚音聲必不長近日水壺多晦昧虎皮羊質也觀光

春日村山寄李縱員外

僧皎然

南山唯與北山隣古樹連拳伴我身黃鸝有心多不住白雲無事獨相親閑持竹扇深看水頭著眼不出見人欲掇幽芳聊贈送郎官那賞石門春

寄孟東野

戴叔倫

亂餘城郭怕經過到處閒門長薜蘿
用世空悲聞道淺入山偏喜識僧多
醉歸花徑雲生履樵罷松巖雪滿
蓑石上幽期春又暮何時載酒聽高歌

和令狐相公寄劉郎中兼見示

白居易

日月天衢仰面看尚淹池鳳滯臺鸞
碧幢千里一秋風鎮赤筆三年未轉官
別後縱吟終少興病來雖飲不多歡
酒軍詩敵如相遇臨老猶能一據鞍

寄劉蘇州

白居易

唐詩類苑

卷之九

六

去年八月哭微之今年八月哭敦詩
何甚老淚交流日多是秋風搖落時
泣罷幾迴深自念情來一倍苦相思
同年同病同心事除却蘇州更是誰

將至東都先寄令狐留守

白居易

黃鳥無聲葉滿枝閑吟想到洛城時
惜逢金谷三春盡恨拜銅樓一月遲
詩境忽來還自得醉鄉潛去與誰期
東都添箇狂賓客先報壺觴風月知

同崔十八寄元浙東王陝州

白居易

未能同隱雲林下且復相招祿仕閒
聞月有錢勝賣

藥終年無事祇歸山鏡湖水遠何由汎
棠樹枝高不易攀惆悵八科殘四在
兩人榮闈兩人閑

寄衛明府常見短靴褐裘又務持誦是以有

末句之贈

司空曙

紫桑官舍近東林兒稚初髻即道心
側寄繩牀嫌凭几斜安苔幘嬾穿簪
高僧靜望山僧逐走吏喧來水鴨沈
翠竹黃花皆佛性莫教塵境誤相侵

寄李相公崔侍郎錢舍人

白居易

會陪鶴馭兩三仙親侍龍輿四五年
天上歡華春有限世間漂泊海無邊
榮枯事過都成夢憂喜心忘便

唐詩類苑

卷之九

九

是禪官滿更歸何處去香爐峯在宅門前

寄殷協律

白居易

五歲優遊同過日一朝消散似浮雲
琴詩酒伴皆拋我雪月風時最憶君
幾度聽鷄歌白日亦曾騎馬詠紅裙
吳娘暮雨蕭蕭曲自別江南更不聞

早春同劉郎中寄宣武令狐相公

白居易

梁園不到一年強遙想清吟對綠觴
更有何人能飲酌新添幾卷好篇章
馬頭拂柳時迴轡豹尾穿花暫亞槍
誰引相公開口笑不逢白監與劉郎

寄微之

白居易

帝城行樂日紛紛天畔窮愁我與君
秦女笑歌春不見巴猿啼哭夜常聞
何處琵琶絃似語誰家局隨髻如雲
人生多少歡娛事那獨千分無一分

寄李蘄州

白居易

下車書奏龔黃課動筆詩傳鮑謝風
江郡謳謠誇杜母洛城歡會憶車公
笛愁春盡梅花裏簾冷秋生薤葉中
不道蘄州歌酒少使君難稱與誰同

寄微之作時微之爲號州司馬

白居易

唐詩類苑

卷之九十四

三

高天默默物茫茫各有來由致損傷
鸚鵡爲能言長剪翅龜緣難死久楮牀
莫嫌冷落拋地地猶勝炎蒸卧瘴鄉
外物竟關身底事謾排門戟繫腰章

寄崔慶孫

羅隱

故人何處又留連月冷風高鏡水邊
文陣解圍圍纔昨日醉鄉分袂已三
年交情澹薄應長在俗態流離且勉
旒還擬山陰一乘興雪寒難得渡江船

寄楊秘書

羅隱

蕭蕭簷雪打牕聲因憶江東阮步兵
兩信海潮書不達數聲鶯語恨長明
海繁幾處垂鞭看酒好何人倚

檻傾會待與君開秋筵滿船載鏡中行

江南寄所知周僕射

羅隱

曾陪公子醉西園峴首碑前事嬾言
世亂共嗟王粲老時危俱受信陵恩
潮憐把盞吟江激雨憶平關望海門
飛蓋寂寥清宴罷不知簪履更誰存

寄徐濟進士

羅隱

往年疎嬾共江湖月滿花香記得無
霜壓楚蓮秋後折雨催蠻酒夜深酤
紅塵偶別迷前事丹桂相輕恩後徒
出得函關抽得手從來不及阮元瑜

寄韋瞻

羅隱

唐詩類苑

卷之九十四

三

石城簑笠阻心期落盡山花有所思
羸馬二年蓬轉後故人何處月明時
風催曉燕看看別雨脅秋蠅漸漸癡
禪智闌干橋市酒縱然相見只相悲

使廻枉唐州崔司馬書兼寄四韻因和

杜牧

清晨候吏把酒來十載離憂得暫開
癡奴去時還讀易仲容多興索銜杯
人心計日殷勤望馬首隨雲早晚廻
莫爲雲臺愁歲暮潛龍須待一聲雷

寄分司元庶子兼呈元處士

溫庭

閉門高卧莫長嗟
水木凝暉屬謝家
緱嶺參差殘曉雪
洛波清淺露晴沙
鐺公春盡蕪菁色
華旣愁深苴
霜花月榭知君還
悵望碧霄煙闊鴈行斜

寄劉校書

郭元振

俗吏三年何足倫
每將榮辱在朝昏
才微易向風塵老
身賤難酬知己恩
御苑殘鶯啼落日
黃山黃山宮名荒荒一作非細雨濕歸軒
迴首漢家丞相府
昨來誰得掃重門

江邊有寄

羅隱

江邊舊業半彫殘
每軫歸心卽萬端
狂折野梅山店暖
醉聽村笛酒樓寒
只言聖代謀身易
奈貧儒得路難
同病同憂更何事
爲君提筆畫漁竿

唐詩類苑

卷之九十四

三

寄張侍郎

羅隱

衰羸豈合話荊州
爭奈恩多不自由
無路重趨桓典馬
有詩曾上仲宣樓
塵銷別跡堪垂淚
樹拂他門嬾舉頭
一種人間太平日
獨教零落憶滄洲

寄進士盧休

羅隱

半夜池口恨萍蓬
今日思量已夢中
遊子馬蹄難重到
故人樽酒與誰同
山橫翠後千層綠
蠟想歌時一燼紅
從此客程君不見
麥秋梅雨遍江東

寄李起居四韻

杜牧

楚女梅簪白雪姿
前溪碧水凍醪時
雲疊心凸知難捧
鳳管簧寒不受吹
南國劍眸能盼盼
侍臣香袖愛僛僛
垂自憐窮律窮途客
正切孤燈一局棋

金陵寄竇尚書

羅隱

二年岐路有西東
長憶優游楚驛中
虎帳談高無客繼
馬卿官傲少人同
世危肯使依劉表
山好猶能憶謝公
此去此恩言不得
謾將閑淚對春風

秋日禪智寺見裴郎中題名寄韋瞻

羅隱

野寺疎鐘萬木秋
偶尋題處認名侯
官離南郡應閑暇
地勝東山想駐留
百盞醪醕成別夢
兩行垂露浣羈愁
心知只有韋公在
更對真蹤話舊遊

寄右省王諫議

羅隱

耳邊要靜不得靜
心裏欲閑終未閑
自是宿緣應有累
可能時事更相關
魚慙張翰辭東府
鶴怨周顒負北山
看却金庭芝朮老
又驅車入七人班

寄楊秘書

羅隱

潮水平來見鯉魚
偶因烹處得瓊瑤
披披尋藻思千重
後吟想水光萬里餘
漳浦病來情轉薄
赤城吟苦意

何如錦衣公子憐君在十載兵戈從板輿

暇日有寄姑蘇曹使君兼呈張郎中郡中賓僚

羅隱

嘉樹陰陰覆劍池此中能政動神祇湖邊觀稼雨迎馬城外犒軍風滿旗融酒徒誇無算爵儉蓮還少最高枝珊瑚筆架真珠履曾和陳王幾首詩

寄宣州鄭諫議 杜牧

大夫官重醉江東蕭灑名儒振古風文石陛前辭聖主碧雲天外作冥鴻五言寧謝顧光祿百歲須齊衛武公再拜宜同丈人行過庭交分有誰同

唐詩類苑 卷之九十四 三

寄浙東韓又評事 杜牧

一笑五雲溪上舟跳丸日月十經秋鬢衰酒減欲誰泥跡辱魂慚好自由夢寐幾回迷蛺蝶文章應廣畔牢愁無窮塵土無聊事不得清言解不休

柳州寄丈人周韶州 柳宗元

越絕孤城千萬峯空齋不語坐高春印文生綠經旬合硯匣留塵盡日封梅嶺寒煙藏翡翠挂江秋水露鰓鱗丈人本自忘機事爲想年來憔悴容

寄獨孤至之 李幼卿

近日霜毛一番新別時芳草兩迴春不堪花落花開

處况是江南江北人薄宦龍鍾心嬾慢故山寥落水滄淪緣君愛我疵瑕少願竊仁風寄老身

寄從兄遵 韋莊

江上秋風正釣鱸九重天子夢翹車不將高卧邀劉主自吐清談護漢儲滄海十年龍影斷碧雲千里鴈行疎相逢莫話歸山計明日東封待直廬

寄江陵王少府 方干

分手頻曾變寒暑迢迢遠意各何如波濤一阻兩鄉夢歲月無過雙鯉魚吟處落花藏筆硯睡時風雨濕圖書比來俗輩皆疎我唯有故人心不疎

唐詩類苑 卷之九十四 三

寄于少監 方干

修持清苦振佳聲衆鳥那知一鶚情躡履三千皆後學搏風九萬卽前程名將日月同時朽身是山河應數生從此雲泥更懸闊漁翁不合見公卿

寄江州白司馬 楊巨源

江州司馬平安否惠遠東林住得無湓浦曾聞似衣帶廬峯見說勝香爐題詩歲晏離鴻斷望闕天遙病鶴孤莫謾勾牽雨花社青雲依舊是前途

出山寄蘇從事 方干

寸心似火燭求薦兩鬢如霜始息機隔岸鷄鳴春轉

去隣家犬吠夜漁歸倚松長嘯宜疎拙拂石歆眠絕
是非多謝元瑜憐野賤時回車馬發光輝

寄盧生

溫庭筠

遺業荒涼近故都門前堤路枕平湖綠楊陰裏千家
月紅藕香中萬點珠此地別來雙鬢改幾時歸去片
帆孤他年猶擬金貂換寄語黃公舊酒壚

寄岳州李員外

溫庭筠

含嚔不語坐持願天遠樓高宋玉悲湖上殘棋人散
後岳陽微雨鳥歸遲早梅猶得迴歌扇春水還因理
釣絲獨有袁宏易憔悴一樽惆悵落花時

唐詩類苑

卷之九十四

壬

寄薛秀才

元稹

馬上同攜今日杯湖邊還折去年梅年年祇是人空
老處處何曾花不開歌詠每添詩酒興醉酣還命管
絃來樽前百事皆依舊檢點唯無薛秀才

寄申州盧拱使君

楊巨源

領郡仍聞總虎貔致身還是見男兒小船隔水催桃
葉大鼓當風舞柘枝酒坐微酣諸客倒毬場慢撥幾
人隨從來樂事憎詩苦莫放牕中遠岫知

病間寄郡中文士

許渾

盧橘含花處處香老人依舊卧清漳心同客舍驚秋

早跡似僧齋厭夜長風捲翠簾琴自響露凝朱閣簾
先涼明朝欲醉文中彥猶覺吟聲帶越鄉

送賈校書東歸寄振上人

李益

北風吹鴈數聲悲況指前林是別時秋草不堪頻送
遠白雲何處更相期山隨匹馬行看暮路入寒城獨
去遲爲問東州故人道江淹已擬惠休詩

寄劉方平

皇甫冉

坐憶山中人窮棲事南畝煙霞相親外墟落今何有
潘郎作賦年陶令辭官後達生遺自適良願固無負
田取潁水流樹入陽城口歲暮憂思盈離居不堪久

唐詩類苑

卷之九十四

壬

寄永嘉王十二

錢起

永嘉風景入新年才子詩成定可憐夢裏還鄉不相
見天涯憶戴復誰傳花傾曉露垂如淚驚拂遊絲斷
若絃願得回風吹海鴈飛書一宿到君邊

寄韓潮州愈

賈島

此心曾與木蘭舟直到天南潮水頭隔嶺篇童來華
岳出關書信過龍流峯懸驛路殘雲斷海浸城根老
樹秋一夕瘴煙風捲盡月明初上浪西樓

黎陽寄姚合

賈島

魏都城裏曾遊熟才子齋中止泊多去日綠楊垂紫

陌歸時白草夾黃河新詩不覺千迴詠古鏡曾經幾度磨惆悵心思滑臺北滿杯濃酒與愁和

寄王六侍御

張籍

漸覺近來筋力少難堪今日在風塵誰能借問功名事祇自扶持老病身貴得藥資將助道肯嫌家計不如人洞庭已置新居處歸去安期與作隣

寄元員外

張籍

外郎直罷無餘事掃灑書堂試藥爐門巷不教當要鬧詩篇轉覺足功夫月明臺上唯僧到夜靜坊中有酒沽朝省入頻閑日少可能同伴舊遊無

唐詩類苑

卷之九十四

三

卧病聞吉中孚拜官寄元秘王几季

李端

漢家採使不求聲自慰文章道欲行毛遂登門雖異賞韓非入傳濫齊名雲歸暫愛青山出客去還愁白髮生年少奉親皆願達敢將心事向玄成

寄樂天

元稹

閑夜思君坐到明追尋往事倍傷情同登科後心相合初得官時髭未生二十年來諳世路三千里外老江城猶應更有前途在知向人間何處行

寄杜侍御

王建

何須服藥竟升天粉閣爲郎卽是仙買宅但幽從索價裁松取活不爭錢退朝寺裏尋荒塔經宿城南看

野泉道氣清凝分曉爽詩情冷瘦滴秋鮮學通儒釋

三千卷身擁旌旗二十年春巷偶過同戶飲暖牕時

語對牀眠破除心力綠書癖傷瘦花枝爲酒顛今日

總來歸聖代一作今日總歸聖馬地丈人先達幸相憐

寄陳碕隱

碕隱

碕隱

黃滔

寄陳碕隱

黃滔

道經前輩許名拔後時喧虛左中興榜無先北海樽新文漢氏史別墅謝公村須到三徵處堂堂謁帝聞

寄林寬

黃滔

唐詩類苑

卷之九十四

三

相知四十年故國與長安俱喜今辰在休論往歲難海鳴秋日黑山直夏風寒終始前儒道昇沈盡一般

寄少常盧同年

黃滔

官拜少常休青綢換鹿裘狂歌離樂府醉夢到瀛洲古器巖耕得神方客謎畱清溪莫沈釣王者或畋遊

寄羅郎中隱

黃滔

休向中興雪至冤錢塘江上看濤翻三徵不起時賢議九轉終成道者言綠酒杯腸已爛新詩數首骨猶存瑤壻若使知人事仙桂應遭蠹卻根

寄蔣先輩

蔣先輩

黃滔

夫差官苑悉蒼苔
客朝遊夜未回
塚上題詩蘇小
見詩殿切江頭
酌酒五員來
秋風急處煙花落
明月中
時水寺開千載三吳有高跡
虎丘山翠益崔嵬

唐詩類苑

卷之九十四

三

唐詩類苑卷第九十五

明雲間張之象玄超甫纂輯

雲間高承祚元錫甫編次

雲間王微叔酌甫補訂

梁谿曹仁孫伯安甫校正

人部

贈

零陵贈李卿元侍御簡吳武陵

柳宗元

理世固輕士
棄捐湘之湄
陽光競四溟
敲石安所施

唐詩類苑

卷之九十五

一

鍛羽集枯幹
低昂互鳴悲
朔雲吐風寒
寂歷窮秋時

君子尚容與
小人守兢危
慘淒日相視
離憂坐自滋

樽酒聊可酌
放歌諒徒爲
惜無協律者
竊眇絃吾詩

贈鄭大夫魴

孟郊

天地入胸臆
吁嗟生風雷
文章得其微
物象由我裁

宋玉逞大句
李白飛狂才
苟非聖賢心
孰與造化該

勉矣鄭夫子
驪珠今始胎

大隱詠三首

孟郊

崔從事郎以直隸職一作官

古人留清風
千載遙贈君
破松見貞心
裂竹看直

於月色不改高賢德常新家懷詩書富宅抱草木貧
安得一蹄泉來化千尺鱗含意永不語釣璣幽水濱

章仇將軍良棄功守貧

飲君江海心

誰一作

能辨淺深揖君山岳德誰能齊

嶽岑東海精爲月西嶽氣凝金進則萬景畫一作退
則群物陰我欲薦此言天門峻沈沈風颺亦感激爲

我廳吟

趙記室倣在職無事

卑靜身後老高動物先摧方圓水任器剛勁木成灰

大道母群物達人腹衆才時吟堯舜篇心向無爲開

唐詩類苑

卷之九十五

二

彼隱山萬曲我飲酒一杯公庭何所有日清風來

贈韓郎中愈二首

孟郊

何以定

一作

交拜贈君高山石何以保貞堅贈君青

松色貧居過此外無可相彩飾聞君碩鼠詩吟之淚

空滴

碩鼠既穿墻又嚙機上絲穿墻有閑一作土嚙絲無

餘衣朝吟枯桑柘暮泣穿杼機豈是無巧妙絲斷將

何施衆人上肥華志士多饑羸願君保此節一作貞

天意當察微

投贈張端公

孟郊

君子量不極胸吞百川流嫉邪霜氣直問俗春辭桑
日戶畫輝靜月杯宵景幽詠驚芙蓉發笑激風颺秋
鸞步獨無侶鶴音仍寡儔幸沾分寸顧散此千萬憂

贈蘇州韋郎中使君

孟郊

謝客吟一聲霜落羣聽清文含元氣桑鼓動萬物輕

嘉木依性植曲枝亦不生塵埃徐庾詞金玉曹劉名

章句作雅正江山益鮮明蘋萍一浪草菰蒲片池榮

上達溪舍人

孟郊

北山少日月草木苦風霜貧士在重坎食梅有酸腸

唐詩類苑

卷之九十五

三

萬俗皆走圓一身一作猶學方常恐衆毀至春葉成

秋黃大賢秉高鑒公燭無私光暗室曉未及幽吟涕

空行

贈主人

孟郊

斗水瀉大海不如瀉枯池分明賢達交豈顧豪華兒

海有不足流豪有不足資枯鱗易爲水貧士易爲施

幸觀君子席會將幽賤期側聞清風議如飲黃金卮

此道與日月同光無盡時

贈崔純亮

孟郊

食齋腸亦苦強歌聲無歡出門卽有礙誰謂天地寬

有礙非遐方長安大道傍小人智慮險平地生太行
鏡破不改光蘭死不改香始知君子心交久道益彰
君心與我懷離別俱迴遑譬如浸磔泉流苦已日長
忍泣目易衰忍憂形易傷項籍非不壯賈生非不良
當其失意時涕泗各沾裳古人勸加餐一作此餐作食
難自強一作飯九祝噎一嗟十斷腸况是兒女怨怨
氣凌彼蒼蒼彼蒼昔有知白日下清霜今朝始驚嘆一作呼
碧落空茫茫

贈嚴河南

孟郊

赤令風骨峭語言清霜寒不必用雄威見者毛髮攢

唐詩類苑

卷之九十五

四

我有赤令心未得赤令官終朝衡門下志將筑彈
君從西省郎正有東洛觀洛民蕭條久威恩憫撫難
苦竹聲嘯雪夜齋聞千竿詩人偶寄耳聽苦心多端
多端落杯酒酒中方得歡隱士多隱酒此言信難刊
取次令坊沽舉止務在寬何必紅燭嬌始言清宴蘭
丈夫莫矜莊矜莊不中看

投孟郊

賈島

月中有孤芳天下聆薰風江南有高唱海北初來通
容飄清冷餘自蘊襟抱中止息乃流溢推尋却冥蒙
我知雪山子謁彼偈句空必竟獲所實爾焉遂深衷

錄之孤燈前猶恨百首終一吟動狂機萬疾辭頑躬
生年面未交永夕夢輒同叙詰誰君師詎言無吾宗
余求履其跡君曰可但攻啜波腸易飽揖險神難從
前歲曾入洛差池阻從龍萍家復從趙雲思長縈縈
嵩海每可詣長途追再窮願傾肺腸事盡入焦梧桐

投張太祝

賈島

風骨高更老何春初陽葩冷月下韻一一落海涯
有子不敢和一聽千嘆嗟身臥東北泥魂挂西南霞
手把一枝栗往輕覺程賒水天朔方色暖日蒿根花
達一作達間幽栖山遺尋種藥家欲買雙瓊瑤慙無一

唐詩類苑

卷之九十五

五

木瓜

贈鄭殷處士

邵謁

善琴不得聽嘉玉不得名知音既已死良匠亦未生
退居一河湄山中物景清魚沈池水碧鶴去松枝輕
長材靡入用大厦失巨楹顏子不得祿誰謂天道平
別友人後得詩因以詩贈 劉禹錫

前時送君去揮手青門橋路轉不相見猶聞馬蕭蕭
今得出關書行程日已遙遲遲君至共結芳蘭若

贈友人

呂溫

南山雙喬松擢本皆千尋夕流膏露津朝被青雲陰

負雪出深澗搖風倚高岑明堂久不構雲幹何森森
匠意方雕巧時情正誇淫生材曾有用天地豈無心

贈薛戴

李端

曉露忽爲霜寒蟬還罷響行人在長道日暮多歸想
射策本何功名登絳帳中遂矜丘室重不料阮途窮
交結慙時輩龍鍾似老翁機非鄙夫正懶是平生性
軟枕鴻鴈高閉關花藥盛厨烟當雨絕階竹連牕暝
欲賦苦饑行無如消渴病舊業歷胡塵荒原少四隣
田園空有處兄弟未成人毛義心常苦袁安家轉貧
今呈胸臆事當爲淚沾巾

唐詩類苑

卷之九十五

六

贈先達

劉駕

終南蒼翠好未必如故山心期在榮名三載居長安
昔蒙大雅匠勉我工五言業成時不重辛苦只自憐
皎皎機上絲盡作繁箏絃貧女皆罷織富人豈不寒
驚風起長波浩浩何時還時君當要路一指王化源

贈陳高

李賀

長安有男兒二十心已朽楞伽堆案前楚辭繫肘後
人生有窮拙日暮聊飲酒祇今道已塞何必須白首
妻妻陳述聖校褐鉏俎豆學爲堯舜文時人貴衰偶
柴門車轍凍日下榆影度黃昏訪我來苦節青陽皺

太華五十仞劈地抽森秀旁古無寸尋一上憂牛斗
公卿縱不憐寧能鎖吾口李生師太華大坐看白晝
逢霜作撲檄得氣爲春柳禮節迺相去憔悴如芻狗
風雪直齋壇墨組貫銅綬臣妾氣態間唯欲承箕箒
天眼何時開古劍庸一吼

贈馮宿

李觀

寒城上秦原遊子意飄飄黑雲載萬里獵火從中燒
陰空蒸長烟殺氣獨不銷冰交石可裂風疾山如搖
時無青松心顧我獨不凋

初下東周贈孟郊

劉言史

唐詩類苑

卷之九十五

七

鶴老耳更工龜死殼亦靈正信非外訟終始全本情
童子不戲塵積書就巖局身著木葉衣養鹿兼耕
偶隨下山雲往苒失故程漸入機險中危思難泰行
十髮九縷絲悠然東周城言詞野麋態出口多累刑
因依漢元寮似羈細輕冷竈助新熱靜砧與寒聲清
斷蓬在欄豈當桃李榮寄食若蠹蟲侵損利微生
固非掘爲強懦劣寂寥非素堅冰蘗心潔立保賢貞
修文返正風刊字齊古經慙將衰末分高樓喧世名
奉和因贈至一百四十言 陸龜蒙
孔聖鑄煩事垂之千載餘其間王道垂化作荆榛墟

天必授賢哲爲時攻剪除軻雄骨已朽百氏徒起
近者韓文公首爲開闢鋤夫子又繼起陰霾終廓如
搜得萬古遺裁成千編書南山盛雲雨東序堆瑇瑁
偶此直籍客悠揚兩情攄清辭忽窈窕雅韻何舒徐
唱既野芳折訓還天籟疎輕波掠翡翠曉露披芙蓉
儷曲信寡和末流難嗣初空持一竿餌有意

魯望昨以五百言見貽過有褒美內揣庸陋

彌增愧悚因成一千言上述吾唐文物之

盛次叙相得之懽亦迭和之微旨也

皮日休

詩類苑

卷之九十五

八

三原至精氣生自蒼頡前粵從有文字精氣銖於綿
所以揚墨後文詞縱橫顛元狩富材術建安儼英賢
厥祀四百餘作者如排穿五馬渡江日群魚食蒲年
大風蕩天地萬陣黃鬚縱有命世才不如一空拳
後至陳隋世得之切且緩太浮如激灑太細如蚯蚓
太亂如靡靡太細如萃萃流之爲酌當變之爲遊畋
百足雖云衆不救殺馬蛇君臣作降虜北走如獼猴
所以文字妖致其國朝遷吾唐革其弊取士將科縣
文呈下爲人洪秀密於縷大開紫宸屏來者皆許延
日宴朝不罷龍姿懽轉朝音田呂氏春秋於焉周道

詩類苑

卷之九十五

九

反由是秦法峻射洪陳子昂其聲亦喧闐惜哉不得
時將奮猶拘攣玉壘李太白銅隄孟浩然李寬包堪
輿孟澹凝漪漣埋骨採石墳畱神鹿門挺俾其羈旅
死實覺天地屢倚與子美思不盡如轉輪縱爲三十
車一字不可捐既作風雅主遂司歌咏權誰知耒陽
土埋如真神仙當於李杜際名輩或泝汾汾良御非異
馬由云非其物無同異其人有嗤妍自開元至
今宗匠紛如烟其若沉潛英高如崑崙顛百家蠶浮
說諸子率寓篇築之爲京觀解之爲牲牲各持天地
維率意東西牽競抵元化首爭扼真宰咽或作制誥
爲宮體淵或堪被金石或可投花鈿或爲興諫
或被兒童憐烏壘虜亦寫鷄林夷爭傳披揭覆載
恒捫闔神異鍵力掀尾閭立鬼軋大塊旋降氣或若
虹耀影或如雲萬象瘡復瘡百靈瘡且燕謂乎數十
公筆若明堂棗其中有擬者不絕當如經齊驅不讓
策並駕或爭駢所以吾唐風直將三代甄被此文物
盛由乎聲詩宣採彼風八語轉軒輕似鸛麗者固不
捨鄙亦爲銓其中有鑒戒一一堪雕鐫乙夜以觀
之吾君澤焉遂命大司樂度之如星躔播於樂府
中俾爲萬代蠲吹彼圓丘竹誦茲清廟絃不惟娛列

祖兼可格上玄學予何爲者生自江海孺駸駸自悲
角不甘耕一壠諸昆指倉庫謂我死道邊何爲不力
農稽古真可嗚遂與穰穰兼之簞笠全風吹蔓草
花颯颯盈荒田老牛瞪不行力弱誰能鞭乃將耒與
耕並換與鉛閱彼圖籍肆致之千百編携將入蘇
嶺鹿門別名不就無出綠堆書塞低屋添硯涸小泉對燈
任髻藝憑案從肘研苟無切玉刀難除指上胼爾來
五寒暑試藝稱精專昌黎道未著文教如欲審其中
有聲病如我如誕譚是敢驅顏波歸之於大川其文
如可用不敢佞與便明水在藁枯大羹臨豆籩將來

唐詩類苑

卷之九十五

十

示時人掇偷垂曉涎亦或尚華縵亦曾便媛亦能
制瀨瀨亦解攻翮翮唯思逢陣敵與彼爭後先避兵
入句吳窮悴祗自跼平原陸夫子投刺來踟躕開卷
讀數篇爲之加敬虔忽窮一兩首反顧唯曲拳始來
遺巾幘乃敢排戈鋌或爲拔幟走或遭劇壘還不能
收亂轍豈暇重爲算雖然未三北亦可輸千鏢向來
說文士爾汝名可聯聖人病沒世不患窮而蹟我未
九品位君無一囊錢相逢得何事兩籠訓唱牋無顏
解媿合底事居冗員方知萬鍾祿不博五湖船夷險
但明月死生應白蓮吟餘凭几飲釣罷隈蓑眠終拋

硯山業相共此隔連

贈李十四四首

王勃

野客思茅宇山人愛竹林琴尊惟待處風月自相尋

二

小徑偏宜草空庭不厭花平生詩興酒自得會仙家

三

亂竹開三徑飛花滿四隣從來楊子宅別有尚玄人

四

風筵調桂軫月徑引藤杯直當花院裏書齋望曉開

贈韋穆十八

王維

唐詩類苑

卷之九十五

十一

與君青眼客共有白雲心不向東山去口令春草深

口號贈王九

孟浩然

日暮田家遠山中物久淹歸人須早去稚子望陶潛

贈李中華

梁鎰

莫向松山去神仙多誤人不如朝魏闕天子重賢臣

贈李儋侍御

韋應物

風光山郡少來看廣陵春殘花猶待客莫問意中人

贈熊士登

元稹

平生本多思况復老逢春今日梅花下他鄉憶故人

贈李唐山人

戴叔倫

此意靜無事閉門風景遲柳條將白髮相對共垂絲

贈何兆

李端

文章似揚馬風骨又清羸江漢君猶在英靈信未衰

贈胡居士

李端

孔融過五十海內故人稀相府恩猶在知君未拂衣

重贈邢校書

李益

俱從四方士共會九秋中斷蓬與落葉相值各因風

贈內兄盧綸

李益

世故中年別餘生此會同却將悲與病來對朗陵翁

贈韋徵君兄

李約

唐詩類苑

卷之九十五

十三

我有心中事不向韋三說秋夜洛陽城明月照張八

三贈劉員外

柳宗元

信書成自誤經事漸知非今日臨岐一作別何年待

汝歸

贈同遊

韓愈

喚起牕全曙催歸日未西喚起催歸二禽名無心花裏鳥更

與盡情啼

贈建業郭公

孟郊

師住青山寺清華常遶身雖然到城郭衣上不接塵

設李益

賈島

四十歸燕字千年外始吟已將書北嶽不用比南金

咏韓氏二子

賈島

千巖一尺壁八月十五夕清露墮桂花白鳥舞虛碧

贈廣平公宋大

張說

亞相本時英歸來復國禎朝推長孺直野幕隱之清

傳節還閭闔皇恩入漢京寧思江上老歲晏塞無成

醉後贈張九旭

高適

世上謾相識此病殊不然興來書自聖醉後語猶顛

白髮老閑事青雲在目前牀頭一壺酒能更幾回眠

蘭峯贈張九臯

祖詠

唐詩類苑

卷之九十五

十三

君王旣巡狩輦路入秦京遠樹低蒼壘孤山入幔城

寒疎禁城漏夜警羽林兵誰念迷方客長懷魏闕情

贈苗發員外

祖詠

宿雨朝來歇空山天氣清盤雲雙鶴下隔水一蟬鳴

古道黃花落平蕪赤燒生茂陵雖有病猶得伴君行

贈柳圓

李白

竹實滿秋浦鳳來何苦饑還同月下鵲三繞未安枝

夫子即瓊樹傾柯拂羽儀懷君戀明德歸去日相思

贈郭李鷹

李白

河東郭有道於世若浮雲盛德無我位清光獨映君

耻將鷄並食長與鳳爲羣一擊九千仞相期凌紫氛

贈孟氏

杜甫

孟氏好兄弟養親唯小園承顏肱手足坐客強盤餐
負米力葵外讀書秋樹根卜隣慙近舍訓子覺先門

贈畢四

杜甫

才大今詩伯家貧苦宦卑饑寒奴僕賤顏狀老翁爲
同調嗟誰惜論文笑自知流傳江鮑體相顧無兄

贈高式顏

杜甫

昔別是何處相逢皆老夫故人還寂寞削跡共艱虞
自失論文友空知賣酒壚平生飛動意見爾不能無

唐詩類苑

卷之九十五

十四

奉贈王中允維

杜甫

中允聲名久如今契闊深共傳收庾信不比得陳琳
一病緣明主三年獨此心窮愁應有作試誦白頭吟

奉贈嚴八閣老

杜甫

扈聖登黃閣明公獨妙年蛟龍得雲雨鵬鶚在秋天
客程仍疎放官曹可接聯新詩句句好應任老夫傳

途次維揚望京口寄白下諸公

蔣煥

北望情何限南行路轉深晚帆低欲葉寒日下楓林
雲白蘭陵渚烟青建業岑江天秋向盡無處不傷心

贈崔員外

韋應物

一別十年事相逢淮海濱還思洛陽日更話府中人
且對清觴滿寧知白髮新忽忽何處去車馬冒風塵

贈蕭河南

韋應物

厭劇辭京縣褒賢待詔書鄒侯方繼業潘令且閑居
霽後三川冷秋深餘一作萬木疎對琴無一事新興復

何如

常山贈張正則評事

秦系

終年避喧思常事五千言流水閒過院春風與閉門
山葵邀上客桂實落華軒莫強教余起微官不足論

唐詩類苑

卷之九十五

十五

贈王述

韓翃

端隨事龍樓思閑輒告休新調赭白馬暫試黑貂裘
珠履迎佳客金錢與莫愁座中豪貴滿誰道不風流

贈李端

司空曙

共憶南浮日登高望若何楚田湖草遠江寺海榴多
載酒尋山宿思人帶雪過東西幾迴別此會各蹉跎

贈庾侍御

司空曙

年少身無累相逢憶此時雪過雲寺宿酒向竹園期
白髮今催老清琴但起悲唯應逐宗炳內學願爲師

贈朱放

嚴維

昔年居漢水日醉習家池道勝跡長在名高身不知
欲依天目住新自始寧移生事曾無長唯將白接羅

贈萬經

嚴維

萬公長慢世昨日又隳官縱酒真彭澤論詩得建安
家山伯禹穴別墅小長干輒有時人至牕前白眼看

贈嚴維

耿湋

許詢清論重寂寞住山陰野路接寒寺閉門常日林
海田秋熟早湖水夜漁深世上窮通理誰人奈此心

贈朱慶餘校書

周賀

風泉盡結冰寒夢徹西陵越信楚城得遠懷中夜興

唐詩類苑

卷之九十五

十六

樹停沙島鶴茶會石橋僧寺閣連官舍行吟過幾層

贈越客

馬戴

故國波濤隔明時已久留獻書雙闕晚看月五陵秋
南棹何時返長江憶共遊遙知釣船畔相望在汀洲

贈同遊

李昌符

此風雨後已覺減年華若待皆無事應難更有花

管絃臨夜急榆柳向江斜且莫看歸路同須醉酒家

長安贈賈島

馬戴

歲暮見華髮平生志半空孤雲不我棄歸隱與誰同
枉道紫宸謁妨裁丹桂發何如隨野鹿棲止石巖中

題贈宣州亢裕遺

項斯

傳騎一何催山門畫未開高人終避世聖主不遺才
坐次歆臨水門中獨舉杯誰爲旦夕侶深寺數僧來

贈趙學士

李建勳

常欽趙夫子遠作五侯賓見面到今日操心如古人
醉同華席少吟訪野僧頻寂寂長河畔荒齋自閉門

贈任肅

李咸用

玄髮難姑息清雲有路岐莫言多事日虛擲少年時
松色雪中出人情難後知聖朝公道在中鵠勿差池

贈來進士鵬

李咸用

唐詩類苑

卷之九十五

十七

語玄人不到星漢在靈空若使無良遇虛言有至公
月明千嶠雪難急五更風此際苦吟力分將造化功

九江和人贈陳生

李咸用

天畏斯文墮憑君助素風意深皆有補句逸不因功
暮贊一作雲愁遠秋驚月占空寄家當瀑布時得笑

言同

贈來鵬

李咸用

默坐非關悶疑情祇在詩庭開花落後山靜月明時
答客言多簡尋僧步稍遲既同和氏璧終有玉人知

贈李金州

賈島

綺里祠前後山程踐白雲沔流隨大旆登岸見全軍
曉角吹人夢秋風卷鴈群霧開方露日漢水底一作與

沙分

贈薛鼎臣侍御

張祐

一命前途遠雙曹小邑間夜潮人到郭春霧鳥啼山
淺瀨橫沙堰高巖峻石班不堪曾倚棹猶復夢昇攀

留贈僊師主人

許渾

孤城漏未殘徒侶拂征鞍洛北去遊一作遠淮南歸

夢闌曉燈回壁暗晴雪卷簾寒更盡主人酒一作路難

唐詩類苑

卷之九十五

十八

贈同座

白居易

春黛雙蛾嫩秋蓬兩鬢侵護歡身太晚恨老意彌深
薄解燈前舞尤能酒後吟花裏便不入猶自未甘心

代人贈王員外

白居易

好在王員外平生記得不共賒黃叟酒同上莫愁樓
靜接殷勤語狂隨爛熳遊那知今日眼相見冷於秋

鄂州贈王八使君

白居易

昔是詩狂客今爲酒病夫強吟翻悵望縱醉不歡娛
鬢髮三分白交親一半無鄂城君莫厭猶校近京都

贈李商隱

喻鳧

羽翼恣搏扶山河使筆驅月疎吟夜桂龍失詠春珠
草細盤金勒花繁倒玉壺徒嗟好章句無力致前途

贈張祐

杜牧

詩韻一逢君平生稱所聞粉毫唯畫月瓊尺只裁雲
黥陣人人懾秋星歷歷分數篇留別我羞殺李將軍

贈考功盧郎中

溫庭筠

白首方辭滿荆扉對渚田雪中無陋巷醉後似當年
一笈負山藥兩甕攜澗泉夜來風浪起何處認漁船

贈太祝張籍

姚合

絕妙一作絕江南曲淒涼愍女詩古風無手敵新語是

唐詩類苑

卷之九十五

十九

人知飛動終由格工夫過却奇儒書系雜卷樂府換
歌詞李白應先拜劉楨必有一作疑貧須君子救病

合國家醫野老一作客開山借隣僧與米炊甘窮一作貧

辭賸敝衣選授一作受官資多見愁連曉稀聞債盡時

聖朝文墨一作物盛太祝獨低眉

贈王建司馬

姚合

久向空門隱交親亦不知文高輕古語一作意官冷似
前資老學一作覺僧齋講貧還藥債遲仙方小字寫行

坐把相隨

贈錢詹路明

方干

至學不得力至今猶苦吟吟成五字句用破一生心
世路屈聲遠寒溪怨氣深前賢多晚達莫怕雪霜侵

贈喻鳧

方干

所得非衆語衆人那得知纔吟五字句又白幾莖髭
月閣歌眠夜霜軒正坐時此時心更苦恐作白頭絲

贈許續山人

方干

才子醉更逸一吟傾一觴支願忽有得搖筆成文章
王粲實可重彌衡爭不狂何時應會面夢裏是瀟湘

贈暢當

并序

李端

余少尚神仙且未能去友人暢當以禪門見導余

唐詩類苑

卷之九十五

二十

心知其是未得其門因寄詩以咨焉

少喜神仙術年來久蹉跎壯志爲一累浮生事漸多
衰顏不相識歲暮定相過請問宗居士君其奈老何

贈崔公

張說

我聞西漢日四老南山幽長歌紫芝秀高臥白雲浮
朝野光應絕榛蕪年貌秋一朝驅駟馬連被入龍樓
昔通高皇去今從太子遊行藏唯聖節福禍在人謀
卒能匡惠帝豈不賴留侯事隨年代遠名與圖籍留
平生飲淳德慷慨景前修蚌蛤同陰免蛟龍望斗牛
無嗟異飛伏同氣幸相求

酬李丹徒見贈之作

宋之問

鎮吳稱粵里試劇仰通才近挹人披霧遙聞境震雷
一朝逢解榻累日共銜杯連騎一作登山盡浮舟望

海迴以余慙拙宦期子遇良媒贈曲南島斷征途北
鴈催更憐江上月還入鏡中開

榮陽馬氏二子

儲光羲

聖君封太岳十月建行旃輦路開千里寒雲霽九天
故人多侍從二子留伊川河充水初合關城月屢圓
暝過榮水上聞說鄭卿賢材蔽行人右名居東里先
制巖開別業桑柘亦依然待至金園側相將居一廬

唐詩類苑

卷之九十五

王

太學貽張筠

儲光羲

壁池忝門子俄頃突炎涼綠竹深虛館清流響洞房
園林在建業新友去咸陽中夜鼓鐘靜初秋漏刻長
浮雲開太室華蓋上明堂空此遠相望勞歌還自傷

贈崔融二十韻

杜甫

十年俱薄宦萬里各他方雲天斷書札風土異炎涼
太息幽蘭紫勞歌奇樹黃日疑懷叔度夜似憶眞長
北使從江左東歸在洛陽相逢慰疇昔相對叙存亡
草深窮巷敗竹盡故園荒稚節君彌固衰顏余自傷
人事盈虛改交游寵辱妨雀羅爭去翟鶴鷺競尋王

思極歡娛至明情詎可忘連騎追佳賞城中及路傍
琴尊橫宴席巖沼一作臥詞場三川宿雨霽四月晚
花芳復此開懸榻寧唯入後堂與酣鵲舞言洽鳳
凰翔高選俄遷職嚴程已飭裝撫躬銜道義携手戀
輝光玉振先推美金銘舊所防勿嗟離別易行役共
時康

移居公安敬贈衛大郎 杜甫

衛侯不易得余病汝知之雅量涵高遠清襟照等夷
平生感意氣少小愛文辭河海由來合風雲若有朋
形容勞宇宙質朴謝軒墀自古幽人泣流年壯士悲

唐詩類苑

卷之九十五

三

水烟通徑草秋露接圓葵入邑豺狼闕傷弓鳥雀饑
白頭供宴語烏几伴棲遲交態遭輕薄今朝豁所思

贈李十六

錢起

半面喜投分數年欽盛名常思夢顏色誰憶訪柴荆
忽聽款扉嚮欣然倒屣迎蓬蒿駐驕馭犬傍簪纓
酌水卽嘉宴新知甚故情僕夫視日色栖鳥催車聲
自爾宴言後至今門館清何當更乘輿林下已苔生

贈元容州

劉長卿

擁旌臨合浦上印臥長沙海徼長無戍湘山獨種畬
政傳通歲貢才惜過年華萬里依孤劍千峰寄一家

累徵期且暮未起戀烟霞避世歌芝草休官醉蒲花
舊遊如夢裏此別是天涯何事滄波上漂漂逐海槎

贈王八衢

李嘉祐

丹地偏相逐清江若有期腰金才子貴剖竹老人遲
桂檄閒迎客茶甌對說詩渚田分邑里山桂樹采思
心靜無華髮人和似古時別君遠山去幽獨更應悲

爲人題贈二首

杜牧

我乏青雲稱君無買笑金虛傳南國貌爭奈五陵心
桂席塵瑤珮瓊鑪燼水沈凝魂空薦夢低珥悔聽琴
月落珠簾卷春寒錦幕深誰家樓上笛何處月明砧

唐詩類苑

卷之九十五

三

蘭徑飛蝴蝶筠籠語翠襟和簪拋鳳髻將淚入鴛衾
的的新添恨迢迢絕好音文園終病渴休詠白頭吟

二

綠樹鶯鶯語平江燕燕飛枕前聞去鴈樓上送春歸
半月絙雙臉凝腰素一圍西墻苔漠漠南浦夢依依
有恨簪花懶無寥關草稀雕籠長慘淡蘭畹謾芳菲
鏡奩青蛾黛燈挑皓腕肌避人勻逆淚拖袖倚殘暉
有貌雖桃李單棲足是非雲軒載馭去寒夜看裁衣

贈江州李十使君員外十四韻

白居易

我本江湖上悠悠任運身朝隨賣藥客暮伴釣魚人
迹爲燒丹隱家緣嗜酒貧經過劍谿雪尋覓武陵人
豈有疎狂性堪爲侍從臣仰頭驚鳳闕下口觸龍鱗
劍佩解天上風波向海濱非賢虛偶聖無屈敢求伸
昔去曾同日今來卽後塵中年俱白髮左宦各朱輪
長短才雖異榮枯事略均殷勤李員外不合不相親
贈送前劉五經映三十四韻

李商隱

建國宜師古興邦屬上庠從來以儒戲安得振朝綱
叔世何多難茲基遂已亡泣麟猶委吏歌鳳更佯狂

唐詩類苑

卷之九十五

五

屋壁餘無幾焚坑速可傷挾書秦二世境宅漢諸王
草草臨盟誓區區務富強微茫金馬署狼籍關鷄場
盡欲心無竅皆如面正牆驚疑豹文鼠食竊虎皮羊
南渡宜終否西遷冀小康策非方正士貢絕孝廉郎
海鳥悲鐘鼓徂公畏服裳多岐空擾擾幽室竟悵悵
凝邈爲時範虛空作士常何由羞五伯直自些三皇
別派驅楊墨他鑪並老莊詩書資破冢法制困探囊
周禮仍存魯隋師果禪唐鼎新麾一舉華故法三章
星宿森文雅風雷起退藏縲囚爲學切掌固受經忙
夫子時之彥先生跡未荒褐衣終不召白首興難忘

感激誅非聖棲遲到異糧片詞褒有德一字貶無良
燕地尊鄒衍西河重卜商式閭眞道在擁篲信謙光
外舅太原公亦獲預青衿列叨來絳帳旁雖從各言
志還要大爲防勿謂孤寒深憂許直妨叔孫讒易
得盜路暴難當鴈下秦雲黑蟬休隨葉落莫踰力履
念容許後昇堂

投江州張郎中

周賀

要地無閑日仍容冒謁頻借山年涉閨寢郡月逾旬
驛徑曾衝雪方泉省滌塵隨行溪路細接話草堂新
咸藥痊餘癖飛書苦問貧噪蟬離宿殺吟石寄秋身

唐詩類苑

卷之九十五

五

鍊句貽箱篋懸圖見蜀岷使君匡岳近終作社中人

奉贈苗員外

李端

朱戶敞高扉青槐礙落暉八龍承慶重三虎朝歸
坐竹人聲絕橫琴鳥語稀花慚潘岳貌年穉老萊衣
葉暗新櫻熟絲長粉蝶飛應憐魯儒賤空與故山違

唐詩類苑卷第九十五終

唐詩類苑卷第九十六

明雲間張之象玄超甫集

雲間高承祚元錫甫編次

雲間王微叔明甫補訂

梁絡曹仁孫伯安甫校正

人部

贈

夏日遊德州贈高四并序 駱賓王

夫在心爲志發言爲詩詩有不得盡言言有不得盡意僕少負不羈長逾虛誕讀書頗存涉獵學劍

唐詩類苑

卷之九十六

十一

不待窮工進不能矯翰龍雲退不能神豹霧撫修諸已深覺勞生而太夫人在堂義須捧檄因仰長安而就日赴帝鄉以望雲雖史闕三冬而書勞十上嗟乎入門自媚誰相謂言致使君門隔於九重中堂遠於千里既而交非得免路是亡羊敬止弊廬竭來初服遂得載披玉葉欵洽金蘭傾意氣於一言締風期於千祀雖交因意合資得意以敦交道解言忘少寄言而筌道是以輕投木李以代疏麻章句繁蕪心神媿而庶酬雅韻竚望報章則紫氣連星開龍文於劍匣紫輝虧月頻驪頷於珠

胎云爾

日觀隣全趙星臨俯舊吳隔津開巨浸稽阜鎮名都紫電浮劍匣青山孕寶符封疆恢伯道問鼎競雄圖神光包四大皇威震八區風烟連地軸星象正天樞天樞限南北地軸殊鄉國關門通舜賓比屋封堯德言謝垂鈞隱來參負鼎職天子不見知群公詎相識未展從東駿空戢圖南翼時命欲何言撫膺長嘆息嘆息將如何遊人意氣多白雲梁山曲寒風易水歌泣魏傷吳起思趙切廉頗淒淒斷韓王劍生死崔公羅羅悲翟公意劍負韓王氣驕餌去易論忌途良可畏

唐詩類苑 卷之九十六 二

風昔懷江海平生混涇渭千載契風雲一官忘賤貴去去訪林泉空谷有遺賢言投爵里刺來泛野人船締交君贈縞投分我忘筌成風郢匠斷流水伯牙絃牙絃忘道術漳濱恣閑逸聊安張蔚廬詎掃陳蕃室虛室狎招尋敬愛混浮沈一諾黃金信三復白圭心霜松豈雅節月桂朗冲襟靈臺萬頃濬學府九流深談玄明毀壁拾紫陋籬金鷺濤開筆海鳳彩綴詞林林虛星華映水澈霞光淨霞水兩分紅川源四望通霧捲天山靜烟銷太史空鳥聲流迴薄蝶影亂芳叢柳陰低槩水荷氣上薰風風月芳菲節物華紛可悅

將歡促席賞遽爾又歸別積水帶吳門過潁適爲穴
贈言雖欲盡機心庶應絕潘岳本自閑梁鴻不因熱
一飄欣狎道三月聊棲拙棲拙隱金華狎道訪仙查
放曠愚公谷消散野人家一頃南山豆五色東陵瓜
野衣裁薜荔山酒酌藤花白雲離望遠青溪隱路賒
倘憶幽巖桂猶冀折疎麻

在江南贈宋五之問

駱賓王

井絡雙源潯陽侯九派長淪波通地穴委輸下歸塘
別島籠朝蜃連洲擁夕陽韞珠成積潤讓壁動浮光
浮光疑折水積潤疎圓沚玉輪涵地開劍匣連星起

唐詩類苑

卷之九十六

三

風烟標迥秀英靈信多美懷德踐遺芳地操慙謀已
謀已謬觀光牽跡強慙揆拙迷三省勞生昧兩忘
彈隨空歛笑獻楚自多傷一朝殊語默千里暴炎涼
炎涼幾遷貿川陸疲臻轉積水架吳濤連山橫楚岫
風月雖殊昔星河猶是舊姑蘇望南浦卽鄆通北走
北走平生親南浦別離津瀟湘一超忽洞庭多苦辛
秋江無綠芷寒潭有白蘋采之將何遺故人漳水濱
漳濱已遠遠江潭未旋返爲聽短歌行尚想長洲苑
露金驚曉岸風颭搖蘭坂蟬鳴稻葉秋鴈起蘆花晚
晚秋雲日明亭臯風露清獨負平生氣空牽搖落情

占星非聚德夢月詎懸名寂寥傷楚奏
秦聲懷舊里楚奏悲無已郢路少知音叢臺舊詩一
溫輝凌愛日壯氣驚寒水一顧重風雲三冬足文史
文史盛紛紛京洛多風塵猶輕五車富未重一囊貧
李仙非易託蘇鬼曲難因不惜勞歌盡誰爲聽陽春

贈益府張錄事

盧照隣

忽忽歲云暮相望限風烟長歌欲對酒危坐遂停絃
停絃變霜露對酒懷朋故朝看桂蠹脫夜聞鴻鴈度
鴻鴈度何時還桂晚不可攀浮雲映丹壑明月滿青山
青山雲路深丹壑月華臨耿耿離憂積空令星鬚侵

唐詩類苑

卷之九十六

四

贈益府群官

盧照隣

一鳥自北燕飛來向西蜀單棲劍門上獨舞崑山足
昂藏多古貌哀怨有新曲群鳳從之遊問之何所欲
答言寒鄉子飄飄萬餘里不息惡木枝不飲盜泉水
常思稻粱遇願棲梧桐樹智者不我邀愚夫余不顧
所以成獨坐耿耿歲云暮日夕苦風霜思歸赴洛陽
羽翮毛衣短關山道路長明月留客思白雲迷故鄉
誰能借風便一舉凌蒼蒼

贈趙六貞固二首

陳子昂

回中烽火入塞上追兵起此時邊朔寒登隴思君子

東顧望漢京南山雲霧裏

赤螭媚其形婉孌蒼梧泉昔者瑯琊子躬耕亦慨然
美人豈遐曠之子乃前賢良辰在何許白日屢頽還
道心固微密神用無留連舒可彌宇宙攬之不盈拳
蓬蒿久蕪沒金石徒精堅良寶委短褐閑琴獨嬋娟

贈梁公

王績

我欲圖世樂斯樂難可常位大招幾嫌祿極生禍殃
聖莫若周公忠豈踰霍光成王已興訢宣帝如負芒
范蠡何智哉單舟戒輕裝疏廣豈不懷策杖還故鄉
朱門雖足悅赤族亦可傷履霜成堅冰知足勝不祥

唐詩類苑

卷之九十六

五

我今窮家子自言此見長功成皆能退自古誰滅亡

贈趙侍御

張說

祿放跡異端偏荒事同蹇苟忘風波累俱會雲壑踐
險式壓西湖僑廬對南峴夜樓江月入朝幌山雲卷
山勢遠濤連江途斜漢轉坐嘯予多暇行吟子獨善
並轡躡郊郭方舟玩遊演虛聲萬籟分秋色千里辨
不知岸陰謝再見春露滋綠壤發欣顏華年助蟲篆
上世時難接古人情可選泊渚煩為媒多才怨成編
長沙鵬作賦任道可知淺請從三已心榮辱兩都遣

贈唐祖二子

王翰

鴻飛遵枉渚鹿鳴思古群物情尚勞愛况乃予別時
別時花始發別後蘭再敷瑤觴滋白露寶瑟凝涼氛
徘徊北林月悵望南山雲雲月眇千里音徽不可聞

贈張旭

李頎

張公性嗜酒豁達無所營皓首窮草隸時稱太湖精
露頂據胡牀長叫三五聲興來灑素壁揮筆如流星
下舍風蕭條寒草滿戶庭問家何所有生事如浮萍
左手持蟹螯右手執丹經睜目視霄漢不知醉與醒
諸賓且方坐旭日臨東風荷葉裏江魚白甌貯香醪
微祿心不泄放神於八紘時人不識者即是安期生

唐詩類苑

卷之九十六

六

贈史修文

沈千運

故人隔千里會面非別期握手於此地當歡逐成悲
念離宛如昨俄已二十期曠昔皆少年別來髮如絲
不道舊姓名相逢知是誰曩遊盡騫翥與君仍布衣
豈曰無其才命理應有時前路漸欲少不覺生涕洟

滑中贈顧高士權

王季友

夫子保藥命外身得無咎日月不能老化腸為筋不
十年前見君甲子過我壽於何今相逢華髮在我後
近而知其遠少見今曰首遙信蓬萊官不死世世有
玄石采盈擔神方秘其肘問家唯紫雲愛氣常言酒

攝生因如此履道常不朽未能太玄同願亦天地久
實腹以芝朮賤形仍芻狗自勉將勉余良藥在苦口

贈程秘書

盧象

客自峽陽來吐音若鳴鳳孤飛長不偶獨立誰見用
忽從被褐中召入承明宮聖人借顏色言事無不通
殷勤拯黎庶感激論諸公將相猜賈誼圖書歸馬融
顧今久寂寞一歲麒麟閣且共歌太平勿嗟名宦薄

贈王侍御

常建

高山臨大澤正月蘆花乾陽色薰兩崖不改青松寒
士賢守孤貞古來皆共難明君錯甚才臺上飛三鸞

唐詩類苑

卷之九十六

七

操與霜雪明量與江海寬東身視天涯安能窮波瀾
孤鶴在枳棘一枝非所安遙望絕霄見欲凌雲端
層臺何其高山石流洪湍固知非天池鳴躍同所歡
誰念獨枯槁四十長江干貴躬貴知已効拙從一官
折翮悲高風苦饑候朝餐湖月映大海天空何漫漫
托身未知所謀道庶不刊吟彼喬木詩一夕常三嘆

效古詩崔二

高適

十月河洲時一看有歸思風颭生慘烈雨雪暗天地
我輩今胡爲浩哉迷所至緬懷當途者濟濟居聲位
邈然在雲霄寧肯更淪躋周旋多燕樂門館列車騎

美人芙蓉姿狹室蘭麝氣金爐陳獸炭談笑正得意
豈論草澤中有此枯槁士我慙經濟策久欲甘棄置
君負縱橫才如何尚憔悴長歌增鬱快對酒不能醉
窮達自有時夫子莫下淚

贈劉藍田

王維

籬中大叢叢出屋候柴扉歲宴輪并稅山村人夜歸
晚田始家食餘布成我衣詎肯無公事煩君聞是非

贈裴迪

王維

不相見不相見來久日日泉水頭常憶同携手携手
本同心復嘆忽分襟相憶今如此相思深不深

唐詩類苑

卷之九十六

八

贈李頎

王維

聞君餌丹砂其有好顏色不知從今去幾時生羽翼
王母翳華芝望爾崑崙側文螭從赤豹萬里走方息
悲哉世上人甘此羶腥食

贈裴十迪

王維

風景日夕佳與君賦新詩澹然望遠空如意方支頤
春風動百草蘭蕙生我雛暖暖日暖聞田家來致詞
欣欣春還臯淡淡水生陂桃李雖未開萸萸滿芳枝
請君理還策敢告將農時

座上走筆贈薛璩慕容損

王維

希世無高節絕跡有卑棲君徒視人文吾固和天倪
緬然萬物始及與群牧齊分地依后稷用天信重黎
春風何豫人令我思東溪草色有佳意花枝稍含萼
更待風景好與君藉婁婁

贈祖三詠

王維

蠨蛸挂虛牖蟋蟀鳴前除歲晏涼風至君子復何如
高館閨無人離居不可道開門寂已閉落日照秋草
雖有近音信千里阻河關中復客汝潁去年歸舊山
結交二十載不得一日展貧病子既深契闊余不淺
仲秋雖未歸暮秋以爲期良會詎幾日終自長相思

唐詩類苑 卷之九十六

九

贈房盧氏瑄

王維

達人無不可忘已愛蒼生豈復少十室絃歌在兩楹
浮人日已歸但坐事農耕桑榆鬱相望邑里多鷄鳴
秋山一何淨蒼翠臨寒城視事兼偃臥對書不簪纓
蕭條人吏疎鳥雀下空庭鄙夫心所向晚節異平生
將從海岳居守靜解天刑或可累安邑茅茨君試營

贈張五弟諱三首

王維

吾弟東山時心尚一何遠日高猶自臥鐘動始能飯
領上髮未梳牀頭書不卷清川興悠悠空林對偃蹇
青苔石上淨細草松下軟窻外鳥聲閑階前虎心善

徒然萬象多澹爾太虛緬一知與物平自顧爲人淺
對君忽自得浮念不煩遣

張弟五車書讀書仍隱居染翰過草聖賦詩輕子虛
閉門二室下隱居十年餘宛是野人也時從漁父魚
秋風日蕭索五柳高且疎望此去人世渡水向吾廬
歲宴同携手只應君與予

設置守幾免垂釣伺游鱗此是安口腹非關慕隱淪
吾生好清淨蔬食去情塵今子方蒙鴻恩爲鼎食人
我家南山下動息自遺身入鳥不相亂見獸皆相親
雲霞成伴侶虛白侍衣巾何事須夫子邀予谷口真

唐詩類苑 卷之九十六

十一

贈盧司戶

李白

秋色無遠近出門盡寒山白雲遙相識待我蒼梧間
借問盧耽鶴西飛幾歲還

贈薛校書

李白

我有吳越曲無人知此音姑蘇成蔓草麋鹿空悲吟
未誇觀濤作空鬱釣鰲心舉手謝東海虛行歸故林

贈臨洛縣令皓弟

李白

陶令去彭澤茫然太古心大音自成曲但奏無絃琴
釣水路非遠連鰲意何深終期龍伯國與爾相招尋

贈崔侍御

李白

黃河二尺鯉本在孟津居點額不成龍歸來伴凡魚
故人東海客一見借吹噓風濤儻相見更欲凌崑墟

贈秋浦柳少府

李白

秋浦舊蕭索公庭人吏稀因君樹桃李此地忽芳菲
搖筆望白雲開簾當翠微時來引山月縱酒酣清暉
而我愛夫子淹留未忍歸

贈崔諮議

李白

騶驥本天馬素非伏櫪駒長嘶向清風倏忽凌九區
何言西北至却走東南隅世道有翻覆前期難預圖
希君一剪拂猶可騁中衢

唐詩類苑

卷之九十六

十一

贈饒陽張司戶璠

李白

朝飲蒼梧泉夕棲碧海烟寧知鸞鳳意遠託椅桐前
慕蘭豈曩古攀嵒是當年愧此黃石老安識子房賢
功業嗟落日容華棄徂川一語已道意三山期著鞭
蹉跎人間世寥落壺中天獨見遊物祖探元窮化先
何當共攜手相與排冥筌

贈崔侍御

李白

長劍一杯酒男兒方寸心洛陽因劇孟託宿話胸襟
但仰山岳秀不知江海深長安復攜手再顧重千金
君乃軒轅佐余叨翰墨林高風摧秀木驚彈落虛禽

不取回舟興而來命駕尋扶搖因借便桃李願成陰
笑吐張儀舌愁爲莊舄吟誰憐明月夜腸斷聽秋砧

贈崔郎中宗之

李白

胡鴈拂海翼翔翔鳴素秋驚雲辭沙朔飄蕩迷河洲
有如飛蓬人去逐萬里遊登高望浮雲鬢髮如舊丘
日從海傍沒水向天邊流長嘯倚孤劍目極心悠悠
歲宴歸去來富貴安所求仲尼七十說歷聘莫見收
層連逃千金珪組豈可酬時哉苟不食草木爲我儔
希君同携手長住南山幽

贈何七判官昌浩

李白

唐詩類苑

卷之九十六

十一

有時忽惆悵匡坐至夜分平明空嘯咤思欲解世紛
心隨長風去吹散萬里雲羞作濟南生九十誦古文
不然拂劍起沙漠收奇勲老死田陌間何因揚清芬
夫子今管樂英才冠三軍終與同出處豈將沮溺群

贈裴司馬

李白

翡翠黃金縷繡成歌舞衣若無雲間月誰可比光輝
秀色一如此多爲衆女譏君恩移昔愛失寵秋風歸
愁苦不窺隣泣上流黃機天寒素手冷夜長燭復微
十日不滿匹鬚蓬亂若絲猶是可憐人容華世中稀
向君發皓齒顧我莫相違

贈任城盧主簿

李白

海鳥知天風，竄身魯門東。臨觴不能飲，矯翼思凌空。鐘鼓不為樂，烟霞誰與同。歸飛未忍去，流淚謝鴛鴻。

贈韋秘書子春二首

宋本作一首

李白

谷口鄭子真，躬耕在巖石。高名動京師，天下皆籍籍。斯人竟不起，雲臥從所適。苟無濟代心，獨善亦何益。惟君家世者，偃息逢休明。談天信浩蕩，說劍紛縱橫。謝公不徒然，起來為蒼生。秘書何寂寂，無乃羈豪英。且復歸碧山，安能戀金闕。舊宅樵漁地，蓬蒿已應沒。却顧女几峯，胡顏見雲月。

唐詩類苑

卷之九十六

十三

徒為風塵苦，一官已白鬢。氣同萬里合，訪我來瓊都。披雲覩青天，捫虱話良圖。留侯將綺里，出處未云殊。終與安社稷，功成去五湖。

於五松山贈南陵常贊府

李白

為草當作蘭，為木當作松。蘭幽香風遠，松寒不改容。松蘭相因依，蕭艾徒丰茸。鷄與鷄並食，鸞與鸞同枝。揀珠去沙礫，但有珠相隨。遠客投名賢，豈堪寫懷抱。若惜方寸心，待誰可傾倒。虞卿去趙相，便與魏齊行。海上五百人，同日死田橫。當時不好賢，豈傳千古名。願君同心人，於我少留情。寂寂還寂寂，出門迷所適。

長鈞歸來乎秋風思歸客

贈溧陽宋少府陟

李白

李斯未相秦，且逐東門兔。宋玉事襄王，能為高唐賦。常聞綠水曲，忽此相逢遇。掃灑青天開，豁然披雲霧。葳蕤紫鸞鳥，巢在崑山樹。驚風西北吹，飛落南溟去。早懷經濟策，特受龍顏顧。白玉棲青蠅，君臣忽行路。人生感分義，貴欲呈丹素。何日清中原，相期廓天步。

贈從弟南平太守之遙

李白

少年不得意，落魄無安居。願隨任公子，欲釣吞舟魚。常時飲酒逐風景，壯心遂與功名疎。蘭生谷底人不識。

唐詩類苑

卷之九十六

十四

鋤雲在高山，空卷舒。漢家天子馳駟馬，赤車蜀道迎。相如天門九重謁，聖人龍顏一解四海春。彤庭左右呼萬歲，拜賀明主收沈淪。翰林秉筆回英盼，麟閣靜。嶠誰可見，承恩初入銀臺門。著書獨在金鑾殿，龍駒雕鏤白玉鞍。象牀綺席黃金盤，當時笑我微賤者。却來請謁為交歡，一朝謝病遊江海。疇昔相知幾人在，前門長揖後門關。今日結交明日改，愛君山嶽心不移。隨居雲霧迷所為，夢得池塘生春草。使我長價登樓詩，別後遙傳臨海作。可見羊何共和之。

贈宣城宇文太守兼呈崔侍御

李白

白若白鷺鮮清如清淚蟬受氣有本性不爲外物遷
飲水箕山上食雪首陽巔迴車避朝歌掩口去盜泉
岩巖廣成子倜儻魯仲連卓絕二公外丹心無間然
昔攀六龍飛今作百鍊鉛懷恩欲報主投佩向北燕
彎弓綠絃開滿月不憚堅開騎駿馬獵一射兩虎穿
回旋若流光轉背落雙鳶胡虜三嘆息兼知五兵權
鎗鎗突雲將却掩我之妍多逢勦絕兒先着祖生鞭
據鞍空矍鑠壯志竟誰宣蹉跎復來歸憂恨坐相煎
無風難破浪失計長江邊危苦惜顏光金波急三圓

唐詩類苑

卷之九十六

十五

時遊敬亭上閒聽松風眠或弄宛溪月虛舟信洄沿
顏公二十萬盡付酒家錢興發每取之聊向酒中眠
過此無一事靜談秋水篇君從九卿來水國有豐年
魚鹽滿市井布帛如雲烟下馬不作威水壺照清川
霜眉邑中叟皆美太守賢時時慰風俗往往出東田
竹馬數小兒拜迎白鹿前含笑問使君日晚可回旋
遂歸池上酌掩抑清風絃曾標橫浮雲下無謝眺肩
樓高望海出樹古清蘿懸光祿紫霞杯伊昔忝相傳
良圖掃沙漠別夢繞旌旄富貴日成疎願言杳無緣
登龍有直道倚玉祖芳筵敢獻繞朝策思同郭泰船

何言一水淺似隔九重天崔生何傲岸縱酒復談玄
身爲名公子英才苦迤邐鳴鳳托高梧凌風何翩翩
安知慕羣客彈劍拂秋蓮

贈韋侍御

李白

安石在東山無心濟天下一起振橫流功成復瀟灑
大賢有卷舒季葉輕風雅區區復何人君爲知音者
傳聞武安將氣振長平瓦燕趙期洗清周秦保宗社
登朝若有言爲訪南遷賈

贈韋侍御黃裳二首

李白

太華生長松亭亭凌霜雪天與百尺高豈爲微颺折

唐詩類苑

卷之九十六

十六

桃李賣陽艷路人行且迷春光掃地盡黃泥
願君學長松慎勿作桃李受屈不改心然後知君子

二

見君乘驪馬知上太山道此地果摧輪全身以爲寶
我如豐年玉棄置秋田草但勸水壺心無爲嘆衰老

贈王漢陽

李白

天落白玉棺王喬辭鄴縣一去未千年漢陽復相見
猶乘飛鳧鳥尚識仙人面鬚髮何青青童顏皎如練
吾曾弄海水清淺嗟三變果愜麻姑言時光速流電
與君數杯酒可以窮荒宴白雲歸去來何事坐交戰

贈徐安宜

李白

百田見楚老歌詠徐安宜製錦不擇地操刀良在茲
清風動百里惠化聞京師浮人若雲歸耕種滿效岐
川光淨麥隴日色明桑枝訟息但長嘯賓牀或解頤
青橙拂戶牖白水流通池遊子滯安邑懷恩未忍辭
繁君獨桃李歲晚託深期

早秋贈裴十七仲堪

李白

遠海動風色吹愁落天涯南星變大火熱氣餘丹霞
光景不可迴六龍轉天車荆人泣美玉魯叟悲匏瓜
功業若夢裏撫琴發長嗟裴生信英邁屈起多才華

唐詩類苑

卷之九十六

十七

歷抵海岱豪結交魯朱家復携兩少妾色驚荷能
雙歌入青雲但惜白日斜窮冥出寶貝大澤饒龍蛇
明主倘見收烟霄路非賒時命若不會歸應鍊丹砂

贈從弟列

李白

楚人不識鳳重價求山鷄獻主昔云是今來方覺迷
自居漆園地久識咸陽西風飄落日去節變流鶯啼
桃李寒未開幽關豈來蹤逢君發花萼若與青雲齊
及此桑葉綠春蚕起中閨日出布穀鳴田家擁鉏犁
顧予乏尺土東作誰相携傳說降霖雨公輸造雲梯
羌戎事未息君子悲塗泥報國有長策成功羞執珪

無由謁明主杖策還蓬萊他年爾相訪知我在磻溪

贈范金卿二首

李白

君子枉清盼不知東走迷離家未幾日絡緯鳴中閨
桃李君不言攀花願成蹊那能吐芳信惠好相招携
我有結綠珍久藏濁水泥時人棄此物乃與燕珉齊
撫拭欲贈之申負路無梯遼東慙白豕楚客羞山鷄
徒有獻芹心終流泣玉啼祗應自索莫留舌示山妻

二

范宰不買名絃歌對前楹爲邦默自化日覺冰壺清
百里鷄犬靜千廬機杼鳴浮人少蕩析愛客多逢迎

唐詩類苑

卷之九十六

十八

遊子親佳政因之聽頌聲

贈李白

杜甫

二年客東都所歷厭機巧野人對羶腥蔬食常不飽
豈無青精飯使我顏色好苦乏大藥資山林跡如掃
李侯金閨彥脫身事幽討亦有梁宋遊方期拾瑤草

贈鄭十八賁

杜甫

溫溫士君子令我懷抱盡靈芝冠衆芳安得闕親近
遭亂意不歸寘身跡非隱細人尚姑息吾子色愈謹
高懷見物理識者安肯哂卑飛欲何待捷徑應未忍
示我百篇文詩家一標準羈離交屈宋牢落值頗閔

水陸迷畏途藥餌難修軫故人日已遠青史自不泯
步趾詠唐虞追隨飭葵藿數杯資好事異味煩縣尹
心雖在朝謁力與願矛盾抱病排金門衰容豈爲敏

贈衛八處士

杜甫

人生不相見動如參與商今夕復何夕共此燈燭光
少壯能幾時鬢髮各已蒼訪舊年爲鬼驚呼熱中腸
焉知二十載重上君子堂昔別君未婚兒女忽成行
怡然敬父執問我來何方問答乃未已驅兒羅酒漿
夜雨剪春韭新炊間黃粱主稱會面難一舉類十觴
十觴亦不醉感子故意長明日隔山嶽世事兩茫茫
唐詩類苑 卷之九十六 九

奉贈射洪李四丈

杜甫

丈人屋上烏人好烏亦好人生意氣豁不在相逢早
南京亂初定所向色枯槁遊子無津株茅齋付秋草
東征下月峽挂席窮海島萬里須十金妻孥未相保
蒼茫風塵際踰躋麒麟老志士懷感傷心胸已傾倒

贈蘇溪

杜甫

異縣昔同遊各云厭轉蓬別離已五年尚在行李中
戎馬日衰息乘興安九重有才何棲棲將老委所窮
爲郎未爲賤其奈疾病攻子何面黧黑焉得豁心胸
已蜀倦剽劫下愚成土風幽薊已削平荒微尚鬱鬱

斯人脫身來豈非吾道東乾坤雖寬大所適裝囊空
肉食晒菜色少壯欺老翁况乃主客間古來偏側同
君今下荆揚獨帆如飛鴻二州豪俠場人馬皆自雄
一請甘寒饑再請甘養蒙

贈華陽柳少府

杜甫

繫馬喬木間問人野寺門柳侯披衣笑見我顏色溫
並坐石堂下俯視大江奔火雲洗月露絕壁上朝暾
自非曉相訪觸熱生病根南方六七月出入異中原
老少多暍死汗踰水漿翻俊才得之子筋力不辭煩
指揮當世事語及戎馬存涕淚潑我裳悲氣一作排
唐詩類苑 卷之九十六 十一

帝聞鬱陶抱長策義仗知者論吾衰臥江漢但愧識
璚璠文章一小伎於道未爲尊起予幸斑白因是託
子孫但客古信州結廬依毀垣相去四五里徑微山
葉繁時危挹佳士况免軍旅喧醉從趙女舞歌鼓秦
人盆子壯顧我傷我驢兼淚痕餘生如過鳥故里今
空村

贈王二十四侍御契四十韻

杜甫

往往雖相見飄飄嫋嫋此身不開輕綬冕俱是避風塵
一別星橋夜三移斗柄春敗亡非赤壁奔走爲黃巾

子去何瀟灑余藏異隱淪書成無過鴈衣故有懸鵲
恐懼行裝數伶俜臥疾頻曉營工迸淚秋月解傷神
會向嗟鰲黑含悽話苦辛接輿還入楚王粲不歸秦
錦里殘丹竈花溪得釣綸消中祇自惜晚起索誰親
伏柱聞周史乘槎似漢臣鴛鴦不易狎龍虎未宜馴
客即挂冠至交非傾蓋新由來意氣合直取性情真
浪跡同生死無心耻賤貧偶然存蔗芋幸各對松筠
麤飯依他日窮愁怪此辰女長裁褐穩男大卷書勻
湖口江如練蠶崖雪似銀名園當翠嶽野棹沒青蘋
屢喜王侯宅時邀江海人追隨不覺晚疑曲動彌旬

唐詩類苑

卷之九十六

三

但使芝蘭秀何須棟宇隣山陽無俗物鄭驛正留賓
出入並鞍馬光輝忝席珍重遊先主廟更歷少城園
石境通幽魄琴臺隱絳唇送終惟糞土結髮獨荆榛
置酒高林下觀碁積水濱區區甘累跼稍稍息勞筋
網聚粘圓鯽絲繁煮細尊長歌敲柳瘳小睡凭藤輪
農月須知課田家敢忘勤浮生難去食良會惜清晨
列國兵戈暗今王德敦淳要聞除弊偷休作畫麒麟
洗眼看滄海虛懷任屈伸莫令膠漆地萬古重雷陳

贈齊蔡二記室入蜀

陳政

崑山積良寶大厦構衆材馬卿委官去鄒子背淮來

風流信多美朝夕豫平臺逸翮獨不群清才復道上
六輔昔唯名二江今振擲英華雖外發磨琢終內朗
四海奮羽儀清風久播馳沈鬱林難厠青山翻易阻
迴首望烟霞誰知慕儔侶飄然不繫舟爲情自可求
若奉西園夜浩想北園愁無因逐萍藻從爾泛清流

睢陽贈李司會

劉長卿

白露變時候蒼聲暮啾啾飄飄洛陽客惆悵梁園秋
只爲乏生計爾來成遠遊一身不家食萬事從人求
且喜接餘論足堪資小留寒城落日後砧杵令人愁
歸路歲時盡長河朝夕流非君深意願誰復能相愛

唐詩類苑

卷之九十六

三

贈李儋

韋應物

絲桐本異質音響合一作自然吾觀造化意二物相
因緣誤觸龍鳳鳴靜聞寒夜泉心神自安宅煩慮頓
可捐何因知久要絲白漆亦堅

贈盧嵩

韋應物

百川注東海東海無虛盈泥滓不能濁澄波非益清
恬然自安流日照萬里晴雲物不隱象三山共分明
奈何疾風怒忽若砥柱傾海水雖平壽亦相驚
怒號在倏忽誰識變化情

贈馮著

韋應物

契闊仕兩京念子亦飄蓬方來屬追往十載事不同
歲宴乃云至微褐還未充慘悽遊子情風雪自關東
華觴發懽顏嘉藻播清風始此盈抱恨曠然一夕中
善蘊豈輕售懷才希國工誰當念素士零落歲華空

顧十二左遷過韋蘇州房杭州韋睦州三使

君皆有郡中燕集詩辭章高麗鄙夫之所

仰慕顧生既至留連笑語因亦成篇以繼

三君子之風焉

劉太真

寵至乃不驚罪及非無由奔迸歷畏途絕邈赴偏

荒陬牧此周弊屬當賦歛秋風興諒無補旬暇焉

唐詩類苑

卷之九十六

三

敢休前日懷友生獨登城上樓迢迢西北望遠思不
可收今日車騎來曠然銷人憂晨迎東齋飯晚度南
溪遊以我碧流水泊君青翰舟莫將遷客程不爲勝
境留飛札謝三守斯篇希見酬

贈丘員外二首

韋應物

高詞棄浮靡自行表鄉閭未真南宮拜聊偃東山居
大藩本多事日與文章疎每一覩之子高咏遂起予
宵晝方連燕煩悵亦頗祛格言雅誨關善諳矜數餘
久謁思遊曠窮慘遇陽舒虎丘愜登眺吳門悵躊躇
方此戀携手豈云還舊墟告諸吳子弟文學爲何如

二
跡與孤雲遠心將野鶴俱那同石氏子每到府門

北極一首贈李觀

韓愈

北極有羈羽南溟有沈鱗川源浩浩隔影響兩無因
風雲一朝會變化成一身誰言道理遠感激疾如神
我年二十五求友昧其人哀歌西京市乃與夫子親
所尚苟同趨賢愚豈異倫方爲金石姿萬世無緇磷
無爲兒女態憔悴悲賤貧

和樂天贈吳丹

元稹

不識吳生面久知吳生道跡雖染世名心本奉天老

唐詩類苑

卷之九十六

三

雌一守命門迴九填血腦委氣榮衛和津顏色好
傳聞共甲子衰潰盡枯槁獨有冰雪容纖華奪鮮綃
問人何能爾吳實曠懷抱弁冕徒挂身身外非所寶
伊予固童昧希真亦云早石壇玉晨尊晝夜長自掃
密印視丹田遊神夢三島萬過黃庭經一食青精酒
冥搜方朔桃結念安期棗綠髮幸未改丹誠自能保
行當復還吳門事探討君爲先此詞終期奉瑤草
和樂天贈吳丹
君爲著作詩志激詞且溫璨然光揚者皆以義烈聞
千慮竟一失冰玉不斷痕謬予頑不肖列在數子間

元稹

元稹

因君譏史氏我亦能具陳義黃恥云遠載籍無遺文
煌煌二帝道鋪設在典墳堯心唯舜會因著爲話言
臯夔益稷禹祖得無間然緬然千載後後聖曰孔宣
迴知皇王意綴書爲百篇是時游夏輩不敢措舌端
信哉作遺訓職在聖與賢如何至近古史氏爲閑官
但令識字者竊弄刀筆權由心書曲直不使當世觀
貽之千萬代疑言相並傳人人異所見各各私所偏
以是曰褒貶不如都無焉况乃丈夫志用捨貴當年
顧予有微尚願以出處論出非利吾已其出貴道全
全道豈虛設道全當及人全則富與壽虧則饑與寒

唐詩類苑

卷之九十六

三五

遂我一身逸不如萬物安解懸不澤手扞溺無折旋
神哉伊尹心可以冠古先其次有獨善善已不善民
天地爲一物死生爲一源合雜分萬變忽若風中塵
抗哉巢由志堯舜不可遷捨此二者外安用名爲賓
持謝著書郎愚不願有云

六年春贈分司東都諸公 白居易

我爲同州牧內愧無才術忝招恩已多遭逢幸非一
偶當穀賤歲適值民安日郡縣獄空虛鄉閭盜奔逸
其間最幸者朝客多分秩行接鵷鷺群坐成芝蘭室
時臨拜表騎開動題詩筆夜雪秉燭遊春風携樽出

花教鶯點檢柳付風排比法酒澹清漿含桃媚紅實
洛童調金管盧女鏗瑤瑟黛慘歌思深腰凝舞拍密
每因同醉樂自覺忘衰疾始悟肘後方不如杯中物
生涯隨日過世事何時畢老子苦乖慵希君數牽率

贈夢得

白居易

前日君家飲昨日王家宴今日過我廬三日三會面
當歌聊自放對酒交相勸爲我盡一杯與君發三願
一願世清平二願身強健三願臨老頭數與君相見

贈杓直

白居易

世路重祿位恹恹者孔宣人情愛年壽夭死者顏淵

唐詩類苑

卷之九十六

三五

二人如何人不柰命與天我今信多幸撫已愧前賢
已年四十四又爲三品官况茲知足外別有所安焉
早年以身代直赴逍遙篇近歲將心地迴向南宗禪
外順世間法內脫區中緣進不厭朝市退不戀人寰
自吾得此心投足無不安體非道引適意在江湖閑
有暇或飲酒無事多掩關寂靜夜深坐安穩日高眠
秋不苦長夜春不惜流年委形老小外念懷生死閑
昨日共君語與予心膺然此道不可道因君聊強言

贈吳丹

白居易

巧者力苦勞智者心若憂愛君無巧智終歲閑悠悠

嘗登御史府亦佐東諸侯手操紉謬簡心運決勝
宦途似風水君心如虛舟泛然而不有進退得自由
今來脫豸冠時往侍龍樓官曹稱心靜居處隨跡幽
冬負南榮日支體甚溫柔夏臥北牕風枕席如涼秋
南山入舍下酒甕在牀頭人間有閑地何必隱林丘
顧我愚且昧勞生殊未休一入金門直星霜三四周
主恩信難報近地徒久留終當乞閑官退與夫子遊

贈能七倫

白居易

澗松高百尋四時寒森森臨風有清韻向日無曲陰
如何時俗人但賞桃李林豈不知堅貞芳馨誘其心

唐詩類苑

卷之九十六

主一

能生學爲文氣高功亦深手中一百篇句句披沙金
苦節二十年無人振陸沈今我尚貧賤徒爲爾知音

贈言

白居易

捧簾獻千金彼金何足道臨觴贈一言此言真可寶
流光我已晚適意君不早况君春風面柔促如芳草
二十方長成三十向衰老鏡中桃李色不得十年好
胡爲坐脉脉不肯傾懷抱

贈崔少府

白居易

籍甚二十年今日方欵顏相送嵩洛下論心杯酒間
河亞嬾出入府寮多閑關蒼髮彼此老白日尋常閑

朝欲携手出暮思聯騎還何當挈一榼同宿龍門山

贈元稹

白居易

自我從宦遊七年在長安所得唯元君乃知定交難
豈無山上苗徑寸無歲寒豈無要津水咫尺有波瀾
之子異於是久處聲不援無波古井水有節秋竹竿
一爲同心友三及芳歲蘭花下鞍馬遊雪中杯酒歡
衡門相逢迎不具帶與冠春風日高睡秋月夜深看
不爲同登科不爲同署官所合在方寸心源無異端

贈友五首

白居易

白居易

吾友有王佐之才者以致君濟人爲己任識者深

唐詩類苑

卷之九十六

主一

許之因贈是詩以廣其志云

一年十二月每月有常令君出臣奉行謂之握金鏡
由茲六氣順以遂萬物性時令一反常生靈受其病
周漢德下衰王風始不競又從斬是錯諸侯益強盛
百里不同禁四時自爲政盛夏與土功方春勦人命
誰能救其失待君佐邦柄救我象魏門懸法彝倫正

二

銀生楚山曲金生鄱溪濱南人棄農業求之變苦辛
披砂復鑿石硤硤無冬春手足盡皴胝愛利不愛身
畬田既曠所種田亦懶耘相携作游手皆遺棄金銀

畢竟金與銀何殊泥與塵且非不食物不濟饑寒人
棄本以趨末日富而歲貧所以先聖王棄藏不爲珍
誰能反古風待君秉國鈞捐金復抵璧勿使勞生民

三

私家無錢鑪平地無銅山胡爲秋夏稅歲歲輸銅錢
錢力日已重農力日已殫賤糶粟與賤買絲與綿
歲暮衣食盡焉得無饑寒吾聞國之初有制垂不刊
傭必算丁口租必計桑田不求土所無不强人所難
量入以爲出上足下亦安兵興一變法其息遂不還
使我農桑人憔悴畝畝間誰能革此弊待君秉利權

唐詩類苑

卷之九十六

元

復彼租傭法令如貞觀年

四

京師四方則王化之本根長吏久於政然後風教敦
如何尹京者遷次不遑巡請君屈指數十年十五人
科條日相矯吏力亦以勤寬猛政不一民心安得淳
九州雍爲首郡牧之所遵天下率如此何以安吾民
誰能變此法待君贊彌綸慎擇循良吏令其長子孫

五

三十男有室二十女有歸近代多離亂婚姻多過期
嫁娶既不早生育常苦遲兒女未成人父母已衰齒

凡人貴達日多在長大時欲報親不得孝心無所施
哀哉三牲養少得及庭闈惜哉萬鍾粟多用飽妻兒
誰能正婚禮待君張國維庶使孝子心皆無風樹悲

除宴赴闕留贈微之

白居易

去年十月半君來過浙東今年五月盡我發向關中
兩鄉默默心相別一水盈盈路不通從此津人應省
事寂寥無復遞詩筒

孟生詩

韓愈

孟生江海士古貌又古心嘗讀古人書謂言古猶今
作詩三百首宵默咸池音騎驢到京國欲和薰風琴

唐詩類苑

卷之九十六

三十一

豈識天子居九重鬱沈沈一門百夫守無籍不可尋
晶光蕩相射旗戟翻以森遷延乍却走驚怪靡自任
舉頭看白日泣涕下霑襟竭來遊公卿莫肯低華簪
諒非軒冕族應對多差參萍蓬風波急桑榆日月侵
奈何從進士此路轉嶮巇異質忌處群孤芳難寄林
誰憐松桂性競愛桃李陰朝悲辭樹葉夕感歸巢禽
顧我多懷慨窮簷時見臨清宵靜相對髮白聆苦吟
採蘭起幽念眇然望東南秦吳修且阻兩地無數金
我論徐方牧好古天下欽竹實鳳所食德馨神所歆
求觀衆丘小必上泰山岑求觀衆流細必泛滄溟深

子其聽我言可以當所箴既獲則思返無爲久滯淫
下和試三獻期子在秋砧

贈張籍

韓愈

吾老著詩書餘事不挂眼有兒雖甚憐教示不免簡
君來好呼出踉蹌越門限懼其無所知見則先愧赧
昨因有綠事上馬掉手版留君住廳食使立侍盤饌
薄暮歸見君迎我笑而莞指渠相賀言此是萬金產
吾愛其風骨粹美無可揀試將詩義授如以肉貫罪
開袪露毫末自得高寒嵯我身蹈丘阿爵位不早結
固宜長有人文章紹編刻感荷君子德悅若乘朽棧

唐詩類苑

卷之九上六

三十一

召令吐所記解摘了瑟憫顧視牆壁間親戚競規贊
喜氣排寒冬逼耳鳴睨睨如今更誰恨便可耕瀟灑

此日足可惜一首贈張籍 韓愈

此日足可惜此酒不足嘗捨酒去相語共分一日光
念昔未知子孟君自南方自矜有所得言子有文章
我名屬相府欲往不得行思之不可見百端在中腸
維時月魄死冬日朝在房驅馳公事退聞子適及城
命車載之至引坐於中堂開懷聽其說往往副所望
孔丘歿已遠仁義路久荒紛紛百家起詭怪相披猖
長老守所聞後生習爲常少知誠難得純粹古已亡

譬彼植園木有根易爲長留之不遣去館置城西旁

歲時未云幾浩浩觀湖江衆夫指之笑謂我知不明

兒童畏雷電魚鼈驚夜光州家舉進士選試繆所常

馳辭對我策章句何煒煌相公朝服立工席歌鹿鳴

禮終樂亦闕相拜送於庭之子去須臾赫赫流盛名

竊喜復竊嘆諒知有所成人事安可恒奄忽令我傷

聞子高第日正從相公喪哀情逢吉語倘悅難爲雙

暮宿偃師西徒展轉在牀夜聞汴州亂遽壁行徬徨

我時留妻子倉卒不及將相見不復期零落甘所丁

驕兒未絕乳念之不能忘忽如在我所耳若聞啼聲

唐詩類苑

卷之九下

三十二

中途安得返一日不可更俄有東來說我家免惟殃

乘船下汴水東去趨彭城從喪朝至洛還走不及停

假道經盟津出入行澗岡日西入軍門羸馬顛且僵

主人願少留延入陳壺觴卑賤不敢辭忽忽心如狂

飲食豈知味絲竹徒轟轟平明脫身去決若驚鳬翔

黃昏次汜水欲過無舟航號呼久乃至夜濟十里黃

中流上難津沙水不可詳驚波暗合杳星宿爭翻芒

轅馬踴躍鳴左右泣僕童甲午憇時門臨泉窺闕龍

東南出陳許陂澤平茫茫道邊草木花紅紫相低昂

百里不逢人角角雉鳴行行二月暮乃及徐南疆

下馬步堤岸上船拜吾兄誰云經艱難百口無天殤
僕射南陽公宅我睢水陽篋中有餘衣盎中有餘糧
閉門讀書史牕戶忽已涼日念子來遊子豈知我情
別誰未爲久辛苦多所經對食每不飽共言無倦聽
連延三十日晨坐達五更我友二三子宦遊在西京
東野窺禹穴李翱觀濤江蕭條千萬里會合安可逢
淮之水舒舒楚山直叢叢子又捨我去我懷焉所窮
男兒不再壯百歲如風狂高爵尚可求無爲守一鄉

唐詩類苑卷第九十七

明雲間張之象玄超甫纂輯

雲間高承祚元錫甫編次

雲間王 徹叔朗甫補訂

梁谿曹仁孫伯安甫校正

人部

贈

贈裴十四

李白

朝見裴叔則朗如行玉山黃河落天走東海萬里寫
入胸懷間身騎白黿不敢渡金高南山買君顧徘徊

唐詩類苑

卷之九十七

一

六合無相知飄若浮雲且西去

江夏贈韋南陵水

李白

胡驕馬驚沙塵起胡雛飲馬天津水君爲張掖近酒
泉我竄三巴九千里天地再新法令寬夜郎遷客帶
霜寒西憶故人不可見東風吹夢到長安寧期此地
忽相遇驚喜茫如墮煙霧玉簫金管喧四筵苦心不
得申長句昨日繡衣傾綠樽病如桃李竟何言昔騎
天子大宛馬今乘欸段諸侯門賴遇南平谿方寸復
兼夫子待清論有似山開萬里雲四望青天解人悶
八閩還心悶苦辛長苦辛愁來飲酒二千石寒灰重

暖生陽春山公醉後能騎馬別是風流賢主人頭陀
雲月多僧氣山水何曾稱人意不然鳴笳按鼓戲滄
流呼取江南女江南女兒歌棹謳我且爲君棹碎黃
鶴樓君亦爲我倒却鸚鵡洲赤壁爭雄如夢裏且須
歌舞寬離憂

江上贈賈長史

李白

漢求季布魯朱家楚逐伍胥去章華萬里南遷夜郎
國三年歸及長風沙聞道青雲貴公子錦帆遊戲西
江水人疑天上坐樓船水淨霞明兩重綺相約相期
何太深棹歌搖艇月中尋不同珠履三千客別欲論
唐詩類苑 卷之九十七

交一片心

贈吳官

王維

長安客舍熱如煮無箇茗糜難御暑空搖白團其諦
苦欲向縹囊還歸旅江鄉鯖鮓不寄來秦人湯餅那
堪許不如儂家仕挑達草屨蠓蝦富春渚

贈喬林

張謂

去年上策不見收今年寄食仍淹留美君有酒能便
醉美君無錢能不憂如今五侯不待客美君不入五
侯宅如今七貴方自尊美君不過七貴門丈夫會應
有知己世上悠悠安足論

贈裴施州

廊廟之具裴施州宿昔一逢無此流金鍾大在東
序水壺玉衡一作懸清秋自從相遇減多病三歲爲
客寬邊愁堯有四嶽明至理漢二千石眞分憂幾度
寄書白監北苦寒贈我青絲裘霜雪回光避錦袖蛟
龍動篋蟠銀鈎紫衣使者辭復命再拜故人謝家政
將老已失子孫憂後來況接才華盛遙憶書樓碧池
映

寄恒璨

韋應物

心絕去來緣跡一作順一作人間事獨尋秋草徑夜
唐詩類苑 卷之九十七

宿寒山寺今日郡齋閒思問楞伽字

贈侯喜

韓愈

吾黨侯生字叔起呼我持竿釣溫水平明鞭馬出都
門盡日行行荆棘裏溫水微茫絕又流深如車轍濶
容輒蝦蟇跳過雀兒浴此縱有魚何足求我爲侯生
不能已盤針擘粒投泥滓哺時堅坐到黃昏手倦目
勞方一起暫動還休未可期蝦行蛭渡似皆疑舉竿
引線忽有得一寸纔分鱗與鬣是日侯生與韓子良
久歎息相看悲我今行事盡如此此事正好爲吾規
半世遑遑就舉選一名始得紅顏衰人間事勢豈不

見徒自辛苦終何爲便當提攜妻與子南入箕頰無
還時叔起君今氣方銳我言至切君勿嗤君欲釣魚
須遠去大魚豈肯居沮洳

贈鄭兵曹

韓愈

樽酒相逢十載前君爲壯夫我少年樽酒相逢十載
後我爲壯夫君白首我材與世不相當堪鱗委翅無
復望當今賢俊皆周行君何爲乎亦遑遑杯行到君
莫停手破除萬事無過酒

贈唐衢

韓愈

虎有爪兮牛有角虎可搏兮牛可觸奈何君獨抱奇

唐詩類苑

卷之九十七

四

材手把鋤犁餓空谷當今天子急賢良嘒嘒朝出開

明光胡不上書自薦達坐令四海如虞唐

汴泗交流贈張僕射

韓愈

汴泗交流郡城角築場十步平如削短垣三面綠透
迤擊鼓騰騰樹赤旗新秋朝涼未見日公早結束來
何爲分曹決勝約前定百馬攢蹄近相映毬驚杖奮
合日離紅牛纓綴黃金羈側身轉臂著馬腹霹靂應
手神珠馳超遙散漫兩開暇揮霍紛紜爭變化發難
得巧意氣麤懽聲四合壯士呼此誠習戰非爲劇豈
若安坐行良圖當今忠臣不可得公馬莫走須殺賊

贈崔立之評事

韓愈

崔侯文章苦捷敏高浪駕天輸不盡曾聞關外來上
都隨身卷軸車連軫朝爲百賦猶鬱怒暮作千詩轉
遭緊搖毫擲簡自不供頃刻青紅浮海屋才豪氣猛
易語言往往蛟螭雜螻蛄知音自古稱難遇世俗乍
見那妨哂勿嫌法官未登朝猶勝赤尉長趨尹時命
雖乖心轉壯技能虛富家逾窘念昔塵埃兩相逢爭
名齟齬持矛楯子時專場誇甯距余始張軍嚴鞬勒
爾來但欲保封疆莫學龐涓怯孫臏竄逐新歸厭聞
關齒髮早衰嗟何閔頻蒙怨句刺棄遺豈有閒官敢
推引深藏篋笥時一發戢戢已多如束竹可憐無益
費精神有似黃金擲虛牝當今聖人求侍從拔擢杞
梓收拮据東馬嚴徐已奮飛枚臯卽召窮且忍復聞
王師西討蜀霜風冽冽摧朝菌走章馳檄在得賢燕
雀紛拏要鷹隼竊料二塗必處一豈比恒人長蠹蝨
勸君韜養待徵招不用瑀琢愁肝腎墻根菊花好沽
酒錢帛縱空衣可準暉暉簷日暖且鮮城城井梧疎
更殞高士例須憐翹藥丈夫終莫生畦畛能來取醉
任喧呼死後賢愚俱泯泯

劉生詩

韓愈

生名師命其姓劉自少軒輊非常儔輩家如遠來遠
遊東走梁宋暨揚州遂凌大江極東陬洪濤春天禹
穴幽越女一笑三年留南逾橫嶺入炎州青鯨高磨
波山浮怪魅炫曜堆蛟虬山獠音謹謹諛猥游毒氣
樂體黃膏流問胡不歸良有由美酒傾水肉肥牛妖
歌慢舞爛不收倒心迴腸為青眸千金邀顧不可酬
乃獨遇之盡綢繆瞥然一餉成十秋昔墳未生今白
頭五管歷徧無賢侯迴望萬里還家襄陽山窮邑惟
援猴手持釣竿遠相投我為羅列陳前修交高斬蓬
利鋤擾天星迴環數纔周文學穰穰國倉稠車輕御

唐詩類苑

卷之九十七

六

良馬力優咄哉識路行勿休往取將相酬恩警

贈劉師服

美君齒牙牢且紫大肉硬餅如刀截我今牙豁落者
多所存十餘皆兀艱匙抄爛飯穩送之合口軟嚼如
牛飼妻兒恐我生悵望盤中不飮栗與梨祗今年纔
四十五後日懸知漸莽齒朱顏皓頸訝莫親此外諸
餘誰更數憶昔太公仕進初口含兩齒無贏餘虞翻
十三比豈少遂自惋恨形於書丈夫命存百無害誰
能檢點形骸外巨緡東釣倘可期與子共飽鯨魚膾
酒罷張大徹索贈詩時張初効路幕

李賀

長鬣張郎三十八天遣裁詩花作骨往還誰是龍頭
人公主遣乘魚鬚笏水行青草上白衫匣中章奏密
如蠶金門石閣知卿有豸角鷄香早晚含隴西長言
摧頽客酒闌感覺中區窄葛衣斷碎趙城秋吟詩
夜東方白

贈陝掾梁宏

賈至

梁子工文四十年詩題名過草書題白頭仍作工曹
掾俸薄難供沽酒錢

贈華州王司士

李白

唐詩類苑

卷之九十七

七一

淮水不絕渡瀾高盛德未泯生英髦知君先負廟堂
器今日還須贈寶刀

贈李白

杜甫

秋來相顧尚飄蓬未就丹砂愧葛洪痛飲狂歌宜度
日飛揚跋扈為誰雄

贈張敬微

蔡希寂

大河東北望桃林雜樹冥冥結翠陰不知君作神仙
尉特訝行來雲霧深

重贈鄭鍊

杜甫

鄭子將行罷使臣囊無一物獻尊親江山路遠羈離

日裘馬誰為感激人

贈秦系

劉長卿

向風長笑戴紗巾野鶴由來不可親
明日東歸變名姓五湖煙水覓何人

贈崔九載華

劉長卿

憐君一見一悲歌歲歲無如老
去何白屋漸看秋草沒青雲莫道
故人多

卽事奉呈郎中使君

秦系

久臥雲間已息機青袍忽著狎鷗飛
詩興到來無一事郡中今有謝玄暉

唐詩類苑

卷之九十七

八

贈令狐士曹

韋應物

自八月朔旦同使藍田淹留涉季事
先半日而不相待故有戲贈

秋簷

一作霜

滴滴對牀寢山路迢迢聯騎行
到家俱及東籬菊何事先歸半日程

贈張千牛

韓翃

蓬萊闕下是天家上路新回白鼻驕
急管畫催平樂酒春衣夜宿杜陵花

贈李翼

韓翃

王孫別舍擁朱輪不羨空名樂此身
門外碧潭春洗

馬樓前紅燭夜迎人

贈樂天

元稹

等閒相見銷長日也有閒時更學琴
不是眼前無外物不關心事不經心

贈李十一

元稹

淮水連年起戰塵油旌三換一何頻
共君前後俱從事羞見功名與別人

重贈

樂人高玲瓏能歌數十詩

元稹

休遣玲瓏唱我詩我詩多是別君詞
明朝又向江頭別月落潮平是去時

唐詩類苑

卷之九十七

九

贈樂天

元稹

莫言隣境易經過彼此分符欲奈何
垂老相逢漸難別白頭期限各無多

贈談客

白居易

上客清談何亹亹幽人閒思自寥寥
諸君休說長安事膝上風清琴正調

座上贈盧判官

白居易

把酒承花花落頻花香酒味相和春
莫言不是江南會虛白亭中舊主人

吳七郎中山人待制班中偶贈絕句

白居易

金馬東門隻日開，漢庭待詔重仙才。
第三松樹非華表，那得遼東鶴下來。

贈思黯

白居易

為憐清淺愛潺湲，一日三迴到水邊。
若道歸仁灘更好，主人何故別三年。

贈舉之僕射

白居易

鷄黍錫粥屢開筵，談笑謳吟鬪管絃。
一月三迴寒食會，春光應不負今年。

贈康叟

白居易

唐詩類苑 卷之九十七

十

八十秦翁老不歸，南賓太守乞寒衣。
再三憐汝非他意，天寶遺民見漸稀。

柳口又贈二首

韓愈

山作劍攢江寫鏡，扁舟斗轉疾於飛。
回頭笑向張公子，終日思歸此日歸。

雪颭霜翻看不分，雷驚電激語難聞。
沿涯宛轉到深處，何限青天無片雷。

贈張十八助教

韓愈

喜君眸子重清朗，攜手城南歷舊遊。
忽見孟生題竹處，相看淚落不能收。

贈朱放

顧況

野客歸時無四鄰，黔婁別久按長貧。
漁樵舊路不堪入，何處空山猶有人。

贈會稽楊長官

方干

直鉤終日釣無魚，鐘鼓聲中與世疎。
若向潮邊訪幽拙，蕭條四壁是閒居。

贈申長官

方干

言下隨機見物情，看看獄路草還生。
旅人莫怪無魚食，直為寒江水至清。

贈副戎等

南卓

唐詩類苑 卷之九十七

十二

翩翩曾在玉京天，墮落江南路幾千。
從事不須輕縣宰，滿身猶帶御爐煙。

贈陳羽

陳羽

或掉孤舟或採蘋，常適意釣長溪。
草堂竹徑在何處，落日孤煙寒清西。

贈鄭協律

杜牧

廣文遺韻留攄散，鷄犬圖書共一船。
自說江湖不歸事，阻風中酒過年年。

贈朱道靈

杜牧

劉根丹篆三千字，郭璞青囊兩卷書。
牛心機南謝山

北白雲深處有巖居

留贈

杜牧

舞韓應任閒人看笑臉還須待我開不用鏡前空有淚
蕊薇花謝即歸家

投所知

鄭谷

砌下芝蘭新滿徑門前桃李舊垂陰却應迴念江邊草
放出春煙一寸心

贈韓定辭

馬彥

燧林芳草綿綿思盡日相攜陟麗譙別後巉嵒山上望
美君時復見王喬

唐詩類苑

卷之九十七

十二

答馬彥

韓定辭

崇霞臺上神仙客學辨癡龍藝最多盛德好將銀筆述
麗辭堪與雪兒歌

贈人二首

王建

金鑪煙裏要班頭欲得歸山可自由每度報朝愁入閣
在先教示小千牛

多在蓬萊少在家越緋衫上有紅霞朝迴不向諸餘處
騎馬城西檢校花

贈李文通

賈島

宮殿萬勝岡頭下誓立千年不朽巧天子手擎新鉞

斧諫官請贈李文通

贈殷亮

戴叔倫

日日河邊見水流傷春未已復悲秋山中舊宅無人住
來往風塵共白頭

贈鄭司業

張翥

晚學更求來世達正懷非與百邪侵古人名在今人口
不合于名不苦心

贈王建

張籍

自君去後交遊少東野亡來篋笥貧賴有白頭王建在
眼前猶見詠詩人

唐詩類苑

卷之九十七

十三

贈姚合

張籍

丹鳳城門向曉開千官相次入朝來唯君獨走衝塵土
下馬橋邊報直迴

贈施肩吾

張籍

世間漸覺無多事雖有空名未着身合取藥成相待
喫不須先作上天人

贈夜客

李涉

涉嘗過九江至皖口遇盜問何人從者曰李博士也其
豪首曰若是李涉博士不用剽奪久聞詩名

願題一篇足矣涉遂題一絕贈之

春雨蕭蕭江上村綠林豪客夜知聞他時不用相迴
避世上如今半似君

贈劉畏之三首

李商隱

待得郎來月已低寒暄不道醉如泥五更又欲向何
處騎馬出門烏夜啼

戶外重陰黯不開含羞迎夜復歸臺滿湖浪上有煙
景安得好風吹汝來

清時無事奏明光不遣當關報早霜中禁詞臣尋引
領左川歸客自迴腸郎君下筆驚鸚鵡侍女吹笙弄
鳳凰空寄大羅天上事衆仙同日詠霓裳

唐詩類苑

卷之九十七

十四

贈張南史

錢起

紫泥何日到滄洲笑向東陽沈隱侯黛色青峰雲外
出穀文江水縣前流使臣自欲論公道才子非關厭
薄遊溪畔秋蘭雖可佩知君不得少停舟

贈王侍御

韋應物

心同野鶴與塵遠詩似冰壺見底清府縣同趨昨日
事升沈不改故人情上陽秋晚蕭蕭雨落木寒來夜
夜聲自歎猶爲折腰吏

贈王隨

韓翃

青雲自致晚應遙朱邸新昏樂事饒飲罷更憐雙袖

舞試來偏愛五花驕帳裏爐香春夢曉堂前燭影早
更朝更說毬場新雨歇王孫今日定相邀

贈王樞密

王建

三朝行坐鎮相隨今上春宮見長時脫下御衣先賜
着進來龍馬每教騎長承密旨歸家少獨奏邊機出
殿遲自是當家頻向說九重爭得外人知

贈舊渾二曹長

王建

二年同在華清下入縣門中最近隣替飲觥籌知戶
小助成書屋見家貧夜甚臨散停分客朝浴先迴各
送人僮僕使來傳語熟至今行酒校殷勤

唐詩類苑

卷之九十七

十五

贈賈島

張籍

籬落荒涼僮僕饑樂遊原上住多時蹇驢放飽騎將
出秋卷裝成寄與誰拄杖傍田尋野菜封書乞米趁
時炊姓名未上登科記身屈惟應內史知

贈友人

李遠

鳳城煙露思偏多曾向劉郎住處過銀燭焰前貪勸
酒玉簫聲裏已聞歌佳人惜別看嘶馬公子貪情向
翠蛾今日重來門巷改出牆桐樹綠婆娑

錢塘贈武翊黃

章孝標

曾將心劍作戈矛一戰名場造化愁花錦文章開四

面天人科第上三頭鵠鴻待侶飛清禁山水綠情注
外州時伴庾公看海月好吟詩斷望潮樓

贈韓協律

朱慶餘

永日微吟在竹前骨清唯愛漱寒泉門間多有拔
客身病長無買藥錢嶺寺聽猿頻獨宿湖亭避宴
經年親知盡怪疎榮祿的是將心暗學禪

癸卯歲毗陵會中貽同老章碣

玉皇恩詔別星班去歷徐方分野間有鳥盡巢垂汴
柳無樓不到隔淮山旌旗漸向行時擁案牘應從到
日間想憶朝天獨吟坐旋飛新作過秦關

唐詩類苑

卷之九十七

七

贈竇十九

崔峒

靈臺暮宿意多違木落花開美客歸江海幾時傳錦
字風塵不覺化緇衣山陽會裏同人少灞曲農時故
老稀幸得漢皇容直諫憐君未遇覺人非

贈元秘書

崔峒

舊書稍稍出風塵孤客逢秋感此身秦地謬爲門下
客淮陰徒笑市中人也聞桂籍尋常醉見說陳平不
久貧幸有故人茅屋在更將心事問親情

贈咸陽少府蕭郎

元稹

莫怪逢君淚每盈仲由多感有深情陸家幼女託良

嬌阮氏諸房無外生顧我自傷爲弟拙念渠能繼事
姑名別時何處最腸斷日暮渭陽驅馬行

贈呂三校書

與呂校書同年科第後爲別七年元和巳丑歲八月偶於陶化

坊館

元稹

同年同拜校書郎觸處潛行爛熳狂共占花園爭越
辟競添錢買定秋娘七年浮世皆驚眼八月開宵忽
並牀語到欲明時又泣傍人相笑兩相傷

和樂天贈楊秘書

元稹

舊與楊郎在帝城搜天幹地竟詩情曾因並句甘稱
小不爲論年便喚兄刮骨直穿由苦關夢腸翻出暫

唐詩類苑

卷之九十七

十七

閒行因君投贈還相和老去那能競底名

奉和竇容州

元稹

明公莫訝容州遠一路瀟湘景氣濃斑竹初成二妃
廟碧蓮遙聳元疑峰禁林閑道長傾鳳池水那能久
滯龍自歎風波去無極不知何日又相逢

贈崔元儒

元稹

殷勤夏口阮元瑜二十年前舊飲徒最愛輕欺杏園
客也曾辜負酒家胡些些風景閒猶在事事顛狂老
漸無今日頭醫三兩酒翠娥潛笑白髭鬚

戲贈樂天復言

元稹

樂事難逢歲易徂白頭光景莫令孤弄濤船更曾親
否望市樓望市樓也還有會無眼力少將尋案牘心
情且強擲臯盧孫園虎寺隨宜看不必遙遙羨鏡湖

贈楊使君

白居易

曾嗟放逐同巴峽且喜歸還會洛陽時命到來須作
用功名未立莫思量銀銜叱撥欺風雪金屑琵琶費
酒漿更待城東桃李發共君沈醉兩三場

贈皇甫庶子

白居易

何因散地共徘徊人道君才我不才騎少馬蹄生易
蹶用稀印鎖澀難開妻知年老添衣絮婢報天寒撥
車詩類苑卷之九十七

酒醅更愧小胥誇拜表單衫衝雪夜深才

贈諸少年

白居易

少年莫笑我蹉跎聽我狂翁一曲歌入手榮名取雖
少關心穩事得還多老慙退馬羈芻秣高喜歸鴻脫
弋羅官給俸錢天與壽些些貧病奈吾何

贈韋八

白居易

辭君歲久星一君初白髮驚嗟兩有餘舊賢別來今至
此心情料取合何如曾同曲水花亭醉亦共華陽竹
院居豈料天南相見夜哀猿瘴霧宿匡廬

重贈李大夫

白居易

早接清班登玉陛同承別詔直金鑾鳳閣上客才
穩鶴鎖籠中展翅難流落多年應是命量移遠郡未
成官慙君獨不欺顛顚猶作銀臺舊眼看

贈夢得

白居易

心中萬事不思量坐倚屏風臥向陽漸覺詠詩猶老
醜豈宜憑酒更狂頭垂白髮我思退脚踏青雲君
欲忙只有今春相伴在花前賸醉兩三場

陝府王大夫相迎偶贈

白居易

紫微閣老自多情白首園公豈要迎伴我綠槐陰下
歇向君紅旆影前行綸巾髮少渾欹側籃輿肩齊甚

唐詩類苑卷之九十七

贈夢得

白居易

年顏老少與君同眼未全昏耳未聾放醉臥為春日
伴赴歡行入少年叢尋花借馬煩川守弄水偷船惱
令公聞道洛城人盡怪呼為劉白二狂翁

贈侯三郎中

白居易

老愛東都好寄身足泉多竹少埃塵年豐最喜唯貧
客秋冷先知是瘦人幸有琴書堪作伴苦無田宅可
為隣洛中緇耒長居得且與蘇田遊過春

贈李郢

方干

非唯孤峭與世絕吟處斯須能變通物外搜羅歸大雅
臺端剪削有餘功山川正氣侵靈府雪月清談引思風
別得人間上昇術丹霄路在五雲中

貽高謹

方干

都緣相府有宗兄却恐妨君正路行石上長松自森秀
雪中孤玉更疑明西陵曉月中秋色北回軍葦半夜聲
幸有清才與洪筆何愁高節不公卿

贈夏侯評事

方干

傍窺盛德與高節緬想應無前後人
骨停騰蛇女立成銀基功過却楊玄
唐詩類苑卷之九十七

唐詩類苑

卷之九十七

子真朱戶侯門猶不見可知岐路有風塵

贈李支使

方干

樂成平地是寥天三十人中最少年白雪振聲來輦下
青雲開路到牀前公卿位近應翹足荀宋才微可拍肩
一等孔門為弟子愚儒獨自賦歸田

贈進士章碣

方干

織錦雖云用舊機
葉未可便攀低處枝
藉地落花春半後打窻斜雪夜深時
此時才子吟應苦吟苦鬼神知不知

贈丘衡推

張翥

仙都高處掩柴扉人世聞名見者稀詩逸不拘凡對屬
易窮皆達聖玄微偶攜童穉離青嶂便被君侯換白衣
任醉賓筵莫深隱綺羅絲竹勝漁磯

宣州留贈

杜牧

紅鉛濕盡半羅裙洞府人間手欲分滿面風流雖是玉
四年夫婿恰如雲當春離恨孟長滿倚柱關情日漸曛
為報眼波須穩當五陵遊蕩莫知聞

贈崔大夫崔正字

杜牧

內舉無慙古所難燕臺遙想拂塵冠登龍有路水不峻
一鴈背飛天正寒別後酒餘紅燭短映山帆去碧

唐詩類苑

卷之九十七

霞殘謝公樓下潺湲響離恨詩情添幾般

湘中贈范郎

羅隱

丹桂無心彼此諳二年疎懶共江潭愁知酒盞終難捨
老覺人情轉不堪雲外鷓鴣非故舊眼前膠漆是煙嵐
勞歌一奏霜風暮擊折湘妃白玉簪

贈瀉先輩令狐補闕

羅隱

中間聲路早薰然阻避鉤衡過十年碧海浪高終濟物
蒼梧雲好已歸天花迎綵服離鶯谷柳傍東風觸馬鞭
應合淒涼洞庭客夜深雙淚憶漁船

安陸贈徐礪

羅隱

靈地橋下水聲聲曾向橋邊話別情一榻偶依陳六
守二年深憶禰先生塵欺鬢色非前事火熱蓬根有
去程還把餘杯重相勸不堪秋色背郎城

使兩浙贈羅隱

姚合

平日時風好涕流謾書雖盛一名休震區歎屈瞻天
問夷猶聞詩過海求向夕便思青瑣拜近年尋伴亦
松遊何當世祖從人望早以公台命卓侯

贈楊秘書巨源

早聞一箭取遼城相識雖新有故情清句三朝誰是
敵白眉四海半爲兄貧家雜草時時入瘦馬羣花處

唐詩類苑

卷之九十七

三

虞行不用更教詩過好折君官職是聲名

贈李傳

楊巨源

知因公望掩能文誓激明誠在致君曾罷雙旌瞻白
日猶將一劍許黃雲搖憲竹色留僧語入院松聲共
鶴聞莫被此心生晚計鎮南人憶杜將軍

贈知音

溫庭筠

翠羽花冠碧樹鷄未明先向短牆啼窻間謝女青蛾
飲門外蕭郎白馬嘶星漢漸移庭竹影露珠猶綴野
花迷景陽宮裏鐘初動不語垂鞭上柳堤

贈華州鄭大夫

王建

此官出入鳳池頭通化門前第一州少華山雲常曉
起小敷溪水入城流空閒地內人初滿詞訟牌前草
漸稠報狀拆開知足雨赦書宣過喜無囚自來不說
雙旌貴恐替長教百姓愁公退晚涼無一事步行攜
客上南樓

湘中贈張逸人

黃滔

羽衣零落帽欹斜不自孤峰卽海沙曾爲蜀山成寓
跡又因湘水擬管家鳴琴坐見燕鴻沒曳履吟忘野
逕賒更愛扁舟宿寒夜獨聽風雨過蘆花

唐詩類苑

卷之九十七

三

唐詩類苑卷第九十八

明雲間張之象玄超甫纂輯

雲間高承祚元錫甫編次

雲間王徹叔朗甫補訂

梁谿曹仁孫伯安甫校正

人部

答

答洛陽主人

陳子昂

平生白雲志早愛赤松遊事親恨未立從官此中州
主人何發問旅客非悠悠方謁明天子清宴奉良籌

唐詩類苑

卷之九十八

一

再取連城壁三陟平津侯不然拂衣去歸從海上鷗
寧隨當代子傾側且沈浮

答高山人兼呈權顧二侯李白

虹霓掩天光哲后起康濟應運生夔龍開元掃氛翳
太微廓金鏡端拱清遐裔輕塵集嵩嶽虛點聖明意
謬揮紫泥詔獻納生雲際纔惑英主心恩疎佞臣計
旁皇庭闕下歎息光陰逝未作仲宣詩先流賈生涕
挂帆秋江上不爲雲羅制山海向東傾百川無盡勢
我於鴟夷子相去千餘歲運澗英達稀同風遙執袂
登艫望遠水忽見滄浪樵高士何處來虛舟眇安繫

衣貌本淳古文章多佳麗延引故鄉人風義未淪替

顧侯達語默權子識通蔽曾是無心雲俱爲此留滯

雙萍易飄轉獨鶴思凌厲明晨去瀟湘共謁蒼梧帝

五月東魯行答汶上翁李白

五月梅始黃羣芳凋桑柘空魯人重織作機杼鳴簾櫳

顧余不及仕學劍來山東舉鞭訪前塗獲笑汶上翁

下愚忽壯士未足論窮通我以一箭書能取遼城功

終然不受賞羞與世人同西歸去直道落日昏陰虹

此去爾勿言甘心如轉蓬

酬王補闕惠翼莊廟宋丞泚贈別

唐詩類苑

卷之九十八

二

李白

學道三千春自言義和人軒蓋宛若夢雲松長相親
偶將二公合復與三山隣喜結海上契自爲天外賓
鸞翮我先鍛龍性君莫馴朴散不向古時訛皆失真
勿踏荒溪波竭來浩然津薛帶何辭楚桃源堪避秦
世迫且離別心在期隱淪贈非炯誠永言銘珮紳
金陵謝李翰林謫仙子魏萬
萬後名譽上元初登第始見李白於廣陵白曰爾
後必著大名於天下無忘老夫與明月奴因盡出
其文命題集之白有送萬還王屋序并詩

君抱碧海珠我懷藍田玉各稱希代寶萬里遙相燭
長卿慕蘭久子猷意已深平生風雲人暗合江海心
去秋忽乘輿命駕來東土謫仙遊梁園愛子在鄒魯
二處一不見拂衣向江東五兩挂海月扁舟隨長風
南遊吳越徧高揖二千石雪上天台山春逢翰林伯
宣父敬項橐林宗重黃生一長復一少相看如弟兄
惕然意不盡更逐西南去同舟入秦淮建業龍盤處
楚歌對吳酒借問承恩初官買長門賦天迎駟馬車
才高世難容道廢可推命安石重攜妓子房空謝病
金陵百萬戶六代帝王都虎石據西江鍾山臨北湖

唐詩類苑

卷之九十八

三

二山信爲美王屋人相待應爲岐路多不知歲寒在
君遊早晚還勿久風塵間此別未遠別秋期到仙山
敬酬杜華淇上見贈兼呈熊曜

岑參

杜侯實才子盛名不可及祗曾効一官今已年四十
是君同時者已有尚書郎憐君獨未遇淹泊在他鄉
我從京師來到此喜相見共論窮途事不覺淚滿面
憶昨癸未歲吾兄自江東得君江湖詩骨氣凌謝公
熊生尉淇上開館常待客喜我二人來歡笑朝復夕
縣樓壓春岸戴勝鳴花枝吾徒在舟中縱酒兼彈碁

三月猶未還客愁滿春草賴蒙瑤華贈諷詠慰懷抱

酬陸少府

高適

朝臨淇水岸還望衛人邑別意在山阿征途背原隰
稍稍前村口唯見轉蓬入水渚人去遲霜天鴈飛急
固應不遠別所爲路未及欲濟川上舟相思空佇立
淇上酬薛三掾兼寄郭少府

高適

自從別京華我心乃蕭索十年守章句萬里空寥落
北上登薊門茫茫見沙漠倚劍對風塵慨然思衛霍
拂衣去燕趙驅馬恨不樂天長滄洲路日暮邯鄲郭

唐詩類苑

卷之九十八

四

酒肆或淹留漁潭屢棲泊獨行備艱險所見窮善惡
永願拯芻蕘孰云干鼎鑊皇情念淳古時俗何浮薄
理道資任賢安人在求瘼故交負靈奇逸氣抱寒謬
隱軫經濟具縱橫建安作才望忽先鳴風期無宿諾
飄飄勞州縣迢遞限言譴東馳眇具丘西顧彌號畧
淇水徒自流浮雲不堪託吾謀適可用天路豈廖廓
不然買山田一身與耕鑿且欲同鷦鷯焉能志鴻鶴

酬李少府

高適

出塞魂猶驚懷質意難說誰知吾道間乃在客中別
日夕捧瓊瑤相思無休歇伊人雖薄宦舉代推高節

述作陵江山聲華滿冰雪一登薊丘上四顧何慘烈
來鴈無盡時邊風正騷屑將從崖谷遁且與沈浮絕
君若登青雲吾當投魏闕

酬龐十兵曹

高適

憶昔遊京華自言生羽翼懷書訪知己末路空相識
許國不成名還家有慚色託身從賦畝浪跡初自得
雨澤感天時耕耘忘帝力同人洛陽至問我淮水北
遂爾欵津涯淨然見胸臆高談懸物象遠道投翰墨
別岸迥無垠海鶴鳴不息梁城多古意攜手共悽惻
懷賢想鄒枚登高思荆棘世情惡疵賤之子憐孤直
唐詩類苑 卷之九十八 五

酬贈感并深離憂豈終極

酬司空璩

高適

飄飄未得意感激與誰論昨日遇夫子乃欣吾道存
江山滿詞賦札翰起涼溫吾見風雅作人知德業尊
驚飈蕩萬木秋氣屯高原燕趙何蒼茫鴻鴈來翩翻
此時與君別握手欲無言

奉和諸光義

高適

天靜終南高俯映江水明有若蓬萊下淺深見澄瀛
群峰懸中流石壁如瑤瓊魚龍隱蒼翠鳥獸游清泠
菰蒲林下秋薜荔波中輕山蔓浴蘭沚水若居雲屏

嵐氣浮潛宮孤光隨曜靈陰陰豫章館宛宛百花亭
大君及群臣燕樂方嚶鳴吾黨二三子茲辰怡性情
逍遙滄洲時乃在長安城

奉酬薛十二丈判官見贈

杜甫

忽忽峽中睡悲風方一醒西來有好鳥爲我下青冥
羽毛淨白雪慘澹飛雲汀既蒙主人顧舉翮唳孤亭
持以比佳士及此慰揚舲清文動衰玉見道發新硯
欲學鴟夷子待動燕山銘誰重斷蛇劍君若未聽
志在麒麟閣無心雲母屏卓氏近新寡家朱門扃
相如才調逸銀漢會雙星客來洗粉黛日暮拾流螢
唐詩類苑 卷之九十八 六

不是無膏火勸郎勤六經老夫自汲澗水日泠泠
我歎黑頭白君看銀印青臥病識山鬼爲農知地形
誰矜坐錦帳苦厭食魚腥東南兩岸圻橫水注滄溟
碧色忽惆悵風雷搜百靈空中有白虎赤節引娉婷
自云帝里女嚶雨鳳凰翎襄王薄行跡莫學冷如丁
千秋一拭淚夢覺有微馨人生相感動金石兩相榮
丈人但安坐休辨渭與涇龍蛇尚格鬬灑血暗郊坰
吾聞聰明主治國用輕刑銷兵鑄農器今古歲方寧
文王日儉德俊乂始盈庭榮華貴少壯豈食楚江萍

漫酬賈沔州

并序

元結

賈德方與漫叟者懼漫叟不能甘窮獨懼叟又須
爲官故作詩相喻其指曰勸爾莫作官作官不益
身因德方之意遂漫酬之

往年壯心在嘗欲濟時難奉詔舉州兵令得誅暴叛
上將屢顛覆偏師常救亂未曾弛戈甲終日領簿案
出入四五年憂勞忘昏旦無謀靜况醜自覺愚且悞
豈欲早樞中爭食苑與賢去年辭職事所懼貽憂患
天子許安親官又得閒散自家樊水上性情尤荒慢
雲山與水木似不憎吾漫以茲忘時世日益無畏憚
漫醉人不嗔漫眠人不喚漫遊無遠近漫樂無早晏
唐詩類苑 卷之九十八 七

蘇十三瞻登玉泉寺峰入寺中見贈作

儲光義

慶門疊華組盛列鍾英彥貞信發天姿文明叶邦選
爲情貴深遠作德齊隱見別業在春山懷歸出芳甸
逖聽多時友招邀及浮賤朝沿瀾水窮暮矚藍田徧
百花昭阡陌萬木森鄉縣澗淨綠蘿深巖暄新鳥囀
依然造華薄豁爾開靈院淹留火禁辰愉樂絃歌宴

肅肅列樽俎鏘鏘引纓弁天籟激微風陽光轡奔箭
以茲小人腹不勝君子饌是日旣低迷中宵方眊眩
枕上思獨往胸中理交戰碧雲暗雨來舊原芳色變
歡然自此絕心賞何由見鴻蒙已笑雲列缺仍揮電
忽與去人遠俄逢歸者便想像玉泉宮依稀明月殿
峰巒若登陟水木以游衍息心幸自忘黜翰仍留眷
恨無荆文璧以答丹青綯

酬李處士山中見贈

儲光義

厥初遊太學相與極周旋合采共朝暮知言同古先
孟陽題劍閣子雲獻甘泉斯須曠千里婉婉將十年
唐詩類苑 卷之九十八 八

今來艷陽月好鳥鳴翩翩同聲旣求友不肖亦懷賢
引領遲芳信果枉瑤華篇成頌非其德高文徒自妍
聲塵邈超越比興起孤絕始信郢中人乃能歌白雪
蹇予北堂夜搖筆酬明哲綠竹動清風層軒靜華月
想像南山下恬然謝朝列猶恐鵲鳩鳴坐看芳草歇
邀以青松色同知白華潔永願登龍門相將持此節

奉酬張五丈垂贈

儲光義

綵服去江汜白華生大梁星辰動異色羔鴈成新行
日望天朝近時憂郢路長情言問邁軸惠念及滄浪
松柏以之茂江湖亦自忘賈生方弔屈豈敢比南昌

謝張法曹萬頃小山假景見憶

錢起

樂道隨去處養和解朝簪茅堂近丹闕佳致亦何深
退食不趨府忘機還在林清風亂流上永日小山陰
解籜雨中竹將鵲花際禽物華對幽寂絃酌兼詠吟
自昔仰高步及茲勞所欽郢歌叨繼組知已復知音

北遊酬孟雲卿見寄

劉長卿

忽忽忘前事事願能相乖衣馬日嚴寒誰辨行與才
善道居貧賤潔服蒙塵埃行行無定止稟坎難歸來
慈母憂疾疹室家念棲萊幸君夙姻親深見中外懷
唐詩類苑卷之九十八 九

侯子惜時節悵望臨高臺

酬梁二十宋中所贈兼留別梁少府

獨孤及

少讀黃帝書肯不笑機事意猶負深衷未免名跡累
厭貧學干祿欲徇賓王利甘爲風波人豈復江海意
擔簦平臺下是日欲窮思君道寸心慙喜一交臂
緒言未竟竟離念已復至望南丘雲雨成兩地
途殊跡方問河廣流且駛寒帆望不及覽贈心欲醉
愛君如金錫昆弟皆茂異奕赫連絲衣榮養能錫類
君子道未長深藏青雲器巨鱗有縱時今日不足議

唯當加餐飯好我袖中字別離動經年莫道分首易

答韓庫部協

韋應物

良玉表貞度麗藻頗爲工名列金閨籍心與素士同
日晏下朝來車馬自生風清宵有佳興皓月直南宮
矯翮方上征顧我逸冲冲豈不願攀舉執事府庭中
智乖時亦蹇才大命有一作通還當以道推解組守
蒿蓬

答崔主簿倬

韋應物

朗月分林靄遥管動離聲故驪良已阻空宇澹無情
窈窕雲鴈沒蒼茫河漢橫蘭章不可答冲襟徒自盈
唐詩類苑卷之九十八 十

答崔都水

韋應物

亭亭心中人迢迢居秦關常緘素札去一作問適枉華
章還憶在澧郊時攜手望秋山久嫌官府勞初喜罷
秩閒終年不事業寢食長慵頑不知爲時來一作何
名籍挂郎開攝衣辭田里華簪耀顏顏卜居又依仁
日夕正追攀牧人本無術命至苟復遷離念積歲序
歸途眇山川郡齋有佳月園林含清泉同心不在宴
樽酒徒盈前覽君陳迹遊詞意俱悽妍忽忽已終日
將酬不能宣昨稅况重疊公門極熬煎責逋甘者免
一作歲晏當歸田勿厭守窮轍慎爲名所牽

答王郎中

韋應物

臥閣枉芳藻覽旨悵秋晨守郡猶羈寓無以慰嘉賓
野曠歸雲盡天清曉露新池荷涼已至憲梧落漸頻
風物殊京國邑里但荒榛賦繁屬軍興政拙愧斯人
髦士久臺閣中路一漂淪歸當列盛朝一作豈念臥
淮濱

答庫部韓郎中

韋應物

高士不羈世頗將榮辱齊適委華冕去欲還幽林棲
雖懷承明戀忻與物累睽逍遙觀運流誰復識端倪
而我豈高一作致偃息平門西愚者世所遺沮溺共

唐詩類苑

卷之九十八

十一

耕犁風雪積深夜園田掩荒蹊幸蒙相思札欵曲期
見攜

答暢校書當

韋應物

偶然棄官去投跡在田中日出穿茅屋園林一作種園養
愚蒙雖云無一資斟酌會不空且忻百穀成仰歎造
化功出入與民伍作事靡不同時代南澗竹夜還澧
水東貧寒自成退豈為高人蹤覽君金玉篇彩色發
我容日日欲為報方一作春已徂冬

酬劉侍郎使君

韋應物

瓊樹凌霜雪蕙情如芳春英賢雖出守本白玉階人

宿肯陪郎署出入仰清塵孰云俱列郡比德豈為隣
風雨飄海氣清涼悅心神重門深夏晝賦詩延衆賓
方以歲月舊每蒙君子親繼作郡齊什遠贈荆山珍
高閒一作庶務理遊眺景物新朋友亦遠集燕酌在
佳辰始唱已慙拙將酬益難伸濡毫意僥倖一用寫
情勤

答令狐侍郎

韋應物

一凶迺一吉一是復一非孰能逃斯理亮在識其微
三黜故無愠高賢當庶幾但以親交戀音容邈難希
況昔別離久俱忻藩守歸朝宴方陪厠山川又乖違

唐詩類苑

卷之九十八

十二

吳門冒海霧峽路凌連磯同會在京國相望涕沾衣
明時重英才當復列彤闈白玉雖塵垢拂拭還光輝

酬張協律

韋應物

昔人鬻春地今人復一賢屬余藩守日方君臥病年
麗思阻文一作宴芳蹤闕賓筵經時豈不懷欲往事
屢牽公府適煩倦開緘瑩新篇非將握中寶何以比
其妍感茲棲寓詞想復病瘵纏空宇風霜交幽居情
思綿當以貧非病孰云白未玄邑中有其人憔悴卽
我愆由來牧守重英俊得薦延匪人等鴻毛斯道何
由宣遭時無早晚蘊器俟良緣觀文心未衰勿藥疾

當一作痊晨期簡牘罷馳慰子仲然

答河南李士巽題香山寺 韋應物

洛都遊宦日少年攜手行投杯起芳席總轡振華纓
關塞有佳氣巖開伊水清攀林憩佛寺登高望都城
蹉跎二十載世務各所營茲賞常在夢故人安得并
前歲守九江恩召赴咸京因途再登歷山河屬晴明
寂寞僧侶少蒼茫林木成墻宇或崩剝不見舊題名
舊遊况存歿獨此淚交橫交橫誰與同書壁貽友生
今茲守吳郡綿思方未平子復經陳迹一感我深情
遠蒙惻愴篇中有金玉聲及覆終難答金玉尚為輕

唐詩類苑 卷之九十八

答故人見論

韋應物

素寡名利心自非同圓器徒以歲月資屢蒙藩條寄
時風重書札物情敦貨遺機杼十緜單情疎百函愧
常負交親責且為一官累况本濩落人歸無置錫地
省己已知非枉書見深致雖欲効區區何由枉其志

答裴丞說歸京所獻

韋應物

執事頗勤久行去亦傷乖家貧無僮僕吏卒升寢齋
衣服藏內篋藥草曝前階誰復知次第濩落且安排
還期在歲晏何以慰吾懷

答李博士

韋應物

休沐去人遠高齋出林杪晴山多碧峰顚氣疑秋曉

端居喜良友枉使千里路絨書當夏時開緘時已度

層鷄已飄颺荷露方蕭颯夢遠竹窻幽行稀蘭徑合

舊居共南北往來只如昨問君今為誰日夕度清洛

答劉西曹

時為京兆功曹

韋應物

公館夜云寂微涼群樹秋西曹得時彥華月共淹留
長嘯舉清觴志氣誰與儔千齡事雖邈俯念忽已周
篇翰如雲興京洛頗優游論文不獨古理妙即同流
淺劣見推許恐為識者尤空慙文壁贈日夕不能酬

酬李儋

韋應物

唐詩類苑 卷之九十八

十四

開門臨廣陌旭日車馬喧不見同心友徘徊憂且煩
都城二十里居在艮與坤人生所各務乖濶累朝昏
湛湛罇中酒青青芳樹園緘情未及發先此枉璚璠
邁世超羣 高躅尋流得真源明當策疲馬與子同
笑言

奉酬韋滁州寄示

楊凌

淮陽一作南為郡暇坐惜流芳歇散懷累榭風清暑澄
潭月陪燕辭三楚戒途綿百越非當遠別時雅奏何
由發

奉酬湖州崔郎中見寄

劉禹錫

山陽音相遇灼灼晨葩鮮同遊翰墨場和樂墳笈然
一落名宦途浩如乘風船行當衰暮日臥理淮海邊
猶期謝病後共樂桑榆年

答孟東野

劉 义

酸寒孟夫子苦愛老又詩生澀有百篇謂是瓊瑤辭
百篇非所長憂來豁窮悲唯有剛腸鐵百鍊不柔虧
退之何可罵東野何可欺文王已云歿誰顧好爵縻
生死守一丘寧計飽與饑萬事付盃酒從人笑狂癡

答蘇州韋使君

僧皎然

詩教殆淪缺庸音互相傾忽觀風騷韻會我宿昔情

唐詩類苑

卷之九十八

十五

蕩漾學海資辭爲詩人英格將寒松高氣與秋江清
何必對中作可爲千載程受辭分堯竹萬里臨江城
一到掃煩政况今休賣兵應憐禪家子林下寂無營
跡隳世上華心得道中精脫畧文字累免爲外物嬰
書衣流埃積硯石駭蘇生恨未識君子空傳手中瓊
安無誘我性始願微素誠爲無驚驚音繼公雲和笙
吟之向禪齋及媿幽松聲

答王參

賈 島

寸晷不相待四時互如競客思先覺秋蟲聲苦知暝
霜松積舊翠露月團如鏡詩負屬景同琴孤坐堂聽

相期黃菊節別約紅桃徑每把式微篇臨風一長詠

重酬姚少府

賈 島

隙月斜枕旁詠詠夏詒什如今何時節蟲虺亦已蟄
答遲禮涉傲抱疾思加澀僕本胡爲者銜肩貢客集
茫然九州內譬如一錐立欺暗少此懷自明曾瀝泣
量無趨勇士誠欲戈矛戢原閣期躋攀潭舫偶俱入
深齋竹木合多一作畢夕風雨急俸利沐均分價煩
噓喻百篇見刪罷一命嗟未及滄浪愚將還知音激
所習

和劉油

賈 島

唐詩類苑

卷之九十八

十六

京官始云滿野人依舊開閉扉一畝居中有古風還
市井日已午幽窻夢南山喬木覆北齋有鳥鳴其間
前日遠嶽僧來時與開關新題開我瘦窺鏡見醜顏
陶情惜清澹此意復誰攀

答暢參軍

韋應物

秉筆振芳步少年且吏遊官閒高興生夜直河漢秋
念與清賞遇方抱沈疾憂言忽見贈良藥同所瘳
高樹起棲鴉晨鐘滿皇州淅淅露華動曠朗景氣浮
偶宦心非累處喧道自幽空虛爲世薄子獨意綢繆

酬樂天

時樂天爲詩

元 稹

放鶴在深水置魚在高枝升沈或異勢同謂非所宜
君爲邑中吏皎皎鸞鳳姿顧我何爲者翻侍白玉墀
昔作芸香侶三載不暫離連茲忽相失旦夕夢夢思
崔嵬驪山頂宮樹遙參差祗得兩相望不得長相隨
多君歲寒意裁作秋興詩上有風塵苦下言時節移
官家事拘束安得攜手期願爲雲與雨會合天之垂

酬劉猛見送

元稹

種花有顏色異色卽爲妖養鳥惡羽翮剪翮不待高
非無剪傷者物性難自逃百足雖捷捷商羊亦翹翹
伊余狷然質謬入多士朝任意有愎慙容身寡朋曹

唐詩類苑

卷之九十八

七

愚狂偶似直靜僻非敢驕一爲毫髮忤十載山川遙
爍鐵不在火割肌不在刀險心露山嶽流語翻波濤
六尺安敢主寸心由自調神劍土不蝕異布火不焦
雖無二物姿庶欲効一毫未能深感感多謝相勞勞
去去我移馬遲遲君過橋雲勢正橫壑江流初滿槽
持此慰遠道此之爲舊交

酬樂天赴江州路上見寄三首

元稹

昔在京城心今在吳楚末千山道路險萬里音塵濶
天上參與商地上胡與越終天升沈異滿地網羅設

心有無朕環腸有無繩結有結解不開有環尋不歇
山嶽移可盡江海塞可絕離恨若空虛窮年思不徹
生莫強相同相同會相別

二

襄陽大隄繞我向隄前住燭隨花豔來騎送朝雲去
萬竿高廟竹三月餘亭樹我昔憶君時君今懷我處
有身有離別無地無岐路風塵同古今人世勞新故

三

人亦有相愛我爾殊衆人朝朝寧不食日日願見君
一日不得見愁腸坐氤氳如何遠相失各在萬里雲

唐詩類苑

卷之九十八

十八

雲高風苦多會合難遽因天上猶有礙何況地上身

答崔侍郎錢舍人書問因繼以詩

白居易

旦暮兩蔬食日中一閒眠便是了一日如此已三年
心不擇時適足不揀地安窮通與遠近一貫無兩端
常見今之人其心或不然在勞只念息處靜已思喧
如是用身心無乃自傷殘坐輪憂惱使安得形神全
吾有二道友藹藹崔與錢

答友問

白居易

大圭廉不割利劍用不缺當其斬馬時良玉不如鐵

置鐵在洪鑪鐵消易如雪良玉同其中三日燒不熱
君疑才與德詠此知優劣

酬吳七見寄

白居易

曲江有病客尋常多掩關又聞馬死來不出身更聞
聞有送書者自起出門看素緘署丹字中有瓊瑤篇
口吟耳自聽當暑忽條然似漱寒玉水如聞商風絃
首章歎時節末句思矢言懶慢不相詩兩衙如隔山
常聞陶潛語心遠地自偏君住安邑西左右車徒喧
竹藥閑深院琴樽開小軒誰知市南地轉作壺中天
君本上清人名在石堂間不知有何過謫作人間僊

唐詩類苑

卷之九十八

十九

常恐歲月滿飄然歸紫煙莫忘蟬蛸內進士有同年

和答詩十首

并序

白居易

五年春微之從東臺來不數日又左轉爲江陵士
曹掾詔下日會予下內直歸而微之已卽路邂逅
相遇於街衢中自永壽寺南抵新昌里北得馬上
話別語不過相勉保方寸外形骸而已因不暇及
他是夕足下次於山北寺僕職役不得去命李弟
送行且奉新詩一軸致於執事凡二十章率有比
興淫文點韻無一字焉意者欲足下在途諷讀且
以遣日時消憂憊又有以張直氣而扶壯心也及

足下到江陵寄在路所爲詩十七章凡五六千言
言有爲章爲旨迨於宮律體裁皆得作者風發絨
開卷且喜且怪僕思牛僧孺戒不能示他人唯與
杓直拒非及樊宗師輩三四人時一吟讀心甚貴
重然竊思之豈僕所奉者二十章遽能開足下聰
明使之然也抑又不知足下是行也天將屈足下
之道激足下之心使感時發憤而臻於此耶若兩
不然者何立意措辭與足下前時詩如此之相遠
也僕旣美足下詩又憐足下心盡欲引征簡而和
之屬直宿拘牽居無暇日故不卽時如意旬月來

唐詩類苑

卷之九十八

二十

多乞病假假中稍閒且摘卷中尤者繕成十章亦
不下三千言其間所見同者固不能自異異者亦
不能強同同者謂之和異者謂之答并別錄和夢
遊春詩一章各附於本篇之末餘未和者亦續致
之頃者在科試間常與足下同筆硯每下筆時輒
相顧共思其意太切而理太周故理太周則辭繁
意太切則言激然與足下爲文所長在於此所病
亦在於此足下來序果有詞犯文繁之說今僕所
和者猶前意也待與足下相見日各引所作稍刪
其繁而晦其義焉餘具書曰

和思歸樂

山中不棲鳥夜半聲嚶嚶似道思歸樂行人掩泣聽
皆疑此山路遷客多南征憂憤氣不散結化爲精靈
我謂此山鳥本不因人生人心自懷土想作思歸鳴
孟嘗平居時娛耳琴泠泠雍門一言感未奏淚沾纓
魏武銅雀妓日與歡樂并一旦西陵望欲飲先涕零
峽援亦何意隴水復何情爲入愁人耳音爲斷聲
請看元侍御亦宿此郵亭因聽思歸鳥神思獨安寧
問君何以然道勝心自平雖爲南遷客如長安城
云得此道來何慮亦何營窮達有前定憂喜無交爭

唐詩類苑

卷之九十八

三十一

所以事君日持憲立大庭雖有迴天力抗之終不傾
況始三十餘年少有直名心中志氣大眼前爵祿輕
君恩如雨露君威若雷霆退不苟免難進不曲求榮
在火辨玉性經霜失松貞展禽任三黜靈均長獨醒
獲戾自東洛貶官向南荆再拜辭闕下長揖別公卿
荊州又非遠驛路半月程漢水照天碧楚山插雲青
江陵橋似珠宜城酒如湯誰謂遠謫去未妨遊賞行
人生百歲內天地皆客舍太倉一稊米大海一浮萍
身委遺遺心自閒經尚達死生觀寧爲寵辱驚
中懷苟有主外物安能縈任意思歸樂聲聲啼到明

和陽城驛

商山陽城驛中有歎者誰去是元監察江陵謫去時
忽見此驛名良久涕欲垂何故陽道州名姓同於斯
憐君一寸心寵辱誓不移疾惡若巷伯好賢如緇衣
沈吟不能去意者欲改爲改爲避賢驛大署於門楣
荆人愛羊祜戶曹改爲辭一字不忍道况兼姓呼之
因題八百言言直文甚奇詩成寄與我鏗若金和絃
上言陽公行友悌無等夷骨肉同衾稠至死不相離
次言陽公迹夏邑始棲遲鄉人化其風少長皆幸慈
次言陽公道終日對酒卮兄弟笑相顧醉貌紅怡怡

唐詩類苑

卷之九十八

三十二

次言陽公節審審居諫司誓心除國蠹矢死犯天威
終言陽公命左遷天一涯道州炎瘴地身不得生歸
一一皆實錄事無子遺凡是爲善者聞之惻然悲
道州旣已矣往者不可追何世無其人來者亦可思
願以君子文告彼大樂師附於雅歌末奏之白玉墀
天子聞此章教化如法施直諫從如流佞臣惡如疵
宰相聞此章政柄端正持進賢不知倦去邪勿復疑
憲臣聞此章不敢懷依違諫官聞此章不忍縱詭隨
然後告史氏舊史有前規若作陽公傳欲令後世知
不勞叙世家不用費文辭但使國史上全錄元稹詩

答桐花

山木多蒼鬱，茲桐獨亭亭。葉重碧雲片，花簇紫霞英。
是時三月天，春暖山雨晴。夜色向月淺，暗香隨風輕。
行者多商賈，居者悉黎民。無人解賞愛，有客獨屏營。
手攀花枝立，足踏花影行。生憐不得死，欲揚其聲。
截爲天子琴，刻作古人形。云待我成器，薦之於穆清。
誠是君子心，恐非草木情。胡爲愛其華，而反傷其生。
老龜被剝腸，不如無神靈。雄鷄自斷尾，不願爲犧牲。
况茲好顏色，花紫葉青青。宜遂天地性，忍加刀斧刑。
我思五丁力，拔入九重城。當君正殿栽，花葉生光晶。

唐詩類苑

卷之九十八

二十三

上對月中桂，下覆堦前萱。汎拂香氈煙，隱映斧藻屏。
爲君布綠陰，當暑蔭軒楹。沈沈綠滿地，桃李不敢爭。
爲君發清韻，冷泠如叩瓊。風來聲滿耳，鄭衛不足聽。
受君封植力，不獨吐芬馨。助君行春令，開花應晴明。
受君雨露恩，不獨含芳榮。戒君無戲言，剪葉封弟兄。
受君歲月功，不獨資生成。爲君長高枝，鳳凰上頭鳴。
一鳴君萬歲，壽如山。不傾再鳴萬，人泰泰階爲之平。
如何有此用，幽滯在巖阿。歲月不爾駐，孤芳坐凋零。
請向桐枝上，爲余題姓名。待余有勢力，移爾獻丹庭。

和天紫鳥

鳥者種有二，名同性不同。紫小者慈孝，紫大者貪庸。
紫大命又長，生來十餘冬。物老顏色變，頭毛白茸茸。
飛來庭樹上，初但驚兒童。老巫生奸計，與鳥意潛通。
云是非凡鳥，遇見起敬恭。千歲乃一出，喜賀主人翁。
祥瑞來白日，神靈占知風。陰作北斗使，能爲人吉凶。
此鳥所止家，家產日夜豐。上以致壽考，下可宜田農。
主人富家子，身老心童蒙。隨巫拜復祝，婦姑亦相從。
殺鷄薦其肉，敬若禮六宗。鳥喜張大嘴，飛揚在虛空。
鳥既飽羶腥，巫亦饗甘濃。鳥巫互相利，不復兩西東。
日日營巢窟，稍稍近房櫳。雖生八九子，誰辨其雌雄。
唐詩類苑 卷之九十八 二十四

羣雛又長我，衆紫騁殘兒。探巢吞鸞卵，入簇啄蠹蟲。
豈無乘秋隼，羈絆委高墉。但食鳥殘肉，無施搏擊功。
亦有能言鸚，翅碧背紅。暫曾說鳥罪，因閉在深籠。
青青窻前柳，鬱鬱井上桐。貪鳥占棲息，慈鳥獨不容。
慈鳥爾奚爲，來往何憧憧。曉去先晨鼓，暮歸後昏鐘。
辛苦塵土間，飛啄禾黍叢。得食將母哺，饑腸不自充。
主人憎慈鳥，命子削彈弓。絃續會稽竹，丸鑄荆山銅。
慈鳥求母食，飛下爾庭中。數粒未入口，一丸已中胃。
仰天號一聲，似欲訴冤。日未足，非是惜微躬。
誰能持此寬，一爲問化工。然大紫鳥竟得，天年終。

答四皓廟

天下有道見無道卷懷之此乃聖人語吾聞諸仲尼
矯矯四先生同稟希世資隨時有顯晦秉道無磷緇
秦皇肆暴虐二世遘亂離先生相隨去商嶺採紫芝
君看秦獄中戮辱者李斯劉項爭天下謀臣竟悅隨
先生如鸞鶴出入冥冥飛君看齊魯中焦爛者郈其
子房得沛公自謂相遇遲八難掉舌龍三畧役祖賦
辛苦十數年晝夜形神疲竟雜霸者道徒稱帝者師
子房爾則能此非吾所宜漢高之季年雙龍鍾所私
豪嫡欲廢奪骨肉相憂疑豈無子房口舌無所施
唐詩類苑 卷之九十八 二十五

和雉媒

吟君雉媒什一哂復一歎和之一何晚今日乃成
豈唯鳥有之抑亦人復然張陳刎頸交竟以勢不完
至今不平氣塞絕泝水源趙襄骨肉親亦以利相殘
至今不善名高於磨笄山況此籠中雉志在飲啄間
稻粱暫入口性已隨人遷身苦亦自忘同族何足言
但恨為媒拙不足以自全勸君今日後養鳥養青鸞
青鸞一失侶至死守孤單勸君今日後結客結任安
主人賓客去獨住在門闌

和松樹

唐詩類苑 卷之九十八 二十六
亭亭山上松一一生朝陽森聳上參天柯條百尺長
漠漠塵中槐兩兩夾康莊婆娑低覆地枝幹亦尋常
八月白露降槐葉次第黃歲暮滿山雪松色鬱蒼蒼
彼如君子心秉操貫冰霜此如小人面變態隨炎涼
共知松勝槐誠欲栽道傍糞土種瑤草瑤草終不芳
尚可以斧斤伐之為棟梁殺身獲其所為君構明堂
不然終天年老死在南岡不願亞枝葉低隨槐樹行

答簡鍊

矢人職司金為簡恐不精精則利其鏃錯磨鋒鏑成
挿以青竹幹羽之赤鴈翎勿言分寸鏃為用乃長兵

聞有狗盜者晝伏夜潛行摩弓拭箭鏃夜射不待明
一盜既流血百犬同吠聲信信嗥不已主人爲之驚
盜心憎主人主人不知情反責鏃太利矢人獲罪名
寄言控弦者願君少留聽何不向西射西天有狼星
何不向東射東海有長鯨不然學仁貴三矢平虜廷
不然學仲連一發下燕城胡爲射小盜此用無乃輕
徒沾一點血虛污箭頭腥

和古社

廢村多年樹生在古社隈爲作妖狐窟心空身未摧
妖狐變美女社樹成樓臺黃昏行人過見者心徘徊

唐詩類苑

卷之九十八

二十七

饑鵬竟不捉老犬反爲媒歲媚年少客去九不迴
昨夜雲雨合烈風驅迅雷風拔樹根出雷劈社壇開
飛電化爲火妖狐燒作灰天明至其所清曠無氛埃
舊地葺村落新田開荒萊始知天降火不必常爲災
勿謂神默然勿謂天恢恢勿喜犬不捕勿誇鵬不猜
寄言狐媚者天火有時來

和分水嶺

高嶺峻稜稜細泉流聲勢分合不得東西隨所委
悠悠草蔓底澱澱石罅裏分流來幾年晝夜兩如此
朝宗遠不及去海三千里浸潤小無功山苗長早死

縈紆用無所奔迫流不已唯作嗚咽聲夜入行人耳
有源殊不竭無坎終難至同出而異流君看何所似
有似骨肉親派別從茲始又似勢利交波瀾相背起
所以贈君詩將君何所比不比山上泉比君井中水

翁文堯負外捧金紫還鄉之命雅發篇章將

原交情遠爲嘉貺泊燕鴻陸犬楚水荆山

又吐瓊瑤逮之幽鄙雖湧泉思觸逸興皆

虛而強韻押難非才頗愧輒茲酬和以質

獎私

黃滔

搏將盛事更無餘還向橋邊看舊書東越獨推生竹

唐詩類苑

卷之九十八

二十六

箭北溟喜足貯鯢魚兩迴誰解歸華表午夜兼能薦
子虛須把頭冠彈盡日憐君不與故人疎

答張徹

韓愈

辱贈不知報我歌爾其聆首叙始識面次言後分形
道途綿萬里日月垂十齡浹郊避兵亂睢岸連門停
肝膽一古劍波濤兩浮萍漬墨竄舊史磨丹注前經
義苑手秘寶文堂耳驚霆喧晨曉露爲暑夕眠風櫺
結友子讓抗請師我慚丁初味猶噉蔗遂通斯建領
搜奇日有富嗜善心無寧石梁平促促沙水光冷
冷乘枯摘野豔沈細抽潛腥遊寺去陟巘尋徑返穿

汀緣雲竹竦竦失路麻冥冥滛潦忽翻野平蕪眇開
溟防泄慙夜塞懼衝城晝扁及去事戎轡相逢宴軍
伶觥秋縱兀兀獵旦馳駟駟從賦始分手朝京忽同
船急時促暗棹戀月留虛亭早事驅傳馬安居守窻
螢梅花灞水別宮燭驪山醒省選逮投足鄉賓尚推
頌塵祛又一摻淚背還雙熒洛邑得休告華山窮絕
徑倚巖睨海浪引袖拂天星日駕此刻瞻金神所司
形泉紳拖修白石劍攢高青磴薛濤奉恩殿殿
伶俜悔狂已昨指垂誠仍鐫銘義豸忝備列伏蒲
愧分涇微誠慕橫草瑣力摧撞筵疊雪走商領飛波

唐詩類苑

卷之九十八

三十九

航洞庭下險疑墮井守官類拘囹荒餐如獠幽夢
感湘靈刺史肅著蔡吏人沸蝗螟點綴簿上字趨踰
閣前鈴賴其飽山水得以娛瞻聽紫樹雕斐疊碧流
滴玲瓏映波鋪遠錦挿地列長屏愁狄酸骨死怪花
醉魂馨潛苞絳實坼幽乳翠手零赦行五百里月變
三十冀漸階群振鷺入學誨螟蛉草甘謝鳴鹿疊滿
慚罄瓶同同抱胡璉飛飛聯鵲鵲魚鰲欲脫背虬光
先照硯豈獨出醜類方當動朝廷勤來得晤語勿憚
宿寒廳

答孟郊

韓愈

規模背時利文字覩天巧人皆餘酒肉子獨不能飽
纔春思已亂始秋悲又攬朝餐動及午夜諷恒至卯
名聲暫羶腥腸肚鎮煎燭古心雖自鞭世路終難拗
弱拒喜張臂猛挈閑縮爪見倒誰肯扶從嗔我須較

答韓愈李觀別因獻張徐州

孟郊

富別愁在顏貧別愁銷骨懶磨舊銅鏡畏見新白髮
古樹春無花子規啼有血離絃不堪聽一聽四五絕
世途不一險俗慮有千結有客步大方驅車獨迷轍
故人韓與李逸翰雙皎潔哀我摧折歸贈詞縱橫設

唐詩類苑

卷之九十八

三十九

徐方國東樞元戎天下傑禰生投刺遊王粲今詩謁
高情無遺照朗抱開曉月有土不埋冤有警皆爲雪
願爲直草木永向君地列願爲古琴瑟永向君聽發
欲識丈夫心曾將孤劍說

同從叔簡謂盧殷少府

孟郊

梅尉吟楚聲竹風爲淒清深虛水在性高潔雲入情
借水洗閑貌寄蕉書逸名羞將片石文關此雙瓊英
酬李侍御書記秋夕雨中病假見寄

孟郊

秋風遶衰柳遠客聞雨聲重茲阻良夕孤坐唯積誠

果枉移疾詠中含嘉慮明洗滌煩濁盡視聽昭曠生
未覺衾枕倦久爲章奏嬰達人不寶藥所保在閒情

答盧仝

孟郊

楚屈入水死詩死踏雪僵直氣苟有存死亦何所妨
日劈高查牙清稜含冰漿前古後古冰與山氣勢強
閃怪千石形異狀安可量有時春鏡破百道聲飛揚
潛仙不足言朗客無隱腸爲君傾海宇日夕多文章
天下豈無緣此山雪昂藏煩君前致辭哀我老更狂
狂歌不及狂歌聲緣鳳凰鳳兮何當求消我孤直瘡
君文真鳳聲宣隘滿鏗鏘洛友零落盡逮茲悲重傷
唐詩類苑 卷之九十八 三十一

獨自有異骨將騎白角翔再三勸莫行寒氣有刀槍

仰慙君子多慎勿作芬芳

奉報翰林張舍人見遺之詩

孟郊

百蟲笑秋律清朗月夜聞曉稜視聽微風剪葉已紛
君子鑒大雅老人非俊群收拾古所棄俛仰補空文
孤韻駐春俗餘響逸靈霄自然踏終南滌暑凌寒氛
巖巖不知午潤漸鎖合無曾醒是醒古醉所以多隱淪
江調樂之遠漢生徒新衆蘊有餘採寒泉空哀呻
南謝竟莫至北宋當時珍曠靈各目異酌酒誰能均

昔詠多寫諷今詞詎無因品松位何高翠宮沒荒榛
苔趾識宏製沙淥游崩津忽吟陶淵明此卽羲皇人
心放出天地形拘在風塵前賢素行階風嗜青山勤
達士立明鏡朗言爲近臣將期律萬有傾倒甄無垠
鸞鷟應蟋蟀經毫意皆申况於三千章哀叩不爲伸

答姚怱見寄

孟郊

日月不同光晝夜各有宜賢哲不苟合出處亦待時
而我獨迷見意求異士知如將無鶴管與鷗鷺是吹
大雅難具陳正聲易漂淪君有丈夫淚泣人不泣身
行吟楚山下一作義淚沾衣巾

唐詩類苑 卷之九十八

三十一

答郭郎中

孟郊

松柏死不變千年色青青志士貧更堅守道無異營
每彈瀟湘瑟獨抱風波聲中有失意吟知名淚滿纓
何以報知者永存堅與貞

答盧虔故園見寄

孟郊

訪舊無一人獨歸清雒春
花開哭聲死水見別容新
亂後故鄉宅多爲行路塵
因悲楚左右誇玉不知珉

答李昌期

楊洵美

三山載群仙峨峨浪中雲
衣剪不得此路安可從
我生亦何事出門如飛蓬
日日又黃昏所悲遯草空

蟲聲故鄉夢枕上禾黍風吾道如未喪天運何時通

答貢士黎逢

韋應物

茂等一作方上達諸生安可希栖神澹物表渙汗布
今詞如彼崑山玉本自有光輝鄙人徒區區稱嘆亦
何爲彌月曠不接公門但驅馳蘭草忽有贈持用慰
所思不見心微密况當相見時

酬友人

溫庭筠

辭榮亦素尚倦遊非夙心寧復思金籍獨此臥煙林
閒雲無定貌佳樹有餘陰坐久芝荷發釣闌菱葦深
遊魚自搖漾浴鳥故浮沈唯君清露夕一爲灑煩襟

唐詩類苑

卷之九十八

三三

答太常靳博士見贈

張九齡

上苑春先入中園花盡開唯餘幽徑草尚待日光催

答武陵田太守

王昌齡

仗劍行千里微軀敢一言曾爲大梁客不負信陵恩

答鄭十七郎

杜甫

雨後過畦潤花殘步履遲杞文驚小陸好客見當時

赴章陵謝李卿贈別

錢起

一官叨下秩九棘謝知音芳草文園路春愁滿別心

答題氏生仇

韋應物

暫與雲林別忽陪鴛鴦翔看山不得去知爾獨相望

答崔都水

韋應物

深夜竹庭雪孤燈案上書不遇無爲化誰復得閑居

答賓

韋應物

斜月纔繁帷凝霜偏冷枕持情須耿耿故作單牀寢

酬贈韋應物

丘丹

久作煙霞侶暫將簪組親還同褚伯玉入館忝州人

答李潛三首

韋應物

孤客逢春暮緘情寄舊遊海隅人使遠書到洛陽秋

二

馬卿猶有壁漁父自無家想子今何處扁舟隱荻花

唐詩類苑

卷之九十八

三十四

三

林中觀易罷溪上對鷗閒楚俗饒辭客何人最往還

酬前二首

朱慶餘

十夜郡城宿苦吟身未閒那堪西郭別雪路問青山

二

此去非關興君行不當遊無因兩處馬共飲一溪流

酬人

盧綸

孤鸞將鶴羣晴日麗春雲何幸晚飛者清音長此聞

酬王十八全素

元稹

君念世上川嗟予老瘵天那堪十日內又長白頭年

荅友問

白居易

似玉童顏盡如霜病髮新莫驚身頃老心更老於身

酬裴相公見寄二絕

白居易

習靜心方泰勞生事漸稀可憐安穩地捨此欲安歸

二

一簣垂翅鶴數百解嘲文總是迂閑物爭堪伴相

荅陸澧

朱放

松葉堪爲酒春來釀幾多不辭山路遠踏雪也相

唐詩類苑

卷之九六

三五

唐詩類苑卷第九十九

明雲間張之象玄超甫纂輯

雲間高承祚元錫甫編次

雲間王微叔朗甫補訂

梁谿曹仁孫伯安甫校正

人部

荅

訓張少府

王維

晚年唯好靜萬事不關心自顧無長策空知返舊林

松風吹解帶山月照彈琴君問窮通理漁歌入浦深

唐詩類苑

卷之九六

訓慕容上

王維

行行西陌遠駐轡問車公挾轂雙官騎應門五尺僮

老年如塞北強起離牆東爲報壺丘子來入道姓蒙

荅張五弟

王維

終南有茅屋前對終南山終年無客長閉關終日無

心長自閑不妨飲酒復垂釣君但能來相往還

重酬李少府見贈

孟浩然

養疾衡茅下由來浩氣真五行將禁火十步枉尋春

致敬惟桑梓邀歡即主人還看後周色青翠有松筠

酬衛八雪中見贈

高適

季冬憶淇上落日歸山樊舊宅帶流水平田隱
雪中望來信醉裏開衡門果得希代寶絨之那可

號州酬幸侍御見贈

岑參

門柳葉已大春花今復闌鬢毛方二色愁緒日千端
夫子屢新命鄙夫仍舊官相思難見面時展尺書看
敬酬李判官使院即事見呈

岑參

公府日無事吾徒只是閑草根侵柱礎苔色上門關
飲硯時見鳥卷簾晴對山新詩吟未足昨夜夢東還
酬寇十侍御錫見寄

杜甫

唐詩類苑

卷之九十九

二一

往別郇瑕地於今四十年來簪御府筆故泊洞庭船
詩憶傷心處春深把臂前南瞻按百越黃帽待君偏

酬孟雲卿

杜甫

樂極傷頭白更深愛燭紅相逢難衮衮告別莫怱怱
但恐天河落寧辭酒盞空明朝牽世務揮淚各西東

答王十三維

儲光義

門生故來往知欲命浮觴忽奉朝青閣回車入上陽
落花滿春水疎柳映新塘是日歸來暮勞君奏雅章

酬裴十四

皇甫冉

淮海各飄飄三年方一見素心終不易玄髮何須變

舊國想平陵春山滿陽美隣鷄莫遽唱共惜良夜宴

將赴京答李紆贈別

獨孤及

膠漆常投分荆蠻各倦遊帝鄉今獨在溝水便分流
甘作遠行客深慙不繫舟思君帶將緩豈直日三秋

酬皇甫侍御見寄時前相國姑臧公初臨郡

劉長卿

離別江南北汀洲葉再黃路遙雲共水砧迴月如霜
歲儉依仁政年衰憶故鄉竹看宣室召漢法倚張綱

酬李侍御登岳陽樓見寄

劉長卿

想見孤舟去無由此路尋暮帆遙在眼春色獨何心

唐詩類苑

卷之九十九

三

綠水瀟湘闌青山郭杜深誰當北風至為爾一開襟

酬秦系

劉長卿

鶴書猶未至那出白雲來舊路經年別寒潮每日迴
家空歸海燕人老發江梅最憶門前柳閑居手自栽

酬李員外從崔錄事

劉長卿

寒江鳴石瀨歸客夜初分人語空山答猿聲獨戍聞
遲來朝及暮愁去水連雲歲晚心誰在青山見此君

酬張夏別後道中見寄

劉長卿

離群方歲宴謫宦在天涯暮雪同行少寒潮欲上遲
海鷗知吏傲砂鶴見人衰只畏生秋草西歸亦未期

酬張夏

劉長卿

幾歲依窮海，頻年惜故陰。劍寒空有氣，松老欲無心。
翫雪勞相訪，看山正獨吟。孤舟且莫去，前路水雲深。

酬俞鈞

黃滔

鄉書一忝薦，延思二紀三。朝泣省門雖忝立，名經聖
鑒敢期興。詠疊嘉言莫論蟾，月無梯接大底龍。津有
浪翻，今日朝廷推草澤，佇君承詔出雲根。

答端

韋應物

郊園夏雨歇，閑院綠陰生。職事方無効，幽賞獨違情。
物色坐如見，離抱悵多盈。况感夕涼氣，聞此亂蟬鳴。

唐詩類苑

卷之九十九

四

奉和張大夫戲示青山郎

韋應物

天生逸世姿，竹馬不曾騎。覽卷冰將釋，援毫露欲垂。
金貂傳幾葉，玉樹長新枝。榮祿何妨早，甘羅亦小兒。

酬閭員外陟

韋應物

寒夜阻良覲，叢竹想幽居。虎符予已誤，金丹子何如。
醺集觀農暇，笙歌聽訟餘。雖蒙一言教，自愧道情疎。

酬李浙西先因從事見寄之作

元稹

近日金鑾直，親於漢珥貂。內人傳帝命，丞相讓吾僚。
浙郡懸旌遠，長安諭日遙。因君蔡琰贈，還一夢烟霄。

榮陽鄭公以稹寓居嚴茅有池塘之勝

四首因有意獻

元稹

激射分流闊，灣環此地多。暫停隨梗浪，猶閱敗霜荷。
恨阻還江勢，思深到海波。自傷才畎澮，其奈贈珠何。

代杭民答樂天

元稹

翠幕籠斜日，朱衣儼到筵。管絃凄欲罷，城郭望依然。
路溢新城市，農開舊廢田。春坊幸無事，何惜借三年。

山中酬江州崔使君見寄

白居易

眷吟情無限，優容禮有餘。三年為郡吏，一半許山居。
酒熟心相待，詩來手自書。庾樓春好醉明日，且回車。

唐詩類苑

卷之九十九

五

答韋八

白居易

麗句勞相贈，佳期恨有違。早知留酒待，悔不趁花歸。
春盡綠醅老，雨多紅萼稀。今朝如一醉，猶得及芳菲。

酬周協律

白居易

五十錢塘守，應為送老官。濫蒙詞客愛，猶作近臣看。
鑒落愁須飲，琵琶悶遣彈。白頭雖強醉，不似少年歡。

酬思黯戲贈

白居易

鍾乳三千兩，金釵十二行。妬他心似火，欺我鬢如霜。
慰老資歡笑，銷愁仰酒漿。眼看狂不得，狂得且須狂。

答蘇庶子

白居易

偶作關東使重陪洛下遊病來從斷酒老去可禁愁
款曲偏青眼躊躇各白頭逢山閑氣味依約似龍樓

酬皇甫賓客

白居易

閑官兼慢使著處易停輪况欲逢新歲仍初見故人
冒寒尋到洛待暖始歸秦亦擬同携手城東略看春

酬劉和州戲贈

白居易

錢塘山水接蘇臺兩地寒帷愧不才政事素無爭學
得風情舊有且將來雙娥解珮啼相送五馬鳴珂笑
却回不似劉郎無景行長拋春恨在天台

夜中得循州趙司馬侍郎書因寄回使

唐詩類苑

卷之九十九

六

盧綸

瘴海寄雙魚中宵達我居兩行燈下淚一紙嶺南書
地說炎蒸極人稱老病餘殷勤報買傳莫共酒杯疎

酬于訢校書見貽

朱慶餘

能得從軍清羸綺羅徒滿目山水不離心
暫別愁花老相思倚竹陰家貧無以養未可話抽簪

酬李處士見贈

朱慶餘

干上非無援才多却累身雲霄未得路江海作閑人
久別唯謀道相逢不話貧行藏一如此可便老風塵

次韻和光祿錢卿二首

章孝標

大隱嚴城內閑門向水開扇風知暑退樹影覺秋來
望遠雲生海行稀砌長苔廢興今古事何必歎池灰

二

閑論憂王室愁眉仗酒開方嗟三覆役又喜四愁來
晨起螢穿竹哺餐鳥下苔同期陽月至靈室祝葭灰

酬鄭模司直見寄

張祐

故人滄海曲聊復話平生喜是狂奴態羞爲老婢聲
官途終日薄身事長年輕猶賴書千卷長隨一棹行

酬王擅見寄

喻鳧

馳心棲杳冥何物比清冷夜月照巫峽秋風吹洞庭

唐詩類苑

卷之九十九

七

酬難麀鬢皓坐久壁燈青竟晚蒼山詠石枝有鶴聲

答劉錄事夜月懷湘西友人見寄

喻鳧

相逢仍朔漠相問卽波濤江思葦化折笛聲關邊一作
月高薄書君閱倦章句我吟勞竟夕空凭閣長河滌

石濠

酬李郢夏日釣魚回見示

魚玄機

住處雖同巷經年不一過清詞勸舊女香桂折新柯
道性欺冰雪禪心笑綺羅跡登霄漢上無路接烟波

酬晉侍御見寄

李端

野客蒙詩贈殊恩欲報難本求文舉識不在子真宮
細雨雙林暮重陽九日寒貧齋一叢菊願與上賓看

酬前大理評事張芬

李端

君家舊林壑寄在亂峯西近日春雲滿相思路亦迷
聞鐘投野寺待月過前溪悵望成幽夢依依識故蹊

酬梁二十

戎昱

諸宮無限相見獨相親長路皆同病無言似一身
歲寒唯愛竹憔悴不堪春細與知音說攻文恐悟人

酬厲侍御秋中思歸樹石所居見寄

僧無可

唐詩類苑 卷之九十九

八

三峰居接近數里躡雲行深去通仙境思歸厭宦名
月從高掌出泉向亂松聞坐石眠霞侶秋來短褐成

酬耿漳拾遺題贈

嚴維

掩扉嘗自靜驛吏忽傳呼水巷驚馴鳥黎牀起病軀
顧身悲欲老戒子力爲儒明日曲西歸一作去烟霞復

作徒

酬刑部姚郎中

馬戴

路岐人不見尚得記心中月憶瀟湘渚春生蘭杜叢
鳥啼花半落人散爵方空所贈誠難答冷然一雅風

酬吳之問見贈

周賀

已當聽鴈夜多事不同居故疾離城晚秋霖見月疎
趁風開靜戶帶葉卷閑書並漿期南去荒園久廢鋤

酬李汶

耿漳

落照長楊苑秋天渭水濱初飛萬木葉又長一年人
貧病仍爲客艱虞更問津多慙惠然意今日肯相親

酬暢當

耿漳

同遊滌沮後已是十年餘幾度曾相夢何時定得書
月高城影盡霜重柳枝疎且對尊中酒千般想未如

酬劉員外見寄

嚴維

蘇耽佐郡時近出白雲司藥補清羸疾臆吟絕妙詞

唐詩類苑 卷之九十九

九

柳塘春水慢花塢夕陽遲欲識懷君意明朝訪樵師
和張大夫酬高山人

司空曙

野客居鈴閣重開將校稀身冠親殺弁龜印識荷衣
座右寒飈爽談餘暮角微蒼生須太傅山在豈容歸

謝鄭十四望驛不得同宿見贈因寄張參軍

司空曙

逢君喜成淚暫似故鄉中謫宦猶多懼清宵不得終
月烟高有鶴宿草靜無蟲明日却超會應思下客同

酬和友人見寄

釋慕幽

勞歌好自看終久偶齊桓五字若教易一名爭得難

侵牕紅樹老陰砌雪花殘莫効齊僚屬東歸剪釣竿

奉和兵部張侍郎酬鄆州馬尚書祗召途中

見寄開緘之日馬帥已再領鄆州之作

韓愈

來朝當路日承詔改轅時再領須句國仍遷少昊司

暖風抽宿麥清雨卷歸旗賴寄新珠玉長吟慰我思

朗州竇常員外寄劉二十八詩見促行騎走

筆酬贈

柳宗元

投荒垂一紀新詔下荆扉疑比莊周夢情如蘇武歸

賜環留逸響五馬助征騑不羨衡陽鴈春來前後飛

星詩類苑

卷之九十九

十一

答劉連州邦字

柳宗元

連壁本難雙分符刺小邦崩雲下灘水劈箭上潯江

負弩啼寒狄鳴枹驚夜獵遙憐郡山好謝守但臨牕

酬孫洛陽

張籍

家貧相遠住齋館入時稀獨坐看書卷閑行着褐衣

早蟬庭筍老新雨徑莎肥各離爭名地無人見是非

酬韓庶子

張籍

西街幽僻處正與頤相宜尋寺獨行遠借書常送遲

家貧無易事身病是閑時寂寞誰相問祗應君自知

答王建秘書

賈島

人皆聞蟋蟀我獨恨蹉跎白髮無心鑷青山去意多
信來漳浦岸期負洞庭波時掃高槐影朝迴或恐過

酬姚少府

賈島

海樹與山木俱應搖落初柴門掩寒雨蟲響出秋蔬
枯槁彰清鏡屏愚友道書刊文非不朽君子自相於

酬胡遇

賈島

麗句傳人口科名立可圖移居見山燒買樹帶巢鳥
遊遠風濤急吟清雪月孤却思初識面仍未有多鬚

酬姚合校書

賈島

因貧行道遠得見舊交游美酒易傾盡好詩難卒酬

唐詩類苑

卷之九十九

十一

公堂朝共到私第夜相留不覺入關晚別來林木秋

酬鄆縣李廓少府見寄

賈島

稍憐公事退復遇夕陽時北朔霜凝竹南山水入籬

吟懷滄海侶空問白雲師恨不相從去心惟野鶴知

酬厲玄

賈島

我來從北鄙子省涉西陵白髮初相識秋山擬共登

隣居帝城雨會宿御溝水未報見貽作耿然中夜興

酬李補闕雨中寄贈

崔峒

十年隨馬宿幾度受人恩白髮還鄉井微官有子孫

竹噓寒雨滴苦砌夜蟲喧獨覓東垣友新詩慰旅魂

劉展下判官相招以詩答之

崔峒

國有非常寵家承異姓勲背恩慙皎日不義若浮雲
但使忠貞在甘從玉石焚寬身如有地夢寐見明君

答贈

李賀

本是張公子曾名萼綠華沈香燭小像楊柳伴啼鴉
露重今泥冷杯闌玉樹斜琴堂沽酒客新買後園花

酬蘊微

李咸用

白衣經亂世相遇一開顏得句禪思外論交野步間
舉朝無舊識入眼祇青山幾度斜陽寺訪還獨還

唐詩類苑

卷之九十九

十二

答李頻

姚合

一年離九陌壁上挂朝袍物外詩情遠人間酒味高
思歸知病長失寢覺勤勞衰遠無多思因君把筆毫

酬張司業見寄

姚合

日日在心中青山青桂叢高人多愛靜歸路亦應同
罷吏無由病因僧得解空新詩勞見問吟對竹林風

酬故人陳又都

方干

遠別那無夢重遊目有期半年香信到兩地赤心知
坐久吟移調更長硯結期文人才力薄終怕阿戎欺

和段少常柯古

溫庭筠

稱觴慙座客懷刺卽門人素尚寧知貴清談不厭貧
野梅江上晚堤柳雨中春未報淮南詔何勞問白蘋

江夏酬高崇節

羅隱

臘雪都堂試春風汴水行十年雖抱疾何處不無情
群盜正當路此游應隔生勞君問流落山下已躬耕

酬許五康佐

元稹

奮迅君何晚羈離我詎儔鶴籠閑警露鷹縛悶牽羈
蓬閣深沈省荆門遠慢州課書同吏職旅宦各鄉愁

白日傷心過滄江滿眼流嘶風悲代馬喘月伴吳牛
枯涸方窮轍生涯不繫舟猿啼三峽雨蟬報兩京秋

唐詩類苑

卷之九十九

十三

和劉長史答十九兄

楊炯

帝堯平百姓高祖宅三秦子弟分河嶽衣冠動縉紳
盛名恒不隕歷代幾相因街巷塗山曲門閭洛水濱

五龍金作友一子玉爲人寶劒豐城氣明珠魏國珍
風颿自落落文質且彬彬共許陶元亮同推周伯仁

石城俯天闕鍾阜對江津驥足方遐騁狼心獨未馴
鼓鼙鳴九域風火集重圍城勢餘三板兵威乏四隣

居然混玉石直置保松筠耿介酬天子危言數賊臣
鐘儀琴未奏蘇武節猶新受祿寧辭死揚名不顧身

精誠動天地忠義感明神怪鳥俄垂翼修蛇竟暴鱗
來朝拜休命述職下梁岷善政馳金馬嘉聲繞玉輪
三荆忽有贈四海更相親官徵諧鳴石光輝掩燭銀
山川遙滿目零落坐沾巾友愛光天下恩波浹後塵
懦夫仰高節下里繼陽春

酬張少府東

盧照隣

昔余與夫子相遇漢川陰珠浦龍猶臥檀溪馬正沈
價重瑤山曲詞驚丹鳳林十年睽賞慰萬里隔招尋
毫翰風期阻荆衡雲路深鵬飛俱望昔蠖屈共悲今
誰謂青衣道還嘆白頭吟地接神仙砌江連雲雨岑

唐詩類苑

卷之九十九

十四

飛泉如散玉落日似懸金重以瑤華贈穴懷舞詠心

和李明府

駱賓王

傳聞葉縣履飛向洛陽城馳道臨層掖津門對小平
霞殘疑製錦雲度似飄縵藻揆潘江徹塵虛范甌清
詎憐衝斗氣猶向匣中鳴

酬李丹徒見贈之作

宋之問

鎮吳稱粵里試劇仰通才近挹人披霧遙聞境震雷
一朝逢解榻累日共銜杯連轡登山盡浮舟望海迴
以予漸拙宦期子遇良媒贈曲南島斷征途北鴈催
更憐江上月還入鏡中開

酬宋使君見貽

張九齡

陟隣初稟訓獻策幸逢時朝列且云忝君恩復若茲
庭闈際海曲輶傳荷天慈顧已歡烏鳥聞君泣素絲
才明應主召福善豈神欺但願白心在終然涅不緇

和蕭兵曹

儲光義

公府傳休沐私庭效陸沈方知從大隱非復在幽林
闕下忠真志人間孝友心既將冠蓋雅仍與薜蘿深
寒變中園柳春歸上苑禽池涵青草色山帶白雲陰
潘岳閑居賦鍾期流水琴一經當自足何用遺黃金

唐詩類苑

卷之九十九

十五

酬汴州李別駕贈

祖詠

秋風多客思行旅厭艱辛自洛非才子遊梁得主人
文章參末議榮賤豈同倫歎逝逢三演懷賢憶四真
情因思舊好契託死生親所媿能投贈清言益潤身

江上答崔宣城

李白

太華三芙蓉明星玉女峯尋仙下西嶽陶令忽相逢
問我將何事湍波歷幾重貂裘非季子鶴氅似王恭
謬忝燕臺召而陪郭隗蹤水流知入海雲去或從龍
樹繞蘆洲月山鳴鵲鎮鐘還期如可訪台嶺蔭長松

江寧訓鄭縣劉少府兄贈別作

獨孤及

往年脫縫掖接武仕關西結綬腰章並趨階手板齊
仙山不用買朋酒日相携抵掌誇潭壑忘情向組珪
事遷時既往年長跡逾睽何爲青雲器猶嗟濁水泥
役牽方遠別道在或先迷莫見良田晚遭時亦杖藜
答張譚劉方平兼呈賀蘭廣

皇甫冉

野性難馴狎荒郊自閉門心閑同海鳥日夕戀山村
屢枉瓊瑤贈如今術存遠峰時振策春雨耐香源
復有故人在寧聞盧鵲喧青青草色綠終是待王孫

酬張二仲昇

皇甫冉

唐詩類苑

卷之九十九

十一

吳洲見芳草楚客動歸心屈宋鄉山古荆衡烟雨深
艱難十載別羈旅四愁侵澧月通沅水湘雲入桂林
已看生白髮當爲乏黃金江海時相見唯聞梁甫吟
閑居酬張起居見贈

錢起

在林非避世守拙自離群羽羽謝風水窮愁依典墳
良知不遐棄新詠獨相聞能使幽興苦坐忘清景曛
前山帶喬木暮鳥聯歸雲向夕野人思難忘騎省文
酬包諫議見寄之什

劉長卿

佐郡愧頑疎殊方親里閭家貧寒未度身老歲將除
過雪山僧至依陽野客舒藥陳隨遠宦梅登對幽居

落日棲鴉鳥行人遺鯉魚高文不可和空愧學相如
酬李使君見贈

劉長卿

滿鏡悲華髮空山寄此身白雲家自有黃卷業長貧
嬾任垂竿老狂因釀黍春桃花迷聖代桂樹狎幽人
幢蓋方臨郡柴荆忝作鄰但愁千騎至石路却生塵
答楊奉禮

韋應物

多病守山郡自得接嘉賓不見三四日曠若十餘旬
臨觴獨無味對榻已生塵一詠舟中作灑雪忽驚新
煙波見棲旅景物具昭陳秋塘唯落葉野寺不逢人
白事廷吏簡閑居文墨親高天池閣靜寒菊霜露頻

唐詩類苑

卷之九十九

十一

應當整孤棹歸來展殷勤

酬竇校書二十韻

元稹

鷗鷺元相得杯觴每共傳芳遊春爛熳晴望月團圓
調笑風流劇論文屬對全賞花珠並綴看雪壁常連
竹寺荒唯好松栽小更憐潛投孟公轄狂乞莫愁錢
塵土拋書卷槍籌弄酒權令誇齊箭道力闢抹弓弦
但喜添樽滿誰憂泛桂然漸輕身外役渾證飲中禪
及我辭雲陛逢君仕圓田音徽千里斷魂夢兩情偏
足聽猿啼雨深藏馬腹鞭官醪半清濁夷饌雜腥膻
顧影無依倚甘心守靜專那知暮江上俱會落英前

款曲生平在悲涼歲序遷鶴方同北渚鴻又過南天
麗句慙虛擲沈機賴強牽粗酬珍重意工拍定相懸

酬盧秘書

元稹

予自唐歸京之歲秘書郎盧拱作喜遇白贊善學
士詩二十韻兼以見貽白時酬和先出予草處未
暇皇頻有致師之挑故篇末不無憤辭其次用本
韻習然也

偶有衝天氣都無處世才未容榮路穩先踏禍機開
分久沈荆掾慙經廝栢臺理推愁易惑鄉思病難裁
夜伴吳牛喘春驚朔鴈回北人腸斷送西日眼穿墮

唐詩類苑

卷之九十九

十八

唯望魂歸去那知詔下來涸魚千丈水殢燕一聲雷
幽匣提青鏡衰顏拂故埃夢雲期紫閣厭雨別黃梅
親戚迎時到班行見處陪文工猶畏忌朝士絕嫌猜
新識蓬山傑深交翰苑材連投珠作貫獨和玉成堆
劇敵徒相軋羸師亦自媒磨礱刮骨刃翻擲委心灰
恐被神明哭憂爲造化災私調破葉箭定飲寒旗杯
金寶潛砂礫芝蘭似草萊憑君毫髮鑒莫遣翳莓苔

酬樂天見憶兼傷仲遠

元稹

死別重泉閼生離萬里賒瘴侵新病骨夢到故人家
遙淚陳根草閑收落地花庾公樓悵望巴子國生涯

河任天然曲江隨峽勢斜與君皆直簷須分老泥沙

酬樂天東南行詩一百韻

并序

元稹

元和十年三月二十五日予司馬通州二十九日
與樂天於鄆東蒲池林別各賦一絕到通州後予
又寄一篇尋而樂天貺予八首予時瘡病將死一
見外不復記憶十三年予以赦當遷簡省書籍得
是八篇吟歎方極適崔果州使至爲予致樂天去
年十二月二日書書中寄予百韻至兩韻凡二十
四章屬李景信校書自忠州訪予連牀遞飲之間

唐詩類苑

卷之九十九

十九

悲咤使酒不三兩日盡和去年已來三十二章皆
異李生視草而去四月十三日予手寫爲上下卷
仍依次重用本韻亦不知何時得見樂天因人或
寄去通之人莫可與言詩者唯妻淑在旁知狀本

表尋時於峽州面付樂天別本都在唱
和卷中此卷唯五言大律詩二首而已

我病方吟越君行已過湖元和中十年閏六月至通州

馬江去應緣直道哭不爲窮途亞竹寒驚牖空堂夜

向隅暗魂思背燭危夢怯乘桴此後每臨之內半述

物坐痛筋骸憊旁嗟物候殊雨蒸重沸浪湧怪難

肝索縷飄蚊蚋蓬麻甃舳舻短簷苦稻微俸封

漁租泥去聲浦喧撈蛤荒郊險關鯨吞近溟漲微聞

接黔巫芒屨泗牛婦丫頭蕩漿夫酢醅荷裏賣酒

水淋沽如林醋法舞態翻鸛鴒歌詞咽鷓鴣夷音啼

似笑蠻語謎相呼江郭船添店山城木堅郭吠聲沙

市犬爭食墓林烏獍俗誠堪憚妖神甚可虞欲令仁

漸及已被瘡潛圖膳減思調鼎行稀恐盡樞雜多

割鱸和黍半蒸菰綠糗新菱實金丸小木奴巴蜀被

九芋羹真暫楚風輕似蜀巴地濕如吳氣濁星羅見

鱸魚為膾楚風輕似蜀巴地濕如吳氣濁星羅見

州斜日易哺通宵但雲霧未酉即桑榆巴蜀風俗瘴

唐詩類苑 卷之九十九

十一

窟蛇休蟄炎溪暑不徂俛魂陰叫嘯鵬鵠畫踟躕鄉

里家藏蠱官曹世乏儒歛縉偷印信傳箭作符綳推

髻拋巾幘鏡刀代輓轡當心鞘銅鼓背祀射桑弧巴蜀

盡射木弓仍豈復民昨料須將鳥獸驅是非渾並漆

詞訟敢研朱陋室鴉窺伺衰形蟒覲覲鬚毛霜點合

襟淚血痕濡倍憶京華伴偏忘我爾軀此後並言與

筆事謫居今共遠榮路惜同趨科試銓衡局衙參典

校厨此後並言月中分桂樹天上識昌蒲應召逢鴻

澤陪游值賜酺心唯撞衛馨耳不亂齊牟此後並言

事海岱詞鋒截皇王筆陣殿疾奔凌騷裏高唱軌吳

飲點檢張儀舌提携傳說圖擺囊看利穎開領出

珠並取千人特皆非十上徒白麻雲色膩墨詔電光

粗衆口貪歸美何顏敢妬姝秦臺納紅旭鄴回洗

墟諫獵寧規避彈豪詎囁肺肝憎巧曲蹊徑絕繁

迂晉遣朝綱振忠饒翰苑輪元和四年為翰林學士

調方汗血蠅點忽成盧遂謫栖遑揀還飛送別孟

嗟親愛隔顛望友朋扶掖病翻隨鼠驄羸返作駒

情良徇俗時論太誣吾瓶罄罄偏耻松摧柏自枯

雖遭陷穽龍不怕泥塗江陵樂天亦遭陷穽重喜

登賢苑方日佐伍符善子從事唐州也判身入

唐詩類苑 卷之九十九

十一

戰輕敵比錙銖驛騎來千里天書下九行因赦罷飛

檄便許到皇都十年春自唐州入京舟敗罌浮漢駝疲杖

過邗郵亭一蕭索烽候各崎嶇餽餉人推輅誰何吏

執及跋家逃力役連鑠責此後並言與逋誅防戍兄兼弟收田

婦與姑縑細工女竭青紫使臣紆望國參雲樹歸家

滿地蕪破牕塵堦堦幽院鳥鳴鳴此後並言與

涼祖竹葉新筍孫枝歷舊梧晚花狂映蝶殘蒂宿菜

黃始悟摧林秀因銜避繳蘆文房長遣閉經肆未曾

鋪鷓鴣方求侶鷓鴣已嚇雛微還何鄭重斥去亦須

更迢遞投遐微蒼黃出與區通川誠有咎溢口定無

事三月癸之通川八利罷從頭匣剛腸到底剝薰藉

任盛貯穉稗莫超踰公幹經時臥鍾儀幾歲拘光陰

流似水蒸瘴熱於鑪薄命知然也深文有矣夫救焚

期骨肉投分刻肌膚本題云寄贈李十舍人果州

通州元九侍御庚子三補開杜十四拾遺二妙馳

李二十助教實七校書兼授吊席八舍人

軒陛三英詠穉穉李二十李二十

李多嘲蜩螳寶數集蜘蛛李二十李二十

有蜘蛛數子皆奇貨唯予獨朽株邯鄲笑匍匐燕蒯

受抑揄嬾學三閭憤甘齊百里愚耽眠稀醒素憑醉

少嗟吁學問徒爲爾書題盡已于別猶多夢寐情尚

唐詩類苑 卷之九十九 三

感凋枯近喜司戎健尋傷掌誥今日士

元名位屈伯道子孫無舊好飛瓊翰新詩灌玉壺幾

催閑處泣終作苦中娛廉閣聲相讓燕秦勢豈俱此

篇應絕倒休漫捋髭鬚樂天戲題篇末云此篇擬打

酬盧秘書二十韻 白居易

謬歷文場選慙非翰苑才雲霄高暫致毛羽弱先摧

識分忘軒冕知歸返草萊杜陵書積蠹豐獄劒生苔

晦厭鳴鷄雨春驚震蟄雷舊恩收墜履新律動寒灰

鳳詔容徐起鵷行許重陪衰顏雖拂拭蹇步尚低徊

睡少鐘偏警行遲漏昔催風霜趁朝去泥雪拜陵迴

上感君猶念傍慙友或推石頑鑄費力女醜嫁勞媒

倏忽青春度奔波白日頽惟將時共背病與老俱來

聞有蓬壺客知懷杞梓材世家標甲地官職滯麟臺

筆盡鉛黃點詩成錦繡堆常思豁雲霧忽喜訪塵埃

心爲論文合眉因勸善開不勝珍重意滿袖寫瓊懷

奉和沐州令孤令公二十二韻

客有東征者夷門一落帆二年方得到五日未爲淹

在浚旌重葦遊梁館更添心因好善樂貌爲禮賢謙

俗阜知敦勸民安見察廉仁風扇道路陰雨膏閭閻

唐詩類苑 卷之九十九 三

文律操將柄兵機釣得鈴碧幢油葉葉紅旆火檐檐

景象春加麗威容曉助嚴槍森赤豹尾纛吒黑龍鬚

門靜塵初歛城昏日半銜選幽開後院占勝坐前簷

平展絲頭毯高褰錦額簾雷掣柘枝鼓雪擺胡騰衫

髮滑歌釵墮粧光舞汗霑迴燈花簇簇過酒玉纖纖

饌盛盤心帶醅濃盞底粘陸珍熊掌爛海味蟹螯鹹

福履千夫祝形儀四座瞻羊公長在峴傳說莫歸嚴

眷愛人人遍風情事事兼猶嫌客不醉同賦夜厭厭

奉酬淮南牛相公恩題見寄二十四韻每對

雙關分敘兩意 白居易

白老忘機客牛公濟世賢鷗棲心戀水鵬舉翅摩天
累就優閑秩連操造化權貪司甚蕭灑榮路自喧闐
望苑三千日台階十五年是人皆棄忘何物不陶甄
籃輦遊嵩嶺油幢鎮海壖竹篙撐釣艇金甲擁樓船
雪夜尋僧舍春朝列妓筵長齋儼香火密宴簇花鈿
自覺閑勝閑遙知醉笑禪是非分未定會合杳無緣
我正思楊府君應望洛川西來風嫋嫋南去鴈連連
日落龍門外潮生瓜埠前秋同一時盡日共兩鄉圓
舊眷交歡在新文氣調全慙無白雪曲難答碧雲篇
金谷詩誰賞蕪城賦衆傳珠應晒魚目鉛未伏龍泉

唐詩類苑

卷之九十九

三

遠許驚魔物深情寄酒錢霜統一百匹王柱十三絃
楚醴來樽裏秦聲送耳邊何時紅燭下相對一陶然

和席八十二韻

韓愈

絳闕銀河曙東風右掖春官隨名共美花與思俱新
綺陌朝遊閒綾余夜直頻橫門開日月高閣切星辰
庭變寒前草天銷霽後塵溝聲通苑急柳色壓城勻
綸綽謀猷盛丹青步武親芳菲含斧藻光景暢形神
傍砌看紅藥巡池詠白蘋多情懷酒伴餘事作詩人
倚玉難藏拙吹竽久混真坐慙空自老江海未還身

答蕭建

費冠卿

自地上青峰懸崖一萬重踐危頻側足登攀半齊胸
飛狖啼攀桂遊人喘倚松入林寒瘁瘁近瀑雨濛濛
徑滑石稜上寺開山掌中幡花撲淨地臺殿印晴空
勝境層層別高僧院院逢泉魚候洗鉢老獼戲撞鐘
外戶憑雲掩中厨課水春搜泥時和麵拾橡半添種
渡壑緣槎際持燈入洞窮夾天開壁峭透石蹙波雄
澗藹清無土潭深碧有龍畝田一片淨谷樹萬株濃
野客登臨慣山房幽寂同寒爐樹根火爇隔竹梢風
邊鄙疇賢相黔梨託聖躬君能棄名利歲宴一相逢
酬韶州裴曹長史君寄道州呂八大使因以

唐詩類苑

卷之九十九

三

見示二十韻

柳宗元

韶州因以詩見及往復奇麗邈不可慕用韻尤爲
高絕余因拾其餘韻酬焉凡爲韶州所用者置不
取其聲律言數如之

金馬嘗齊入銅魚亦共頒疑山看積翠瀟水想澄灣
標榜同驚俗清明兩照姦乘輶參孔僅按節服侯珣
賈傳辭寧切虞童髮未嚴秉心方的騰口任嘖嘖
聖理高懸象愛書降罰緩德風流海外和氣滿人寰
禦魃思猶食思賢淚自潸在亡均寂寞零落間俾鯨
夙志隨憂盡殘肌滿瘡瘳月光搖淺瀨風韻碎枯管

海俗衣猶卉山夷髻不髮泥沙潛虺蟻棒莽關豺獲
循省誠知懼安排祗自憫食貧甘芥鹵被褐謝爛熳
遠物裁青罽時珍饌白鵲長捐楚客珮未暢大夫環
異政徒云仰高蹤不可攀空勞慰顛顛妍唱劇妖嫺

酬令孤郎中見寄

李商隱

望郎臨古郡佳句灑丹青應自丘遲宅仍過柳惲汀
封來江渺渺信去雨冥冥句曲聞仙訣臨川得佛經
朝吟摺客枕夜讀漱僧瓶不見銜蘆鴈空流腐草螢
土宜悲坎井天怒識雷霆象卉分疆近蛟涎浸岸腥
補羸貪紫桂負氣託青萍萬里懸離抱危於訟閣鈴

唐詩類苑

卷之九十九

李

酬劉書記一二知見寄

李山甫

見說金臺客相逢祗論詩坐來殘暑退吟許野僧知
自喜幽棲僻惟慙道義虧身閑偏好古句冷不求奇
晦迹全無累安貧自得宜同人終念我蓮社有歸期

酬劉書記見贈

李山甫

獨在西峯末隣君和多勞生同朽索急景似傾波
禪者行擔錫樵師語隔坡生赤蘚古木架青蘿
石澗新蟬蛻茅簷舊燕窠篇章蒙見許松月好相過
思苦通眞理吟清合太和

酬前駕部員外郎苗發

李端

風起送漁歌

馬融方直枕閑簡復持鈎素業高風繼青春壯思全
論文多在夜宿寺不虛年自署區中職同荒郭外田
山隣三徑絕野意八行傳袁王矜新法留符識舊仙
涵苔溪溜淺搖浪竹橋懸復洞潛棲燕疎楊半翳蟬
詠歌雖有和雲錦獨成妍應以馮唐老相譏示此篇

前寄左省張起居一百言尋蒙唱酬見譽過

實却用舊韻重答

鄭谷

減瘦經多難憂傷集晚年吟高風過樹坐久夜涼天
旅退慙隨衆孤飛怯向前釣朋義叟在藥術衲僧傳
鬢禿趨榮路腸焦鄙盜泉品徒誠有隔堆唱意何堅

唐詩類苑

卷之九十九

李

寒地殊知感秋燈耿不眠從來甘默爾自此倍怡然

蘭爲官須握蒲因學更編預愁搖落後子美笑無租

奉酬楊侍郎文因送八叔拾遺戲贈詔追南

來諸賓二首

柳宗元

貞一來時送綵牋一行歸鴈慰驚弦翰林寂寞誰爲
主鳴鳳應須早上天

一生判却歸休謂著南冠到頭治長雖解縲紲無由
得見東周

唐詩類苑卷第九十九終

唐詩類苑卷第一百

明雲間張之象玄超甫纂輯

雲間高承祚元錫甫編次

雲間王徹叔朗甫補訂

梁谿曹仁孫伯安甫校正

人部

答

同崔傳答賢弟

王維

洛陽才子姑蘇客桂苑殊非故鄉陌九江楓樹幾回青一片揚州五湖白揚州時有下江兵蘭陵鎮前吹

唐詩類苑

卷之十

一

笛聲夜火人歸富春郭秋風鶴淚石頭松周郎陸弟爲儔侶對舞前溪歌白紵曲几書留小史家草堂棋賭山陰墅衣冠若話外臺臣先數夫君席上珍更聞臺閣求三語遙想風流第一人

答高三十五留別便呈于十一

李頎

累薦賢良皆不就家近陳留訪耆舊韓康雖復在人間王霸終思隱巖竇清冷池水灌園蔬萬物滄江心淡如妻子歡同五株柳雲山老對一牀書昨日公車見三事明君賜衣遣爲吏懷章不使郡邸驚待詔初

從闕庭至散誕由來自不羈低頭授職爾何爲故園壁挂烏紗帽官舍塵生白接離寄書寂寂於陵子蓬蒿沒身胡不仕藜羹被褐環堵中歲晚將貽故人耻

欲之新鄉答崔顥茶母潛 李頎

數年作吏家屢空雖道黑頭成老翁男兒在世無產業行子出門如轉蓬吾屬交歡此何夕南家擣衣動歸客銅鑪將炙相歡飲星宿縱橫露華白寒風卷葉度淖沱飛雪布地悲我孤城日落見栖鳥馬上時聞漁者歌明朝東路把君手臘日辭君期歲首自知寂寞無去思敢望縣人致牛酒

唐詩類苑

卷之十

二

同張員外諷酬答之作

李頎

洛中高士日沈冥手自灌園方帶經王湛牀頭見周易張康傳裏好丹青鸛冠葛屨無名位博奕賦詩聊遣意清言只到衛家兒用筆能誇鍾太尉東籬二月種蘭蓀窮巷人稀鳥雀喧聞道郎官問生事肯令鬢髮老柴門

暮秋枉裴道州手札率爾遣興奉寄兼呈蘇

渙侍御

杜甫

久客多枉友朋書素書一月凡一束虛名但蒙寒暄問泛愛不救溝壑辱齒落未是無心人舌存耻作窮

途哭道州手札適復至紙長要自三過讀盈把那須
滄海珠入懷本倚崑山玉撥棄潭州百斛酒蕪沒瀟
岸千株菊使我畫立煩兒孫令我夜坐費燈燭憶子
初尉永嘉去紅顏白面花映肉軍符侯印取豈遲紫
燕綠耳行甚速聖朝尚飛戰鬪塵濟世宜引英俊人
黎元愁痛會蘇息夷狄跋扈徒逡巡授鉞築壇聞意
旨頽綱漏網期彌綸郭欽上書見大計劉毅答詔驚
群臣他日更僕語不淺明公論兵氣益振傾壺蕭管
黑白髮僂劍霜雪吹青春宴筵曾語蘇李子後來傑
出雲孫比茅齋定王城郭門藥物楚老漁商市市北
唐詩類苑 卷之一百 三

自東都還濠州奉訓王入諫議見贈

獨孤及

關西仕時俱稚容彪彪之鬢始相逢天地變化縣城
改天寶中安祿山亂時獨有故人文態
在不言會合跡未并猶似歲寒心相待洛陽居守寄

鄼侯君著貂冠參運籌高閣連雲騎省夜新文會友
涼風秋青袍白面昔攜手冉冉府趨君記否雲分雨
散十五年始得一笑罇酒前未遑少畱驟遠別况值
旅鴈鳴秋天二華舊遊如夢想他時再又何由緣賴
君贈我郢中曲別後相思被管絃

酬權器

皇甫冉

南望江南滿山雪此情惆悵將誰說徒隨群吏不曾
閒顧與諸生爲久別聞君靜坐轉耽書種樹葺茅遠
舊居終日白雲應自足明年芳草又何如人生有懷
若不展出入公門猶未免迴舟朝夕待春風先報華

唐詩類苑

卷之一百

四

陽洞深淺

答子蒙

元稹

報盧君門外雪紛紛紛紛門外雪城中鼓聲絕強梁
御史人觀步安得夜開沽酒戶

席上答微之

白居易

我住浙江西君去浙江東勿言一水隔便與千里同
富貴無人勸君酒今宵爲我盡杯中

酬盧全訪

僧含曦

長壽寺石壁院盧公一首詩渴飲卽不渴饑食卽不
知貴不知價留向

八間光照夜

至南陵答皇甫岳

王昌齡

與君同病復漂淪昨夜宣城別故人
明主恩波非歲久長江還共五谿濱

酬陳樵見寄

林寬

失意閑眠起更遲又將羈薄謝深知
囊書旋入酒家盡紗帽長依僧壁垂
待月句新遭鬼哭尋山貌古被猿窺
光和才子多如此除却清吟何所爲

答山中俗人

李白

問余何事棲碧山笑而不答心自閑
桃花流水杳然

唐詩類苑

卷之一百

五

去別有天地非人間

答湖州迦葉司馬問白是何人

李白

青蓮居士謫仙人酒肆藏名三十春
湖州司馬何須問金粟如來是後身

答嚴大夫

賈至

今夕秦天一鴈來梧桐墜葉擣衣催
思君獨步華庭月舊館秋陰生綠苔

答楊梓州

杜甫

悶到房公池水頭坐逢楊子鎮東州
却向青谿不相

見回船應載阿戎遊

答中丞嚴公雨中垂寄見憶一絕奉答二絕

杜甫

雨映行宮辱贈詩元戎肯赴野人期
江邊老病雖無力強擬晴天理釣絲

昨日雨晴雲出溪白沙青石洗無泥
只須伐竹開荒徑挂杖穿花聽馬嘶

李張皇甫閻權等數公並有送別之作見寄

因答

獨孤友

洞庭正波蘋葉衰豈是秦吳遠別時
謝君篋中綺端

唐詩類苑

卷之一百

六

贈何以報之長相思

皇甫冉

懿孫余之舊好祗役武昌以六言詩見懷余以七
言裁答益拙於事者繁而費

悵望南徐登北固迢遙西塞恨東關
落日臨川問音信寒潮唯帶夕陽還

酬李穆見寄

劉長卿

孤舟相訪至天涯萬轉雲山路更賒
欲掃柴門迎遠客青苔黃葉滿貧家

酬二十八秀才見寄

郎士元

昨夜山月好故人果相思清光到枕上嫋嫋涼風時
永意能在我憶無攜手期

答端

常應物

坐憶故園人已老寧知遠郡鴈還來長瞻西北是歸
路獨上城樓日幾迴

酬柳郎中春日歸楊州南郭見別之作

常應物

廣陵三月花正開花裏逢君醉一迴南北相過殊不
遠暮潮從去早潮來

答秦十四校書

韋應物

唐詩類苑

卷之一百

七

知掩扉三十秋魚須翠碧棄牀頭莫追謝公方在
郡五言今日爲君休

和工部楊尚書重送絕句 姚鵠

桂枝攀得獻庭闈何以空懷楚橘歸好控扶搖早迴
首人人思看大鵬飛

酬秦系山人見寄

僧皎然

左右香童不識君擔簦訪我領鷗羣山僧待客無俗
物惟有窓前片碧雲

酬顧况見寄

包佶

於越城邊楓葉落楚人書裏寄離騷寒江鴻鴈思儔

侶歲歲臨流刷羽毛

答劉長卿員外七里瀨重送

嚴維

新安非欲枉帆過海內如君有幾何醉裏別時秋
色老人南望一狂歌

酬姚合

賈島

黍穗豆苗侵古道晴原午後早秋時故人相憶僧來
說楊柳無風蟬滿枝

答劉明府

張籍

唐詩類苑

卷之一百

八

府猶解頻頻寄遠書

答劉競

張籍

劉君久被時拋擲老向城中作選人昨日街西相近
住每來存問老夫身

謝書

李商隱

微意何曾有一毫空攜筆硯奉龍韜自蒙半夜傳衣
後不羨王祥得佩刀

酬知退

元稹

終須修到無修處聞盡聲聞始不聞莫著妄心銷彼
我我心無我亦無君

酬樂天醉別

一元 稹

前回一去五年別，此別又知何日回。
好住樂天休悵望，匹如元不到京來。

代郡齋神答樂天

元 稹

虛白堂神傳好語，二年長伴獨吟時。
夜憐星月多離燭，日澁波濤一下帷。
爲報何人償酒債，引看牆上使君詩。

酬樂天書後三韻

元 稹

今日廬峰霞遶寺，昔時鸞殿鳳迴書。
兩封相去八年後，一種俱云五月初。
漸覺此生都是夢，不能將淚滴

唐詩類苑

卷之二百

九

雙魚

酬孝甫見贈十首

各酬本意 次用舊韻

元 稹

宋玉秋來續楚詞，陰鏗官漫足閑詩。
親情書札相安慰，多道蕭何作判司。

杜甫人材頗絕倫，每尋詩卷似情親。
憐渠直道當時語，不著心源傍古人。

十歲荒狂任傳徒，接莎五木擲臬盧。
野詩良輔偏憐假，長借金鞍迓酒胡。

曾經綽立侍丹墀，綻藥宮花拂面枝。
雉尾扇開朝日出，柘黃衫對碧霄垂。

一自低心翰墨場，箭筈拋盡負書囊。
近來兼愛休澆藥，栢葉紗羅雜豆黃。

莫笑風塵滿病顏，此生元在有無間。
卷舒蓮葉終難濕，去住雲心一種閑。

無事拋基侵虎口，幾時開眼復聯行。
終須殺盡緣邊敵，四面通同掩太荒。

原憲甘貧每自開，子春傷足少人哀。
巷南唯有陳居士，時學文殊一問來。

每識閑人如未識，與君相識便相憐。
經旬不解來過宿，忍見空牀夜夜眠。

唐詩類苑 卷之二百 十

開折新詩展大瑤，明珠炫轉玉音浮。
酬君十首三更坐，減却常時半夜愁。

酬楊八

白居易

君以曠懷宜靜境，我因蹇步稱閑官。
閑門足病非高士，勞作雲心鶴眼看。

酬嚴給事

白居易

瀛女偷來鳳去時，洞中潛歇弄瓊枝。
不緣啼鳥春饒舌，青鎖仙郎可得知。

又戲答絕句來詩云：不是道公狂，不得恨公逢我不教狂。

白居易

往夫與我世相忘故態些些亦不妨縱酒放歌聊自
樂接與爭解教人狂

酬王十八見寄

白居易

愁思太白峰頭雪晴憶仙遊洞口雲未報皇恩歸未
得慙君爲寄北山文

酬王十八李大師招遊山

白居易

自憐幽會心期阻復愧嘉招書信頻王事牽身去不
得滿山松雪屬他人

重酬周判官

白居易

秋愛吟詩春愛醉詩家眷屬酒家仙若教早被浮名
唐詩類苑 卷之二 十二

繫可得閑遊二十年

答崔十八

白居易

勞將白叟比黃公今古由來事不同我有商山君未
見清泉白石在曾中

答蘇六

白居易

但喜暑隨三伏去不知秋送二毛來更無別計相寬
慰故遣陽關勸一杯

酬曹侍御過象縣見寄

柳宗元

破額山前碧玉流騷人遙駐木蘭舟春風無恨瀟湘
憶欲採蘋花不自

奉酬楊侍郎文因送入叔拾遺戲贈詔追南

來諸賓

柳宗元

貞一來時送綵牋一行歸鴈慰驚弦翰林寂寞誰爲
主鳴鳳應須早上天

酬孫綬

方干

錦價轉高花更巧能將舊子弄新梭從來一字無褒
貶二十八言猶太多

鎮州路上謹酬裴司空相公重見寄

韓愈

衙命山東撫亂師日馳三百自嫌遲風霜滿面無人
唐詩類苑 卷之二 十三

識何處如今更有詩

秋山答盧鄴

僧良義

風泉只向夢中聞身外無餘可寄君當戶一輪唯曉
月挂簷數片是秋雲

答柳子厚

劉夢得

弱冠同懷長者憂臨岐迴想盡悠悠耦耕若便遺身
世黃髮相看萬事休

酬答二首

李賀

金魚公子夾衫長密裝腰輕割玉方行處春風隨馬
尾柳花偏打內家香

雍州二月梅池春御水鵲鵲暖白蘋試問酒旗歌板地今朝誰是拘花人

已嶺答杜二見憶

嚴武

卧向巴山落月時兩鄉千里夢相思可但步兵偏愛酒也知光祿最能詩江頭赤葉楓愁客籬外黃花菊對誰歧馬望君非一度冷鴉秋鴈不勝悲

酬張二倉曹楊子所居見寄兼呈韓郎中

皇甫冉

孤雲獨鶴自悠悠別後經年尚泊舟漁父置詞相借問郎官能賦許依投折芳遠寄三春草乘興來看萬

唐詩類苑

卷之一百

七

里流莫恠杜門頻乞假不堪扶病拜龍樓

酬屈突陝

劉長卿

落葉紛紛滿四隣蕭條環堵絕風塵鄉看秋草歸無路一作歸家對寒江病且貧藜杖懶迎征騎客菊花能醉去官人憐君計畫誰知者但見蓬蒿空沒身

酬常邵縣見贈

獨孤及

愛君修政若修身鰥寡來歸乳雉馴堂上五絃銷暇日邑中千室有陽春謂乘鳬鳥朝天子却媿猪肝累上人辭後讀君懷作縣定知三

字猶新

答李滁州見寄

獨孤及

相逢遽歎別難牽三見江皋蕙草鮮白髮俱生歡未再滄洲獨往意何堅愁看郡內花將歇忍過山中秋屢圓終日望君休汝騎鵄無堪報起予篇

答皇甫十六侍御北歸留別作

獨孤及

正當楚客傷春地豈是騷人道別時俱徇空名嗟欲老况將行役料前期勞生多故應同病羸馬單車莫自悲明日相望隔雲水解顏唯有袖中詩

洛中謝福建陳判官見贈

劉禹錫

潦倒聲名擁腫材一生多故若追回南宮舊籍遙相

唐詩類苑

卷之一百

十四

管東洛關門晝未開靜對道流論藥石仙逢詞客與瓊瑰恠君近日文鋒利新向延平看劍來

衢州徐員外使君遺以編紵兼竹紙箱因賦

一篇用答佳貺

按此郡本自婺州折置徐州自台州遷

劉禹錫

爛柯山下舊仙郎列宿來添婺女光遠放歌聲分白紵知傳家學與青箱水朝滄海何時去蘭在幽林亦自芳聞說天台有遺愛人將琪樹比甘棠

昭應李郎中見貽作次韻奉酬

王建

窓戶風京四面開陶公愛晚上高臺中庭不熱青山
入野水初晴白鳥來精思道心緣境熱麤疎文字身
詩迴諸生圖遶新篇讀王關仙官少此才

酬錢汝州

并序

許渾

汝州錢中丞以渾赴郢幾見寄佳什恩憐過等寵
飾逾深雖吟詠忘疲實楷棋不及輒率荒淺依韻
獻酬

白雪多隨漢水流謾勞旌旆晚悠悠笙歌暗寫終年
恨臺榭潛消盡日憂鳥散落花人自醉馬嘶芳草客
先愁怪來雅韻清無敵三十六峰當庾樓

唐詩類苑

卷之一百

十五

酬郭少府先奉使巡勞見寄兼呈裴明府

許渾

載書攜榼別池龍十幅輕帆處處通謝眺宅荒山翠
裏王敦城古月明中江村夜漲浮天水澤國秋生動
地風飽食鱸魚榜歸檝待君琴酒醉陶公

酬綿州于中丞使君見寄

許渾

故人書信越褒斜新意雖多舊約賒皆就一麾先去
國共謀三逕未還家荆巫夜隔巴西月鄢郢春連漢
上花半月離居猶悵望可堪垂白各天涯

酬和杜侍御

并序

許渾

河中杜侍御祗命本府自鍾陵舟低漢上道出茲
郡以其專使迎接先蒙雅什見貽竊慕清才輒酬
和

花時曾省杜陵游聞下書帷不舉頭因過石城先訪
戴欲朝金闕暫依劉征帆夜轉鷓鴣穴一作鷓鴣驛騎春
辭鶴雀樓正把新詩望南浦棹歌應是木蘭舟

酬副使鄭端公見寄

許渾

一日高名遍九州玄珠仍向道中求郢中白雪慙新
唱塗上青山憶舊游端公頃在當塗縣青山別墅笙
諫業余嘗守邑因休見知也笙
聲有文終易別珠璣無價竟難酬柳營迢遞風江濶

唐詩類苑

卷之一百

十六

夜夜孤吟月下樓

酬包郎中覽卷後見寄

盧綸

令伯支離晚讀書豈知詞賦稱相如在蓬花水無新
思拙珂谿潭損舊居禁路看山歌自緩雪司玩月漏
應疎沈憂敢望金門召空媿巴餽並子虛

和盧明府送鄭十三還京兼寄之什

孟浩然

昔時風景登臨地今日衣冠送別筵醉坐自傾彭澤
酒思歸長望白雲天洞庭一葉驚秋早蘆落空嗟滯
江島寄語朝廷當世人何時重見長安道

答劉書記見贈

李山甫

吟近秋光思不窮，
酷探騷雅愧無功。
茫然心苦千篇拙，
瞋坐神凝萬象空。
月上開襟當北戶，
竹邊回首揖西風。
知音頻有新詩贈，
白雪紛紛落郢中。

酬耿少府見寄

戴叔倫

方丈蕭蕭落葉中，
暮天深巷起悲風。
流年不盡人自老，
外事無端心已空。
家近小山常海畔，
身留環衛陰牆東。
遙聞相訪頻逢雪，
一醉寒宵誰與同。

和友人次韻

魚玄機

何事能銷旅館愁，
紅牋開處見銀鈎。
蓬山雨灑千峰小，
嶰谷風吹萬葉秋。
字字朝看輕碧玉，
篇篇夜誦在

唐詩類苑

卷之一百

七

衾稠欲將香匣收藏却，
且惜時吟在手頭。

奉和翁文堯戲寄

黃滔

握蘭宮裏數名郎，
好是乘輅出帝鄉。
兩度還家還未
有別論光彩向冠裳。

和人

魚玄機

茫茫九陌無知己，
暮去朝來典繡衣。
寶匣暗昏蠟鬢亂，
博山爐暖麝煙微。
多情公子春留句，
少思文君畫掩扉。
莫惜羊車頻列載，
柳絲梅綻正芳菲。

和人次韻

魚玄機

吟喧朱紫襍人寰，
獨自清吟月色閒。
何事玉郎搜藻思，
忽將瓊韻和柴關。
白花發詠慙稱僻，
巷深居謬學顏。
不用多情欲相見，
松蘿高處是前山。

西川獨孤侍御見寄七言四韻一首爲郡翰墨都捐逮此訓答誠爲拙速

牟士諤

百雉層城上將壇，
列營西照雪峰寒。
文章立事須銘鼎，
談笑論功耻據鞍。
草檄清油推健筆，
曳裾黃閣聳危冠。
雙金未比三千字，
負弩空慙知者難。

道州敬訓何處士書情見贈

唐詩類苑

卷之一百

十八

呂溫

意氣曾傾四國豪，
偶來幽寺息塵勞。
嚴陵釣處江初滿，
梁甫吟時月正高。
新識幾人知杞梓，
故園何處長蓬蒿。
期君自致青雲上，
不用傷心歎二毛。

奉酬李員外嘉祐蘇臺屏居春首有懷

僧皎然

昔歲爲邦初未識，
今朝休沐始相親。
移家水巷食依靜，
種柳風窓欲占春。
詩思先邀烏府客，
山情閑訪白樓人。
登臨許作煙霞伴，
高作方袍間幅巾。

酬崔峒見寄

司空曙

越陪禁掖鴈行隨遷放江潭鶴髮垂素浪遙疑太
水青楓忽似萬年枝嵩南春遍愁魂夢壺口雲深隔
路岐共望漢朝多沛澤蒼蠅早晚得先知

酬李端校書見贈

司空曙

綠槐垂穗乳鳥飛忽憶山中獨未歸青鏡流年看髮
變白雲芳草與心違乍逢酒客春遊慣久別林僧夜
坐稀昨日聞君到城闕莫將簪弁勝荷衣

暮春宜陽郡齋愁坐忽聞枉劉七侍御新詩
因以酬答

李嘉祐

子規夜夜啼櫛葉遠道逢春半是愁芳草伴人還易
唐詩類苑 卷之一百 十九

老落花隨水亦東流山臨睥睨恒多雨地接瀟湘畏
及秋唯羨君為周柱史手持黃紙到滄洲

酬哥舒大少府寄同年科第

元稹

前年科第偏年少未解知羞最愛狂九陌愛馳好鞍
馬八人同看綵衣裳同年科第宏詞出二吳王十一
十一復禮呂四頭哥舒大頭崔十
八玄亮逮不肖八人皆奉榮榮自言行樂朝朝是
豈料浮生漸漸忙賴得官閑且疎散到君花下惜韶
郎

酬樂天見寄

元稹

三千里外巴蛇穴四十年來司馬官瘴色滿身治不
盡瘡痕刮骨洗應難常甘人向衰容薄獨訝君將
眼看前日詩中高蓋字至今唇舌遍長安

餘杭周從事以十章見寄詞調清婉難以遍

酬聊和詩首篇以答來貺

元稹

擾擾紛紛旦暮間經營閑事不曾閑多緣老病推辭
酒少有功夫久羨山清夜笙歌喧四郭黃昏鐘漏下
重關何由得似周從事醉入人家醒始還

酬樂天喜鄰郡此後並越州酬和
並各次用本韻

唐詩類苑

卷之一百

二十

元稹

蹇驢瘦馬塵中伴紫綬朱衣夢裏身符竹偶因成對
岸文章虛被配為鄰湖鰲白浪常看雪火照紅粧不
待春老大那能更爭競任君投募醉鄉人

再酬復言和前篇

元稹

紅過二郡逢賢牧聚集諸郎宴老身清夜漫勞紅燭
會白頭非是翠娥鄰曾攜酒伴無端宿自入朝行便
別春潦倒微之從不占未知公議道何人

重酬樂天

元稹

紅塵擾擾日西徂我與雲心兩共孤暫出已還千

據故交求見一人無百篇書判從饒白入京詩云未
伏盧最笑近來黃叔度自投名刺占陂湖

再酬復言

元稹

繞郭笙歌夜景徂稽山迥帶月輪孤休文欲詠心應
破道子雖來畫得無額我小才同培塿知君險闕敵
都盧不然豈有姑蘇郡擬著陂塘比鏡湖

李十一舍人松園飲小酌酒得元八侍御詩

序云在臺中推院有鞠獄之苦事書懷

因酬四韻

白居易

愛酒舍人開小酌能文御史寄新詩亂松園裏醉相
唐詩類苑 卷之一百 三

憶古栢廳前忙不知早夏我當消暑日耽衙君是慮

因時唯應清夜無公事新草亭中好一期

寄答周惲律

白居易

故人叙舊寄新篇惆悵江南到眼前暗想樓臺萬餘
里不聞歌吹一週年橋頭誰更看新月池畔猶應泊
舊船醉憶後亭杯酒散紅屏風掩綠窓眠

宣武令狐相公以詩寄贈傳播吳中聊用短

章用伸酬謝

白居易

新詩傳詠忽紛紛楚老吳娃耳徧聞盡解爲好才
子不知官是上將軍詞人命薄多無位野老功高少

有文謝眺篇章韓信鉞一生雙得不如君

答劉和州禹錫

白居易

換印雖頻命未通歷陽湖上又秋風不教才展休明
代爲罰詩爭造化功我亦思歸田舍下君應厭臥郡
齋中好將收拾爲閑伴年齒官班約略同

重答劉和州

白居易

分無佳麗敵西施敢有文章替左司隨分空歌聊自
樂等閑篇詠被人知花邊妓引尋香徑月下僧留宿
劔池可惜當時好風景吳王應不解吟詩

同夢得和思黯見贈來詩中先叙三人同譙

唐詩類苑

卷之一百

三

之歡次有歎鬢髮漸衰嫌孫子催老之意

因繼妍唱

白居易

醉伴騰騰白與劉何朝何夕不同遊留連燈下明猶
飲斷送樽前倒卽休催老莫嫌孫稚長加年須喜鬢
毛秋教他伯道爭存活無子無孫亦白頭

繼之尚書自余病來寄遺非一又蒙覽醉吟

先生傳題詩以美之今以此篇用伸酬謝

白居易

衰殘與世日相疎惠好唯君分有餘茶藥贈多因病
久衣裳寄早乃寒初交情鄭重金相似詩韻清鏘玉

不如醉傳狂言人盡笑獨知我者是尚書

答仙侶

白居易

領下髭鬚半是絲光陰向後幾多時非無解掛簪
意未有支持伏臘資冒熱衝寒徒自取隨行逐隊欲
何爲更慙山侶頻傳語五十歸來道未遲

酬哥舒大夫見贈

白居易

去歲歡遊何處去曲江西岸杏園東花下忘歸因美
景樽前勸酒是春風各從微宦風塵裏共度流年離
別中今日相逢愁又喜八才分散兩人同

答馬侍御見贈

白居易

唐詩類苑

卷之一百

三

謬入金門侍玉除煩君問我意何如蟠才詎堪明主
用籠禽徒與故人疎苑花似雪同隨輦宮月如眉伴
直廬淺薄求賢思自代嵇康莫寄絕交書

答元八郎中楊十二博士

白居易

身學浮雲無所著心同止水有何情但知瀟灑疎朝
市不要崎嶇隱姓名盡日觀魚臨澗坐有時隨鹿上
山行誰能拋得人間事來共騰騰過此生

答崔賓客晦叔十二月四日見寄

白居易

歲日餘二十六來歲年登六十二尚不能憂眼下

身因何更算人間事居士忘筌默坐先生枕麴昏
昏睡早晚相從歸醉鄉醉鄉此去無多地

酬微之

白居易

滿表填箱唱和詩少年爲戲老成悲聲聲麗曲敲寒
玉句句妍辭綴色絲吟詠獨當明月夜傷嗟同是白
頭時由來才命相磨折天遣無兒欲怨誰

酬皇甫庶子見寄

白居易

掌綸不稱君應笑典郡無能我自知別詔忽驚新命
出同寮偶與夙心期春坊瀟灑優閑地秋齋滄浪老
大時獨占二疎應未可龍樓見擬覓分司

唐詩類苑

卷之一百

三

答崔十八見寄

白居易

明朝欲見琴樽伴洗拭金杯拂玉徽君乞曹州刺史
替我拋刑部侍郎歸倚瘡老馬收蹄立避箭高鴻盡
翅飛豈料洛陽風月夜故人垂老得相依

答皇甫賓客

白居易

玄晏家風黃綺身深居高卧養精神性慵無病常稱
病心足雖貧不道貧竹院君閑銷永日花亭我醉送
殘春自嫌詩酒猶多興若比先生是俗人

酬舒三員外見贈長句

白居易

自請假來多少日五旬光景似須臾已判到老爲狂

不分當春作病夫楊柳花飄新白雪櫻桃子綴小紅珠頭風不敢多多飲能酌三分相勸無

酬李二十侍郎

白居易

筍老蘭長花漸稀衰翁相對惜芳菲殘鶯著雨慵休轉落絮無風疑不飛行撥木芽供野食坐牽蘿蔓掛朝衣十年分手今同醉醉末如泥莫道歸

奉和晉公侍中蒙除留守行及洛師感悅發

中斐然成詠

白居易

鸞鳳翱翔在寥廓貂蟬瀟灑出埃塵致成堯舜升平代收得夔龍強健身拋擲功名還史冊分張歡樂與

唐詩類苑

卷之二十

三

交親商山老皓雖休去終是留侯門下人

酬張籍王建

賈島

疎林荒宅古坡

一作

前久住還因太守憐漸老更思

深處隱多閑數得上方眠鼠拋貧屋收田口鴈度寒

江擬雪天身是龍鍾應是分水曹芸閣枉來篇

答

羅隱

崑崙水色九般流飲卽神仙慙卽休敢恨守株曾失

意始知緣木更難求鵠原謾欲均餘力鶴髮那堪問

舊遊遙望北辰當上國羨君歸棹五諸侯

秋日酬張特玄

羅隱

病寄南徐兩度秋故人依約亦楊州偶因鴈足思閑事擬棹孤舟訪舊遊風急幾聞江上笛月高誰共酒家樓平生意氣消磨盡甘露軒前看水流

縣齋秋晚酬友人朱璣見寄

羅隱

中和節後捧瓊環坐讀行吟數月來只嘆雕龍方擅價不知賴尾竟空迴千枝白露陶潛柳百尺黃金郭隗臺惆悵報君無玉案水天東望一徘徊

酬章處士見寄

羅隱

中原甲馬未曾安今日逢君萬事端亂後幾迴鄉夢

唐詩類苑

卷之二十

三

隔別來何處路行難霜鱗共落三門浪三賢同歸七里灘何必新詩更相戲小樓吟罷暮天寒

魏博羅令公附卷有回

羅隱

寒門雖得在諸宗棲北巢南恨不同馬上回慚銷髀肉幄中由羨愈頭風蹉跎歲月心仍切迢遞江山夢未通深荷吾人有知己好將刀筆爲英雄

寄酬鄴王羅令公五首

羅隱

營室東迴廕斥丘少年承襲擁青油坐調金鼎尊明主橫把調戈傲列侯書札二王爭巧拙篇章七子避

風流西園舊跡今應在衰老無由奉勝游

脈散源分歷幾朝縱然官宦只卑僚正憂末派倫滄
海忽見高枝拂絳霄十萬貔貅趨玉帳三千賓客珥
金貂良時難得吾宗少應念衰門更寂寥

敢將衰弱附強宗細算還緣血脉同湘浦煙波無舊
跡鄴都蘭菊有遺風每憐惟亂書猶達所恨雲泥路
不通珍重珠璣兼繡段草玄堂下寄楊雄

水雲開霽立高亭依約黎陽對福星只見篇章矜鏤
管不知勲業柱青真早緣入夢金方礪晚爲傳家鼎
始銘鶴髮四垂煙閣遠此生何處拜儀形

錦笈瓊箱連紫鸞街到浙江邊綃從海室奪煙

唐詩類苑

卷之一百

壬七

霧樂奏帝宮勝管絃長笑非顯達每嫌伊霍少

詩篇戴謬老圃根基薄虛費功夫八十年

廣陵秋日酬進士臧漬見寄

羅隱

驛西斜日滿窓蟬獨凭秋欄思渺然數尺斷蓬暫故
國一輪清鏡泣流年已知世事真徒爾縱有心期亦
偶焉空媿荀家好兄弟鴈來魚去是因緣

秋日有酬

羅隱

舊業傳家有佩刀近聞揮力更揮毫腰間印綬黃樞
貴卷裏文章白雪高宴罷佳賓吟鳳藻獵歸請將問

龍顏登壇甲子纔三十猶擬迴頭賭錦袍

奉酬振武胡十二丈大夫韓愈

傾朝共羨寵光頻半歲遷騰作虎臣戎旆暫停社
樹里門先下敬鄉人橫飛玉盞家山曉遠蹀金珂寒
草春自笑平生誇膽氣不離文字鬢毛新

答張十一功曹

韓愈

山淨江空水見沙哀猿啼處兩三家貧營競長纖纖
笋踞踞閑開豔豔花未報恩波知死所莫令炎瘴送
生涯吟君詩罷看雙鬢陡覺霜毛一半加

奉酬忠武李相公見寄

李逢吉

唐詩類苑

卷之一百

壬八

直繼先朝衛與英能移孝友作忠貞劍門失險曾傳
虎淮水安流緣斬鮮黃閣碧幢惟是儉三公二伯未
爲榮惠連忽贈池塘句又遺羸師破膽驚

酬致政楊祭酒見寄

李逢吉

初還相印罷戎旄獲守皇居在紫煙妄比鄼侯功茂
爾每懷疎傳意悠然應將半俸霑閭里料入中條訪
洞天十載別離那可道倍令驚喜見來篇

酬將作于少監

方干

由來至寶出毫端五色炎光照室寒仰望孤峰知聳
峻前臨積水見波瀾水絲織絡經心久瑞玉雕磨指

手難不是散齋無拭目尋常未便借人看

酬李袁州嘉祐

竇叔向

少年輕會復輕離老大關心總是悲強說前程聊自慰未知攜手定何時公才屈指登黃閣匪服胡顏上赤墀想到長安誦佳句滿朝誰不念瓊枝

酬范中丞見惠

費冠卿

花宮柳陌正從行紫袂金鞍問姓名戰國方須禮干木康時何必重侯嬴捧將束帛山僮喜傳示銀鈎邑客驚直爲雲泥相去遠一言知己殺身輕

酬盧員外

楊巨源

唐詩類苑

卷之一百

三九

謝傳旌旗控上游盧郎罇俎借前籌舜城風土臨清廟魏國山川在樓雲寺當時接高步水亭今日又同遊滿筵舊有笙歌在獨有羊曇最淚流

酬裴舍人見寄

楊巨源

誰道重僊是舊班自將霄漢比鄉關二妃樓下宜臨水五老祠西好看山再葺吾廬心已足每來公府路常閑詩陪亞相逾三紀煙霞不共攀

酬崔博士

楊巨源

自知頑叟更何能唯學雕蟲謬見稱長被有情邀唱和近來無力更祗承青松樹杪三千鶴白玉壺中一

片冰今日爲君書壁右孤城莫怕世人憎

分司東都歸洛和樂天

崔元亮

病餘歸到洛陽頭拭目開眉見白侯鳳詔恐君今歲去龍門欠我舊時遊幾人樽下猶歌詠數盞燈前共獻酬相對憶劉劉在遠寒霄耿耿夢長洲

右省補闕張茂樞同在諫垣隣居光德迭和

篇什未嘗間時忽見貽謂谷將來履歷必在文昌當與何水部宋考功爲儔谷雖賦于風雅實用兢惶因抒酬寄

鄭谷

唐詩類苑

卷之一百

三九

何宋清名動粉闥不才今日偶陳詩考功豈敢聞題品水部猶須繫繫維積雪巷深酬唱夜落花牆隔笑言時紫垣名士推揚切爲話心孤倍感知

節度宣武酬樂天夢得

令狐楚

蓬萊仙監客曹郎曾枉高車客大梁見擁旌旂治軍旅知親筆硯事文章愁看柳色懸離恨憶遞花枝助酒狂洛下相逢肯相寄南金雖錯玉淒涼

酬張祐處士見寄長句四韻

杜牧

七子論詩誰似公曹劉須在指揮中薦衡昔日知文



舉令狐相公曹乞火無人作蒯通北極樓臺長掛夢

西江波浪遠吞空可憐故國三千里虛唱歌辭滿六

宮處士詩曰故國三千里深宮二
十年一聲河滿子雙淚向君前

酬許十三秀才兼依來韻 杜牧

多為裁詩步竹軒有詩凝思過朝昏篇成敢道懷金

璞吟苦唯應似猿猴迷興每慙花月夕寄愁長在別

離冤煩君把卷侵寒燭麗句時傳畫戟門

餘思未盡加為六韻重寄微之

白居易

海內聲華併在身篋中文字絕無倫遙知獨對封章

唐詩類苑

卷之一百

三

草忽憶同為獻納臣走筆往來盈卷軸除官遽及掌

絲綸制從長慶辭高古詩到元和體變新各有文姬

才稚齒俱無通子繼餘塵琴書何必求王粲與女猶

勝與外人

酬蕭員外見寄

朱慶餘

麥風吹雨正徘徊忽報書從郡閣來道薄謬應宗伯

選詩成徒費謝公才九霄示路空知感十上驚魂尚

未回勝寄幸容谿館宿龍鍾慙見妓筵開儻期霧後

陪新興一滴還須當一杯

唐詩類苑卷第一百終